





Handwritten text at the top of the page, likely a title or header, written in a cursive script. The text is partially obscured by the binding edge on the left.



pag 65/74/76/77/78/82/83/84/89/813/826/

IN

EPISTOLAM

D. PAVLI APOSTOLI

AD TITVM COMMENTA-

RIVS, CVM ALIQVOT DIGRES-

sionibus, seu totidem locis communibus, bona
ex parte ad hodiernas in Religione controuer-

Collectore CLAVDIO ESPENCÆO

Parisiensi Theologo.

Digressionum præcipuarum index proximè
sequitur argumentum Epistolæ.

Accessit & index alter rerum in toto commentario
memorabilium.




PARISIIS,

Apud Nicolaum Chesneau, via Iacobæa, sub
scuto Frobeniano, & Quercu viridi.

1568.

CVM PRIVILEGIO REGIS.




*Expurgata ex cæsurâ
Hispan.*

PRIVILEGII SENTENTIA.

CAVTVM est autoritate Caroli, IX. Francorum Regis Christianissimi, ne quisquā alius, ante nouennium ab impressione singulorum librorum, Opera vlla Claudij Espencei, Theologi Parisiensis, excudat, néve vendat, præter eum Typographum, cui excudenda autor ipse dederit. Qui secus fecerit, libris, & pœna in sanctione æstimata multabitur. Privilegium Parisiis irrogatum, V. Nouembris, Anno M. D. L X V I.

Per Regem, ad relationem D. Cancellarij.

C A M V S.





IN EPISTOLAM D. PAV-
LI APOSTOLI AD TITVM,
Collectore Claud. Espenc. Pa-
risiensi Theologo,

ARGVMENTVM.

P R I M V M quidem ex Hie- Apostolicas
ronymo discendum, non de- Epistolas vs
fuisse olim iam, qui Apostolo- heretici tra-
rum epistolas, non Apostolo- ctantur.
rum Christi fecerunt esse, sed
proprias: verum adeò fide in-
dignos, ut mirum sit, quo sibi
modo Christianorum nomen auderè vindicare: Mar-
tionem loquor & Basilidem, qui & de ceteris episto-
lis nihil non suo dogmati contrarium eraserunt, &
nonnullas integras repudiauere, ad Timotheum
vtramq; & quam nunc conamur exponere, ad Titum.
Nec vlla quidem causa reddita, cur eas Pauli esse non
putauerint, sed haeretica scilicet autoritate pronuncia-
tes, Illa eius est, hac non est, sed eadem autoritate pro
veritate refellendi, qua nò erubescunt falsa simulare.
Et meritò miratur Tertullianus ad finem librorum
aduersus horum priorem, cum hic, literas ad vnum ho-

ARGVMENTVM IN EPISTOLAM

minem. 1. Philemonem factas receperit, quid has de statu Ecclesiastico compositas recusarit, affectasse scilicet etiam epistolarum numerum interpolare, Quin hanc eorum eisque hac in parte consentientium assertionem paruipendens Tatianus Eucratica, aliquot licet alias repudiet, hanc vel maximè Apostoli esse pronunciat. Scribit ergo Apostolus ad Titum discipulum suum in Christo filium, Creta ad Ecclesias instruendas relictū, è Nicopoli in Actiaco litore sita, & precipit ut eò ad ipsum venturus, è duobus in Cretam appulsis, alterū, vel Arteman vel Tychicum ibidem relinquat. Et Titi quidem cum aliis & apud alios commemorat, tum in posteriore ad Corinthios multis eum ornavit laudibus, ca. 2. Non habui, ait, requiē spiritui meo, quod non inuenerim Titum Fratrem meū. 7. sed qui consolatur humiles, consolatus est nos Deus in aduentu Titi: Consolati quidem sumus, in consolatione autem nostra abundantius gaudi super gaudia Titi, quia re ectus est spiritus eius ab omnibus vobis, & si quid apud eum de vobis gloriatus sum, non sum confusus, sed sicut omnia vobis in veritate locuti sumus, sic gloriatio, qua fuit ad Titum, nostra, veritas facta est. 8. Sic ut rogaremus Titum, ut quo cœpit modo, ita perficiat gratiam quoque in vobis, istam. Et gratias ago Deo, qui dedit eandem pro vobis sollicitudinem in corde Titi: quoniam exhortationem quidem suscepit, sed cum sollicitior esset, sua voluntate profectus est ad vos. Et, pro Tito, qui est socius meus, & in vobis adiutor, & 12. Rogavi Titum, Num Titus vos circumuenit? Nonne eodem spiritu ambulauimus? nonne iisdem vestigiis?. Ut in vnis iisdemque literis

Titi in Epistolis Pauli laus & mentio.

de vno eodēque filiolo nescit desinere! Et. 2. ad Tim 4. in multis se relinquentibus hypocritis. Hunc non com-
numerat, sed sua eum voluntate atque missione abiisse
in Dalmatiam innuit. Quod autem scribit ad Gal. 2.

Ascendi Hierosolymam assumpto simul etiam Tito. Titus cur à
Nec Titus qui mecum erat (comes meus) cum gentilis Paulo non
esset, compulsus est circumcidi, nec quidem propter sub- fuit circum-
introductos (subreptitios, obiter ingressos, emissarios) cisus.
fratres, qui subintroierant (obrepserant, sese insinua- Pauli dispen-
uerant) explorare (perscrutari ad speculandum) no- satione con-
stram, quam in Christo Iesu habemus, libertatem, uenit Lati-
ut nos ad seruitutem redigerent, aut adigerent. Qui- nis & Gra-
bus neque ad horam (nec ad tempus aut momentum tim Chryso-
quidem) subiectione (parendo) cessimus, ut veritas stomo, eo loco
Euangelij apud nos permaneret. Cum è contrario Ti-
motheum alterum discipulum secum etiam assum- Timotheus
ptum circumciderit, propter Iudæos, qui eum utique cur à Paulo
sciebant matre quidem Iudæa fidei, sed patre gen- circumcisisus.
tili genitum, Act. 16. Huius partim discriminis oc-
casione mota lis est inter nobile par illud amicorum, Legalia post
sed hîc acerrimorum antagonistarum, inter, Hiero- Christi mora-
nymum dico, & Augustinum, ob legalia in Christi tē quatenus
morte mortua, sepulta, abrogata, & Pauli tamen seruata, nec
exemplo in Timotheo quidem ea obseruantis, seruanda ser-
da aut seruatu licita videri, in Tito autem eadem mi- tamen ser-
nimè seruantis, nec obseruanda, nec obseruatu lici- uanda.
ta. Et hoc quidem sui loci esset atque indigeret, hic tan-
tū adnotabimus, quæ è re sunt huius in Paulo erga
discipulos discriminis atque dispensationis. Exclamat
itaque Hieronymus, Epistola inter Augustinianas, Petr⁹ à Pau-
x i. O Beatè Paule, qui in Petro simulationem repre- lo reprehē-
sus.

ARGVMENTVM IN EPISTOLAM

henderas, qua se subtraxisset à Gentibus, Iudæorum qui à Iacobo venerant, metu, Cur Timotheum patris Gentilis filium, vtrique gentilem (nec enim Iudæus erat, qui circumcissus non erat) contra sententiam tuam circumcidi coëgisti? Respondebis: propter eorum locorum Iudæos. Qui igitur tibi ignoscis in circumcissione discipuli venientis ex Gentibus, ignosce & Petro præcessori tuo, quòd aliqua fecerit metu fidelium Iudæorum. Respondet Augustinus, Epistola XIX. Paulum legitima illa celebrantem, cum aliàs, tum vel quando Timotheum circumcudit, non ad hoc id egisse,

Sacramentis veteribus satisfactam salutem dari, sed ne quæ prioribus, ut con-
lus post n. or- gruebat, temporibus in umbris rerum futurarum Deus
tem Christi fieri iusserat, tanquam Idololatriam Gentilium dam-
non datur. nare crederetur. Hunc igitur circumcudit, ne Iudæis,

Circuncis- maximè cognationi eius maternæ, sic viderentur qui
sio cisionem, sicut Idololatriam: cum illam Deus fieri
à Deo olim præceperit, hanc Satanas persuaserit. At Titum pro-
præcepta. pterea non circumcudit, ne occasionem eis daret, qui

sine circumcissione dicebant credentes saluos esse non posse, idque Paulum etiam sentire, ad Gentium decep-
ptionem iactarent. Quod satis Galatis significat, ubi
apparet quid eos captare intellexerit, ut non faceret in
Tito, quod in Timotheo fecerat, & quod ea libertate
facere poterat, qua illa sacramenta ostenderat, nec
tanquam necessaria appetenda, nec tanquam sacri-
lega damnanda. Meminit alterius contra Faustum

Sacramenta libr. 19. cap. 17. sic, Prioris populi sacramenta per Ie-
vetera per Ie sum impleta, ideòque sublata & mutata, primos

D. PAULI AD TITVM.

Christianos, ex Iudeis, donec contra tam diuturnam consuetudinem paulatim persuaderentur, & ad intellectum perfectum perducerentur, & quia sic natos & institutos, siuerunt Apostoli patrio ritu traditioneque seruare, & quibus hoc opus erat, ut congruerent eorum tarditati moribusque, monuerunt, Inde Timotheum Iudaea matre, Greco patre natum, propter eos ad quos tales cum eo venerat, circumcidit Apostolus, & inter eas morem huiusmodi custodiuit, non simulatione fallaci, sed consilio prudenti: nec enim ita natis & institutis noxia erant, quamuis iam significandis futuris non necessaria, &c. ut si his qui ex circumcisione venerant, talibusque sacramentis adhuc dediti erant, ultro vellet, sicut Timotheus, conferre congruentiam, non prohiberentur: sin in huiusmodi legis operibus putarent suam spem salutemque contineri, ut à certa perniciè vetarentur, sic nimirum circumcisis, ut volebant à quibusdam deprauatis persuasi, quòd sine his salui esse non possent, Christo nihil profuturo. Gal. 5. Vtriusque ad Consensum de mendacio cap. 5. sic idem meminit. Non ut quidam putant simulatione Paulus Timotheum circumcidit, aut alia ritu Iudaico sacramenta celebrauit, sed ex illa libertate sententiae suae, qua praedicauit circumcisionem nec Gentibus prodesse, nec Iudeis obesse. Vnde nec illos ad horum consuetudinem astringendos, nec hos à paterna deterrendos: potestatem autem haberent in sua quisque manendi, non necessitatem, nec Iudaeis, si vellet, ubi nullum perturbaret, recedere à Iudaicis obseruationibus, ab Apostolo

sum impleta
& sublata.

Legalia post
Christū ali-
quandū non
noxia, s. d.
nunquam ne-
cessaria.

Legalia Pam-
lus liberè ser-
uauit, non si-
mulatoriè.

Legalia ser-
uadorū alia
Iudaei, alia
Graeci ratio

prohiberetur, qui consilium in eis permanendi ad hoc dedit, ne superfluis perturbati, ad alia saluti necessaria non venirent. Nec magis ab eo prohiberetur, si quisquam vellet gentilium ideo circumcidi, ut sic ostenderet non id se desestari, quasi noxium, sed indifferenter se habere, tanquam signaculum, cuius utilitas cum tempore praterisset. Non enim si salus iam ex eo nulla, etiam exitum inde metuendum. Ideoque Timotheus in præputio quidem vocatus, quia matre tamen Iudæa ortus, & ostendere cognatis suis debebat ad eos lucrificandos, non hoc in disciplina Christiana didicisse, veteris legis abominari sacramenta, circumcisisus est ab Apostolo, ut hoc modo Iudæis demonstraret, non ideo ea Gentes, quia mala, & perniciosè à patribus observata, non suscipere, sed quia post aduentum tanti sacramenti, quod per tam longa tempora tota illa vetus scriptura prophetis figurationibus parturiuerat, saluti iam non necessaria. Nam & Titum item circumcideret, cum hoc urgerent Iudæi, nisi hoc subintroducti falsi fratres ideo fieri vellent, ut haberent quod de ipso disseminarent, tanquam eorum cessisset veritati, qui spem salutis Euangelica in circumcisione carnis & eiusmodi observationibus esse prædicarent, & sine his nemini Christum prodesse contenderent, cum nihil contrà eis prodesset, qui eo animo circumciderentur, ut ibi esse salutem putarent. Ex hac ergo libertate, Paulus paternas observationes, cum alias, tum circumcisionem, in Timotheo seruauit, in Tito omisit, hoc vnum cauens & prædicans, ne sine his (vel cum his) salus Christiana nulla putaretur,

qui cum earum hostis ideo putaretur, quod eas Gentibus nollet imponere, easdem contra non aspernatus more patrio celebrare, satis ostendit, hoc in eis Christo adueniente remansisse, ut haec nec Gentibus essent necessaria, nec Iudaeis perniciose, nec iam cuiquam homini salutare. Atque hac occasione eorum quae Paulus de Tito & Timotheo dissimiliter scripserat. Titum ergo discipulum, comitem, coadiutorem suum, fratris filiique loco habitum, Paulus insula nobilissima & centurbia, ob eximias animi dotes praefecerat, Nam Creta Iouis magni medio iacet insula Ponto, Centum habitant urbes magnas, ditissima regna.

Legalia Iudaeis non noxia
Gracis non necessaria, ne-
mini salutaria.

Creta centur-
bia,

3. Aeneid.

Medio autem ponto, non tantum quia longe à continenti, citante illic Salustium Servio, sed poeta ibidem altius intuente, quod cum apud Cosmographos legimus quae in quo mari insula sit, de hac dubitent in quo sit, quod parte Lybicum, parte Ionium, parte Aegyptium, parte Achaicum respicit. In medio ergo ponto, ac si dici posset, in medio pontorum, quod latinitas non recipit, &c. Illinc igitur abiens Apostolus Titum Archiepiscopum consecravit. Atque hoc sit eorum quae hic facundi saecundique Graeci praefantur. i. nempe quod I. virum eximium, & inter eos qui cum Apostolo versabantur, probatissimum, Insula illi maris Mediterranei (Sicilia excepta) maxima praefecerat, & ordinaverat, quam multos illic necesse futurum erat, inferiores Episcopos ordinaturum, eis praefuturum, eosque sibi à suffragiis, siue quos vocant suffraganeos, habiturum. Hoc enim esse opinor quod iudicaturum Theophylactus dicit, Non verò ut tantò post, non in maxi-

Insula quae
in quo mari.

Suffraganei
qui olim, qui
post.

ARGVMENTVM IN EPISTOLAM

mis rebus abusu, in seriis lusu, ac etiam risu nullo, praesse dieuntur provincia quidā, quae vel nulla prorsus extat, vel geri certè obtinerique omnino nequeat. Reliquerat ergo Titum Paulus, quae ibi pietatis iecerat fundamenta, confirmaturum, quaeque apud Cretenses caeperat, absolutorum, & si qua forte deerant, suppleturum: reliquum enim quod erat superadificandum, ei credidisse, de quibuscunque opportunum vide-

II retur, eos instructuro. **II.** quod ex hoc primo sequitur, non solum is qui in continenti, sed etiam qui in insulis habitabat, diuinum Apostolum diuinam & salutarem doctrinam attulisse, & insulanos diuinæ cognitionis luce illuminasse. O virum plus quouis *Ulyssæ* polytropum. Et, Qui mores hominum multorum vidit & vrbes. Ter, aiebat, naufragium feci, nocte & die in profundo maris fui. In itineribus saepe, periculis fluminum, & latronum, ex genere, ex gentibus, in ciuitate, in solitudine, in mari. 2. Cor. 11. & in falsis etiam fratribus, de quibus hic quoque notandum.

III dum. **III.** Illuc, hoc est, ad Cretenses à Paulo conuersos etiam tum penetrauisse pseudapostolos, qui ex Iudæis crediderant, sed salutarem predicationem corrumpere, Iudaismum scilicet suum omnibus ingerentes, legisque prætectu populum seducere, & legales caeremonias in Christianismum reducere conabantur, quos ut fortiter reiciat ac refutet, Titum adeò animat. Quos conuenit, inquiens, abarcere, infranare, & ut *Pacianus* epistola 2. contra *Nouatianum*, nouè dixit indentari, pro, in quos oportet dentem infringi aut insigi.

III **III.** Sumpta ex his Iudæis occasionem, inuehitur in Iudæos, quorum genus vniuersum, quod uti con-

Paulus in insulis, nedum in continenti euangelizat.

Pseudapostoli Iudæizantes.

Pauli zelus in Iudæos.

D. PAVLI AD TITVM.

tumelia dignum respuit ac propè detestatur, nihil mirum: nec enim ut procax aut maledicus eos improbat, sed immenso Dei amore ac Zelo id facit, perinde atque Christus tam multa indignabundus Scribis atque Pharisæis exprobrabat, Matth. 23. Marc. 12. Luc. 11. 20. nō suo nomine, nec illorū adeò gratia, sed quòd alios perderent. Malos enim plerunque increpandos, non tam quia speremus hinc meliores fore, quàm quia multos corrumpunt, & inquinant. V. apparet, rebus alioqui tranquillioribus scripsisse, cū animo quietior esset, ac otio velut abundaret, priusquam in vinculis teneretur, & cū adhuc extra metum consisteret, ac in libertate esset, nulla enim persecutionum aut afflictionum hic mentio, vnde & hanc apparet prius fuisse conscriptam, eis quas ad Timotheum dedit, posteriore præsertim, quam proximè finem suum scripsit, alioqui illarum prioris hæc videri posset, epitome, ac velut repetitio, tam multa utrique communia. VI. quanquam vel ex huius breuitate, Titi quoque virtutem & præstantiam discamus licet, quòd huiusmodi vir verbis minimè multis opus habuerit, sed quadam veluti admonitione, sue ut paucis moneretur. VII. Hic, ut ubique, fidem in Christum predicat, non ut rem recentem & nuperam, sed à seculo paratam, & à Deo olim iam promissam ac annunciatam, Sic enim præfatur. VIII. Et, quæ primarium fidei est obiectum, gratiam, quæ saluti nobis fuit, frequenter inculcat, satis eam ratus ad consolationem fore, & ad studium bonorum operum valituram. Qui enim apud sese reputauerit, quis & qualis antea fuerit, quibus & qualibus

V
Epistola hæc
prius eis qua
ad Timotheum scri-
pta.

VI
Breuitas.

VII
Fides res non
recent.

VIII
Gratia Dei
præcipuum
fidei obiectū.
Operum bo-
norum stu-
dium.

ARGVMENTVM IN EPISTOLAM

postea donatus beneficiis, quanta gratia, quamque im-
meres, dignatus, dabit operam omnino ne malis atque
ingratis operibus benefactorem tam de se bene meritum
ad iram prouocet, unde & in bonorum operum disci-

IX. Ecclesia sta- plina hanc, ut & Timotheanam concludit. IX. præ-
tus quales es scriptis Tito, ut Timotheo, personarum, etatū, & con-
se conuenit. ditionum officijs, breuiter, qualem Christianum oport-

teat esse Clerum ac populum, quales Ecclesiasticos, ut
loquimur, & laicos, episcopos atque presbyteros, utri-

X. usque sexus senes & iuuenes. X. addit, ne quisquam
Principum Christianæ religionis pretextu, seruus hero, famulus
& magistra Domino, aut alius cuius principibus resistat aut ma-
gistratibus, quamuis essent à Christi tum fide alieni,
tuum autori quin potius eos leniter ferendos, si quādo fortè, Deo vo-
lente, & ij resipiscant. Suo ergo. i. publico eis fungen-

tibus officio, ad aras usque parendum. XI. in Baptismo
XI. Baptismi vis Sacramentorum ianua, mysteriorum nostrorum vim,

& sacramen- fructum, & efficaciam tradit, salutarem, spirituale,
torum noua ac planè diuinam. Sunt enim diuina Sacramenta, sed
legis. nouæ maximè legis, non signa tantum vana, vacua,

euanida, & veritatis rerum signatarum expertia: sed
diuini verbi velut appēdices, diuinæ gratiæ sigilla aut
signacula, Dei erga nos donorum organa, instrumenta,
& veluti vehicula, eadem quæ significant & figu-
rant, presenter (ut ita loquar) habentia, & ad ea ve-
nientibus offerentia, exhibentia, communicantia. Ver-
bi gratia: Baptismū (de quo hīc Paulus) accipis, Qua-
re? ut corpus laues? Eadem opera, ac minori etiam nego-
tio, ad thermas proficisceris aut Sequanam. Ad ba-
ptismum igitur accedis, ut spiritu renoueris, quod hīc
ait Apostolus, & regenereris. Est ergo baptismus sa-

crum mysterium, spiritualis renouationis & regenerationis non solum significatorium, sed etiam exhibitatorium, applicatorium, & suo etiam modo effectoriū, idque non quā aqua, aut quia aqua sit, sed quia Domini Dei verbo, cui annexa est, suo nos renouantis & regenerantis, aqua. Atque hic schola nostra Theologica cum sacris scripturis & scriptoribus probè conuenire, clarè, opinor, contra modernos nouatores, obtinui in ea, qua hac de re est, Digressione. XII. hereticos semel & iterum monitos, atque iterum correptos, incorrigibiles, prorsus euitandos. Quin etiam hinc eos vel semel monitos, nec saepe monendos, quod Christiani minūs sint, præscribit Tertullianus: Si enim, ait, heretici sunt Christiani, Christiani esse non possunt, non à Christo habendo, quod de sua electione sectati hereticorum nomine admittunt, ita non Christiani, &c. Quos ideò Cham medius Noë filius, tanquam se ab utroque discernens, & inter utrumque remanens, significauit, quasi sic nec in primitiis Israelitarum, nec in plenitudine Gentium, Augustino de Ciuitate lib. 16. cap. 2. Et à seipsis damnatos Cyprianus ad Magnum lib. 1. Epist. 6. sic exponit, Quisquis de collectis foras eiecerit. i. Si quisquam in Ecclesia gratiam cōsecutus, recesserit, & ab Ecclesia exierit, reus sibi futurum. i. ipsum sibi, quod pereat, imputaturū, quod Apostolus explanat, docens & praeapiens hereticum vitandum esse, ut peruersum & peccatorem, & à semetipso damnatum, hic est enim, qui reus sibi erit, non ab Episcopo eiectus, sed sponte de Ecclesia profugus, & heretica praesumptione à semetipso damnatus. Augustinus Cresconii grammaticum ridet, haeresim & schisma his diffini-

XII.

Haeretici iam
corrigibiles
vitandi.

Haeretici nō
Christiani.

Cham haere-
ticorū typus.

ARGVMENTVM IN EPISTOLAM

Hæresis & schismatis diffinitio & distinctio. tionibus discernentem, quòd illa quidem diuersa sequentium secta sit: hoc verò eadem sequentium separatio, & errare ait eum, qui quod schisma est, hæresim vocaret. Lib. 2. cap. 3. & 7. magis eam distinctionem approbat, qua dicitur schisma, esse recens congregationis ex aliqua sententiarum diuersitate dissensio. Nec enim scissio vel schisma fieri potest, nisi diuersum aliquid sequantur, qui faciunt: Hæresis autem, schisma inueteratum. Et 8. Proinde hæreticos esse, qui in schismate remanerent, qui de Ecclesia, quæ Christi corpus est, diuersum sequantur, &c. ut hæreticus ab

Hæreticus quis dicatur. αἱρετικός, eligo dicatur, quia sequi mauult quod suo ipse sensu elegit, quàm quod per scripturas ECCLESIA tradidit. Schismaticus, ἀσχισματικός, secando, qui

Schismaticus quis dicatur. inter bene coniunctos, vnius quippè corporis membra, discordiam serit. Hactenus Erasmus non malè, lib. 2. Ecclesiast. Reliqua videro in litera & hæreseologia.

XIII. XIIII. quòd eis quidem quod malè agerent, & uti desisterent, denunciabat, sed quòd eos à cæptis semel non cessantes humiliter nimis pateretur, non pontificali iure & imperio coerceret atque expelleret, & ita pontificale officium nimis simpliciter, nec prout pontificia dignitas exigit, exerceret, ac proinde discipulo ex nimia cum simplicitate, tum humilitate quàm par erat, patientiori, praeceptor scribat atque præscribat de officio Pontificio imperiosè & potestatiuè gerendo, quòdque simplicem quidem esse bonum sit, nimia verò Episcopi humilitas Ecclesia regimini mala atque incommoda, magis ideo cum imperio & potestate doceat, arguat, exhortetur, & inemendabiles ab Ecclesia depellat, ut vel sic huius exemplo Episcopos

D. PAULI AD TITVM.

plus equo simplices animosiores reddat : Quæ sunt
 glossæ interlinearis undecunque sumptæ , & Bru-
 nonis eam , opinor , secuti , vera quidem , sed vereor ,
 ut ne ad sui magis quàm Apostolici temporis Epi-
 scopos hi respexerint , præterquam quòd de hac ni-
 mia discipuli tum humilitate , id est , animi deiectione ,
 tum simplicitate , id est , insipientia , tum in hæ-
 reticis neque coërcendis , neque abarcendis patientia ,
 id est , cessatione ac neglectu , nulla in tota epistola
 præceptoris , tot aliàs eum locis commendantis , men-
 tio , nedum querimonia . Et agnoscimus interim E- Episcopo ne
 piscopo non minus necessariam paternam seuerita- cessaria cum
 tem , quàm maternam pietatem , ut sit & asper su- seueritate le
 perbis , & suauis modestis , & nec timoris angus- nitas.
 lum , nec elationis habeat supercilium . Vrat ignis
 instar , & luceat , hoc est , prædicationis gladio ,
 ceu ignito eloquio , increpatione mordaci , & com-
 minatione metuenda vratur , & blandis , fouendo ,
 & suauia , sed æterna promittendo alluceat . Et
 pontificis enim baculus ab inferiori pungit , & in Pontificalis
 summo ad anteriora extenditur in se rediens , quia baculus.
 Ecclesia doctor debet & pungeret . i. peccantes aspe-
 re redarguere , & correctos ad superiora dirigere .
 Sic tamen ut ad propriam conscientiam sui consi-
 deratione reuertatur , si fortè in se habeat quæ aliis
 annunciat , ne cùm aliis predicauerit , reprobus
 fiat . 1. ad Corinth. 9. Verùm præfari ac etiam con-
 cionari desino . Porro de Tito nostro , ad quem Titi vita &
 hac scribitur Epistola , hæc colligit aut etiam con- obitus.
 iicit Theophilus Lebeus in Onomastico Theologico ,
 ex superioribus nimirum Pauli testimoniis .

ARGVMENTVM IN EPISTOLAM

Natus parentibus ethnicis, ideoque non circumcissus, amplexus Euangelium Christi, comes fuit profectio-
num Apostoli, & omnium ministerij eius, quicum
& Barnaba interfuisse Concilio Apostolorum, Act.
15. credere est. Post à Paulo in Creta relictus, Ecclesias
& Pastores oppidatim istic instituit, istinc euocatus
ab Apostolo, ut ad se veniret Nicopolim, non Macedo-
nia, sed Epiri urbem (sunt enim eius nominis plures)
in quam peragrata Macedonia statuerat Apostolus
despectere, atque istic hybernare, sed mutato, ut verisi-
mile est, consilio, eidem mādasse, ut ad se Troadem ve-
niret, quem ubi non inuenisset, in Macedoniam tran-
sisse, sua interim sponte Corinthum Titus nauigauē-
rat, ubi explorato eius Ecclesiæ in Paulum animo, pro-
fectus est in Macedoniam. Cuius aduētu Paulus tum
ibi versans, mirificè recreatus est. Eo tempore. II. ad
Corinthios scripsit, eāque per Titum & Lucam Co-
rinthum misit, ut quidē habet eius Epistola subscri-
ptio: postea Paulo Romæ captiuo aliquandiu adfuit.
Inde in Dalmatiam profectus, à Paulo utique cō mis-
sus, & ibi finaliter eum fuisse Episcopum dicit Aque-
nas, sed testem eius neminem laudat. Constantius est
in historiis, & sanctorum, (ut vocant) Legendis, eum
in Cretam rediisse, ibique mortuum. Et nihil admodū
praterēa de viro tam licet eximio. Sic Eusebius lib. 3.
cap. 4. histor. Ecclesiastica, quem Nicephorus sequitur
lib. 3. cap. 1. Qui primi Apostolorum fuerint successo-
res. Titus, ait, ordinādis apud Cretam Ecclesiis à Pau-
lo præficitur, siue primus Cretensium Ecclesiarum epi-
scopatū sortitus scribitur, & praterēa nihil. Doro-
thei de LXX. discipulis Synopsis, Creta ipsi & circum-
iacen-

Titus Dal-
matia episco-
pus.

Titus pri-
mus Cretan-
sium episco-
pus.

D. PAVLI AD TITVM

iacentibus insulis Euangelium predicauisse, ibi mortuum & cum gloria sepultum. Nec aliud in vita scriptorum Ecclesiasticorum siue Hieronymus, siue Sophronius, de vita item & morte sanctorum, qui Deo placuerunt, Isidorus cap. 88. Titus Pauli discipulus, & in baptismo filius, natione Gracus, & ex gentibus solus ab eo post Euangelium circumcisis (id autem antea negatum est) quem ad instruendas Creta Ecclesias reliquit, ibi in pace defunctus est & sepultus. In Martyrologio Bedae, Isuardi, &c. Pridie nonas Ianuarius. Natale B. Titi Apostolorum discipuli, qui ordinatus a Paulo Cretensium Episcopus, cui etiam scripsit idem Epistolam, omni Dei Ecclesiae utilissimam, post praedicationis demum officium fidelissime consummatum, beatum finem adeptus, sepultus est in Ecclesia, ubi fuerat dignus atque diuinitus minister constitutus. His non contentus Petrus de Natalibus Equilinus Episcopus, plura addens, quem sequatur non addidit, ex Zena (si Deo placet) legisperito, cuius in hac mentio. cap. 3. qui nostri huius vitam scripserit: Ea utinam extaret. locus est V I I I. Calend. Septemb. siue lib. 7. cap. 108. Catalogi Sanctorum. Meminit alterius Titi iusti hominis religiosi & Deum colentis, Lucas, Act. 18. in cuius domum Synagoga coniuncta Corinthi Paulus diuerterit. Floruerunt aliquantulum post & alij cognomines, Hieronymo & aliis scriptoribus, Titus Bostrinus Episcopus sub Iuliano & Iouiano principibus. Quartus item Titus Nicephoro Byzantij Episcopus, ordine X X. Nec illud omiserimus ex Volaterrano, lib. 20. & aliis, Titus quando praenomen, T. tantum litera notabatur, quando nomen, totum scribitur, ut Titus princeps. Sequitur digressionum Index:

Titi plures.

Chrysostomus
eundem fortasse fuisse arbitrat.

INDEX DIGRES- SIONVM.

I.	Vt Episcopi numero non vilescant.	
	pag. 33.	
II.	Turpilucii.	65.
III.	Varij variarum gentium mores.	156.
IIII.	De senectute.	226.
V.	Sacra lectio quibus licita,	250.
VI.	Officium matrisfamilias.	265.
VII.	De ætatibus humanis.	350.
VIII.	De officio seruorum.	404.
IX.	De abrenunciatione in baptismo.	431.
X.	De autoritate principum.	510.
XI.	De sacramento Baptismi.	564.
XII.	De Iustificatione.	616.
XIII.	Hærescologia.	654.
XIIII.	Appendix, ad Hærescologiam.	730.

RERVM AC VERBORVM IN SV-
 perioribus commentariis & digressionibus
 D. Claudij Esp̃c̃xi ad Sancti Pauli Apostoli
 ad Titum epistolam, memorabilium, syllab-
 us, per M. Guidonem Gausarum eius Ama-
 nuensem collectus.

A



Bdus propheta		Adulter vxoris nimius amator	332
pag.	3.93	Aegineta Cretensibus nililo melio- res	141
Abisac	235	Aegypti opprobria circūferre	444
Abnegare semetip- sum quid sit	426	Aegyptiorum stulticia	552
Abominabiles	192	Aeneas Syluius	94
Abraham primus dictus senex in sacris scripturis	31	Aetatis fabula quid sit	351
Abstenti	660.684	Aetates aurea	353
Abstinentia	455	Aetates Patriarcharum	359
Abusus Ecclesiasticorum	132	Aetates quatuor	353.574
Accipere aliquid pro Ecclesiasticis functionibus an liceat	120	Aetatum discrimen triplex	224
Accursus iuris studiosorum Pytha- goras	106	Aeternum, id est, antiquum	14
Achaz genuit decennis	377	Aeternum supplicium quale intell- gendum	11
Acquisisse nos ut dicatur Chri- stus, aut redemisse	486	Aeterna priora, & antiqua	12
Actio eadem pro radicis diuersitate diuersimodè indicata	479	Aethiopes eunuchi studium sacra scri- pturae	252
Ada duo	573	Aethiopes & Aegyptij, Reges suos Deos arbitrati	572
Adiutorium non adiutoria	325	Affectus rectus & corruptus	552
Adolescentes	351	Agnitio veritatis duplex	6
Adoptio plena	583	ai & zoneg dix	65
Adrianus Traiectensis	69.253	Albicus episcopus auarus	94
Aduentum suum cur differat Chri- stus	456	Alexandra regina	183
Aduentus duo	457	Alexandro Macedoni Pamphilica mare peruenim	521
Adulatores	71	Amare	269.396
		Amor ex fide quid sit	725
		Amor ineptus & stultus	270
		Amplexus amaris est	99

INDEX.

Anabaptismus	713	Apostolica sedis autoritas	74
Ananias sacrilegus	395	Apostolici cuiusdam viri dictum	
Anastasis Rom. episcopi de Origenē sententia	755	687	
Anathema grauius excommunicatione	686	Apostolorum Christi autoritas	4
Anathematis formula	693	Apparitio non de Patre	461
Anathemati subiici, à deo separari	692	Apum mellificia	167
Anathematizati quidam post mortem	692	Aqua purificatio, in lege	567
Ancilla ins	324	Aqua rerum principium	572
Andromache Hectoris	342	Aqua spiritui coniuncta	599
ἀνδράγατοι, qui sint	44	Aqua amaritudo in dulcedinem per liquum conuersa allegoria	448
Angelica curia	453	Aqua nomen solum positum in scripturis sanctis, baptismum indicat	566
Anglorum episcopi	38	Aqua vis ad purificandum animam	609
Anglorum fastus in famulizio & saturitate	414	Aqua vis regeneratiua	601
Anima nihil diuinius	491	Aqua Christum non abluerunt, sed per eum abluta sunt	604
Animi mors quadam & renascencia	575	Aquarum ablutio mystica	590
Anna	282	Aquis omnibus benedictio data per Christum, in Iordanis alueum descendentem	602
Anni apud veteres non pro mensibus supputabantur	360	Argemontij longanitas	369
Anni primigeniorum solares fuerunt	364	Aselatense concilium	593
Annorum terminatio alia aliis	360	Aristoteles dialecticorum princeps	7.234.340.383.549. 644.
Antichristus	126.556. 670	Arius & Ariani	465.591. 675. 679
D. Antonij odium aduersus Schismaticos	674	Ariaxerxes Rex	519
ἀνυπότακτοι	113	Arimas	716
Anus libidinosae	244	Artium disciplina vt distinguatur nationibus	161
Apocrypha leguntur & canuntur	758	Artium professores, prestare quae debeant	638
Apollinarij ingenium, & fatum in plerisque dogma	741	ἀσώτια	51
Apollo	720	Assentatores	535
Apostata vocabulum odiosum	436	Astrologia & Geometria quomodo inuenta	362
Apostolatus dignitas	4.27	Attrebatensium obstinatio	511
Apostolica epistola cur scripta	115		

INDEX.

Avaritia idololatria 94.95. 280.

552

Audire & suscipere differunt 734

Augustinus cum Adeodato filio baptizatus 376

Augustinus Donatistis literas scribebat 732

Augustinus non nimis Gracè doctus 739

Augustini candor erga Pelagium 711

Augustini & Hieronymi testimonium de Origene 740

Augustini laus 23

Augustini locus suspectus 578

Augustini modestia erga infideles 732

Augustini, puerilia, iuvenilia, senilia 377

Augustini zelus pro haeticis 709

Aves immunda 196

Aulica vita 217.237

Aurea, argentea, Aerea, in scripturis quid significant 736

Aures ad quæ claudenda 734

Aurium apertio 734

Autoritatis pontificia contemptus 503

B

Baltasarus Rex à Daniele de Deo doctus 510

Baptisma quemvis etiam corporale morbum depellere posse 570

Baptisma unum 599

Baptismata vasorum 645

Baptismalis aqua vis & gratia 564

Baptismalis penitentia 585

Baptismus cur in aqua consecratus

571

Baptismus non repetendus 498

Baptismus num apud haeticos 590

Baptismus repræsentat & efficit 588

Baptismus ubique sanctus, & per quoscunque 587

Baptismi aqua mundat, purgat, sanctificat 589

Baptismi catholici ritus laudabilis in abrenunciatione Satana 431

Baptismi caremonia unde 447

Baptismi effectus 579

Baptismi figura & species 567

Baptismi fons 609

Baptismi in aqua, rationes 568

Baptismi iteratio fieri an possit 593

Baptismi necessitas & efficacia 563

Baptismi virtus unde 587

Baptizati ab haeticis ad Ecclesiã redeuntes, quomodo recipiendi 593

Basilus etiam mala legebat 732

Basilus de vitandis haeticis 675

Batillorũ Chore & sociarum servatorum mysterium 735

Beneficium 43

Beneficia testamentaria & hereditaria 73

Berxellai senex, noluit esse aulicus

216.237

Bernardus 86.539

Berosus 145

Bibliorum lectio quibus licita 250.

259

Bibliotheca veteres regia 325

Bilis & rixa à cõnubio exules 341

Blasphemia 528. 529

Bonifiani 592

†† iij

50 03 20

20 03 10 03

05 20 03 41

INDEX.

Bonus quomodo intelligendus Deus
561

Bonum à malo nunquam in totum
corruptitur 196

Bonus malum miscens bonus non est
671

Bona deteriorum comparatione,
magis elucescunt 737

Bruta longiora hominibus 363

Cabala 182. 358

Calibatus 49. 326. 305.

Celi vis in formandis gentibus
161

Caictanus notatus 463

Cambysis Cyri filij factum memo-
rabile aduersus Aegyptios 551

Camera Apostolica 69

Candiani hodierni literas non di-
scunt 152

Capitis situs 319

Capularis 354

Cardinalium gradus 686

Caroli ix. in concilio Tridentino po-
stulata 112. 542

Castitatis mentio 97. 206. 284

Cataphryges 592

Catechismi hodierni 108

Catholica fides 22. mater non dese-
renda 654

Cato maior 233

Cauonarum interdictio 94

Cauere si non caste 298

Censoria virgula 742. 747

Centenarius puerus 355

CXX. anni longissima hominis a-
tas 356

remotia & ymbra veteris legis

8
Ceretani 133

Cerinthus haereticus 667

Ceruus Elagor unde dictus 197

Character episcopi, docendi minus
108

Characteres falsorum doctorum 112

Charitas cur tam inter homines re-
frigeret 255

Charitas dei dupliciter intelligitur
618

Charitas erga uxorem 310

Charitas fidei vita & anima 625

Charitas plenitudo legis 625

Charitas primus fructus spiritus
723

Charitatis savitas 225

Chore typus haeticorum 700. 376

Chrismatis vsus in baptismo 606

Chrysostomus in exitu actus, quod
Origenis damnationi subscribere
noluit 757

Chrysostomus nimis lentus 690

Chrysostomus Origeni aequus 751.
752

Chrysostomi locus 688. 692

Christus à quāen multis traditus
466

Christus car non se miraculo aluit
& suos 724

Christus Deus, non homo diuinus
458

Christus in quibus imitandus 598

Christus inculpabilis, sed non incul-
patus 46

Christus nō solū quā Deus in moriē
se tradidit, sed & quā homo 473

Christus Patri datus in sacrificiū
478

Christus quare spiritum sanctum ac-

INDEX.

ceperit baptizatus	591	Concubitus cum propria uxore ea-	
Christus quomodo principi huius se-		stitas	293
culi traditus	476	Concubitus quis, & quando licitus	
	474		291
Christi Apostolus & servus, idē &		Concubitus sua esse tempora	334
Dei Apostolus & servus	3	Concupiscentia manducandi & bi-	
Christi regeneratio nostra fidei est		bendi	200
confirmatio	601	Condescenso, omnium humanissi-	
Christi mors spontanea	467	ma	559
Christi venditio & traditio, nostra		Confessio Dei quā multiplex	
redemptio	469		190
Christi verbum, vado & venio		Confessio fidei à principibus fieri	
	472	solita	445
Christum plures tradiderunt	479	Coniugalis amoris exempla	269
Christianismi, Gētilismi & Iudaif-		Coniugale bonum, officium, reme-	
mi commissio	180	dium, societas	279. 332
Christicida	664. 670	Coniuges quomodo convenire de-	
Claves Ecclesie quā efficaces		beant.	268
	680	Coniugum inter se consensus, do-	
Clerici laicis prestare debent	505	mesticorum bonorum caput	
Clerici ne secularibus se immisceāt			265
	543	Coniugia propter prolem copulan-	
Ciborum discrimen	185. 196. 645	da	275
Circuncelliones, quintum monacho-		Coniugiorum auspicia quae debeant	
rum genus	125	esse	327
Coadiutores	73	Comniuentia patrisfamilias in deli-	
Cocus	412. 415	ctis suorum	306
Cognitionis Dei promotio	16	Consentientium eadem quae commit-	
Coitus, minor epilepsia	332	tentium poena.	683. 700
Commembra	660	Consiliarij veri iudicis	452
Commentariorum ad sacram scri-		Consilium perfectionis	451
pturam utilitas	749	Consilia Evangelica & praecepta	
Comœdiarum Gallicarum argumē-			20
ta frequentissima	397	Constantinopolitanum Concilium	
Concilium Africanum	690		692
Concilium vniuersale, plenarium		Consuetudines quatenus seruando	
	661		121
Concordia coniugalis	283	Contentionis funis	745
Concubinatus clericorum	67	Contractus fidei	449
Concubini coniubij adiutores	268		

INDEX.

Continentia multa tempora desti- nata	290
Continentia quorundam perpetua	298
Continentia quando maximè con- iugibus obseruanda	289
Contradictio non vno modo fit	101
Continens	98.349
Contentiones vitæ qua sint	643
Conuiuorum inter bonos celebra- torum utilitas	93
Cor mundum vt creetur	574
Cordis humani subtilis consideratio	355
Corrumpendi omnes	698
Coronatus hos vel asinus quis	526
Corporum contactus in coniugio	289
Correctionis spes ubi est, adhibenda ibi medicina	650
Correctio	62.648 frequens
Credere in Christum quis nos fece- rit	617
Creta ἐκατόμυρσις	29
Creta totius Græciæ princeps	148
Cretenses episcopi decem	163
Cretensium euerfio	163
Cretensium mores vitiosi, Cretica re	141
Cretensium respublica	143. comesta- tiones 146
Cretensium tria vitia insignia	148
Creticæ historiæ supplementum	164
Crimine carere	44
Criminum species	55
Crucis Christi virtus omnia per- agit sacramenta	605
Crucis figura omnibus sacramentis	

largitur effectum	606
Crucis signaculum	596
Curari dicimur per pœnitentiam, renouari per baptismum	585
Cynicorum impudentia	325
Cyprianus Tertullianum admira- tus	741
Cypriani martyris exemplum me- morabile	661
Cyri res miranda	518.517

D

Damonibus aliquantillum natura supereft	196
Darius Rex Assus	518
Dauid Rex	515
Deambulationes Lacedæmonis prohibita	150
Debitum cōiugale magis vxor red- dat quam exigit	285
Debitum coniugale vt præstandum et petendum	231
Debiti exigendi ratio	293
Decrepitus	354
Delicia clericorum	64
Delicta communia sunt mentis et cōporis	597
Depretiare	485
Desperari	630
Deus cum Iudæis ferè semper ex pro- phetis agit	166
Deus ex machina	419
Deus magnus absolute, non rela- tiue	460
Deus paruus nusquam legitur	461
Deus quàm multipliciter negetur	190

INDEX.

Dens saepe ministerio malorum usus 166	10	sum veritate 744	
Deus solus naturaliter verax	10	Doctores pessimi in errore suo an permittendi	650
Dei & diaboli vt simus	485	Doctrina operi postponenda	202
Dei seueritas & bonitas	482	Doctrina peruersa cancro compara ta	678
Dei vera notitia ex gratia est 7		Doctrina praeceptum episcopi mu nus	203
Deo similes & dissimiles	584	Doctrina vt placida fiat & decora 399	
Dij dicuntur & iudices & magi stratus	530	Doctrina Christiana finis	209
Dij nec nominandi, nec maledicen di	531	Doech Saulis emissarius reprehem sus	390
Diā, per	579	Domestica cura	338
Didymi laus	740	Domestica vita	217
Digami & polygami sacerdotio in digni	50	Domestici cætus pro Ecclesiastico 667	
Dilemma contra Anathema	689	Domi assidua sint mulieres	307
Dilemma de vitandis hæreticis 676		Domini & domina coniuges	311
Diligere	269	Dominum vel appellare Casarem nec morte compelli potuere Iudai 511	
Diluuij inundatio vnde	146	Dominari quibus promissum est ho mini	405
Diogenes	397	Dominatio viri in uxorem	339
Dionysius episcopus Alexandrinus 730		Donatista	193
Diptycha sacra	693		
Discipuli honesta conuersatio, or namentum doctoris	398	E	
Discretio spirituum	734	Ebion	668
Dispensatio pecuniaria	65	Ebrietas, hoc est in senibus, quod in adolescentibus libido	244
Dispensationum ratio	123	Ebrietas, parentibus futuris quam cauenda	301
Dissimile	308. 409	Cum Ecclesia esse, non in Ecclesia, 659. 689. ex non in.	
Din nihil, quod habet extremum 365		Ecclesia nulli elaudenda	702
Diuertentium verba	281	Ecclesia pro principibus oratio 533	
Dinitia spirituales & corporales 487		Ecclesia precum efficacia	696
Diuitiis vt renuntiandum	451	Ecclesia Rom. disciplina	754
Diuturnitas temporis peccata au get, non minuit	120		
Doctissimos viros errasse in dogma			

INDEX.

<i>Egenerum inopia prauenienda</i>	203	<i>Episcopi ne plures sint in una ciuitate</i>	54
637		<i>Episcopi non ubique constituendi</i>	37
<i>Ego non sum, penitentis responsum</i>		<i>Episcopi olim componendis litibus vacabant</i>	536
427		<i>Episcopi quomodo amandandi</i>	109
<i>Eleazaris seditio</i>	511	<i>Episcopi ubi constituendi</i>	34
<i>Electorum diuersitas</i>	6	<i>Episcoporum & doctorum onus</i>	24
<i>Eleuesyna ut facienda</i>	195	<i>Episcoporum indigna promotio</i>	43
<i>Eleemosyna utilitas</i>	725	<i>Episcoporum prima partes in Ecclesia qua</i>	542
<i>Eleemosynarum quaestores</i>	130	<i>Episcoporum olim reuerentia</i>	122
<i>Eligendi & electi Episcopi integritas</i>	46	<i>Episcopalis seueritas ubi exercenda</i>	501
<i>Elxas pseudopropheta</i>	125	<i>Episcopales carceres</i>	172
<i>Emere & redimere</i>	484	<i>Episcopographia</i>	43
<i>Enmaus vicus</i>	719	<i>Episcopus, quid</i>	115
<i>Enochi raptus, non mortuus</i>	474	<i>Erasmus Cyprianizans</i>	435
<i>Enochi liber Apocryphus</i>	156	<i>Erasmus taxatus</i>	286.462
<i>Epimenides</i>	140.153	<i>Errata proximorum qualiter toleranda</i>	548
<i>Epiphania</i>	495	<i>Error consensus non habet</i>	295
<i>Epiphania nomen in nouo testamento non nisi filio tribuitur</i>	459	<i>Errorum suum defendens, non continuo haeticus est</i>	657
<i>Epiphanius Origenis libros damnans</i>	751	<i>Errores redarguere, pro errantibus orare</i>	690
<i>Epiphanius vir simplex à Theophilo circumueniunt</i>	751	<i>Eua unde formata</i>	315
<i>Episcopa plures ut retineantur</i>	73	<i>Euangelicorum nomine tenus scripta, maledicentis plena</i>	529
<i>Episcopus ad tria constituitur</i>	51	<i>Euangelica, quid</i>	3
<i>Episcopus Apostolicus qualis esse debeat</i>	99	<i>Excommunicare, quasi exoculare</i>	686
<i>Episcopus docere debet</i>	100	<i>Excommunicatio aliud quam Anathema</i>	685
<i>Episcopus & Presbyter differunt</i>	54	<i>Excommunicatio, grauissima Ecclesia punit</i>	172. medicinalis
<i>Episcopus quorum peritus esse debeat</i>	102		
<i>Episcopus rei bellica ineptus Episcopatu summotus</i>	63		
<i>Episcopi imperium, uita auctoritas</i>	502		
<i>Episcopi munus precipuum, predicare</i>	20		
<i>Episcopi uita qualis esse debeat</i>			

I N D E X.

<i>attamen</i>	680	<i>Fides radix , opera fructus</i>	
<i>Excommunicationis usus in Ecclesia</i>	694		623
<i>Excommunicatus, non protinus desperatus</i>	695	<i>Fides sine operibus ad salutem non sufficit</i>	637
<i>Excommunicati non faciliè recipiendi</i>	684	<i>Fides sine operibus mortua , sterilis, arida</i>	623
<i>Excommunicati, quando tandem vivandi</i>	659	<i>Fides sola non sufficit ad salutem</i>	622. 637
<i>Exempla quàm moneant</i>	211	<i>Fides vacua esse non debet</i>	624
<i>Expectatio gratiæ</i>	68	<i>Fidei commendatio</i>	221
<i>Expiratio Christi , Dei beneficium</i>	471	<i>Fidei professio sine operibus vana</i>	430
<i>Extraordinarij Ministri</i>	606	<i>Fidem opera sequuntur, si non præcedunt merita</i>	623
F		<i>Fide quomodo iustificatus Abraham</i>	623
<i>Fabula Iudaica, quæ intelliguntur</i>	173	<i>Fideicida qui, Bernardo</i>	625
<i>Fabulas sectari, eos qui veritatem auersantur</i>	184	<i>Fidelis</i>	99
<i>Factores legis ut Paulo iustificari dicantur</i>	622	<i>Fidelis mox postquàm credidit, sine operibus decedens</i>	624
<i>Fama matronalis</i>	307	<i>Fidelium societas non deferenda</i>	653
<i>Fama thesaurus</i>	308	<i>Figmentum, quod intelligatur</i>	621
<i>Famuli probi imago</i>	411	<i>Filius à seipso traditus & datus, & à Patre item, & à Spiritu sancto</i>	466
<i>Famulorum numerus</i>	415	<i>Filius Dei magnus est Deus sicut Pater</i>	462
<i>Famulitium supernacuum aula eicelsum</i>	415	<i>Filius non ideo minor, quia traditus</i>	472
<i>Fatalis hominis ætas quo termino claudatur</i>	354	<i>Filius rebellis domi manens</i>	660
<i>Fides à quibus, & quibus præstāda</i>	398	<i>Filij Dei 582. Seculi & carnis</i>	582. 584
<i>Fides Christiana iam tum à principio hæresis dicta</i>	655	<i>Filij patribus corregnantes</i>	379
<i>Fides fundamentum, opera superædificatio</i>	623	<i>Fily quare appellati pignora & obfides</i>	280
<i>Fides multiplex</i>	5	<i>Filiorum cura quanta habenda</i>	
<i>Fides, prior quàm notitia</i>	7		51

INDEX.

Filios diligere cur nusquam preceptum parentibus	281	Generandi tempus	374. 372
Fines bonorum & malorum	454	Generatio duplex	576. 574
Fines humana vita diuersi	662	Generatio naturalis & spiritualis	23
Famina quam mas auidior	385	Generationes ante diluuium, quomodo, & quare commemorata	375
Famina viro pulchrior cōdita	311	Generationes Cain, Seth	374
Famina martyres	239	Genitaliam inuicem	324
Faminiis feminas docere permissum	347. 247	Gentes	685
Fontis baptismalis cōsecratio	597	Germani neophyti	38
Fornicatio semper illicita	296	Gignendi finis qui sit	381
Fornicationis merces.	299	Gladius malignus, militis lancea	473
Fragilitatis propria cogitatio quam vtilis	547	γῆρας vix Latine exprimitur	21
Fratrem vt nemo redimere possit	491	Graci eloquentia studiosi, non item virtutis	249
Fratres Christi quomodo simus	493	Gracorum poesis aliquid veritatis inest	168
Fratres inter se Christiani	22	Gratia abusus, operum neglectus	423
Fratres & sorores qui Paulo	713	Gratia Dei boni sumus, nedum sumus	620
Fratres qui sint, quicunque dicunt		Gratia Dei Patri vniuersi & subsecutus Christus	420
Pater noster	712. 714	Gratia Dei nos fecit & refecit	620
Furti crimex	397	Gratiam Dei extollere	562
Furandi non danda seruus occasio	395	Gratia eadem Christianus, qua Christus	421
		Gratia non nisi gratuita	619. 620
		Gratia omnium donorum spiritualium principium	23
		Gratia prima nō cadit sub merito	420
		Gratia, vita beata arua	726
		Gratis vox quid Paulo	621
		Grane duplex	205
		Gregorius Turenensis	127
Galenus de Mose, Christo, anima	369		
Galenus seniu 368. valetudo, aetas	369		
Gallia calamitas	89		
Gallorum famuli, quales.	415		
Gallorum ingenium	162		
Gaudium piorum non sine timore	632		
Genealogia Deorum poetica	642		
Genealogia Domini	641		
Genealogia Iudaorum	640. 642		

I N D E X.

<i>Gula tarditas</i>	144	<i>Hæretici qualiter reuocandi</i>	688
<i>H.</i>		<i>Hæretici quibus feris similes</i>	671
<i>Habitus Christianorum</i>	240	<i>Hæretici resipiscences recipiendi</i>	684.708.
<i>Habuisse, miserum verbum, & pessimum</i>	224	<i>Hæretici seipsos, episcopi alios ab Ecclesia eiiciunt</i>	652
<i>Hæc dona, Hæc munera, &c. enarratum</i>	480	<i>Hæretici se segregant</i>	654
<i>Hæresis quid, & quis hæreticus</i>	634	<i>Hæretici subuercentes reuocandi, reuertentes recipiendi</i>	681
<i>Hæresis ab electione</i>	655. 663	<i>Hæretici vitandi & corrigendi</i>	711
<i>Hæresis & error, non idem</i>	662	<i>Hæreticorum Catholicis mentia</i>	740
<i>Hæresis & Schisma quid differant</i>	656. 710	<i>Hæreticorum oratoria, conuiuia, consuetudo, colloquia vitanda</i>	647. 667. 669. 672. 699. 702. 703. 704
<i>Hæreses vndo</i>	252	<i>Hæreticorum & Iuda par iudicium & supplicium</i>	652
<i>Hæreses & schismata, vnde</i>	157	<i>Hæreticorum & malorum Catholicorum differentia</i>	656
<i>Hæreses cur in Ecclesia necessaria</i>	737	<i>Hæreticorum libros habere qui possint</i>	756. 758
<i>Hæresiarcha</i>	661	<i>Hæreticorum prima in Ecclesia pœna, vitatio</i>	679
<i>Hæresiarchis non parcendum</i>	684	<i>Hæreticorum sermo, cancer & populus</i>	701. 682
<i>Hæreticus quis</i>	647. 662. 657	<i>Hæreticorum stulta, callida, fabulosa</i>	639
<i>Hæretici ad altare non nominandi</i>	693	<i>Hæreticus communicare, quasi hæreses defendere</i>	709
<i>Hæretici, Bæstia, hominum figuram habentes</i>	669. 701	<i>Hæreticus scribere, num liceat</i>	710
<i>Hæretici dissimulantes, duplices hæretici</i>	658		711
<i>Hæretici ieiunij licet, casti, mirifici, & propheta, lupi tamen sunt</i>	669	<i>Cum Hæreticis non contendendum</i>	646
<i>Hæretici, lupi</i>	666. 683. 701	<i>Hæreticis non insultandum, sed pro eis potius orandum</i>	712
<i>Hæretici canes</i>	666. 670	<i>Hæreticos non recipere, nisi penitentes</i>	703
<i>Hæretici ruipe</i>	665. 666	<i>Hæreticis vt resistere aut cedere debeamus</i>	647
<i>Hæretici coloribus suis depicti</i>	670		
<i>Hæretici nomine tenus Christiani</i>	704		
<i>Hæretici non celandi, sed prodendi</i>	707		
<i>Hæretici qualiter deuicandi</i>	699		

INDEX

Hæreticos persequi aut percutere
 prinati non est 669
 Hæreticos vitare, non accusare 652
 Hæreticos vt corripere & fugere de
 beamus 650
 Hæro episcopus auarus 95
 Hebræorum superbia 640
 Heli lenitas reprehensa 170
 Helotes qui fuerint 404
 Henrici II. Regis Christianum stu-
 dium & edictum 758
 Herodis senis dictum 224
 Hieronymus 459.741.289.334.
 591.755
 Hilarius 103.114
 Himerobij 364
 Hircanus pontifex & Rex 183
 Hispani episcopi 74
 Hispani inuiti discunt mechanica
 414
 Hispanorū fastus in famulatio 413
 Homerus 341
 Homo lapsus nec redemptus, diabolo
 & carni resistere nequit 483
 Homo malus decies millies peior ma-
 la bestia 143
 Homo nouus & vetus, interior &
 exterior 580
 Homo redit ad Deum per tria 192
 Homo vetus deponendus 580
 Hominis duplicis duplex purgatio
 194
 Hominis etiam defuncti exemplum
 quā efficax 212
 Hominem exui veterem, & indui
 nouum, quid 583
 Hominū bonorum tria genera 297
 Hominum mandata 177.179
 ōcios 97
 Hospitis magni excipiēdi exemplū

Hospitalium quæstores 130
 Hospitalitas quibus maximè exhi-
 benda 91
 Hospitalitatis merces 93
 Humana ætatis tempus 15
 Humana salutis causa 557
 Humanum genus totum quodammo-
 do duo homines 574
 Humanitas 559
 Hydropisia intermissa perniciēs
 303
 Hyperbole 322
 Hypostasēs tres simul semper exi-
 stunt 594

I

Iacobus Apostolus Paulum malè in-
 tellecturos corrigit 623
 Idacius Clarus 463
 Idipsum incommutabile 101
 Idolothytis non reſcendum 198
 Ieiunium magnum & generale 455
 Iesus Christus, vocabula assumpti
 hominis 459
 Ignatiū martyris zelus aduersus hæ-
 reticos 668
 Imago Dei nam ab Adam perditā
 586
 Immundū nihil præter peccatū 136
 Impatentia vel iracundia semen
 minimè decet 223
 Imperij genus in muliere viro obse-
 qui 354
 Impij versi quomodo non sunt 427
 Impostura insignis narratio 127
 Impostura sub monachorum specie
 designata 126
 Impudicarum matrem impudice fi-
 lie 299
 Incarnationis dominica scopus 424
 Incorrigibiles vt sibi relinquendi

INDEX.

Incredibilia in Scripturis multa, vera tamen	378	Indei præcise	712
Increpationis adhibenda cautio	170	Indeorum ambitio	115. iactantia
Indulgentia ad pietatem, non ad quæstum	136		641
Infantum baptismus, & pro eis sponsores	451	Judaorum error & rebellio	513
Infideles ut primitiva vitæ eris Ec- clesia	664	Judaorum sapientes ubi	182
Infirmi virtutem perfici	236	Judaorum studium	640
Infirmi fidei & charitatis	223	Judaorum ultimum exitium	551
Infructuosi auditores qui sunt	723	Judaica doctrina	117
Ingenii qui dicantur	299	Judaismus non levis aggritudo	174
Inobedientia malum	112	Judas 660. 693. 681. diabo- lus	
Instrumentum sine organum, quid 611		Jude Galilæi dogma perniciosum Judaïs	510
Integritas non raro calumnia obno- xia	44	Indicia Dei à nostris multum di- versâ	735
Integritas prælatorum triplex	204	Indicibus animadvertenda monitio	516
Intellectus dupliciter percipit, aut deficit	550	Julia Augusti filia impudicitia	287
Intentio rem diversificat	468	Julianus Apostata Baptismum irri- debat	569
Interiora velaminis	635	Juliani Apostata milites Christia- ni	509
Inuestitio ut fiat	610	Julius II.	84
Invidia	553	Juli vermes	416
Ioannis de temporibus senium	370	Jupiter Cretensium vernaculus	27.
Iob Moyse contemporaneus	359		151
Iob sine crimine	45	Jupiter immortalis contenditur	153
Iobi & Tobie patientia in morosis uxoribus	346	Iohi ascripta quæ Dei sunt, Deo a- scribenda	167
Ioseph fides erga Dominum Aegy- ptium	395	Ioues tres	152
Iosue senectus quæ	33	Iuris canonici studium quò utile	105
Iracundus	59. 60. 302	Irisperiti generis humani quasi pro- pili patroni	452
Irreprehensibile, quid dicatur	207	Iuslè fieri quid dicatur	429
Isaaci sanguis & victima	478	Iustificare, quid	617
Italica nationis potestas	42	Iustificari sine operibus legis quid sit	622
Judæi	685	Iustificatio in hac vita, secundum iriâ confertur	577
Judæi de Abraham se iactant	189		
Judæi murmuratores	514		

INDEX.

Iustificatio per deputationem	617	Legis impletio per Christum qua in-	
Iustificationis finis	626	telligatur	174
Iustificationis partes	625	Legis Mesi danda mora	182
Iustificationis termini	618	Legis Papia fibula	274
Iustificationem opera precedunt, sed		Legis sensus carnalis an spiritualis	
diuinitus in nobis preparata	622		645
Iustificati iidem qui & renouati &		Legitimatio Spuriarum	66
regenerati	618	Leo X	82
Iustitia non eadem episcopi & lai-		Leprosa uxoris amantior maritus	
ci	97		320
Iustus	97	Lia noctem mariti redemit	324
Iustus per comparisonem vt intelli-		Liberi presbyterorum quales sint	50
gatur quis	738	Liberorum educatio & elocatio v-	
Iuuenis cito mori potest, senex diu		trius parentis	310
vinere non potest	225	Liberis quandiu opera danda	383
Iuuenes	354	Liberos procreandi causa, prima hu-	
		mani generis societas	291
		Liberum arbitrium	21.23.556
		Libido in nullis aetatibus tuta	238
		Libidinis dominium	237
		Licita & iusta debent esse domi-	
		no-	
		rum imperia seruis	389
		Linguae officium duplex	189
		Littere communicatoria & priuatae	
			711.732
		Litterae principem docent	525
		Litigiosi	535
		Litium componendarum molestia	
			536
		Lituania matrone nobiles	268
		Longevi homines, & populi	361
		Linia Augusti coniugis prudentia	
			345
		Luciani locus correctus	246
		Lucrum honestum	118
		Ludonicus Vines	366
		Lupanar	434
		Lutheri paradoxon	607.194 so-
		phisma	
		Luxuria in vino qua intelligatur	
			51.300

L

Laborandum vt manducemus	149
Lacana	286.417
Lacana hera cur dicta	312
Lacunarum insolentia	318
Lacunarum potus	302
Lacedemoniorum reixogia, 224.150	
deambulationes	
Lacones	301
Lactantij error in substantia Spiri-	
tus sancti	742
Laici verbum Dei vt habeant	256
Laicis quatenus discenda sacra	254
Lectiois sacra assiduitas quam v-	
tilis	253
Lectoris catholici propositum	744
officium	646
Lectus	188.304.332
Legalium abolitio	175
Legatorum facultates	68
Legenda omnia, sed bona retinenda	
	742

I N D E X.

§1. 300	
Lycurgi immanitas	385
M	
Macare & Macaroneses Creta	
163	
Machabaeorum fortitudo	180. 271
Macrobij	361. 364
μακρολόγος	243
Magistratui omnis anima subiecta	
513	
Magistratibus maledicere, secta	
nota	527
Magistratibus parendum Christi	
exemplo	512
Maiores iactare, nec imitari	642
Maledicentia	62. 528. 530. 532. lex
Malefica recula	128
Malitia certa	553
Maluaticum vinum	164
Mancipia vnde dicta	409
Mandata dominorum qualiter exe-	
quenda seruis	394
Manichei	581. 675
Manusuetudo	545
Mantuan querimonia	76
Manus impositio	446
Manuum labor	536
Marcella vidua Apophthegma	225
Marcion haereticus	667
Margarita una, plures	26
Maria ancilla Domini	2. 603. ca-
stitas	
Mariti grauidi vxoribus abstineant	
333	
Mariti nomine tenus	278
Mariti nimirum vxorij	320
Marsupium	721
Martyrum fides qua fuerit	631
Mariys & Marthana pseudopro-	

phetisse	129
Massilia superstitionem portis suis	
excluebat	136
Mathathia constantia	180
Matthia pontificis calamitas	271
Mathusalem	644
Matri D. Augustini pro ipso solici-	
ta prudenter responsum	731
Matres filiorum quam par est, aman-	
pieres	270
Matrum exempla filia, patrum se-	
quuntur filij	298
Matrimonium Christianum, con-	
iunctionis Christi & Ecclesie	
mysterium	49
Matrimonium cur magis quam Pa-	
trimonium coniugium	272
Matrimonium verum	278
Matrimony fines, primus & secun-	
darius	274
Matrimony magna esse debet cau-	
sio	296
Matrimony reuerentia apud Ethni-	
cos	340
Matrimonio fraudem facientes a	
quo puniendi	295
Matrone regnum	309
Matrona Christiana quales esse	
debeant	239
Medicus misericors	684
Medici	733 742
Meletiani	675
Membrum instructuosum differt a	
practico	658
Membru mortuū, non desectum	660
Memoria senum, qua	224
Menstruata consuetudo prohibita	
290. 333. 335	
Mentiri, sepe negotiationi anne-	
num	119

I N D E X

Mercatoris cuiusdam mira pietas 272	Mors homini obstetrix ad alteram vitam 367
Mercenarij qui, non pastores 683	Mors nostra carnalis, quasi somnus est 629
Mercurius iuxta Venerem 341	Morte digni, hereticis impoenitentibus illicita communicatione se miscentes 673
Mereuices concipere nolunt 276	Mortui qui dā anathematizādi 691
Merita bona gratiam num praece- dunt? 619. 624	Moses seruus Dei 2
Meritis redditum, merces est, non gratia 626	Mosis aetas 356
Macrobij 364	Mosis diffidentia punita 492
Militibus obseruanda 508	Mosis sepulchra cur abscondita 645
Minax non est Deus & fallax, sed verax 11	Mosi addicti 174
Ministre Ecclesiae 241. 264	Mulier à decenni puero impraegnata 378
Ministri extraordinarij 187. 117 606	Mulier nihil sine viro sibi permittat 344
Miserandus magis, quàm contem- nendus proximus delinquens 548	Mulier viro seruiat 313
Misereri qui discamus 637	Mulieres Cretenses quàm noxiae dentibus & unguibus 163
Misericordia & humanitatis utili- tas praesentissima 638	Mulieres impudicae 287
Modestia quid 544	Mulieres incalcitrae 309
Modestia Episcopi 61	Mulieres maximè hereticos deuotio 706
Monachismus secundus baptismus 438. 440	Mulieres pares, superiores 312. 345
Monachus laico superior, Sacerdote inferior 442	Mulierum castitatem 263
Monachorum philosophia & pra- stantia 441	Mulierum subiectio 342
Monachi quatuor 124	Mulieres doceant, sed sexum suum 264. 247
Monachi religiosi 82	Mundantia quae sunt 498
Monarchas & Reges à Deo institui 522	Mandati antequam nati 602
Monica D. Augustini mater 274	Mundities aut immundities ciborum 186
Monothelita 694	Mundum & immundum nos faci- mus 188
Mores viri, lex vitae suae coniugis 340	Mundus & seculum, idem 442
Mori mundo 449	Mundus factus, non aeternus 12
Mors Christi non violenta, aut in- voluntaria 470	Mundi sapientum fatuitas 385
	Murmurationis malum 392
	Mustela sanguis 645

I N D E X.

Mustum cicuta temperatum, hereticorum doctrina	676	Numinis interuentus in Tragœdiis	418
Mysteria ridens non initiati	570	Nupta noua institutio	336
N		Nuptiale epulum	329. 330. Immodestia
		Nuptialia bona, proles, fides, sacramentum	279
Nabuchodonosor Christi seruus	518	Nuptia quare instituta	276
Nasci denudè quid sit	571. 573. 578	Nuptia secunda, cauillis obnoxia	47
Nasci desuper ex aqua & Spiritu sancto	599	Nuptiarum adulterinarum velamen, & mala	279
Narratoria Siloe typus	595	Nuptiarum pratextus quàm validus	291
Natiuitates duæ	574	de nuptiis & innuptiis locus	293
Natura in Christo utraque dat Spiritum sanctum	614	O	
Naxanxenus Romana lingua express.	447. 732		
Necessaria verbi prædicatoribus suppeditabantur à fidelibus auditoribus	721. 723	Obicem non ponere	607
Negotiatio quàm periculosa	118	Obscuritas in iure	326
Nestor Trifeclesenex	370	Occidi, non vinci	703
Nestorius, Constantinopolitanus Episcopus	59	Oculus, manus, pes. 1. Charissimè	709
Nicena Synodus	692	Oculi voce, compassio & commiseratio innuitur	687
Nicodemo propofita de baptismo similitudo	600	Oculorum apertio	733. 734
Nicopolis	717	Odibiles & odiosi	554
Noctes etiam Deorum sunt	288	Odij perfecti indicium	266
Nocturnus pudor	287	ὀδιδισ ὡς ὅτι	307
Nomina monosyllaba & dissyllaba seruis conuenire, polysyllaba dominis	394	Onia commendatio	544
Non putabam, sapientibus turpe dictum	634	Opera bona credentibus necessaria	621
Notariorum salarium	123	Opera bona fideli nõ defutura	620
Novemviri Roma	88. 135.	Opera bona, Dei simul & nostra sunt	497
Novitas hominis quæ sit	580	Opera etiã mūdant, nedũ fides	499
Nume erga mulieres seueritas	218	Opera vt requirit Paulus	624
Nobilis ætas	380	Opera extenuare	562
		Opera gratia & iustitia non meritoria	613

INDEX.

Opera quæ iustitiam sequantur, nō precedant	622	Paulus Græca lingua peritus	168
Opera legis	361	Pamphilus Apologetici pro Orige- ne autor	749
Opera sermoni iungenda	112	Panceltium Aurelianense	122
Operum bonorum necessitas	496	Panis & calix in Ecclesia mensa sanctificatur	605
Orare pro hæreticis 669. 704. 708		Panis in oratione dominica	496
Orandum pro omnibus	698	Paranymphus	331
Ordinum in Ecclesia gradus	505	Parentum cura pro filiis quantum momenti habeat	52
Origenes cur hæreticorum dogmata legerit	738	Parentum erga liberos indulgentia 270 affectus	27
Origenes multarum hæreseon ra- dix	708	Parentum pietas in filios	282
Origenes ut legendus	745	Parentum ora libri sunt filiis	249
Origenis ardor in scripturis	743	Parricida casus à filio	298
Origenis commentarij per marty- res in Latinum versi	739. 746	Partem unam libri probans, nō con- tinuò totum librum probat	155
Origenis doctrina, nō dogmata lau- data	741	Partus sequitur ventrem	299
Origenis elogium	214. 739. 743	Parvulis baptizandis redemptio ne- cessaria	489
Origenis lectores accusati	750	Passio Christi spontanea non inni- ta	472
Origenis libri similes prout omni- genis florib. ornato	732	Pastores hominum	405
Origenis opuscula quedam retenta 753		Pater Deus magnus & primus	40
Origenem citant Catholici	739	Pater dedit & tradidit Filium	481
Origenista reprehensi	11	Pater etiam saluator dictus	559
Oris graucolētia in maritis, à cōiu- gibus dissimulata	344	Pater ut dereliquit Filium, & non dereliquit	481
Oris putor	187	Pater ut Filium percussit, &c.	482
Osculo etiam delibatur puella vir- ginitas	344	Patres familias quales esse deceat, domi doctores	248
Otū mala 148. 149 ratio reddēda		Patres familias unde dicti	407
		Patriarchatum originis prerogati- ua	641
		Patientia senibus congruit vel ma- ximè	223. 225
Paclio nuptialis ultra biennium di- lata, irritanda	386	Pauliani	593
Paclum cum diabolo inire	443	S. Paulinus Nolanus	400
Padia	422	Paulus Apostolus à calumnia de- sensu	155
Pallum, honoris plenitudo	41		

INDEX.

Paulus Hebraicam linguam à Ga maliele didicit	168	Percussor	62
Paulus Iudæis Iudæus, cum Genti- libus agit ex ipsorum doctoribus	166	Peregrinationes mulieribus pericu- losa	308
Paulus quomodo se inter criminosos numeret	554	Peregrini ut excipienda	92
Paulus Samosatenus	58	Pericles à Comicis taxatus	318
Paulus LXX. disciplinam norat	167	περίστωτος	494
Paulus III	71	Peruicacia à falsis doctoribus	117
Pauli epistolis coapostolorum episto- la non contraria	624	Persa Græcis prudentiores	551
Pauli filij differunt	21	Personarum D. attributa 25 distin- ctio	627
B. Pauli lenitas	688	Perversi ac refractarij duriter ar- guendi: mites ac mansueti leniter	170
Pauli persecutio aduersus Christia- nos	555	Petrus de Aliaco	133
Pauli predicatio quæ efficax	102	Petrus dictus Satanas	681
Pauli vita ante conversionem quam laudabilis	555	Photiniani	392
Pauli IIII. propensio in autorem	91	Philanthropia	558
Pauper importunè petens non exa- spectandus	546	φιλόστονος	91
Peccare ut non possimus, & pecca- tum non habere	584	Pharisei Iudæorum peritissimi	103
Peccatum ad mortem 697 sine pec- cato, quis	45	Piscis immundus	196
Peccatum omne, non continuè cri- men	45	Pius V	78
Peccata alia aliter tractanda	501	Placere homini quatenus liceat	392
Peccata in quo consistant	425	Plato 7. 380. 384. 102. 296. 547.	549
Peccata quotidiana quomodo mun- danda	499	Pœnitentia tempus	357
Pecorū nutritores, Patriarcha	408	Polybij de Cretensium improbitate testimonium	144
Peculiaris populus	495	Polycarpus	232. 667. 668
Pecunia regum	65	Polygamia dissuadenda	48
Pelagiani casti, pauperes	712	Pompa diaboli, quæ	453. 453
Pelias recollus	368	Pompilius tyrannus	95
Per omnia quid	322	Pontificum & principum in sacris expressio vel suppressio	534
		Porcus quare immundus	197
		Portio congrua & canonica	122
		Potestas corporis mulieris penes virum	323
		Præceptor discipuli operam non do- dignans	29
		Præceptore furioso nihil scidius	59

INDEX.

Præcepta Iudaorum quàm numero- sa	181	Quadragesima	455
Præcepta non bona unde dicta	175	Quæstiones interminabiles vitanda	379
Prædicatio de loco in locum tran- sponenda	28	Quæstionum diuersitas, Iudaicarum hæreticarum, philosophicarum	639
Prædicatores bellatores	106	Quæstiones fabricarum Ecclesiasti- carum	131
Prædicatores quæstuarij	131	Quæstuarij predicatorum	132.135
Præstare, magis proficere	636	R	
Præstantium consuetudo non ha- benda	336	Rachel	282
Præparat nos Deus, nõ ipsi nos	621	Raphanophagi	413
Præpositionum vis & energia	503	Rebaptizatio	439
Præbyteri sensu, non auro	238	Redemptio sufficiens, vt necessaria	490
Præbyteri unde dicti	31	Redemptio nostra à quo sit	483
Principis Christiani institutio	523	Reformandi spes ablata	75
Principes licet reprehendere, nõ ma- ledicere	521	Reformatores noui	497.499.527
Principum curare sacra, nedum pro- fana	522.626	Rei concessa excessus, aut etiam a- busus	292
Principibus & Pontificibus vt con- uenire possit	514	Regeneratio alterius vita initium	598
Procuraciones officialium	67	Regeneratio lauacri, & regenera- tio resurrectionis	577
Prohibitio duplex	199	Regeneratio nouissima, Resurrectio	575
Promittere Dei, quid sit	14	Regeneratio spiritalis	572
Propheta ironice	140	Regenerationes duæ	575
Prosteda meretrice	332	Regionum diuersitas, diuersa gignit ingenia	160
Prostitueret	289	Regnant etiam mali à Domino	516
Pubertas nudatione corporum non inuestiganda	386	Regressus	72
Pudicitia absurdè senibus præcipi- tur	218	Religio longæuos facit	362
Pueri	381	Religiosi qui sint intelligendi	442
Puellæ	382	Relinquendi omnia lex & condi- ditio	451
Puerorum delicta qualiter excipien- da parentibus	306	Reliquiæ sanctorum supposititia	127.
Puerorum disciplina quàm seuerâ fieri habenda	53	129 vanales	
Pugna legis	644	Remaledicendum non est	544
Pulcheria Augusta commendatio	524	Remissio culpa non sine infusione gratiæ	618
		Remissio peccatorum, proprie spiri-	

INDEX.

tuffanti est	605	Sacerdotum corruptela	89
Renascentia nostra necessitas	379	Sacerdotalis dignitas nō imminuen-	
Renasci, regenerari, & baptizari		da	36
idem	572	Sacra ne peregrina aut occulta	323
Renouari de die in diem	583	Sacramenta causa sine qua nō	610
Renouari in spe & re	584	Sacramenta cōficiunt, cōferunt, ex-	
Renouatio anima peccato deforma-		hibent	607
ta, nō vno momēto fit, sed paulatim		Sacramēta corporalia visibilia, ver-	
581		ba	612
Renouatio in spe & re, in animo &		Sacramenta cum haeticis non com-	
corpore	582	municanda	709
Renouatio mentis & carnis	586	Sacramenta fraternitatis Christia-	
Renouatio triplex	585	na sunt tessera	612
Renunciant mūdo continentiam vo-		Sacramenta necessaria in voto, sal-	
uentes	437	tem & affectu	612
Renunciare seculo	434	Sacramenta signa iuda nō esse	610
verbis, non		Sacramenta signāt & exhibēt	610
factis	435. 449. 451	Sacramentorum contemptus impius.	
Renunciatio monachica	441	612	
Renunciatio quarum rerum facien-		Sacramentorum negotiatio	74
da sit	452	Sacramentorum veteris testamenti.	
Resignationes	72	& noua legis. d. ffrentia	608.
Respondere	392	Sacramētōrū vis inenarrabilis	612
Resurrecturos nos cur sperare de-		Sacramentorum vis, verbi profectus.	
beamus	629	fidei	587
Rex Catholicus	512	Sacramentorum vis, virtus, effica-	
Reges à Deo constituti	515	cia, ex Domini passione	614
Reges Francia vt Israelis, clemen-		Sacramentis gratia assistens, an in-	
tes	758	hrens	608.
Reges prima & maxima populi ca-		Sacramentis inter nos vnimur	613
pita	507	Sacrarium regenerationis	448
Regum honor & timor	533	Saducæi	183
Regum dignitas	522	Salomon	305. 377. 515. 644. 645
Rixosæ mulieres	305	Saluator dictus etiam Pater	627
Roman. notatur 69. 181 laudantur		Saluator parentibus subiectus, &	
Romana aures	747	Patri subiiciendus	391.
Romanorum laus	181	Salus in spe & re	562. 583. 576
Ruffinus Origenis interpres	748	Salutis nostræ vera ratio, Dei mise-	
S		ratio	562
Sabinarum honos Roma	312		
Sacerdos quasi medicus	685	††† iiij	
Sacerdotes primi castigandi	70		

INDEX.

Samaritana Schismaticorum typus	700	Semel, pro prorsus & omnino	434
Sancti peculiare morbum curandis		Semina omnia humida sunt	572
propositi	134	otuvos, vocabulum medium	205
Sanctorum pedes lavare	264	Senatus Parisiensis auditorium inau-	
Sanctitas	97	rati lecti	516
Sanguinis Christi pretium inasti-		Senecta bona	237
mabile	492	Senectus eximium Dei donum	230
Sanguini & suffocati abstinencia		Senectutus honor apud Lacedemo-	
199		nios	229
Sanguinisflua curata	335	Senectus in gloria	231
Sanitas charitatu	222	Senectus ipsa morbus	219
Sanitas fidei & doctrina	203.173	Senectutis mala	237
Sapientia senum	234	Senectutis vitia	217
Sara, piarum omnium matronarum		Senex plenus dierum de peccatori-	
parens	314	bus non dicatur	32
Sara obedientia	314	Senex sine religione	220
Sara sponsa oratio	329	Senis impudici & imperiti probum	
Satana an sit traditus Christus		220	
479		Senes minus agrotare quam iuvenes	
Saul Rex vinctus à Deo	515	233	
Schismatici, qui	657	Senes quam mulieres cur citius ino-	
Schismaticorum vitæ dorum duplex		briuntur	246
causa	677	Senes sani malis ebriorum laborant	
Schismatici se non misere contra		246	
sacerdotes	674	Senes, seniores & presbyteri, ut acci-	
Scholastici defenduntur	625	pianur	226
Scholastici defensi	607	Senes suspiciosi	242
Scientia vere perituri, qua	8	Senum apud Barbaros irreuerentia	
Scripturarum comparietas qualiter		229	
excipienda	645	Senum contemptus	224
Scriptura pro Deo posita	139	Senum exempla iunioribus	232
Scriptura qua sit intelligenda	138	Senum gravitas	217
Sectarius	648	Senum incredulitas	222
Secundandum non esse iratis inter se		Senum infatuatio ex duobus	220
coniugibus	304	Senum loquacitas	242
Seculare 425 carmen, ludi 15 Se-		Senum repuerascentia	219
cularia	13	Senum reverentia	229
Seculum	15.355.446	Senum xelotypia	242
Secula omnia suos semper habue-		Senibus vini usus quam commodus	
runt Doctores	542	350	

I N D E X.

<i>Senum spes</i>	224	315.355.416.171.187.367.424
<i>Seniores</i>	226	429. 431. 579. 581. 611. 612
<i>Seniores clerici & laici</i>	228	613. 678. 684. 687. 733. 737
<i>Seniores & presbyteri unde dicti</i>		756
31		<i>Similitudo filiorum cum patre ano</i>
<i>Seniorum officium in Ecclesia veteri</i>		<i>matre</i> 281
228		<i>Similitudinibus profanorum & si</i>
<i>Seniorum traditiones</i>	179	<i>sancti</i> 679
<i>Separati ab Ecclesia quantopere su</i>		<i>Simoniacorum poena</i> 686
<i>giendi</i>	674	<i>Simoniam in Pont. Rom. non eade-</i>
<i>Septimi anni observatio</i>	352	<i>re, fons abusuum</i> 71
<i>Sepultura vandalis</i>	74	<i>Siphridus, Episcopus percussor</i> 63
<i>Servire ad oculum</i>	411	<i>Sitarcia</i> 721
<i>Servitus dilectionis, nobilis</i>	2	<i>Sixtus III.</i> 78
<i>Servitus filialis</i>	2	<i>Sobrietati frantum iuuenibus</i> 348
<i>Servitus mulieris viro</i>	339	<i>Sobrietas castitati cumprimis neces</i>
<i>Servitus mutua</i>	2	<i>saria</i> 300
<i>Servitus mutua coniugum</i>	340	<i>Societas cum infidelibus non incūda</i>
<i>Servitus unde manavit</i>	405	666
<i>Servus ne vngatur</i>	413	<i>Socrates</i> 397. 346. 504
<i>Servus qualis diligendus</i>	411	<i>Sodoma exitium unde</i> 148
<i>Servus qui fiat homo hominis</i>	409	<i>Solertia muliebris</i> 283
<i>Servi boni & ancilla bona imago</i>		<i>Somni visum mirabile</i> 521
416		<i>Sophoclis responsum</i> 234
<i>Servi boni pictura graphica</i>	412	<i>Sophonias cum Paulo locus collatus</i>
<i>Servi feruientes</i>	404	430
<i>Servi unde dicti</i>	406	<i>σώφρων</i> 96
<i>Servorum neglectus ferè improbos</i>		<i>Spes anima velut ancora</i> 635
<i>eos reddit</i>	403	<i>Spes, quæ, qualis, cuius rei, & quan-</i>
<i>Servorum numerus nimius</i>	413	<i>dus</i> 628
<i>Servorum vitia</i>	403	<i>Spes & res</i> 627
<i>Si, pro non</i>	10	<i>Spes Israël propria</i> 631
<i>Sibylla senium</i>	370	<i>Spei certitudo non sine aliquo mor-</i>
<i>Sigilli vocabulum</i>	611	<i>is metu</i> 632
<i>Silicernium</i>	354	<i>Spiritus Dei, autor primarius in bap-</i>
<i>Simeon Hierosolymorum episcopus</i>		<i>ptismo, poenitentia, & resurre-</i>
<i>martyr</i>	232	<i>ctione</i> 613
<i>Simeonis Christi patruelis senium</i>		<i>Spiritum tradere, emittere, commen-</i>
368		<i>dare</i> 470. 474
<i>Similia</i> 220. 244. 267. 303. 310		<i>Spiritus sanctus Deus</i> 459

I N D E X.

<i>Spiritus sanctus homini per baptismum proximus efficitur</i>	444	<i>Tacere non posse, vitium servile</i>	392
<i>Spiritus sanctum etiam nunc, licet non visibiliter, baptizati accipimus</i>	616	<i>Talmut Iudaorum</i>	177
<i>Sponsa corrupta cōperta pœna</i>	294	<i>Taxa camera Apostolica</i>	67
<i>Stationary</i>	134	<i>Tempus non erat, quādo Deus nondum aliquid fecerat</i>	13
<i>Sterilium & effectorum matrimonium</i>	273	<i>Temperantia manducandi & bibendi</i>	200
<i>Stoici</i>	504	<i>Tempus, opportunitas</i>	16
<i>Sirabonius testimonium de Creten-sibus</i>	147	<i>Ternaria monitio in excommuni-cationibus</i>	649
<i>Stultitia opponitur sapientia</i>	636	<i>Tertulliani laus & ingenium</i>	741
<i>Stultus, dupliciter accipitur</i>	197	<i>Testes tres in terra, aqua, sanguis, spiritus</i>	595
<i>Stulta dicenda omnia quæ vera non sunt</i>	639	<i>Testimonio infidelis nonnunquam utendum fidei</i>	165
<i>Subiectio inter se creaturarum omnium</i>	402	<i>Testudini insisterens Venus, quid symboli habeat</i>	309
<i>Subiectio mulieribus & seruis conuenit</i>	389	<i>Thalamus officina modestia</i>	288
<i>Subiectio quatenus præstanda</i>	507	<i>Themistocle dictum egregium</i>	234
<i>Sunamitis</i>	235	<i>Theologicum studium abhorrentes, ne hæretici fiant.</i>	105
<i>Superbia, hæresis mater</i>	663	<i>Theophil. Alexandr. Episcopus, D. Chrysostomi amulus</i>	750
<i>Superbus quis intelligendus</i>	57	<i>Theophilus Episcopus, Origeni iniquior</i>	757
<i>Superioribus quatenus obediendum</i>	508	<i>Timotheus austerus</i>	171
<i>Superstitiosi</i>	270	<i>Titus lenis</i>	170
<i>Susceptorum in baptismo sponsio pro parvulis</i>	432	<i>Titus lenis ac mitis natura</i>	503
<i>Suspenso longa morte moriuntur</i>	467	<i>Tobia historia</i>	327
<i>Sustinere eorum est, qui promissum nondum acceperunt</i>	628	<i>Tobia iunioris castitas</i>	272
<i>Syllogismus mentiens</i>	147	<i>Tobia iunioris sponsoratio</i>	329
<i>Synagoga Christo commortua & consépulta</i>	8	<i>Tobia senioris pietas in filium</i>	272
		<i>Toletana Synodus XII.</i>	37
		<i>Tolosa Archiepiscopatus</i>	39
		<i>Tonsor</i>	415. 412
		<i>Traditio Iuda, Patris & Filij, quam differat</i>	468
		<i>Traditiones Iudaorum</i>	176
<i>Tabula matrimoniales</i>	275		

INDEX.

Trapexitis comparati sacrarum literarum studiosi	750	Vinum immundum	197
Tridentinum conciliū 20. 42. 73.		Vinum passum	164
88. 135. 527. 723		Vinum porcinum, simia, leonis	61
Trinitas tota Christum tradidit		Vinum vt venenum	301
480		Vini copia immodica quàm noxia	301
Trinitas tota redemit, vt tradidit		Vini vsus iuuenibus quando & quatenus permittendus	349
484.		Vini vtilitas senibus	245
Troecensorum oraculum	382	Vinolentia vitium in mulieribus & senibus	243
Turpe lucrum	63 118. 119. 124	Vinolentus	60
Tychonij regularum liber	732	Vinolenti magi sopor grauis	129
Tychicus	716	Vir caput vxoris	323
V		Vir & vxor, vna caro & anima	267
Vagitus infantium	367	Vir & vxor vnum	317
Vaniloquis vt obstruendum os	116	Vir externa, vxor, domestica curet	310
Vas suum in honore possidere quid		Vir vxori opes sua, & mundus, & thesaurus	344
334		Viri officium	321
Venenorum natura medicis cur per- scrutanda	733	Viri auctoritas	319
Veneri Creta domini	163	Virum mulier ne vitet aut promoces	286
Venia non nisi se corrigentibus dan- da	708	Viri 239 Domini	314
Venter insatiabilis	146	Virago	140
Venter interpellator molstus	119	Viripotentes	385. 387
Ventris probum	151	Virgines & corrupti opponuntur	204
Ventres qui dicantur	144	Virgines professa	437
Ventriloqui	145	Virtus sine colluctante non clucescit	738
Verbum Dei qualiter predicandum		Virtute sua nemini gloriandū	549
19		Visio diuinitus oblata super hereti- corum libris	730
Verbum Dei quando maximè au- diendum	251	Visitatores	34
Veritas etiam quadam non in pie- tate posita	7	Vita exemplum plus monet, quàm doctrina	203
Vertigo capitis	187	Vitiata pro virg. ducta an redhiberi	
Vetula genitura modum faciunt, nō libidinis	277		
Vidua Ecclesiastica stipe ue viuāt, nisi vniuerse	47		
Vindicta, seu iustitia publica	544		
Vinum Creticum	164		

INDEX.

possit	294	proprij	323
Vlixes, Nausicaa	341	Vxoris erga virum dilectio ut co-	
Vnus, id est, primus	648	gnoscatnr	266
Vocatio tota Deo ascribenda	6	Vxores non ancilla	314
Voces noua vana	683	Vxores suas filijs cedentes marito	
Voluntas Dei bona saepe per volun-		270	
tatem hominis malam impletur		Vxores tunc episcoporum	47
469		Vxores virorum cohæredes	316
Voluptates domare inuenibus per-		Vxorum vitia aut ferenda aut tol-	
difficile	348	lenda	346
Votum baptismi	444	Vxorius quidam maritus notatus	
Votum commune, & solenne	431	317	
Vota falsa	433		X
Vota singularia	438		
Vsque in æternum, quid sit	631	Ξυπόδοχος	91
Vsus contra naturam	292	Xantippe Socratis	306
VVilderolfus episcopus	95	Xenophon	341.344
Vxor à Deo petenda	341		Z
Vxor bona à Deo datur	284		
Vxor dignitatis nomen	288		
Vxor mala	284	Zarateni	133
Vxor eadem amica	304	Zenas	719
Vxor μετ' ἑταῖρος	305	Zelus in bonis operibus requisitus	
Vxor se marito conformet	303	497	
Vxor num viro setua	319	Zenobia Palmyrarum Regina pu-	
Vxor socia, filia	315	dicitia	286
Vxor viri amans quàm frugi	337	Zizaniorum parabola hæreticis ac	
Vxoris amici marito communes, nō		commoda	656

FINIS.

*DECASTICHON IN DIGRES-
siones D. Claudij Espencai in commentariis
suis ad epistolam B. Pauli ad Titum.*

Offendet fortassè alios digressio crebra,
Qua scripta adspergis, condecorásque tua:
At me tam recreat, quàm verno tempore campos
Seminibus grauidos dulce liquens pluvia:
Nec minus est scripti variantis grata venustas
Discendi cupidis auribus atque animis.
Quàm iam longa viro ingratis ieiunia passo,
Quæ struitur variis mensa onerata cibis.
Ergo quicquid adhuc scripturus es, optime Claudij,
Ne parcas variis : nam magis illa iuuant.

L. Cyaneus faciebat.

Errata sic reponē,

Pag. 33. *pralaturis*, *praelecturis*

40. *tunc*, *nunc*.

48. *seruari*, *seruari*.

69. *libertatem*, *liberalitatem*.

71. *corrigere*, *colligere*.

132. *Emineat*, *enumerat*.

141. *nationalis*, *rationalis*.

167. *albenta*, *ascribenda*.

229. *uxoribus*, *deest*, *viris*.

244. *canes*, *canos*.

306. *exhibe*, *colibe*.

318. *quale caput*, *deest*, *viro*.

321. *difficilibus*, *adde*, *parendum*.

345. *fruenda*, *foeunda*.

374. *mulieribus*, *muliebribus*,

379. *belluis*, *bellis*.

423. *salutem*, *salutarem*.

424. *nostra faceret*, *missa faceret*.

459. (*ait*) *adde*, *Hieronymus*.

471. *vinctum quoque ad*, *quoque sed*

Ead. pag. docuerat, *deuenerat*.

498. *superveniet*, *supereminet*.

329. *paucis*, *pauci*.

537. *epistola*. 47. 147.

517. *eisque*, *eique*.

531. *macedo in*, *macedoni*.

627. *porro te*, &.

632. *Quid quod est hoc?* *quid est hoc?*

645. *baptisma*, *baptismata*.

650. *alibi dictum*, *adde*, *corripitendos*.

661. *aliquatum*, *eliquatam*.

667. *mart. marcioni*.


684. *negari*, *non negari*.

709. *communicanda*, *deest*, *sacramenta*.

721. *ut priusquam*, *solle*, *ut*.

744. *Theodocium*, *Theodorum*.

748. *exit habuitus*, *exitus habuit*.



1

D. PAVLI APOSTOLI
EPISTOLA AD TITVM.

CAPVT PRIMVM.

*P A V L V S S E R V V S D E I ,
Apostolus autem Iesu Christi , secundum
fidem electorum Dei , & agnitionem ve-
ritatis , quæ secundum pietatem est , in spes
vitæ æternæ , quam promisit , qui non men-
titur Deus , ante tempora secularia : mani-
festavit autem temporibus suis Verbum in
prædicatione , quæ credita est mihi secun-
dum præceptum Saluatoris nostri Dei , Tito
dilecto filio secundum communem fidem ,
gratia & pax à Deo patre , & Christo Ie-
su Salvatore nostro .*

In D. Pauli Apostoli ad Titum episto-
lam Commētarius , collectore Clau-
dio Espencæo , Theologo Parisiensi .



R E V I S quidem epistola , sed
nihilò fructuosa minus , diuidi-
tur in tres partes . Salutatione ,
epistolarem narrationem siue
prosecutionem , & conclusio-
nem , suo quaque loco adnotandas . Salutan-
tem autem personam tripliciter autor notifi-

cat, nomine, conditione siue religione, & auctoritate. Suo ergo more sic incipit, *Paulus*, cuius nominis rationem, vel rationes potius, initio prioris ad Timotheum reddidimus. Secunda nota est, *Seruus Dei*, non misera peccati seruitute, sic enim Dei seruus non esset: ne veteris quidem legis, sic enim Christi in Euangelio non esset minister. Hæc autem Pauli seruitus nobilis est, & dilectionis, ex amore, quæ Dei sequitur filiationem, non timoris, siue ex timore, quæ contra eam condiuiditur, Ioan. 14.

Seruitus dilectionis, nobilis.

Seruitus filialis.

Rom. 8. Gal. 4. 2. Tim. 1. 1. Ioan. 4. Hac autem filiali seruitute non Deo tantum seruimus, & ei clamamus Abba Pater, sed & nobis inuicem seruire præcipimur, Gal. 5. Per charitatem seruite inuicem. quæque noster hic, cum esset liber ex omnibus, omnium se seruum fecit, 1. Cor. 9. Et alibi, Vester (ait) seruus propter Christum, siue, nos seruos vestros per Iesum, 2. Cor. 4. Hanc seruitutem habuerunt & veteres, Ego (inquit David) ô Domine, seruus tuus, Psal. 115. Moyses toties Dei famulus appellatus, & in omni Dei domo fidelissimus famulus, Numer. 12. Heb. 3. Deut. 34. mortuus est famulus Dei, Ios. 1. Famulus meus Moyses: &

Seruitus mutua.

Moyſes seruus Dei.

Maria ancilla Domini.

Beata ad Angelum, Ecce Ancilla Domini, Luc. 1. quam cum superioribus absit, ut spiritum seruitutis in timore, non in charitate habuisse credamus. Neque verò mirum sanctos quanlibet homines, Dei tamē seruos nobiliter appellari, cum Pater loquatur ad Filium, magnū est tibi vocari te *παῖδά μου*, Esa. 49. Licet enim Græca

vox seruum significet & puerum, at in Hebreo quæsiuit horū obseruator Hieronymus, & inuenit seruū esse scriptum, non עבד puerum, id est, *Abdi*. Vnde Abdias Propheta, seruus Domini interpretatur, nomen ex famulatu Dei adeptus. Si quem ergo mouet vniuersi Dominum, Dei dici seruum, non mouebitur ab eo Apostolis dici, Qui voluerit inter vos esse maior, seruus sit omniū, Matt. 20. Marc. 10. Forma igitur serui assumpta, Phil. 2. quæ serui sunt, fecit, ministrare venit, & paternæ volūtatī cū seruis ipse suis seruiuit. Sed me lōgius euehit horū obseruator Hierony. Sequitur officij in Paulo dignitas, *Apostolus autē Iesu Christi*, Obseruat idē cum Græcis Paulū se indifferenter & nullo discrimine, interdum quidem Dei seruum, & Christi Apostolum inscribere, aliàs Christi seruum, Rom. 1. Phil. 1. & eiusdem passim Apostolum, commune nimirum Patris & Filij dominium agnoscentem, & nullum inter eos discriminē. Si enim Pater & Filius vnū sunt, Ioa. 10. & qui credit in Filiū, credit in patrē, 14. Pauli quoq; & nostra omniū seruitus, indiscriminatim vel ad Patrē, vel ad Filiū referēda est. Nec enim sic Dei seruus & Christi Apostolus, quin & Apostolus sit Dei, & seruus Christi, sed vt innuat quod per Christum Deus Pater in ministerium Apostolatus Paulum direxerit. Sed quod idem alicubi tribuit imperitiæ sermonis Græci: quod autem hīc subiūgitur, cū non præcesserit *quidem*, quasi sic nusquam apud Græcos

Abdias propheta. vnde dictus.

Christi apostolus & seruus, idem & Dei Apostolus & seruus.

*Apostolorū
Christi au-
toritas.*

*Apostola-
tus dignitas.*

reperiatur, apud eos contrā ex Grammaticis Erasmus annotat *si* frequenter pro copulatiua coniunctione *et* poni, quod hoc loco factum apparet. Tale autē hoc ci videtur, quale si quis dicat, Præfectus prætorio Augusti Cæsaris, magister exercitus Tiberij Imperatoris: ut enim seculi iudices, quō nobiliores videātur, ex regibus quib⁹ seruiūt, & dignitate qua intumescūt, vocabula sortiuntur, sic Paulus grandem inter Christianos sibi dignitatem vindicās, Apostolorū se Christi titulo prænotat, ut ex ipsa nominis autoritate lecturos terreat, indicās omnes qui Christo credunt, debere sibi Christi legato esse subiectos. nec ab hoc abludit Bruno, Paulum more suo salutationem præmittentem, dum se serui instar simplicem humilēque agnoscit, bonam quidem esse simplicitatem innuere, ita tamen ut qui Apostolicę sublimitatis imperium exigit, agat & singulos coërceat: Tu quoque exemplo meo sic esto simplex, ut pontificale officium nimia ne impediatur humilitas. Discreuit merito sanē Apostolatū à seruitute Christiana: nec enim omnis qui Dei seruus, hoc est, fidelis Christianus, idem statim Apostolus. Nam Christus super omnes fideles ex discipulis suis selectos duodecim Apostolos nominauit, Matth. 10. Marc. 3. Luc. 6. & primæ in Ecclesia sua dignitatis Apostolos, Eph. 4. primum quidē Apostolos. Et nos (in sua opinor, & Apostolorum persona inquit alibi) primitias spiritus habemus, Rom. 8. Describitur ergō

Apostolus ab autore, à quo electus sit: Non ab hominibus (ait) neque per hominem, sed per Iesum Christum, Gal. 1. Quémque solum & scire se agnoscebat, 1. Cor. 2. & annunciabat, 2. Cor. 4. cuius & legatione fungebatur, 2. Cor. 5. Eph. 6. & autoritate nitebatur, in eiusdem Domini virtute Satanæ tradens, 1. Cor. 5. sed & in persona Christi donans, 2. Cor. 2. id est, ut vicarius, & eius vice cōdonans. Sequitur, *secundū fidem electorum Dei*: Nec hīc videt Erasmus cur rursus impingat inscitiam Græcanicā Hieronymus, quasi Paulus hebræus ex hebræis profundos sensus græco sermone nō explicet, in verba vix promat, nisi fortè quia electos dei, ut antea seruum Dei. Erat Paulus Dei seruus: ad hæc enim superiora refert, quod intulit, nō iuxta Mosaicam legem, sed iuxta fidē eorum, qui *Fides multi-*
 non tantū vocati sunt, sed & electi, vel *plex.*
 dum fidem, qua credentes electi sunt, quam infundit Deus, qua credētes facit, quos & in pręscientia elegit. Ego (inquit) elegi vos, non vos me, Ioan. 15. Sequor ego (ait Paulus) & prædico fidem, quam tenuerunt, quaque seruati sunt electi, quique Dei: Sic Latini. Nec minus multipliciter Græci, ut dicat se Paulus factum Christi esse Apostolum, non ob sua merita, nec ex rectè factis, nec ex laboribus ac sudoribus hæc cepisse dignitatem & autoritatem, sed totum eius, qui ei hæc crediderit, beneficij esse, ac gratiæ munus: q. d. Non quòd dignus essem, ut electos docerem, utque ij crederent, hanc accipi

dignitatem. Philosophatur Aquinas, vt sua sunt aliis scientiis principia, sic in hac articuli fidei, eiusdem fundamenta, & substantia sperandarum rerum, Hebr. 11. innotescunt cuilibet fidei secundum lumen infusum: Et hoc pertinet ad quenlibet. Quæ autem sequitur, ad pastores & doctores, doctrinæ nimirum perfectio, & *agnitionem veritatis*: hæc verò duplex, perfecta in patria, cum videbimus facie ad faciē, 1. Cor. 13. 1. Ioan. 3. & imperfecta, per fidem, non per speciem ambulantes, 2. Cor. 5. de qua Ioan. 8. Si permanseritis in Verbo meo, cognoscetis veritatem, & veritas liberabit vos. quod Euangelista testatur dictum esse credentibus quidem, sed veritatem nescientibus, quam consequi possent, si in sermone Domini permanentes, liberi effecti, serui esse desinerent: Vnde hinc electorum magnam esse colligit diuersitatem Hieronymus, pro ratione sententiarum, operum, sermonum, vt non statim qui electus est, vel iuxta electionem, fidem possideat, vel iuxta fidem, habeat veritatis scientiam. Factus itaque sum apostolus, vt electi & crederent, & veritatem diuinam agnoscerent: quasi totum hoc illis illorumque saluti acceptum ferat, non meritis verò suis. Quod etiam alibi dicit, Omnia vestra sunt, siue Paulus, siue Apollo, siue Cephas, 1. Cor. 3. Nam qui secus enarrant, quasi non totam Deo ascribat sui vocationem, nec utcumque hoc sibi contigisse ac cōcreditum esse munus, quia crediderit & veritatem agnouerit: ideoque nec hoc aliis Deus

Agnitio veritatis duplex.

Electorum diuersitas.

crediderit, Græci statim corrigunt, & veram de Deo notitiam, Dei, prout est, gratiæ esse, non verò nostram agnoscunt. Cognoscam (ait noster) sicut cognitus sum, 1. Cor. 13. Et alibi, Si quomodo apprehendam, in quo & apprehensus sum à Christo, Phil. 3. Prius ergò agniti, sic agnouimus, & vocati, tunc demum obediuimus. Obserua primo loco fidem occurrere, ab hac deinde veritatis notitiam, non à ratiunculis emergere, Nisi credideritis, non intelligetis, Esa. 7. Et nos credimus, & cognouimus quòd tu es Christus, Ioan. 6. Cur autem ad anteriora iungit, *qua secundum pietatem est*, quasi verò sit aliqua veritas non in pietate posita, ad cuius distinctionem hoc inseratur: Est planè, qualem magno hîc consensu Græci, Latinique expouunt, artium liberalium & illiberalium peritiâ. Nam non rationem modò colendi agri, & rei rusticæ notitiam, aut ædium struendarum, sed & humaniores disciplinas ad eò in sua quantque scientia veritatem habere, vt Grammatica rectè loquendi, Dialectica inter vera & falsa diiudicandi rationem profiteantur. Est & in philosophia seculari multiplex multarum veritatum cognitio, sed non iuxta pietatem seu Christianam religionem, & verum Dei cultû, vt non dicâ in scientiis humanitus inuentis tam multas esse falsitates admixtas. Quàm enim multa in Platone & Aristotele, verius licet aliis scripserint, falsa, absurda, impia? Est autè veræ pietatis & piæ veritatis scientia, nosse Dei legē,

Dei vera
notitia, ex
gratia est.

Fides prior
quâ notitia,

Veritas etiâ
quadam non
in pietate
posita.

Plato &
Aristoteles
non semper
veridici.

Scientia vera pietatis, qua. intelligere Prophetas, Euāgelio credere, Apostolos non ignorare, quam multi habent, sed non statim & aliarum, de quibus meminimus, artium veritatem, aut notitiam. Iuxta veritatis ergò, sed Euangelicę, non verò vel philosophicę, ac ne Mosaicę quidem, notionem Paulus creatus est Apostolus. Ad discrimen enim Iudaicarū cæremoniarum dixit veritatem, quòd

Cæremonia.

Umbra.

veteris legis.

cę veritas ipsa nec olim quidem essent, nec tamen mendacium, sed typi & umbrę. Umbram enim habebat lex futurorum bonorum, non ipsam rerum imaginem, Heb. 10. quibus etiam cæremoniis pietatem opposuit, vt quę cū nunquam potuerint, ne sub lege quidem, iuxta conscientiam perfectos facere accedentes, atque seruientes, Hebr. 9. 10. multò minus sub Euāgelio satis superque præsertim vbique promulgato, pios imò non nisi impios, sui enim fiducia maximè & necessitatis opinione, imò potius errore, obseruatores, quales Iudæi mordicus eis hodièque adhaerentes, facere possunt.

Synagoga

Christo com

mortua &

consepulta.

Sunt enim post Christi mortem, & Synagogā illi commortuam, atque cum honore cōsepultam legalia, vt egregiè inter præstantissimos doctores, Hieronymum & Augustinum disputatum est, non solum mortua, sed etiam mortifera. *Evangelica*, ergò, siue religio, siue pietas veratur, ipsa est, inquit Iob, 28. Sapientia, cultus Deo tam vt creatori, quàm vt patri debitus, & describitur ex fine. *In spem*, siue cum vel sub spe, parum enim refert: *vita eterna*, hæc (ait) veritas,

Evangelica
quid.

cuius cognitio iuxta pietatem est, ei qui se cognouerit, premium tribuit immortalitatis. Per fidem enim acceptam, & agnitam veritatem, speramus nos æterna consequi: veritatis autem absque pietate notitia delectat ad præsens, sed æternitatem non habet præmiorum. Satis quidem in se erat, ac vice mille retributionum, veritatem cognoscere, ab erroris laqueis liberari, hæc, inquam, nobis erant magnæ beneficentiæ loco: verum non contentus enumeratis præsentis vitæ beneficiis, quibus nos Deus ornauit, addit & quæ in posterum bona daturus est, non Iudaïca illa, siue terrena. pergit enim in ea quam cepit, legis & gratiæ distantia, & collatione. Illi (aiebat) tunc electi Dei, nunc nos: hanc enim gratiam amiserunt, nos accepimus. Illi præsentia. Qui enim ea fecerit, inquit, viuet in eis, Leuit. 18. Ezech. 20. & repetit Paulus, Rom. 10. Gal. 3. Nos sempiternā mercedem expectamus, nec frustra, quia *quam promisit, qui nō mētitur*, & *quod dicit* Hieronymo & Augustino, locis paulò post citandis non mendax, Ambrosio verax *Deus*, non quia mentiri possit, & nolit in falsitatis verba prorumpere, sed quia pater sit veritatis, adeoque ipsa veritas, nedū verax, nullum in se mendacium habens, iuxta illud, Fiat Deus verax vt & immortalis. Omnis autē homo mēdax, Rom. 3. Psal. 115. non quoddam alij sint & veritatis amatores, vt & immortales, sed & veritatem & immortalitatem diuina largitione consecuti. Solus autē Deus

*Deus solus
naturaliter
verax.*

Si pro non.

*Id ipsum, in
commutabi-
le.*

naturaliter vt immortalis, ita verus. Aliud autē
hæc vel esse, vel per semetipsum habere, aliud
in potestate donantis quod habeas esse. Sic obi-
ter Hieronymus. Si ergo verax est, & mentiri
nequit, vt quem impossibile mētiri sit, Heb. 6.
vtique complebit quæ promissit, nec aliud exhi-
bebit, iustis scilicet & iniustis, quālibet hoc ho-
minibus durum videatur: Non est enim Deus
quasi homo vt mētatur, Numer. 23. & Psal. 88.
Semel iuravi in sancto meo, si, id est, nequaquā
Dauid mentiar: sic enim loqui scriptura solet,
interprete Augustino de Ciuitate lib. 17. cap. 9.
Iudicia Domini vera, Psal. 18. iustificata in se-
metipsa, siue in idipsum, id est, Augustino ibi
interprete, incommutabiliter: nec enim is vel
minatus vel pollicitus, quēquam fallit, aut quis-
quam eius vel impiis supplicium, vel piis præ-
mium potest eripere. Omnino ergo faciet quæ
præordinauit, dabit quæ spondit, vel post ip-
sam mortem, nec est cur ambigere, aut de pro-
missione dubitare debeamus, etiam si non ante
obitum promissis fruamur, hæc enim firma in-
dubiè sunt, ex parte promittētis & diuino pro-
posito, vt quanto certiora sunt, tātō nos minus
tepidi, securiorēsque effecti, solliciti quoque ma-
gis ad ea quæ prædicta promissaque sūt, vt om-
nino ventura, consequenda præparemur. Pro-
lixa est, nec minus necessaria & fructuosa di-
sputatio Augustini lib. contra Priscillianistas
cap. 6. & 21. De Ciuitate à cap. 17. ad finem vs-
que libri, & Gregorij Moralium lib. 34. cap. 16.

aduersus Origenistas præposterè misericordes, qui Deum minacem magis faciunt, quàm veracem, & dum satagunt perhibere misericordem, non verentur prædicare fallacem. Sed si verum non est quod minatur, nec id verum erit quod pollicetur: Si falsa minatus est, ut ab iniustitia corrigeret, falsa quoque pollicitus est, ut ad iustitiam prouocaret. Nā quale est, quāque absurdum, æternum supplicium pro diuturno existimare, & vitam æternam credere sine fine, cum Christus eodem loco, vna eadēque sententia vtrunque complexus, æternum dixerit? Matth. 25. Profectò vtrunque aut cum fine diuturnum, aut sine fine perpetuum debet intelligi. Si terroris tantum causa (inquit Chrysostomus lib. 2. de compunctione, & Homil. 25. ad Rom.) nec pro veritate supplicia promittuntur, consequens erit, ut & bonorum promissiones, adhortandi tantum, non etiam veritatis gratia proponantur. Sic stabit cum Nerone Paulus, imò etiam contra Paulum consistet diabolus. Si sic de vtraque parte sentiamus, resoluta sunt omnia religionis nostrę dogmata, si nihil aliud in omnibus mandatis diuinitus datis agi dicitur, nisi ut homines & vana bonorum spes, & inanis poenarum terror astringat. Sed nos his suborto occasionis articulo, breuiter dictis ad intermissum exponendi ordinem recurramus. Implebit igitur certò Deus quod pollicitus est non tantum patribus ante aliquot annorum ceterarios aut millenarios, sed & ante tempora secularia. Sic,

*Origenista
reprehensi.*

*Minax non
est Deus &
fallax, sed
verax.*

*Æternum
supplicium
quale intelli
gendum.*

*Aeterna,
priora &
antiqua.*

*Mundus fa-
ctus, non æ-
ternus.*

2. Tim. I. Πρὸ τῶν χρόνων αἰωνίων, de quibus vocabu-
lis nos ibi, quæ tūc occurrerūt. Hic secula Hie-
ron. tēpora æterna legit, vbi suprā cōtra Prif-
cillianistas. & de Genesi cōtra Manich. cap. 2.
Augusti. & de Ciuit. lib. 12. c. 16. ex quo loco in
hāc literā Beda & Anselmus. æterna autē (quod
mirandum est, præterita Paulo dicta, priora ex-
ponunt & antiqua, vt quæ cūm retrorsum à cō-
stitutione mundi habere videantur initiū, quo-
modo sunt aut dicuntur æterna, nisi quia ante
se non habent vllum tempus? Alioqui æterna
tempora quid ante se habere potuerunt? non
enim hæc Deo cōæua dicimus. Cum ergo mū-
dus factus sit, & per vices dierum ac noctium,
mensium pariter & annorum tempora consti-
tuta sint, in hoc mundi curriculo atque rota la-
bantur ac veniant, futura sint, aut fuerint, ante
hæc mundi tempora, æternitatem quandam
seculorum fuisse credendum est, & vt ita dicam,
vnum dei tempus, imò innumerabilia tempo-
ra, cūm infinitus sit, & ante tempora omne tē-
pus excedat, quibus semper cum Filio & Spiri-
tu sancto Pater fuerit. Antē omnia itaque tem-
pora, quæ nec sermo eloqui, nec mens compre-
hēdere, nec cogitatio tacita audet attingere, cū
nulli essent homines vel angeli, quibus Deus
promitteret, cui, nisi Sapientiæ suæ promisit: vt
quæ semper cū eo erat, antequam orbis iāceret
fundamēta, maria diffūderet, montes statueret,
cælum suspenderet, terram directā mole soli-
daret, & cum eodem lætaretur orbe perfectō,

& gauderet super filiis hominū, Prou. 8. Quid autem spondit Verbo suo Deus, nisi vitā iis, qui credituri, venturam, & quidem sempiternā? Ante omnia enim tempora, & apud se proposuit per eundem saluare credentes Patris æternitati, & Verbo eidem coæterno, quod suo tempore futurū erat, ante omne tempus iam prædestinatione fixum erat. Nec enim possumus dicere tempus aliquod fuisse quādo Deus nondum aliquid fecerat. Adeo non recens est promissio, nec in tempore promissit, sed vt promittentis, vt sic dicam, diligentia, vt rei promissæ certitudo in Deo consideretur, is sic, hoc est, electis suis daturum se gratiam & gloriam ordinauit & prædestinauit, ante tēpora, quæ voluntur per secula, seu multis ab initio mundi cyclis reuoluuntur. Sunt enim quæ non sunt secularia, nec seculis, sed momentis constant, vt horulæ, dieculæ. Postremum hoc Scholion Sedulij est, reliqua Latinorum aliorum sunt, Hieronymi potissimum. Aquinas secularia exponit iuxta diuersas successiones distincta, q. d. Antequā successuum tempus inciperet, quod quia cū mundo esse cēpit, ideò dicit ante mūdi principiū siue constitutionē, Eph. 1. Matt. 25. & veluti iacta fundamēta. Addit pro sua diligētia aliam literā habere, æterna, vel secundum imaginationem, non secundū veritatem. nec enim tempora Deo coæterna sunt: cū sit autē promittere, Verbo suam de dando volūtatē nunciare, Deus ab æterno protulit Verbū suum, in

*Tempus non
erat, quando
Deus nondū
aliquid fecerat.*

*Secularia,
qua sunt.*

*Promittere
Dei, quid sit*

*Æternum,
id est anti-
quum.*

quo erat, vt sancti & electi haberent vitā æternam. Vel æterna, id est, antiqua, sic enim accipit aliquando æternum, *αἰώνιος*, agnoscit vbi suprā Augustinus, & sub vtroque intellectu in scripturis poni solitum, sine fine, & cum fine, nisi fortē græcus aliquis codex habuit *αἰώνια*, vt Act. 15. ab ætatibus, seu temporibus antiquis. Vnde hinc Græci diuinæ prædictionis antiquitatē, ac proinde nostrā dignitatē nobilitatemq; colligūt, sed iuxta priorem æternitatis sensum, quo nos non nuper, sed olim, & ab initio, imò ante omne initiū dilexit, quod & pluribus alibi locis pōsuit, quos præsciuit, hos prædestinavit, Rom. 8. Segregatus in Euangeliū dei, quod antea per Prophetas promiserat, Luc. 1. Sicut locutus est per os sanctorū, qui à seculo sunt, Prophetarū suorum. Sed & decreti diuini constantiā hinc & immobilitatē iidē arguunt, quasi Deū eorū pœnitere non possit, quæ nō ex posteriori volūtate definierit, sed ante omnia ei secula sic visa sint atque destinata. Grauiter simul atque prolixè Hilarius lib. 12. de Trinit. Cū in Dei rebus, id est, in Dei natiuitate, nihil nō ante tempus æternum sit, non cadit in id vt antequam natus est, cuiquam ante tempora æterna promissum æternum sit, secundū præsens B. Apo. dictum, in spē vitæ æternæ, quā promissit Deus ante tempora æterna, aliquando non fuisse dicatur, quia intelligi non potest cepisse post aliquid, qui esse sit ante tempora æterna cōsistendus: æternum enim est, quicquid tempus exce-

dit, &c. Porro quod sic alicubi loquitur Augustinus, tanquam si *αἰὼν*, Latinè dici posse dubitet *seculare*, mirū si non legerit Horatij carmen *seculare*, quem eò loci allegat cap. 31. questionum super Genesim. *Seculares* autem ludos etiam irrisit de Ciuit. lib. 3. cap. 18. centesimo quoque anno celebratos & ad eos fugiendos atque cōtemnendos etiamnum inuitabat in Psal. 81. Propius rem nostram est quod de Genesi ad literā lib. 5. cā. 17. Ante secula inquit, Deus, A seculo ea dicimus, ex quo cepit seculū, in seculo, vt ea quę nascuntur in mūdo. Hieronymus ad Ezech. 26. 27. *αἰὼν*, seculum aiunt, humanæ tempus ætatis septuaginta annorum supputari, Latini nonnulli pauciorum annorū esse seculum putant, vt ad id 8. Æneid.

Seculare carmen Horatij

Seculares ludi.

*Ante secula
In seculo.
A seculo.*

*Humanæ ætatis
sive tempus.*

Seclisq; effæta senectus.

Seruius notat dicta secula in vno homine, iuxta eos qui dicunt seculum xxx. annorum esse, alij ex. alij Mille, vt Plautus in Milite. Varroni autē li. 5. de lingua Latina, spatiū est annorū c. à sene dictum, quod longissimum senescendorū hominum id putarūt, vt in Vergilij de ætatibus carmine.

Ter binos deciesque nouem superexit in annos,

Iusta senescentum quos implet vita virorum.

Sed de lōgæuitate videro in caput huius 2. Confirmatur autem hæc nostra de iis spes ex re & effectu promissionis, vt sequitur, *manifestauit autem*, nec hīc præcessit, *uir*, cui respondet *de*, *temporibus suis*, *id est*, vt ad rem referatur,

*Tempus, op-
portunitas.*

*Cognitionis
Dei prome-
tio.*

ynaquaque res suum tēpus habet, Eccl. 3. & nō suo vel alieno tēpore fieri dicitur, quod intēpestiue fit. Cōgruis igitur temporibus, cōperentibus, debitis, cōueniētibus, q. d. Et quē huius dilationis ratio? cur ve tandiu dare & exhibere distulit, quod tandiu antē destinarat? Prouidentia (ait) gratia, vt omnia tempestiue & opportune fierent, & tempus enim scriptura opportunitatem interdum appellat, vt P sal. 118. tempus faciendi Domine, vel Domino, Sic Græci. Malunt Latini ad Deum referre, *suis* exponentes, ab eo dispositis & ordinatis, quod (aiunt) promiserat, compleuit, quando se facturū præficerat, & vbi venit plenitudo temporis, Gal. 4. quo nondum omnem à iustitia declinantē ad fidem adduceret. Opportune sanē, Cū homo de superbia primū, & de ignorātia, idololatria, reliquisque contra naturam vitiis ante legem, sub lege de infirmitate & malitia conuictus, vt à medico ægrotus, congruentius inuiseretur & sanaretur. Vidit Abel inde aliquid perfectius. Noë, Abraham, &c. & sic paulatim Prophetæ, quō magis appropinquabat redemptio, hoc eam amplius cognouerūt, & his omnibus plus Ioannes, digito dēmonstrans, omnium verō maximē tempore gratiæ conspicuum fecit Deus, *verbum suum*, vel promissionis sermonē, Euangelium, vt quod omnia complectatur, præsentia, siue nobis in præsentī data, fidem, veritatem, pietatem, & futura, & quæ nobis euenient, vitam æternam, vel certē Filiū ipsū,

ipsum, τὸν λόγον, Verbū incarnatum, vt ex lectionis ordine diligēter attendamus, quòd cūm rerū consecutio sic requireret, vt diceret, manifestauit eam, de qua prädixerat, vitā, non ita intulit, sed. manifestauit verbum, & ex textu inquam, attendamus vitā cēlitus à Deo ab æterno promissam, non absque Dei verbo, imò nō aliū quā ipsum esse Verbū, quod in principio erat apud Patrē, quòdque caro factū, in nobis habitauit, Ioā. 1. & 14. Ego (ait) sum vita, vita verò nō breuis, neque tēporibus circūscripta, sed perpetua, nouissimis seculis perspicua facta, *in predicatione*, palā, manifestè, per publicā Christimet, Apostolorūmq; & Pauli in primis, omni creaturæ, ac per omnes gētes Euangelij promulgationē, Marc. 16. Prædicate, Mat. 28. docete, &c. *qua credita est mihi*, siue cōmissa, Paulo gētium doctōri ac magistro, vt annūciaretur mūdo, vt hominib⁹ nota fieret. Manifestauit ergo deus sermonē suū in prædicatione mea, inquit, dās per hoc intelligere, sermonē prædicationis suæ, Dei esse, non suū. Sic enim & Saluator dicebat, Sermonē quē audistis, non est meus, sed ei⁹ qui misit me, Patris, Ioā. 14. *secundū præceptū*, Hieronymo imperiū, & Sedulio, Aliis delegationē, iniunctionē. Sentit enim sibi munus hoc prædicandi delegatū, sic vt recusare nō liceat, vt potè mādātū *saluatoris nostri Dei*, qui nos saluos esse voluit, id quod pollicitus fuerat implendo, speciatim quando me probauit, & dominicæ incarnationis æcononiam iniunxit, cūm me &

*Paulus segre-
gatus ad enā-
gelizandum
gentibus.*

Barnabā segregauit, Act. 13. vt gentibus prædi-
carem⁹, qui me segregauit ex vtero matris mee,
vt euangelizare Filiū suum, Gal. 1. de quo etiā
mandatum hoc intelligas licet, ipse enim saluū
fecit populum suum à peccatis eius, Matth. 1. &
Paulum vocauit ac elegit, vt portaret nomen
suum coram gentibus, Act. 9. Cū igitur deus
ac Dominus nos seruare volēs, hæc iniunxerit,
digna omnino prædicatio, cui fides adhibeatur,
& quomodo non ad salutiferum hoc opus ei
inferuirem? Hic obseruanda cum Græcis tria.
Primū quā hoc exordium beneficiis diuinis
refertū sit, totāq; prorsus eiusmodi est epistola.
Sic Titum suum, & qui ab eo docerētur, ad la-
bores pro fide ac pietate subeundos magis ex-
citāt, sic Episcopum cū discipulis animat, vt
benefactori placeant, nihil enim ferē ita nobis
utile est, vt Dei beneficiorū iugiter meminisse,
siue quæ communiter omnibus, siue quæ seor-
sum singulis tribuit. Vel intueri cū ex amico
vel munusculum sumimus, vel verbū aliquod
gratū placidūque audimus, quā in amorē
exardescimus, quanto magis cū meminimus
quantis nos Deus & periculis eruit, & muneribus
affecit, quanto ad obediendum promptio-
res fuerimus? Alterū, Præconis instar omnibus
in theatro ita prædicantis, vt veraciter sibi cō-
missa omnia prosequatur, nec aliquid addat,
immutet, auferat, ea nobis ratione prædicandū,
vt ea tantū quæ audiuiamus prædicemus, nihil
vel addētes, vel adimētes, Deut. 4. 12. Apoc. 21.

*Verbū Dei
qualiter præ-
dicandum.*

(Quod intellectū velim sine præiudicio cōtro-
uerſiæ hodie adeò concertatæ , de Verbo Dei
ſcripto & tradito) Et quidem cū magna tum ſi-
ducia, tum libertate ac constantia, alioqui nul-
la fuerit prædicationis virtus. Dicite, ait Domi-
nus, in lumine, non in auribus, prædicate ſuper
teſta, non in cubiculis, Mat. 10. Luc. 12. Sic tum
ex dicendi modo, tum ex prædicationis loco,
apertam eam, publicam, liberamque eſſe com-
mendans. Poſtremò inter agenda hīc priſci di-
ſtingunt, & quædam quidem permitti modò &
conſull, & proinde in noſtro eſſe arbitrio, &
ſub ius noſtrum cadere, Vadē, & vende omnia,
& da pauperibus, Mat. 19. auditorē huius exe-
quendi ceu Dominū (ſi vis, ait, &c.) conſtituēs,
velint hoc nolint moderni: Quædam autē im-
perari, & proinde non in noſtra eſſe poteſtate,
vt fratri reconciliari, nec ei conſultiari, Matt. 5.
hæc omittere minimè tutum fuerit, ſed neces-
ſariò facienda, nempe ſupplicio ea non facien-
tibus imminente. Tale ait hic & alibi paſſim
Paulus docendi prædicandique præceptum ſi-
bi factum, vt vel inuitus id facere cogatur, nec
ſibi creditum vel diſſimulare, vel iniquè ferre
poſſit, non ambitionis hoc, non regnandi cu-
piditatis, ſue voluntatis, ſed neceſſitatis qui-
dem eſt, hæc enim mihi incumbit, & vā mi-
hi ſi non euangelizauero, 1. Corinth. 9. vt nec
huius rei ſim Dominus, ſed miniſter, & qui-
dem propè inuitus, nam diſpenſatio mihi
credita, vis apertius eloquar, quid hoc

*Coſſilia E-
uangelica, &
præcepta.*

*Prædicandi
necessitas cui
incumbat.*

*Episcopi m.
us.*

sibi velit, ut omnibus evidens fiat? cui creditus est Ecclesię principatus, quique episcopatus dignitate ornatus est, nisi populo quę agēda sunt docet, nō erit innoxius, Laicus nulla huiusmodi necessitate constringitur. Hic cum Paulo, Paulique interprete Chrysostomo, non mecum litigant Pastores, iidem nō doctores, & si possunt, hoc se iure diuino scripto solutos probēt, vel aliquā huius necessitatis dispensationē, aut excusationem afferant. Videbimus in posterū, ut nostrates episcopi in Gallia facturi sunt, quod in Tridentina Synodo sanxerunt. Prædicationis nimirū munus episcopi esse præcipuū, & aut in sua quisque ecclesia ipsi per se prædicent, aut legitima huius per se prædicationis impedimenta fingant ac refingant. Canon est 4. decretorum, de reformatione generali, Sessione 8 habita II. Nouēb. anno 1563. latus, & huius proinde canonis latores, nisi iidē factores, ex ore proprio iudicandi, & omnino inexcusabiles, qui quæ in tanta senatus orbis Christiani luce decreuerūt, minus ipsi præstēt: aut enim prædicare non norunt, & à Domino audiunt, quia tu, sacerdos, scientiam repulisti, ego quoq; te ab obeūdo mihi sacerdotio repellā, Ose. 4. aut nōuerunt (nec enim datur mediū) nec tamen prædicāt, & hoc pluribus plagis vapulaturi serui sunt, quanto magis heri voluntatem cognouerunt. Sed legitime impediti sunt. Ecquibus quæso, impedimentis? aulicis, bellicis, ciuicis, profanis, publicis, veris sanè impedi-

mentis, sed quæ, quid aliud quàm sunt excusationes in peccatis? Talis igitur ac tātus Apostolus, & tātæ salutis annūciator, scribit *Titō*, personæ salutatæ nomen est, *dilecto Filio*, Ambrosius germanum legit, & verum exponit, Hieronymus charissimo, quod Græcè dicitur *γυναικ*, *γυναικ* vix
 & Latinè vix explicari potest, sonat enim cūm latinè expri-
 quis fidelis, proprius, legitimus, siue germanus mitur.
 absque comparatione alterius appellatur. Sermo quippe & sapientia, & doctrina, qua Titus Christi instruebat ecclesias, efficiebāt eū Apostoli filium, egregium, ingenuum, speciali quodam modo dilectum, aliis meliorē, & germaniorem, non *vόθoν*, non adulterinum, non à patre degenerem: vt vel hinc intelligamus fuisse
 & in Pauli filiis differentię plurimum, quasi Pauli Filij.
 alios haberet genuinos, quasi de libera procreatos, alios velut ex ancilla, &c. Gal. 4. Quod Hieronymi scholion sic Græci exponunt, esse quidem & filios, sed non eiusmodi, qui germani charique dici mereātur, vt si Christianus fornicetur, filius quidem est, quatenus ex baptismo renatus, sed non continuò genuinus aut dilectus, qui à patris dignitate degenerans, ad alterum patrem, vel potius tyrannū, sponte deuoluatur, & parente vero indigna cōmittat. Et in naturalibus quidē filiis charum facit vtriusque parentis affectus. Hīc non item, sed id munus ex suo quisque proposito assequitur: hinc & subinde mutantur, nec enim sub naturæ hæc necessitate cōclusa sunt, sed ex arbitrij depēdēt

libertate, operāte utiq; gratia, ut & ex charissimō
nō in hui⁹ dignitatis prerogatiua permaneat, &
virtutis cōtrā merito charissimus fiat, qui antē
non erat. Sic Paulus Onesimū ex dilecto inuti-
lem, & rursus ex inutili charissimū, imō viscera
sua vocat, ad Philem. Filio ergo non iuxta car-
nem, siue naturam, sed *secundum communem fi-
dem*, Tito in primis & Paulo, qui Titū in Chri-
sto per Euangelium genuerat, 1. Cor. 4. sed &
omnibus credentibus, quia sicut vnum baptis-
ma, sic vna seruientiū fides, Eph. 4. quam ideo

*Catholica
unde dicta
fides.*

Græci Catholicam, Latini vniuersalem vocāt,
iuxta quā, non iuxta priuatā sectam aut hære-
sim, Titus erat Pauli spiritualis filius, non car-
nalis, cōque magis, quod quā ab Apostolo Ca-
tholicam Orthodoxāque virtutē didicerat,
catholicē & rectē docebat. Cū ergo Paulus
Titum filiū nouisset, Patris assumpto ordine,
hanc velut minuit ac cōtrahit dignitatem, ac si
apertē diceret, Equidem secūdum fidem, nihil
amplius quā tu, habeo, nullo te maior sum,
communis enim est, & per eandem ego tūque

*Filius Pauli
cur dictus
Titus.*

*Fratres inter
se Christia-
ni.*

regenerati sumus, ac proinde fratres eaten⁹. Qua
igitur ratione filium vocat? affectu certē pater-
no, quod eo superior in prædicatione præces-
serat, quod cū baptizauerat, quod per eū Titus
fidei lumen ac veritatis acceperat. Hinc eosdē
nō renuit & fratres vocare, quia eadē ex fide re-
natos, & filios, quia per suū ministeriū regene-
ratos, ut cōmunis fidei, fraternitatis signet affe-
ctum; ministerium, paternitatis. Est & alijs

Theodorito sensus proprius, ex dissimili generationis naturalis & spiritualis, Illa nō opus habet assensu eius qui generatur, at fidei partus, eius qui regeneratur, assensum requirit. Et si enim verè quis prædicet, nisi qui audit, quæ discit, cū fide excipiat, nequit eius qui prædicat, vocari filius, In mente enim ac animi sentētia, talis versatur cognatio, quæ hīc Titi virtutem innuit, qui quoddam cum Apostolo fidei societatem coiisset, eum Patrem habere dignus est habitus. Hoc græcanicū dissimile, nè vt paulò superius Chrysostomi Scholion minus humano arbitrio putemus proprium. Audiamus Augustinum, quo nemo dei gratiæ fauit impensius, Sic totum (inquit) ex Deo, vt nō tamen quasi dormientes nec conemur, nec velimus, Sine voluntate tua nō erit in te Dei iustitia: Voluntas quidem non est nisi tua, iustitia nō est nisi Dei. Esse potest Dei iustitia sine voluntate tua, sed in te esse non potest, nisi per voluntatem tuam. Et paulò pōst, hominem te sine te fecit Deus, nec enim consensum adhibuisti vt te faceret Deus, quī consentiebas, qui non eras? Quia ergo fecit te sine te, non te iustificat sine te, fecit nescientem, & iustificat volentem, De verbis Apostoli sermon. 15. Sequuntur quæ operat bona, & à quibus obtinenda, & pro more illi solito coniuncta, Gratia, omnium vtrique spiritualiū donorum principiū, iuxta peccatorum remissionē, magis autē iuxta pōtificale officii, quæ cōsecrat omnia sacerdotij eius opera,

*Augustini
laus.*

Gratia, omnium donorum spiritualium principium.

& Pax, eorundem Dei donorum finis, Qui posuit (ait) fines tuos pacem, Psal. 147. Illa in presenti, hæc in futuro, aut hæc nunc quoque, sed quanta hîc animi tranquillitas haberi potest, quæ Titum repressis hostibus & vitiis, requiescere faciat, semperque cū deo & sanctis Angelis concordē manere, nam sola alioqui beatitudo hominē prorsus quietū reddit, non aliter, neque prius quieturum. Hæc utique tibi sint ab iis qui & volunt & possunt, à Deo Patre, & Christo Iesu Salvatore nostro, cuius humanitas eorundem nobis donorum instrumentum est diuinitati coniunctū, & melius vtrunque ab utroque datum intelligitur, quàm ad Patrem illa, hæc ad filiū referri debeat. Græci Patris nomine superiorem fraternitatem innui exponunt, Quia (aiunt) dixerat filiū, pulchrè intulit à quo patre, excitarique Titi animū, & ad deitatis velut celsitudinem erigi, ut discat, aut magis recordetur, cuius sit Filius, nepe Dei, vnus enim nobis Pater deus, vna omnium nostrum baptismalis (ut ita loquar) piscina. Interferūt iidem misericordiā magno à Latinis consensu hîc omiſſam, quibuscum reclamatione Origenes ad Roman. annorans, & distinguens salutationum formas, quibus Paulus vsus in singulis epistolis hoc modo, ad Timotheū vtraque, Gratia, misericordia, pax. Ad Titum, Gratia & pax, &c. Legūt tamen & exponūt Græci, Intuere (aiūt) & animaduerte, quàm magna multaque cū discipulis aliis, tum episcopo in primis imprecatur; Talia profectò

que videntur doctoribus non tantum vt vulgò Christiano conuenire, sed prorsus necessaria esse, quippe qui precibus omnium maximè indigeant, nempe quibus & inimicitiarum difficultatūque, & diuinæ offensionis periculorum plus immineat, vt sit ea dignitas quāto celsior, tanto periculosior, magis ergo pastor indiget & *Dei gratia*, qui tam multis oneribus prematur, & *misericordia*, tam innumeris malis obnoxius, & *pax*, tot bellis, turbis, & tumultibus subiectus. Absque his tribus diuinis velut gubernaculis, Ecclesiæ nauim, quisquis eius & gubernator, hoc est, Episcopus, subuerteris. Secutus est Græcos Faber, & tria quidem hæc totidem diuinæ naturæ personis communiter conuenire, peculiariter tamē tribui Patri misericordiā, est enim pater misericordiarum, 2. Cor. 1. Filio pacem, Ipse est pax nostra, Eph. 2. Gratiam Spiritui sancto, vt Act. 10. Et in nationes effusa est gratia Spiritus sancti. Quò minus absque scrupulo transeundum notat Hieronymus, quod quibusdā hæc multiplicari imprecatur alicubi, Dan. 3. 6. Babylonij reges, scribētes suis. Pax, adiūt, vobis multiplicetur, & 1. Petr. 1. Hęc ad Titum sine multiplicatione posita sint, Respondet sicubi in persona sanctorum gratia posita est, ferè inueniri gratiam eos vnā inuenisse, non plures gratias. Noë, Gene. 6. Moyses, Exod. 33. Perfectorum quippe est vnus margaritæ thesaurum pretiosum, margaritis omnibus & totius substantiæ cōmercio cōmercari ac emere,

Misericordia patri peculiaris, filio pax, spiritui sancto gratia.

Gratia vna non plures.

*Margarita
vna, plures.*

Matt. 13. Incipientium, & adhuc in itinere positum, plures habere margaritas, non vnam illam pretiosam, Dei nimirum gratiam. Ad extremum ergo, Epistolæ huius præfatio, & præfationis salutatio Apostoli ad Titum, tali fine completur. Sequitur narratio.

Huius rei gratia reliqui te Cretæ, ut ea quæ desunt corrigas, & constituas per ciuitates presbyteros, sicut & ego disposui, Si quis sine crimine est, vnius vxoris vir, filios habes fideles, non in accusatione luxuriæ, aut nõ subditos. Oportet enim Episcopum sine crimine esse, sicut Dei dispensatorem, non superbum, non iracundum, non vinolentum, non percussorem, non turpis lucri cupidum, sed hospitalem, benignum, sobrium, iustum, sanctum, continentem, amplectentem eum qui secundum doctrinam est, fidelem sermonem, ut potens sit exhortari in doctrina sana, & eos qui contradicunt arguere.

Rosequitur epistolam, ad narrationem accedit. De ordinatione primùm Ecclesiæ, tum de plebis informatione, quarum vtranque intendit contra hæreticos munire, quibus per quos & quomodo resistendum, per Episcopos nimirum & presbyteros, quorum alios quod & cur sub aliorum no-

mine intelligat, plenius in priorem ad Timotheum diximus, & hîc subintellectum, etsi non repetitum, volum⁹. Quia ergo Paulus Ecclesiæ præsertim gētium vniuersalis commissionem, Omnium (ait) Ecclesiarum curam & sollicitudinē, & quidem quotidianam, 2. Cor. 11. neq̃ solus poterat per se omnia exequi, Titum instituerat Cretensem Archiepisc. ad quē pertineret tota eius prouinciæ ordinatio, Ideo dicit, *Huius rei gratia*, propter Catholicæ fidei prædicationem, pro eo, quod siquidem feceris, gratū mihi erit. *Reliqui te Creta*, in Creta insula, cū inde recederem, & aliò prædicandi causā concederē, mei loco Cretensiu ecclesiæ pastorē te primariū ordinaui. Apostolicæ quippe dignitatis est, Ecclesiā iacere fundamenta, quæ nemo potest ponere, nisi architectus. Super hæc inferiores artifices ædes construnt. Paulus ergo vt sapiens architectus, 1. Cor. 3. & omni labore cōtendēs, ne in præparatis gloriaretur, sed vbi necdū fuerat Christus annūciatus, Rom. 15. Cū secūdū datam sibi gratiam fundamentū poneret, postquā dura Cretensiu corda ad fidē Christi mollierat, & tā sermone quā signis edomuerat, docens eos non in vernaculū Iouem, sed in Deum Patrē & Christū credere, discipulū ibi reliquerat, vt rudimēta nascentis Ecclesiæ cōfirmaret, Ipse interea ad alias nationes pergēs, Christi in eis fundamentū rursus iaceret. Sic vt vna in domo ministrorū ali⁹ aliud agēdū curat, Apostoli tanquam vnā familiā, orbē totū inter se partiti,

*Apostolica
dignitas,
quæ.*

*Iupiter, Cre
tensium ver-
naculus.*

*Prædicatio
de loco in lo-
cum transpo-
nenda.*

alius aliam partem sortiti, sua quisque perage-
bant officia, omnium qui vbique terrarū erāt,
curam gerentes. Adeò non Apostolorum tan-
tū, sed eorum quoque qui eis fideles in Eccle-
siæ ministerium successerunt, vita omnis erat
operosa, tota illis in labore atque certamine
posita, præsentem vitam viatorum peregrino-
rūque ritu percurrentib. nec in terra ciuitatē
habentibus, Heb. 13. quod & hīc indicat, Tito
in Creta relicto, aliò se prædicaturum migras-
se, Domini vtique sui exemplo, qui & ad eos
aiebat, Eamus & in proximos vicos, & aliis e-
nim Euangelizare me oportet, Marc. 1. Luc. 4.
vt hīc iure cum Chrysostomō nobis dolendū,
nos contra veterum morem, quasi ideo condi-
ti simus vt edamus, bibamus, in deliciis viu-
amus, ita nullam spiritualium rerum habere ra-
tionem, sed omne tempus per ignauiam ducere,
hoc inquam nobis magis dolendum, quan-
tò hæc tēpora Chrysostomianis, q̃ Chrysosto-
miana Apostolicis, deteriora, mox fortè datu-
ra, vt ille ait, progeniem vitiosiore. Sed quid
dicit? *Vt ea quæ defunt corrigas*, Itanē? an verò ma-
gis suppleas? vt quæ in malis moribus supersūt,
reformes, quæ in bonis defunt, addas, vt alibi,
Impleamus ea quæ defunt fidei vestræ, 1. Thes.
3. imò vt non corrigas tantū, sed etiam *Pro-
bōis*, hoc est, vt sic dicam, supercorrigeres, Sic
enim vertit Hieronymus, præpositionis adie-
ctæ notans emphasim, cum Græcis, q. d. Quic-
quid corrigitur imperfectum est, & quædam

quidem prius à me correcta, necdum tamē ad plenam veri lineam redacta sunt. Quæ igitur ad perfectionem desunt, ea recto tenore corrigere pergas, vt æqualitatis normam accipiant. Et hic vide, vt eum discipulo scribere non pudeat, vt à se relicta aut prætermissa reformet in melius: sic vbique fidelium saluti, non priuato honori consulens, & vtilitatem publicam curans, siue id per se, siue per alium fieret, nihil ei⁹ intererat. Hoc scilicet vnum respiciebat, vt cōmune lucrum procuraret, nullo proprii respectu, Ita prorsus, ita pastorem affici necesse est. Intuere rursus animam omni inuidia liberam. Ea in quibus difficultatis erat plurimum, præsens peragebat, per se ipse corrigebat, quæ autem honoris plusculum forsan habebāt quā laboris, Episcoporum vtique & Presbyterorum electiones, discipulo permittebat, de quibus se quitur, & constituas per ciuitates. κατὰ πόλιν, in ciuitate, id est, in singulis ciuitatibus, siue oppidatiū, hæc enim insula quondam dicta est ἑκατόμωλις, quod centum habuerit oppida, quod alicubi totidem verbis dixit Mantuanus,

*Præceptor
discipuli op-
ram non de-
dignans.*

*Creta, ἑκα-
τόμωλις.*

Vrbibus incluta centum.

Creta ideo dicta à Graiis Hecatompolis olim.

Et alter, 3. Acneid.

Centum vrbes habitant magnas, ditissima regna.

Et Horat. lib. 3. carm. ode 27.

Quæ simul centum tetigit potentem

Oppidis Creten.

Idem in Epodo 9.

Aut ille centum nobilem Cretam vrbibus

Ventis iturus non suis.

Ovidius passim. 7. Metamorph.

Dicta refert rector populorum talia centum,

Minos scilicet. 13.

Teucri Cretam tenuêre, centumque relictis

Vrbibus, &c.

Sic Ariadne Theseo,

Non ego te Crete centum digesta per vrbes

Aspiciam. Ad idem Seneca in Troade,

Vrbibus centum spatiosa Crete. Alicubi quoque

Lucanus, Statius, &c. Nec poëta modò, sed &

Geographi, Ptolemæus, li. 3. cap. 17. Plinius lib.

4. cap. 12. Centum vrbiû clara fama. Mela, li. 2.

cap. 7. Solin. cap. 16. constipata cētum vrbibus,

sicut perhibent, qui prodigè lingua locuti, aut

etiam largiti sunt, sed magnis & ambitiosis op-

pidis: quasi sentiat Græcos centum vrbes Cre-

tensisbus prodigè largitos, Secuti omnes, Ho-

merum, lib. 19. Odysseæ canentem,

Nongenas habitant diuersis vocibus vrbes. cū Iliad. 2.

Cētū vrbibus & populis frequētē dixisset, quas

bona ex parte ibidē numerat, hāc diuersitatem

Strabo, lib. 10. Troianis quidē tēporibus Vlyssē

teste, xc. fuisse eius insulæ vrbes, Post quæ x. cō-

ditis sua tū ætate, tū persona poëtā, Centurbiā,

vt ita dicā, vocasse. Quū ergo populosæ insulæ

regimini solus sufficere non poterat Titus, eam

vni totā noluit Paulus cōmissam, Sic vt nō sin-

gulæ ciuitates suū vnaquæque pastorē haberēt,

sed propriū vnicuique indicit. Ita enim fore vt

leuiorē laborē, & curā exactiorē, subditosque

tū facilius, tū diligētius gubernandos, si doctot

vni tantum Ecclesię regēda, ceu gleba, ascriptus,
 nō multarū solitudine distrahatur. *Presbyteros*
 quos hīc Græci latinique intelligi, vt aliās sæ-
 pe, volūt, Episcopos, senes nimirū moribus, ne-
 dū annis. Et si verò de Presbyteris & senioribus
 multa nobis tū dicta, 1. Tim. 3.5. tum dicenda
 huius, cap. 2. hīc tamen obiter non omiserō e-
 ius tum ætatis, tum etiam dignitatis mysteriū,
 ex Origenis Homil. 16. ad id Iosue 13. *Iesus erat*
presbyter, vel senior, & prouectus dierum, & Homil.
 4. in Psal. 36. Et ante nos (ait) quidā obseruan-
 tes in scripturis notauerunt, Presbyteros & se-
 niores non ex eo appellari, quòd longævam
 duxerint ætatem, sed pro maturitate sensus, &
 grauitate vitæ, veneranda hac appellatione de-
 corari, maximè cū additur, *Plenus dierum*, Si
 enim æui prolixitate sic quis appellādus, quem
 magis oportebat alium hoc nomino censerī,
 quā Adam, vel Matusalem, vel Noë, qui plu-
 ribus quā cæteri annis in hoc mundo vixisse
 creduntur? Nunc videamus eorum neminem
 sic vocari, sed longè breuioris æui Abraham
 primus in Scriptura sic appellatus est, cū an-
 te eum plurimi annos 900. 600. 500. vt mini-
 mum, 300. vixissent, eorum nemo, presbyter,
 senior, dierum plenus dictus est, nisi Abraham,
 presbyter nutritus in senectute bona, Gene. 15.
 vt intelligentes interioris hominis maturitate,
 non corporis ætate sic designatum, optemus
 pro eodē interni hominis perfectō sensu, gra-
 uitate, constantia, non pro vel corporea ætate,

*Presbyteri
 vnde dicti
 Seniores.*

*Abraham
 primus dictus
 senex in sa-
 script.*

vel presbyterij officio, presbyteri vel seniores vocari. Dictum est etiam ad Moysen à Domino, Elige tibi ab omni populo presbyteros, quos tu nosti, quod presbyteri sunt, Numer. 11. Obserua in omni scriptura, sicubi inuenire potes nomē hoc *Senex plenus dierum*, super aliquo peccatore positū, quod utique dici nequit, nec enim peccator dierum prouectus est, ut qui se non ad ea quæ antè sunt, extendat, eorum quæ retrorsum sunt, obliuiscens, Phil. 3. sed semper retrò conuertitur, ad vomitum redit, &c. qui autem ad priora extēditur, & ad perfectionem fertur, hic prouectus est in diebus suis, quod nō sine magno aliquo testimonio ita filio Naue diuinitus dato dictum est, alioqui quod de senili eius ætate dicebat Dominus, omnes nouerant. Quæ sunt ergo tam magna Dei responsa, quæ hominibus deferuntur, ut dicant Seni homini, *Senex es*, &c. quod omnes videbāt? Ego diuinum hīc mysterium arbitror, quod ut cæli sol dies mundanos, sic Iustitiæ sol spirituales facit, qui fulgore veritatis, & lampade sapientiæ illustrentur. Si quis ergo in Dei præceptis vitā hanc præsentem transegerit, immaculatum se ab hoc seculo custodierit, Iac. 1. hostes suos spirituales subegerit, ab istis, quos paucos & malos Iacob dicebat, Genes. 47. diebus prouehitur atque promouetur ad illos æternos & bonos, æterni solis luce signatos. Tali ergo quodam ordine Abraham & Iosue viri sancti senes & dierū presbyteri pleni prouectique ex diuinis oraculis

*Senex plenus
dierum, de
peccatoribus
non dicatur.*

lis pronūciantur. Et quoniam quę de Iesu Naue dicuntur, ad D. Iesum referuntur, quis ita Presbyter, senior, dierum plenus intelligitur, ut ipse qui principium est & primogenitus omnis creaturę? Ideo fortassis plus verē & integrē talis, ante quem nemo. gitur sint licet in scripturis qui Presbyteri vel iuniores, vel pontifices dicantur, at D. Iesus ut in pontificibus, pontificum princeps est: ita & in Presbyteris vel senioribus, Presbyterorum vel senum; & in episcopis, episcoporū, & omne quodunque honorabile nomen est, primum in hoc & principem esse credendum est Saluatorē, quia & omnium caput, Eph. 1. 4. 5. Col. 2. ante Abrahamum, Ioan. 8. ante lunam, Psal. 71. & luciferum, 109. ante omnes, Col. 1. & omnia. Hęc Origenica parum licet ad literam Paulinam faciant, huc non indigna duximus quę affuerentur, tum quia vel ex nominis saltem etymo admonent, quales esse debeant Ecclesię Presbyteri, tum quia Domini in omnibus & super omnia pręstantiā elucidant, & verō cionaturis etiam, non pręlaturis tantum scribimus. Et oppidatim, non vicatim constituendos, In ciuitatibus (obseruat Aquinas) non in villis, ut in Republica Reges in urbibus, sic in regimine spiritali Episcopos. Regale quippe sacerdotium, 1. Petr. 2. Neu multitudine villescere, quod olim iam de Presbyteris Hieronymo ad Euagrium doluit, In Can. legimus.

Digressio prima.

C

*Episcopi ubi
constituendi*

Quòd ex hoc loco monuimus Episcopos oppidatim, non pagatim aut vicatim collocandos, Petrus quoque, siquidem Clementi I. Epist. 1. credimus, in singulis ciuitatibus singulos, non binos ternos, pluresvè cōstitui præcepit, qui Episcoporum potirentur vocabulo: hoc tamen prouiso, ne in villis, castellis, modicisvè ciuitatibus instituerentur, ne nomen eorum villeceret. Quod totidem penè verbis repetim. naclerus, Epist. 3. addēs, per castella, villas & ciuitatulas Presbyteros sic ab episcopis ordinandos, vt singuli per singulos sint titulos suos. Illos ergò ad honorabilem tãrùm urbem titulandos, vel denominãdos, ne villefcat nomen, hos ad qualemcunque, vel certè quẽcunque locum, vel Ecclesiã in eo cōstitutam præfecti fuerint, in eadem vitæ suę diebus duraturos. Citatur in Can. Episcopi. Dist. 80. & Ca. Audiuius, 3. q. 2. ex Euaristi epistola 2. alibi episcopi constitui non possunt, nisi in ciuitatibus non minimis. & Can. Non debere. 57. Laodicens, Quòd nõ oporteat in villis, vicis, aut agris episcopos ordinari, sed visitatores, qui circumeant. Si qui antea fuerint ordinati, præter conscientiam episcopi ciuitatis nihil faciant. Et hoc prior Sardicensis, Can. 6. siue 5. iuxta aliam editionem, Licentia ne sit episcopos passim ordinandi, aut in vico, aut in ciuitate modica, cui satis vnus esse possit Presbyter, nec enim necesse est ibi episcopum fieri, vt episcopi villefcat nomen, & honoris summi autoritas.

Alia ergo ex prouincia inuitati episcopi, episcopum ne faciant, nisi in ciuitatibus quæ episcopos non habeant, nisi si qua tam populosa ciuitas sit aut locus, vt episcopum habere mereatur. Quod & innouauit, & exposuit Carthagenen. 2. Ca. 5. vt diœceses quæ episcopos nunquam habuerunt, non habeant, nisi accedente tempore, crescente fide, multiplicatus Dei populus desiderauerit proprium habere rectorem, eius uidelicet voluntate, in cuius potestate diœcesis est constituta, episcopum habeat. Cuius fragmentum habetur, 16. q. 1. Ca. Fœlix. & seq. ex Carthaginen. 3. Can. 42. Multis in Conciliis statutum à cœtu sacerdotali, vt plebes quæ in diœcesibus ab episcopis retinentur, si episcopos non habuerunt, nisi cum eius, à quo tenentur, episcopi voluntate, proprios accipiant rectores, id est, episcopos. Quem domi natum quidam adepti, cum in quadam velut arce tyrannidem sibi vendicarent, & Presbyteri ceruices aduersus episcopos erigerent, plebes quique suas conuiuuiis, vel alio suasu aut fauore illicientes, vt sibi rectores eos collocarent, ibidem confirmatum est, ne quis rector eam plebem acciperet, quæ in diœcesi semper subiacuit, nec peculiarem vnquam Episcopum haberet. Et ad hos indubiè canones respiciens Leo I. Epistola octuagesima septima ad Episcopos Africanos per Mauritaniam Cæsariensem constitutos, cap. 2. in Can. Illud sanè quod ad sacerdotalem

*Sacerdotalis
dignitas non
imminuenda.*

pertinet dignitatē, inter omnia volumus Canonum statuta seruari, vt nō in quibuscumque locis, aut castellis, nec vbi antea non fuerūt, Episcopi consecrentur, cū vbi minores sunt plebes & conuentus, Presbyterorum cura sufficiat. Episcopalia autem gubernacula non nisi maioribus populis, & frequentioribus ciuitatibus oporteat præsidere, ne quod Sanctorum Patrum decreta diuinitus inspirata vetere, viculis, possessionibus, vel obscuris & solitariis municipiis tribuatur sacerdotale fastigium, & honor, cui debeāt excellentiora committi, sui numerositate vilesceat, quæ postrema pars cap. primum est tituli de priuilegiis. Extra. Quod nunc in sua diœcesi restitutus Episcopus factū causatus, rationabiliter postulauit, vt si locorū Episcopi, in quibus non debuerāt ordinari, humana cōditione decesserint, loca ad eius antistitis ius redigantur, cuius antea fuerant. Nam inutile est, vt sacerdotalis dignitas, inconsiderata ordinantis facilitate, superflua multiplicatione minuatur. Cū ergo aliquantō post Stephanus Emeritensis in Hispania Episcopus, principali violentia impulsus, in monasterio villulæ cuiusdam nouam Episcopalis honoris ordinationem effecisset, & indiscreto faciliq̃ue assensu iniustis Bābæ principis iussionibus patens, iniustam illic sedis pontificalis prælectionem induxisset, vbi Canonica institutio id fieri omnimoda ratione refelleret, isque princeps solito leuitatis agens consilio in aliis quoque

vicis & villulis similiter facere obstinatè pergeret, Toletana Synodus xii. Can. 4. superiori-
 bus partim canonibus in medium prolatis &
 perlectis, in primis hoc Pauli ad Titum loco,
 communiter definiuit, vt prædicta villula dein-
 cept nec sedes Episcopalis remaneret, nec Epi-
 scopus illic vltra cōstitueretur. Locus item sub
 monastica deinceps institutione māsurus, sub
 abbatris (vt hucusque) regimine modis omni-
 bus manciparetur, non verò Episcopali vltra
 priuilegio frueretur, Connildo contra maiōrū
 illic decreta constituto Episcopo, quia de prin-
 cipis impulsione, non de illius ambitione con-
 stabat, in remedium humilitatis, ad aliam de-
 cendentis cuiusvis Episcopi sedē transferri permis-
 so. Generali quoque decetēdō edicto posito,
 vt si quis contra hæc venire conatus, in locis se
 illis episcopū fieri eligeret, vbi Episcopus nun-
 quam fuit, in conspectu Dei anathema esset, &
 insuper tam ordinator quàm ordinat⁹ ordinis
 sui gradum perderet, vt nō solū antiquorum
 Patrū decreta, sed & Apostolica ausus conuel-
 lere instituta. Nec itā pōst Bonifacio Germa-
 niæ Episcopo scribēti se nouos tres Episcopos
 per totidem loca ordinauisse, qui populo per
 eius prædicationem ad Christum recēs aggre-
 gato, præessent & prædicarēt, Zacharias Papa
 respōdens, monito prius, vt maturè pertracta-
 ret, subtilitèrque discerneret, hū expediret, &
 an loca, vel populorū turbæ tales essent, quæ
 Episcopos habere mererētur, memor quod in

Toletana sy-
 nodus xij.

Episcopos non
 vbiq̃ con-
 stituendi.

*Germani
neophyti.*

*Anglorum
Episcopi.*

*canonici
episcopi
laici*

sacris canonibus præcipitur, vt minimè in vil-
lulis vel modicis ciuitatibus ordinètur episco-
pi, ne vilesceat nomen episcopi, Sinceris tamè
eius literis prouocatus, superiora concessit, &
sedes illic episcopales, quæ per successionem
episcopos mererentur, statuit & confirmauit,
Mersenburgensem, Bamburgensem, Erphor-
diensem, præpotentes hodiè in Germania epi-
scopatus. Sed præterquam quòd tū neophyti
erant Germani, in eis quoque erigendis locum
habuit ratio, quam Gregorius I. antea specta-
uerat, ad Augustinum Anglorum episcopum,
cap. 8. in Can. Fraternitatem. vt qui tum solus
adhuc in Anglica ecclesia foret episcopus, ita
in Anglia episcopos ordinaret, vt longo ipsi
sibi intervallo minimè disiungerentur, vel ob
hoc, ne qua necessitate in alicuius episcopi or-
dinatione minus conuenire possent. Nec verò
dubium quin superexerescēte messe, & atten-
ta cōtrà operariorum raritate, liceat, aut etiam
necesse sit, iuxta propheticum verbum, custo-
diam augere, opportunos operarios, & custo-
des idoneos adiicere, & cultores in Domini
vineam, vel potius vineas, destinare, si quando
tanta populorum multitudine ciuitates sæcun-
darit altissimus, vt pastor vnus singulorum
vultus nequirit, inspicere, aut alias boni pa-
storis partes implere, & perdifficile durum-
que fuerit per latas adeò ac diffusas diocæ-
ses, ad vnum modò pastorem, ab ecclesia-
sticis & laicis omnibus recursum haberi.

Quibus primum inductus Clemens v. proposuit, mox eius successor Ioannes xxi. Auenione tum vterque sedens, compleuit, & Tolosanam ecclesiam immensis tunc redditibus abundantem, ne dicam luxuriantem (nam causam hanc vt minus honorificam indicare malo ex capite Saluator, & sequenti, Extrauagantium communium, lib. 3. titul. 2. quam hic ascribere.) Tolosam igitur tunc Narbonensis ecclesiæ suffraganeam, ex filia, vt sic dicam, matrem, siue Metropolim, ex episcopatu fecit Archiepiscopatum, & in sex episcopatus diuisit. Montis Albani, Sancti Papuli, Lombariacensem, Riensem, Vaurensem, Mirapicensem. Hos enim duos postremos, quorum nulla vbi supra mentio, lego in appendice Martini Poloni supputationibus adiecta ad annum Domini 1317. omnes quidem diocesis antè Tolosana, præter primum, qui ad Caturcensem pertinebat, adiecit eadem, Extrauagans Appamiarum ciuitatem, Narbonensis prius prouinciæ, in qua duos item episcopatus crexit: priorem in Lymose, post in Abbatiam de Elcon translatam, posteriorem in abbatiam Sancti Pontij. Albiensem episcopatum in duos diuisit, erecto ibi Castrensi. In Agenensi episcopum Codomensem crexit, in Lemouicensi episcopatum in Abbatia Tutellensi. In Petragoricensi vnum in villa de Sarlato, in Claromontensi constituit in villa Sancti Flori. In Ruthenensi in

Tolosa Archiepiscopatus.

villa de Vabrio : in Pictauiensi duos , Maleacensem, & in villa Lucionēsi nouam ciuitatem fecit , diœcesibus limitatis, olim alias quidem abbatias , alias autem villas , nunc verò sedes omnes Episcopales, & quidem opulentas. In multis item villis de Tolosano, Carcaseio, Albigesio, constituit collegiales Ecclesias canonicarum secularium, cum dignitatibus & præbendis, congruis redditibus per Ecclesias singulas assignatis, in domo Grandimontis totius eius ordinis capite, per priorem antea regi solita, abbatem statuit. Hæc omnia circiter annum Domini 1317. In Archiepiscopatu Tarracomensi Cæsarangustanam sedem Episcopalem in Archiepiscopalem extulit, subtrahitis illi quinque suffraganeis, qui vndecim habebat, & huic subiectis, per eundem, opinor, Clemenstem Carolus 1111. Imp. separari obtinuit Episcopos tunc Moraniæ & Bohemiæ, Moguntinēsis olim Metropolis suffraganeos, & exinde prouinciam in suo patrimonio fieri singularem, nouo tunc Archiepiscopo Pragēsi factō, vñ habet Theodoricus Niemus in nemor. vnionis, Tractatu 6. quem Labyrinthum inscripsit. Succurrit R. Gaguini Annaliū li. 6. Tornacum, quod sub Nouiomenſi ecclesia annis ferè sexcētis fuerat, in Episcopam erectum Eugenio 111. Rom. Pontifice, & Ludonico iuniorē apud nos regnante. Nec verò dubium quin huius rei exempla plura querenti occurrerent, si per otium querere liceret,

Plenitudo siquidem potestatis super vniuersas orbis Ecclesias singulari prærogatiua Apostolicæ sedi donata est, qua potest, siquidē vtile iudicauerit, nouos ordinare Episcopat⁹, vbi hæc nus nō fuerūt, Eorūmq; qui sunt, alios deprimere, alios sublimare, prout ei ratio dictarit, ita vt de Episcopis creare Archiepiscopos liceat, & è cōuerso, si necesse visum fuerit, quod rescriptū est B. Bernardi Epist. 131. ad Mediolanenses, cū quorū ecclesia per hanc E. R. potestātē, auctoritatē, seueritatē, gloria & honore suffraganeorū suorum pro veteri sua rebellionē, & male sua male suadāque recalcitratione, præque aliis excessibus, diu priuata, & antiquis suis ac præclaris ornamentis nudata, quasiq; membris mutilata suis, truncata, confusa, iacente, tum benignius, quàm potentius actum est, reddito ei ad cōplementum Pallio, id est, honoris plenitudinē. Ita bis est eiusdem Rom. potestatis plenitudinem, & auctoritatis integritatem experta. *Pallium, honoris plenitudo.*

Hæc, inquam, omnia, aliāque plura & maiora per nos R. P. liceant, sed ad ædificationem, nō ad destructionem, omnia pro veritate, nihil cōtra veritatem, 2. Cor. 10. 13. & vbi ratio dictat, nō libido, vbi necessitas vel utilitas vrget, vbi nō quod libet, licet, sed quod licet, ac expedit, libet. Nā vt idē vir pi⁹ ibidē addit illicitū, nec nisi pro magna quidē necessitate sacri canones iudicāt, Episcopo in Archiepiscopi translationem concessam esse. De cuiusmodi promotionibus, deiectionibus, & mutationibus pensata Ecclesia.

rum vtilitate, præ qua maiores interim mino-
rare fas sit, & minores maiores facere, Extra.
lib. 1. titul. 7. Verùm hæc siue potestas, siue præ-
rogatiua & priuilegium, cùm vt reliquæ maio-
res ecclesiarũ causæ, penes R. S. hæctenus fue-
rint, factũ est posteriorib⁹ seculis, vt quod me-
ritò in Cõcilio Basiliensi Ludouicus Arelatensis,
querebatur, in Cõciliis id demũ fiat, & neces-

*Italica na-
tionis pote-
stas.*

*Helena
Tridenti.*

sariò fiat quod nationi placeat Italicæ, vt quæ
sola Episcoporũ, qui & ipsi soli vocẽ illic deci-
suã habent, numero nationes alias æquet aut
superet, sicut scripsit li. 1. de gestis eius cõcilij
Æneas Sylui⁹ nondũ Pius. Hæc illa est Helena,
quæ nuper Tridẽti obtinuit. Ergo cõstituas si-
ue Episcopos per diœceses, siue presbyteros per
paræcias, vt pastoralis curæ onus facilius suste-
tetur, si per multos diuidatur, *sicut & ego tibi di-*
sposui, vel cũ apud te essem, de consecratione tũ
Episcoporũ, tũ Presbyterorũ te instruxi, quales
tibi designaui, nõ quales fortè vel animus car-
naliter veller, vel carnales persuaderent, breui-
ter, vel quales tibi præsentĩ madaui, vel in for-
ma quam in præsentĩ mado, quæ sequitur, q. d.
iuxta formã Ecclesiæ, Quam dũ recolit, sicut ei
disposuerat, monet exequi. Audiant igitur Epi-
scopi, qui per vrbes Episcopos, per pagos Pre-
sbyteros ordinãdi potestatem habet, sub quali le-
ge ecclesiasticæ constitutionis ordo teneatur,
nec putet Apostoli verba esse, sed Christi ad di-
scipulos dicentis, *Qui vos vel audit, vel spernit,*
& me, & eũ qui misit me, vel audit vel spernit,

Luc. 10. Qui Pauli ergò lege contempta, ecclesiasticum gradū alicui gratia, non meritò detulerint, manifestè aduersus Christū faciunt, qui qualis in ecclesia tum episcopus, tū Presbyter sit constituendus, per Apostolū suū in sequentibus executus est. Et hīc quoque cū Hieronymo gemamus, quando aliud nō possumus, nūc, vt tūc, imò tātò magis quàm tunc, quātò secula profecerunt, ac etiānum in peius proficiunt, tā multos hanc rem beneficiū, quod vocant, facere, vt non eos quærāt qui ecclesiæ plus prodesse possint, & in ea colūnas erigere, sed vel quos amant, vel quorum sunt obsequiis deliniti, vel pro quibus maiorum quispiā rogauerit, vt deteriora taceam, qui vt clerici fierent, muneribus impetrarunt, 8. q. 1. ca. Moyses. Videamus ergò qualis seu Presbyter, seu episcopus ordinandus sit, *Si quis sine crimine est*, Cū in 1. ad Timotheum meditaremur, principi & antistiti, cui permultum debemus, vel prælecturi, vel prædicaturi, nihil in hanc nos vnquam scripturos cogitantes, contulimus quæ illic describitur, cum hac quæ sequitur, episcopographiam, proinde si hic fuerimus vel minuti & ieiuni, quasi eorum quæ illic colligimus securi, lector ad ea recurrat, & ex illis hæc suppleat: vel superflui, ac eadem interim iteremus, hæc & illa non tam vicina, quàm eadē esse consideret. Quæ igitur sequuntur dotes & conditiones, in omnibus quidem ecclesiæ ministris requiruntur, sed in episcopo quàm in Presbytero, & in

*Episcopum
indigna pro-
motio.*

ἀνεγκλήτοι
quifunt.

hoc quàm in diacono excellentius eſſe debet.
Prima ergò cleri dos & conditio, ἀνεγκλήτος,
qua voce de diaconis utitur, 1. Tim. 3. ministrēt
(ait) ἀνεγκλήτοι, de omnibus item Christianis,
1. Cor. 1. confirmavit vos Dominus ἀνεγκλήτους,
& Coloss. 1. ut exhiberet vos ἀνεγκλήτους, coram
ipſo, quorum ultimo loco Latinus interpres irre-
prehēſibiles vertit, quos hoc & ſuperioribus
ſine crimine verterat, alij inculpatos. Verùm
Græca vox nō ita ſonat, quaſi dicas omni vel
crimine vel culpa vacantes, ſed, quod plus, quē
nemo poſſit accuſare vel criminari, ſeu in ius
aliquod ob crimē vocare, quod plus eſt quàm
culpa vacare vel crimine, quia integritas nō ra-
rò calumniæ ſit obnoxia, ob ſpeciem probabi-
lem culpæ. At Paulus nè hoc quidē fert in Epi-
ſcopo, Sit, aiunt hic Græci, talis, cuius nemo
mores ſuggillare poſſit aut carpere, vitam du-
cat ab accuſatione liberā, nullam det occaſionē
repræhēſionis, modò iuſtæ, nec eo tātū tempore
quo ordinādus eſt, talis ſit, aut qui præte-
ritas maculas noua conuerſatione diluerit, ſed
ex quo tempore in Chriſto renatus eſt, nulla
criminis conſcientia mordeatur. Quo enim
modo Eccleſiæ præſes malum de medio eius
auferat, qui tacitus ſibi reſpondeat, eadem ſe
quæ corripit admiſiſſe. Conuenit ergò eum cri-
mine carere, integrā tum fama, tum fide eſſe,
alicuius (ut ita dicam) criminalis infamia non
laborare, tum liberā fronte aliorum ſic arguere
crimina, ut nemo valeat obijcere ſua. Nō quòd

Integritas
non γὰρ κα-
lumpnia ob
noxia.

Crimine ca-
rere.

qui post baptismum mortaliter peccauerit, eligi non possit, vt hîc obseruat Aquinas, sed qui magis graui & accusatione damnationeque dignissimo peccato infamis sit, quale peccatum crimen vocant. Et hinc Augustinus ad Bonifacium, li. i. cap. 14. colligit, neminem in Ecclesia rectè ordinari posse, si vel hîc dixisset Apostolus, Si quis sine peccato, vel illic, ministrèt nullū peccatū habētes, multi quippe fideles sunt sine crimine, sine peccato in hac vita nemo. Et de perfectione Iustitię cōtra Cēlestiū, cap. 2. 11. 12. Cū Apostolus ministros eligeret ordinādos non ait, Si quis sine peccato, quod inuenire nō posset, sed, sine crimine, quod utique posset. Legitur sanè homo sine crimine, Iob. i. sine querela, Luc. i. non legitur sine peccato, nisi vnus hominis idēque Dei Filius vnicus: quia non ideo sine vllō peccato aliquis est, si non habet maculam criminis, si ingreditur sine macula, *Iob sine crimine.* Psal. 14. ambulat sine querela. Nec enim vt idē *Sine peccato, vnus Dei filius.* in Enchiridio, cap. 64. quia peccatum est omne crimen, ideo crimen est etiā omne peccatum, sanctorum quippe hominum vitam, quādiu in hac morte viuitur, inueniri posse dicim⁹ *Peccatū omne non cōtinuū crimen.* sine crimine: Peccatum autem si dixerimus quod nō habemus, nos ipsos seducimus, 1. Ioā. 1. Eadem de causa Gregorius Moralium lib. 31. cap. 9. Virum ait gratia sacerdotali dignū, sine crimine, non sine peccato hîc descriptum. Sic sanè Latini distinguentes, humanę hîc infirmitatis, illinc maledicentię rationem quā

*Christus in-
culpabilis,
sed nō incul-
patus.*

*Eligendi &
electi Episco-
pi integritas*

Græci plus habuerūt, nisi quod inter hos Theodoretus, non cuius, sed iustæ modo reprehensionis affinem hic exponit, hoc est, non qui nunquam sit culpatus, à maluolis præsertim & inimicis, sed qui iure culpari nequeat. Alioqui ne Christum quidem inculpatum vocaueris, licet inculpabilem omnium rectissimè. Sicut ergò episcopum irreprehensibilem, non irreprehensum, alibi vertit vetus interpret, sic moderni hic inculpabilem quàm inculpatum rectius vertissent. Et hæc rectè integritas requiritur ante electionem, ut cum in ecclesia post baptismum, tum etiam inter extraneos sic vixerit, ut bonum ab eis testimoniū referat, 1. Tim. 3. electo verò duplex necessaria integritas, ut inculpate tum viuatur, tum ministretur. Nam bene docentes & malè viuentes, meritò reprehenduntur, Mat. 23. bene in speciem viuētes, & malè docētes, nihilo magis sunt inculpabiles, imò prioribus peiores: Quid malè viuentes, & peius docētes? Sit igitur utrobique minister, tum in vita, tum ministerio inculpatus. Sed quæ crimina hominem vel promouendū inpediant, vel promotū deiciant, nos abundè lib. 3. Digress. ca. 9. & 11. Dictum est in genere, Presbyterū oportere inculpatum esse, Descendit ad species quæ in eo requiruntur, ut talis sit, *unius uxoris vir*, De hoc sacrorum ministrorum charactère nobis fuit, ubi suprà, triplex expositio, Orientaliū, ut noster hic, non habeat duas simul uxores, quæ quorundam est consuetudo. Sed hoc Aquinas

negat Paulo dictu fuisse necessarium, quòd secundum leges, Romanis, quibus Apostolus scribebat, ne id quidem ante Christianam fidem liceret, hoc nunc non excutio, fortius est quod obiicit, 1. Tim. 5. totidem verbis, hoc est, nisi *Vxores Episcoporum.* vnus neimpe viri vxorem viduam, in stipē Ecclesiasticam non recipi: Certum autem est vni mulieri nunquam plures simul viros habere licuisse. Pergunt tamē hinc Græci hæreticis matrimonium criminantibus ora obstruere, & silentium imponere, quòd res tam sancta sit & honorabilis, Hebr. 13. cum qua quis tum potuerit Ecclesiæ præesse. Quibuscum idē argumentum tractans, hoc est, nuptias defendens autor quæstionum mixtim Augustini titulo, ad finē operis, hinc (ait) Apostolus, cum qui vxorem habeat, si in cæteris mandata seruet, sacerdotē fieri posse ostendit, quod si foret illicitum, nō poterat vtique peccatorem dicere debere fieri sacerdotem. Et quid tam apertum? Verū hāc miscellaneorum farraginē nullius minus quā Augustini puto. Nec tamē minus hinc arcent iidem Græci lasciuos atque petulcos, quā Paulus maritum quidem hic Presbyterum admittit, sed vnus tantū legitimæ: et alteræ enim *Nuptiæ secundæ cauillibus obnoxia.* nuptiæ, cōcessæ licet & humanis legib⁹ permixtæ, multis tamē cauillis & conuitiis sunt obnoxia: non vult autem præsules subditis sui vel irridendi, vel contemnendi aut etiam minoris æstimandi causam dare, quasi minus bene Ecclesiæ præfutura sit, qui vxori vel vnica,

*Polygamia
dissuadenda.*

vel pramortuæ benevolentiam non seruari. Verùm hîc Græci, vel eorum magis interpretes non conueniunt iis quæ ad Timotheû cômerti clarissimè sunt de polygamia vera ac propria, hoc est, plurium coniunctim vxorum ductione, de qua eadem nisi hic sentiunt, vix etiâ sibi constant: An non enim secundæ nuptiæ nō mundanis tantùm, sed Christianis quoque legibus, Rom. 7. 1. Cor. 7. 1. Tim. 5. adeò licent, vt qui illicitas senserunt, atro hærescos carbone, & quidem meritò, notati sint? Secutus est Græcos ex Latinis hic & ad Oceanū Hieronymus. Reliqui magno consensu Monogamum intellexerunt, qui vnam tantum & legitimam vxorem nouisset, Et hinc notant sacris hominibus quædam aliis licita prohiberi, quò nimirū possint & alios ad continentiam hortari (non enim nullum sunt incontinentiæ signum alteræ nuptiæ, verùm multò magis concubitus vagus & meretricius, &c.) Huic igitur malo Hieronymi nodo cuneum apposuerunt post Augustinum, Anselmus, Aquinas, &c. non absurdè visum esse cum, qui singularem vxorum numerum excessit, peccatum licet non admiserit, quandam tamen sacramenti normam amisisse, non quidem ad bonæ vitæ meritum, sed ad ordinationis ecclesiasticæ signaculum necessariam. Plures enim antiquorum patrum vxores significabant futuras ex omnibus gentibus ecclesias, vni Christo cōiungendas, non iam tum coniunctas, noster autem antistes significat ex
iisdem

iisdem gentibus vnitatem vni iam Christo cō-
iunctam. Isque cū sacramentorū dispensator
sit, nullus in eo debet eorundem esse defectus,
est autem matrimoniū Christianum coniun-
ctionis Christi & ecclesiæ significatiuū myste-
rium, Eph. 5. Nè ergò signū signato non respon-
deat, vt vn⁹ vnus ecclesię Christus est, sic sacer-
dos vnus vxoris sit marit⁹, defecturus alioqui,
si plures habuerit. Hæc ratio tanti semper fuit,
vt omnis retro ecclesia eum qui quouis modo
plures vnquā duxisset, siue ante, siue post bap-
tismū, arcuerit à sacerdotio, baptismo enim pec-
cata tolli: nō sacramēta. Et ita quidē res habet.
Ecclesia nō primitiua tantū, sed & multis post
Apostolos annorū centenariis, defectu tā mul-
torū celibū, præsertim seniorū, quā multi erāt
ministri necessarij, sacerdotes habuit maritos.
Græca quidē hodiēq; matrimonio ante ordines
suscepto vtentes, Latina autē olim tam post su-
sceptum ordinem continētes, vt maritis quidē
licuerit esse sacerdotes, sacerdotes fieri maritos
vix ac nè vix quidē vnquam. Tandem etiam ex
vnus vxoris viris, nullius vxoris viros, siue ex
monogamis agamos, adēd vt qui vnus vxoris
vir Paulo vocabatur irreprehēsisibilis, Nicolao I.
ad consulta Bulgarorū, dictus sit, & valde qui-
dem, reprehēsisibilis, Dist. 28. Can. Consulendū.
Adēd alia ætas aliam vitam affert, alios mores
postulat. Postremò notandum Paulo nec
alibi simpliciter dictum, episcopum oportere
esse maritum, nec hic Presbyterū eligendū, qui

*Matrimonii
christianum,
coniunctio-
nis Christi
& Ecclesiæ
mysterium.*

*Calibatus sa-
cerdotum.*

sit vxoratus, quasi neuter, nisi talis, eligendus, ac
 proinde agami, cælibes, innupti, spadones, vel
 ab hominibus, vel à seipsis ob Dei regnū castra-
 ti, Mat. 19. futuri sic nō fuerint digni ac idonei
 Ecclesiarū ministri : sed utrobique dixit, vnus
 vxoris maritum, significans nō eligendum di-
 gamum, aut polygamum, id est, plurium vxorū
 maritum, ut ridiculi sint qui sic argutantur, Si
 vnus vxoris esse maritum, ministrum consti-
 tuit inculpabilem, ergò nullius vxoris esse ma-
 ritū, culpabilem reddit & indignum : Sic enim
 ne Christus quidē satis prudēter dixisset Eunu-
 chis suis, vbi paulò antè, Qui potest capere ca-
 piat, rectius ita dicturus, Nemo vestrū à con-
 iugio abstineat, nè fortè sitis ad ministerium
 meū idonei. Non ergò Paulus necessariò mari-
 tum requirit. Sed siquidem maritum eligi con-
 tingeret, vna modo vxore contentum requirit.
 Quod & tanto post Paulum legitur inter Syl-
 uestri I, constitutiones apud Platinam, Gradus
 eum in ordinibus Ecclesiasticis constituisse, ut
 vnusquisque vno tantū ordine sit contentus,
 & vnus solū vxoris vir. Quam conditionem
 ne existimaremus sufficere, nec referre quā
 parum honestam habeat familiā, addit & hanc
 cautionem, Nè quis eligatur, vnus licet vxoris
 vir, nisi *filios habens fideles*, Eodem quo suprà
 sensu, non quòd oporteat Presbyterum patrē
 esse, aut ordinari nequeat, qui orbus sit aut illi-
 beris, sed siquidem pater est, & liberos habet,
 ij sanæ sint fidei oportet, in qua suos eos pater
 Liberi Pre-
 sbyterorum
 quales sint.

fanè instruxerit, qui enim ad aliquid instituitur, in eo debet esse versatus, aliàs minus ad id prudèter institueretur. Episcopus autem ad tria constituitur, primùm vt fidem doceat, Docete omnes gentes, Mat. 28. & iidē in ecclesia sunt, aut certè esse debent pastores & doctores, Eph. 4. & episcopum oportet esse doctorem, 1. Tim. 3. 4. attēde doctrinæ. & hic paulò infrà, amplecti doctrinam, &c. præsimitur autē benè docendò exercitatus, si bene alios, præsertim suos docuerit: è contrario, qui filiorum quos ab initio secum habuit, doctor non fuit, quomodo alios docere posse putāndus sit? Filij tibi sunt? erudi illos, Eccl. 7. Secundò requiritur, vt populum & virtutibus imbuat, & à vitiis repurget. Sequitur ergò, *non in accusatione luxuria*, ἀσωτίας, *luxus*, ne quis hic cum Eyrano luxuriam pro libidine, vel pro lasciuiā cum Aquinate, quanquam magna est horum vitiorū affinitas, accipiat. Sentit autē de luxu infames, vel potius infamatos nedū suspectos, nec simpliciter intemperantes, sed quos de intēperantia vel alius accusarit, vel malus etiam rumor hoc crimine asperferit, helluones, prodigos, comessatores, dato ita exemplo, qui filios suos perueriti ac luxu diffluere permiserit, minus ecclesiæ filios bene formaturū, aut correcturum. Et hoc enim tertiū necessariū est, vt & inquietos & inordinatos castiget ac corripiat, 1. Theff. 5. vnde sequitur, *aut non subditos*, rebelles, contumaces, intractabiles, nō obediētes, nec in patria (quod

Episcopos ad tria cōstituitur.

Luxuria, ἀσωτίας

Filiorū cura quāta habenda.

aiunt) potestate: Equus indomitus euadit durus, sternax & desultorius, filius remissus, & disciplina solutus, fiet præceps & temerarius, Eccl. 30. Qui in coërcendis ergò filiis remissus fuerit, satis ostendit quàm non sufficienter coërciturus sit creditam sibi ecclesiam. Nam si quorum ei per naturæ leges & scripturæ omnis indulta erat potestas tum vitæ, tum necis, regere moderarique non potuit, vel magis neglexit, quomodo alienos, in officio continebit? Non enim temerè fit, vt qui magna diligentia summoque studio ab initio sit educatus, malus euadat, quòd non sint adeò nobis innata naturaliaque peccata, vt parentum curam, quanta præsertim esse debet, exuperent. Et hic nobis cum Chrysostomo dolendum, parentes hodiernos pecuniæ, imò pecorũ, maiorẽ quàm filiorũ habere curam, & opibus plerunque congerendis quàm liberis liberaliter instituendis, plus adhibere studij. Magnũ sanè, si hoc nequeunt, desidiæ stultitiæque indiciũ: si nolunt, duritiæ crimen & impietatis. In his ergò rebus, in quibus adeò naturalis vrget affectus, hoc est, in educãdis filiis negligentes, sacerdotio qui admoueantur, idigni, digni interdũ, qui admoti sint, remoueri. Ecquo enim iure tales ad episcopale thronum promoueantur, aut tantum subeant regiminis onus? Vult ergò Paulus futurẽ in Presbytero doctrinæ experimentũ de priore domus eius disciplina nasci, atque etiam nosci, cauens ne quis eligatur, de quo nõ sit expressum in fa-

*Parentum
cura pro filiis
quantum mo
menti habeat.*

milia ipsius argumentum, quòd cōpetenter curabit ac reget alienam, hoc est, Dei domū ecclesiam. Porro quàm dura sit hæc parentū conditio ex iam multis bonorum patrum malis liberis, vt hic prolixè commonet Hieronymus, omnino huc spectabat, si non, vbi antea, collegissemus. Extat canon 14. Concilij Carthaginēsis 3. Vt episcopi vel clerici filios suos à sua potestate per emancipationē exire nō sināt, nisi de morib⁹ eorū ac ætate securi, vtpossint ad eos iam propria pertinere peccata, iuxta id nimirū,

Blanda patrum segnes facit indulgentia natos.

Puerorū disciplina quā seuera sit habenda.

Nota sunt illa, Qui parcit virgæ, odit filium: qui diligit, instāter erudit, Prou. 13. 23. Noli subtrahere à puero disciplinā, si castigaueris eū, nō morietur, animā eius de inferno liberabis, & 3. Quis enim filium non corripit pater? Hebr. 12. Eccl. 30. Qui amat filiū, assiduatur ei, seu crebra admouet flagella, vt lætetur in nouissimo, nec ostia proximorum palpet. Curua ceruicē eius, dum infans est, tūde latera, ne fortè induretur, nec credat tibi, & erit dolor animæ tuæ, &c. Spectabat & huc de honore & iure parentum admonere, sed ante aliquot annos excidit nobis hac de re cōcio vernacula bene lōga, Legat cui tantum est otij. Illud propius literam, & magis monitu dignū, malos habentē filios, à sacerdotio nō mirū arceri, cū propter tales ab alijs legitimis actibus patres arceantur. Testes, inquit Adrianus Papa, sine aliqua sint infamia, vxores & filios habentes, Christum omnino prædi-

cantes, 6. q. 1. ca. Qui crimen. *Oportet enim Episcopum*, hic dicit Episcopum, quem superius Presbyterum nominauit, alioqui in vna ciuitate, vnum Episcopum non plures, multos autē mos est esse Presbyteros, iuxta Cabilon. ca. 4. vt duo in vna ciuitate penitus vno tempore, nec ordinentur, nec habeantur Episcopi. Et non rulerunt Toletani, vbi paulò antè, Episcopum à principe Bamba in suburbio Toletano in ecclesia prætoriensi ordinatum. Hoc quoque loco abutitur lib. 1. quæstionum mixtim, Augustino falsò (ni fallor) ascriptus, cap. 101. Presbyterum Paulo intelligi episcopum hinc probans, quòd quem ordinauit Presbyterum, instruit qualem debeat creare Episcopum: Quid enim est Episcopus, nisi primus Presbyter, hoc est, summus sacerdos? Denique nō aliter quàm compresbyteros hic vocat & consacerdotes suos, & in Alexādria, & per totam Ægyptum, si desit Episcopus, consecrat Presbyter. Quia ergò hic & aliquoties alibi indifferenter vtitur episcopi & Presbyteri nomine, sumpta hinc occasione, Aërius episcopatum quem ambiebat non adeptus, se ab Ecclesia diuisit, & docuit episcopum in nullo à Presbytero differre, ideo inter veteres hæresiarchas relatus. De quo & contra quem, Digressionum nostrarum lib. & cap. 1. ampliter. Repetit ergò tum Episcopum, tum Presbyterum, vndique exactum esse debere atque inculpatum, extra criminis (quod capitale vocant canones) actum

*Episcopi ne
plures sint
in vna ciui-
tate.*

*Episcopus &
Presbyter
differunt.*

& suspicionem. Sed vt habet Aruernensis canon. 15. tam sancta conscientia resplendere, vt actuum probitate maledicorum effugiant obloquia. Sunt enim crimina quædam tam horrenda, vt his implicitos, si hi fortè subreperint, tam qui antè peccauerunt, detectos repelli, quàm sacræ professionis oblitos, sanctumque propositum præuaticatos, submoueri, veneranda maiorum instituta oportere pronuncient, vt est in Gelasij I. Decreto. 20. Conuenit autè talem *sine crimine esse*, sicut antèa cum elegit vel Presbyteros, vel diaconos, vel quencunque ad Ecclesiæ præposituram ordinandum, non ait sine peccato, hoc enim si dixisset, omnis homo reprobaretur, nullus ordinaretur, sed sine crimine, quale est homicidium, adulterium, fornicatio, furtum, fraus, sacrilegium, &c. Sic Augustinus in Ioan. tractatu 41. Crimen, vt suprà, exponens peccatum graue, & accusatione dignissimū, sine quo quidè nunc satis bene viuitur, ait idem in Ciuitate li. 14. cap. 9. Sine peccato autem qui se viuere existimat, non id agit vt peccatum non habeat, sed vt veniam non accipiat. Sed secùs obiter Chrysostomus, Homil. 2. de Patientia, conferens hunc locum cum Iob. 1. Erat vir irreprehensibilis. quod verbū sic examinat, Aliud crimen, aliud reprehensio: illud in peccatis grauissimis, hæc in leuioribus: ab utrisque longè fuit iustus hic, quis enim magna ei obiecisset, vbi nec locum minoribus esse videbat? Quem de adulterio & homicidio accusare non habes, is sine crimine

*Crimina
horrenda.*

*Criminum
species.*

est, In quo autē non iniuria reprehendas detractionem, maledicta, ebrietatem, is crimine vacuus non sine reprehensione viuit. Et à paruis ergò ac minimis quibusque culpis procul fuisse virum hunc ostendit, sicut & alicubi Deus Abraham irreprehensibilem dicit. Hoc autem pro modi excellentia suscipitur, Paulus enim ubi ad gentes proficiscitur, summū eis virtutis pondus non imposuit, In orbe autē adulteriis fornicationibúsq; pleno pastores constituturus, quia raræ virtutes inuenirentur, episcopos ordinans, Tito dixit, *Sine crimine*. Porro *irreprehensibile*, tunc locum non habuit, quia pietatis vigor deficiebat. Magnū irreprehensibile esse: medium sine crimine esse, at florente pietatis verbo electio melior, cum irreprehensibilis, &c. eligatur. Sit huius distinctionis fides penes Latinū Chrysostomi interpretem. Alioqui Paulus non tantū sine crimine, sed & (quoad eius fieri potest) irreprehensibiles esse vult cum omnes Christianos, Col. 1. tū viduas præsertim, 1. Tim. 5. omniū verò maximè episcopū, vita, & verbo, & mandato. 1. Tim. 3. 6. Tit. 2. *Sicut Dei dispensatorem*, qui utique sine peccato est, ut Domini sui puritatem, quoad eius fieri poterit, imitetur, quādo nō sua sunt, sed Dei atque Domini sui, quæ dispēsat. Magna nimirū dignitas, non diuina modò, sed Deū ipsum tum verbi, tū sacramentorū ministerio dispēsatōis magna op^o habet custodia. Sicut boni dispēsatōres mysteriorū, & multiformis gratiæ dei, 1. Pet. 4. 1. Cor,

4. Si enim humanarū legū dispensatores pro-
 bi quærentur & iusti, quales esse debent, qui
 diuina iura, imò Deum, vt dixi, dispensant? ma-
 ior enim requiritur in spiritualiū, quàm in tem-
 poralium dispensatione diligentia: Quæritur
 ergo inter dispensatores, vt fidelis atque pru-
 dens quis inueniatur, Luc. 12. non cum ebriosis
 comedens & bibens, non seruos percutiens,
 sed conseruis in tempore cibaria tribuēs. Hæc
 enim sola inter villicum & familiam est distā-
 tia, quòd conseruus conseruis præpositus est.
 Sciat ergò episcopus & Presbyter, populū sibi
 conseruum esse, non seruum. Horū ctiminum
 à quibus immunem esse vult episcopandum,
 primum est, *Non superbum*, Ambrosio & Hiero *Superbus*
 nymo proteruum, modernis aliis præfractum, *quis intelli-*
 aliis audacem, durum, inflexibilem, sui sensus *gendus.*
 nimium tenacem, qui de sua sententia discede-
 re nequeat. Durities sanè, & ingenij intracta-
 bilitas incōmoda valde est, qui se moribus eo-
 rum accommodare debet, quibus præest, & fie-
 ri omnib⁹ omnia, 1. Cor. 9. in causis præsertim
 indifferentibus, in quibus aliorum sententiis
 non impiis possit cedere, aut locum dare, sic vt
 suo vnusquisque sensu abundet atque fruatur,
 Rom. 14. propter retinēdam pacem, Nam vbi
 fidei doctrina periclitatur, ibi duritiavirtus est,
 & constantia episcopo non modò digna, sed
 necessaria. Non sibi placentem, vel tumentem
 quòd episcopus sit, sed tanquam bonum villi-
 cum, requirentem quòd pluribus prosit, non

aliis se superponi cupiētem, aut eos suppeditā-
tem, contra illud Eccl. 32. Rectorem te posue-
runt? noli extolli. Et mundi quidem huius prin-
cipes etiam inuitis dominantur arbitrato suo,
& contra subditorum plerunque sententiam
atque voluntatem moliantur, Episcopus verò,
cūm volentibus præsit & eligentibus, si suo o-
mnia arbitrato vel libidine potius, trāfigit, qua
si nulli rationem redditurus, tyrannicè magis
quàm populariter, imò Christianè, episcopatū
exercet. Qualem monstrosè superbū depin-
xerunt Eusebius, lib. 7. cap. 30. Nicephorus, lib.

*Paulus Sa-
mosatenus.*

*Ducenarij
qui fuerint.*

6. cap. 28. 29. 30. Paulum Samosatenum Antio-
chia episcopum, qui vsurpatis mundi dignita-
tibus, ducenarius quàm episcopus vocari ma-
luit (Notat autem Lāgus Nicephori interpres,
ducenarios videri fuisse, qui nunc apud Reges
& principes sunt Cancellarij) cum satellitio
publicitus egrediens, magno numero his præ-
cedentibus, illis sequentibus, thronū in eccle-
sia sublimiorem, non vt Christi discipulus, sed
more principum seculariū, separatū habēs,
subinde manu femur pulsans, & pedibus sug-
gestum quatiens, in defunctos pastores & do-
ctores impudenter inuehi, & debacchari soli-
tus, Psalmis de Christi gloria, tanquam recen-
tioribus, abrogatis, subornatisque mulierculis,
quæ in medio templo magno die paschæ de il-
lo psallerent, Episcopis item & presbyteris a-
dulatores summissis, qui ad populum de hoc
impio, vt magistro cælitus misso, & quodam

quasi angelo concionarétur. Et hic igitur blasphemus episcopatu pulsus est à coëpiscopis, & cum cedere noller, communionē priuatus, inuocato (quod aiunt) seculi brachio, Aureliano Imp. Eadem fuit Nestorij Constantinopolitani episcopi insolentia & ferocia, prima statim ad Theodosium minorem concione, Da mihi (aiens) Imperator, terram ab hæreticis liberam, ac repurgatam, & vicissim cælum tibi reddam, Tu mihi hæreticos extirpa, disperde, Ego tibi Persis delendis adero. Quò ergo euasit superba hæc magniloquentia? Audiit non modò ab hæreticis, sed suis quoque domesticis cū vocantibus Fidei incendium, siue incendiarium, hæresim fecit sui nominis, episcopatu in exiliū mutato miserè periit. Socrates, lib. 7. cap. 29.

*Nestorius
Constanti-
nopolitanus
episcopus.*

Nicephor. lib. 14. cap. 31. Tripartit. lib. 12. ca. 4. Sequitur in textu, *Non iracundum*, & arrogantiam enim comes sequitur iracundia, nam superbi perfacilè irascuntur. Est autem iracūdus, non qui aliquando, sed qui semper, aut certè crebrò hoc animi impetu laborat, & hac passione superatur, qui ad leuem responsionis auram, quasi à vento foliū mouetur. Et reuera nihil præceptore furioso fœdius, qui māsuetus esse debeat, humilis, patiens ad omnes, etiā controuersientes, non rixosus, non litigiosus, 2. fœdius.

*Iracundus
quis dicatur.*

*Præceptore
furioso nihil*

Tim. 2. toruo contrà vultu, tremētibus labiis, rugata fronte, effrenatis conuitiis, facie inter pallorem ruborémque variata, clamore perstrepat, errantes non tam ad bonum retrahat,

quàm ad malum sæuitia præcipitet. Hinc illa, Ira perdit etiam sapiētes, operatur superbiam, Prou. 21. non iustitiam, Iac. 1. Ab hoc animi morbo cū Christianos omnes, tum episcopum in primis abesse conuenit, vt cui etiam si modestissim⁹ fuerit, plurimas hīc ecclesiæ primatus iracundiæ occasiones, nè dicam necessitates, & molestias quotidianas, suggerat. Ad hunc ergò, nisi hæc antea longè præmeditatus venerit, permulta quæ sunt sui muneris, peruer tet atque corrumpet, peruersis peruersus, molestis sibi aliis vicissim ipse molestus & ingratus: quæ enim ratione alios regat, castiget, & vt ab hoc affectu caueant, obtineat, qui animum non prius suum rexit, domuerit, & castigauerit? Theodoretus iracū dum hīc exponit, qui meminit acceptæ iniuriæ. Et verò ita in scripturis pro vltione tū Dei, tum hominis, sæpe accipitur, Locos indicant Benedictinæ Cōcordantiæ. Est autem ὀργίλιος, irritabilis, ad irascendum procliuus, vitium sanè noxium, & muneris episcopali admodum inconueniens. Sit ergò cū Christianus omnis ad iram tardus, Iac. 2. tum episcopus, ingenio miti, placido, humano præditus. Sequitur, *Non vinolentum*, Ambrosius vino deditum, multo præsertim, vt de diaconis dixit, nec enim requirit abstemium, neque dicit, Vinum non bibentem, sed vino, vt ita loquat, assidentem, siue assiduum, & hoc quoque iræ incentiuum est, imò insanix, pocula in telâ vertentis, scyphum in conuiuæ faciem iacien-

Iracundus.

Vinolentus.

tis, in aliena vulnera proruentis, clamantis, aut contrà dormientis, bibentis vt vomat, vomentis vt bibat, quod nos porcinum vinum vocamus, aut etiam cantillantis, cachinnātis, quod Simiæ, sicut superius illud leonis digestio ventris, & guttur vno occupantur officio, vt hîc & alibi Hieronymus, lib. 2. in Iouinianum, guttur suum meditatorium efficiunt latrinarum. Qui ita comparatus est, parum muneri huic aptus est, Sobrietatem, vigilantiam, grauitatem, modestiam, mititatemque requirit sensus vt simplicior, sic verior, Quamquam Græci non tam non ebriosum, aut non vinolentum exponunt quàm non iniurium, non cõtumeliosum, non debacchantem, sæuū, ferocem, Quid enim conuitiis aut iniuria opus est, ac nō potius Gehennæ comminatione, & iudicij supremi terrore peccantes emendare? Nam cui contumelia infertur, plerunque fit audacior & impudēti-
 or, & ad eum qui se ita affecerit, contemnendum magis inducitur, vt iniuriosum, minūsq; proinde venerabilem, ac reuerendum. Magna necesse est modestia & patientia loquatur episcopus, sitque omnis eius sermo discretionis sale conditus, Col. 4. Si zelum (ait) amarū ha-
 betis, non est hæc defursū sapientia, Iac. 3. quorum os maledictione & amaritudine plenum est, Rom. 3. ex Psal. 13. Omnis ergò amaritudo, ira, indignatio, clamor, & maledicentia tollatur, cum ab omni Christiano, Eph. 4. tum ab episcopo, quē tamen si fuerint qui prohibeant

Vinum porcinū, Simiæ, Leonis.

Modestia episcopi.

quæ sui sunt muneris exequi, magna is nō auctoritate modò, sed & austeritate rem tractet. De clerico vinolento, nos Digressionum, li. 2. cap. 14. In vtrunque etiam sensum enarrant quod sequitur, *Non percussorem*, neque pugno, neque carnalibus armis. Habet enim arma spiritus, neque debet percutere discipul⁹ eius, qui percussus non repercutiebat, Ioan. 18. Et hoc quoque vitium tum iræ, tum ebrietatis sequela est, & ex vtraque frequenter oritur. Sed nec acerba lingua, aut verbis amarulentis, percussorem, hoc est, maledicum, ut eius nihilominus vicarium, qui cum malediceretur, non remaledicebat, cum pateretur, non comminabatur, 1. Petr. 2. Corripiat ergò, non perentiat, animarū vtique medicus, medic⁹ autem vulnera curat, non infert, nec agrotum ferit, sed si hic fortè percusserit, eum sanat. Corripiat autem cū omni lenitate, futurus alioqui, qua non oportet reprehensione vtens, percussor, & omnis enim animaduersio & castigatio contumelia vacare debet, 1. Officiorum. Breuiter, nè aliter quàm oporteat, loquendo aut conuersando, auditorum & fratrum infirmas præsertim consciētias percutiat, ut alibi Paulus loquitur, 1. Cor. 8. De percussore item clerico nos Digress. li. 2. cap. 3. & sequētibus. Didici postmodum exemplum, quod lectorem latere nolui, In Chronico Magunt. Christianus Magūtix Archiepisc. elect⁹, bellicis rebus non assuetus, non diu post apud Papam accusatus, quasi prorsus ecclesiæ inuti-

Percussor.

Maledicētia

Corruptio.

lis, quòd euocatus ad expeditiones regis inuitus veniret, dicens nequaquam decere incēdia vinearum, & segetum vastitates, sacerdotē, sed quicquid deberet, per gladium spiritus, quod est verbum Dei, seruiturū, monitus prædecessorum sequi vestigia, respondit, Scriptum est, Mitte gladium in vaginā. Ob hoc Regi odiosus & multis laicis, ab episcopatu, id eis apud papam obtinentibus, submotus est. Non adeò fanè mirum, si eidem historiē credere dignum est, huius prædecessorem Siphridum mirificè Pontifici placuisse, & fratrem venerabilem appellatum, quòd orphanos & viduas faceret, vilis combureret, ciuitates destrueret, homines voraret, ferro & flamma terras in solitudinem & desertum deduceret ac depauperaret. O percussorem episcopum! Sequitur, *Non turpis lucricupidum*, Hieronymo turpis lucris appetitorem siue quod idem est, Ambrosio turpia lucra appetentem, quasi dicas turpilucrum, aut turpilucris cripetam, qualis esse solet qui inops est, sed ut præ se ferat magnū pecuniarū cōtemptū, quasi quæst⁹ omnis, etiā si iust⁹ videatur, turpis sit episcopo, quale est terrena per adulationē sectari, qui caelestia promittit & diuina, præscriptibus nō esse cōtētū, plus quā necesse est, de crastino cogitare, de altario ditescere, non tantum viuere.

Et turpe quidē lucrū glossa interlinearis & Lyra seculare, Bruno, secularibus negotiis implicari, quale est mercari, & alia quæ Ecclesiæ ministros dedecent, exponunt, quasi aliud ge-

*Episcopus
rei bellica
ineptus epis-
copatu sum-
motus.*

*Siphridus e-
piscopus per-
cussor.*

Turpe lucrum

nus sit quæst' ecclesiastici, spirituale nimirū ac honestū, Testamenta scilicet captare, res malè partas ad se auertere, facultates alienas sub religionis prætextu inuolare, inescare sauridoria, deliras aniculas emūgere, crassos negotiatores compilare, quæstus olim iam pseudoclericis & pseudomonachis vberimus. Quales Augustinus (ne quis hæc cleri & monachisini odio Erasimum annotauisse dicat) ad Ediciam, epist. 199. iam tum notabat, non Dei seruos, sed tuæ (inquiens) domus penetratores (2. Tim. 2.) & tuos captiuatores & deprædatores, quibus ea transeuntibus, omnia, vel penè omnia quæ habebat, cum tamen puerum ex marito haberet, tanquam pauperibus eroganda donauerat. Cuius & illud celebre est, nolle se quempiam exhæredatis liberis hæredem facere ecclesiā, 3. q. 2. Ca. Si quis irascitur, 17. q. 4. ca. Quicunque, & Hieronymi aduersus tales querimoniā, cum reliquis canonibus ecclesiasticis talium olim iam correctoribus allegauī Digressionū, lib. 2. cap. 15. 16. de clerico turpilucro & industrio. Quibus adiicio quod idem ad Nepotianum de vita clericorum sic scribit, quæ partim citantur, 12. q. 2. Ca. Gloria episcopi est, pauperum opib' prouidere, ignominia sacerdotum omniū, propriis studere diuitiis. Natus in paupere domo, & tugurio rusticano, qui vix milio & cibario pane rugientem ventrem saturabā, nunc similam & mella fastidio, noui piscium genera, nomina, littora, saporibus auiū discerno

Delicia cleri
6094777.

no p
dam
ex p
pro
no
vi
m
de
fli
no
fura
la n

Sec
m
h
sibi
ita
ca
ria
nu
no
si g
spe
ter
est i
ditio
nè qu
numci
lum sit
vt quid

es grā
pro
quā
tis,
na-
o-
ci-
pē-
uasi
am,
ecle-
& fa-
licant.
ex dā-
ntra
em
&
lle-
em
vt

dia-
o in-
urba
effer
e vica-
as obe-
m reos

pœn
fine
runt
pre
dic
xu
qu
re.
nu
tit
fi v
les
Qu
pass
Hæc
mar
ille
Pr
ac
vi
st
li
n
q
fit
No.
Mi
prel
doru
vt no.
que à



Idque adeò in cōfessō est, vt viue vocis S. S.
A. oraculo sit nō ita pridem palam recognitū.
Sic enim Adrianus v i. ex maximo theologo
pontifex maximus nuntium suum ad comitia
Imperialia, anno 1522. instruebat, Dices nos in
genuè fateri, quod Deus hanc (Lutherisimi)
persecutionem ecclesiæ suæ inferri permittit,

Adriani vi.
pontificis o-
raculum.

*Sacerdotes
primi casti-
gandi.*

propter hominum peccata, sacerdotum maxime ac praelatorum, à quorum peccatis, populi peccata deriuari scripturæ clamant. Idcoque Saluator (interprete Chrysostomo additionis secundæ in Matth. 21. Homil. 38.) curaturus infirmam ciuitate Hierusalem, prius templū ingressus est, vt sacerdotum peccata (ementiū in primis & vendentium) primò castigarer, instar boni medici, morbum à radice curatis. Scimus in S. S. aliquot iā annis multa *abominanda* fuisse, *abusus* in spiritualibus, excessus in *mandatis*, omnia denique in peruersum mutata, nec mirum si ægritudo à capite in membra, à summis pontificibus in alios descenderit. Omnes nos (id est, praelati Ecclesiastici) declinauim⁹, vnusquisque in vias suas, nec fuit iādiu qui bonum faceret, vnde necesse est vt omnes demus gloriam Deo, humiliemus ei animas nostras, videamus vnusquisque vnde ceciderit, & se potius quisque iudicet, quàm à Deo in virga furoris iudicari velit. Qua in re quod ad nos attinet, polliceberis nos omnem operam adhibituros, vt hæc primū curia, vnde fortè malum hoc omne processit, reformetur, vt sicut in omnes inde corruptio emanauit, sic ab eadem etiam sede sanitas, & omnium emanet reformatio. Ad quod procurandum nos tanto arctius obligatos reputamus, quanto mundum vniuersum huiusmodi reformationem avidius desiderare videmus. Cū hic ergò Pontifex suæ sedis & curiæ deformationem non minus verè quàm

ingenuè agnosceret, reformationem proinde necessariam promitteret, & ad hæc breui futura magnificè Christianèque se offerret, omniū Imperij principū ordinūque vna vox fuit & communis responsio, nullū cōmodius, efficacius, & opportunius remediū nè cogitari quidem posse, quàm vt nec vltra vni⁹ anni spatiū, siquidem possibile foret, differretur liberi & christiani Concilij à papa, accedente principū cōsensu, Indictio, verū quod non ita pōst morte sublati Adrianus præstare nō potuit, successor eius fortè noluit, vt quo superstiti nūquam coiturū sperabatur. Tot annis omniū votis expectatum Paulus III. indixit, delectis primū ix. viris doctissimis atq; grauissimis, qui ab eo iussi ecclesiastica scandala corrigere: qui primū quidem non celauerunt eius sanctitatē, hodie norum malorū inde principiū fuisse, quod prædecessores eius nōnulli prurientes auribus, coaceruauerunt sibi magistros ad desideria sua, nō vt à quibus discerent quid facere deberent, sed quorum calliditate inueniretur ratio, qua liceret quod liberet. Hinc effectum vt prodirent adultores potius quā doctores, qui docerent, Papā beneficiorū omniū esse dominū, ac idē cū Dominus iure vendat id quod suum est, necessariō sequi in eum non cadere simoniam: Ex hoc fonte tot in Dei Ecclesiam abusus, & grauissimos morbos irrupisse, quibus ad salutis ea desperationem ferè laboret, & quorum fama ad infideles vsque dimanet, hanc præci-

Paul. III.

Adultores
pontificij.Simoniam in
pont. Ro. nō
cadere, fons
abusum.

puè ob causam Christianismum deridentes atque blasphemantes. Non licere ergo nec Christi vicario in usu clauium, siue potestatis ab eo illi collatæ lucrum aliquod comparare, hoc est, gratis datum non gratis dare. Cuius tamen respectu pleraque omnia, quæ paulò antè diximus, in Ecclesia fieri iidem ibidem non dissimularunt. Huic autem nouemuirali concilio addè Paulus non acquieuit, vt cùm Tridentini Sessione 7. Decreto & Canone 2. de reformatione, cauissent neminè plures ecclesias cathedrales in posterum recipere, & simul retinere: qui autem plures tum haberent, vna, quā malent, retenta, reliquas missas facerēt, præfati tamen hæc se statuere, salua semper in omnibus S. A. autoritate: Is, inquam, Paul⁹ in decreto canonis huius interprete, hæc addiderit, Sic autè vt fructus omnes sibi reseruare possit, tantum vt aliquid assignet resignatario, pro sua dignitate vtcunque tuenda. Regressum etiam retinere, vt si accideret resignatarium cedere vel decedere, ecclesia ad resignantem regrediatur, eandem de nouo alteri eadem conditione celsurum, & sic in infinitum. Atqui Nouemuiri argumento planè insolubili probauerant magnum abusum esse, sic omnia resignanti reseruari, & resignatario adimi, Officio enim beneficium, id est, redditus sic annexos esse, vt corpus animæ, Ideo sua natura ad eum qui beneficium habet, pertinere, quibus honestè pro suo ordine viuatur, cultum diuinum su-

*Resignatio-
nes.*

Regressus.

stentet, sacras ædes repararet, reliqua in pios
 vsus erogaturus. Sic autem reservationes fru-
 ctuum, & administrationes beneficiorum cu-
 mulari, &c. vt hoc pacto iura plerunque omnia
 Episcopalia ei competant, qui amplius non est
 Episcopus, fiat autem Episcopus, qui nullum
 Episcopi ius habeat. Regressus autem pretextu
 & coadiutorum nomine, qui plerunque datur
 minus idoneis, quàm ipsi sint resignâtes, eâ nō
 tam industria, quàm illusione, liquidò nisi clau-
 damus oculos, tum beneficia testamento lega-
 ri, tum hæredes institui, Vtrunque sacris cano-
 nibus valde vetitum, quorum præ cæteris Ro-
 manum Episcopum custodem esse conuenit, vt
 ad Orientales olim scripsit Iulius I. Et hac tamē
 Paulini decreti praxi, Tridentini canonis mira
 fraude, sic qui plures habebat Episcopos, vnam
 videlicet retinuit, vt non ita nuper ex nostratis
 Cardinalibus quidā obierit, quinque Epi-
 scopatum, præter abbatias totidem, fructus
 percipiens, assignato quatuor resignatariis pro
 sua cuique scilicet, dignitate vix ac nē vix qui-
 dem tuenda, nisi quod totidem vultures vni illi
 cadaueri inhiantes, spem interim pretio eme-
 bant. Concilium interim Bononiam translātū,
 paulò pōst suspensum, & mortuo Paulo inter-
 missum, successor Iulius III. redauspicatus est,
 Bononiæ antea Sessione XI. palàm professus
 in sacramentorum Ecclesiæ ministerium innu-
 merabiles abusus irrepsisse, Quorum indubiè
 non minimus est, quod multis in locis minus

Coadiutores

Beneficia te-
stamentariaEpiscopos plu-
res vt dissol-
uatur nostris
moribus.

*Sacramento
vum negotia
tio.*

*Sepultura
vanalis.*

*Hispani Epi
scopi.*

gratuita est eorum ministratio, in aliquibus etiam adeò vānalis, vt etiam cū sepultura pauperulis ea nō semel denegata sint. Redassumptum ergò Tridenti, & aliquousque continuatum Sessione vi. ad biennium secundò suspensum, Protestantibus interim & suspensionis decreto contradicentibus, grauibus aliquot Episcopis, Hispanis maximè, quibus erat cordi necessaria, vt nihil magis, morum & abusuum reformatio, & causantibus nec vni quidem, nedum huic, ex causis propter quas conuocatum erat Concilium, plenè adhuc satisfactum esse. Integro igitur decennio interruptum, tot votis optatum, tandem etiam à Pio. iiii. obtentū, rursus Tridenti resumptum, & tertio congregatum, patribus licet integra re à Pōtifice permessa, ~~ad eundem Pōtētiā in eadem re per-~~
~~hibenda pergit~~, vt etiam quæcunque de morum reformatione & disciplina Ecclesiastica inferioribus præscripsit, in his saluam semper S. A. auctoritatem & esse & intelligi declararit, Sessionis 9. & vltimæ can. 21. die 1. vt non minus gratè quàm piè Pius idem magnā gratiam patribus Tridētinis publica oratione Romæ in frequentissimo R. Cardinalium confessu & consistorio habuerit, quòd in Ecclesiastica emendatione tantam auctoritatis illius rationem habuerint, tantæque in eum moderatione sint vsi, vt si is seipse suæque reformare voluisset, longè seuerior in se futurus fuerit. Quid igitur superest, nisi vt quod eodē scripto

pollicetur, & concilij reformatantis auctoritatem non declinet, & si quæ patres aliqua vel ratione omiserunt, vel circa ea mitiores fuerunt, eorum occurrens modestiæ, ea tanquam iudicio eius relictæ suppleat: Si enim non minus verè quàm liberè D. Adrianus hodiernæ morum vastitatis tabem à capite in reliquū Ecclesiæ corpus serpsisse dixit, percutiat sanctuarium suum Pius eius successor oportet, & à domo sua incipiat, Ezech. 9. 1. Pet. 4. Certè videt propter aliquot eius præcessorum, sua, non quæ Iesu Christi sunt, quærentium ἀσχετοῦς διαίαν, & avaritiam (vt ex scriptoribus, ei licet sedi additissimis, probare possumus) in quem statum adducta sit S. S. A. imò tota Christi Ecclesia, quàm multa non multis ab hinc annis facta sit ~~abrupta~~ discessio, metuendum nè maior fiat, ni vel aliquando tandem remedium adhibeat, si tantis, quibus obruitur Ecclesia, malis medendis allata mora fuerit, hoc futurà damnosior, quo longior. Et tam diuturnorum motuum non alia causa maior, quàm quòd tot annis nihil immutatur, nihil emendatur, & omnis reformati

*Reformatandi
spes ablata.*

di spes inde abrupta, species ablata, quòd reliquum Ecclesiæ corpus reformatum velint, qui tam multis annorum centenariis urbem, in qua inerum atque mixtum habent imperium, deformatissimam adhuc reliquerunt. Quid enim vel excusare vel excogitare verum aut verisimile possunt, quibus non vel Rex vel Cæsar,

Et lib. 3. Petri que domus polluta fluenti
 Marcescit luxu, nulla hîc arcana reuelo,
 Non ignota loquor, liceat vulgata referre.
 Sic vrbes populique ferunt, ea fama per omnē
 Iam vetus Europā mores extirpat honestos.
 Sanctus ager scurrus; venerabilis ara Cynædis
 Seruit, honorāda Diuūm Ganimedibus aedes.
~~Et tota coram te, vnde nobis~~
~~Terræ, fœdera, Nilus, Euræon,~~
~~Quæque pueri, alioque regibus, & fœde.~~

Audiat igitur, & vtinam tandem exaudiat
 S.D.N. Pius v. quod nullo ibi medio subiectū,
 nescio audiuerit necne, certè minus exaudiuit
 SIXTUS IIII.

Sancte pater, fidei custos, ouiumque magister,
 Quas bonus effuso moriens in sanguine pastor
 Abluit, ætatis damnosa licentia nostræ,
 Quam veterū semper crescens incuria patrū,
 Et sceleri pandens aditum, moresque seueros
 Auersata parit, tua sentiat arma coërce
 Hæc vitæ: ancipiti ramos preme falce vagantes
 Næque feros fructū, & triste frugibus vmbra
 Fert inculta: iacēs Cererē necat, occupat agrū.
 Mille sub his latebræ foliis: & mille rapaces
 Hac habitāt sub frōde feræ, vulpesq; lupiq;,
 Mitiæque innadūt laniantq; animalia passim.
 Sic cicurū genus omne perit, per ouilia regnāt
 Sæuus aper, tigres rapidæ, truculētia Leonum

*Semina, multicolor pard⁹, griphs narib⁹ vncis,
Et variæ pãthera cutis, grauis vnguib⁹ vrsa.
In gen⁹ hoc, pater, arma moue sua pascua redde
Fœcundis ouibus: stent ad præsepia tauri,
Qui signata iugis, longóque attrita labore
Colla gerunt: postquam rerũ te Roma potentẽ
Fecit, & obscuro iubar hoc resplenduit orbi,
Exanimis virtus scelerum sub mole sepulta
Respirare parum visa est, & tollere frontem.
Et nisi tut vitiis hæc secula nostra fuissent
Depravata, boni poterant rectoris habenæ
Errantes frenare rotas: Sed tantus equorum
Impetus aurigã superat, frustra que retractãs
Lora gubernator, sine lege per inuia fertur.
Propterea sortem doleo, mitissime patrum
Sixte, tuam, fueras annis melioribus aptus.
Est tibi quæ tanto satis est in principe, virtus,
Sed velut obscuris Phœbi sub nubibus ardor
Læquet, & vmbra diẽ piceæ caliginis aufert:
Sic tua corrupti vitio clementia seclĩ
Obscuratur, eunt pessum pietasque fidesque.
Lerna pal⁹ terræ est, vitiorũ exercit⁹ Hydra.
Alcides nusquam est: ardentẽ seu a Chimera
Mōstra tenet, nec adest Glauci castissima proles.
Cãdida Gorgonci capitis coma fluxit in angues,
Et neq; Mercurij prosunt, nec Palladis arma.
Dedaleis inclusa viis Minoia monstra.*

Passim habitāt, crebris vterum quæ cadibus
augent,

Nec poris est multa ingluviē saturare rapina.
Nec superat Thesæa man⁹: per tecta, per aulas
Harpyiæ funesta lues, fluxūque famēque
Infestæ Volitant: Boreæ genus omne recessit.
Sirenes redeunt, & Phœbi filia Circe,
Quæ placidos hominū furiali carmine vultus
Vertit in immites formas, & in ora ferarum.
Plurima sunt nobis sancti vestigia seclī,
Et gentis monumenta piæ: sunt ardua templa,
Sūt sacris cōgesta patrū sancta ossa sepulcris.
Est fidei caput, est veri latria Tonantis
Ista sed Hesperidum velut aurea mala dra-
cones

Cerulei servant: Res detestanda, nec vllis
Flenda satis lacrymis. Nec me cōiitū quisquā
Texere causetur, mordāxque excudere carmē.
Hæc sunt pro sanctū gemitus, lamēta, dolores
Moribus, & superūm pro maiestate querela.
Ista mouent superos; vocat hoc scelus æthere
ab alto

Bella, famē, & diri genus insuperabile morbi
Heu sortē gregis aduersam, fidūque malignū
Quum custode caret, cum fracto vimine sepes
Nocturnos aditu fures admittit aperto.

Præsertim cum dura fames ieiuna Luporum
Intestina

Intestina premis, rapidique mapalia lustrant,
Præda sumus, fracto ferimur temone per altum

Et Paulo post

Summe pater, ali saltem cui regia patet

Singulus audi in fontes, fletuque piorum

Flectere: crudeles gladij saturandaque cæda

Spicula, primores populi: frontesque superbas

Oraque blasphemio feriant inflata tumore:

Parce rudi populo maiorum exempla sequenti:

Imbellémque manum serua, qui cetera seruas.

Quid meruere greges? pastorum incuria damno
est.

Cerne laborantem, sæta per salientia cymbam:

Et miseris feropènantis, parricini que furcæ

Sicent. At qui hoc poeta, mophora, nescio
an alter famosior, aut in puerorum scholis
frequentior. Adde quòd & nemo S. R. E.
addictior.

Pergit ita, nec ita post

Mens humana parenti

Iustitiam, sanctos mores, & laudis honorem

Perpetuum debet: sunt hæc gratissima cælo

Orgia, & infestis obstore potentia fati.

Sed postquam liquit terras Astræa nocentes,

Fugit & ipse, hominum leges qui condidit, ordo:

Temporèque ex illo summi reuerentia patris,

Sanctæque diuini ruit obseruantia cultus.

~~Neque quae pueri vultu, neque quae spectantur
 In oculis, quaeque solent in oculis
 Scire, quaeque in oculis, quaeque in oculis
 Nunc, quaeque in oculis, quaeque in oculis
 Quod, quaeque in oculis, quaeque in oculis
 Vult.~~

Nec tamen his maculis sordet pecus omne: magi-
 ster,

Ne pereat, quaedam sibi seruat ouilia semen.

Qui prece sollicitat superos, multoque per omneis
 Thure litant aras, veniam pacemque precantes.

Inuisi superis, foedaque libidine olentes,

~~Nec fuisse in oculis, quaeque in oculis~~

~~In oculis, quaeque in oculis~~

~~Ad oculis, quaeque in oculis~~

~~Ad oculis, quaeque in oculis~~

~~Ad oculis, quaeque in oculis~~

~~Ad oculis, quaeque in oculis~~

~~Ad oculis, quaeque in oculis~~

Sacrilegum genus ex adytis templisque Deorum
 Pellite, nec longos scelera haec vertantur in usus.

Et ad Leonem x. Fast. lib. 4.

Romana graui maculata veneno

Curia: qua spargit terras contagia in omneis:

Postremum est oppressa fides, exposita rapinis

Vndique, & in pradam populis proiecta crucis.

Ista tuis animose Leo, seruata diebus,
 A te subsidium magnis clamoribus orant.
 Sancte pater succurre Leo: Respublica Christi
 Labitur, agrotátque fides iam proxima morti.
 Et lib. 5. de S. Urbano.

Nunc mores periere boni, regnatque libido
 Improbæ, & exclusos inopes consumit egestas.
 Omnia sacratus nostra sibi vendicat ordo
 Tempestate, sinuntque patres pessum omnia labi.
 Templà ruunt, passim sordent altaria, cultus
 Paulatim diuinus abít: Resipiscite sancti
 Vaticana, patres, qui templà excelsa tenetis,
 Ne subito forsàn Deus excaecet, & istud
 Tam deforme nefas odio vlciscatur acerbo.
 Et ad finem lib. 7. De SS. Petro & Paulo.

O Diuinæ animæ, quorum sanctissima Romæ
 Ossa cubant, seruare fidem, prohibete ruinam,
 Atque reformandi curam studiúmque senatus
 Vsurpate: vetus iam disciplina fatiscit,
 Consenuit probitas, & morti proxima languet.
 Et in Nicolao Tolent. lib. 2.

Propter hoc quod
reuerentia et honoris causa
propter hoc quod
propter hoc quod

O Vtinam pater omnipotens tibi proroget annos,
 Ut valeas olim post hæc certamina, Romæ
 Ad male compositos animum conuertere mores.
 Sicut enim tua Regna rapax lacerauerat hostis
 Improbilas, sic & sanctos Acherontigenarum
 Laruarum impietas, & pernicioſa libido
 Corruptit mores: quibus illa antiqua parentum
 Semideorum ætas totum condiuerat orbem.
 Hæc morum iactura magis deſlenda videtur,
 Quam Regni prior illa tui. Nam diſſipat omne
 Imperium Chriſti: toto iam cognita mundo
~~Mundum ſuſcepit. Nam quid dicit. Mundum~~
~~Imperium Chriſti. Sed quid dicit. Imperium~~
 Ecce ruunt, Charitas friget, ſpes pallida lan-
 guet,
 Ægra fides fragili vix ſuſtentata bacillo
 Ex procerum tectis fugit, & gurguſtia quærit.
 His tribus incumbit, tanquam tribus acta colum-
 nis
 Tecta domus Chriſti: tribus his labentibus ergo
 Eſt opus Ut ruat hæc moles vaſtiſſima quondam,
 Nunc ſenio morboque tremes, rimiſque dehifcens.
 Nec te, magne pater, latet hoc, prudentia pectus
 Tanta tuum vegetat. Sed idonea tempora quæris,
 Expectaſque diem quæ dei ſoliciter iſti
 Principium Diuino operi: Stat ad oſtia Chriſtus

Cum grege Cælituum, tecum Venturus in istam
 Militiam: tua magne pater, præcordia pulsenc
 Anteferenda aliis hæc sancta negotia curis:
 Hæc animo res digna tuo, qua sanctior esse
 Nulla potest, nulla vtilior mortalibus. Esto
 Qui decus hoc habeat, quem gloria tanta coronet.
 Ad Romam conuerte oculos luxumque fluentem
 Aspice, & indignos Christi propagine mores.
 Tota in capreolos it vinea, tota comantem
 Effluit in syluam foliis spargentibus vmbra
 Pestiferam segeti, dulcēs neque parturit vvas.
 Hoc steriles ramos, nemus istud inutile trunca.
 Erue, mortiferas taxos, aconita, cicutas,
 Et sere vitales herbas, vt cinnama, nardos,
 Balsama, thura, crocos. Veterū reminiscere pa-
 trum.
 Gregorium pone ante oculos, magnūque Leo-
 nem,
 Syluestrum, & reliquos, quorum est imitabilis
 alto
 Vita animo, regnōque humeros suppone labanti.
 Qui te cunque colunt, optant hoc cernere, & istud
 Expectant ardenter opus. Et adhuc expectamus.
 Et ante auditū Lutherū Raphaël Volateranus, hoc
 est Ital^o, idque Romæ, Vrbanoꝝ nimirū cōmen-
 tarioꝝ lib. 30. cap. De seruis, scribebat sacerdotia
 tribui mercedis loco, spiritualēque thesaurum

quæstui haberi ac negotiationi. Bone Deus, si sic à domesticis fidei audimus, quid non ab aduersariis audiemus? Atqui præstat hæc audire ab illis cum obedientia monentibus, quàm ab his perduellibus. Quid quod & D. Adrianus ille Traiectensis mihi sæpe vocatus, profitebatur colla summe se subiecisse dignitati, ad deformam Dei sponsam Ecclesiã reformandã: deformatã autẽ non nouis tantũ erratis & abusibus, sed & veteribus! Inueteratus, *aiebat*, nimium morbus est, nec simplex, sed varius & multiplex. An non hic idem penè dicit, quod ante annos quadringentos ita deplorauerat beatiss. Bernardus? Intestina & insanabilis est Ecclesię plaga. Facere non possum, quin addã reliqua, si præter promissionẽ proximã, at non præter præsentem *αἰσχρονεσίαν* materiã. Subdit igitur, vox plãgetis in tẽpore isto, filios enutriui & exaltaui, ipsi autẽm spreuerunt me, Esa. I. Spreuerũt me, & maculauerũt, à turpi vita, turpi quæstu, turpi commercio. pro huiusmodi volũt esse, & sunt Ecclesiarum præpositi, decani, archidiaconi, Episcopi, Archiepiscopi, nec enim hæc merito cedũt, sed negotio perambulãti in tenebris. Ipsa quippe dignitatis Ecclesiasticę officia, in turpẽ quæstum, & tenebrarum negotium transierunt, nec in eis salus animarum, sed luxus quæritur diuitiarum. propter hoc tũdentur, propter hoc frequentãt Ecclesias, missas celebrant, psalmos decantãt. Pro Episcopatib⁹ & Archiepiscopatibus impudenter hodie certatur, vt Ecclesiarũ redditus in superfluitatis vsus dissipẽtur. propter hoc

Bernardus

nō est hoc tēpore ornare spōsam, sed spoliare,
 nō custodire, sed perdere, nō, defendere, sed ex-
 ponere, nō instituere, sed prostituere, nō gregē
 pascere, sed mactare, comedere, deuorare, ex Io.
 10. Ose. 4. Psal. 52. peccatorum pretia exigunt,
 & peccantibus debitam solitudinē non impē-
 dunt. Quē dabis mihi de numero prapositorū,
 qui non plus inuigilet subditorū vacuādis mar-
 supiis, quā extirpandis vitiis? Nunc enim dati
 sunt sacri gradus in occasionem turpis lucri, &
 quæstum æstimant pietatē, copiosissimæ quidē
 pietatis in accipienda animarum cura, sed hæc
 apud eos cura minor, & nouissima de illarū sa-
 lute cogitatio. Hæc in Psal. 90. Serm. 6. in Can-
 tica. serm. 33. 77. in conuersione S. Pauli serm. 1.
 Sed ad quos ille hæc? Egressa est (ait) iniquitas
 à senioribus iudicibus (Dan. 13.) tuis Christe,
 vicariis, qui videntur regere populum tuū: Heu
 heu domine deus, quia in persecutione tua pri-
 mi sunt, qui videtur in Ecclesia tua primatū di-
 rigere, & principatū gerere. Arcē Sion occupa-
 uerūt, apprehenderūt munitiones, & vniuersam
 deinceps liberè & potestatiuè tradūt incendio
 ciuitatem, misera eorum cōuersatio, miserabi-
 lis est plebis tuæ subuersio. Sed & eiusdem
 est ad eosdem grandis sermo & peculiaris,
 in opere, quod de Consideratione inscribi-
 tur. Sed nos cum Bernardo relinquamus istos
 sponse magis veditores, quā inuētores, & iu-
 mentorum eius, hoc est, Apostolorū ministerij
 locum sortitos, non zelum, Successores omnes

esse cupientes, imitatores perpaucos, tam utinā ad curam vigiles, quā alacriter ad cathedram (si modō ad cathedram) currentes, perdentes nos, non seruantes, nec suis, nec sibi quidē parcentes, atque ita perimentes pariter ac pereuntes. Quam querimoniam si iustam omnino, nec ad vllam iustius quā ad suam ætatē referendam ille concionabatur, quantō ea nostra ætate dignior, ad quā post Bernardi seculū omnia in peius profecerunt? Sed veteres missos faciamus, & ad nostrī tēporis nō schismaticorū famosos, sed Catholicorū libellos ea de re cōmonitorios veniamus. Nūquid antea citati ix. viri, Cardinaliū & prælatorū tūc doctissimi, nō idem cognouerunt, ferē nimirū collapsam esse Ecclesiam, abusibus & morbis grauissimis pridem laborātem, & præsertim Romanam curiā, sic vt eis paulatim ac sensim ingrauescentibus, magnam hanc, quā videmus, ruinam traxerit. Et maculas illi quidem ostenderunt tantū, non etiam abstulerunt, adeō plures esse, quā quas tum attigerunt, non diffitentes, vt Christi nomen à nobis clericis, nedum à gētibus oblitum, ad Concīlij finem disertē dicerent, & in nostris cordibus restitutum iri à Paulo consultore plus optarent, quā sperarent. Quin A. S. legati R. Tridentinam Synodum incuntes, ad patres ibi collectos initio statim agnouerunt de nobis meritō dici, quod propheta ī persona Dei veterē populū accusans dicebat, Duo mala fecit populus hic, me dereliquerunt fontes.

aque vitæ, & cederunt sibi cisternas non valentes continere aquas, Hieronymus, in quo quibus oppressa est Ecclesia, & ad quæ corrigēda vocabatur, non parua ex parte pastores causā dedisse, adeoque autores fuisse, vt præter seiplos aliū ne nominare quidem autorem possent, idque non minus verè quàm acriter dictū fassī sunt, nostram (inquiētes) nimirum ambitionem, avaritiam, cupiditatem, populum Dei malis omnibus affecisse. Quæ de corruptela morum Sacerdotum corruptela. cū omnium ordinum, tum sacerdotum, veteres prophetæ, Ezechiel nominatim, cap. 22. loquebantur, In contemptu legis, pollutione sanctuarij, nulla inter sacrum & profanum distantia, ad perdendas animas, avarè sectanda lucra, &c. non ad illa solum tempora pertinuisse, sed nostri quoque temporis imaginem retulisse. Denique collapsam ferè ecclesiā agnoscebant, ad quam erigendam atque instaurandam conuenerant. Et multa (fateor) correxerūt, vereor vt non pauciora corrigenda Pontifici summo (utinam nè frustra) reliquerint, in nostrate præsertim Gallia, in qua nusquam peius habet ecclesiæ, nusquam iniquior bonorum sacrorum vsus aut dispensatio, quàm in patriis quas vocant, obedientiæ, episcopis earum à Papa, hoc est, à Petri successore, plenitudine potestatis non contento, Apostolorum successoribus fratribus suis & coëpiscopis nulla, vel certè admodum parua, sollicitudinis parte relicta. Gallia calamitas.

~~principis, hoc est, de rebus, p...~~
~~rebus, p...~~ expectatiuis nimirum, re-
 gressibus, mandatis, reſeruatiõibus, præuen-
 tionibus, & id genus inuentiunculis grauari ſe-
 quiritatur locorum ordinarij, vt præter pedum
 & mitram nihil eis penè reliquum ſit. Nec ve-
 rò eſt quod ſperet Põtifex Galliam noſtratẽ
 adeò deformem reformare, adeò nutantẽ cõ-
 tinere poſſe, niſi iuxta nomen ſuũ ſua primum
 piet ac repurget, iuxta cognomen & generoſiſ-
 ſimum genus ſuum, ſuis primum, quod eſt in
 prouerbio, medeatur, & taxas illas *αἰσχροτέρας*
 nomine multis meritò maledictis multorũ ta-
 xatas, reliquãque cameræ cancellariæque
 Apoſtolicæ nihil minus quàm Apoſtolicam,
 quam Paulinam aut Petreiam negotiationem
 nũdinationẽque, quaſi quoddam Augiæ ſta-
 bulum tandem vel repurget. Super his & id ge-
 nus neceſſariò purgandis admoneri non ægre-
 ferat à filioliſ miſellis pater beatus, à peccato-
 ribus ſanctiſſimus, ab ouiculis minimis paſtor
 maximus. Noſtrum enim, noſtrum inquã eſt,
 etiam quantumuis magnos & maximos admo-
 nere, hortari, eſſlagitare, qui nos inter tot licet
 infirmitates, ſordes, & abuſiones, in officio &
 obedientia continemus, non perduellium, aut
 deſertorum, quibus cum ea quam reliquerunt,
 eccleſia nihil vel commune, vel negotij eſſe
 vel poteſt, vel debet. Dolebat vbi antè, Bernar-
 deſ, ſine cauſa his vel illis immorari, quia cum
 monachis, alijsque predicantem epiſcopum non

audirent. Sed & si literis (aiebat) forsitan mandantur quę dicimus, aut dedignabuntur legere, aut si fortè legerint, mihi indignabuntur, sibi licet rectius id facturi. Equidem multo minus sperauerim mea lectum ab episcopis iri, in quo rum rem scribo, sed si fortè tamen ad eorum vel aures vel manus peruenerint, non diffido vel eorum summum pro sua tum pietate, tum medendis nostris abusibus & erratis voluntate, boni consulturum. Nam & eius sanctitatis præcessor Paulus iiii. cum horum partim at- Pauli iiii. propenso in
authorem. que priuatim monerem, adeò non est offensus, vt seriò cogitarit de me Romę retinendo, non sine honore quem ea Sedes largiri solet maximum. Laus & gratia Deo ac Domino nostro Iesu Christo, qui quem ei mei promouendi animum dederat vel permiserat, mox abstulit, ne fortassis ambulare in magnis & mirabilibus super me, &c.

Haëtenus sine quibus debet esse, siue quod non debeat habere, nunc quid habere debeat. Primùm vitia damnavit, vt virtutes infereret, iuxta scripturarum consuetudinem, vnde sequitur, *sed hospitalem*, bona sua omnibus impertientem, pauperibus præsertim, & peregrinis amplius, maximè verò propter Christum domo pulsus, & in mundo exulibus, nè ab infidelibus abacti, solatij nihil inter fideles inuenientes, concidant, & ad infidelitatem redeant. Amplius quiddam φιλόξενος esse quàm ξενόδοχον Hospitalitas
quibus maxi-
mè exhibēda φιλόξενος¹
ξενόδοχος.

*Peregrini vt
excipiendi.*

peregrinorum amātem,quā̄m hospitem. Non enim tam peregrinorum amator quā̄m hospitator,quod obiter , & nescio quo respectu fieri potest. Philoxeniam autē,de qua Ro. 12. Hebr.13. 1.Petr.4. φιλοξενοί εἰς ἀλλήλους, nedum xenodochiam , de qua. 1. Tim. 5. ἐξενεδοχίῃ, requirit à nobis,vt ab Israëlitis Domin⁹, Amat (inquiens) peregrinum, dat ei victum & vestitum.Et vos ergò amate peregrinos,quia & peregrini fuistis in terra Ægypti,Deut.10.eadem de causa,Exod.23.peregrino molestus nō eris, quibus etiam in segete spicas remanentes , & in vinea grana decidentia,carpenda dimitti iussit,Leuit.19.23. Deut.24. non exprobrabis ei, sed diliges eum quasi indigenam, quasi temet ipsum,Leuit.19.Non contristabis eum,nec affliges,Exod.22.non negabis ei mercedem,nō peruertes eius iudicium,Deut.24.27. Et passim in prophetis indignatur aduenas & peregrinos opprimētibus,calumniantibus,occidentibus,Psal.93.Hic.&Ezech.22.Zach.7.Mal.3. Sed ad Philoxenum episcopū redeamus, qualem celebrat Ioannes,Epist.3. Caium,fideliter (inquiēs) facis quicquid operaris inter fratres, & hoc in peregrinos, qui testimonium redderūt charitati tuæ,in cōspectu Ecclesiæ,quos bene facies,deducēs dignè Deo,pro eius enim nomine profecti sunt, nihil accipientes à gentibus.Nos ergò debem⁹ tales suscipere,vt cooperatorum simus veritatis , nimirum iuxta verbum Domini,Mat.10.Qui recipit prophetam

aut iustum hoc nomine, vtriusque mercedem accipiet. Qualem Abdia Hieronymus eius interpret scribit prophetalem gratiam accepisse quod in persecutione Iezabelis prophetas in speluncis quinquagenos absconditos pauisset, 3. Reg. 18. quos vt alere clam posset, multum æris alieni contraxerat, quod Elisæus oleo diuinitus aucto dissoluit, & ad eius viduæ liberorumque alimenta superfuit, 4. Reg. 4. & huius enim viduæ maritus fuerat Abdias, Iosepho, li. 9. Antiquit. cap. 1. Nec verò putemus patres in hominibus non angelos modò, sed & Deum ipsum hospitio suscepisse, Gene. 17. 19. Heb. 13. Leo papa ix. hospitalitate adeò insignis, vt domus eius pauperibus & peregrinis semper pateret, cum leprosum ante fores suas inuentum diligenter in lecto suo locari iussisset, apertis mane foribus non inuenit, creditum pauperis nomine Christum eo loci iacuisse, Platin. post Sigebertum, anno Domini 1048. His dissimile Diotrephen taxat vbi antea Ioānes, fratres nō suscipientem, & suscipi prohibentem. Et nos de hospitali clerico Digress. lib. 2. cap. 1. abundè. Petrus apud Clementem, Epist. 1. inter alia sic presbyteros docet, Charitatis recipiendæ & habendæ maximum erit fomentum, si frequenter inter vos communem cibum vestrum mensamque faciatis, & quantum quisque præualet, crebrius panem salēque suum cum fratribus sumat: per hæc dilectio comparatur, & causa boni totius in huiusmodi communione cōsi-

*Abdias unde
Propheta ef-
fectus.*

*Hospitalita-
tis merces.*

*Communiorū
inter bonos
celebrando-
rum utilitas.*

*Cauponarum
interdictio.*

*Aeneas Syl-
uius.*

*Auaritia e-
piscopalis ex-
empla nobi-
lia.*

stit. Ideo communes facite cibos vestros cum fratribus, secundum Deum, per hæc temporalia officia pacis & charitatis fructibus æterna gaudia merituri. Multò autè sollicitius esurientes reficite, sitientibus potum, nudis vestimentum date, ægrotos visite, vinctos iunate, peregrinos in domibus vestris suscipite, &c. Et huius inter cōsacerdotes hospitalitatis præceptū, merito secuta est tabernarum & cauponarum interdictio, de quibus nos in vinolento Clerico, lib. 2. Digress. cap. 14. Nec inter clericos tantum, sed omnes omnino Christianos eratum hospitalitas, nō vltima Ecclesiæ nota olim iandiu magno Christianismi tum damno, tum dedecore omiſsa. Facere contrà non possum, quin vnum & alterum episcopalis auaritiæ & inhospitalitatis exemplum memorabile hic citem, contraria enim iuxta se posita magis elucescūt. Aeneas Syluius in historia Bohemica, cap. 35. & 42. autor est Albicum Posoniensem in Hungaria episcopum, vnicum extremæ auaritiæ balthrum, qui clauēs cellæ vinariæ nulli quàm sibi crederet, animalia dono accepta mox venderet, quòd sumptuosos esse coquos didicerat, abiectam animum popinæ suæ præfecerat. Interrogatus sonorū omnium quem molestius audiret, maxillarum, inquit, ossa frangētium. Idoneus profecto pontifex, qui surgenti fomentū hæresi daret, cum enim familiam edentem bibentēque ferre non posset, minori contētus officio dignitati cessit, & auaritiæ seruiuit. Al-

terum nimis quàm sanè horrendum Hattonis
 ex abbate fuldensi archiepiscopi Mogūtini 32.
 qui anno 914. plurimos pauperes magna fame
 pressos, dictitans nihil à muribus differre, fru-
 mentum quippe comedentes, & ad nihilū vti-
 les, in horreum congregatos concremauit, iu-
 sto Dei iudicio à murib⁹ cateruatim noctu diu-
 que inuasus, & in media Rheni turri, in quam
 cōfugerat, deuoratus, abroso eius ex parietibus
 & tapetibus nomine. Renarrat Munsteri Cos-
 mograph. lib. 3. pag. 486. 493. Idem ait cōtigisse
 Vvilderolfo Argentinę episcopo, anno 997.
 pag. 458. Tyranno Poloniae Pompilio, Reginę
 eorūque filiis, pag. 891. lib. 4. quorum in pau-
 peres scelus imitatus Heriberti Colonięsis Ar-
 chiepiscopi frater, pœnitens Romā profectus,
 & absolut⁹ est monasterij cōstruēdi lege, pag.
 506. Hęc obiter in auaros, inhumanos, & inho-
 spitales episcopos: quales hodie si non à muri-
 bus, certè ab auibus, canibus, equis, & scortis,
 qui comederentur, vtinam nulli sint. Sequun-
 tur reliqua quę pertinent ad conuersationem
 vitę, *Benignum*, vt hospites cum benignitate ac
 beneuolentia, non cum tristitia suscipiat, Hie-
 ronymo bonorum amatorem, φιλάγαρον, vel o-
 perum, vel hominū, propterea quòd boni sunt
 eorūque delectetur cōsuetudine ac familia-
 ritate: boni ac virtutis amātem, bonarū rerum
 studiosum. Theophylacto, humanum, mode-
 stum, minimè inuidum, his denique contrariū,
 quos 2. Tim. 3. futuros prędixit, ἀφιλάγατος,

*Crudelis a-
 uaritia.*

σώφρον.

Sobrium.

sine benignitate, bonis inimicos, omnis boni hostes. Et hæc quidem omnia ante episcopatū, inquit Sedulius, multo magis in episcopatu, quod & sensit Bruno, qui pauperes receperit, receptisque pauperibus, & quibuscunque sua largē ministrantem, benignē omnes diligat, & quicquid boni potest, tam spiritualiter, quā corporaliter impendat. *Sobrium*, σώφρον, Ambrosio prudentem, Hieronymo castum, notanti veterem interpretem, quasi verbi ambiguitate deceptus, pro pudico prudentem verterit. At interpreti patrocinatur Erasmus, quod cum vtrunque vox Græca ambigua significet, nō minus licuerit prudentem, transferre, quā pudicum: an non enim & prudentia episcopo congruit? *Sobrium* ergō iuxta eiusdem vocis Græcæ proprietatem, & sanæ mentis, nullisque temulentum cupiditatibus, Græcis purum, & ab affectibus liberum, Lyra tenētem in omnibus mensuram, Brunoni frugi in cibo, potu, vestitu, Anselmo, vt corporalis ebrietas ab eo longē sit, nec sensum eius vel mundana cupiditas, vel ira, vel quoduis aliud vitium inebriet, sed acuto sensu diiudicet omnia, vt vir spiritualis, 1. Cor. 2. Indignum tamen Hieronymianum episcopalis castitatis patrocinium, quod hic omitatur, cuius etiam præcedētia in opere de Continentia, lib. 1. cap. 9. cum reliquis eiusdem auctoris testimoniis. Sic autem hoc loco concludit, Quomodo itaque mansuetudo, patientia, sobrietas, moderatio, abstinencia lucri, hospitalitas

talitas & benignitas, præcipuè esse debent in episcopo, & inter laicos eminentia, sic & castitas propria, & (vt ita dixerim) pudicitia sacerdotalis, vt non solum ab opere se immundo abstineat, sed etiam à iactu oculi, & cogitationis errore, mens Christi corpus confectura, sit libera. Sequitur, *Iustum*, vt cum Lyra dicā, formaliter quantum ad seipsum, effectiuè quantum ad populum sibi subditum, cui iudicium debet facere, & iustitiam seruare. Theophylacto, in hominum commercio citra personarum delictum conuersantem, qui personam non præferat, nec vllius, in iudicio præsertim, acceptione habeat, quod toties scriptura præcipit, Leuit. 19. Deut. 1. 16. Prou. 24. Esa. 42. Iac. 2. vt iustitiā populis quibus præest, exerceat, reddēs unicuique quod meretur. Inter laici autem & episcopi iustitiam hoc interesse notat post Hieronymum Anselmus, quod ille iustus apparere potest in paucis, hic in tot eam exercere debet, quot subditos habet. Iustum ergo proximo, *sanctum*, Deo, pium & Dei colentem sui cultorē nihil in diuinis rebus, & ad Deum pertinentibus omittentem. Sic enim *ἁγιος*, Græcè significat Hieronymo, cum sanctitas mixta est pietate, & ad Deum refertur. Neutrobi sine peccato dixit, quod fieri nequit, sed vt iustitiā requirit, id est, erga peccatores compassionem, animi probitatē, ab omni nequitia & malitia alienam, Ita sanctitatem Anselmo, ab omni inquinamento, quantum à nobis fieri potest, liberā,

Castitas, sanctitas, sacerdotum propria.

Iustus.

Iustitia non eadem episcopi & laici.

ἁγιος.

Sanctitas.

Continent.

puram, incontaminatam. Subiicit *ὑγραιῆ*, *Continentem*, siue Hieronymo, abstinētem, hoc est, eidem & Græcis, & aliquot etiam Latinis, non solum in cibo, potu, venēre temperantem, non tantum, vt quidam putant, à libidine & ab vxoris amplexu, sed & ab omnibus illicitis affectibus coërcentem, firmiter cōtra tentationis impetum se tenentem, linguam, manus, & impudicos oculos cohibentem, In talibus enim regendis & moderandis versatur temperantia, nè quis ad iracundiam concitetur, tristitia deiciatur, immoderata lætitia fustollatur, terrore exagitetur. Continētia enim non in carnis solum opere aut concupiscentia, sed in omnibus vbique rebus est necessaria, ne honores indebitos appetamus, auaritia accendamus, neu alia perturbatione superemur. Id si ab omnib⁹ exigitur, quanto magis ab episcopo, qui patiens & mansuetus debet aliorum ferre vitia, consolari pusillanimes, sustentare infirmos, vincere in bono malum, nulli malum pro malo reddere? Mirè id prospexit Paulus, non posse aliis prospicere, qui sit affectibus obnoxius, non liber, nō superior, sed iisdem cum vulgo cupiditatibus seruiat. Scholia Hieronymo & Primasio inscripta obseruant incontinentiam & continentiam Paulo nunquā nisi in causa luxurię, nominari (quasi verò Paulus latinè scripserit) sanctum ergo in opere per continentiam hic dixisse, nè quia vnius vxoris fecerat mentionem, locum incontinentiæ dedisse putetur. Et hinc quidam recē-

tiores clericalis cōtinentiæ ius diuinum vrgēt,
 sed, vt videre est, præter mentē veterū huius lo-
 ci interpretū, Græcorū & Latinorū. Illud, vt est
 extra controuersiā, ita propius literā, Requirit
 ab Apostolo episcopū, virū à vita impura & pro-
 fana alienū, vitæ puræ, castæ, & sanctæ amantē.
 Duo enim paria virtutum contexuit, quorū pri-
 mū ad alios, secūdū ad episcopi personam sese
 extendit: Iam verò sequuntur quæ ad episcopi
 doctrinam pertinent: *Amplectentem*, Hierony-
 mo obtinentē, Ambrosio tenacem, propriè ac
 eleganter ἀτιχόμενον, sic alicui adhærentē ac ve-
 lut vnguibus affixum significat, vt se non sinat
 auelli, & qui amplectitur, stringit, fit autem am-
 plexus ex amore. Oportet igitur episcopū sciē-
 tiæ cum amplexu inhaerere, hoc est, cum firma
 animi adhæsiōe, & cordis dilectione. Arripe
 sapientiam, & exaltabit te, glorificaberis ab ea,
 cū eam fueris amplexatus, Prou. 4. præoccu-
 pat enim eos qui se concupiscunt, Sap. 6. Dili-
 genter ergo tractantem, curantem, & in hoc in-
 cumbētem: materiam autem studij sacerdota-
 lis, non ait disertas & arte compositas fabulas;
 2. Petr. 1. non philosophiam, Col. 2. nō Sophi-
 sticē, Eccl. 37. non sermonis sublimitatem, seu
 eminentiam, nec persuasoria humanæ sapiētiæ
 verba, 1. Cor. 2. non hominum denique ac nē
 angelorum quidem visiones, doctrinas, præce-
 pta, Col. 2. sed *fidelem sermonem*, vel fidei in qua
 oportet episcopum institui, vel potius institu-
 tum esse, alios vtrique instituturum: vel veracē,

*Episcopus
apostolicus
qualis esse de-
beat.*

*Amplexus;
amoris est.*

Fidelis.

certum, indubitatum, ut certa, & quæ ipsam veri faciem præ se ferant, respondeat: & quomodo sermo Dei fidelis est, & omni acceptione dignus, 1. Tim. 1. 3. sic episcopus talem se præbeat, ut omne quod loquitur, fide dignum existimetur, & eius verba sint veritatis regula. Diligentem ergo non seculares aut otiosas fabellas, non vanas & inanes quæstiunculas, sed sermonem verum, nec omnem talem, sed *eum qui est secundum doctrinam*, ad prædicationem idoneum: Sūt enim permulta vera, quibus nihil necesse est episcopum intendere, & alii quidem student ut discant, & bene operentur, Episcopo non sufficit, nisi & alios quoque doceat. Attende (ait alibi noster) lectioni & doctrinæ, 1. Tim. 4. amplectatur ergo huiusmodi verbum, quo possint & audientes doceri. Græci secus exponunt, fidei nimirum sermonem, per fidei gratiam traditum, nec verbis disertis aut fastuosis, nec argutis aut acutis conclusiunculis, nec philosophicis demonstrationibus, externa denique sapientia ut non suppeditatum, ita nec indigentem, sed scripturarum peritia, & sententiarum (biblicarum) gravitate, sic enim Dei verbum doctrina melius & feliciter procedit. Breuiter, diligenter studentem in sacra scriptura, Cuius duplex usus, prior, *ut potens sit exhortari*, Hieronymo consolari, παρακαλεῖν, fideles non tantum indoctos docere, sed & cessantes cohortari & extimulare, & afflictos, quique seculi turbinibus exagitantur, solari. Attēde, in-

*Episcopus
docere debet.*

quit, exhortationi, 1. Tim. 4. & pro Christo legatione fungimur, tanquam Deo per nos exhortante, 2. Cor. 5. sed quid aliud passim quàm vtrunque facit, & faciendum præscribit? *in doctrina sana*, pro, per doctrinam sanam, quæ absque vllius erroris mixtione, & nulla falsitate corrupta, docet tum vera dogmata, tū rectam vitam, & sic audientes sanāt, & rectè viuentes, rectamque fidem tuentes consolidat, ait Anacletus in Ca. finali. Dist. 45. Quod epitheton his ad discipulos epistolis Apostolo sæpius recurrit, 1. Tim. 1. 6. 2. Tim. 1. 4. Tit. 2. ad distinctionem languidæ, infirmæque doctrinæ: qui non acquiescit sanis sermonibus, languet circa quæstiones & pugnas verborum, 1. Tim. 6. Posterior scripturæ utilitas, *& eos qui contradicunt, arguere*, qui fidem impugnant, siue Iudæos, siue paganos, siue hæreticos, obloquendo, siue pseudochristianos, malè viuendo, efficaciter resistendo refellere, non vno enim modo contradicuntur, nam vt pauci loquendo contradicant (quis enim apertissimæ veritati cōtradicare audeat?) *do fit.* *Cōtradictio non vno modo fit.* vita certè malisq; morib⁹ multi sanæ sanctæque doctrinæ contradicunt, præcipit hæc non fornicari, fornicantur, non rapere, rapiunt, reliquaque mala à quibus prohibentur, faciūt, hos redarguere magnum opus, grandis sarcina, cliuus arduus, hæc pauca ex multis Augustini de verbis Apostoli, serm. 19. Sed cū Paulus alibi prohibeat verbis contendere, 2. Tim. 2. qui hic contrā præcipit contradicentes arguere? hæc

duo quæ apparerent contraria, quam differen-
 tiam habeant sic exponit Anticeimenon lib. 3,
 Quæst. 40. Nō enim illud ideo dictū, vt aduer-
 sariis veritatē oppugnantibus nihil nos pro ea
 respōdeamus. Et vbi erit quod hic in episcopo
 requirit, vt norit eos redarguere? Verbis autē
 contēdere, est non curare qui error à veritate
 vincatur, sed quomodo tuā dictio dictioni præ-
 feratur alteri^o. Porro verbis nō cōtēdit, qui si-
 ue submissē, siue tēperatē, siue grauitè dicat, id
 agit verbis, vt veritas pateat, placeat, moueat.
 Cū ergo contra veritatē cōtēditur, vanitatis est
 vitiū: Cū autē verbi minister iubetur esse potēs
 doctrina, vt norit cōtradictēs reuincere, spiri-
 tualis est doctrinæ magisteriū, quo veritati, nō
 vanitati seruitur. Ex August. libro de Doctrina
 Christiana. 4. ca. 28. Sit ergo episcopus scriptu
 ræ peritus, ad suorū custodiā & hostiū euersio-
 nē, vt & fidei domesticos cōseruet, & inimicos
 arceat: qui hāc rectē tenet, simul credētib⁹ vti-
 lē tradit doctrinā, simul aduersarios reuincit.
 Hic Chrysost. Pauli exēplū proponit, qui tātō
 plura maioraque perfecēit Euāgelica doctri-
 na, quā Plato disertā sapiētia, orbē vniuersū cō-
 uerterit, nō tā signis quā verbis. Nā si Actus A-
 postolorū euoluas, cōperies eū plus & sepi⁹ do-
 ctrinæ virtute, quā miraculorum vi obtinuisse,
 Addo, quo tēpore? vtiq; cū Christ⁹, quē noster
 prædicabat, recēs adhuc cōtradictionis signū,
 Luc. 2. qui nō ita dudū talē tātāque sustinuerat
 ab impiis aduersum se cōtradictionē, Heb. 12.

*Episcopus
 quorum peri-
 t⁹ esse debeat*

*Pauli prædi-
 catio quā
 efficax.*

tota die manibus extēsis ad populū non credē-
 tē, sed cōtradicētē, Rom. 10. cuius sectæ doctri-
 næque tū ab omnib⁹ cōtradiceretur, Iudæis at-
 que gētib⁹, Act. 13. 18. 28. Quid igitur cōtradi-
 ctus iste nostra causa Christus? Dabo vobis os
 & sapiētiā, cui cōtradicere & resistere nō pos-
 sint aduersarij vestri, Luc. 21. cuiusmodi Phari-
 sæi Iudæorū peritissimi Petro & Ioāni illitera-
 tis & idiotis, animaduersa eorū in dicēdo con-
 stātia, nihil poterāt cōtradicere, Act. 4. Sed quo
 magis cōstet nos in vrgēda necessaria pastorib⁹
 doctrina necessariō haftenus fuisse impor-
 tunos, etiānū esse, & propicio Deo, semper fo-
 re. Audiamus Leonē Romanū maximo Antio-
 cheno episc. quā id sacerdotib⁹ tū necessariū, tū
 etiā propriū propriē sit sic scribētē, epist. 62. Id
 quoq; dilectionē tuā cōuenit prædicare, vt ne-
 mo præter Dñi sacerdotes sibi ius docēdi & præ-
 dicādi audeat vëdicare, siue monachus, siue lai-
 c⁹, sciētię nomine gloriatur. Quod & si optādū
 est, vt omnes Ecclesiæ filij, quæ recta sunt & sa-
 na, sapiant, non tamen permittendum est, vt
 quisquam extra sacerdotalem ordinem consti-
 tutus, gradum sibi prædicatoris adsumat, cum
 in Ecclesia Dei omnia ordinata esse conue-
 niat. O tempora, Atqui quod tum tantū sa-
 cerdotum erat, hodie, si Deo placet, fratercu-
 lorum est. Sed lubet adhuc hunc Apostoli
 locum ex Episcopo Deo dignissimo repetere.
 Is est Hilarius initio lib. 8. de Trinitate. B. in-
 quit, Paulus formam constituendi Episcopi fi-

*Pharisei Iu-
daeorum perō
tissimi.*

Hilarius.

gens, & planè nouum Ecclesiæ hominem præceptis suis condens, hanc veluti summam consummatarum in eo virtutum esse docuit, dicēs, *Obtinentem secundum doctrinam fidei verbum, ut potens sit exhortari ad doctrinam sanam, & contradicētes reuincere*, Ita quæ propria disciplinæ ac morum sunt, ad sacerdotij meritū vtilia esse significat, Si etiam hæc quæ ad docēdæ ac tuendæ fidei scientiam necessaria sunt, inter reliqua non deerunt. Quia non statim boni atque vtilis sacerdotis est, aut tantūmodo innocenter agere, aut tantummodo scienter prædicare, cū & innocens sibi tantum proficiat, nisi doctus sit, & doct⁹ sine doctrinæ sit auctoritate, nisi innocēs sit. Nō enim apostolicus sermo probitatis honestatisque præceptis hominem tātum seculo conformat ad vitā, neque rursus per doctrinæ scientiam scribam Synagogæ instituit ad legē, sed perfectū ecclesiæ principē perfectis maximarū virtutū bonis instruit, vt & vita eius ornetur docēdo, & doctrina viuēdo, hæc ille. Eāt episcopi, & à docēdi per se necessitate, si possint excusēt. Secūdò cū Hiero. tā nō indignari, quā nō obseruare nō possum⁹, cū Paulus post catalogum cōuersationis episcopi (superiora enim quæ in huius virtutibus posuit, ad vitā pertinet) sciētiā & doctrinā similiter præceperit (ad vtranque enim hæc posteriora referenda sunt) esse tamen qui inertia se & otio, & somno dātes, penè peccatū putent, scripturas legere, cōf- q; qui in lege Domini meditātur die ac nocte,

quasi garrulos inutilēſque contemnant. Et me-
mini Episcopum Italum nobilem, nec verò im-
peritum, mihi dicere, contrerraneos suos à stu-
dio Theologico deterreri, & quodāmodo ab-
horrere, nè sic fiant hæretici, quasi verò hære-
ses ex scripturarum studio, ac nō potius ex ne-
glectu & ignorantia nascantur. Quam igitur
artem vestrates (aio) profitentur? Iuris (ait) vtri-
usque, sed in primis canonici, breue scilicet ad
rotam, hinc ad Episcopos, ad galeros, ad am-
plissimas legationes, ad Dei denique in terris
summas vices compendium, nedum ad præbē-
das & dignitates, theologis nihilo penè præter
curata, quæ vocant, sacerdotia, reliquo facto.
Atqui vestrum istud vtrunque ius non studium
modò theologicū viris sacris magno serio im-
ponit, Dist. 36. 38. & alibi passim, sed & à legū
auscultatione, nedum professione, non sine
multarum dirarum comminatione abarceret,
alioqui hoc ipso studio sententiam excommu-
nicationis incurfuros. Hunc enim canonē sen-
tentia lata in Concilio Turonensi contra mo-
nachos conditum Honorius III. ad archidiacono-
nos, decanos, plebanos præpositos, cantores,
alios personatus habentes clericos & Presby-
teros extendit, Theologiæ ita cupiens studium
ampliari, vt dilatato tentorij sui loco, & funi-
culis factis longioribus, catholica fides esset
inexpugnabili bellatorum muro circuncincta,
quibus resistere valeret ascendētibz ex aduer-
so. Extra. Nè cleric. vel monach. ca. Super spe-

*Theologicū
studiū abhor-
rentes, ne hæ-
retici fiant.*

*Iuris canonici
studiū quod
vile.*

*Prædicato-
res, bellato-
res.*

cula. Agnoscis Pauli mentem, si non verba, & bellatores enim glossographus prædicatores exponit, qui hæreticis resistere autoritate diuinæ scripturæ possint, qui etiam ait se credere omnes tales præter pœnam constitutionis huius leges non audire, quod ubi non distinxerit canonis conditor, multò minus interpretes debeat. Sed licet audire leges, ut ita melius intelligantur canones, ait altera glossa. in ca. Episcopus. Dist. 37. Atqui eadem leges absurdum esse putant & opprobrio clericis, si se velint ostendere forensium disceptationum esse peritos. C. de Episc. L. Repetita. & de Testament. L. Consulta diuina. Sed per me sanè iusvtrunq; amplectatur, & ad hoc enim & illud mihi per eos obiter diuertere licet, modò nè diuinum, hoc est, biblicum, omittat, modò & fidei sermonem, quo ad docendum instructi sint, hoc est, propheticum & Apostolicum amplectatur. Imò iurum (aiunt isti) bonus interpretes theologia non eget: Cur ita? Quòd in iure omnes disciplinæ includantur, *ἐν τῷ ἰῶ*,

*Accursius in
rustudio fori
Pythagoras.*

Accursius dixit, istorum scilicet, plusquam Pythagoras. in L. Iustitia. D. de Iustitia & Iure. Cum Iurisprudentia sit diuinarum humanarumque rerum notitia, nunquid (ait) quicumque vult iuris prudens vel consultus esse, debet Theologiam legere? Minimè. nam omnia in corpore iuris inueniuntur. In cuius etiam multis titulis de diuinis traditur. Bellè scilicet, collectum. perinde quasi philosopho aut oratori reliquis artibus nihil opus esse inde cõ-

ficias, quod hic, authore Fabio lib. i. cap. 16. efficiat orbem illum doctrinæ, quem Græci *ἐγκυκλοπαιδείαν* vocant. Illum de sua vi ac sapientia vnum omnia profiteri, disputet apud Tullium Antonius li. i. de Oratore. Sed vt clericum leges non dedeçant, quàm lites cum minimè deceant, abundè diximus in clerico litigioso, Digress. lib. 2. cap. 8. ad 11. Redeamus ad Theologum clericum. Dum igitur omissa Theologiæ studio, canonicū & ciuile, hoc est, panem (quod aiunt) lucrandum, parui properamus & ampli, quid nobis accidit ex horum Paulini & Honoriani canonum neglectu ac desuetudine? Id nimirum quod hoc loco pergit admonere Hieronymus, Si Episcopi tantū vita sit sancta, sibi potest prodesse sic viuens. imò nec sic quidem sibi prodest, Hieronyme, cum alibi aias, Innocentem sanctāque rusticitatem, quantum vitæ merito ædificare ac prodesse, tantum silentio nocere ac destruere, ad Oceanum & ad Paulinum. Porro si doctrina fuerit & sermone eruditus, potest non solum se suosque instruere ac docere, sed & aduersarios repercutere, qui nisi refutati, facile queunt simpliciū corda peruertere. Et vnde quæso, tanta tanquam vetus morū & dogmatū inter Christianos peruersio, nisi ex ignorantia omnium errorum & vitiorum matre? re vel omnium maximè per sacerdotes euitanda. Distinctione 38. ca. i. ex Toletan. 4. ca. 24. Sed vn- *Ministri ex.*
de tantum in Gallia nostra ministrorum qui se *traordinarij*

extraordinarios non diffitentur, examen & incrementum, nisi quod ordinarij, Episcopi utique & curiones, qui beneficiū, & proinde docendi in populo Dei officium susceperūt, non iuxta hūc diuinum & Apostolicum canonem, scripturas sanctas sacrōsque canones, vel sciunt vel legunt, non eorum opus omne in prædicatione consistit & doctrina, non suos tam fidei scientia, quàm operum disciplina ædificant? Subintrāt ergò ministri noui, & vel cathedras in vicis præfertim desertas atque vacuas, quodam quasi iure occupantium conscendunt, vel absentibus vt plurimum pastoribus, vicarios imperitiores & planè mutos nacti, dum catechismum suum assiduè eandem velut incudem tundentes, inculcant, nemine contra quàm solitum erat dicentes redarguente, quid mirum si fidem olim iam persuasam dissuadentes, persuadent, euertunt, prævalent? Necdum verò finis. Serpent enim omnino, & serpere non desinent, nisi ordinarij sibi tandem persuaserint, quod & hic Græci obseruant. Alias quæ hic in Episcopo requiruntur ab Apostolo virtutes, in aliis quidem quàm Episcopis inuentu fortè faciles, hospitalem vt puta esse, sanctum, iustum, sobrium, & id genus. qui autem Episcopum ad viuum exprimit, characterem, docēdi esse munus ac facultatem, nam nisi hoc possit ac præstet, omnia pereunt, pereunt inquam, greges cum pastoribus, nisi enim quis & suos confirmare atque consolari, & aduersus hostes dimi-

*Catechismi
hodieui.*


*Character
Episcopi, docēdi munus*

care, & ad Christi obedientiam intellectum omnem captiuare didicerit, nihil faciet eorum quæ conueniunt, pseudepiscopus est, ait hic Theophylactus, imò Paulus, imò per Paulum Dominus. Qui (inquit) ignorat rectam sanamque doctrinam, ut oportuerit, tradere, & aliter sentientes aut docentes confutare, procul ab Episcopali sede arceatur, Cuius rei nullam ferme tādū curam haberi, cum Chrysostomo & videmus & ingemiscimus. Et audit scilicet hæreticus, qui Episcopos nihil horum præstantes, ac nè præstare quidem potentes, Possi ad scholas non ita nuper amandabat, quasi verò non eodem tales vel inuitos amandent Concilia, sed ecquónam alio tales? ad ganeas, an ad disciplinas? Sed de necessaria, inexcusabili, indispensable pastoribus tum doctrina, tum etiā prædicatione, nos in Doctore Clerico. Digressionum lib. & cap. 2. hic tantum addimus, qui tum non occurrebat, Gregorij locum, cū Gratiano truncatim: citatum sub finem eiusdem Can. ex Pastoralis parte 2. cap. vlti. Cū spiritale aliquid pastor à subditis inquiritur, ignominiosum valde est, si tunc quærat discere, cū quæstionem debet enodare. quia nimirum necesse est, ut qui ad officium prædicationis excubant, à sacræ lectionis studio non recedant. Idē eiusdem libri cap. 4. & Epistola 24. Registri 1. citans hunc Pauli locum, & aliunde confirmās, Hinc per Prophetam Dominus admonet, Clama, ne cesses, quasi tuba exalta vocem tuam.

Præconis, ait, officium suscipit; quisquis ad sacerdotium ascendit, ut ante aduentum iudicis, qui terribiliter sequitur, clamando scilicet gradiatur, Sacerdos verò si prædicationis est nesci⁹, quam clamoris vocem daturus est præco mutus? hinc pastores primos in linguarum specie Spiritu sanctus insedit, quia nimirum quos repleuerit, de se protinus loquentes facit. Et homil. 11. super Ezechielem, O quàm liber à commissorum sibi sanguine fuerat prædicator egregius, qui dicebat, Mundus sum à sanguine omnium. Non enim subterfugi quominus annunciarè omne cōsiliū Dei, Act. 20. Si enim non annunciaffet, mūdus à sanguine non esset: sed quibus omne consilium Dei annūciare studuit, ab eorum sanguine mundus fuit. In qua voce nos sacerdotes conuenimur, cōstringimur, rei ostēdimur, qui super mala, quæ propria habemus, alienas quoque mortes addimus, qui tot occidimus, quot ad mortē ire quotidie tepidi & tacentes videmus. Tacentes se & alios vocat, in hoc opere cessantes, & minus quam conuenit, assiduos. Et de prædicandi debito, sic nunquam ita ab Episcopis soluendo, ut non eius semper debitor maneat. Augustinus, cū aliis ibi per nos loci indicatis, tum tractat. 18. in Io. Debitores (ait concionabūdos) sumus, non nunc, sed semper quādiu viuimus, quia propter vos viuimus. Viderunt hoc quorū tandemcunque consilio, Anno 1563. die 3. Ianuarij Legati Regis Galliarū Christianissimi Caroli

ix. qui hæc inter Ecclesiis reformâdis necessaria postulauerūt, articulo. 5. Presbyteri, sacrisq; initiati, & cuiusuis Ecclesiæ ministerio addicti, in ea vocatione in qua à Domino vocati sunt, permaneant, nec in alio munere & officio, quàm quod Dei ministerium deceat, versentur. Iuxta hoc postulatū nullos habebit Gallia Episcopos vel Presbyteros, magistratus aulicos vel palatinos. 6. Nullus eligatur Episcopus, qui non & ætatis sit legitimæ, iisque moribus & doctrina præditus, vt & populum docere, & ei vitæ exemplar esse possit, & qui non sit satis iis omnibus instructus, quæ sufficiant ad Episcopi munus rite per se obeundū. Et quotusquisque nostratium Episcoporum, quorū nomine hæc postulata circunferuntur, Tridento redux suos per se docet nisi fortè semel & iterum vulgò sese ex suggestu ostentare, est tenacem esse doctrinæ. 7. is quoque creetur plebanus, qui & probatæ vitæ sit, & populum in lege Dei instruere possit, Sacrificium rite celebrare, sacramenta, vt par est, administrare, & in illorum vsum & effectum, illos, quibus ea administrat, rectè docere. Sic fiet vt quod hic requirit Apostolus, pastores & gregem pascant, & lupos arceant. Sequitur in
textu.

*Sunt enim multi etiam inobedientes, Vanilo-
qui, & seductores, maximè qui de Circun-
cisione sunt, quos oportet redargui, qui vni-
uersas domos subuertunt, docentes quæ non
oportet turpis lucri gratia. Dixit quidam
ex illis proprius ipsorum propheta, Creten-
ses semper mendaces, malæ bestię, ventres
pigri. Testimonium hoc verum est.*



UPERIORVM, vltimi præser-
tim dicti, Cur scilicet Episcopus in
promptu habere debet, vt quando
necesse sit, cōtradicientes conuincat,
rationem affert, ex parte tum falsorum docto-
rum, tum malorum auditorū, & illorum qui-
dem primū conditiones describit, postea
remedium indicat. Mores autem, siue chara-
cteres, quibus internoscantur, ostēdit, primū
ex numero, *Sunt enim multi*, q. d. Qui Ecclesiæ
futurus est princeps, docendi dedocendiq; ha-
beat facultatem cum vitę integritate sociatam,
nē opera absque sermone taceant, dicta factis
deficientibus erubescant, maximè cum sint nō
pauci, sed plures, latam viam quę ducit ad per-
ditionem, Mat. 7. ambulantes. imō stultorū in-
finitus est numerus, Eccle. 1. & Episcopis, imō
mandatis diuinis non acquiescentes, sed etiam
inobediētia inobedientes, quæ est secunda nota, reliquorum
quæ sequuntur, malorum omniū radix, inobe-
dientię

*Characteres
falsorum do-
ctorum.*

*Opera ser-
moni iungē-
da.*

*Inobediētia
malum.*

dientia aduersus Deum & suos superiores vitium, ἀνυπακούτοι, Ambrosio, non obedientes, ἀνυπακούτοι Hieronymo, Hilario, & Augustino non subditi, vt paulò antè, filios nō subditos, & 1. Tim. 1. qui non curent illud, Nonnè subiecta est Deo anima mea? Psal. 61. Sonat autem, q. d. qui in ordinem cogi non possunt, intractabiles, refractarij, Regi, inquit, nolūt & subesse, sed præesse, & regere. Et futurū quidem Episcopum, vt aliquando doceat, prius oportet discere, Qui autē inobediens sit & immorigerus, doceri non sustinet, proinde nihil mirum, si sani nihil rectique is didicerit. Tales igitur nō Apostolica tantū doctrinæ non obtemperantes, sed & quia prius docentes quàm discentes, *vaniloqui*, ματαιολόγοι, non Theologi, à quo ματαιολογία, vaniloquium, 1. Tim. 1. quod est tertium horū signum cum sequenti. Inania friuolæque, & ad nullum profectum loquentes, vanas sectas predicantes. Vani sunt omnes homines, in quibus non subest Dei scientia, Sap. 13. & quia qualia didicerunt, talia docent, *seductores*, vt simpliciter transtulit Latinus interpres, Hieronymus, mentium deceptores, φρεναπάται, tum se, tum alios decipientes, alios à veritate in errorem post se trahentes, bonam mentium sementem de innata aut infusa Dei notitia, inani persuasionem peruerterentes, & multiloquio corda simplicium perturbantes: Et quidem sine scripturarum autoritate garrulitas fidem nō haberet, nisi viderentur peruersam doctrinā etiā diuinis

Hilarius.

testimoniis roborare. Priusquā vltiā pergam⁹,
 lubet huius & proximi antē loci cœptā ex Hila-
 rio expositionem proficere, Pergit autē vbi su-
 prā, lib 8. de Trinit. sic, multi sunt, qui simulan-
 tes fidē, non subditi sunt fidei, sibi quē fidē ipsi
 potius constituunt, quā accipiunt, sensu ina-
 nitatis humanæ inflati, dū quæ volunt, sapiūt,
 & nolunt sapere quæ vera sunt, cū sapientiæ
 veritas sit ea interdū sapere quæ nolis. Sequitur
 verò hanc voluntatis sapientiā sermo stultitiæ,
 quia necesse est quod stultē sapitur, stultē &
 prædicetur. Iam verò stulta prædicatio quantū
 malum est audientiū, cū seducūtur in senten-
 tiam stultitiæ sub opinione sapiētiæ? Et idcirco
 Apostolus hunc de his ordinem tenuit, dicens,
Sunt enim multi non subditi, vaniloqui, seductores.
 Cōtradiciendū itaque & impietati insolenti, &
 insolentiæ vaniloquæ, & vaniloquio seductōri,
 & cōtradiciendū per doctrinæ sanitatē, per fidei
 veritatē, per verborū sinceritatē, vt & sanitas ve-
 ritatis sit, & veritas sanitatis. Ac mihi quidē (ait)
 & nunc cōmemorandē huius sentētiæ Aposto-
 licę fuit causa, quia homines mēte peruersi, &
 professione fallaces, & spe inanes, & sermone
 viperini, cōtradiciendi nobis necessitatē impo-
 nūt, dū lethales doctrinas, & morbidas intelli-
 gētias, & corruptas volūtates, simplicitati audiē-
 tiū per speciē religionis insinuant, hæc ille. Qui
 autē sunt, qui hāc artē & calliditatē auditores se-
 ducēdi habēt? *maximē qui de circūcisione sunt*, qui
 quart⁹ est horū character, ex loco, vel poti⁹ gē-

re, Iudei, vel magis Iudaizantes: Quibus cū Dñs
 gloriam inanē, loā. 5. & præsidiēdi ambitionē, *Iudaicis amb-*
 Mat. 23. exprobrasset, hūc morbū post susceptā *bitio.*
 fidē adeo nō reliquerāt, vt suas potius traditio-
 nes, quā Dei mādāta loquerētur, in Christo re-
 nātī, neq; puri tamē Christiani, sub nomine Ie-
 su Iudaicē docētes, partim legē, partim Euāge-
 liū obseruātes, & obseruari volētes. Hi à Iudaif-
 mo ad baptisimū veniētes, nascentē tūc tempo-
 ris Christi ecclesiā subuertere nitebātur, carna-
 les legis obseruātias nō deserentes, & pręcepta
 legalia introducētes. De quib⁹ Paulus plenius,
 ad Rom. gal. col. 2. Act. 15. Ad eos post ostēsā
 Episcopi formā, accusandos, orationē cōuertit,
 & quod adulterina quēdā & corrupta dogmata
 prędicarēt, euāgeliū adulterātes, & cauponātes,
 2. cor. 2. 4. bono Christi vino insipidā tū Mosis
 aquā admiscētes, Esa. 1. hoc his incōmodis re-
 mediū arbitratur, vt nō tolerētur (inquiēs) *quos*
oportet redargui; καταμίσγειν; os occludere, seu καταμίσγειν;
 obtrurare, Hieronymus, silentium indici, Au- *quid.*
 gustinus contra Cresconium lib. 1. cap. 9. re-
 pelli, vbi hinc etiā concludit non obedituris,
 sed aliter & cōtrā sensuris & dicturis prędicā-
 dum. Hic (ait) si flagitaris vt ostendā vbi Deus
 mihi pręceperit id agere quod prohibes, memē
 to Apostolicas Epistolas, non his tantū scrip-
 tas, quī quo illā tēpore scribebātur, audiebāt; *Apostolicas*
 sed etiā nobis, nō enim ob aliud in Ecclesia re- *Epistola chr-*
 citantur. Attēde ergo quod Titū, cūm explica- *scriptas.*
 ret qualis esse Episcopus debeat, etiā perseuerā-

*Vaniloqui
ut obstruen-
dum es.*

tē dixit esse oportere in doctrina, ut possit cō-
tradicientes redarguere. Oportere in doctrina
redargui refellique ab Episcopo vaniloquos,
indubitata præceptione firmavit. Vnde quod
mihi iussum esse cognosco, pro viribus ago, &c.
Talis ergò Ecclesiæ doctor, cui animarū populo-
rum creditæ sunt, scripturarum debet ratione
superare, & silentium eis testimoniorum pon-
dere imponere. Permittendi non sunt, sic enim
corrumperetur populus, & pastoribus imputa-
retur, Non ascendistis ex aduerso, neque vos
murum opposuistis, Ezech. 13. Argue, increpa,
insta opportunè importunè, 2. Tim. 4. Si per-
suadere nequiuieris, obiurgationum vi ac vehе-
mentia ora his obstruas, & nec loqui eos
permittas, reprime, suffrena. Et quid inde
lucri? corruptoribus quidem nihil, at aliis
alioqui corruppendis. Hæc si non possis, ne sis
Episcopus, ait hîc Theophylact⁹, nam qui alio-
rum curam & regimen habet, nec aduersarios
refutare nouit, animarū quæ pereunt, & dam-
norum quæ sequuntur, rationem reddet, Hebr.
13. quasi ad se ea attraxerint, per singulos facti
perditionis eorum autores, Nam si quidam ita
rectè monet, ne quæras fieri iudex, nisi valcas
iniustitiā tollere, virtute irrūpere iniquitates, in
iuriis tollēdis esse par. Longè profectò dignius
hoc loco quisque admonebitur, quod ibidem
Ecclī. 7. Noli quærere ab homine vel à domino
ducatū aut principatum, neque à rege cathedrā
honoris, sedē honorificā, noli, inquā, magister

aut Episcopus fieri, si eius rei virtutē à te alienā sentias, sed & si traharis, hinc resilire contende. En vt dominandi, & de quo sequitur, lucri amor, vbiq; causa sit, vt subiici nolint qui *universas domos subvertunt*, describit aduersantium peruersum studium, à damno quod inferunt, à quæstu, quē concupiscunt, non vnā domū, aut paucas, sed totas cū dominis & familiis praua doctrina euertunt, vel euertere nituntur, quasi quidam diaboli vectes & dolabræ, Dei domos demoliūtur, Sicut Dominus dicit Iudæorum Scribis atq; Pharisæis, Circuitis mare & aridā, vt faciatis vnū profelytū, Mat. 23. Et de similib⁹ Christianorū hypocritis noster alibi, penetrāt domos, vt seducāt, præcipuē mulieres, 2. Tim. 3. At catholica doctrina publicè proponitur in Ecclesia. Sic noui Ministri, ex nō ita nuper clā-
Ministorū nouorū fraus
 culariis & cubicularibus, publici (si Deo placet) reformatores, & dogmatistæ facti sunt, luculento sanè parēciarū, vtinā non etiā parēcianorū damno. Sequitur, *docentes quæ nō oportet*, vel credere vel docere, vt pote non sana, sed pestifera, vana, & inutilia, superflua Mosis legalia, per Christi nēpe mortē mortua, & post Euangelij
Iudaica doctrina.
 promulgationē mortifera. Deciborū Iudaicorū differentiis, Sabbati iam aboliti otio, circuncisionis iniuria, per quā qui aliū volūt acquirere, concisio (ait noster Phil. 3.) sunt, nō circuncisio, canes mali operarij, fiduciā in carne habēres, & gloriā in confusione, id est, in pudendis circūcisīs, quorū quæstus Deus, & aurū idolū, vt se-

quitur, *turpis lucri gratia*, Sic dupliciter peccabāt, & in doctrinę subltātia, & in intētionē docēdi, sub Dei nomine docentes, sed magis vt ludæis placerēt, hęc agētes, à quibus sumptū sperabāt, vt pecuniā lucri facerent & pręputiū. Hi erant eorū quęstus, vt ad Gal. 6. Quicūque volūt placere in carne, hi cogunt vos circuncidi. Et vanę ergo glorię, & turpis lucri, nō fideliū deuotionis captatores erāt, sub cōsulendi specie, agētes negotiū decipiēdi. Hoc ipsum fidei zelo si facerēt, aliqua ex parte ignosci posset, zelū, inquit, Dei quidem habēt, licet nō secundum scientiā, Rom. 10. sed ventris gratia volunt facere proprios discipulos, vt quasi magistri à sectatorib⁹ suis alantur. Sed & aliter interpretatur Hieronymus turpe lucrū, vt putet Apostolū cōmuni verbo vsum, quo solent hęretici, cū peruersa docent, se hominū asserere lucratores, cū lucrū non sit, sed perditio, animas interficere deceptorū. Contrā, qui errantē fratrem corripuerit, si is fuerit cōuersus, lucratus est eū, Mat. 18.

Turpe lucrū

Lucrum honestū

Quod enim melius lucrū, quid pretiosius, quā animam humanā lucrari? Omnis ergo Ecclesię doctor, qui ad fidem Christi ratione persuadet: Omnis hęreticus, qui pręstigiis quibusdā homines fallit, & fallitur, turpis lucri gratia. Obseruādum veteres à turpi lucro sic abhorruisse, vt negotiationem publicē pœnitētibus vix permiserint, nedum clericis. De quo extat de Pœnit. Dist. 5. ca. Qualitas lucri negotiantē aut excusat, aut arguit, quia est quæstus & honestus &

Negotiatio quā periculosa

turpis, Pœnitenti autē vtilius, etiam dispendia pati, quàm periculis negotiationis obstringi: quia difficile est inter eimentis vendentisq̃ue commercium non interuenire peccatum, ex Leonis 1. Epist. 92. ad Rusticū Narbonē. ca. 9. De sordidis notū est illud Tullij, nihil proficiūt, nisi admodum mentiantur. 1. officio. &c.

*Mētiri ferè
negotiationi
annexum.*

Nihil est quod nō suadeat hic affectus, Nota sunt illa Catonis, venter auribus caret, ex Plutarcho in Apophthegmatis, & de tuēda valetudine, ex Gellio, lib. cap. & Homeri Odyss. 7. 15. 17. 18. Venter inreppellator molestus, & male suadus, Et Persij in proœmio, *Venter*

*Venter inter
pellator mo-
lestus.*

*Magister artis, ingeniūque largitor,
Vt si dolosi spes refulserit nummi,
Coruos poetis, & poetridas picas
Cantare credas Pegasæum melos.*

Et venter quidē præcepta non audit, poscit, appellat, non est tamen molestus creditor, ait, Senec. Epist. 21. paruo dimittitur, si modo das illi quod debes, nō quod potes. Quod dum nec inter Christianos locū habet, mirū quā multis multa digna atq; indigna relatu venter cupidus & cupitus quæstus suasit, persuasit, & in Ecclesiæ medium inuexit. Non reperemus quæ olim in turpilucro clerico, & hic paulò antè in turpilucro Episcopo, ex Catholicis priscis & modernis excerptissimus, & reformāda submo- nuimus, non canones infinitos de gratuita sacrorum dispensatione, vt nihil huius ergo vel exigatur vel accipiatur, vt nō vēdat vel pōtifex

manum quā imponit, vel minister vocē, seu lectionem euangelicā, quā inter ordinandos clericos legit, vel notarius calamū, aut Epistolam quam scribit, ex gestis Synodi, habitā à Gregorio 1. lib. 4. Indict. 13. Epist. 44. siue cap. 88. quod est primū caput famosi illius & grandis tituli de Simonia. Extra. nec tamen accipi prohibuit. Si quis ordinat⁹, nec ex placito, nec exactus, nec petitus, post acceptas chartas cuius ex clero gratiā tantū causa dare voluerit, quia dantis oblatio nullā culpā maculā ingerit, quæ ex accipientis ambitu nō processit. Sed ex hac distinctione, quasi extorquere, nō accipere, vel potius arripere vetent veteres canones, primū corū cepit rigor frigescere, extinctus autē propemodū est, dū super his Christi fideles ad cōsuetudinē remissi sunt, vt in cap. Ad Apostolicā, eodē titulo. simul & semel, quod aiunt, exactiones prauæ fieri prohibentur, & sacramēta liberè (glossa gratis) conferri iubētur, & piæ laudabilēq; consuetudines obseruari præcipiūtur, laicis, per loci episcopos veritate cognita, ad eas seruādas cōpellēdis. Atqui quod hæc decretalis piū vocat ex deuotione, & ex cōsuetudine laudabile, tot ibidē suprà decretales nō tātū exigi, sed accipi, vt simoniacū vetāt, & puniūt, quouis licet cōsuetudinis aut prælationis obtentu vel pretextu, quia diuturnitas tēporis peccata auget nō diminit, ca. Nō satis. & seq. ca. Ea quæ. ca. Veniēs. ca. Sicut. ca. Intantū. Quāquā & ibi eleatuaria, vina, & huiusmodi pretij modici munu

*Accipere ali
quid pro Ec-
clesiasticis
functionibus
an liceat.*

*Diuturnitas
tēporis pecca-
ta auget, nō
minuit.*

scula, quę recipiētis voluntatē mouere, allicere, inclinare, multò minus peruertere soleant aut debeāt, sine pacto præsertim aut taxatione grantanter oblata, gratis accipi possint, & neque donantem, neque accipientem inquinent, ca. Etsi. Ca. Dilectus. Aliud est si ex pacto, Ca. Veniēs. Ca. Ex tuā. Tua nos. aut per exactionē, Ca. Audiuimus. vbi exacta restitui, & quidem duplicata, iubentur, in eorum vtilitatem, in quorū soluta sint dispendium, fideliter conuertenda. Sed seruentur quidem laudabiles consuetudines, vt pia fidelium deuotione introductæ, cōpescanturque laici eas vel malitiosę, vel ex prauitatis hæreticæ fermēto infringere aut immutare nitentes. Seruetur inquam, hæc Innocētiana, sed erga pauperculos clericos & curiones, in quorū ea fauorem condita, quorum sacerdotiis bonorum temporalium nihil inest, vel certè minus quàm eis alendis satis sit, decimis præsertim & primitiis per canonicos atque monachos, animarum vt plurimum curam non habentes, priori ex parte accisis. Cum enim iuxta prouerbum, artem quæuis alat terra, & sua cuique ars pro viatico sit, ars artium, regimen animarum artificem suum nō aleret? his, his inquam, pro sit ac succurrat quicquid in toto Iure, non tantum pontificio, sed & diuino traditur de victu ac vestitu pastoribus, sed pascentibus sufficiendo, Matt. Luc. 10. Rom. 15. 1. Cor. 9. Gal. 5. 1. Ti. 5. victitent spiritualibus popularium oblationibus, & id genus deuotionibus minores sacer

*Laudabiles
consuetudi-
nes quatenus
seruanda.*

Partio congrua & canonica.

Pancelium Aurelianense

dotes, sed ministrantes, quibus deficiunt temporalia, cuiusmodi plerunque plebani urbani, nihil nè decimarum quidem habentes, nam vicinis & paganis sua solet esse qualiscunque portio, quam congruam vocat atque canonicam. ut nuper Pancelij Aurelianensis de statu Ecclesiastico artic. 15. plebis arbitrio ministerij sacri mercedem relinquens, vetus quidem & summum ius sit, sed summa crux, utinam non iniuria: quanquam enim sequens articulus iubet prælatos curatis vel beneficiorum vnitione, vel decimarum partitione, vel alio vndeque sacro prouentu prouidere, sed prouisum prius oportuit, quàm Innocentianam hanc abolere, in tanto præsertim laicorum hodie frigore, odio, & fastidio. Verùm hic desidero maiorum, imò summorum sacerdotum, hoc est, episcoporum æquitatem, eorum præsertim, quibus cum affatim bonorū tēporalium sit, nihilo tamē minus has minutias spirituales pro vsitato more persequuntur, quàm parum decorē ipsi nouerint, aliquot interim Senatusconsultis ab iis sordibus & turpibus lucris coerciti. Et quæ fuit maiorū nostrorum, magnificorum certē heroum, Regum, & principum mens & intentio, cum episcopos baronum, comitum, ducū, aut aliàs dominorum temporalium nomine, dignitate, ac ditione augerent ac afficerent, quàm ut sic probè ditati, iuxta Christi verbum, quæ gratis acceperant, gratis darent? Matt. 10. Quā igitur cōtrā indecorē, turpiter, auarē, nè dicam iniquē &

*Episcoporum
reuerentia
olim.*

iniuste seſe antea gerebant, ex eorū ipſorū ore, ſeſe in Synodo, præſide Spirituſancto, reformantiū, testimoniū ac confeſſionē, & vt eſt in prouerbio, ex malis moribus bonā legē audiamus, Quoniam (aiunt) ab Eccleſiaſtico ordine omnis auaritiæ ſuſpicio abeſſe debet, nihil pro collatione quorūvis ordinū, etiā clericalis tonſuræ, pro literis dimiſſoriis, aut testimonialib⁹, pro ſigillo, aut alia quacūque de cauſa, etiā ſpōte oblatū, Episcopī, & alij ordinum collatores, aut eorū miniſtri, quouis prætextu accipiāt. Notarij in his tantū locis, in quibus non viget laudabilis conſuetudo nihil accipiendi, & quibus nullū eſt cōſtitutū pro exercēdo officio ſalariū, pro huiusmodi ſingulis literis decimā tantū vni⁹ aurei partē capere poſſint, ſic vt ex eorū cōmodis nullū episcopis emolumētū directē vel indirectē proueniat. Tunc enim gratis opēra ſuā cos præſtare omnino teneri decernit Synod⁹, contrarias taxas, ſtatuta, cōſuetudines, etiā immemorabiles quorūcūque locorum (quæ potius abuſus & corruptelæ, ſimoniacæ prauitati fauentes nuncupari poſſunt) penitus caſſando & interdicens. Qui ſecus fecerint, tam dantes quàm capientes, vltra diuinam vltionem, pœnas à Iure inflictas ipſo facto incurrant. Canon eſt primus, Sēſſione quinta, de Reformatione, Tridenti ſub Pio 1111. publicatus, Anno 1562. 16. Iulij, vt veterum ea de re inſtauratori⁹, ſic vtinam executori⁹. De diſpenſationibus item vt neceſſariis, ita

*Notarium
ſalarium.*

*Diſpenſatio.
num tatio.*

gratuitis, sic canit Sessione 9. Ca. 18. decreti super generali reformatione publicati. Sicut publice expedit legis vinculum quandoque relaxare, vt plenius euenientibus casibus & necessitatibus pro communi vtilitate satisfiat, sic frequentius legem soluere, exemplóque potius, quàm certo personarum rerúmque delectu petítibus indulgere, nihil aliud est, quàm vnicuique ad leges transgrediendas aditum aperire. Sciant ergo vniuersi sacratissimos canones exactè ab omnibus, quo ad eius fieri poterit, indistinctè obseruandos. Quod si vrgens iustaque ratio, & maior quandoque vtilitas postulauerit cum aliquibus dispensandũ, Id cognita causa, summáque maturitate, & Gratis, à quibuscunque, ad quos dispensatio pertinebit, erit prestandum, aliterque facta dispensatio, surreptitia censeatur.

Turpilucrorum genus aliud.

Sequitur aliud turpilucrorum genus, quanto inferius, tanto sordidius: fuisse Augustinus suam tẽpore multos hypocritas sub habitu monachorũ, callidissimi hostis insidiis vsquequaque dispersos, circumeũtes prouincias, nusquã missos, fixos, stantes aut sedentes, autor est in libro de opere Monachorũ, cap. 28. Quorum alij martyrum (si tamen martyrum) membra venditarent, alij alia facerent, omnes petentes, exigentes, aut sumptus lucrosæ egestatis, aut simulatæ pretium sanctitatis, cum interea vbicũque in malis suis deprehenderentur, vel quomodo innotescerent, sub generali nomine

monachorum propositum bonū sanctūque blasphemaretur. Dei ergo zelo Dei vir monachos inflammabat, vt istorum opera mala bonis operibus persequerentur, eis occasionem turpium nūndinarum amputantes, quibus bonorū existimatio ladebatur, & infirmis offendiculum ponebatur, ostenderent hominibus se non otio facilem victum, sed per angustam & arctam propositi monastici viam, regnum Dei quærere. Eandem monachis in pseudomonachos, quæ Apostolo in pseudapostolos, esse vt occasionem amputent, his qui occasionem quærunt, 2. Cor. 11. vt qui malorum putoribus præfocabantur, bono bonorum odore reficerentur: hos ita graphicè ab Augustino depictos vagos, petaces, otiosos, Isidorus de officiis Ecclesiasticis, lib. 2. cap. 15. quintum facit monachorum genus, & circuncelliones vocat, vānam hypocrisim circunferentes, & gloriam ab hominibus captantes. Abusus mirū quā peritineax, & in fraudem promptus, cæca malitia, & vana cæcitas, vt de Offenis & Sampsaïs scripsit Epiphanius non dissimilibus erronibus, contra hæresim 9. & 53. qui miserandarum muliercularum Martyos & Marthana, quas duas venerabantur, quod ex benedicto scilicet semine Elzai pseudoprophetae essent, quacūque eæ in publicum exirent, pedum puluerem, oris sputa & saliuam, reliquæque corporis sordes colligerēt cum turbis sequentibus, quibus vterentur in morborum medelis, in præseruatiuis & amu-

Circuncelliones, quintum monachorum genus. Martyos & Marthana mulieres imposturæ pseudoprophetarum subservientes.

Elzai pseudopropheta.

*Impostura
sub monacho
rum specie
designata.*

letis, quorum tamen nihil efficerent. Hos stolidos præstigiatores à Iudæis profectos & oriundos ad Constantij Imperatoris, & sua usque tempora peruenisse scriptor idem refert. Augustini discipulus Prosper de Diuidio temporis, cap. 6. de indicibus Antichristi signis agens, testatur partim ex visu, partim ex auditu, fuisse tum alibi terrarum, tum in Italix Campania non procul à Neapoli, qui sub specie monachorum infirmis curatione phantastica illuderent, oleo eos nescio cuius (ait) mortui linientes, & martyrum virtutem atque meritum assignâtes, Sic vt sibi visum cæci, gressum claudi redditum existimarent. Sed discedētibz seductoribus, in quibus antea tenebantur, infirmitatibus permanerent: proditi ergò seductores aliò fugerent, sed ab Ecclesia retracti tentique, & multa in animarum subuersionem promittere & illicita facere conuicti, coërcerētur, & à prouinciarum limitibus arcerentur. Quæ ex multis pauca Rhegiensis indicasse aiebat, vt posteri agnoscerent, qua cautela Deo iuuante, inimicū per diuersas terras perditionis socios quærentem valerent superare. Aliquantò post Gregorius scripsit, lib. 3. Epist. 3. Græcorū monachos Romam ventitantes, nocturno silētio, iuxta Ecclesiam S. Pauli mortuorum corpora in campo iacentia effodisse, & ossa recondidisse, seruantes sibi dum recederent, deprehensos autem, detentos, & cur hoc facerent, diligenter discussos, confessos esse se ossa illa in Græciam

pro Sanctorum reliquiis portaturos, ac etiam,
 vt habet epistolæ summarium, vedituros. Ser- *Reliquia sã-*
 pſit iam tum apud nos istud impostorum ge- *ſtorum ſup-*
 nus, Nam Gregorius Turonensis Gregorio Pa- *positiſſia.*
 pæ contemporaneus, historiæ Francorum, lib. *Gregorius*
 9. cap. 6. teſtis eſt fuiſſe tunc ſeductorem val- *Turonenſis.*
 de magnum, colobio indutum, amictum deſu-
 per ſindone, crucem ferentem, de qua depen-
 debāt ampullæ oleum ſanctum (vt dicebat)
 habentes, aiebat ſe de Hiſpaniis aduētare, cum *Impoſtura*
 reliquiis martyrum Vincentij & Felicis. Ve- *iñſigne nar-*
 ſpere Turonos veniens mandauit, reliquiis *ratio.*
 ſanctis occurrere. Gregorius cœnans, quia
 hora iam præterierat, reſpondit vt beato-
 rum reliquiæ ſuper altarium requieſcerent,
 donec mane ad occurſum earum procedere-
 tur. Is diluculo conſurgens, non expecta-
 to cum ſuis Gregorio, aduenit cum cruce
 ſua in huius cellulam, Rogatus quid ſibi
 vellet, reſpondit ſuperbus & inflata voce,
 Meliorem occurſum nobis exhibere debue-
 ras. Hæc ego Regis Chilperici auribus in-
 geram, is vlciſcetur deſpectionem meam,
 & ingreſſus oratorium poſtſiſto Epſcopo,
 capitellum vnum, alterum atque tertium
 dixit, orationem protulit & conſumma-
 uit, eleuataque iterum cruce abiit. Erat au-
 tem ei ſermo ruſticus, nec rationabilis, &
 linguæ latitudo turpis & obſcœna. Venit
 Pariſios, & Raguemodo Epſcopo cum po-
 pulo ſuo publicis ante Domini aſcenſionem

*Maleficar-
cula.*

Rogationibus loca sancta circumeunte, eadem hic cum cruce sua aduentans, inusitatum populi indumentum exhibens, publicanis (*fortè paganis*) & rusticis mulieribus adiunctus, ut ita chorum suum faceret, cum sua multitudo circumire tentat. Episcopus misso archidiacono dixit, Si reliquias sanctorum exhibes, pone paululum in Basilica, nobiscum celebra dies sanctos, decursa solennitate viam tuam profecturus: parvipendit hic, & episcopum conuitiis ac maledictis prosequens, seductor proditus, in cellula recluditur. Sacerdos cuncta quæ hic habebat, perscrutatus, inuenit sacculum magnum plenum radicibus diuersarum arborum. Ibi talpæ dentes, murium ossa, vngues & adipēs vrsinos, quibus maleficiis in flumen proijci iussis, cum ablata cruce termino Parisiæ urbis exclusit. Cum hic facta cruce altera, quæ gesserat, iterum exerceret, captus ab archidiacono, & catenis vinc-tus, custodiri iubetur: Erumpit miser de custodia, & cum quibus erat nexus, catenis ad Basilicam B. Iuliani martyris properans, in pavimento ruit, vino & sopore oppressus obdormiuit. Gregorius tum fortè Lutetiam veniens, ibi metatum habebat, ignarus facti media nocte ad cantandas Domino gratias surgens, dormientem inuenit, sed tanto ab eo egredientē putore, ut cloacarum omnium ac secessuum fetorem vinceret, & præ quo Basilicam ingredi vix valerent. Accedens clericus clausis naribus excitare nititur, nec potest, ita miser ille vino maderat.

duerat. Tunc clerici quatuor leuatum inter manus in angulum quendam proiecerant, paulo aqua abluto, & odoratis herbulis asperso, cantum expleuerunt, quibus tamen psallentibus excitari non potuit, donec reddito terris die, & sole altius ascendere, excitatus, sacerdoti redditur. Qui tunc Lutetiam conuenerant, episcopi, hæc in conuiuio (vt sit) narrantes, pro castigationis cum gratia adesse præcipiunt, astantem Amelius Berrethanæ (forte Biterrensis) urbis episcopus agnoscens, suum esse famulum sibi perfugam elapsam, sic excusatum, receptumque reduxit in patriam. Multi, ait huius historię scriptor, sunt, qui has seductiones exercent, populum rusticum in errorem mittere non desistunt, De quibus, optior, in Euangelio Dominus dixit, surrecturos in nouissimis temporibus pseudochristos & pseudopphetas, qui dantes signa & prodigia, etiam electos in errorem inducant, Matt. 24. Marc. 13. Bella scilicet & iucunda historia, si auditu pulchrum iucundumvè foret, plenum iam tum talibus impostoribus orbem fuisse, Contra quos aliquanto antè legem tulerant Impp. Honorius & Theodosius Augg. C. de Sacrosanctis Ecclesiis, L. Nemo martyres distrahat, nemo meretur. Sed cum neque deessent, neque desisteret mercatores huiusmodi, quin Sanctorum reliquias passim ostentarent, & vanales exponerent, & ex eo religioni Christianæ sapi⁹ detraheretur, contra eorum commercium, *καὶ αἰσχροποδῶν;*

*Reliquia sã.
clorum vanales.*

*Eleemosyna
tñ quæstores.*

*Hospitaliū
quæstores.*

Innocentius III. in Concilio Lateranensi, cap. 63. obuiam ire utcumque visus est, canone lato-
nè vanales exponerentur, neu prælati permit-
terent eos qui ad ecclesias venerationis ergo
accederent, vanis figmētis, aut falsis decipi do-
cumentis, quod plerisque in locis fieri quæstus
occasione consueuerat, Extra, lib. 3. titul. 45.
cap. 2. Sed nè sic quidem hæ sordes cessauerūt,
exortis eleemosynarum quæstoribus, qui sese
alios plerunque mentiendo, abusiones in sua
prædicatione proponerent, hos eadem Syno-
dus capite seq. siue 64. admitti prohibuit sine
literis Apostolicis, vel diœcesanorum, formu-
la præscripta, iuxta quam episcopi literas suas
moderarentur, quæstores autem præter in eis
contenta, populo nihil proponerent. Extat de
Pœnit. & Remiss. ca. Cum ex eo. Extra. permit-
tit autem vt ij Christianos ad quos ventitarent,
moneant & exhortentur in Domino, vt de bo-
nis à Deo sibi collatis pias eleemosynas, & gra-
ta charitatis subsidia erogarent, vt per eorum
subuentionem, aliorum inopiæ cōsulatur, qui-
bus ad sustentationem fratrum & egenorum
ad hoc vel illud hospitale confluentium, pro-
pria non suppetere facultates. Iussi interim
qui ad quærendas eleemosynas destinarentur,
modesti esse, discreti, non in tabernis, aut locis
aliis incongruis hospitari, non inutiles aut
sumptuosas expensas facere, omnium minimè
falsæ religionis habitum gestare. Sed ne sic
quidem ij prædicare & nugas prædicare desie-

runt, vt constat ex Bonifaciana, de hæreticis, *Prædicato-
res quasinda-
ry.*
 Cap. Vt. officium. §. compescendi prædicator-
 res quæstuarij à prædicationis officio, quod ad
 eos nullo modo pertinet, quorum tantum inter-
 est charitatiua subsidia supplices petere. Suc-
 cesserunt hospitalium quæstoribus fabricarum
*Quæstores
fabricarum ec-
clesiasticarum*
 ecclesiasticarum quæstores, qui quàm priuile-
 giati fuerint, liquere potest ex altera Boni-
 faciana, sub tit. de Pœnit. & Remiss. ca. i. quæ-
 storibus fabricæ Rhemensis ecclesiæ. Rhemen-
 sis archiepiscopus, aut eius officiales citadi suf-
 fraganeorum subditos, quos quæstores sibi
 resistere aut parere nolle dixerint, vt super hoc
 coram ipsis compareant, potestatem nequa-
 quam tribuant, sed super benigna eorum re-
 ceptione, & subuentione fabricæ faciendæ, pos-
 sint eosdem Christi fideles Rhemensis prouin-
 ciæ charitatiuè monere. Pergunt igitur hi mo-
 re suo abusiones prædicando proponere, sim-
 plices decipere, aurum ab eis subtili vel fallaci
 magis ingenio extorquere, cum animarum pe-
 riculo, & multorum scandalo, quibus viâ præ-
 cludere cupiens Clemens v. in Concilio Vien-
 nensi, Innocentianam repetiuit, & iuxta Late-
 ranense statutum, quæstores nisi literis Apo-
 stolicis, vel diocesani literis exhibitis, quomo-
 dolibet admitti vetuit, nec in populo prædica-
 re permisit, iuxta Bonifacianam, aut aliud
 quàm quod in eorum literis, diligenter nè quid
 fraudis committatur, examinandis, continebi-
 tur, exponere, in Clementina Abusionibus,

*Abusus eccle-
siasticorum.*

sub eodem titulo, vbi emineat abusus octo talium errorum non sine multa temeritatis audacia, & multiplici animarum deceptione, indulgentias populo motu proprio concedere, super votis dispensare, à periuriis, homicidiis, & aliis peccatis sibi confitentes absolvere, malè ablata incerta: data sibi aliqua quantitate, remittere, tertiam aut quartam partem de iniunctis pœnitentiis relaxare, animas tres pluresvè parentum, aut eis qui eleemosynas illis conferunt, amicorum de purgatorio extrahendas, & ad paradisi gaudia perducendas mendaciter asserere, benefactoribus suis remissionem plenariam indulgere, & à pœna (vti loquuntur) & culpa absolvere. hæc & per quæ censura ecclesiastica vilescebat, & clauium autoritas in contemptum duceretur, omnino ille abolitur, per quæstores fieri attentariuè inhibuit, omnia & singula privilegia locis, ordinibus, vel personis quæstorum quomodocunque concessa (nè eorum prætextu sit eis materia talia præsumendi) penitus reuocauit, delinquentibus eis in posterum & abuti pergentibus per locorum episcopos puniendis, vt à suis ausibus, qui vbique nimis excreuerant, pœnæ formidine compescerentur. Eorundè abusuum admonuit Opusculi tripertiti Conciliorum tomo secundo inserti autor part. 3. ca. 8. ita, Circa quæstuarios prædicatores, qui totam ferè Dei ecclesiã vbique terrarum inficiunt, & sunt scandalo toti mundo, sunt tot reprehensibilia, vt non facile dici pos-

*Quæstuarij
prædicatores*

fit. Sunt enim maxima ex parte personæ inhonestæ ac infames, corrumpunt prælatos, officiales, presbyteros, archipresbyteros suis adofferuitiis, quòd dimittunt quæcunque volût, facere & dicere. Breuia relinquunt in singulis præciis tot indulgentias continentia, vt mirentur boni viri, illa de Papæ cõscientia, aut etiam alicuius boni viri, posse procedere. Exponunt tamen ea simplicibus malo modo, acquirunt multa, multa perueniût ad domos pro quibus fiunt, quia multa yltra modum consumunt, vel modico pretio quæstus emunt. Multis itẽ mēdaciis assueuerunt, de Reliquiis, Indulgentiis. Et quod malum supremum est, hæc & alia tam multa eorum mala iam ita in ludum & risum versa sunt, vt vix aliquis super his doleat Christi vicem. Admonuit & Petrus Aliacensis libelli de Reformatione Ecclesiæ 4. cõsideratione, Prouidendum super correctione quæstuariorũ prædicantium, tam religiosorum, quàm secularium, quòd mendaciis & immunditiis ecclesiã macularent, & ridiculam redderent, & prædicationis officium maximè honorandum, iam contemptibile efficerent, quod enim ob. sui reuerentiam ad prælatos pertinet, non esset tot & talibus villibus homunculis permittẽdum. Eos Sũmista Syluester, Ceretanos, Fumus in armilla Zaratenos vocari produnt in vocabulo Quæstuarij. At verò quã nec sic cõpressi fuerĩt improbi negotiatores, patet ex hodierni Schifmatis initio & occasione, de qua quoniam vix

*Petrus de
Aliaco.*

*Ceretani.
Zarateni.*

Stationarij.

licet hiscere, dicam de his turpilucris (si fortè minus inuidiosum fuerit) grauamē Germanicum, quod est ordine septimum. Est (aiunt) aliud indulgentiis vendendis additum hominum genus, Stationarios vulgò vocant, hi rusticorum simplicitate abutentes, dū omnes vi-
eos, villas, pagos, angiportus, castella & oppidula peragrant, prædicantes Diui cuiuspiā sanctimoniam, quātum ad rem familiarem addat, si quotannis cum munusculo in horum errorum cōmodum cessuro, demulceas. Inscribūt item domibus Diui numen ac tutelam, promittentes ab hoc vel illo morbi genere immunem futurum, qui eis annuū censum penderit. Omnia hæc sic excogitata, vt vulgus ad viuum exu-

*Sancti pecu-
liares morbis
curandis pro
posui.*

gatur, Nam hoc negotium in tam innumera morborum genera diductum est, vt vix supersit morbus, cui nō isti peculiarem sanctū, quasi tabernæ proposuerint, eoque mali serpigo processit, vt pauperum sanguinē vorent & medullam, dum hi necessariis vnà cum liberis spoliātur, illi in deliciis ac luxu plusquam Sybaritico degunt. Quæ res præsentem S. A. medicinā in primis postulat, qua interdicator episcopis eorūque vicariis, nè pro functionis huius admissione quidpiam posthac pretij capiant, nevē eā omnino tolerent amplius aut patiātur. Hic vides nihil tot pontificum decretis profectū, horum furunculorum episcopis, vel eorum certè vicariis, non solum consciis, sed etiam participibus cum tēpore factis. Ad hæc Adrianus vr.

breui Apostolico per Laurétium Campegium in Germania legatum iuxta superiora respondit, §. 16. nè quis quauis autoritate, & literarum occasione, vel ad prædicandum, vel ad colligendas eleemosynas se ingerat, vtcunque se iactet indulgētiis abundare, nisi prius admissiois & approbationis literis ab eo prolatis, astrictis ordinariis, vt tales admittant, qui probæ vitæ testimonium habeant, de prædicatione sua, dū opus erit, rationem reddere possint, eleemosynis piorūque oblationib⁹ ad luxū proprium non abufuri, Iurati se nec quotam nec totā colligendi facultatē certa pecuniæ summa pactos esse. Sed quod facili⁹ tutiūque foret, hos quæstuarios semel omnes submouere, quàm ab eis impetrare, vt nec modum illis præscriptū præterirēt, nec superstitiones admiscerēt, hoc est, vt quod hic ait Apostolus, non totas domos euerterent, non docerent quæ non cōuenit, turpis lucri causa, agnouerūt ix. viri Paulo III. eos quod innumeris superstitionibus simplices implicarent, tollendos censentes. Sub hoc ergò Paulo Tridentinum Cōcilium Sessione 5. hos eleemosynarios quæsttores, cuiuscunque conditionis existerēt, nullo modo nec per se, nec per aliū prædicare permisit, cōtrā facientes ab episcopis & locorū ordinariis, priuilegiis quibuscūque nō obstatib⁹, opportunis remediis arcēdos. Sed cū hoc hominū genus in iis quæ non oportet pro turpi lucro docendis sic induirisset, vt frangi magis valeret quàm corrigi,

*Quæstuarij
prædicatores
tollendi.*

eadem Synodus sub Pio IIII. Sessione 5. can. 9. decreti reformatorii, sic eos suppressit, Cum multa à diuersis antè Cōciliis aduersus prauos quæstorum abusus remedia tunc adhibita, post reddita fuerint inutilia, potiùsque eorum malitia ita quotidie fideiũ scandalo & querela crescat, vt emēdationis nulla spes amplius relicta sit, statuit vt posthac in quibuscũque Christianæ religionis locis eorum nomen & vsus penitus aboleatur, nec ad officium huiusmodi admittatur, non obstantibus priuilegiis, ecclesiis, monasteriis, hospitalibus, piis locis, & quibuscunq̃ cuiuscunq̃ gradus, status, & dignitatis personis concessis, aut consuetudinibus immemorabilibus, Indulgentiis, aut aliis gratiis spiritualibus, quibus non ideo Christi fideles priuari decet, deinceps per locorum ordinarios, adhibitis duobus de capitulo, tempore debito populo publicandis, & eleemosynis oblatiisque charitatis subsidiis, nulla prorsus mercede accepta, fideliter colligendis, vt hos tandem cælestes thesauros ad pietatem, non quæstum, exerceri omnes verè intelligant. Et hic vrinam turpilucricupidorũ finis, & valeat apud nos quod de nostra Massilia testatur Valerius Max. de Institutis antiquis, omnibus qui per aliquam religionis simulationem alimenta inertix quærent, clausas ea portas habebat, mendacem nimirum & fucosam superstitionem submouendam esse bene arbitrata.

Massilia fucosam omnem superstitionem portis suis excluderebat.

Declarat autem Paulus præcedēs propositũ

per sequens dictū cuiusdam doctoris eius gentis, quod ab aliis ad alios refertur. Aquinas vult eo describi auditores, qui Cretenſes erant, ad quos ſcribit, q. d. Et tales quidem ſunt doctores & ſeductores, ſed & diſcipuli ſeu auditores ſunt ſimiliter ſeducibiles, iuxta teſtimonium cuiusdam eorum poëtæ: Tales inquam, ſunt, quales à ſuis ſcriptoribus audiunt. Ergò *dixit quidam ex illis proprius ipſorum propheta*, Verè igitur tales ſunt. Qui eos propius nouerat, eorūque vitia ſubtiliter conſiderauerat, & ſi non abſolutè, nec verè loquens ſpiritu Diuino, Dei propheta, ſed humano, eorum naturalis & vernaculus propheta tales eſſe dixit, quia eorum bene naturā aperuit, & mores deſcripſit, ſicut expertus fuerat viuens inter eos, Sic Hieronymi & Primaſij Scholia, & cum gloſſa interlineari Bruno, Lyra: quibuſcum exponit Theodoretus, Paulum poſtquam dixit de iis, qui ei contraria docebant, ſeu contradicebant, eos quoque qui decipiebātur, increpare. Erant autem ij gentiles, non Iudæi, quod aperte docet qui ſubiūgitur verſiculus, aliis, quātum ad textum ſermonis & ad continentiam loci pertinet, quod ſequitur, videtur ad eos referri, de quibus ſuprà loquebatur, maximè qui de Circumciſione ſunt, quos oportet refrenari, &c. vt ſequatur, *dixit quidam illorum propheta*, quia verò in nullo prophetarum apud Iudæos vaticinatorum ſequens hexameter reperitur, Hieronymo dupliciter legendum videtur, vt hoc, *dixit qui-*

dam, cum superioribus copuletur, huius rei gratia reliqui te Crete, & sequatur, dixit quidam illorum, id est, Cretensium propheta. Sed quia propter tam multa in medio, hoc uti absurdum nemo fortè recipiat, ideo vicinioribus aliter aptandum, ut legamus, Sunt multi vaniloqui, &c. quos refrenari conuenit, &c. & id quod ait, dixit quidam ex illis, &c. non specialiter ad Iudæos, sed ad multos illos vaniloquos referatur & deceptores. qui utique quia in Creta erant, Cretenses fuisse credendi sunt. Sed antequam versum attingamus, de versificæ nō vsquequaquē constat. Vnus Ambrosius sentit quendam ex Cretensibus per Dominicam disciplinam melioratū, quid sentiendum esset de Cretensibus indoctis expressisse. August. li. 2. contra aduersarium legis & prophetarum cap. 4. non miratur hominem ineruditum hoc de prophetis Iudæorum dictum existimauisse, ignorantem dictum de (vel potius à) quodam Epimenide Cretensi, in cuius libris hoc inuenitur, qui homo inter Dei prophetas non inuenitur, nec ad illa Dei eloquia pertinet, quæ Iudæis dicit credita, Rom. 3. 9. qui non mentitur. Ideo non commemorauit Apostolus nomen eius, sicut aliquando solet commemorare Dei Prophetas, Dauidem, Esaiam, Osee, vel tacitis eorum nominibus dicit, Sicut scriptū est, Et ea scriptura intelligitur, in qua est Dei autoritas, Aut euidēter Deū dicere asserit, cū aliquod de Dei vel lege vel prophetis testimoniū adhibet,

*Scriptura
qua sit intel-
ligenda.*

Quale illud. 1. Cór. 9. An propter nos Scriptura dicit? & 1. Tim. 5. dicit enim scriptura, ostēdens in ea Deum loqui. Vel illud, Gal. 3. prouidens scriptura, quia ex fide iustificat gentes Deus, prænunciauit Abrahæ dicens, Scripturā pro Deo posuit, quia Dei est, vel illud, non potest excidere verbum Dei, Rom. 9. In Isaac vocabitur tibi semen. vel illud de Helia, Sed quid dicit diuinum responsum? Rom. 11. his & huiusmodi attestationibus, Dei boni & veri scripturas Apostolica commendat autoritas. Vbi autem etiam aliquid de autoribus gentium dicit, non eos appellat Dei prophetas, nec illarum scripturarum Deum dicit, quamuis ibi aliqua vera reperiatur, Sicut de isto Cretensi ait, proprius Cretensium, non Iudæorum propheta, quod utique ad hoc dictum est, ne Dei propheta putaretur. Hæc obiter ex Augustino, de Paulinis in sacram scripturam formulis. Sed siue Epimenidis Cretensis, siue Callimachi Cyrenæi carmen hoc sit, ut hîc Græci Latini-que indicant, cum vterque poëta fuerit, cur hic propheta vocatur? Prophetam Paulus vocat poëtam, qui quasi futura præsenferit, ut notat Aquinas prophetam dici, cuius intellectus ad aliqua supra communem notitiam cognoscenda illuminatur, Item qui prophetias eodē quo spiritu traditæ sunt, exponit. Item qui propheticū aliquid profert, etiā si ex quodā interiori instinctu, præter mentem suā, ut Caiphæ per spiritū ad dicendū mot⁹, quod tū esset pōtifex,

*Scriptura,
pro Deo po-
sita.*

*Dei prophe-
ta, qui,*

*Poeta, cur
propheta vo-
cetur.
Propheta.*

*Caiphæ cur
propheta offi-
cium,*

*Propheta
ironice.*

*Epimenidis
liber de ora-
culis.*

prophetavit, Ioan. II. non secundum intentionem suam. Qui etiam prophetandi apud eos modus est, qui primum alicuius verbum pro nomine accipiunt. Vel per Ironiam, & illudens, Hieronymo interprete, prophetā vocauit, quod scilicet tales Christiani tales mereantur habere prophetas, Quo modo Baalis, confusionis, & offensionum, & quosunque vitiosos prophetas scriptura cominemorat. Prophetæ autem erāt, aut vocabantur potius, largē, ij præsertim, qui sicut veri prophetæ vera interim dicerent. Aut etiam verē, quia de oraculis atque responsis scripserit, quæ futura prænuncient, & euentura multò antè prædicent, Et is enim Epimenidis liber, vnde versus hic sumptus est, Oraculorum titulo prænotatur, καὶ τῶν χρησμῶν, quem quia videbatur diuinum aliquid repromittere, Hieronymus arbitratur Paulum inspexisse, vt videret quid Gentilium diuinationo polliceretur, & in tempore abusum esse, Cretensium primati scribentem, vt falsos eorum doctores proprio insulæ doctore conuinceret. Obseruat idē eos qui putant versum hunc de Callimacho sumptū, aliqua ex parte nō errare, siquidē integer in Epimenide nō reperitur, Sed eius exordio Callimachus in suo poemate vsus est, siue vulgare de Cretensium fallacia prouerbum, siue furto alieni operis metrum retulerit. De auctore ergò satis, de occasione carminis mox videro. Est autem heroicum à Paulo citatum, & ob id etiam quodammodo sanctificatū, tale,

Κρητὲς αὐτὶ ψῦσαι, κακὰ θηρία, γαστέρες ἀγροί.

Quem versum Hieronymus ad Esaiam cap. 50. notat cum aliis à Paulo alibi citatis, & admonet si metrum atque mensuram in translatione non seruant, sciendum pedibus eos currere. Non placet per Fabrum huius versio,

Gnosius vsque loquax, mala bestia, viscera pigra.

Castalio sic reddidit,

Cres semper mendax, mala bestia, venter iners est.

Sumptum à Cretensium moribus, quos plurimis conuitiis incessit antiquitas. vno autè versiculo notantur de tribus, de corruptione nationalis, quòd mendaciis assueti, perdes omnes qui loquuntur mendaciū, Psal. 5. Sap. 1. Os quod mentitur, occidit animam, &c. *Cretenses semper mendaces*, tam multa vtrique mentientes, nec quomodo solet incurri mendacium, sed perpetuò, nunquam loquuntur, nisi etiā mentiantur, vt eorum vanitas in vulgi fabulā & multa prouerbia abierit, Cretensis Cretensem, conatur (supple) circumuenire, quoties improbus cum improbo, aut perfidus agit cum perfido. Cretensis cum Ægineta, in pariter improbos, & mutuis inter se fallaciis agentes, Et Æginetæ enim nihilo melius audierunt. Cretizare cum Cretensi, aduersus mendacem mendaciis vti. Quo Plutarchus vtitur in Lyfandro & Æmilio. & *κρητίζειν*, pro mentiri, Suidas putat in eos quadrare, qui frustra mendaciis agunt aduersus artificem mentiendi, Sicut dicunt difficillimum apud fures furari, ita mēdaciis imponere

*Cretensium
mores vitiosos*

*Æginetæ
Cretensibus
nihilo meliores.
Cretizare.*

mendacibus, hæc ex Erasmi Chiliadibus. Extat in vita Annibalis cum Cretensibus Cretizantis dignum vtrisque exēplum. Et Plutarchus scribit Philopœmenem in Creta non vt Pelopōnensem aut Arcadem, nec simplici quodam & ingenuo bellandi ritu gessisse, sed Cretensium mores induentem, illorum versutias, fraudes, furta, & insidiosas in eos artes vsurpantem, eos ad belli peritiam inani calliditate contendentes, puellios demonstrauisse. Vtitur & Polybius lib. 8. Acheus (inquiens) quæ fieri poterant, fecit, id verò ignorauit, Cretizandum esse, vt in prouerbio dicitur, cum Cretensibus, quorū nihil non exploratum Bolis habebat. Eodem respiciens Ouidius, t. de Arte,

Nota cano, non hoc quæ centum sustinet vrbes,

Quamuis sit mendax, Creta negare potest.

Et 3. Amorum, Elegia 9.

Cretes erunt testes, nec fingunt omnia Cretes.

Repetam breuiter ex Georgij Cedrini historiarum compendio, non procul ab initio, Iouē in Italia mortuum, in Creta sepultum. Ex Athenagoræ pro Christianis legatione, prolixius,

Mendaces semper Cretes sunt: atque sepulcrum

Creta tuum ostendit defuncti, Iuppiter, at tu,

Immortalis eras, es, eris que per omnia secla.

Tu verò, Callimache, genitum cum credas Iouem, non admittis sepulcrum? Imò, cum veritatem ita te putes obumbraturum, ignorantibus, etiam vt mortuum esse non dubie suspicē-

tur, autor es. Tu cū vides antrum, Rheæ partum animo recolis: loculū verò cernens, mortem eius offuscas: nescis nimirū solum æternum esse Deū, qui & ingenitus est, &c. Sequitur in Paulo, *mala bestia*, *θηρία*, non simpliciter bestias, sed feras, ac veneno noxias significat. Indicat hos titulus Nicandri *θηριανὰ*, nec ouem rectè dixeris *θηρίον*, Malitia, inquit, pasci volebant, qui cū nihil profunt, nocere gestiūt. Lyra mordaces verbis, glossa interlinearis, sanguinē sitientes, Bruno bestialiter viuētes, & quo modo malè meditantur, ita crudeliter operantes. Corruptionem irascibilis vult hic Aquinas, quia homo vt cum iuxta rationem operatur, animantium optimum est, sic cum declinat ad malitiam, pessimum: quòd si ob crudelitatem, nulla bestia tam crudelis, decies certè millies peior malus homo quàm mala bestia. Philosophus in Politicis lib. 1. cap. 2. Magnorum moralium lib. 2. nota 25. cap. 6. & in Socraticarū hecatonomiarum nota 30. Hinc illa homo homini Deus *δαίμωνιον*, homo homini lupo. Et scripturæ tam profanæ quàm sacre, homines eorū animalium nominibus plerunque efferunt, in quorū hi mores & affectus trāsierint. De quo campus vtiq; latior quàm pro Commentarij lege, vt ad Creteneses redeā, Horū olim rempublicā ab Ephoro, Xenophōte, Callisthene, Platone laudatā, & Lacedæmoniæ assimilatā, Polybi⁹ li. 6. improbat nō sine horū scriptorū suggestionē, Nō inueniet (ait) quispiā priuatos mores

*Homomalus
deciesmillies
peior mala
bestia.*

*Cretensum
republica.*

*Polybij de
Cretensium
improbare
testimonium*

subdolos, nec iniustiora pro porzione studia,
quàm Cretensium, demptis planè paucis. Re-
gionem leges ipsis pro cuiusque viribus nullo
fine possidendam permittere ferunt, vt sic in-
ter eos inæqualitas & excellentia (æqualitati
Spartanæ contraria) non necèssaria modò, sed
honestissima quoque putetur possessio. In vni-
uersum turpis lucri & auaritiæ studium vsque
adeò locum apud eos obtinet, vt inter omnes
mortales solis Cretensibus nullus quæstus tur-
pis esse videatur, vt propter insitam eis auari-
tiam, in publicis seditionibus, bellis, ac cædibus
plurimum versentur. Proinde Rempublicam
Creticam nec Laconicæ similem, nec aliàs ele-
ctam esse aut æmulandam; Hæc Polybius.
Paulus item de corruptione concupiscibilis di-
cit, *ventres pigri*, gulosi, ideòque tardi, & minus
expediti. Qui enim verrem plus æquo plenum
habent, luxu atque cibus oneratùm, ad omne
bonum segnes sunt, quietem; vel magis pigri-
tiam amant. Anima (inquiunt) habes multa bo-
na reposita in annos plurimos, quiesce, come-
de, bibe, epulare, Luc. 12. Ventres ergò vocat,
ventri atque abdomini seruientes & deditos.
Vitium ventris & gutturis, id est, gulositas, quæ
vocant, ait pro Cælio Tullius, item Lucilius,
Viuite lurcones, comedones, viuite ventres.
Plutarchus de discrimine adulatoris & amici,
non minus in parasitum, quàm in Cancrũ con-
uenire putat hunc Iambum,
Est venter omne corpus, undique obtuens

*Gula tardi-
tas.*

*Ventres qui
dicantur.*

Oculus,

Oculus, suisque reptat bestia dentibus.

Pollux lib. 2. autor est, qui linguam habent venalem, loquentes quæ ventri cōducunt, comitorum salibus taxatos esse, dictos voce ridiculè composita, γλωσσογαστρες, quales sunt mali aduocati, peiores cōcionatores, assentatores pessimi, quorum omnia quæstū sapiunt, de quilibus Ecclī. 37. Sodalis amico congaudet causa vëtris, & Rom. 16. qui domino deo nō seruiūt, sed vëtri suo, in id quorum & venter Deus est, Philp. 3. Alioqui nihil vetat bonos viros omne genus artiū lectores & professores, causidicos & Ecclesiastas, iuxta Sapientis parœmiam, de fructu oris quenque sui ventrem suum satiare, & prouentu labiorum suorum saturari ac impleri, Prou. 18. At qui nō in disciplinæ beneuolentiæque participatū veniūt, sed vorandi modò vsum, Plutarchus Symposiac. 3. ventri concænes, γαστρονδείπνες, appellat, citante Cælio Rhodigino li. 26. cap. 2. Aristoteles 3. Moraliū γαστριμαργες, appellari ostendit, homines qui præter modum ventrē cibo potūque expleant, quasi ventre insanos. Et certè eodem vbi paulò antè teste, homo siquidem fiat à legibus & iudiciis alienus, impurissimum & inhumanissimū fit animal, sine virtute, & cum ad alia, tum in venerea, libidines, & in gustus voluptates deterrimū. Sic cum alij, tum Berosi quod circumfertur fragmentū, testantur ob infandos venereorum congressus, & ferale cibationes, vteris (horredum dictu) matrum refectis ad scelestas

Berosus.

Diluvij inundatio vnde.

infantulorum epulas, ultore diluvio vniuersum orbem periisse, homo quippe totus caro erat, omnis autem caro corruperat viam suam, Gen. 6. Et Satanæ virtus in vmbilico vētris, Iob 40.

Venter insatiabilis.

Cuius insatiabilitas passim notatur in scriptura, quasi venter nunquam satis pro sua libidine impleatur, aut etiā saturetur, Iob 20. Ezech. 7. Prou. 13. venter impiorum insaturabilis, Ecclī. 36. omnem escam manducabit venter, 15. aufer à me ventris concupiscentias, Luc. 21. attendite vobis nequando grauentur corda vestra crapula & ebrietate, quia esca ventri, & vēter escis, & hūc autem & illas Deus destruet, 1. Cor. 6. Sed est ad Cretenses redeundum, inter quorum antiquas à Minoë institutiones, commemorat in

Comestationes Cretensium.

Politiciis phylosoph⁹ comestationes, li. 2. cap. 3. lib. 7. cap. 10. Caelio li. 18. cap. 26. viroꝝ in Creta conuiuia dicta Andreia Syssitia, id est, viriles sodalitates, puerorum conuentus Agetas, id est greges. In Andriis infimæ sortis homines indiscriminatim eū honestioris ampliorisque loci viris de publica alimonia parem consequebantur portionem, & indiscretè omnibus alimentis publicitus citra vllam exactionem suggerebantur: quanquā Athenæus li. 4. cap. 5. de Cretensium conuiujs, Lyctios ait singulos decimā fructuum & armentorum partem ad societatem & ciuitatis ingressum conferre, Reliqua ibi videntur. Cretensium alioqui victum fuisse tenuem, id est, ἐντελὴν ἢ αὐτάρκην, ex Plutarchi Lycurgo, vt quidam Epimenidis versiculū

non illepidè ad syllogismum *ἡ ἀδελφότης*, id est, *Syllogismus*
 mentientē, quique seipsum refellat, reflectant, *mentiens.*
 Cretensis enim fuit Epimenides. Addit & de
 hac insula à veteribus iactatum, Quicquid vs-
 quam proueniat, id omnium optimè in Creta
 haberi. Fœdum autem & prorsus (vt ita dicam)
 ventrale, quod idem lib. 15. cap. 9. lege lata pas-
 sim illic permissam venerem masculam, nè su-
 perfluam parerent multitudinem, multa alio-
 qui ad cibi temperantiam, vt perutilem, sapien-
 ter atque studiosè constituta, an quòd Cretum
 nemo gustauit vnquam cubans? vt idem lib. 17.
 cap. 8. ex Tullio pro Murena, sed sedentes, vt
 Athenæus vbi paulò antè, & humi sedentes, vt
 vbi paulò post Strabo, villibus tecti amiculis,
 iisdemque seu æstate, seu hyeme. Fœda autem
 illa nè quis fingi putet, probat ex Aristotele,
 cuius verba zelo Christianæ (opinor) religionis
 vetus interpres Latina facere neglexerat. Filio-
 rum enim multitudinē prohibebant, potestate
 viris facta, post susceptā æquo numero prolē.
 vxores abdicādi, alio vsu introducto. In quo ex
 sentētia D. Thomæ videtur Aristoteles de ma-
 rium vsu intellexisse. nec vituperasse. Volatera
 lib. 36. in Politic. Ex quibus etiam primū in
 Græcos irrepsisse puerorū amorē testatur apud
 Athenæum li. 13. cap. 27. Timæus. quos quàm
 immeritò Strabo lib. 10. commendat, qui non
 ignorauit eos puerorū non tantū amatores, sed *Strabonis te-*
 & raptores, tā meritò in Moralibus Plutarchus *Simonii de*
Cresensibus
 execratur. Nec tacet Strabo post ad deteriora

plurimum mutatam delapsamque Cretam, receptis qui maria popularentur piratis & latronibus, à Cilicibus primùm vastatā, dein à Romanis destructā. Locus autem à Cēlio suppletus extat in Politicis li. 2. cap. 8. vnde bona pars prædictorum de Cretensi Republica sumpta est, quam & ibi tradit Philosophus videri ad principatum totius Græciæ natam factamque fuisse, vt pote in alto sitam, & cuncto mari imminentem, & omnibus quodammodo Græcis incumbentem, vt qui omnes mari ferè adiacent. Sed de hoc plus satis. Redeamus ad Pauli de Cretensium vitiis interpretes. Triplex ergò malum in eis coarguitur, falsitas seu fallacitas, ferocia, ingluuies, & huic iuncta pigritudo, Quòd vani siue mendaces essent, & mendacium amantes, quòd mali & voratores noxij, quòd pariter otiosi vellent comedere, ideòque ferias & otia libenter admitterent. Quorū postremum vitium nè fortè leue putemus, nè ue otio exultemus, nimium vè gestiamus,

*Otium Reges prius & beatus
Perdidit urbes.*

Sodomæ exitium vnde.

ait Catulus. Sic Sodomæ, quæ antequā euertetur, vniuersa irrigabatur, sicut paradysus Domini, Gene. 13. & filiabus eius, hoc est, toti pentapoli Syriæ (Sic vocatur Sap. 10. à quinque ciuitatibus, quib⁹ olim fuerat incluta) exitio fuit cū saturitate, abundātia otij, Ezech. 16. Et multam malitiā docuit otiositas, Eccle. 33. Prou. 12. qui sectatur otium, stultissimus est. 28. replebitur

egestate. mulier è contrario cordata panē otio-
 sa nō comedit. 31. Cui dissimiles, hoc est, otio-
 sas non vult ali ab Ecclesia Paulus, 1. Tim. 5. sed
 omnibus edicit ac denuntiat, vt qui non labo-
 rat, nec manducet, vtque qui nihil agentes cu-
 riosè tamen agunt (præstaret autem vacantes
 esse, quàm ineptis implicari laboribus, ait ad
 Minutium Plinius) præcipit, vt cum quiete ope-
 rantes panē edant, 1. Thess. 4. 2. cap. 3. hoc est,
 iuxta primā primo homini siue legem, siue pœ-
 nam datam, in sudore vultus sui vescantur pane
 suo, Gen. 3. Galba parasitus dictitabat neminē
 otij sui rationē reddere cogēdum, at Cato me-
 lius, nō minus otij quàm negotij clarorum vi-
 rorum rationem extare oportere, nam & de
 omni verbo, nedum factō, otioso reddendam
 in die Iudicij rationem dicit Dominus, Mat. 12.
 Omnino reuocandæ aduersus otiosos leges, si
 non Draconis, qui otij damnatos capite mul-
 tauit, vt habet Plutarchus in Solone Cœlius li.
 10. cap. 6. li. 11. cap. 3. quod prius in more Ægy-
 ptiiis fuisse autor est Diodorus, lib. 2. vt coge-
 rētur oēs scripta nomina sua. & quo simul exer-
 citio viuerēt, ad Præsides Regionū deferre, qua
 in re qui mentiretur, aut iniusto quæstu victi-
 taret, in mortis pœnā incidebat, Quā Amasiæ
 Regis legē facit Herodoti Euterpe. Sed vel Pisi-
 strati, qui, quod est in Euāgelio de otiosis in fo-
 ro diu stātibz ad vineā à patre familias ire ius-
 sis, Matth. 20. ciuibz otiantibus de suo boues
 & semina largiens, ad laborē eos amandabat,

*Laborandū
 vt manduce-
 mus.*

*Orij etiam
 reddenda ra-
 tio.*

vt habet Æliani variæ historiæ lib. 9. cap. 25. veritus ne otium insidias pareret, iuxta illud, vacât otio, ideôque clamant & vociferantur, Exod. 5. vel Lacedæmoniorum eodem autore li. 2. cap. 5. qui ad eò suis tempus in otio, vel ludicris consumere non permittebant, vt deambulationib⁹ eos vti pomeridianis vetuerint, tâquam ita genio potius indulgerent, quàm corpus exercerent, oportere verò Lacedæmonios exercitiis, non deambulationibus bonam valetudinē parare ac tueri. Vel Sardoia eidem li. 4. cap. 1. pœnas ignauix constituens, sic vt qui otiosè viueret, cum rationem reddere oportebat, & vnde viueret ostendere. Institutum sanequàm illustre, quo peragebantur *ἀγέλας δίναι*, id est, otij iudicia, quæ subirēt temerè ac citra vitæ propositū agētes, sic enim exprimebatur illis, vt vnde alerentur, magistratibus approbarent. Cœlius lib. 19. cap. 26. Vel Atheniensium, apud quos, eodē autore lib. 10. cap. 3. & illa fuit Areopagitarum functio, vt vnde quis se aleret, accuratè scrutātes, in desidia compertos nō citra multā transmitterent. Quam legē à Solone, cum ad Ægyptios penetrāssēt, Athenas traductam, autor est vbi antè, Diodorus. & Plutarchus eū de inertibus ac desidiosis supplicium eū sumpsisse. Draconis etiam lege mortem otij damnatis definitam. Vel maiorum nostratium priscorum Galorum, De quibus inter multa peculiaria, quæ huius tēpestatis hominib⁹ haud sanè respōdēt, Strabo li. 4. hoc etiam fuisse proprium asserit,

Deambulationes Lacedæmonios prohibita.

vt laboribus agitantur, vt macilenti essent, ventresque minimè propenderent: quisquis autem iuuenis zonæ mensuram excederet, mul- Ventrici pro-
tari. At nō ita nuper quidem apud nos Episco- brum.
pabatur magno omnium risu, sed maiore Christi ludibrio, gurgēs & helluo nostratium quos hæc vidit ætas ventrosissimus, cui tamen plus obfuerit ductæ ab eo viduæ memoria, quàm prodigiosè quanlibet.

Pinguis aqualiculus propenso sesquipedē extans,
cuique, quod de Demade olim dictum fuit, nihil vt immolata victimæ præter linguā & ventrem. Sed ad Paulum tandem redeamus. *Testimonium hoc verū est,* quod poëta de Cretensibus testatus est, nè minus ei crederetur, quia gentili, id confirmat & commendat Apostolus, tales eos esse vt plurimum, licet nō omnes, quales esse testificatus est. In quorum eum causā prophetem appellat, quasi tam vera de his locutum, quàm prophetam, falli autem prophetā impossibile est. Et hic certè nodus vindice dignus est, in quo enodando non parum negotij fuit vindicibus eius ac interpretibus. Crete, inquit Mela li. 2. cap. 7. multis famigerata fabulis, Iuppiter in
tum statione ac morte, maximè tamē sepulcro Creta sepul-
Iouis ibi sepulri penè claro vestigio, cui nomē tus.
eius insculptū esse accolæ ostendūt. Varro quoque Solino cap. 16. etiā suis tēporibus affirmat Iouis sepulcrum ibi visitatum, in oppido Gnosso, in quo sepulcro eius inscriptum est antiquis literis Græcis, testante Ennio, ὁ γένε-
τῃ ἑρῖον. Iuppiter Saturni filius, trium quos

Ioues pres.

Theologi Ioues enumerant, terrius Ciceroni, lib. 2. de natura Deorum: quæ non poetæ modo tradunt, sed & antiquarum rerum scriptores, adeò vera, vt Sibyllinis versibus confirmetur, Lactantio, lib. 1. cap. 11.

*Damones exanimæ, simulacra cadaueris instar,
Quæ Creta ostentat monumenta misella sepulcris.*

Et Lactantij præceptor Arnobius aduersus Gentes lib. 4. Apud insulam Cretam Iouem sepulturæ mandatum esse nobis traditur, Theophilus ad Autolyicum quidem, ait, lib. 1. Iuppiter Saturni filius, Cretensum rex in Creta sepultus est. Reliqui Ioues, vt arbitror, nè sepultura quidem digni habiti. Quære (inquit ad Gentes Clemens Alexandrinus) tuum Iouem, nè scruteris cælum, sed terram. Narrabit tibi Cretensis, apud quem est sepultus, Cuius monumentum non paucis notum, in Creta insula, in monte Iasio vsque huc ostendi, hoc est, Suis quoque temporibus, testis fuit in Ancorato Epiphanius.

*Candiani hodie
literas non discunt.*

Hodiernos verò Candianos literas non discere, ac proinde natos apud se Iouem, Saturnum, reliquosque simplices antiquitatis tyrānos ignorare, testis est Petrus Martyr Mediolanensis, legationis Babylonice, lib. 2. Sed quid ad Paulum tam multa de Iouis sepulcro? Ea est versus à Paulo citati occasio, interpretibus hic Græcis & Latinis, & Clemēte vbi suprā, Epiphanio in Marcionē, cōfutatione 13. Scholij in 1. ad Cor. Nec fraudabo laude sua Angelum Politianum in Miscellaneis cap. 35. Hic igitur tria Græci quærunt,

Angeli Politiani locus.

Cúrnám Paulus ex Græcis testimonium protulerit? Quis hoc dixerit? Cur commendauerit quod non rectè dictum videri possit? Et ad primum quidem de profanis à Paulo citatis postremo loco respondebimus. De autore, quis aut cuius is fuerit, quod secundo loco quæsitum est, satis antè multa, fuit is Epimenides perue-
 tus Epiphanio philosophus, Mithræ siue solis apud Cretenses sacerdos, Theophylacto post Laërtium, lib. I. sapiens apud Græcos habitus, diuinationibus, vaticiniis, expiationibus, deorúmque placationibus addictus, & clarissimus, quique multa verè prædixerit. Hic igitur cum animaduèteret sepulcrum Ioui apud Cretenses, vt prædixim⁹, extructum, inscriptum, & frequentatum, colique ab eis Iouem, vt mortaliū quempiam, zelo accensus pro patrio Deo suo, hoc in eius gratiam carmen cecinit, Cuius integri prima pars est, Cretenses esse mendaces, Reliqua per auxesim addita sunt. Cretes ergo tales atque tales tibi, ô Iuppiter, sepulcrū fabricati sunt, atqui tu non es mortuus, sed semper es, & in æternum viuus. Idem cū inscriptum reperisset apud Euhemerum in sacra historia Callimachus, Iouē in Creta natum sepultumque, idque pro confesso à Cretensibus habitum, testatūque in hymno ad Iouem ex Epimenide idem cecinit, citantibus Epiphanio & Politiono,

*Epimenides
quis fuerit.*

*Iuppiter im-
mortalis con-
tenditur.*

*Cres semper mendax, tibi Rex qui magne, sepulcrum
Erexit, cum non sis mortuus ipse perennis.*

Quos imitatus Statius Thebaidos 1.

Mentitaque manes

Creta tuos, quasi non falsò tantum, sed sacrilegè gloriarentur de hoc Iouis apud se tumulo. hoc est carminis argumentum, hæc ratio & occasio. Quod ergò vltimò propositum est Paulum attestari verum hoc esse poëtæ de Creten sibus testimonium, mentitos esse Creteneses Iouem apud ipsos sepultum esse, ac proinde mortuum, Intuere quantum periculi. Si enim hoc verum est, periclitatur veritas, nã Iuppiter immortalis erit, Respondet Theodoretus, Apostolum non fabulas poëticas confirmare, sed Creten sium mentis inconstantiam arguere, Verisimile autem Iouem alibi mortuum, eosque temere illi sepulcrum extruxisse. Sed hoc non temere fictum testimonio non externorum tantum, sed & nostratium euicimus. Reliqui ergò Græci melius, Paulum non huc respicientem, verum esse hoc poëtæ carmen dixisse, sed quòd cùm in multis aliis multa mentiri Cretes soleant, meritò mendaces illos poëta dixerit, nec enim Paulus addidit, & multò minus approbavit, minimè verò sua autoritate confirmavit, quòd apud poëtas illos sequitur, Iouem immortalem esse, non mortuum aut sepulcrum, aut de Iouis sepulcro mentitos esse Creteneses, sed ex generali testimonio coniciendum reliquit Creten sium multa de Ioue aliis, quos falsò Deos existimant, mentiendi consuetudinem. Eadem cum Græcis ita profe-

quitur Hieronymus, Reprehendunt quidam Apostolum, ut imprudenter lapsum, quod dum falsos doctores arguit, versiculum comprobari, qui Cretenses ideo fallaces dicat, quod Iouis sepulcrum inane struxerint. Si enim poëtae eos arguunt, quod diuina non sentiant, Iouem qui regnet in cælo, in sua insula sepultum fingentes, & poëtas verum dixisse comprobatur Apostoli sententia, sequitur Iouem viuum esse, non mortuum. Imperitè igitur idololatrię destructor, dum aduersus peruersos doctores agit, deos quos impugnabat, asseruit. Quibus breuiter respondendum, ut in eo quod alibi alios citauit, non statim totam Menandri comœdiã, aut Arati librum probauisse, sed versiculorum opportunitate abuti, ita hic non totum opus, vel Epimenidis oracula, vel Callimachi hymnos vno versiculo confirmauisse, quasi verè dixerint Iouem Deum esse, & reliqua in carminibus horum contrita, sed ingenua Cretensibus vitia increpauit, & de proprio eos autore confutauit, metiendi in primis facilitate expressa, qua tamè quia fallaces sunt, non statim verum non aliquando dixerunt: Nec enim Iuppiter idcirco Deus non esset, si Cretenses vera loquerentur, sed vel illis tacetibus, qui mortuus erat, Dei vocabulum non haberet. Denique ut sciamus Apostolum non fortuito, & ut libet transitoriè, sed consideratè, circumspectè, & omni se ex parte aduersus Cretenses protegètem, locutum, non ait totum carmen, vel vniuersum opus, de quo testimonium sumptum est, verum esse, sed

*Partem unam
libri probas
non continens
totum librum
probat.*

*Paulus apost.
à calumnia
defensus.*

*Enochi liber
apocryphus.*

hoc tantum testimonium, hunc versiculū, quomendaces pro mēdacitate, v̄t sic loquar, bestię pro crudelitate, v̄tres pro voracitate, pigri pro otiositate vocantur. Qui autem putant totum librum debere sequi eū qui libri parte vsus sit, videntur & apocryphum Enochi, de quo Iudas Apostolus in epistola testimonium posuit, inter Ecclesię scripturas recipere, aliąque multa, quę Paulus de Reconditis locutus est, hoc etiā argumento, quia apud Atheniēses dixit se Deū ignotum colere, Act. 17. quem illi in ara annotauerāt, dicimus eum & cętera quę ibi scripta erant, secutum esse, & quia cum Atheniēsis in cultura ignoti Dei ex parte consenserat, reliqua quę illi faciebant, hūc fecisse? Absit vt elegantiam Scholasticam in calumniam trahamus. Nemo tam ficari⁹, parricida, venefic⁹, qui boni aliquid non aliquando fecerit, Ergo si vel vnum illius bonum vidēs probauero, & in cęteris quę mala fuerint, approbandi mihi incūbet necessitas? Si inimicus aduersum nos iurgetur & clamitet, nonne inter verba similitatis & rixę aliquid loquatur veritatis? quod & à nobis, aduersus quos loquitur, non vsquequaque reprehenditur.

Digressio tertia.

Hic obiter obseruandum ex Hieronymo ad Gal. 3. quo nos hinc remittit, vnāquaque provinciam suas habere proprietates, suisque vitis denotari, Cretenses mēdaciloquos, stultos Galatas noster appellat, vanos Mauros, fero-

*Sua cuiusque
nationis pro-
prietates.*

ees Dalmatas Latinus pulsat historicus, timidos Phrygas omnes poëta lacerant, Athenis expeditiora nasci ingenia Philosophi glorian-
tur, Immanes Barbaros, Græcos leues apud Cæsarem suggillat Tulli^o pro Flacco, Ingenita (inquit) leuitas, & erudita vanitas. Israëllem graui corde, & dura ceruice omnes scripturæ arguunt. Nec hoc dicimus (ait idem præfans in 2. librum ad eandem epistolam) quòd non vbi-
que diuersa nascantur, sed quòd ex magna parte etiam cætera quæ non sunt similia, nuncupentur. Addit idem ad sua vsque tempora, proprietatum quibus vnanquãque regionem denotarat Apostolus, permãssisse vestigia, Romanę plebis fidem, facilitatem, superbiam, Corinthi mulieres intecto capite, viros comam nutriendes, indifferenter vespentes in templis, inflatos sapiëntia seculari, hac ex parte (ait) vsque hodie permanere, dubitare nequit qui Achaiã viderit. Macedones in charitate laudat, in hospitalitate ac susceptione fratrum, sed reprehendit vt otiosos, alienum cibum expectantes, & per alienas domos huc & illuc discurrentes, & dum singulis placere desiderant, quid apud singulos agatur, enunciantes, & hæc non magis docentis officio, quàm gentis virtute vel vitio admonebat. Illud ergo inter Pauli laudes meritò eius laudator Chrysostomus non omisit, Homil. 5. Tantum eum virtutum tenorem seruauisse, etiam in alios quæ viderentur iniuriosa dicēdo (& iniuriam enim fratri dicere, alio-

qui inter prohibita numeratur, Mat. 5.) sed hac specie, ita opportunè vsum & congruè, vt magis etiam quàm laudans placeret. Sic Galatas vocans insensatos, Gal. 3. Cretes pigros, & hinc prædicatur. Regulas enim nobis exemplo suo statuit, vt neglectores verbi diuini nequaquam cura leuiore tractemus, sed sermone paulò rigidiorè percutiamus. Sed longius forer singularum gentium vel virtutes obseruare, vel errores aut vitia. Quæ tamè vitia ex loci natura, aut cæli climate gentibus sic innata sint, vt hæc habeant propria & penè perpetua, nobis hæc cõmentantibus indicauit in Genialibus Alexāder lib. 4. ca. 13. Ita prorsus, vt vbique aliàs volitaturi, rem (quod aiūt) factā, ac veluti præmā sū cibū habuerim⁹. Sicut ergo quadā regiones acuta & solertia gignūt ingenia, vt quibus est aer purus & tenuis, vt Athenis, aliæ refusa & hebetiora, vt quibus crassus & pinguis, vt Thebis, ita ex cæli rigore vel elemētia, ex syderū statu vel inflexu, virtutes vitiaque gētibus innasce, ingēnita locorū incolæ afficere, & corporibus animisq; insidere. Itali nobilitate præstant, regali quadā magnificētia lauti & magni sunt, Campani natura superbi, ex agri bonitate, mitissimo cælo, affluentī rerum omniū copia, semper habiti. Argiui, Brutij more insito genti latrones, rapinis gaudent, Rhegini pauidi & formidolosi, Galli super insitam genti vanitatē, mobiles, stolidi, contentiosi, religioni tamè dediti, Hispani iactabundi, duri, parci, abactores

acerrimi, ad inediam laborésque ad mortē vs-
que parati. Græci ingeniosi, facundi, sed natio-
nis vitio leues, infideles, assētatores. Cappado-
ces, Cilices, Cretenſes ſuoſte ingenio fraudu-
lenti, mendaces, promiſſi fidē fallentes, & per-
iuri. Afri ſubdoli, mēdaces, ex vſu & cōmercio
frequenti mercatorum ad fallēdum ſolertes &
proni. Numidæ leuiſſimæ fidei ingenia, Chij
petulantiffimi, Galatæ minaces, Syri cupidi, a-
uari inquieti, nouarum rerū auidi. Alexandrini
deriſores & dicaces, Indi & Perſæ otioſi, liberi,
vt & Ætoli nullius imperio parentes, Lydi con-
trā & Phryges Regibus ſeruiunt, negotiis in-
tenti & laborioſi. Emperitani imbelles & bar-
bary, Ætoli & Locrenſes ſædifragi, Druidę reli-
gioſi, malefici, ſuperſtitioſi, Germani & Cim-
bri duri, laborioſi, latrociniis & rapinis dediti,
viribus ad impetum validis, ſed momento dila-
buntur. Corſi diti, immanes, horridi, ore truci,
Scythæ rapidi, feroces, graſſantes, ſuis tamē cō-
tēti, nec alieni appetētes. Aſiani, Iones, Abyde-
ni, Medi, Arabes, Tarētini, Galatæ molles & ef-
fæminati, eneruatis animis, ad ſertiā nequitiā-
q; parati, omnib⁹ imbuti delinimētis, in gymna-
ſiis illecebris & amorib⁹ ad extinguedū animi vi-
gorē exerciti. Siculi vaſtri, & ingenio mōſtrifico,
Aſti ſupra Byzantiū doſoſi, Cumani in Ætolia
hebetes, inſulſi. Bæotiis & Thebanis plus viriū
quā ingenii, Syracuſani varię multipliciſq; na-
turæ, aut enim, vt & Atheniēſes, optimi, aut im-
probiſſimi. Hedui iracūdi, temerarij, turbulēti.

*Regionū di-
uerſitas, di-
uerſa gignit
ingenia.*

Ligures duri, agreſtes, fallaces, montani præſer-
tim ex arido & aſpero ſolo. Longa item obſer-
uatione probatum, regiones cæli clemētia fer-
tiles, homines plerunque ſenſu hebetes, & ob-
tuſa mente gignere, difficiles verò & ſteriles,
ſingulari ingenio viros educere, ita ſiue paren-
te natura, ſiue Deo comparante, vt vbi rerum
vbertas & copia, ibi bonarum ſæpe artium de-
ſint ſtudia. Senſit tamē Ariſtoteles eos qui Scy-
thiā verſus loca deſerta incolunt, animo abun-
dare, ingenij non ſatis habere, at qui mitiorem
plagam, iſgenio & arte præſtare. Nec omiſerim
quod Maximus Tyrius prodidit, Serm. 19. va-
lere Crotoniatas palæſtra & gymnico certami-
ne, Lacedæmonios pedestri, Athenienſes naua-
li, Sybaritas luxu, Thebanos tibiis, Iones cho-
ris & cantu, Cretenſes venatu, iaculo, curſu.
Serm. 7. 13. vbi addit Ægyptios & Aſſyrios hu-
mum colere & ſeruire, ac formidoloſa eſſe mā-
cipia, Scythas ac Perſas pugnare, liberos eſſe,
ac regnare. Serm. 7. Bæotiæ vniuerſæ vernacu-
lam menſam tiliarum modulatione delectari.
Athenienſes eloquētiam, ſic vt vix nihil aliud,
exercere, Cretas in montanis itineribus inſti-
tui, vt ſuprà, Theſſalos equitandi habere peri-
tiam, Cyreneos, agitare currus, Ætolos graſſa-
ri, Acarnanas iaculari, Thraces in vtendis bene-
peltis operam ponere, nauigare Inſulanos, &
ſi nationum ſtudia ad alias tranſtuleris, ſtudia
labefactaueris. Quid enim Mediterraneo cum
nauibus, maritimo cum aratris, muſices inex-
perto

perto cum tibiis, montanis cum equis? quid plana incolentibus opus circis cursoriis? quid arcu grauis armatura, sagittarius scutum requirat? adeo gentes peculiaribus artibus gaudent, quæ vel vrentium quadrat ingeniis, vel ab initio ingentæ sunt, aut amore ac studio acquisitæ. Ad notauit idem vulgaribus adagiis notari Medicam mollitiem, delicias Ionicas, Siculas menses, saltationes Sybariticas, Corinthias meretrices, voluptates Assyrias & Syracusanas, Ser. 31. 33.

Artium quoque disciplinas Menander dixit natia consuetudine distingui nationibus variis, *Artium disciplinæ ut distinguantur nationibus.*

Mitylenæos cithara delectari, Thebanos tibia, Alexandrinos Geometria, Athenienses statuarum & pictura, Crotoniatis Medicina, Ægineatas Athletica, quod proximè accedit ad id quod Eustathius prodidit, id forsan ab illis mutuatus, Bæotios palæstra valde probari, reliquæque corporis exercitiis, Lacedæmonios legibus, Athenienses nautica, Thessalos equestri, Cyrenæos ephectica sciëntia, seu curribus, ut quidem citat Erasimus, in Bæotico ingenio, Cuius & hæc sunt in Chiliadum initio à gentibus sumpta, Pæno perfidior, Scythæ asperior, Scythotauris inhospitalior, Cretensi mendacior, Parthis vanior, Thrucibus bibacior, Thessalo perfidior, Care vilior, Sybarita fastuosior, Milesiis effaminator, Arabe dirior, Arcade stolidior.

Quædam (ait Iulius firmicus citante Crinito, *Calvini in lib. 1. cap. 6.*) gentes sic à cælo formatæ sunt, ut *formandis* propria sint morum vnitatem perspicuam. Scythæ *gentibus.*

immani feritatis crudelitate grassatur, Itali sũt regali semper nobilitate præfulgidi, galli stolidi, auari Syri, acuti Siculi, Luxuriosi semper Asiatici, & voluptatibus occupati, Hispani elata iactantiæ animositate præpositi. Opinio non absimilis eorum, quos vbi paulò suprà Hieronymus, profundis se quæstionibus inferentes, quasi sub obtentu vitandæ hæreseos, quæ diuersas naturas infert, ait dicere, Tyrios & Sidonios Moabitas, Ammonitas, Idumæos, Babylonios, Ægyptios, omnesque gentes quæ in scripturis nominantur, habere quædam idiomata, & ex causis præcedentibus, ac operum pristinorum merito, nè iustitia Dei veniat in dubium, cum vnaquæque gens, vel bonum vel malum asseratur habere, quod alia non habeat. Nos istas altitudines relinquẽtes superiora sectemur, & ad Cretenses à Paulo regionis suæ proprietate pulsatos, ac de genuinis gentis vitiis notatos redeamus, Cornuto interim Florentino adeo nobis iniquo, cuius & illa sunt lib. 4. cap. 14. Gallos homines esse ingenio simplici atque barbaro, lib. 12. cap. 3. Gallicam insolentiam ridendo fidem frangere, victis illudere, lib. 8. ca. 3. quorum commentarij aspiciendi sint, non probandi, non hic inquam, deest quod tum pro nobis respondeamus, tum in illos regeramus, sed præterquam quòd aliud agimus, imò de peculiaribus gentium moribus & ingeniis nõ nisi obiter agimus, nõ magis velim externos, quàm nostrates, quod ait Vergilian⁹ Æneas 2. Æneid.

Gallorum ingenium.

crimine ab vno omnes discere. Extāt Forciāne
quæstiones, quibus varia Italorum ingenia ex-
plicantur, si quis nosse voler.

Cretenses igitur vel tandem absoluamus:

Quæ olim Aëria & à cæli temperie Macare, si-
ue Macaronesos Martiano, lib. 6. in Thracia,
pòst Cureta, & per syncopen Creta dicta, ho-
die à Metropoli vocatur Candia, fortassis à cā-
dore, solis Sicilia & Sardinia in toto Mediter-
raneo minor, Cypro maior, ex vrbibus vel c.
vel xc. quarum circiter xl. Plinij atas nouerat,
eidem enumeratas, Extant hodiēque non pau-
cæ, quarum ad minimum decem suos præfules
habent Religione Romanos, cum populares
Græci sint, si me modò verè Bononiæ docue-
runt Græculi. Noxiis animalibus caret, serpen-
tibus, lupis, vulpibus, aliisque quadrupedibus,
atque noctuis, nec aliundè importata nutrit,
Æliano de animalib. lib. 5. cap. 2. hoc malū ha-
bet, si qua mulier dentibus aut vnguibus homi-
nem læserit, mori aiunt sauciatum. Vatis post
heroïca secula tyrannis seruiit, qui optimū gē-
tis statum euerterunt, Barbari, Cilices, Alexan-
dri successores, donec victo Antiocho Roma-
ni eam Metello duce, inde Cretico dicto, deui-
cerunt. Ecclesias habuit celebres, ex episcopis
veteribus clarissimos in historia Eccle. Pinytū
Enosiū, & Philippū Gortyneū. Collabente O-
rientis imperio ab Alexi concessam Bonifacio
Mōtisferratēsi, Veneti emptā anno 1194. dirio-
niq; suæ adiectā iam plus ccc. annis possident.

Macare &
Macarone-
sos olim, post
lopost Cure-
ta & mox
Creta dicta.
Cretenses ea-
pise. decem.

Molieres
Cretenses
quam noxia
dentibus &
vnguibus.

Cretensium
euerfio.

Veneti Creta
ex Dominis

*Maluaticū
vinum.*

*Vinum Cre-
ticum.*

Vinū passū.

*Cretica histo-
ria velut sup-
plementum.*

Hæc Volaterran. lib. 9. Vadianus in insulis Me-
diterraneis, Munsterus in Italia & Græcia. For-
tè ad eorum vètres pertinet vinum optimum,
quod & Maluasium vocant siue Maluaticum,
Munsterò à Malua in Chio insula monte, Sed
Rhodigino, lib. 13. cap. 11. lib. 28. cap. 39. Creti-
cum, aut aliò ex Creta aduectum, quod à vere-
ribus passum dici quidam opinantur. Meminit
& inter Græcorum vina laudatissima, Cretici
Ælian. in varia historia, lib. 12. cap. 31. Petrus
Martyr Anglerius vbi suprà, àno circiter 1500.
scribebat non aliud eos quicquam scire aut cu-
rare, quàm vineas, greges, & armenta, ex quib⁹
vini & casei copiā immensam exhauriant, quo-
rum prouentuum permutatione, cætera sibi iu-
cunda aut necessaria comparant. Sed quoniam
semel res Creticas tractare cœpimus, age, à su-
perioribus omissas suppleamus ex Zonara, &
secutis eum Rerum Constantinopolitanarum
Græcis historicis, nō ita nuper Latinis. Sub im-
perio Michaëlis Balbi Amorrhæi bellis ciuili-
bus occupato, Agareni Occidentales ex Hispa-
nia locorum angustiis coacti Cretam petierūt
& subegerunt, passo tunc martyrium Cyrillo
Gortynæ episcopo: Ab eo tempore Cretenses
in seruitutem redacti, & Agareni facti, vario e-
uentu à Romanis petiti sunt, victi modò & vi-
ctores, sub Michaële Theophili filio Cycladas
insulas & oram maritimam prædati, Basilium
Macedonem ceciderūt, Ægæi maris oram sub
eo populati, & Peloponnesum vexauerunt, ad

Cenchreę portum cremati tamen sunt & submersi. Aduersus eos infœliciter pugnavit Constantinus Leonis filius, Fœlicius Roman' puer subactis eis, Candace Metropoli vastata, ducibus captis. Alexius Comnenus eandem insulã ad Turcos deficientem Romano imperio recuperavit. Nicetas autor est, Balduini Flandri imperio Genuēses Piratas, homines alioqui ab iectissimos, per mercaturę speciem in Cretam traicientes, & insulares hostiliter aggressos, totius insulę fuisse potitos. Apud Gregorã, lib. 4. cap. vlt. sub Palæologo Romani cum Creten-sibus dubio Marte pugnantes victi tandē sunt. In fragmentis Pachymerij, lib. 9. Creta, sub Andronico Palæologo seniore, venetę ditionis fit. Volaterrano vbi suprà, sub Hérico duce rebellans per Andream ducem anno 1343. sub iugū missa, pro qua motus varios inter Venetos & Genuenses scribit Sabellicus Ennead. 9. lib. 5. 6. Rerum item Venetarum Decad. 1. lib. 9. 10. & Decad. 2. lib. 1. 4. Sed nã super Creten-sibus priscis & modernis nimio plus quàm pro theologo.

Supereſt poſtremum, primo tamẽ loco pro-poſitũ. Hęc ita ſanẽ ſint. Sed cur à Græcis pro-ducit teſtimonium? aut quis fideli teſtium infi-delium ſiue profanorum uſus? quid opus? quod vè commodum? multum per omnem modum. Huius autẽ rationem Græci hęc reddũt, quod homines tum maximè reuincimus & pudefaci-mus, cùm nequitix ipſorũ teſtibus propriis ac

*Teſtimonio
infidelis non
nunquam r-
tendiſſi fidelis.*

*Deus saepe
ministerio
maiorum usus.*

*Deus cum Iu-
dæis fere sem-
per ex pro-
phetis agit.*

*Paulus Iu-
dæis Iudæis.
cum gentili-
bus agit ex
ipsorum do-
ctrinis.*

domesticis utimur, & accusatores constituimus qui apud reos fuerunt admirabiles, facit hoc & Deus, semper & ubique sese ad salutem nostram demittens & condescendens, Balaamum permittit verè, si non bene, dicere ac prophetare, Num. 22. 23. 24. Arcam ab alienigenis captam, captoribus maxima plaga percussis, reduci à bo- bus seu vaccis sinit, 1. Reg. 6. quod illorum a- rrioli suggererant, & remittendam consuluerat, Sic eos suorum ore corripiens, & à consuetis sibi attrahens, Saulem per pythonissam, quod id genus mulierculis credulus erat, quæ se mala erant deprehensura, audire facit. 1. Reg. 28. 1. Pa- ral. 10. Magos astronomiæ deditos, non ange- li, non prophetæ, non Apostoli aut Euangeli- stæ ministerio, sed proprio ac vernaculo illorum signo, stella nimirum, admonet, ducit, ac redu- cit, Matth. 2. Cum Iudæis contra perpetuò pe- nè ex prophetis agit, nisi quod aliquoties velut exprobrat gentes, quod deos suos non mutet, Hier. 2. publicanos, qui se diligentes diligunt, ethnicos qui se salutantes resalutant, Matth. 5. peccatores denique, qui erga se beneficiis æqua- lia reddunt, Luc. 6. Quasi pater dignitatis suæ non habens rationem, cum nobis puerulis bal- butit, nec diferta quadam locutione, alimenta, pocula, eduliaque appellat. Ita Paulus factus Iu- dæus, 1. Cor. 9. Iudæis nihil ex Euangelio loqui- tur, omnia prophetis testimoniis expedit. Quid ergo? num ex iisdem locis cum gentibus ageret? atqui non crederent, sed iis qui sine le-

ge erant, quasi sub lege nō esset, quōd iis fidem non haberent, qui fidei domestici erant, testes opponit proprios & domesticos, nec hoc tantum loco, sed & alibi nō semel. Ad Corinthios & ipsos græca facundia expolitos, de menādri comædia versū sū p̄sit tragicū Iambū, 1. cor. 15. *Colloquia mores praua corrumpunt bonos.* Cum Atheniēsis in Areopago ex Arato disserit, sum pro ex eius Phænomenis hemistichio, *Huius enim & genus sumus.* quod à poëta illatum est, cū paulō antē dixisset, *Iouis omnia plena* De Ioue ab Arato dicta Paulus ad Deum retulit. Et Iustissimè quidē, Nam quæ Dei sunt propria, Ioui peruersè ascripta, Deo vero restituit, Dei enim nomen ipsius tantū est, falsō diis ac Idolis impostū. Hoc autē Paulū rarō facere cū Hieronymo notādū, id loci potius quā ostērationis opportunitate exigēte, in apū morē, quæ mella ex diuersis florib⁹ cōposita fauorū cellulis coaptare solēt. His (ait idē Esa. 50.) qui prophetarū fidē non recipiebāt, autorū tuorū loquitur testimoniis. Hoc autem faciebat, quia acceperat linguā (vt ait propheta) eruditā, lxx. disciplinā, vt sciret quando oportebat loqui verbum, cui addita est auris per gratiā atque disciplinam, quam per naturam non habebat. Vnde autore vbi suprā, in martionem Epiphanio, cōtra quosdam græcorum linguam ad fastū iactantes, & quōd Atticē, Æolicē, Doricē, Ionicē loquerētur, Corinthi turbas cientes agnoscit linguas donum esse spiritus, 1. Cor. 14. sed vel hoc magis quam

*Ioui ad scripta
Dei
sunt deo ad
benta.*

*Paulus lxx.
disciplinam
notat.*

Paulus Hebraicam linguam a Gamalielte didicit.
Paulus Græca lingua peritus.

Græcorum poetarum aliquid veritatis inest.

iplos linguis loqui, quòd Hebræus ex Hebræis, Hebraicam diuersæ & locutionis, & cum sapientibus variegatam ad pedes Gamalielis didicisset, 2. Cor. 11. Phil. 3. Act. 22. Græcæ etiam appositis poetarum Græcorum testimoniis, peritiam se singularem ostendit habuisse, sed male se interpretando in Ecclesiæ aurem ad ædificationem, quàm sese per vtriusque linguæ, cuius gnarus esset, ostentare magis quàm ædificare. Nam & stilus indicat talem in disciplinis Græcis fuisse, cui non potuerint Stoici, Epicurei, reliquique Athenis philosophi resistere, Act. 17. Et huius exemplo Clemens 1. Stromatum fatetur in Græcorum poetis etiam aliquid inesse veritatis, nec erubescendum nos differentes ad eorum utilitatem, quorum ipsi curâ gesserimus, Græcis vti poematis. Quod & hic ex Glossa repetit Aquinas, licere sacro doctori, ut & diuinæ licuisse autoritati, veritatis, vndecunque & vbicunque inuenerit, testimonium sumere, quod quidem necessarium fuerit, nec sic tamen omnia ibi scripta confirmantur, aut tota Gentilium doctrina probatur, Sed bonum, quod à quocūque dicitur, à Spiritu sancto est, eligitur, & malum respuitur, Esa. 7. Psal. 33. 1. Thess. 5. Sed de usu, & abusu, profectu, & periculo in Gentilium lectione, præfati sumus hoc quo hæc commentamur, Anno 1564. in sacras Heroides, reliquum breui daturi, si per Amannensem, qui mihi nunc desit, liceat.

Quam ob causam increpa illos durè, vt sani sint in fide, non intendentes Iudaicis fabulis, & mandatis hominum auersantium se à veritate. Omnia munda mundis, coinquinatis autem & infidelibus nihil est mundum, sed inquinatæ sunt eorum & mēs & conscientia. Confitentur se nosse Deum, factis autem negant, cum sint abominati, & incredibiles, & ad omne bonum opus reprobi.



RETENSIVM malos mores graphicè descripsit, sequitur remedium, nimirum reprehensio, & huius finis, in fide sanitas, & debitus ad eum finem perueniendi modus, cum Christianismo Iudaismum non confundere, *Quam ob causam*, quia tales sunt, & talibus assueti vitiis, quia docent quæ non oportet, falsa persuadent, ferarū ritu sanguinem sitiunt deceptorum, impudentes, fraudulentī, subdoli, ad confingenda mendacia, dolōsque neſtendos prompti, vētri præterea, & inerti otio dediti. *Increpa illos*, nō aliter vtique, sed peculiariter tibi creditos Cretēſes argue, redargue, velut flagello, camo, & freno indigentes constringe, Psal. 31. & 67. *Increpa* feras arundinis, nec verò molliter vt soles, sed *durè*, ſeuere, acriter, asperè, opus enim habet vehementi obiurgatione, siue verborum acri-

*Peruersi ac
refractarij
duriter ar-
guendi: mi-
tes ac man-
suuileniter.*

*Increpationis
adhibenda
cautio.*

*Heli lenitas
reprehensa.*

Titus lenis.

monia, neque qui talibus moribus præditi sunt, & superstitiones malæque sua alia mordicus tenent, sub imperium facile rediguntur, apud eos nihil promoueret lenitas aut mansuetudo, qui mitem atque mansuetum acrius ferit, confundit, ita qui peruerso adulatur, aut eum blandius demulcet, corrumpit, ne se agnoscat, nec sic ad rectum aut meliorem frugem adducit. Discretim, variè, nec pari modo omnibus infligendum reprehensionis vulnus, est ubi altius & profundius infligendum, est ubi minus profundè, est ubi exerendum, & mitius agendum. Dura ergò corda penetret increpatio dura, cum austeritate nimirum, & pontificali imperio, non ut Heli propter familiæ iniquitatem damnatus, aut saltem reprehensus, 1. Reg. 2. quam corripiebat lenitate patris, non auctoritate pontificis. At Sapiens, Via, inquit, vitæ, increpatio, Prouer. 6. Committit hunc locum Theodoretus cum alio 2. Tim. 4. increpa cum omni patientia, & respondet, iis qui nondum crediderunt, placidè ac leniter tradendam esse doctrinam, eos autem qui credere profitentur, & quæ fidei repugnant committunt, medicamentis asperioribus curandos. Respondet & Thomas duplicem esse exhortationis huius rationem, nam siue hanc consideres ex eorum parte qui reprehenduntur, Cretenses ut duros & peruiaces, duriter fuisse reprehendendos, non etiam Ephesios, siue ex eorum parte qui reprehendebant, Titus lenis & mansuetus

inducitur quasi ad cōtrarium, arguere cum imperio, infrā cap. 2. Timotheus vir austerus & rigidus, ad patientiam. Sic antea locos illos composuit Gregorius locis ibi per nos indicatis, vbi de virga cum lenitate pastori in corrigendo grege coniungenda, plura. Extat Gregorij Nysseni oratio aduersus eos qui castigationes egrefferunt, in qua inter alia sic distinguit inter Moisaicā & Euangelicā castigationē, vt inter verbera & verba, Illic plagarum (ait) decades quatuor permanent, Deut. 25. hīc non ita, siquidem omnium sermo est misericordia & virga, 1. Cor. 4. adhortatio vel plaga, non enim tibi verbera inferimus, vt seruo, sed te castigamus, vt liberū; Tibi ex Sara genus, non ex Agar, Gal. 4. Reueremur te liberē filiū, non dedecoramus, vt ancillæ progeniem. Ob id peccantem te liberis increpationibus tangimus, non corpus pūgentes, sed animum cruciantes. Quod si ab hac re abstineamus, quo te pacto castigabimus? Docēdi ratio est tractatu difficilis ac varia, quę semorib' vt sese offerūt, accomodet. Est aliquis obediēs, & ad instituendū animo facilis: huic lenis & mitis sermo conuenit: alius durus & indocilis: verberibus eget. Quid igitur faciemus, cū virgę non conceduntur? eūne nulla cura dignabimur? Non ita sanē, sed eum verbis ad aliā atque aliam formā rei subiectę accommodam, cōcinnatis traducem', vtq; obsonia cōdimētorū exiguo additamento ad cōtrarias qualitates permutantur, ex acri in dulce, ex dulci in acre,

*Tim citha
austerus.*

conuerſa, ita ſermo noſter figurarum adiectio-
 ne ad varios uſus transformandus, ut quod cu-
 iuſque educationi cōgruit, intelligatur. Et pau-
 lō antē, Durum & contumacem Dauid emol-
 liens, ait in camo & freno cōſtringendas illius
 maxillas, Pſal. 31. ueluti oleo adhortationibus
 mitigans, Incurua (inquit) ceruicem, præcepta
 ceu iugum ſubi. Quod durum eſt cōſtringitur,
 quod cedit atque flectitur, rectum efficitur,
 quod te etiam in plantis docet experientia, nè
 lupato dentibus compreſſo rapiaris in præcipi-
 tium, aut barathrum, ſed accommodata manui
 ſeſſoris ceruice, ad uitam, quæ te ſeruet, rectā
 ducaris: Cum increparis, dic animo religioſo,
 Bonum mihi quod humiliaueris me, ut diſcam
 iuſtificationes tuas, Pſal. 118. Nè igitur in angu-
 lis de me obloquaris, aſperum nominās dicen-
 di genus, neu cum tuis participibus communes
 mei reprehentiones faciens, aſſideas, Episcopū
 cum uanitatis conſeſſu iudicans. En Episcopa-
 lem, ut ſic loquar, duritiem, in uerbis tunc, non
 in uerberibus ſitam. Nam carceres, & hu-
 iuſmodi corporum coërtiones, cum domi-
 niis temporalibus beneficio & deuotione prin-
 cipum acceſſiſſe puto. Grauiſſima tum erat
 Eccleſiæ pœna excommunicatio, de qua ibi
 multa Nyſſes. nec mortalis tamē, ſed me-
 dicinalis, ut colligitur ex ca. Corripientur, 23.
 q. 4. Omnis enim Eccleſiaſtica ſiue lenitatis,
 ſiue aſperitatis in Chriſtianos finis eſt, *ut ſani
 ſint in fide*, de qua fidei ſanitate in utraque ad

*Excommuni-
 catio, grauiſ-
 ſima Eccle-
 ſiæ pœna.*

Timotheum, hoc item capite paulò antè, & sequenti: ad quam fidei similitudinem, doctrinæ sanitas appellatur, sunt & sermones sanitatis, & sana verba. Insistendum ergò præcipit in reprehensione illorum, vt conuerti possint, rectè credant, & in catholica fide perseuerent, in fidei tanta puritate, quæ non infirmetur, aut vllò tabescat languore perfidiæ, vt nihil alienum, illegitimum, adulterinū, vel gentilitium, vel Iudæicum inducant, sed quæ iusta sunt, & legi Dei condigna sectentur. Vt homo sanus est, in quo non corruptio, sic in fide sanus, qui eam in nullo corruptam habet, ea vitatur per errores & hæreses. Timeo (aiebat) ne corrumpantur sensus vestri, & excidant à simplicitate quæ est in Christo, 2. Cor. 11. hoc autem verbo frequenter vitur Paulus, quo Græci significant, quicquid probandum, vnde illud *μηδὲν ὑγιὲς*, nihil sanum, cū omnia displicent. Hic igitur [vt sani sint] nihil aliud, quàm vt rectè se gerant, vt è contrario *νοσῆν*, agrotare Græcis dicitur, qui non rectè est affectus. Modus autem perueniendi ad sanitatem fidei est, si vitemus errores Iudæorum, *non attendentes fabulis Iudaicis*, quas hoc loco Græci exponunt, non legem, sed legis peruersam & præuam, quæ afferebatur à Iudæis, interpretationem: Veteris enim legis, reliquæque totius scripturæ libri, qua ratione forent fabulosi, cū Euangelicam inde veritatem doceamur? & legem enim adimplere se dixit Dominus, non soluere, Matth. 5. Implere

*Sanitas fidei
& doctrina.*

*νοσῆν quis
dicatur Græcis.*

Fabula Iudaicaque intelliguntur.

*Legis imple-
tio per Chri-
stum, qua in-
telligatur.*

*Iudaismus nō
levis ægritu-
do.*

*Mos̃ addi-
ti.*

autem tum modis aliis, tum à Scribis & Pha-
risæis perperam intellectam & expositam, be-
ne ibidem interpretando; & malè ab eis intel-
lectæ expositæque eos passim insimulando,
Mat. 15. 22. 23. Mar. 7. 12. Luc. 11. 20. Ioan. 5. 7. 8.
quòd legis externâ modò, non etiâ internâ ob-
servationē vrgerent, cū ea intus vel impleatur,
vel violetur: quòd legis minutias persequen-
tur, & seria omitterent, quòd se à Mose, Dau-
de, reliquisque prophetis prænunciatum, præ-
sentem interficere quærent. Iudaica item fa-
bulosa posse dici duplici ratione; & quia cum
etiam in suo vigore forent, futurorum umbra,
& figura veritatis essent, non corpus, non veri-
tas, 1. Cor. 10. Gal. 4. ἀνυπόβουµενα, Col. 2. Hebr.
10. & quia intempestivè fiūt, & ipsorum enim
tempus præteriit. Et hoc ergò modo Iudaism⁹
non levis ægritudo est, res inopportuna, intem-
pestiva, inutilis & noxia, Cuius ritus si fiunt,
cū faciendi non sunt, facti non sunt: iis se
subiicere, ad eos relabi, & legis se servituri
atque iugo submittere, non est eius qui Chri-
sti fidem & gratiam credat ad iustitiam &
salutem valere ac sufficere, sed infirmi in fide,
Rom. 14. diffidentis & infidelis indicium, imò
certum argumentum. Consentiunt & La-
tini, quòd nescientes vim scripturarum, &
interiora verborum legis, colorem sequun-
tur, non saporem. Ideo fabulas dicuntur nar-
rare, non veritatem, putantes nunquam rece-
dendum ab iis quæ Moses tradidit, iudiciis

& ceremoniis, de ciborum dierumque discrimine, de diuortiis, de domorum nedum hominum immunditia, cum sciant primores suos patriarchas sine his iustificatos, & Dei amicos appellatos, Et propheta contestetur quòd quia legem Dei profanauerant, præcepta eos accepisse non bona, & in quibus iustificari non possent, Ezech. 20. Dominus ad duritiem cordis hæc partim scripta, Matth. 19. Marc. 10. Petrus iugum minoribus atque maioribus importabile, Act. 15. Nam si vtilia fuissent, cum lege tunc in tabulis data fuissent, sed quia post eam æditam, post tot signa & prodigia irreuerentes, diffidentes, & ceruicosi inuenti sunt, talia tantæque mandata acceperunt, in quibus non respirarent, hinc factum, vt & boni laborarent cum malis mercedem accepturi. Hæc ergò in vindictam data, & tempore, quo Dei donum promissum aduenit, per eius misericordiam relaxata, non intelligentes Iudæi, sub iugo permanent, & aliorum per Christum libertatem his volunt vinculis obligare. De talibus autem reducendis quæ ij docent, fabulæ sunt, non rei veritatem habent. Cum enim legalia Mosis per Christi mortem mortua sunt, quicquid post de necessaria eorum obseruatione dicitur, falsum & fabulosum. Si quis ergò post Christi aduentum conciditur, non circunciditur, Philip. 3. Roman. 2. quia circuncisio cordis in spiritu, non litera, Si quis pascha agit, non in azymis synceritatis & veritatis, 1. Cor. 5. vt

Præcepta nō bona vnde dicta,

Legalium abolitio.

exterminet ex anima sua omne vetus fermentum malitiæ & nequitiae, Iudaismo seruit, fabulas attendit, & umbras sequitur veritate neglecta. Multò magis si vel paulisper Iudeis acquiescamus, & sapientium apud eos patienter ineptias audiamus, tunc intelligemusque sunt Iudæorum fabulæ, nulla vel autoritate scripturæ, vel rationis assertione anilia & fabulosa fingentium, de quibus toties alibi Paulus, 1. Tim. 1. 4. 2. cap. 4. Et quibus locis cum quidam legis & prophetarum aduersarius, aduersus eos abuteretur, quasi Apostolus sua eos sententia condemnaret, Augustinus contra eundem blasphemum lib. 2. cap. 1. respondet Iudæos præter scripturas legitimas & propheticas, traditiones quasdam suas ab utrisque alienas habere non scriptas, sed memoriter retentas, & ab altero in alterum loquendo transfusas, quas ipsi *δευτερώσεις*, vocent, Apostolum fabulas aniles & profanas appellauisse catholicus lector intelligit. Idem serm. 20. in Psal. 118. quas *ἀσολισχίαι*, alij fabulationes, alij delectationes verterunt, ad easdem Iudæorum *δευτερώσεις*, accommodat, continentes præter diuinarum scripturarum canonem milia fabularum, quasi in sermone cum quadam delectatione exercitationes, seu verbis delectabiles sed non ut lex tua Domine, ut in qua me veritas, non verba delectent. Ad has Iudæorum præter legis doctrinam narrationes, vel potius fabulationes, non videretur Apostolus cum hæreticis vetus testamentum condemnasse, referendus

hic

*Traditiones
Iudæorum.*

hic cum similibus locus. Tale ferunt esse Talmut, tam Euangelio antèrius, quàm posterius. Talmut
Iudeorum
 Addit Aquinas in lege dúplicia fuisse documēta, fidei scilicet circa credenda, quædam circa Dei cultum seruanda religionis mandata, vtræque credibilia inquam, & agibilia, diuinitus quidem certè instituta, sed nunc prout à Iudæis intelliguntur, fabulosa, ad eò vt quod olim fuit veritas, Verbi gratia, Virgo concipiet, sit prout ab eis hodie creditur, fabula, nimirum vt ab eis dicitur nondum hoc esse impletum. Prophētia ergò ab Esa. 7. prædicta, & à Matth. 1. citata, si vt adhuc implenda dicatur, est fabula. Quo etiā modo intelligas licet quod sequitur, *et mandata hominum*, quia mādata quæ in lege Dei sunt, Hominū mādata
data quasi sunt
 facta Iudæis sunt, at Iudaizantibus post manifestatam veritatem, iam sunt hominum, non Dei mandata: Nam cum seruarentur in signū futuræ veritatis, Dei vtique mandata erant, postquam verò corpus nostrum legi mortuum est, Rom. 7. iis qui ea seruare volunt, fiunt hominū mādata. Et hæc enim quæ olim sub lege fieri Deus mādarat, vbi aduenit tempus gratiæ, eadem vt non fierent mandauit. Quod si etiam in lege nemo iustificatur apud Deum, quantò minus in mandatis hominū? quicquid enim aduersum veritatem opponitur, humana inuētio est. Sic alibi Paulus monet, nè post legem mādatorū (vtique legalium) in decretis (& ritibus, seu cēremoniis) sitam, à Christo euacuatam, Eph. 2. 4. postquā peruenimus in vnitatē fidei,

in agnitionem filij Dei, in virum perfectū, in Christi mensuram & plenitudinē, iam nē fluctuemus vt paruuli, neu circumferamur omnivento doctrinæ in nequitia hominum, in astutia ad circumventionem erroris (hoc est, versutia qua nos adoriuntur, vt imponāt nobis) veritatem autem facientes in charitate, crescām⁹ in eo per omnia, qui est caput, Christo. Sic & quidem clarius ad Colocenses secundo, Nemo vos decipiat secundum traditionem hominū, secundum elementa mundi, non secundum Christum, in quo habitat omnis plenitudo, seu perfectio. Et subdit, Nemo vos iudicet in cibo, potu, parte seu respectu aut discrimine diei festi, nouilunij, sabbatorum, quæ sunt umbra futurorum, corpus autem Christi, Si enim mortui estis cum Christo ab elementis huius mundi, quid adhuc tanquam viuentes in mundo decernitis, aut decretis tenemini, Nē tetigeritis, gustaueritis, attrectaueritis? quæ omnia in interitu sunt, seu pereunt ipso abusu, secundum præcepta & decreta hominum. Si quis ergò, quod paulò pòst ait initio cap. 3. non resurgens cum Christo, nec quærens ea quæ sursum sunt, sed quæ deorsum, hæc adhuc vetera Mosaica dicit, hic sequitur iustitias non bonas, & præcepta non bona, ait, hic cum Hieronymo Ambrosius, & obseruat mandata hominum umbras mordicus retinentium. Vbi autem est veritas & lex spiritualis, Romano. 7. ibi iustifica-

tiones bonæ, præcepta optima, quæ qui fecerit, viuet in eis. Est & altera vt fabularum antè Iudaicarum, sic & humanorum mandatorum hoc loco expositio, de seniorum traditionibus, *Seniorum traditiones* de quibus Dominus in Euangelio eos redarguit, quòd Dei mandata reiicerent & irritarēt, vt suas traditiones statuerent, qualem impropèrat quā de parentibus non honorandis impietatem docebant filios suos, Mat. 15. Marc. 7. frustra Deum colentes, docentes doctrinas & mandata hominum, verè hominum, nō nisi humana, carnalia, & terrena sapientium, Phi. 3. de quibus adhuc paulò pòst videro. Qui ergò hęc, de qua toties Apostolus, fidei & doctrinæ, & verborum sanitatem habent, legalibus mosaïcis non amplius addicti sunt, & multò minus Pharisaïcis seruiūt. Empti, ait alibi, estis pretio magno, 1. cor. 6. 7. & nō corruptibilib' auro vel argento, sed pretioso agni immaculati Christi sanguine, de vana vestra conuersatione paternæ traditionis, 1. Petr. 1. hoc est, quam ex patribus veluti per manus acceperatis, nolite ergò fieri serui hominum. Sed nunquid non hominum vllorum mandatis obediendum? non magistratuum, non principum, non Episcoporum, non parentum, non pastorum, non herorum, non maritorum, non prophetarum denique & Apostolorum, qui vtique homines sunt? *Hominum datis quatenus obediendum.* Obediendum sanè, & in omnibus, & per omnia, Sic enim alicubi, nec semel, Paul' loquitur, sed non *aversantium se à veritate*, seu veritatem

auerfantium & abhorrentium, quasi terga ob-
uertentium veritati Euangelicę, gratię ac liber-
tati noui testamenti, quin etiam legis veritatē,
hoc est, spiritalem intellectum recipere nolen-
tium. Auerfantibus autem nos à veritate vel
angelis, nedum hominibus, anathema, Gal. 1. &
cum principibus Apostolis respondendum, Si
iustum est in conspectu Dei vos potius audire
quàm Deum, iudicate: obediendum Deo ma-
gis quàm hominibus, Aët. 4. 5. & magna voce
cum Mathathia respondendum, Etsi om-
nes gentes Regi Antiocho obediant, vt di-
scedant vnusquisque à seruitute legis patrum
suorum, & consentiant mandatis Regiis: ego
& filij mei, & fratres mei obediemus legi pa-
trum nostrorum (haud dubiè Dei, nam sequi-
tur) propitius sit nobis Deus, non est nobis vti-
le relinquere legem & iustitias Dei, non audie-
mus verba regis, neque sacrificabimus, trans-
gredientes legis nostrę mandata, vt eamus al-
tera via, 1. Mach. 2. & 2. cap. 7. Septē fratrū Ma-

*Mathathia
constantia.*

*Machabæo-
rū fortitudo.*

*Christianis-
mi & Iudais-
mi & genti-
limi commi-
stio.*

chabæorum martyrum quartus, potius est ab
hominibus morti datos spem expectare à deo.
Septimus, idem natu minimus, Non obedio
præcepto Regis, sed præcepto legis, quæ per
Moysem nobis data est. Porrò sunt hic obser-
uanda 1. ex Chrysostomi ad hunc locum com-
mentario, fuisse tunc adhuc in Christianismo
non tantū Iudaismi reliquias, sed & gentilismi,
hoc est, Christianorū aliorum cū Iudæis cibos
obseruantium, vnà ieiunantium, & simul sabbata

celebrantiū, aliorū cū pagauis ad loca diis dedicata cōuenientium, vt ad eū qui in Daphne, ad speluncā quæ Matronæ appellatur, ad Saturni in Cilicia, vt infanis huiusmodi corripiēdis vehementiori flagello opus fuerit. In Romanis *Romanorū laus.* tale nihil Paulū fecisse, quod non iis erāt moribus, sed ingenio lōgè nobiliori, & mente magis pollebant ingenua. 11. Quod paulò antè dixim⁹ tot tantæque legis fuisse mādāta, vt Iudæi vix ac nē vix quidē respirare potuerint, quod Ambrosij est ad hanc literā, minus mirabitur qui legerit catalogum vniuersorum Mosis præceptorū, *Præcepta Iudeorum quā numerosa.* moralium, iudicialiū, ceremonialiū, quæ Iudæi numerāt 613. Tot nimirum negatiua, quot sunt dies in anno 365. Affirmatiua 248. quot scilicet sunt mēbra in homine. Extat is Catalogus Hebraicō latinus Mūstero interprete, cū succincta, nec minus mira, vel potius supersticiosa Rabinorum expositione, quæ aperta Dei mandata friuolis implicant magis quàm explicant commentariis. cūque additione traditionū, quib⁹ & propter quas verè irrita fecerunt Dei mandata, leuissima & minima quæq; maximè curātes, & maxima grauissimæque relinquentes. Quæ deliramenta maioribus eorum à Christo multis verbis ac diris exprobrata, locis paulò antè indicatis, mirū quàm ab illo tēpore multū aucta, non diminuta fuerint. Ferunt enim & affirmāt duplici modo tradita Mosi à Deo præcepta, ore & calamo, & scripto quidem recepta, plerūque diminuta, obscura, imò aliquando sibi ipsis (in

*Legis Mosi
danda mora
qua fuerit.*

speciē) contraria inueniri, quę minus facilē cō-
cordari possint, nisi per legē ore tenus à Mose
receptā. Nā cūm is in mōte Sinai 40. diebus &
noctibus esset, non præsumentū aiunt hebrei,
quod propter legē vnā scriptā tantum tēpo-
ris in monte exegerit, cū Deus tabulas in quib⁹
scripta lex fuit, vna illi hora dare potuerit, sed
multo tēpore fuit opus ad verā legis interpre-
tationē ei reseruandā. Hāc Moses primus excep-
pit, & Iesu successorī tradidit. Hi lxx. seniori-
bus, hi prioribus prophetis, à quibus prophetæ
posteriores acceptā tradiderunt Synagogæ ma-
gnæ, à qua didicerūt sapiētes subsequētes Baby-
lone exules, & Hierosolymā reduces, & sic à
generatione in generationē peruenit genuina
illa legis expositio, quā C A B A L A M vocant,
quasi inscriptionē, & sese habere gloriātur He-
breorū sapiētes, iuxta illud scilicet, Nē recesseris
à verbis sapientiū ad dexterā vel ad sinistrā;
Prou. 4. Aiunt etiam veritatem scripto redigi, nē
vertatur, vt lex, in aliam linguā, sed in ore tantū
sapientium adhuc inueniri. Rogati vbinā gen-
tium sint sui sapientes, respondent verpi illi, in
Babylonia, etiam si non magis quā nos, sciāt
illos esse in Babylone Iudeos. Sic memini Iu-
dæum mihi Venetiæ respondisse; cum preme-
retur Messia tempus olim iam exactū, Regem
quoque suum venisse; breui è Caspiis portis in
orbem erupturum. De quo laruatō Messia, qui
à Iudæis in hunc vsque diem frustra expecta-
tur, extat eodē Mūstero autore dialogus, vtraq;

*Iudearum sa-
pientes vbi.*

lingua Christiano cum Iudæo colloquium : In quo portentosas & absurdas gentis excæcatæ de Christo opiniones & fabulas, sed & violentas scripturarum interpretationes videre liceat. Nec verò noua est hæc de Iudaicis traditionibus traditio. Nam Iosephus Iudæorum vernaculus, indicat multas constitutiones à maioribus per manus successionem acceptas Phariseos populo tradidisse, quæ scriptæ non essent inter leges Mosais, quibus ideo Saducæi autoritatē abrogarent, dicentes oportere eas tantum seruari, quæ scripto continentur, non quæ à Patribus traditæ fuissent (quod habet Ruffini versio) hinc magnam inter utrosque exortam controuersiam, sequentibus horum partes diuitibus, popularibus illos adiutantibus: ut cū Hyrcanus abrogatis illorum constitutionibus, earum obseruatores punire cœpisset, parum apud multitudinem gratus cum filiis Rex & pontifex fuerit. Eius contrā nurus Alexandra grata apud populum esse cœperit, adeoque vel ob id maximè regnauerit, quòd si quid rituum socer abrogauerat, quos Pharisei iuxta maiorum traditiones induxerant, id totum ea denuo sanciuerit ac restituerit, Antiquitar. lib. 13. cap. 17. veteris editionis : nouæ 18. & vtriusque vltimo. Has, ut prædiximus, traditiones *δευτερώσεις*, quasi secundas aut secundarias, earumq; autores *δευτερώτας*, quasi secundos aut secundarios doctores aut magistros, cū alij, tum Hieronymus passim vocat & flagellat:

Saducæi.

Hyrcanus pō
tifex & RexAlexandra
regnum.

cuius locos quia in concione Gallica ante aliquot iam annos edita partim vertimus, partim indicauimus, nec admodum spes tantum nobis futurum otij, vt eam homiliam liceat Latinam reddere, hîc lectorem precor, vt contentus sit Hieronymianorum ea de re locorum in iudicio. Sunt autem in Epistola de Seraphin ad Damasum, Ad Algasiam quæst. 9. & 10. Super prophetas passim, & præsertim ad Esaiæ cap. 3, 5. 8. 29. 59. Ezech. 36. Osee. 3. Abac. 1. Idè argumentum postero. seculis tractauerunt ex Iudæis Christiani magna in primis cum laude Lyranus & Petrus Alphûsus in Dialogis, Rabbi Samuel in veri Messiae Parafrasi. & nostro tempore Galatinus de arcanis catholicæ veritatis, Capnion in arte Cabalistica. Sed omnium maximè ridicula, fœda, obscœna, putida de iis tradidit Hieronymus de sancta fide, Relatione ad mandatû Benedicti Papæ xiiii. anno D. 1412. in Hispania facta, duobus libellis, quorum prior Iudaismum, posterior Talmuthum impugnat. In his inquam, talia quædam sunt, quæ suppressi præliterit, vel certè nisi à perfectis, non legi, etiâsi huius recitatione ultra quinq; millia Iudeorû ad fidè cōuersa notauerit typographus Tigurin⁹, nusquam certè clarius didici quòd hic & alibi Paulus ait, eos qui veritatē auersantur, & à veritate auditû auertunt, ad fabulas cōuerti solitos, 2. Tim. 4. & qui veritatem non recipiunt, credant mendacio, 2. Thess. 2. Extat & concio nostra Gallica de Trad. Ecclî. in qua eas quæ veræ

Il faut se-
voir ces qui
sont en danger
d'être.

modò tales sunt, ab hominum commentis longè latèque differre ostendimus, vt nihil faciât, imò contra Pauli mentem faciant, qui superioribus eius scripturis aduersus Apostolicas traditiones non scriptas abutūtur. Seruanda enim Apostolorum & Seniorum dogmata & præcepta, Act. 15. 16. siue ea verbo, siue scripto tradiderint, 2. Thess. 2. Quo item sensu Ecclesiæ maiorumque conciliorum cōstitutiones, aliàs humanæ, aliàs diuinæ vocentur, & in quibus quid cauendum, quid obseruandum, in earum item vsu & abusu, quid omnibus retrò temporibus optimi quique semper desiderauerūt, nec tamen adhuc obtinuerint, modum in primis, vt nè quid nimis. Sed redeam⁹ ad Paulum. Ait ergò contra Iudeos & Iudaizātes Christianos, hæreticos, & omnes temerarios rerum censors castigat optimus, vt eleganter Bernhardus, Sermon. 66. super Cantica. *Omnia munda munda*. Ostendit in speciali superiorum dictorum rationem, in pseudapostolos docentes cum legem in omnibus esse seruādam, tum præcipuè in ciborum discrimine, inter quos putabant esse distantiam, vt aliqui mundi, immundi aliqui esse viderentur: cōtra quos plenius disputat ad Galatas, ad Rom. 14. 15. Col. 2. hic obiter tantū ostendit, primò vt se ad bonos cibi habeant, secundò vt & ad malos, & veluti sententiam proferret contra secus sentiētes, cibaria nimirum & esculenta omnia humanis vsibus esse cōcessa, non vel natura immunda, quia natura nihil ta-

Ciborum discrimen.

*Immundum
nihil prater
peccatum.*

*Mundities
aut immun-
dities ciborū*

Coinquinati

le, solum nanque peccatum immundum, quod immunda facit omnia, animas penetrans & inquinans: vel adhuc secundum legem, sed mundis, his videlicet qui per baptismum sanctificati sunt, qui in Christo credunt, quique sciunt omnia quaecunque bonus Deus fecit, esse valde bona, Gene. 1. omnem item Dei creaturam bonam esse, & nihil abiiciendum quod cum gratiarum actione percipitur, 1. Tim. 4. nihil extra hominem esse, quod in eum, siue eius os introeat, ipsum coinquinet, Matth. 15. Marc. 7. qui denique norunt qua quedam causa olim interdicta, & qua postea concessa, & ab immunditia legali Domini sic esse aduentu purgata, ut quæ is mundauit & purificauit, ea communicare aut impurare non possimus, Act. 10. 11. qua fide iusti sunt, eadem fide vniuersa quibus uti consuetudo est, sumunt, in munditia & sanctitate percipiunt: hos inquam, mundos esse, & omnia eis munda significat, Omnia quippe Deus ad vsum & sustentationem sibi seruientium condidit, catenus munda, quatenus ab eo creata, quare munda, pura, sancta, & his digna, qui mundo corde & opere Deo seruiunt. Ergo puris quidē pura sunt omnia, ut moderni quidam rectius vertendum putāt, quod his verbis Latini vtantur, de castitate sacrorum agentes. Hinc extrat apud Senecam lex, Sacerdos casta castis, puris pura, siue casta ē castis, pura ē puris sit, Declamatione 2. & lib. 2. Controuersia 2. *coinquinatis autem, pollutis, & piaculo aliquo*

profanatis, q. d. impiatis, non expiatis, vt sint à
 sacris arcendi, Ambrosio, his qui contaminati
 sunt, & *infidelibus*, eidē, sine fide, *nihil est mun-*
dum, Qui vel peccato vastante conscientiam
 impuri sunt, vel Deo non credunt, Dei donis
 digni non sunt. Qui in creatorem non credūt,
 indignum est & iniustum Dei eos creaturis vti:
 Qui superiora non intelligunt, quique legem
 carnaliter accipiunt, & tempus gratiæ à legis
 tempore non discernunt, *nihil*, nullum cibi ge-
 nus eis *mundum*, adeoque quod mundum repu-
 tant, illis mundum non est, qui non credunt iu-
 gum legis Christum donando fidem à collo
 credentium abstulisse, id est, quæ temporaliter
 in figuram data fuerant, infirmi in fide sunt, ac
 proinde sanum eis nihil, sic morbo ægrotanti-
 bus, & qui affecto sunt stomacho, amara om-
 nia, & insuauia, Sic vertigine capitis laboranti-
 bus, omnia, etiam terra, fixa licet, ac in æternū
 stet, Eccl. i. circumagi & volutari videntur. Is
 est morbi humor, affectus, & opinio, vt qui-
 bus os putet, omnia quæ offeruntur putida, pu-
 rent, oris, non elementi vitio, Ita qui in fide er-
 rant, & contra fidem atque conscientiam come-
 dunt, quod tum natura sua, tū Dei benedictio-
 ne, tum Domini purgatione, mundum purum
 que est, sibi & immundum & impurum faciūt.
 Omnia ergo pro vrescentium qualitate munda
 vel immunda, & ex eorum mente qui edunt.
 Quē enim mūdjs quę mūda sunt, immūda repe-
 rirētur? Vt igitur iis qui curiosius non inquirūt,

Vertigo capi-
tis.

Oris putor.

Similitudo
aptissima.

I. Cor. 10. pura natura omnia, si his contrà, qui
 superstitiosè quæ munda, quæ immunda sint,
 discutiunt, nihil fuerit atrectabile aut esculera-
 tum, Sed plerūque impura omnia, Nam nè pa-
 nis quidem Eucharisticus, & calix Dominicus,
 tales, hoc est, infideles atque pollutos iuuerit,
 sed edentes & bibentes indignè, ad iudicium
 edunt & bibunt, I. Cor. 11. Quorum omniū cau-
 sa subditur, non ciborum ex sua natura impu-
 ritas, sed vtriusque operum humanorum cau-
 sæ, hoc est, intellectus, & volūtatis deprauatio,
inquinata sunt eorum & mens, polluta ratio per
 infidelitatem, & *conscientia*, per peccatum. To-
 tius rei summam in eos contorsit. Nunquid in-
 quinata sunt omnia? Absit, non hoc dixit. Sunt
 opera Dei munda, & immundum ex conditio-
 ne sua nihil, sed ipsi intus mali, & sic immundi
 perperam de cibis sentientes, sua eos suspicio-
 ne, vel potius superstitione, sibi reddunt impu-
 ros & inutiles. In nobis itaque est munda co-
 medere, vel immunda. Si mundi simus, munda
 nobis est creatura: Sin immundi & infideles,
 fiunt vobis vniuersa communia, siue per inha-
 bitantem in cordis arcano hæresim, siue per cō-
 scientiam delictorum, vt ciborum non ex cibis
 sit inquinatio, sed ex videntiū vel malo peruer-
 sōque intellectu, vel mente sibi malè conscia.
 Propter quod dicit Dominus, nō quod extrin-
 secus per os in hominem intrat, cum coinqui-
 nat, (in aluum enim, non in cor vadit) Sed quæ
 de homine ex ore procedunt, hominem inqui-

*Mundum &
 immundum
 nos facimus.*

nant, ab intus & seu internis, à corde ea prodeunt malæ primum cogitationes, dein omne genus mala opera hominem verè inquinantia, Matt. 15. Mar. 7. Et Sapiēs ait ex corde quatuor rerum genera oriri, bonum & malum, vitam & mortem, quorum assidua gubernatrix, imò dominatrix lingua sit, Eccl. 37. Huius duplex officium, gustare & loqui: de gustu hactenus, nunc de locutione, fortassis enim aliquis diceret, Inquinati ij non sunt, fidem enim Dei & notitiam, non ignoratiam habent, contrà quā de quibusdam alibi ait, 1. Cor. 15. Deum vnum credunt, agnoscunt & profitentur, proinde vera sunt, non vana, quę loquuntur, hoc excludit, scio quidem, ait, quod *confitentur se nosse Deum*, se Dominum sic, vt nemo melius, nosse dicitur, vt ex lege ac prophetis sibi promissum, sed & Christianos se appellant, sed falsò: & qualescūque quod in eis erat, bonum ostēdit, quod cōfiterentur, sed summis (quod aiunt) & primoribus labiis, *factis autem negant*, eius aduentum, cū se sine lege iustificari non posse putant, quod dictum quanuis ad omnes tum hæreticos, tum pseudochristianos pertinet: hoc tamē de Iudæis intelligitur locutus, qui se Abrahæ Deum solos scire dicunt, & operibus abnegāt, vt Dominus ait, Si filii Abrahæ essetis, Abrahę opera faceretis, Ioan. 8. Quomodo ergò Abrahæ Deū sciunt, Euangelij opera non sectantes, sed legem factorū in Sabbatis & Normeniis, &c? Et corde quidem creditur ad iustitiam,

Lingua officii duplex.

Iudæi de Abraham se iactantes.

*Deus quam
multipliciter
negetur.*

*Confessio
Dei quam
multiplex.*

Rom. 10. ore autem confessio fit ad salutē, ore inquam, id est, tota extrā cōuersatione, alioqui cum Iudæis audiemus, Populus hic labiis me honorat, cor autem eorum longē est à me, seu corde procul à me recedit, Esa. 29. & Hier. 12. prope es tu ori eorum, longē à renibus. Existimant quidam in eo tantum Deum negari, si in persecutione quis comprehēsus, Christianum esse se renuat. Sed ecce, respondent post Hieronymum Sedulius & Anselmus, omnibus peruersē factis Deum Paulus negari asserit, Deus charitas est, 1. Ioan. 2. Christus Dei virtus & sapientia, iustitia, 1. Cor. 1. veritas, Ioan. 14. sanctitas & fortitudo, & his similia, quæ omnia negantur per sua contraria, odium, insipientiam, iniustitiam, mendacium, turpitudinem, pusillanimitatem, quoties vincimur vitiis & peccatis, toties Deum negamus, quem è contrario confitemur, quoties bene viuimus. Nec putemus in die iudicij eos tantum à Dei filio denegandos, qui eum in martyrio denegarunt, sed per omnia opera, sermones, cogitationes, Christus vel negat negatus, vel cōfiteretur confessus, Matt. 10. Marc. 8. Luc. 12. vt in omnibus bonis operibus & sermonibus mens Christum ipsi dedita confiteatur. Sic Augustinus ad finem in choatæ expositionis ad Rom. ex hoc & similibus locis colligit in scriptura, aliquid factis tum dici tum negari, neque Deum eos confiteri, qui oris tantum sono, non etiam bonis operibus confitentur. In Ioannis item episto-

lam tractat. 3. & 6. Christi negationem etiam factis fieri, ab iis qui eum ore confitentur, & moribus ab eodem dissentiunt. Non attendam⁹ (ait) ad linguam, sed ad facta, quiescat paululum lingua, vitam interroga. Nō audio quid sonet, video quid viuat, opera loquuntur, verba requiremus? Malus non bene vult loqui? Proinde Christi negatores non eos tantum esse, qui eum foris lingua negent, Paganos, Iudæos, hæreticos, sed & intus qui vita, omnes malos catholicos, quotquot in Ecclesia periuri, V. G. fraudatores, adulteri, feneratores, ebriosi, mendaces, &c. qui aliud loquuntur, aliud agunt, lingua profitentur, vita negant. Nolite igitur esse tanquam de fide securi, adiungite fidei rectæ vitam rectam, vt Dominum confiteamini & verbis vera dicendo, & factis bene viuendo. Hęc Beda ex Augustino. Et certè qui peccat, Deum, quātum de se est, facto negat, quia qui Deum confitetur, eius quoque potestatem quod nimirum ei obediendum est, confitetur, ideo si non obedit, facto negat quod verbo fatetur. Sed dices, Quisquis Deum negat, infidelis est, peccatores ait Deum negare, ergò & infideles esse, Respōdet Aquinas & philosophatur, Sicut habens scientiam, ita & fidem, in vniuersali, potest in particulari ille scibili errare, hic agibili corrumpi, propter affectus corruptionem, Sic alioqui fidelem suorum negligentem & incuriosum, ait noster fidem negauisse, & infideli peiorem esse, 1. Tim. 5. & alter, Qui

*Homo redit
ad Deum pa-
tria.*

*Abominabi-
les.*

dicat se nosse Deū, & mandata eius non custo-
dit, mendax est, & in hoc scimus quòd eum no-
uimus, si mandata eius obseruamus; 1. Ioan. 2.
Simulatis ergò verbis profitentes, moribus nō
solum inficiuntur, sed & sunt ad redeundum
ad Deū valde malè dispositi, per tria enim ho-
mo redit ad Dominum, per gratiam iustifican-
tem, Rom. 5. per fidem purificātem, Act. 15. per
boni operis exercitium, factores enim iustifi-
cātur, Rom. 2. hæc tria ab iis excludit, primum
cum sint, siue quoniam sunt, *abominabiles* βδελυ-
τοι, Ambrosio & Hieronymo execrabiles,
Deo odibiles, nec per gratiam accepti, profani,
nefarij, ab humanitate destituti bestialiter viuē-
do. Ambrosio perturbatores impij & irreuerē-
tes, intractabiles. Secundò fidem excludit, di-
uinis præceptis *incredibiles*, increduli, ad creden-
dum præ nimietate impietatis suæ inhabiles
& inepti, indigni etiam quibus debeat credi,
quia toties in mendacio deprehensi, Ambro-
sio & Hieronymo, inobedientes, ἀπειθεῖς, im-
persuasibiles, nulla veritatis ratione persuasi,
contumaces, dicto non obediētes, postremò,
& *ad omne opus bonum reprobī*, reprobandi. Argē-
tum reprobū vocat eos, Hier. 6. ad omnem
rem bonam inepti, ad opus in primis Deo gra-
tum & acceptum, quia sine fide impossibile est
placere Deo, Hebr. 11. Fides autem sine operi-
bus mortua est, Iac. 2. at mortui ad quiduis be-
ne operandum aut demerēdum sunt impotes,
ligatis utpote tum manibus, tum pedibus, &
clausa

clausa ianua, & lampadibus extinctis, Matt. 22. 25. Et hi ergò fide atque charitate destituti, ac proinde spiritu mortui, nihil propè, quod vel boni similitudinem habeat, operantur: Quòd si quid quod bonum esse videtur, naturali bonitate inducti, fortè faciunt, quia mentis peruerfitate sunt reproba, verè bonum non est, & talia quidem opera sunt, quæ Deum nesciunt.

Hic non est necesse de omnibus agere. Totam enim hæc disputatio est aduersus eos instituta, qui in legis confessione se religiosiores esse dicebant, cum quæ iuberentur, non facerent, affirmantes enim se colere vniuersi Deum, iis quæ vult apertè faciebant contraria: qui cum legem veterem certo tēpore circumscripsisset, quam illi illo tempore non implebāt, pro hac post finem temporis decernebant atque decertabāt. Quæ igitur ad literam, sed extra rem hic monentur, cum talia partim, vt eorum nullum non propria digressione egeret, obiter duntaxat impræsentiarum attingemus, si fortè alibi digrediendi locus fuerit, aut maius otium, imò negotij minus. Primum quod Paul⁹ assumpsit, omnia mundis esse munda, quanquam ad cibaria speciatim referendū, generatim tamen sumptum, æquè verum. Augustinus contra Petilianum, lib. 2. cap. 52. quod & habetur. 1. q. 1. ca. Dominus. more Donatistico bonos externa malorum sacerdotum cōcione pollui disputantem, inter alia multa sic respōdet, Nos dicimus tale cuique sacrificiū fieri, qualis accedit vt vel

offerat, vel sumat, & eos de sacrificiis taliū mā-
ducare dici, Ose. 9. & inquinari, qui ad illa tales
accedunt, quales illi sunt, nimirum facinorosi.
Itaque si offerat Deo malus, & accipiat inde
bonus, tale cuique fore, qualis quisque fuerit,
quia scriptum est, Omnia munda mundis. Per
hanc sententiam veridicam & catholicā, etiam
vos Oprati sacrificio polluti non estis, si facta
eius displicebant vobis. 11. Sed si vera hæc est
& vniuersalis sententia, inferat aliquis, ergo
mundis mundum est adulterium, Sic enim di-
sputabat, Anno 1520. Schismatarches, Vt nihil
iustificat nisi fides, ita nihil peccat, nisi incre-
dulitas, Impossibile autem est fidem esse sine
assiduīs multis & magnis operibus, Ergo si in
fide fieri posset adulterium, peccatum non es-
set. Eamus scilicet, & negemus hunc fuisse so-
phistam, Ex impossibili scilicet, sequitur quod-
libet. At ex id genus sophisimatibus secutū est,
vt quibus illicita sint & inaccessa nostra sacra,
plerūque licita sint furta, & accessu lustra, Sed
missa faciemus hæc. Negat hanc illationem A-
quinas, & respondet munda mundis illa esse,
quæ de se non impurant. Adulterium autem
cum similibus à Christo enumeratis, Matt. 15.
Marc. 7. vel ex hoc ipso quod adsūt, hominem
contaminare. 11. Sed nunquid è contrario im-
mundis immūda etiam eleemosyna? & vbi est
quod dicit Dominus, Luc. 11. Date eleemosy-
nam, & ecce omnia munda sunt vobis? Et hos
enim locos ita comunittit Augustinus in En-

*Sophista Lu-
therus.*

chiridio, cap. 75. 76. & citatur in Sententiis Theologicis, lib. 4. Dist. 15. quasi cum sint immundi omnes, quos non mūdāt Christi fides, Phariseis tamen eam non habentibus, infidelibus, & sic immundis, munda essent propter eleemosynam omnia: Sed cum Eleemosyna opus sit misericordiæ, qui vult eam ordinatè dare, à seipso debet incipere, eam sibi primùm dare, Miserere (ait) animæ tuæ placens Deo, Eccl. 30. Prima autem eleemosyna, quam nobis debemus, est vt nos ipsos per miserātis Dei misericordiam requiramus. Iustum enim iudicium, quo miseri effecti sumus, confitentes, & nos veraciter de nostra miseria iudicātes, Deique charitatem magnam, quam donauit, diligentes, ei que gratias agentes, bene viuamus. Quod iudicium & Dei charitatem Phariseos prætereuntes, foris lotos, intus rapina & iniquitate plenos, Christus admonet quādā eleemosynam esse, quam homo sibi primitus debet dare, & interiora mundare, Dei inquam, iudicium & dilectionem, qua eleemosyna possitis (ait) ab omni inquinamento interiori mundari, & vobis munda essent corpora, quæ lauat, hoc est enī *omnia*, & interiora scilicet, & exteriora, sicut alibi legitur, mūda quæ intus sunt, quæ foris sunt, mūda erūt. Aliter verò soluit Aquinas, Apostolū nō esse affirmatiua vñ, nec dixisse, omnia immūdis immūda, quasi peccator & infidelis eleemosynā faceret immūdā, sed negatiua, nihil eis mūdum, perfectè scilicet, nihil

*Eleemosyna
vt facienda.*

enim in opere mūdū, nisi in debitū finē ordinatum: Sūt autem infideles extra finem. Talibus ergo, in quantum huiusmodi, & secundū quod infideles sūt, aliquid facientibus, rotū est peccatum ex radice, quia omne quod non est ex fide, peccatum est, Rom. 14. quod utique sit ex infidelitate, iuxta illud, Esa. 2. Qui incredulus est, infideliter agit. Sed quoniam bonum nunquam sic à malo rotum corrumpitur, quin in peccatore, adeoque vel in dæmonibus, naturæ scilicet aliqua tillum supersit, si quid facit peccator ex principio alicuius quod habet, vel naturæ inquam, vel fidei informis, non est necessarium immundum esse. Hoc posterius ad viuum nunc non excutio, dabitur fortè alibi locus, & quæ sequuntur, propiora sunt literæ.

Bonum à malo nunquam in totum corrumpitur. Dæmonibus etiam aliqua tillum naturæ superest.

Cur ita multa immunda in lege prohibita.

IIII. Cur ergo tam multa quasi immunda, Mosis lege prohibita? Græci respōdent, Legislatorem quendam interdicentem, non simpliciter egisse, quasi ea forent immunda, nihilōque magis temere egisse, Sed ita hominibus gulæ deditis luxum, vel certè bonam deliciarum partem amputasse, nec sic tamē obtemperaturis, aut à voluptate in totum temperaturis, multo minus persuasurū, siquidem causam hāc obiecisset, nunc autem immunditiæ eos nomine terruit. Alioqui eorū quæ Iudæis permisit, quædam si expendantur diligentius, nihilo mūdiora reperias. Quid enim pisce immundius, præsertim ubi humana cadauera depastus fuerit? Nè aues quidem munda sunt, etiam cortales,

Piscis immundus. Aves immunda.

vt gallinæ tot fordibus & vermiculis vescētes.
 Ceruus quoque mundus scilicet, qui quod ser-
 pentes deuoret, apud Græcos nomen accepit ^{ελαφος}
 ελαφος. Et vinum an non immundum, suum ^{unde dictum}
 ex humo, fimo, stercore humorem attrahens? ^{seruum.}
 Multaque alia eis per legem relicta, si curiosius
 inspiciantur, immunda erunt. Ambrosius non
 longè abludit ab hac Mosaici ciborum dele-
 ctus ratione, quam qui non intelligant, accusa-
 tores esse Scripturæ, Si bona (inquiunt) facta
 leguntur, cur interdicuntur quasi execrabilia?
 Si execrabilia nō sunt, quia bona sunt, propter
 cordis duritiam noscuntur interdicta, quia in-
 digni habiti sunt tota Dei creatura, & à quibus-
 dam melioribus prohibiti. Qui hæc, & huius-
 modi non intelligunt, immundi sunt, polluti
 sunt, quia creaturam Dei accusant, vt excusent
 semetipsos. Fuit & sua Augustino de hoc sen-
 tentia, in Faustum, lib. 30. cap. 5. lib. 31. cap. 4.
 Paulū cibos natura & creatione mundos, Mo-
 sem significatione immūdos appellasse. Quod
 hoc exemplo Aquinas fecit clarius, hoc nomē
stultus, secundum se sumptū, quatenus vox est,
 mundum est, bonum est, quā verò defectum sa-
 pientię significat, sic habet immunditiem. Ita
 porcus, vt res quædam est, mundus est, immū-
 dus, quā significat hominē in voluptatibus sese
 volutantem, Prou. 26. 2. Petr. 2. Abstinebāt er-
 gò primi illi patres à quibusdam, non ea tamē
 damnandi, sed significandi gratia. hæc autē ad-
 ueniente veritate cessauerūt, & cœperunt ho-

Porcus quia
 re immundus

mines cibis vti secundum naturam suam. Proinde eos, qui iam tempore reuelationis noui testamenti, adhuc illas futurorum umbras ita custodiendas putarent, vt sine his gentes salutem quæ in Christo est, percipere nõ posse cõtenderent, *immundos* dicit Apostolus, quòd carnaliter saperent, & *infideles*, quòd Gratia tempus à legis tempore non discernarent, quibus ideo *nihil mundum*, quia & his quæ respuebāt, & his quæ sumebant, non sanctè nec iustè utebantur. *Omnia ergò munda mundis*, secundum naturam, in qua creata sunt, non tamen omnia iuxta significationem munda, primo populo Iudæorum, nè nobis quidem omnia, vel propter salutem corporis, vel propter consuetudinem humanæ societatis, apta sunt, sed cum sua cuique redduntur, & naturalem ordinem seruant, omnia munda sunt mundis. V. Considerandum est nè hæc tractantes, occasionem hæresi demus, quæ iuxta Apoc. 2. & Paulum 1. Cor. 8. 10. Idolothytiis vescendum putat, quia omnia munda sunt mundis. Hic Hieronymus responderet Paulo nunc non fuisse propositum de immolatiis disputare, sed aduersus Iudeos qui secundum legis abolita disciplinam quædam munda, quædam adhuc arbitrabantur immunda, nam & munda esse omnia alibi dixit, Rom. 14. secundum fidem, ei autem immunda, qui immunda putat, & tunc ab eis esse temperandum, cum per offensionem accipiuntur, id est, interprete contra Adimantum Augustino,

Idolothytiis
non vescendū

cap. 14. cū quis infirmus putat sibi ab omnibus
 carnibus abstinendū, nè incidat in immolati-
 tiā, & ideo manducantem arbitratus in Idolorū
 honorē id facere, ex eo grauiter offendatur, cū
 immolatiitia si à nesciente, nec interrogāte, ex
 fide accipiat, neminē maculet. vi. Et postre-
 ma quēstio de sanguine atque suffocato, à qui-
 bus abstinendum decreuerunt in Concilio A-
 postoli, Act. 15. 21. non ergò mundis, seu fideli-
 bus omnia munda, & esu licita, respōdet Aquinas
 quosdam sensisse mādatū hoc ad literam
 intellectū, hodiēque obligare, vt & apud Græ-
 cos, & diutulē apud veteres Latinos. Alios ad
 mysticum sensum referentes, per sanguinē, ho-
 micidium: per suffocatum, oppressionem intel-
 lexisse pauperū. Et hoc quidem aliquid est, sed
 nō tota præcepti ratio, & hoc ergò ad literā præ-
 ceptū intelligitur, nec tamē nūc obligatorium.
 Quædā enim prohibētur, quia mala, & hæc sim-
 pliciter vitāda sūt, quædā nō simpliciter, nec ex
 se mala, sed pro tēpore ac causa subsistūt vel ca-
 uēda vel seruāda. Suffocati ergò & sāguinis esū
 Apostoli prohibuerūt, nō quia secūdū se malū,
 cōtrariū enim dixerat Dominus, & vbiq; prædi-
 cabat Apostolus, sed hac ratione, quòd ad Chri-
 sti fidē cōuerforū cū alijs Iudæi, alijs gētiles, opor-
 teret autē vnū ex vtriusq; fieri populū, vt Iudæis,
 quibus hæc esu illicita erāt, & abomināda, gēti-
 les cōdescenderēt, ad seruādā inter hos & illos
 pacē atq; vnitatē, Apostoli hæc esse pro illo tē-
 pore cauenda instituerūt. Vt hunc ergò cōclu-

*Sanguinis
 suffocati ab-
 stinentia.*

*Prohibitio
 duplex.*

*Temperantia
manducandi
& bibendi.*

damus, nos cum Augustino, vbi paulò antè,
teneamus Apostolicam disciplinam, dicen-
tem quòd omnia sint munda mundis, serua-
ta tamen Euangelica moderatione, vt non gra-
uentur corda nostra cruditate & vinolentia,
Luc. 21. & cum eodem Confessionum, lib. 10.
cap. 31. Immunditiem non obsonii, sed cu-
piditatis timeamus, in tentationibus gulæ po-
siti, certantes quotidie aduersus concupiscen-
tiam manducandi & bibendi, frenos guttu-
ris temperata relaxatione & constrictione te-
neamus, &c. Postremò quàm hic & similes lo-
ci aduersus infidelium in cibis errores à Ca-
tholicis bene torti, contra Ecclesiasticum ci-
borum delectum, nulla infidelitatis suspi-
cione vitiatum malè retorti olim iam
sint, ac etiamnum retorqueantur, &
diximus, in 1. Tim. 4. & in opere
quod de Abstinencia iandiu
parturimus, vita comi-
te dicemus.

*

CAP. II.

Tu autem loquere quæ decent sanam doctrinam, in omnibus te ipsum præbe exemplum bonorum operum, in doctrina, in integritate, in gravitate. Verbum sanum & irreprehensibile, ut his qui ex aduerso est, vereatur, nihil habens malum dicere de nobis.



TITVM Paulus suum in Christo filium hætenus de comministrorum ordinatione, & arcendis contrà hæreticis institutum, institui de informatione reliquæ plebis sibi commissæ: primū generatim, mox etiam speciatim. Contextū paulisper immutavi, ut partes quæ prosequendo patebāt, nulla generalis sermonis interiectione exponerem. Ait ergò, Dixi singulatim quales oportet Episcopos atque Presbyteros instituas, Nec tamen credas, ideo te à cura immunem aut alienum fore, imò eò maior tibi esse debet ad docendum sollicitudo & assiduitas. Dixi cōtrà quales sint aduersarij, quòdque quæ non oportet doceant: quanquam igitur tales sunt, infideles, immundi, reprobi, & quid non? & quales sunt, talia tum agunt, tum loquuntur. *Tu autem loquere, ne horum causa taceas, neu*

segnior fias, nè te turbent, qui contrà decent: sed quod tui muneris est, prosequere, quod tuū est, fac & doce, etiamsi illi non obediant, nec recipiant, vel si nemo obtemperet, tu tamen admone, cōsule, trade quam soles, diuinam disciplinam, *quæ decet sanam doctrinam*, q. d. loquere quæ decet vt loquaris, quæ ad Christi fidem, & Christianam vitam, & bonos mores pertinent, neque sic vt illi, sed ea propone, per quæ & super quæ fides incorrupta ædificatur. De hoc *sani* vocabulo multoties antè. Sanum hoc loco Anselmus exponit, doctrinam quæ nullum erroris aut vitiorum languorem in se habeat, non qualis Philosophorum aut hæreticorum, quæ dum ab aliis vitiis retrahit, sæpe ad alia impellit: at Christiana doctrina, & quidem sola, ab omni tum vitiorum, tum errorum languore etiam sanat, nedum sana est. Ambrosius legit, quæ decet, & sanam exponit, quæ Deum scit, & salutarem Dei doctrinam. Hieronymo quoque aliud est sanam doctrinam loqui, aliud ea quæ sanæ doctrinæ conueniunt, docere: in altero simplex tantum est institutio, in altero cum eò quod doceas, vitæ quoque correctio, Domino Discipulis præcipiente non in meditatione scripturarum ita laborandum, vt scripta tantum replices, & in memoriæ thesauro recondas, sed prius quæ præcepta sunt facere. Qui sic (ait) docuerit, & soluerit vel mandatorum minimum, minimus vocabitur, qui verò & docuerit & fecerit, magnus, Matth. 7.

Sanum.

*Doctrina
operi post-
ponenda.*

Et Phariſeorū, qui dicunt, & nō faciūt, qui aliorum ceruicibus onera imponunt, neque digito contingunt, Matth. 23. Luc. 11. talium inquam, & iuſtitiam & doctrinam, vt cælorum regnum intremus, ſupergrediamur oportet. Idem docet diſcipulum ſuum Apoſtolus, quia tunc doctrinæ ſit ſanitas, cū doctoris doctrina pariter & vita cōſentiunt, Nec enim tam verba proſunt, quàm exempla. Vnde ſequitur, *In omnibus*, ſiue per omnia, non in quibuſdam tantum, *teipſum prabe*, Ambroſio, Hilario, & Hieronymo præbens, cum Græcis *παροχόμενος*, præſtans *exemplum*, *τύπος*, formam, exemplar *bonorum operum*, rectè factorum, quod vt ab omnibus & ſingulis Eccleſiæ ſtatibus, effici nē ſit arduum aut difficile, magiſtrum formam eſſe præcipit, nihil enim prodeſt aliquem exercitatum eſſe in dicendo, & ad loquendum triuiſſe linguam, niſi & viuendo docuerit, nē vita verbū deſtruat ſed vt audēter alios corripiat, & oēs conueniēter corrigit. Sic igitur viue, vt ſis omnib⁹ bene viuēdi forma, vt qui te viderint, in operib⁹ tuis, velut in libro legāt, quod agere debeāt. Sit vita tua cōmune quoddam ſpeculū, & archetypon publicum, ſeu imago quædam primitiua, omnibus ad imitandum propoſita, omnia in ſe habens bona & honeſta, imitari volentibus quæ in te cunque viderint. Primū quidē *in doctrina*, quod eſt Epīſcopi propriū & præcipuū mun⁹. Dabo vobis paſtores iuxta cor meū, qui paſcāt vos ſciētia & doctrina, Hie. 3. cōq; pl⁹ cius,

Sanitas doctrinae.

Vita exemplū plus mouet quam doctrina.

Epīſcopi vita qualis eſſe debeat.

Doctrina, præcipuum Epīſcopi munus.

qui alios habeat sub se cōepiscopos, quibus ipse suos docendo, debet & suos cuique docendi exemplum præbere. Attende tibi & doctrinæ, 1. Tim. 4. ut & quod utile sit auditoribus doceas, & ea quæ doces quomodo fiant, ostēdas, alij exemplo tuo sciant quomodo doceāt. Sed & de vita cōmonet, *in integritate*, puritate mentis & corporis, per incorruptionem peccati, per huius enim corruptionem sic anima suam integritatem perdit, ut per membrorum corruptionem, suam corpus, ut integer (ait) spiritus vester, & anima, & corpus, in aduentum Domini seruetur, 1. Thess. 5. Est autem cū Christianis omnibus, tum maximè prælatis necessaria triplex integritas, sensus per prudentiam, affectus per charitatem, corporis per castitatē. Hieronymus sic accipit, ut incorruptio virginitatē propriè sonet, Sic enim qui virgines sunt, incorrupti, qui virgines esse desierunt, corrupti vulgò nominantur, dici quoque solet, quæ fuit olim virgo, corrupta est. Vnde existimat Titū, priusquam carnis opere occuparetur, credentē & baptizatum, virginem permanisse, ut in ea formam sui præbeat, moneri. Malunt alij ἀδιαφθορίαν, animi integritatem nullis cupiditatibus corrupti, non ira, non ambitione, non avaritia, non amore laudis humanæ, non muneribus, non acceptione personarum, vel pecuniarum, ut Anselmus, & Hieronymo inscripta Scholia, nec qualibet alia re. Bruno virtutum omnium perfectionem, ut integer sis in bonis,

*Integritas
prælatorum
triplex.
Virgines &
corrupti op-
ponuntur.*

similitérque alij tuo exemplo seruent, incorruptam hanc & perfectam mentis integritatem. *in grauitate*, non gestus tantum exterioris, aut incessus, sed vt quædam in sermone moribusq; maturitas semper appareat, & ceteris exemplo sit. Doce, inquit Bruno, cum seueritate & imperio pontificali. Castitatē alij verterunt, quod Græcè est *σεμνότης*. De quo vocabulo præter ea quæ annotauimus, 1. Tim. 3. in Episcoporum filiis, diaconis, & diaconissis, hic addendū, prima primorum Christianorum Oratoria, sed monachorum præsertim, *σεμνῶς*, vocata, quasi grauitatis, honestatis, & sanctimonix loca seu domicilia, in quibus τὰ τῷ σεμνῷ βίῃ μυστήρια μνουῦνται, καὶ τελοῦσι, honestè, sanctè, castèque mysteriis imbuebantur, eaque operabantur, siue celebrabant, eò nihil inferentes rerum ad corporis vsum necessarium, sed legis tantum libros, prophetarum oracula, hymnos diuinos, & reliqua huiusmodi, Citantibus huius voculæ, totiùsque vitæ illius scriptorem Philonem de vita contemplatiua Eusebio, histor. Eccl. lib. 2. cap. 17. & Nicephoro, cap. 16. quanquam Græcis *σεμνός*, medium est, & in vitio quoque ponitur, sic enim etiam vocant immodicè graues, & ostentabundos tum viros tum sermones, Aristophanes Isocratem irridet, vt *σεμνολόγον*. Quo magis ferendum hîc Aquinatis scholion, Graue duo habere, vnum quod descendit, sic vituperatur Psal. 4. vsquequò graui corde? alterum quod stabile & firmum est, sic dicuntur

σεμνός
vocabulum
medium.

Graue duplex.

virī graues, & commendantur, qui non facile mouentur, præsertim à bono, Psal. 34. In populo graui laudabo te, quanquam neutrobi vox Paulo hīc & alibi toties vsurpata. Vtrunque porrò legit Anselmus, & exponit, in castitate, vt exemplo tuo, & qui virgines sunt integritatem corporis intemerati perpetuò seruent: & qui virgines nō sunt, vel post virginitatis amissionem castitatis munditiam custodiant. Alio-
 qui qui impudicus est, quanlibet disertus, si ad continentiam audiētes cōhortetur, sermo eius infirmus est, auctoritatem non habet: Contrā quamuis rusticanus sit, & ad loquendum tardus, sed castus, exemplo suo potest ad vitæ similitudinem impellere. Et in castitate quidem legit Hieronymus, sed quæ & in cælibatu absque virginitate intelligi potest, vt cū Timotheo Paulus diceret, forma, seu exemplum esto fidelium, &c. 1. Tim. 4. cum multis virtutibus castitatem posuit, de incorruptione tacuit, nisi fortè castitatem accipiamus in mente, incorruptionem in corpore, iuxta id quod alibi de virgine scribitur, vt sit sancta corpore & spiritu, 1. Cor. 7. Admonet idem incorruptionem & pudicitiam & in doctrina & doctrinæ integritate interpretari posse, & sic sanè Græci legunt, in doctrina integritatem, grauitatem siue honestatem, incorruptionem, & quæ sequuntur, præbens scilicet. & exponunt, vt non corrupta vel falsa, sed sana, integra, incorrupta, vt nihil iuuenile, vel quod insipientes offendat, sapientiæ,

*Castitatis
 vi.*

*Castitas in
 cælibatu abs-
 que virgini-
 tate.*

sed à recta ratione profecta, sed grauià, veneranda, Deo digna, & pro eius dignitate depròpta: Quanquã enim quod specialiter sequitur, λέγον ἑγώ, proprium habet super doctrinæ institutione præceptum, & nemo docet, nisi qui loquitur, tamen multum refert, quomodo loquaris, Non tanquam (habent græca scholia) princeps aliquis cum tributariis aut subditis differens, sed blandè, leniter, familiariter, velut cum filiis. Hilarius lib. 8. de Trinitate, legit docentem cum veneratione *verbum sanum*, hæc enim formæ laudabilium operum, porrò autem etiam dicit quínam sint fines rectæ doctrinæ, vt nullum habeat errorum, vt suprà aut vitiorum languorem, sed omnium dogmatum sanitatem nulla falsitate corruptam, nullius adulationis accessione languentem, nihil infidelitatis admixtum habentem, rectam breuiter & orthodoxam doctrinam. *Et irreprehensibile*, Irreprehensibile quod & sic sonare potest, Quod contem- *bile quid dicitur.* ni non possit, hoc est, cum autoritate doceat, ac multo minus damnari. Vt sermo (inquit) tuæ prædicationis, vel etiam communis locutionis, non possit ab vlllo reprehendi: sic omnia suo tempore & cum decencia proferas, Alioqui ex ore fatui seu stulti parabola (sententia pronūciata) reprobatur (repudiatur, gratiam amittit, displicet) non enim dicit eam tempore suo, Ecclī. 20. non quòd vllus tantæ facundiæ sit aut prudentiæ, vt à nemine reprehendatur, reprehenduntur quippe & Apostoli

& Euangelistæ ab hæreticis & gentilibus, sed quòd nihil reprehensione dignum dicat aut faciat, nec vnde aliqua reprehensionis capi possit occasio. vel vt legit Hieronymus, *in verbo sano & irreprehensibili* præbe te exemplum fidelibus, & hoc ita fac, *vt is qui ex aduerso est*, Ambrosio, è diuerso est, profanus & inimicus fidei, qui repugnat, aduersarius, Hieronymo & Græcis, diabolus, accusator fratrum nostrorum, Apoc. 12. & quisquis ei subseruit ac ministrat, calumniator calumniari, criminator criminari, sit licet ad hæc omnia paratus, infidelis, hæreticus, aut alioqui liuidus & insidiator, qui tibi possit contradicere, si quid in te tale notauerit, dentem nobis erubescat iniicere, videns quæ verbis docemus, nos vera factis esse probare, *vereatur*, Hieronymo, Hilario, Ambrosio, reue-reatur, pudeat, moueatur, confundatur, *nihil habens dicere malum de nobis*, nihil potens dicere, vel nihil habens quod dicat, nam *ἕως* cum infinitiuo posse Græcis significat: nihil ergò mali & reprehensione dignum in nobis inueniens, vita ac doctrinæ nostræ sanitate perterritus, accusare non audeat, & nihil verisimile in accusatione confingere, oderit licet in portis arguentes, & sanctum alioqui sermonem abominetur. Cum enim & vita claruerit, & sermo vitæ fuerit conueniens, placidus, mansuetus, & modestus, magna & ineffabilis erit huius ministerij vis & utilitas, cum prædicationis inquæ, ex ore verbum non qualecunque personat, sed probatum.

probatum, quod nulla ex parte vel volentibus maledicendi ansam præbeat. Id verò fit, cum & quæ dicuntur, veritate nituntur, & quæ fiunt, eis quæ dicuntur, consentiunt, tunc maledicorū ora obstruuntur. Hic est finis doctrinæ Christianæ. Talis est quisquis ornaturspirituali gratia, & sic est Dei voluntas, vt bene facientes, obmutescere faciatis imprudentium hominū ignorantiam, hoc est, stultis hominibus os obturetis, 1. Petr. 2. & nullam demus aduersario maledicendi occasionem, 1. Tim. 5. Quæ autem hic veluti gratulatur temporibus suis Hieronymus, in nostris partim dicere, partim desiderare cogimur, hodièque reuera videri nonnullos in Ecclesiis, quanquam raros, tantæ grauitatis & continentie, vt etiam ab aduersariis testimonium habeāt, & dicatur, Vir magnus est, & sanctæ conuersationis, probisque moribus, nisi esset hæreticus: quod præcauens Apostolus, ait, vt auferam, siue amputem occasionem, his qui volunt occasionem, 2. Cor. 11. Nemo enim tam immoderatæ impudentiæ, vt solis radios possit accusare tenebrosos, & clarum lumen caligine noctis effundere. Quid autem si bonum malè, malum bene audire contingat, quantum item & quousque profanorum testimonium sacris hominibus aut sacrandis vel obesse, vel prodesse possit acdebeat, diximus pro virili, 1. Tim. 3. Hunc porrò locum sic legit & illustrat D. Hilarius vbi paulò antè, Titum Paulus, ad quem ei sermo erat, istiusmodi decreto con-

*Doctrina
Christiana
finis.*

summandæ religionis instruxit, *In omnibus teipsum bonorum factorum præbens exemplum, docentem cum veneratione verbum sanum & irreprehensibile, ut aduersarius reuereatur, nihil habens turpe, aut malum de nobis dicere.* Non ignorauit doctor hic gentium, & ex conscientia loquentis atque habitantis in se Christi (2. Cor. 13.) Ecclesiæ magister electus, morbidi eloquij grassatura esse contagia, & aduersum sanitatem verborum fidelium defæuituram doctrinæ pestiferæ corruptionem, quæ impiæ intelligentiæ suæ virus vsque ad ipsam sedem animæ demergēs, profundo serperet malo. Ex his enim ait, quorum sermo vt cancer serpit, 2. Tim. 2. latenti semper subrepentique contagio sanitatem peruasæ (aliàs persuasæ) mentis inficiens, ob quod sani sermonis in Episcopo voluit esse doctrinam, Fidei conscientiam, & exhortationum scientiam, aduersum impias & mendaces, & vāsanās contradictiones obnitentem, quarum mendaciis renitendum & contradicendū, suprà, cap. 1. Porro quod in huius periodi principio Titum, & in Tito Episcopos, suo vnūquenque gregi velut prælucere, formam ac exemplū esse, & suos dictis ac factis informare præcipit, Iure sanè quidē suo id præcipit, quod prior ipse fecerit, Phil. 3. Imitatores mei estote fratres, & obseruate eos qui ita ambulant, sicut habetis formam N O S. 2. Thess. 2. vt nosmetipsos formam daremus vobis ad imitandum N O S. Et coapostolus eius hortatur coëpiscopos, vt

fiant forma gregis, 1. Pet. 5. seu fidelibus bene ac rectè viuendi exemplaria. Greges autem & fideles noster hic vt pastorum cōuersationem & exitum intuentes ac considerantes, fidem, & Dei quod illi verbum locuti sunt, imitentur, Hebr. 13. 6. eorum denique imitatores sint, qui fide ac patientia promissiones hæreditabunt.

Quantum autem homines hominum exemplis accendantur, & si exemplorum plena sunt omnia, pauca nunc satis sint Augustini, li. 8. de Trinit. cap. 9. Quid est (ait) quæso, quod exarscimus, cum audimus & legimus, nullam in quoquam dantes offensionem, vt non reprehendatur ministerium nostrum, sed in nobis cōmmentantes nosmetipsos, vt dei ministros, in multa patientia, in laboribus, &c. quæ sequuntur, 2. Cor. 6. 11. Quid est inquam, quod accendimur in dilectionem Pauli, cum hæc legimus, nisi quod credimus eum ita vixisse? Viuendum autem sic Dei ministris, non de aliquibus auditum credimus, sed intus apud nos, vel potius supra nos, in ipsa veritate conspiciamus. Quem ergo sic vixisse credimus, ex hoc quod videmus, diligimus, Et nisi hanc formam quam semper stabilem & incommutabilem cernimus, præcipuè diligeremus, non ideo diligeremus eum, quia eius vitam, cum in carne viueret, huic formæ coaptatam, & congruentem fuisse fide retinemus. Sed nescio quomodo amplius & in ipsius formæ charitatē excitamur, per fidem, qua credimus vixisse

*Exempla quæ
moueant.*

fic aliquem, & spem, qua nos quoque ita posse
 viuere, qui homines sumus, ex eo quòd aliqui
 homines ita vixerunt, minimè desperamus, vt
 hoc & desideremus ardentius, & fidentius pre-
 cemur. Ita & hominum vitam facit à nobis di-
 ligi formæ illius dilectio, secundum quam vi-
 xisse creduntur, & illorum vita credita, in ean-
 dem formam flagrantiore excitat charitatē.
 En quàm hominis exemplum non præsentis
 tantum, sed absentis, ac nè viui quidem, sed &
 vita functi, hoc est, auditum modò, non etiam
 visum, efficax tamen sit etiam ad imitandum,
 nedum, ad diligendum. Sed adhuc propius li-
 terà hanc & rem, est quod ad Heliodorū Epi-
 scopum in epitaphio Nepotiani scribit Hiero-
 nymus, In te (inquiens) omnium oculi dirigun-
 tur, domus tua & conuersatio quasi in specula
 cōstituta, magistra est publicæ disciplinæ, quic-
 quid feceris, id sibi omnes faciendum putant,
 Caue nè committas, quod aut qui reprehende-
 re volunt, dignè lacerasse videantur, aut qui
 imitari, cogantur delinquere. Quo etiam hæc
 accommodantur, secundum iudicem, sic &
 ministri eius, & qualis rector ciuitatis, tales ha-
 bitantes in ea, Ecclī. 10. Et erit sicut sacerdos,
 sic populus, Ose. 4. Esa. 24. Quibus conueniūt,
 quæ de Regum, parentum, principumque exē-
 plis cecinerunt poëtæ. Suo enim modo Episco-
 pi, Reges, principes sunt & parentes,
In commune iubet si quid, censetque tenendum,
Primus iussa subi, tunc obseruantior aq̃ui

*Hominis etiam
 defuncti exē-
 plum quàm
 efficax.*

*Fit populus, nec ferre vetat, cum viderit ipsum
Autorem parère sibi: Componitur orbis
Regis ad exemplum: nec sic inflectere sensus
Humanos Edicta valent, quàm vita regentis.
Mobile mutatur semper cum principe vulgus.
Scilicet in vulgus manant exempla regentum.
Vtque ducum lituos, sic mores castra sequuntur,* ait
Claudianus de quarto cōsulatu Honorij Augu-
sti, & in Stiliconis laudes li. i. Dici quoque po-
test Episcopo quod ad Liuiam ab altero poëta
scriptum est,

*Ad te oculos aurèsque trahis, tua facta notamus,
Nec vox missa potest principis ore, tegi.
An melius per te virtutum exempla petemus,
Quàm si Romanae principis edis opus? Et 6. Fast.
Sic agitur censura, & sic exempla parantur,
Cum iudex alios quod monet, ipse facit.*

Et Iuuenalis 14. Satyra,
*Sic natura iubet, velocius & citius nos
Corrumpunt vitiorum exempla domestica, magnis
Cum subeunt animos autoribus,
Quoniam dociles imitandis
Turpibus, & prauis omnes sumus.
Nam si quid dignum censoris fecerit ira,
Quandoquidem similem tibi se, non corpore tantum,
Nec vultu dederit, morum quoque filius, & cum
Omnia deterius tua per vestigia peccet,
Corripies? clamore & castigabis acerbo?
Vnde tibi frontem, libertatēque parentis,
Cum facias peiora senex?
Si damnosa senem iuuat alea, ludit & infans
Bullatus, paruoque eadem mouet arma fritillo, &c.*

Origenis
lamm.

Sed omiſſis alienis noſtra repetamus. Inter ea quæ nimius alioqui forſan in laudibus Origenis ſcribit Euſebius Cæſarienſis, ad vim & in ſuadendo efficaciam exempli, ſiue vitæ cum doctrina iunctæ, ſpectat, quod & Euſebium ſecti quidam renarrât, non multitudinem modò per eum ad Chriſti fidẽ acceſſiſſe, ſed & ad eius ſcholam gentiles, Philoſophos, adeoque hæreticos ventitaſſe, atque ex eiùſdem ludo proſectos eſſe multos vtriuſque ſexus martyres, ſectatores ipſius & diſcipulos. Obtinebat autem hæc, quia non verbi tantum doctrina, ſed & operis exemplo docebat, & auditores ad eum vndique confluebant, & confluentes, ad Chriſtum conuertebantur, per hoc quod geri ab eo videbant, quæ docebantur: prorsus enim orationi vita congruens reſpondebat, & de eo (ſicut aiunt) dicebatur, **HIC EST.** qui quale verbum, talem habet & vitam, & qualem vitã, tale habet & verbum, cuiuſque qualis eſt doctrina, tales etiam ſunt mores: quales item mores, talis eſt quoque doctrina: quoniam & quæ docet, agit, & quæ agit, hæc eadem docet, noctu, diu, publicè, priuatim. In vigiliis & ieiuniis penè iugibus, abſtinentia plurima, continentia fortè nimia, adeo nulla obtreſtationis, aut ſiniſtræ alioqui ſuſpicionis occaſione aduerſariis relictæ, vt & apud infideles atque philoſophos magnum nomen eius, & ingens eſſet gloria: quando & Porphyrius Chriſti fidelium inſectator, eum vti Chriſtianum crimi-

natus, vt philosophicè, Christianè, & legitimè
ex instituto professionis suæ viuentem, etiam
contra eum scribens admiratur, Histor. Eccl.
lib. 6. cap. 3. 4. 5. 15. Nicephor. lib. 5. cap. 4. 5. 6.
7. 12. 13. Haymo de Christianarum rerum me-
moriam lib. 6. cap. 3.

*Senes vt sobrii sint, pudici, prudentes,
sani in fide, in dilectione, in patien-
tia.*

PROPOSITAM in generali
doctrinam distinguit per partes
& species, & singulas hominum
conditiones, ætates, omnes sta-
tus & gradus instruit: liberos
primùm, deinde seruos, senes &
iuuenes, mares & fœminas, Sic quid omnes &
singulos deceat, quæ quibus apta sint, & con-
ueniunt, decenter præcepta constituit, vt sermo
eius, vitæ morūque sit regula. Tu ergò, ætate li-
cet iuuenis, loquere tamen senibus, *Senes*, Am-
brosio seniores, quos Scholia Hieronymo in-
scripta intelligi posse tum ætate, tum ordine
adnotant, Ecclesiæ præcipuè seniores, siue
consiliarios, siue ministros sacros, quibus pri-
mùm quam omnibus deinde formam præ-
beant, eam doctor Ecclesiæ constitutus, prior
præbeat necesse est: quanquam hîc, vt 1.
Timoth. 5. malo cum Græcis de senectute, non

dignitate agi, & *πρεσβύτης* natu grādes exponere, quos enim seniores dicere solemus, Græcis *πρεσβυς*, & senes, *γερωνίας*. nam senex apud eos *γέρων*, dicitur, non *πρεσβύτης*, grandioris etiam ætatis, & plenum dierum posse dici seniore, hoc est, Presbyterū. Hinc intelligi potest, quia hoc Abraham appellatus est, quando mortuus est, Proindè omnis senex etiam Presbyter, nō omnis Presbyter etiam senex, quia plerunque hoc est nomen ætatis, quæ infra senectutē senectuti vicina est, & ex hoc etiam à senectute nomen accepit, sed & Græcis maximè in scriptura *πρεσβύτερος* & *νεώτερος* dicuntur, etiā si ætates iuuenū cōparētur, quos dicim⁹ maiorē & minorē. Hęc Augustinus variis in locis, De Genesi contra Manichæos, lib. 1. cap. 23. locutionum super genesim, cap. 70. In Psal. 104. *ut sobrii sint*, vel sobrios esse, vel hortare supple, vel oportet, ut subaudiunt scholia Græca. Sunt bona quedā, ad quæ senectus disponit, ut voluptatum contemptus, & corporalium delectationum, quæ præcipuè cōsistūt in cibo, potu, venere, ad quas senilia corpora, nō ut iuuenilia, deferuescente nimirū naturæ calore, excitantur. Sic Berzellai octogenarius, iussus, vel magis rogat⁹ à Dauide aulam sequi, securè ibi & quierè cum eo alendus, respondit, nunquid vigent sensus mei ad discernendum suaue & amarū? aut me delectare potest cibus & potus? aut vltra possum cantorū cantatricūque voces audire? Reuertar obsecro, domū meā, &c. 2. Re. 19. Prætulit ergo

Berzellai pul-
chrum ex-
plum.

Berzellaus rem domesticam regio conuictui, *Domestica*
 negans senem se Regiæ voluptatibus frui pos- *vita.*
 se, & per ætatem, vllam è cibo potuvè capere
 voluptatem, aures magis ad tibiærum, reliquo-
 rumque, quibus aulici se solent oblectare, in-
 strumentorum sonos habere obturatas, roga-
 re proinde, sibi cum bona Regis gratia liceat
 suo more domi viuere, Ioseph. lib. 7. Antiquit.
 cap. 10. Pudeat huius exemplo retorridos & de *Aulica vita.*
 crepitos aulicos, & quidem, si Deo placet, mo-
 nachos & episcopos. Sobrios ergò Latini, non
 remulentos, vino nō deditos, sed in cibo atque
 potu temperatos, hic exponunt, ne iunioribus
 exemplum præbeant ebrietatis: aut etiam vigi-
 lantes, *νιφαλῆς*, quòd hæc vox vtrunque Græ-
 cis significat, hic contrà obseruantibus, senectū *Senectutis vi-*
 tem, præterquam quòd ipsa morbus est, quos- *tia.*
 dam habere morbos, & vitia sequi propria, qui-
 bus iuuenta careat, vel certè non ita sit obno-
 xia, tarditatem, segnitiam, obliuionem profun-
 dam, sensuum obtusionem, iracundiã. hoc igitur
 corrigit, & quòd tardi ferè sint & somnicu-
 losi, vigilare iubet, vt attentis, vigiles, prompti
 sint, admonet, quæ in ea ætate fieri vix patian-
 tur, *pudicis*, & ad pudicitiam quoque senium di-
 sponit, postquam (ait Sara) consenui, & Domi-
 nus meus vetulus est, voluptati operam dabo?
 Gene. 18. *σεμνός*, Ambrosius graues, Hierony-
 mus honestos vertit, hoc est, seueros, & hone-
 statem præ se ferentes, vt ætatis grauitatē mo- *Senum gra-*
 rum grauitas decoret, quod è contrario ferè *uitas.*

dum ineptiant, & repuerascant, *prudentes*, in respiciendis cauendisque malis, & in eligendis atque faciendis bonis, ut cum solerti discretione faciāt omnia, ut nouerint docere iuniores. Sed & ad hanc virtutem disponit hæc ætas, ob longi temporis experiētiā, in antiquis est sapientia, in multo tempore prudentia, Iob. 12. Ecclī. 25. Quā speciosa veteranis sapientia, gloriosus intellectus, & consilium, corona senū multa peritia. Quin & in Plauti Trinummo, Sapientia ætas condimentum est. At Græci *σώφρονες*, modestos & moderatos interpretātur, ob animi moderationē, quibus *σωφροσύνη*, quasi *σωφροσύνη*, hoc est, *φεινῶν σωτηρία*, dicitur præcordiorum vel mentis sanitas, *παρὰ τὸ σώας ἔχειν τὰς φρένας*, ut sanos & incolumes animos habeant, cum contrā quidā id ætatis sint, qui immoderatus excandescant, & tantum non insaniant, alij vino, alij mentis imbecillitate. Nam in senibus temperantiam à lasciuiā aut libidine requirere, fortē superfluat, quod hanc eos in confesso sit habere. Suo contrā more Hieronymus pudicos hic vertit, & nē videatur absurdē senibus præcipi pudicitia, addit, nē in aliena ætate luxurient, & iam frigido ad libidinem sanguine, exemplo sint adoleſcētibus ad ruinam. Sic in Sedulij fragmentis, Sobrij, nō luxuriosi, pudjci, nō libidinosi. Lyrano sobrij & honesti sunt in omnibus actib⁹ moderati, quod exigit ætatis maturitas. pudici, casti, quia contrarium in eis valde detestabile, ut in quibus frigescat

*Pudicitia ab
surdē senibus
præcipiatur.*

calor naturalis: prudentes in agibilibus, quod & in iis diuturno experimento acquisitum esse debet. Hæc ergò tria quatuorvè senectæ cōveniunt. Sed si ad ea hæc ætas disponit, quare ad eadem monet Apostolus? Respōdet Aquinas, interim ex magna peruersitate cōtingere, vt senex ad puerilia peccata reducatur, & puer fiat, cētenarius licet sit, Esa. 65. Sensu nimirū paruulus, nō malitia, 1. Cor. 14. Idque duplici ex ratione cōtingit, aliter enim ad hæc iuuenis, aliter senex mouetur, ille ex passionis impetu, hic electione. Idque rursum propter duo, nemo enim delectari non appetit, & tantò plus, quātò grauiores sentit molestias, patiuntur autem multa senes incommoda, multos naturæ defectus,

Circumsiluit agmine factò

Morborum omne genus,

Subeunt morbi, tristisque senectus. & huiusmodi

poëtica, vt rectè dixerit philosophus morbū esse aduentitiam senectutem: Senectutem morbum naturalē, de Generatione animalium, lib. 5. cap. 4. Qui ergò non habet spirituales delectationes, corporeas vt plurimum querunt. Sed & senes, quia huiusmodi & multa experti, plerūque inuerecundi, minus certè quàm iuuenes, verecundi, ideòque minus quàm hi pudore naturali refrenantur, & fit vt prorsus alij quàm quos hic requirit Apostolus, euadant, ebriosi, minus graues, impudici, imprudētes, de quibus scripturæ locos indicauimus, 1. Tim. 4. & 5.

Ex tribus hominum generibus, quæ se odisse

*Senectus ipsa
morbus.*

*Senum insa-
tuatio ex
duobus.*

dicit Sapiēs, tertio loco reponit, senem fatuum
& insensatum, Ecclī. 25. Infatuantur autem se-
nes ex duobus, cū enim prudētia, vt reliqua,
exercendo acquiratur, & excolendo augeſcat,
qui se in iuuenture honestis studiis non occu-
pant, nihil mirum si in senectute stultescant.

Quæ (ait vbi suprā, Syrachus) iuuenis non cō-
gessisti, ea quomodo senex inuenies? Est & alia
ratio, quia luxu interim & voluptate diffluunt,
& iis superfluo cibo, potu, venere, cerebrū sic-
catur: Vino autem quisquis oblectatur, & sice-
ram ceu temetum amat, id est, ebrietatem, non
erit sapiens, ait alter, Prou. 20. hinc vbi antè a-
pud Ecclesiasticum, pro fatuo & insensato ver-
terunt alii adulterum *μοιχόν*, & mentis impo-
tem, siue mēte captum. Et verò ea ætate, quod
& prædiximus, libidinis ardor naturalis minui
deberet ac extinguī, mentis contrā vigor auge-
ri, vsūque rerum & prudentia confirmari, vt
monstrum quoddam esse videatur senex impe-
ritus & impudicus, cūque omni ætate fœda
sit libido, tum senectæ multò fœdissima, 1. Of-
ficiorum. Et libellus de XII. abusionum gradi-
bus, cuius tandem cunque sit, secundum facit,
senem sine religione, talem scilicet in homini-
bus, qualem in lignis arborem, post flores cul-
tori suo fructus non exhibentem, multisque
morbis quasi corporis domum iam iam ruitu-
ram prænunciantibus, de futuræ vitæ aditu pro-
perè comprehendendo minus cogitantē. Ca-
uēdas igitur duas ei particulas, quæ in eius car-

*Senis imperi-
ti & impudi-
ci probum.*

ne non veterascunt, & hominem totum secum ad peccandum trahunt, Cor videlicet, quod nouas semper cogitationes machinari non desinit, & linguam, quæ impigrè quicquid cor senserit machinari, loquitur. Ne hæc totam eius harmoniam decipiant, & per res ineptas reliquam corporis illudant grauitatem. Considerandum quid eminenti dignum ætate sit, nè quid agat, quod eam, vitamque totam vilè reddat. Sed redeamus ad Paulum, Denique senes iubet esse sanos, quòd & insaniat senum vulgus,

Et quod sit sapiens, desipit ipse magis, ait de sene Cornelius Gallus. Sed sanos in fide, vt hanc integram, & nullius erroris admixtione, nullo infidelitatis vel perfidiæ languore infirmam habeant, & primùm fidei habentes sanitatem, audiāt à Salvatore, Fides tua te saluam fecit, fide facti Abrahæ filij, fide iusti, fide quisque sua viui, & iuxta fidem mortui, Qualis alibi enumeratur fidelium vtriusque sexus, etiam in lege, Sanctorum catalogus, Heb. 11. vt & in eadem fide valeamus, atque syncerè credamus. Et hoc quoque, vt superiora senibus plerunque difficilia, nè dicam contraria, quorum quòd aliqui non sint fide sani, maximè si quod eis nouum credendum proponitur, quod contingere ex duobus hic philosophatur Aquinas. Senes enim in aliquo, præsertim nouo faciles non esse solent, multò minus firmi, propter sapietiæ præsumptionem. Hinc B. Iobo dicenti, quòd Do-

Fidei cōmendatio.

minus senum doctrinam & consilium auferat, respondet Eliphaz Themanites, Quid nosti, quod ignoremus? quid intelligis, quod nesciamus? Et senes & antiqui sunt nobis, multò vetustiores quàm patres tui, Iob. 12. 15. Et ideo nō facile credunt aliis, pudétque quod Flaccus ait, *Qua iuuenes didicere, senes perdenda fateri.*

Senum incredulitas.

Naturale item senum vitium est, incredulos esse se, quia experti sunt se sapius esse deceptos. Ideòque loquuntur vt plurimum, cum [fortè] vel [ferè] aduerbiis temperatiui & dubitatiui modi. Incredulitas autem, fidei repugnat, iuxta illud Esa. 21. Qui incredul⁹ est, infideliter agit, & Ioan. 20. Noli esse incredulus, sed fidelis. Est autem sanitas vt fidei, de qua toties dixim⁹, sic & charitatis, de qua sequitur, *in dilectione*, Dei supra se, & ex toto se, & proximi, vt sui ipsius, sic enim eam diuidit, & cum Domino partitur, Matt. 22. Marc. 12. qui eius sanitatem possidet, sicut domesticos, sic & alios omnes diligit, Matt. 5. Luc. 6. etiam inimicos. In Deum ergò atque proximum charitate senes resplendeant, vt quæ forma sit fidei, Iac. 2. legis plenitudo, Rom. 13. Gal. 5. & ad id monet propter duo, quòd in senibus contrà parum, vt plurimum sit, amicitia, hæc enim cōiuctu nutritur, nemo autem, vel certè rarus, conuiuere velit cum senibus, quia tristibus, *Oderunt hilarem tristes, tristémque iocosi*, ait Horatius, lib. 1. Epistolarum ad Lollium. At verò, *Lætitia iuuenem, frons decet tristis senem*, Seneca in

Hippolyto. Ideo non diuturna cum eis amicitia, vt qui etiam propter vtilitatem diligant, indigent enim sustentatione, & quod ait apud Ciceronem Cato, exacto itinere viaticū quærūt. Iuuenes è contrario, propter oblectationē. Sic Aquinas. Est autem fidei & charitatis vt sanitas, sic & infirmitas, & vt ita dicam, modicitas, unde toties Dominus, quid timidi estis? quid dubitasti? quid cogitatis inter vos modicæ fidei? Matt. 6. 8. 14. 16. & de extremis temporibus, Luc. 18. Filius hominis veniens, putas inueniet fidem in terra? Sed & sæpe Paulus admonet in firmos in fide atque conscientia, à firmioribus suscipiendos, supportandos, & lucrificandos, Rom. 14. 15. 1. Cor. 8. 9. 1. Theff. 5. Sumit & de scripturis exemplum Hieronymus, eorum qui in charitatis infirmitate sunt, Cū multiplicata fuerit iniquitas, refrigescet charitas multorum, Matt. 14. ea quippe calida est in his qui feruent spiritu, friget in aliis atque languet, & glacialis est, & gelida. Timendum ergo ne quando hac charitatis infirmitate superemini, &c. Reliquum Hieronymianæ monitionis in Adolescentulis mox videro. Postrema senibus commendatur sanitas in Patientia, Rectè sanè, ea quippe senibus congruit vel maximè, Siquidem senectutem minimè decet impatientia, vel iracundia. Commodissimum ergo eis præceptū, vt nullo impatiētiae vel murmurationis lāguore infirmetur, vt nō frāgātur aduersis, gloriētur magis & gaudeant in tribulationibus,

*Infirmitas s
dei & chari-
tatis.*

*Patientia se-
nibus congruit
vel maximè.*

Rom. 5. Iac. 1. forti ferant excelsòque animo,
 quæ à veritatis hostibus inferuntur, molestias
 & tentationes. Mirum tamen quàm facilè ex-
 candescant, & leui de causa cōtristentur, ac de-
 iiciantur, Si tamen id mirum, primùm quidem,
 quia *Multa senem circumueniunt incommoda*, quod

Memoria se-
 num, quæ.

ait in Arte Flaccus, difficilis, querulus, &c. Me-
 mores item sunt bonorum & commodorum,
 quibus iuvenes clarebant, senes carent,

Lacedamo-
 niorum τρι-
 χορία.

Nos quoque floruius, sed flos fuit ille caducus, ait
 in tristibus senex Naso. Et in triplici Lacedæ-
 moniorum choro, quem τριχορία vocabant,
 iuxta triplex ætatum discrimen, senum in pri-
 mo ordine siue serie, hæc erat cantio,

Senum contē-
 ptus.

Nos fuimus olim strennui Iuuentuli, Plutarchus in
 eorum institutis antiquis, & in libello, Quo pa-
 cto laudare se quispiam possit. Miserum istuc
 verbum, & pessimum, *Habuisse*, Plautus in Ru-
 dentibus. Terentius in Sene se excruciente.

Senum spes.

Sed & contingit eos à iunioribus & inferiori-
 bus despici, Nunc me (Iob aiebat cap. 30.) de-
 rident iuniores, quorum patres non dignabar
 ponere cum canibus meis. Postremò, quò ma-
 gis fini propinquant, hoc plus desiderant viue-
 re, & nemo tam senex, qui nō putet, aut etiam
 speret annum superesse se posse, ait qui & vbi
 antè, Cato. Quin Herodes ille, decrepitis licet
 apud Iosephum, lib. 1. de bello Iudaico, cap. 17.

Herodis senis
 dictum.

neque senex (aiebat) adeo sum, vt de me citò
 desperetur, nec voluptatibus assuetus, quæ ado-
 lescentium vitam spatio breuiore concludunt.

Diuini-

Diuinitatem verò sic coluimus, vt in longum nos æuū progressuros esse credamus. Et hæc dicit tyrannus crudelissimus, ix. vxorum viri. Quantò melius apud Clementem lib. 10. Recognitionum, Petrus, Incertum est etiam iuuenibus vitæ tempus, senibus iam nec incertum, non enim dubium, quin quantuncunque est quod putatur superesse, breue sit. Ideoque vtròsque oportet esse de conuersione & pœnitentia valde sollicitos, &c. Ex hoc fortè loco Marcella vidua iunior Cereali longæuo proco manus danti, posse & senes diu viuere, & iuuenes citò mori, eleganter lufit, Iuuenis quidem potest citò mori, senex diu viuere nō potest, Scribit in eius Epitaphio Hieronymus, imò verò

Ventura memores iam nunc estote senectæ,

Sic nullum vobis tempus abibit iners. ait in re multò alia poëta de Arte. Sentiētes ergò se senes deficere, tristantur. Patientia igitur, cū omnibus Christi fidelibus, tum senibus in primis necessaria, Hebr. 10. Et in hac sanus quoque sit oportet, qui in fide & charitate sanus est, nihil enim prodest superiora habere, nisi omnes diuitiæ & mercimonia, quibus onusta nostra nauis est, in tempestate seruentur, & perflantibus hinc inde ventis, absque naufragio, quæ bene parta sunt, liberentur. Qui enim perseuerauerit vsque in finem, hic saluus erit, Matt. 10. 24. Et verò qui charitatis sanitatem habet, non

*Charitatis
sanitas.*

omnia credit, sperat, & sustinet, 1. Cor. 13. Qui sint ergò sanę doctrinę, Paulus hætenus ostēdit, vt minus sobrios, minus graues, infideles, sine charitate, impatientes, insanę doctrinę discipulos significaret, his enim operibus nescitur Deus, neque iustitia eius. Sic Ambrosius, apud quem in textu deest præpositio *in*.

Digressio quarta.

Senes, seniores & presbyteri vt accipiantur. Hæc satis ad literam. Senum porrò, seniorum, & presbyterorum non vna est in sacris literis acceptio, Est vbi ad ætatem, vbi ad sapientiam, vbi ad auctoritatem hæc vocabula referuntur. Quorum locorum, quia numerosi admodum sunt, obseruationem simul & distinctionem petat lector ex Benedictinis Concordantiis. Hic autem vocantur non grandæui tantum, sed & iudices siue magistratus, & doctores, & primarię alioqui auctoritatis homines, nimirum quòd hæc non nisi natu iam magnis, vt debentur, sic deferebantur, etiam apud infideles multò post Romanos, de quibus Fastorum 5.

Non nisi post annos potuit tunc curia seros.

Nomen & ætatis mite senatus habet.

Seniores.

Quales selegit Dominus de senibus Israël lxx. seniores, quibus partitus est Moses in ea regenda republica, onus & spiritum, Exod. 24. Numer. 11. Ante quorum etiam delectum regebantur illi à senioribus, Exod. 3. 4. 12. 17. 18. pro quo significatu Latinus interpres

reliquit vocem Græcam passim in libro Iudith 6. 8. 10. 13. 15. Esd. 6. Bar. 1. Dan. 13. fit crebra in vtroque testamento, cum sacerdotibus & principibus eius populi, senum & seniorum mentio, qui cum eis regerent & iudicarent, aut eis à consiliis essent, Qui sedebant in portis, vbi tum exercebatur iurisdic-tio, Deut. 21. 22. vnde propheta quæritur senes defecisse de portis, Thren. 5. Et in ordinatione custodum domus Domini siue tem- pli, 1. Paral. 26. Missæ sunt sortes per fami- lias in vnanquaque portarum, ad portam au- tem australem erat seniorum concilium, quo- rum assidentium consilij & iudicij meminit, 1. Esdr. 10. & 3. Esdr. 9. Est etiam crebra in Euan- geliis & Actis Apostolicis, seniorum cum sa- cerdotibus, sacerdotumque principibus, & templi magistratibus conuenientium, & con- silia ineuntium memoria. Cum Scribis item & Phariseis Seniorum, hoc est, legis docto- rum, & scripturæ interpretum aduersus Chri- stum tentationes & traditiones, de quibus su- præ, cap. 1. Fuisse autem suos vt synagogæ vete- ri, ita nouæ siue primitiuæ Ecclesiæ, Seniores, non tantum episcopos & presbyteros, sine quo- rum cōsilio nihil ageretur in Ecclesia, diximus ex Ambrosio, 1. Tim. 5. & iam tum obsolescisse, doctorum fortè negligentia, aut etiam super- bia, dum sibi volunt aliquid videri. De quibus Lucas, Act. 11. 15. 21. Horum cum pastoribus & doctoribus erāt exhortationes, castigationes,

*Seniorum of
ficium.*

cenfuræ, reliquæque Ecclesiæ disciplina, vt testatur in Apologetico cap. 39. Tertullianus ita, Præsident probati quique seniores, honorem istum testimonio adepti, non pretio, &c. Horum item erat officiũ, pauperibus prospicere, lites dirimere, &c. Orphanis, ait ad eos Petrus apud Clementem epistola 1. exhibere vos patres, Viduis virorum curam impendite, cum omni castitate quæ necessaria sunt, præbentes. Ignorantibus artificia, exquirite honestas, quibus victum quærant, occasiones, artificibus operam prouidete, debilibus misericordiam facite, & cætera quæ suprà, cap. 1. in hospitali presbytero diximus, & quod citatur 11. q. 1. cū aliquot similis argumenti, ca. Si qui ex fratribus negotia habent inter se, apud cognitores seculi non iudicentur, sed apud presbyteros Ecclesiæ, quicquid illud est, dirimatur, & omnimodò eorum statutis obediant, pondera, mensuras, stateras pro locis quibusque æquissima custodite, deposita fideliter restituite. Hęc inquā, vel horum certè bonam partem procurare magis spectat ad seniores Ecclesiæ laicos, quàm ad clericos, verbi nimirum diuini, & sacramentorum ministros, etiamsi Petrus hanc ad presbyteros doctrinā, nullo medio post eam quæ ad episcopos, & ante eam quæ ad diaconos pertinet, tradidit. Seniorum autem vt præcipua erat erga pauperes cura, tantùm, inquit Paulus, vt pauperum memores essemus, Gal. 2. & facta tum fame magna, Christiani habitantibus

in Iudæa fratribus subsidiū singuli, prout quisque habebat, ad Seniores miserunt, Act. II. pauperibus indubiè, prout opus habebant, per eos distribuendum. Ita præcipua tunc erga senes erat reuerētia, quod & attingimus, 1. Tim. 5. *Senum reuerentia.*

De his extat canon 83. Concilij Carthaginensis 4. Pauperes & senes Ecclesiæ plus cæteris honorandi sunt. Quidni, cum & apud profanos, ut canit Fastorum 5. Ouidius,

Magna fuit capitis quondam reuerentia cani,

Inque suo pretio ruga senilis erat.

Et Satyra 13. Iuuenalis,

Credebant hoc grande nefas, & morte piandum,

Si iuuenis vetulo non assurrexerat, & si

Barbato cuicumque puer.

Tam venerabile erat precedere quattuor annis.

Senū quoque apud Lacedæmonios honor locum fecit proverbio, ubi tam honestum senectutis domicilium, ut in sola Sparta senescere expediret, autores, in Laconicis Plutarchus, Ciceronis Cato, Valerius de verecundia, Iustinus

lib. 3. Quò magis contra naturam in Iulide Cō-

insulæ vrbe lex sexagenariis mortis indicens certamen, ex Stephano, Leonica historia, lib. 3. cap. 37. lib. 4. cap. 1. Strabo. lib. 10. 11. Herodot.

lib. 3. &c. In Ceo lex vel consuetudo, voluntario eis aconito vitam finiens, ne reliqui cibariis deficerentur, citat ex Menâdro Cælius lib. 18. cap. 26. 28. & Euseb. præparat. lib. 1. cap. 3. Massagetarum ritus adhuc horribilior eos frustillatim dissectos cum aliis carnibus mixtim

vorantium, & immolatis, quos plurimum dilexerant, propinquos & affines epulantium. Bactrianorum canibus ideo sepulcralibus appellatis obiectantium, Caspiorum item suos canibus, Hircanorum, auius proiicere, Tiberenorum precipitare solitorum, lib. 19. cap. 26. Sardorum lethaliter fustibus caesos contumulantium, lib. 28. cap. 22. Erulorum lignea stru- ingenti surrecta necantium. Quibus addit Alexander in Genialib. lib. 3. cap. 2. senescētes Derbyces viros hostiarum more immolari, mulieres prefocari, Hyperboreos ex rupe precipitari, Caspios fame ac siti enecari, vel in deserta exponi, Thraces & Indos volētes, vri, alibi mergi, &c. Sic scilicet arbitrarentur eos qui senectute conficerentur nimia, esse miserimos. Ea illis ante Christum Religio. Sed omissis alienis nostra repetamus. Senectutem non quālecun- que, sed bonā, eximium Dei esse donum hinc constat, quod toties singulares Dei amici, in senectute bona defuncti leguntur & cōmendantur, Gene. 15. 25. 27. 48. patriarchæ, Iudic. 8. Gedeō, David, 1. Paral. 29. 3. Reg. 1. Psal. 36. 3. Reg. 14. Ahias propheta, Ioiada sacerdos, 2. Par. 24. & Iob. 42. mortui dierum pleni, Iosue 13. & 24. longæuus, & Chalebo permāsit in senectutem vsque virtus, Ecclī. 46. Moses annorū cxx. moritur, Deut. 34. oculis non caligantibus, & dentibus immotis, Tob. 5. 6. 10. 14. cum vxore incolumes in senectute bona. Deut. 33. In benedictione Aser legimus, Sicut dies iuuentutis tuæ,

*Senectus exi-
mum dei do-
num.*

ita & senectus tua, Orat Psal. 70. ne proiciatur in tempore senectutis, neu cum defecerit sua cum virtus, derelinquatur, & homini fideli longæuitas ita promittitur, Psal. 90. Longitudine dierum replebo eum, & ostendam illi salutare meum, parentes præsertim, adeoque senes omnes reuerenti, Exod. 20. Deut. 5. Eph. 6. Et iusti quoque multiplicabuntur, fructificabunt, pingues erunt & virides, & iuxta alium interpretem, fœtificabunt, in senecta vberi, Psal. 91. qualis Iacobus Iosephi quàm aliorum liberorum amantior, quod huc genuisset in senectute sua, Gene. 37. 44. Et senectus quidem venerabilis, sed morum etiam, non annorum tantum, cuius cani, sensus: & ætas, vita immaculata, Sap. 4. 3. Impiorum cōtrà longa licet vita, nihili & sine honore senectus nouissima. Melior enim puer pauper & sapiens, Rege sene & fatuo, qui prouidere nesciat in posterum, Eccl. 4. Quali fortè seni Heli minatur Dominus, neminem unquam in ei⁹ domo senem fore, 1. Reg. 2. Prou. 16. corona dignitatis, senectus, 20. & dignitas senū canities, Ecclī. 25. & gloria eorū Dei timor & reliqua suprà, in vocabulo prudentes. Et hoc quoque est apud eundē sapientē ius senile, cap. 3. Corā seniore humilia animā tuā, 6. In multitudine seniorū prudentiū sta, 8. ne spernas hominē in senectute sua, etenim ex nobis senescūt, Ne despicias narrationem seniorum sapiētiōrū, 7. Noli verbosus esse in multitudine seniorum, seu vbi sunt senes, ne multū loquaris, 32.

Senectus in gloria.

Quo magis senibus cum Eleazaro cogitanda
sua cuique ætatis & senectutis non tantum ca-
nities, sed etiam excellentia & dignitas, 2. Mac-
cab. 6. & à pueris (siquidē Deus dederit) opti-
ma, & iuxta diuinam legem formata conuer-

*Senum exem-
pla iuniori-
bus.* satio, vt nihil ætate sua indignum fingant aut
faciant, quò adolēcentes quidem propter eo-
rum imitationem, & modicum corruptibilis

vitaē tempus decipiātur, senes autem maculam
& infamiam senectæ suæ conquirant, in præ-
senti licet tēpore hominum erepti suppliciis,
at Omnipotentis manum nec viui nec mortui
effugituri, Sed fortiter morientes, & senio di-
gni videbuntur, & iunioribus exemplum relin-
quēt ad mortem pro sanctissimis Dei legibus
generosè obeundam. Et similis quidem senilis
patientia exempla in ecclesia multa sunt, Si-

*Simeon Hie-
rosolymorum
episcopus
martyr.*

meon Hierosolymorum post Iacobum & vr-
bis euersionem episcopus, Christi Domini pa-
truelis, deferentibus hereticis accusatus, & dies
multos tortus, crucis martyrio consummatus
est, cunctis qui aderant, mirantibus, hominem
annorū cxx. tormētorū tātū perferrē potuisse,
Euseb. li. 3. ca. 32. Niceph. li. 3. ca. 16. Freculphus

Polycarpus.

Chronicorū tom. 2. li. ca. 11. Nec ita post Poly-
carpus vir Apostolicus, Christū cōiuitis inces-
sere, aut emori iussus, respōdit, Octogēta sex an-
nis ei seruiō, nec vlla in re ab eo læsus sum aut
offensus, & quomodo in animum inducere
possum, vt Regem meum blasphemem, qui
me saluum fecit? & sic igni & gladio cunctis

stupētibus martyrium subiit, scribentibus iisdē
 qui suprā, Euseb. lib. 4. cap. 15. Nicephor. lib. 3.
 cap. 35. Porro teritur hodiēque puerorum ma-
 nibus senior Tullij Cato, dignior qui legatur
 totus, quā qui epitometur. Negat senes re-
 bus gerendis ineptos, senex adolescentis vires
 non desiderat, gratulatur senectam voluptati-
 bus priuari, quartò & postremò, mortis, cuius
 motus maximè angit, contemptum, seni prius
 fuisse discendum. Illud ex tam multis veterum
 de Senectute dictis *παρ' αὐτοῦ τῶν*, Seniores ma-
 gna ex parte minus ægrotare quā iuuenes ab
 Hippocrate notatum, vt adagio inde profecto
 Senilem valetudinem nuncupemus prosperam
 satis, & minus infestam, sed Senum modò con-
 tinentium, moderatorum, parcēque victitādo
 cupiditates perdomantium, Alioqui luxu, gula,
 & voluptatibus delibuti, magis ægrotant, vt de-
 biliore, frigidiore, & morbi insuper digeriem
 difficilius concoquentes. Sed quod medicorū
 est, promittant medici, Illud verius est, & cer-
 tius, quod vbi suprā Tullius, Defectionem vi-
 rium adolescentiæ vitiis effici sapius quā se-
 nectæ. Libidinosa & intemperans iuuentus
 effētum corpus tradit senectuti. Ad cuius laudē
 commendationēque plus facit, quod Senilis
 antè valetudinis adnotator Cælius lib. 30. cap.
 2. & lib. 3. cap. 7. subiicit eximiè aduertendum,
 Senectutem nihilominus dici ac esse ætatem
 animæ propriam, & accommodam, moribus
 proinde bonis dulciorem, consiliis paratiorem

*Cato senior
Tullij.*

*Senes minus
ægrotare quā
iuuenes.*

*Sophoclis re-
sponsum.*

*Themistoclis
dictum egre-
gium.*

*Aristotelis
taxatus.*

*Sapientia
senum.*

promptiorémque, quando omnes quidem in
sene conflaccant vires, sola lætius viridiusq;
progerminet sapientia, libidinum incētiuis aut
confilefcentibus quietior, aut retundendis fir-
mior. Bene Ciceroni vbi antea, rogatus Sopho-
cles vtereturnè rebus venereis, Dij (inquit) me-
liora. Libenter istinc vt à Domino agresti &
furioso profūgi. Cupidis quidē taliū odiosum
fortasse & molestum est non frui, Satiatis verò
& expletis iucundius est carere, non desidera-
re iucundissimum. Themistocles clarissimus
Græciæ Imperator, transmissis vitæ annis CVII.
lineas fieri iam propiores sentiens, indoluit: tū
sibi demigrandum, sapere cū præcipuè esset
exorsus, vt mirer Aristoteli in Politicis (fortè
lib. 7. cap. 6.) corporis minui vigorem ab anno
36. animi, ab 48. cū scriptores contrà cele-
berrimos, poëtas præsertim, legamus ætate iam
grandi Cygneum quiddam, & consueto molli⁹
blandiūsque vicina morte cecinisse, quorum
grandem satis catalogum texuit post Cicero-
nis Catonem Hieronymus ad Nepotianum,
hoc argumentum tractans, Omnes (ait) penè
virtutes corporis mutantur in senibus, & cre-
scente sola sapientia, cæteræ decrefunt, Ieiun-
ia, vigiliæ, eleemosinæ, chameuniæ, (id est, hu-
mi dormitiones eidem Agg. I.) Huc illucque
discurfus, peregrinorum susceptio, defensio
pauperum, instantia orationum, perseuerantia,
visitatio languentium, labor manuum, Breui-
ter cuncta quæ per corpus exercentur, fracto

corpore, minora fiunt. Senectus verò eorum qui adolescentiam suã honestis artibus instruxerunt, ætate fit doctior, vsu tritior, processu temporis sapiētior, & veterum studiorum dulcissimos fructus metit. Hanc senum sapiētiam indicat 3. Reg. I. nominis & patriæ sacramento Abisac, siue pater meus superfluus interpretetur, virtutem hoc loco sonans in senibus ampliore & largam, ac redundantem sapiētiã: Siue patris mei rugitus, cū maris fluctus resonat, & de pelago veniens fremitus auditur, abundantem, Et vltra humanã vocẽ diuini sermonis in senibus tonitruum commorari ostēdens. Omnino canorum illud (ait Cato maior) in voce splendet nescio quo pacto in senectute. Porro Sunamitis lingua nostra dicitur, significans feruorem sapiētiæ diuinæ lectionis calore. Hæc ergo puella Dauidi bellicoso quoddam viro, septuagenario, senecta sic frigescēti vt calefieri non posset, nec à superstitionibus torvixoribus & concubinis, omnibus eis quasi frigidis, repudiatis, quæsitæ est de vniuersis finibus Israël, quæ cum Rege dormiret, senile corpus calefaceret, in cuius vnus adolescentulæ complexu senex frigidus vestimentis obuolutus tepesceret. Atqui patriarchæ Dauidē multo seniores, & priores ante diluuium viri, artibus non dico senilibus, sed penē iam cariosis, non vel cum vxoribus vetulis frigerunt, vel iis viuētibz alias vxores, aut puellares quæsiere amplexus.

*Abisac.**Sunamitis.*

Quæ est igitur hæc vxor & virgo, tam feruens,
 vt frigidum calefaceret, tam sancta, vt calētem
 ad libidinem non prouocaret? Exponat Solo-
 mon patris sui delicias, pacificus bellatoris nar-
 ret amplexus. Principium sapientiæ, posside sa-
 pientiam & intelligentiam in omni possessio-
 ne tua, Ne obliuiscaris, ne declinaueris à verbis
 oris mei, ne dereliqueris, & apprehendet te,
 ama, seruabit te, circunda, exaltabit te, honora,
 amplexabitur te, vt det capiti tuo gratiarum &
 deliciarum coronam te protegentem, Prou. 4.
 Hæc Abisag illa Sunamitis quæ sita, cuius feruo-
 re senescentis viri recalescerent membra, iam
 arata rugis, & deflaccata, In carnis vtique im-
 becillitate vis mentis sobrietas, nam & Apo-
 stolica intonuit tuba. 2. Cor. 12. Cum infirmor,
 tunc potens sum. & oraculo salutari respōsum
 illuxit diuinum, infirmitate perfici virtutem.
 Ex hoc enim loco improbat ad Pammachium
 Hieronymus, quod in quadam controuersia
 legerat, Imbecillitas corporis, animæ quoque
 vires secum trahit. Neque verò nego vt corpo-
 ris, sic mentis esse senectutem. in Politicis vbi
 paulò antè, & lib. 2. cap. 7. διαβολὰς γυγας, sed
 mentem simili ac corpus debilitatis necessita-
 te laborare, id verò sapientes pernegant, mens
 enim vigor indeficiēs est, corporis licet debili-
 tate fūctiones suas liberè nequeat absoluerē, &
 quadam quasi opacitate interposita, solem sem-
 per lumine plenissimum, impotentibus oculis
 intueri. Corporis ergo regula ad animi dispo-

*Infirmitate
 virtutē per-
 fici.*

fitiones fallax, imò huius illiúsque vigor: opposita respondent analogia, hæc ibi Faber annotat. Ergò inter quæ,

Multa ferunt anni venientes commoda secum,

Senectas bona

quod ait in Arte Horatius, & senectæ bona, Hieronymus ibi enumerat, quia nos ab impudentissimis Dominis liberat voluptatibus, gulæ imponit modum, libidinis frangit impetus, auger sapientiam, dat maturiora consilia, & frigescente corpore, dormit cum perpetua virgine Sunamitide, luxuriámque contemnens, cū Berzellai, delegat eam filio adolescenti Camaham (locis antè allegatis) quæ autem putantur

Senectutis mala.

senectutis mala, crebræ infirmitates, pituita molestissima, caligantes oculi, acescentes cibi, manus tremantes, nudi gingiuis dentes, tormina, stomachi aculei, & chiragræ podagræque dolores, eaque vitæ plerunque magna parte truncata & præmortua membra. In tot licet

Libidinis dominium.

malorum comparatione, tolerabilius morbos sustinebo, dummodo vna & grauissima domina libidine caream. Patitur quidem & senectus nonnunquam incentiua vitiorum, nullúsque iuxta S. Martyrem Cyprianum, diu tutus est periculo proximus. Sed aliud est titillari, aliud voluptatibus obrui. Ibi loquitur, quæ nouit viuentes corporis necessitates adolescētia, Quod nolo malum, facio, quod volo bonum, nō ago, Rom. 7. hic vt inter cineres emortuos scintilla subluceus reuiuiscere nitatur, incendia tamē non, vel raro fuscitare potest. Nec hoc rursum

dico, quod in solidioris adhuc ætatis iuuenibus, his modò qui labore, ardente studio, vitæ sanctimonia, & orationis ad Dominum lesura frequentia, scientiam consecuti sunt, frigeat sapientia, in plerisque ætate senibus marcida, sed quòd adolescentia multa corporis bella sustineat, & inter incentiua vitiorum, & carnis titillationes, quasi in lignis viridibus suffocetur, neque suum possit explicare fulgorem. Et quāquam, quod idem ad matrem scribit atque filiam, in nullis ætatibus libido tuta sit, attamen vel cano capite ab aperta defendit ignominia, ac etiam periculo, si modò, quod & monet idem Paulinū, senectam annorum numero non æstimemus, nec sapientiā canos, sed canos sapientiam reputemus, Sed & Presbyteros cū Mose seligamus, quos sciamus esse Presbyteros, utique non æuo, sed prudentia iudicandos, & quia, quod ludit in Mæride Vergilius,

*Libido in
nullis ætatibus
tuta.*

Omnia fert ætas, animum quoque, vox quoque Mærim, iam fugit ipsa.

& velimus nolim⁹, senescimus, paret sibi quisque diuitias, quas quotidie erogat, & nūquam deficient, dum viget ætas,

*Antequam subeant morbi, tristisque senectus,
Et labor, & rapiat diræ inclementia mortis.*

paret inquam, viaticum longo itineri necessarium, secum portet, imò in cælum præmittat, quod vel inuitus dimissurus est, quod si negauerit, terra sumptura est. Ita cano iam capite, &

fronte rugis arata, vicina, & in foribus morte, impetraturus à Domino comitem sibi habere sapientiam, & Abisac amplexari, quæ nunquā senescēs in senili sinu requiescat, impolluta, & virginittatis perpetuæ, quæque in Mariæ similitudinem, cum quotidie generet, sempérque parturiat, incorrupta est.

Anus similiter in habitu sancto, non criminatrices, non multo vino seruientes, bene docentes, vt prudentiam doceant.



ENIAMVS ad alterius sexus senes, fœminas natu maiores, quales eas esse cōueniat, qualis earum esse debeat vita & doctrina, cultus, vict⁹, lingua, siue disciplina: earum in primis, quæ ad aliarum eligebantur exemplum, & si quæ tum in Ecclesia ministrabant, vt habent Scholia Græca, adeoque vetulas omnes, & quanquam Petrus præcipit, vt vxoribus suis, tanquam vasculo infirmiori honorem tribuât, 1. cap. 3. non statim tamen arbitrandū est, vt eæ sicut corpore, sic anima infirmiore sint, quin & in eis illud interim cōpleatur, Virtus in infirmitate perficitur, 2. Cor. 12. Domino præsertim dā te, in quo nō est mascul⁹, neque fœmina, Gal. 3. quique inter cætera potentia suæ miracula, etiam in sexu fragili victoriam martyrij non rarò contulit, vt est in Ecclesiæ collecta,

*Matronæ
Christiane
quales esse
debeant.*

*Feminae
tyres.*

Virago.

de vna Martyre. & quidni omnes primę instar,
quæ quia de viro sumpta, vira seu virilla, aut
virago vocata est, Gene. 2. viriles sint, & virili-
ter salutem suam operantur? Vnde & nunc eis
præcipitur, vt habeant, quæ senibus antè com-
muniter præcepta sunt, in eo scilicet quod ait
Anus similiter, Ambrosius, pari modo, Itidem
hortare, siue admone, ita vt viri senes, in omni-
bus honestæ, pudicæ, sobriæ, sanæ in fide, &c.
& pro sexu suo hoc habeant proprium, vt sint
in habitu sancto, siue quod melius in græco le-
gi notat Hieronymus, ἐν κασμήατι ἱεροπρεπείς,
quod Ambrosius, velut explicans compositam
vocem, vertit, in statu religione digno, referē-
tes vterque ad omnem corporis gestum, nedū
vestitū, quod perinde valet ac si dicas, eo ami-
ctū, qui doceat matronas Christianas, vt &
earum incessus, motus, vultus, sermo, silentiū,
quandam decoris præferant dignitatem, & ex-
teriore ornatu, interiorem ostendant: amictus
enim corporis, & gressus homini enunciant de
illo, Eccli. 19. qualis, & quomodo sit animatus,
inducant & arguunt. quod simpliciter de omni
corporis motu hîc intelligit Aquinas, Est enim
& habitus non sanctus, vt lasciuus, fastuosus,
superfluous, & quàm pro suo cuiusque statu præ-
tiosior, reprehensus Paulo, 1. Tim. 2. & 1. Pet. 3.
Quibus vitiis qui caret, cultus honestus, mode-
stus, religiosus, conuenit omni quidem mulie-
ri, sed hoc aniculis specialiter seruandum.
Cui colar infelix, aut cui placuisse laborem?

Habitus
Christiano-
rum.

Ille

Ille mei cultus vnicus autor abest. Dicit apud
 poetam ethnicum quædam. cum iuuenculis li-
 ceat se propter viros ornare. Scholiastes Græ-
 cus & Theophylactus ministras hic Ecclesiæ *Ministræ*
 intelligunt, & vestes quæ operiunt, quas vel ab *Ecclesiæ*
 indumêto honestas videri velit & conspicuas,
 sacras & Deo dicatas, vt sacris congruit mini-
 steriis, quales aliquandiu in Ecclesiâ dictæ sunt
 Episcopæ, Presbyteræ, diaconissæ, hypodiaco-
 nissæ: Quæ autem tum fuerint, & qualia earum *Episcopæ*
 ministeria, diligenter, lib. i. digress. cap. 17. vesti- *Presbyteræ*
 gauimus, sed vereor vt non inuestigauerimus, *Diaconissæ*
 nobis certè non ita satisfacimus, vt non etiam *Hypodiao-*
 num cupiamus super huiusmodi mulierculis *nissæ.*
 alios audire in antiquitate Ecclesiastica magis
 versatos. Interim, vt ad literam redeam. Theo-
 doretus è contrario hîc *πρεσβυτιδαι* appellat,
 eas quæ consenuerunt, non quæ aliquod mu-
 nus susceperunt, qui sacra autem decet, habitū
 vocari eidem honestum ornatum. Sequitur, *ἡ*
criminatorices, *διαβόλοις*, calumniatrices, delatri-
 ces Hieronymo, nescit Erasinus an mendosè;
 incentrices, Sedulio blasphematrices, & expo-
 nunt accusatrices, quia hoc muliercularum ge-
 nus esse solet garrulum, iuxta illud, 1. Tim. 5.
 otiosæ, vagæ, verbosæ, curiosæ, loquentes quæ
 non oportet, non vult esse tales, quæ vt aliis
 detrahant, aut rectè quæ adolescentiam iam
 transgressæ, de adolescentularum ætatibus di-
 sputant & dicant, Illa vel illa sic ornatur, sic co-
 mitur, sic procedit, amat illū, amatur ab illo: cū

etiam si hæc verba sint, non tam apud alios debeant accusare, quàm secretè Christi charitate corripere, & magis docere ne fiant, quàm in publico accusare quòd facta sint. Nō ergo quibuslibet, iuuentulis omnium minimè, crimen facile imponant, qui morbus maximè vetularum est. Duo in Senibus hīc notat Aquinas, Vnum omnibus propemodum cōmune, quòd suspiciosi sunt, quia multa mala viderunt & experti sunt, similiter suspicantur, & de aliis præsumunt, & cum omnes, quòd ait in Adelphis Mitio, Act. 4. Scen. 3. tum senes maximè,

Senes suspiciosi.

Quibus res sunt minus secūda, magis sunt nescio quomodo

suspiciosi, ad contumeliam omnia accipiunt magis propter suam impotentiam, se semper credunt negligi. Alterū mulierib⁹ speciale, Zelotypiæ vitiū. Vtrūque cōtingit in vetulis, vt quæ sint pro ætate suspicaces, pro sexu zelotypæ, & vtriusq; ratione loquaces, Dolor animi, & luct⁹ mulieris, mulier æmula seu zelotypa, quæ lingue flagellū cū omnibus cōmunicat, Ecclī. 26. adeò vt Cicero Tusculan. 4. zelotypiam verterit obrectationem, malum scilicet in coniugio domesticum. Vetulos porrò, nedum vetulas, natura loquaciores esse agnoscit Tullij Cato, ne ab omnibus (ait) vitiis eam ætatem videar vindicare. Et apud principes poetas, Senes, vt referendis fabulis amica & loquax ætas est, referant vetustas, vt obsevat Macrobius Saturnal. lib. 5. cap. 14. ex Iliad. 19. Æneid. 1. 8. 10. Esse inquit idem lib. 7.

Zelotypia senum.

Loquacitas senum.

cap. 2. loquacitatem huic ætati familiarē sciens
Homerus, quādam congeriem simul interro-
gationū Nestori fecit offerri, Odyss. 3. vbi mul-
ta interrogandi semina interrogando congef-
sit, vt pruritum senectutis expleret. Et Vergi-
lianus Æneas gratū se ad omnia præbens Euā-
dro, varias ei occasiones narrādo ministrat, nec
enim de vna re aut altera requirit,

Sed singula latius

Exquiratque, auditque virum monimenta priorum.

& Euander consultationibus captus, scimus quā
multa narrauerit, Æneid. 8. Sed & senes, quod
infita imbecillitate sint impendio loquaciores,

μακρόλογοι dicuntur Cælio lib. 18. cap. 4. Sequi- μακρόλογοι

tur in Apostolo, non multo vino seruientes, dedi-
tas, addictas, mancipatas, δεδουμέναις, Signan-
ter expressit, seruitus enim quedam est, & ex-
trema conditio, vino sensus hominis occupa-
ri, nec suum esse, sed vini. Græci notant mulie-
rum idem esse & senectutis propriè vitium: quæ
quia sexu ac ætate frigida sunt & imbecilla,

vino non tantum indigent, sed & plerunque
seruiunt. Ebrietatis ergo vitium vndique illis

amputat, easque à vinolentia quā remotissi-
mas esse cupit, & ita irrisiones, aliāque quæ il-
linc nascuntur, incommoda, effugere. Nam per-
facile vapores ex infimis ad superiora feruntur,

cerebrū occupant, caput oblaedunt, atq; ita vino,

vt & senio, confecta infirmæq; colluctanti vi-
no resistere nequeunt, vel sustinere: victæ igitur
succumbunt, & hinc cum ad alia vitia, tū ad eā

vinolentia Vinolentia

vitium in vitium in

mulieribus mulieribus

& senibus & senibus

de qua proximè suprâ, maledicentiam propensiores fiunt. nam quòd Chrysostomus eadem adolescentulas de re infrâ moneri, nō eadē de causa notat, sed ideo quòd ex immodico vini potu vehemens in his, non illis incendatur libidinis flamma, aliter hīc sentit Hieronymus, & vt vinolentiæ vetulas, ita vinolentas, & loquacitati & libidini affines esse, Solent, inquit, eæ frigescente corporis luxuria, plures etiam, quæ nec canes suos erubescunt, & ante nepotum gregem tremantes virgunculæ componuntur, vino se pro libidine dedere, tum inter pocula sibi prudentes, & facundæ, loquūtur hoc quod sibi videntur esse, non recordantes illud quod fuerunt. A vini ergò potu nimio eas prohibet, quia quod in adolescentulis est libido, hoc in senibus est ebrietas, vt & Lyra exponit, excessiuam vini potationem, inducere ad fractionem castitatis vidualis. Legere memini (licet locus non occurrat) senem, vt ferrum, calorem difficilius tum admittere, tū semel admissum amittere. Extat in anus libidinosas vt dignum eis Horatij carmen 5. & 12. Epodi, sic minus honestum, quàm vt sacris inseratur,

Ebrietas hoc est in senib⁹, quod in adolescentibus libido.

Anus libidinosa.

Venit amor gravior, quò serius urimur. Et

Quæ venit exacto tempore, peius amat.

ait Ouidij Phædra.

Et quomodo potest anus adolescentulas castitatem docere, cum si iuencula vetulæ fuerit ebrietatem imitata, pudica esse nequeat? En quàm multis modis imbecilliori ætati inimica

vinositas : & vino quidem propter frigiditatem & imbecillitatem vtatur, sed paruo, modico, moderato. Vult ergò Paulus, anus parum bibentes: nam vel poetis testibus, merobibæ atque multibibæ, eadem sunt multiloquæ, turgentiosæ, catulientes, &c. Sed ne mihi succenseat genus alioqui plus satis irritabile, sequantur, si Auicennam quàm Paulum malunt, scribentem cap. 8. doctrinæ 2. Fen. 3. & primi, Vinū *Viniuitilitas* senioribus quantum pati queant, dandum. & *senibus.* sic cum Rhodigino, lib. 28. cap. 29. ferè rationcinentur, vino senum aduentitium frigus recalescere, spirituum exhalari tristitiam, bilis atræ vim redundantem reprimi, eius excrementa vel leniri, vel reiici, amaræ acrimoniam frangi, somni conciliari appetentiam, præfractos recludi meatus, siccitatem vel laboribus inductâ immodicis, vel ætatis prouenientem temperamento, insigniter mitigari, vniuersam denique senectæ lassitudinem renidere: Sed cum sit excessus omnis planè declinandus, ne adultis quidem, iis licet, Galeno teste, in sanitatis moderamine, maximè commodum, tamen non citra noxam tum corporis, tum animi, ac multò minus senibus ingeritur, ni adhibitus fuerit modus. Addo rursum, vt hîc vetulis scilicet gratificer, & ex Aristotelis libro de Ebrietate, disputatum à Disario medico apud Macrobiū, Saturnal. lib. 7. cap. 6. mulieres in ebrietatem rarò cadere, crebrò senes: in illis quod humectissimo & frigidissimo sint corpore

*Senes quàm
mulieres cur
citius inebri-
entur.*

*Senes sani
malis ebriorum
laborant.*

*Luciani lo-
cus correctus*

(quanquam hoc posterius in vtranque partem ventilatur, cap. 7.) epotum vinum, cum in tantum humorem frigusque ceciderit, dilutius factum, frigescere, vim suam perdere, Sic debilitari & elanguescere, vt calorem, è quo nascitur ebrietas, minus excitare possit. Sed & crebris purgationibus, & pluribus meatibus vias humori in egestionis exitum confluenti præbentibus, vini vaporem celeriter euanescente. Contrà in senibus sicco aridoque corpore, vinum contrarietatem repugnantis humoris non patiens, integra vi sua adhærere, & mox loca tenere, quæ sapere homini ministrant, in durioribus quoque membris, naturalibus meatibus obseratis, haustum, nulla ei exhalatione cōtingente, totum ad cerebrum, mētis sedem ascendere, ac ferire. Hinc fit vt & sani senes malis ebriorum laborent, tremore membrorum, linguæ titubantia, abundantia loquendi, iracundiæ concitatione, quibus tam subiacent iuvenes ebrij, quàm senes sobrij. Si ergo lenem pertulerint impulsu vini, non accipiunt hæc mala, sed incitant, quibus ætatis ratione iam capti sint. Hæc ille. Est & apud Lucianum, i. Saturn. dialogo, Callipædas fieri senes, quod hi quidē puerum sapiant, sed in conuiujs plusculum se inuitantes, ac facti hilariores, etiam pueri sibi pulchri esse videantur, referente Rhodigino lib. 11. cap. 17. sed falso, καλῶς παῖδες, enim legendum est, ex huius dialogi interprete Erasmo, & Adagio, Bis pueri senes. Et de vinolen-

tia senili, eique adherentibus vitiis, nimis quàm pro cōmentarij ratione. Sequitur in litera, *bene docentes*, nedum bene institutas, quod quidā recentiorum vertit: Nam quia docuit quales primò anus esse debeant, & post ea quæ cum viris senibus habeant communia, earum etiam propria exposuit, nunc consequenter doctrinæ eis fræna permittit, vt cùm tales, tàmq; bene fuerint institutæ, docendi quoque libertatē habeāt *vt prudētiam*, quæ scilicet bona sunt & honesta, bonique, quò fiat, & mali, quò caueatur, discretionem *doceant*, Et rectè, & necessario, Cū enim plus cū pueris & familia, quàm viri versentur, ferè tamē fit, vt cōduplicato sexus atque senij vitio, narrēt quas ob id vocauit Plato in Theæteto γερων ὄβλις, anicularum nugas & deliria, aniles fabulas, Horat. & Quint. ineptias & superstitiones, Cicero in Tusculanis, & de Natura Deor. 2. & 3. Et alibi quidē mulierib⁹ tacere iubet, docere nō permittit, 1. Cor. 14. 1. tim. 2. vix etiā loqui, sed in ecclesia, hoc est, in cōgregatione publica & promiscua, sermone publico & cōcionatorio, quasi virorum præsides. Viris, inquit ibidē, subditas esse, non dominari. Pro sublata ergò illic eis publica, & in viros doctrina, priuatā hic atq; domesticā, & ad sui præsertim sex⁹ puellas, ancillas, &c. exhortatoriā substituit. Nihil etiā vetat, quin & mares liberos atq; famulos pudēter ac verecūdē instituāt, quo Salomonē modo sua mater erudiuisse dicitur, Prou. 4. & 31. De hoc nos amplius, 1. Timoth. & erit,

Docendi facultas quæ permissa mulieribus.

Mulieribus quatenus docere permisum.

Deo dante, de hac tota re peculiaris mihi digressio. Hic interim satis sit, ut sublata fœminis in viros doctrina, permittantur docere fœminas, adolefcētulas quasi filias suas. Idque priuatim, non in Ecclesia. Ex Anticeimenœm lib. 3. Quæst. 37. Et quantò magis conuenit patres familias suæ vnunquenque domus doctore esse ac institutorem? In tanta (concionatur ad finem Psal. 50. Augustinus) morū diuersitate, tam detestabili corruptela, regite, ô charissimi, domos, filios, & familias vestras, Quomodo ad nos pertinet in Ecclesia loqui vobis, sic ad vos in domibus vestris agere, ut bonam rationem de vestris subditis reddatis, Amat Deus disciplinā, &c. Maximè fratres mei ad filios vestros fideles attendite, quos fide genuistis ut baptizarentur, &c. Et tractat. 51. in Ioan. 12. capit. Cum auditis, fratres, Dominum dicentem, Vbi ego sum, illic & minister meus erit, Nolite tantummodo bonos Episcopos & clericos cogitare, etiam vos pro modulo vestro ministrare Christo, bene viuendo, eleemosynas faciendo, nomen doctrinamque eius quibus potueritis, prædicando, ut vnusquisque etiā patres familias hoc nomine agnoscat paternū affectū suæ familiæ se debere pro Christo & pro vita æterna suos oēs admoneat, doceat, hortetur, corripiat, impēdat beneuolentiā, exerceat disciplinā, ita in domo sua ecclesiasticū & quodammodo Episcopale implebit officiū, ministrans Christo, ut in æternū sit cū ipso, & maximā illā

*Patres familias
quales
esse doceat.*

passionis ministrationem multi ex vestro numero ministrorum, multi non episcopi, neque clerici, iuuenes & virgines, senes cum iunioribus, coniugati & coniugatae, patres matresque familias Christo ministrantes, etiam animas suas in eius martyrio posuerunt, & honorificate patre coronas gloriosissimas receperunt. En hic episcopus Deo dignissimus non utcunque permittit, sed omnino vult, religionis Christianae ut testes, ita doctores, non clericos modò, sed etiam laicos fideles, pro suo quenque statu ac modulo, ut loquitur pastor omnium modestissimus, nec magis auditoribus hoc inuidet, quàm populo quòdam Israël Moses, ut omnes prophetarèt, & daret eis Deus spiritum suum, Num. 11. Iuxta quod & alter ait, Patres nostri narrauerunt nobis, Psal. 43. vbi Chrysostomus, Audite, quotquot filiorum curam non geritis, qui cantilenas diabolicas canètes, diuinas narrationes contemnitis. At non illi tales, sed in narrationibus illustrium Dei operum assidui erant, & qui ex eis descenderant, non paruum diuinæ inde cognitionis sumebant argumentum, liberis **LIBRI** erant ora parentum, omnis **SCHOLA** & diatriba Dei hæc facta narrabat. Idem de sui temporis adolescentia Christiana Cyrillus Alexandrinus, nam eius in scripturis exercitia improbanti Iuliano Apostate, quasi plus expediret disciplina Græcanica, respondet lib. 7. Quòd eloquētiæ numeros Græci probè seruēt, laudari, quòd optimas virtutes

*Græci elo-
quentiæ stu-
diosi, non ita
virtutis.*

negligant, rectè taxari. Pueros autem in sacris literis enutritos, statim fieri religiosissimos, etiam si minus eloquentes. Itaque nos ex diuina scriptura omnigenam virtutem discimus, utimur autem Græcorum sermone ad eruditionis veræ præexercitamentis, Sed nos ex domestica doctrina in scholasticâ, ut alteri hæret altera, lapsi sumus. Redeamus ergo ad patres & dominos, eosdè suorum liberorum famulorumq; doctores. Et qui docere ij possint, qui non didicerint?

Digestio quinta.

Bibliorum lectio.

Eadem ergo consequentia cum Orthodoxi alij, tunc superiores episcopi auditores palam hortabatur ad domesticam sacrorum Bibliorum lectionem, Prior quidè ita, Neque vobis solùm sufficiat, quòd in Ecclesia diuinas lectiones auditis, sed in domibus etiâ vestris aut ipsi legite, aut alios legentes requirite, & libèter audite. Lectiones igitur diuinas & in Ecclesia, sicut cõsueistis, audite, & domi relegite. Si quis occupatus, ut ante refectionem scripturæ diuinæ nō possit insistere, nō enim pigeat in cõuiuio suo aliquid de ea relegere, ut quomodo caro cibo pascitur, sic anima Dei verbo reficiatur, & totus homo, id est, exterior & interior, sancto & salubri cõuiuio satietur exurgat. Nā si sola caro reficitur, & anima Dei verbo nō pascitur, ancilla satiatur, domina fame torquetur, quod quā sit iniustum, sanctitas vestra nō ignorat. Ideoq; quod iā dixi, diuina illo desiderio legere & audire debetis, ut de iis & domi, & ubicūq; alibi fueritis, etiâ loqui, &

alios docere possitis, vt verbū Dei ceu animalia mūda, ruminātes vtilē succū, id est, spiritalē sensū, & vobis sumere, & aliis Deo auxiliante propinare possitis, vt in vobis impleantur illa, Calix tuus inebrians, quā praeclarus, Psal. 22. & siue mādūcatis, siue bibitis, siue aliud quid facitis, omnia in gloriā Dei facite, 1. Cor. 10. Et Dei quidē verbū omni tēpore cum grādi desiderio vos oportet fideliter sēper audire, sed iis specialiter diebus (ieiuniorū nimirū & solēniū dierū) lectioni debetis diuinæ attentius insistere, &c. cū Dei adiutorio, vt legē Dei spiritaliter mereamur agnoscere, &c. Et, Adhuc bonū habemus solatiū, diuinarū lectionem scripturarū, quia ea est nō parua beatitudinis praeognitio, &c. speculū, quo homo seipsū, & qualis sit, & quod tendat, cōsideretur. Et modō cū Euāgelica lectio legeretur, audiuius dicētē Dominū, Venite benedicti, &c. Matt. 25. Vt hāc ergō vocē desiderabilē audire, & ab auditu malo possitis per dei gratiā liberari, totis virib⁹ Deo auxiliāte cōtēdite lectionē diuinā in domibus vestris frequenter legere, & in ecclesia libēter & obediēter audire. Sic Augustinus ad populū in cōcionibus Quadragesimalib⁹. De tēpore, Serm. 55. 56. 85. 91. 112. De sanctis, Ser. 38. qui est 1. de animabus fidelīū defunctorū. Ad idē suos hortabatur alter, ad Biblia inquā, diligēter nō in tēplo tantum auscultanda, sed etiam domi in manus sumenda. Merito malē audire, qui nec domi quidē hoc faciāt, quod Eunuchus in curru, Act. 8.

*Verbū Dei
quando maxime
audietur.*

*Biblia domi
in manus sumenda.*

Nec excusat respōdentes, non sum monachus, neque seculo renūciaui, mundanus sum, vxorē habeo, liberos, & curam domus. Hoc illud, inquit, est quod omnia vna quadam quasi peste corrumpit, quod scripturæ lectionem ad solos putatis monachos pertinere : quod Euangelia nec attingitis quidem, tātum abest vt penetrare iudiceris operæpretium. Hinc hodie sursum deorsum feruntur omnia, ea res hæreses peperit, vitam corruptam inuexit, omnia miscuit & confudit: cū tantò vobis quàm illis magis sit necessaria, & suscipienda illinc remedia, quo plus mulieris, filiorum, seruorum curam agentes, & plura versantes in medio, vel vxoribus cohabitantes, vel militiæ ascripti, vel aliis implicati negotiis, quotidie vulnera capitis. Nec magis excusat excusantes, Non intelligo, nec intelligere valeo scripturæ profunditatem, nihil tale (ait) quod nunc plerique dicunt, dicebat Æthiops ille lingua Barbarus, mente philosophus, tot licet negotiis distentus, sed cogitabat potius diuinitus adiutum se iri, non contemptum, modò quod suum erat, afferret, studium scilicet & diligentiam: quem & nos imitemur, cogitantes qualis fuerit domi versans, & sedēs, qui vel in via, nec tempore profectio- nis sustinuit sine lectione manere, sed & non intelligens legebat, nec à lectione destitit, mul- tò minus postquam intellexit, ideóque citò cōsecutus est doctorem, & viæ ductorem missum à Deo Philippum. Lego, igitur inquires, sed fru-

*Æthiops cu-
mchi studiū
sacra scriptu-
ra.*

stra, non habēs qui manu ducat, non adest Philippus. Sed spiritus qui eū mouerat, adest. Quomodo possis intelligere, qui neque leuiter inspicere velis? Sume librū in manus, lege historiam omnē, quæ nota sunt, memoria tene, quæ obscura, & minus manifesta, frequenter percurrere: Si nequiuieris assiduitate lectionis inuenire, accede ad sapientiores, vade ad doctorem, communica cum iis quæ scripta sunt, indica vehemens studium: cum viderit Deus tantam animi te promptitudinem adhibere, non despiciet, sed etsi nullus homo te docuerit quod queris, ipse sine dubio referabit. Nam fieri nō potest, nō potest inquam, fieri, vt quis sine fructu discedat, qui assidua attentaque scripturarū lectione fruatur. Ne neglexerimus salutem nostram dilecti, Quæcunque scripta sunt, ad doctrinam & correctionem scripta sunt omnia, Rom. 15. 1. Cor. 10. Magna aduersus peccatum munitio, scripturæ lectio, magnum barathrū, profundum præcipitium, ignoratio: magna salutis perditio, diuinarum legum nihil scire, &c. Hæc & multò plura os illud aureum, in Genes. Homil. 21. 29. 35. & 2. in Matth. & concione 3. de Lazaro, tum clarius, tum expressius. Fortè petis, annè omnes arctari velim, ad scripturæ, ac proin ad sciētiæ theologicæ studium, in quo diuina discuntur, & explanantur mandata? Respondeo cum summo & theologo & pontifice Adriano vi. si quibus fortè recentiores plus placent, Equidem vti neminem arctare intēdo,

*Lectionis
sa
era assidui-
tas quàm v-
tilis.*

*Adrianus
Traiectionis*

*Laici quare
non discenda
sacra.*

ita multò minus omnes excusare possum, cum certissimum sit vnunquenque ad tantam diuinæ legis obligari notitiam, quanta possit actus suos, pro qualitate, conditione, statu personæ citra peccatum mortale dirigere. Et de pastori- bus quidem, quos Dominus in ecclesiam suam vocauit ad statum oculi, quorum est aliorum conscientis & saluti consulere, non video qui sine damnabili culpa, omiſſa diuinæ legis noti- tia, aliis intendant, relicto verbo, mensis mini- strent, Act. 6. Sed sicut impietatis crimen est e- piscopo, neglecto diuini verbi studio sollicitu- dines suscipere seculares, ita vnicuiq; laico pec- catum, nisi inuicem sibi etiam in his quæ ad cõ- munem vitæ vsum pertinent, operam fideliter dederint, can. Te quidem. & seq. 11. q. 1. Verba sunt Petri in ordinatione Clementis. Viderint ergò etiam laici, ne apud districtum iudicem censeantur oculos à proposito seu statuto de- clinare in terram, Psal. 16: dum pro temporaliũ facultatum aut honorũ quæstu, diuinis negle- ctis, humanis legibus ardentius inuigilant, stu- diâque diuina quàm humana remissius atten- dunt, rarius obseruant, minus liberè defendunt, siue in his quæ scire tenentur, quod indubitatũ est, siue in aliis, nisi vel victus necessitate, vel Reip. fauore, vel quia ibi plus valet ingenium, vel alia simili de causa, plus corporis quàm ani- mæ pabulo, profanis quàm sacris scripturis pl⁹ intendant. Non inquam, video, quomodo Deũ salutaris eiusdem scripturæ inspiratorem, 2.

Tim. 3. 2. Petr. 1. super omnia diligant. Restat
 ergò vt omnes apprehendamus disciplinam,
 ne quando irascatur Dominus, & pereamus
 de via iusta, Psal. 2. Sic enim minatur alibi, Eò
 quòd appropinquat mihi populus hic ore, non
 corde, labiis, non præcordiis, ideo ecce addam,
 vt admirationem ei faciam, miraculo grandi &
 stupendo, peribit sapientia à sapientibus eius,
 intellectus prudentium eius, Esa. 29. Quam ce-
 citatis pœnam vniuersa comitari mala idem
 antea testis est, propterea captiuus ductus est
 populus meus, quia non habuit (habere cura-
 uit) scientiam, nobiles eius interierunt fame,
 multitudo siti exaruit, dilatauit infernus ani-
 mam suam, aperuit os suum absque termino,
 descendunt ad eum populus, fortes eius, subli-
 mes, & gloriosi, incuruabitur homo, gloriabi-
 tur vir, oculi sublimiũ deprimetur. Esa. 5. Et O-
 se. 4. Conticuit populus meus, eò quod non ha-
 buerit scientiã (excidetur, peribit, perdetur præ
 iustitia) quia tu repulisti scientiam, ô sacerdos.
 Nam nihil cõsequetius, quã quòd oculorũ, qui
 pastores sũt, obscurationẽ comitetur, iuxta Ps.
 68. Rom. 11. dorsi, qui populus est, incuruatio,
 error videlicet, & culpabilis subditorum impa-
 ctio. Hæc dñs Traiecteñ. in Quolibetis 3. & 5.
 Quæstionibus primis sine argumētis. Et addit
 hinc doctõri cuidã innominato visum esse ma-
 iorem hominũ partẽ charitatis expertẽ viuere,
 ob non obseruatiam primi & maximĩ mādati,
 de diligendo nimirum ex totis nobis & super

*Charitas cur-
 tam inter ho-
 mines refri-
 xerit.*

omnia Deo, Matth. 22. Marc. 12. in hoc quòd hominum statuta multò quàm Dei verba fortius amant, &c. Huc spectabat Beda, citante Thomæ cathena, super id, Luc. 24. Et incipiens à Mose, &c. hoc nobis in loco non vlla scripturam interpretandi, sed gemina nos humiliandi necessitas incumbit, qui nec in scripturis, quantum oportet, edocti, nec ad implenda quæ discere fortè potuimus, quātum decet, sumus intenti. Nam si Moses & omnes prophetae Christum locuti sunt, & hunc per passionis angustias in gloriam suam intraturum, qua ratione se gloriantur esse Christianos, qui iuxta virium suarum modulum, neque scripturas qualiter ad Christum pertineāt, inuestigare, neque ad gloriam, quàm cum Christo habere cupiunt, per patientiam desiderant attingere? Sed quid clariùs, quàm quòd Paulus sic hortatur ad Col. 3. Verbum Christi habiter in vobis (quibus autē vobis? iis qui sunt Colossis, sanctis & fidelibus fratribus in Christo, Col. 1. quibus hanc inscribit epistolam, non vt aliquot alias, episcopis, presbyteris, diaconis) Verbum ergo Christi abundanter habiter in vobis in omni sapientia, docentes & commonentes vos inuicem. Vbi Scholia Hieronymo & Primasio inscripta, Et hic ostenditur laicos verbum Domini non solum sufficienter, sed etiam abundanter habere debere, & se mutuo docere ac monere, &c. Sed quorsum tam multa? Equidem in patribus Orthodoxis non omnino nec indiligēter, nec infelici-

Laici verbum
Dei habeant.

fœliciter per Dei gratiam versatus sum, quàm non potui nō eos semper mirari, quibus hodie tam pestilens & capitale videtur, quod veteres contrà vt adeo salutare toties commendant, tam nunquam in ea fui sententia, vt idiotæ aut mulierculæ, addo clerici etiam & monachi omnes omnia Biblia indifferenter legerent. Ete nim quæ hodie est hominum atque tēporum malitia, quæ paulò suprà Chrysostomus in sui temporis Ecclesiam ex scriptura non lecta, inuecta quæritur incommoda, eadem in hodiernam verè tempestatem inciderunt ex scriptura lecta quidem, sed perperam, aut nō intellecta, hæreses, schismata, rerum denique omnium & religionum confusio & perturbatio, dū, quod & Hieronymus, tantus licet alioqui mulierum ad scripturæ studium & lectionem hortator, scripturam tamen ad Paulinum stomachatur omnes sibi passim vindicare. Hanc anus (inquit) garrula, delirus senex, sophista verbosus, hanc vniuersi præsumunt, lacerant, docent antequam discant, inter idioras & mulierculas de sacris literis philosophantur. Et tutius quidem ac omnibus modis melius fuerat, populares salutem suam viua voce quàm lectione discere, nihil tamen etiam vetabat lectiuncula priuata, quod iidem qui antè patres admonent, sacris se concionibus præparare, in Ecclesia quod domi prælegerant, audituros: Sed negare non possumus quin pastoribus plurima ex parte cessantibus, greges ad mutos magistros aliter alij con-

fugerint, quidam quidē, vt cum Paulo ad Phil.
1. dicam, ex bona voluntate, seu intentione, a-
deoque charitate: quidam autem (que plurima
fortē pars est) ex contentione, inuidia, curiosi-
tate. Lamentabamur, vel potius hodiēque cum
prophetis lamentamur, Adhæsit lingua lacten-
tis ad palatum eius in siti, paruuli petierunt pa-
nem, & non erat qui frangeret eis, Thren. 4. &
alter, Dormitauerunt pastores tui, consopiti
sunt principes & fortes tui, dispersus est popu-
lus tuus super montes, non est qui congreget,
non est obscura contritio tua, pessima est pla-
ga tua, Nah. 1. Vbi Hieronymus, Quoniam nō
cessat diabolus, quosunque ad dormiendum
illexerit, consopire, excitat ita sermo diuinus,
Surge qui dormis, & illuminabit te Christus,
ad Eph. 5. In aduentu ergo Christi, & sermonis
Dei, & doctrinæ Ecclesiasticæ, & consumma-
tionis Niniuæ speciosissimæ quondam mere-
tricis, eleuabitur populus, & ibit ad mōtes scri-
pturarū, ibique montes inueniet Mosem, pro-
phetas, Apostolos, & Euangelistas, ad quales
mōtes cum confugerit, & in huiuscemodi mō-
tium fuerit lectione versatus, si non inuenerit
qui eum doceat, Messis enim multa, & opera-
rij pauci, Matth. 9. Luc. 10. tūc & illius studium
comprobabitur, quia cōfugerit ad montes, &
magistrorum coarguetur desidia, Infert enim
iuxta lxx. & non erat qui susciperet, Sequitur,
Non est contritioni tuæ sanitas, sana licet esse
videatur, tumet (erecta est præ superbia) plaga

tua. Nonnè videtur tum propheta, tum interpres, nostri temporis & pastorum silentium, ne dicam ignauiam, & populi antè cum eis consopiti, quasi è graui somno excitati studium, & ad scripturas tum audiendas, tū legendas hodiernam alacritatem prædicere, & quasi digito indicare? Sed peræquè non tacuit insolèrium inde hominum, & scripturis abutètiū tumorem, nisi quæsito mox & adhibito remedio, insanabilem sitim certè alioqui, vel incendiū potius, nisi permultarum animarum ruina non restinguendum. Cū igitur Biblia laicis omnia omnibus prostant, & permittente magis principe quàm probante liceant, doceat autè & scriptura & experientia literam sine viuificatè spiritu occidere, & nudam & simplicem lectionē plus interim afferre scādali quàm salutis, remediū, vt sic dicam, remediorū fuerit, iuxta cōsiliū facultatis Parisiensis ad Erasimicas propositiones titulo XII. de hac materiā, cōueniēs & morū ædificationi accōmoda explicatio ex Orthodoxorū cōmentariis excerpta, sacris literis appositā, Sic quoque vt pij, sobrij, humiles & precabūdi legerēt, & dociles, nec inde à crebra diuini verbi auditione auocarētur, aut prædicationes cōtēnerēt, paratiores propriū quisq; pastorē, aut doctores cōsulere, audire, & quæ min⁹ capiūt, discere, & de iis quæ in cōcionibus publicis audierint, modestè inter se ad morū correctionē, deuotionē, cōpunctionē conferre, quàm aliter sacra profani tractare, hoc est, vel catholica in du

Biblia omnia laicis quatenus licita & legenda.

bium reuocando disputare, vel in occultis con-
 nenticulis immurmurare, vel coitionibus no-
 cturnis, aut alioqui secretis interesse, aut etiam
 num præesse, prædicare, & id genus alia, super
 quibus ex occasione sacrorum in Gallicum ser-
 monem conuersorum subnatis, eadem quæ ho-
 die subest, de causa, decretum Innocentij 111.
 constitutum est: cuius fragmentum refertur,
 ca. Cum ex iniuncto. Extra. de hæreticis. Quæ
 interim dum magis optare licet quàm obtine-
 re, & orare quàm sperare, vt ex non longa pa-
 recbasi minus quàm inopina regrediar, iuxta
 ea in 11. ad Timotheū digressionem 17. de Chri-
 stianæ pueritiæ disciplina notauimus, hic quo-
 que velim & optauerim, vt omnes in Christo
 per baptisma renati sic à teneris annis Chri-
 stianæ religionis elemēta, ea in primis quæ fi-
 de (quam explicitam nostri Scholastici vocāt)
 creditu ad salutem necessaria sunt, perdiscant,
 vt iuxta Pauli doctrinam, eadem liberos, reli-
 quāque familiam senes & anus, quantum o-
 pus & satis est, docere valeant, Inspiret Domi-
 nus CAROLO IX. Iam per eius gratiam iu-
 ueni, sed Regiæ planè indolis principi, Caroli
 Magni præcessoris hoc in regno sui, in religio-
 ne tum conseruanda, tum propaganda, zelum,
 animum, successum, Quo apud nos regnante,
 Synodus Rhemenfis Metropolitana canones
 aliquot ad totius Imperij Christiani correctio-
 nem statutos sic exorsa est, cap. 1. Est de fidei
 ratione, vt vnusquisque iuxta intellectum suæ

*Fides expli-
 cita.*

*Synodus
 Rhemenfis.*

capacitatis, Domino largiēte, discat, intelligat,
 & operibus plenè obseruet. I. I. vt orationem
 quam D. N. Iesus Christus discipulos suos ora-
 re docuit, discāt, & sensu bene intelligant, quia
 nulli eam Christiano ignorare licet. Nec du-
 bium quin idem de Symbolo & Decalogo san-
 xerint, vel certè senserint: Nam & inter huius
 Imp. constitutiones idem legimus, vt episcopi
 diligenter per paræcias presbyteros discutiant
 vt Missarum preces bene intelligant, psalmos
 dignè iuxta diuisiones versuum modulentur,
 Dominicam orationem intelligant, & omni-
 bus intelligendam prædicēt, quò vnusquisque
 sciat quid à Domino petat. Pueros non sinant
 libros catholicos legendo vel scribendo corrū-
 pere, quia sæpe dum bene aliqui Deum rogare
 cupiunt, per inemendatos libros malè rogant.
 Per homines ergò (si opus fuerit) ætatis perfe-
 ctæ cum omni scribi diligentia, & per singulas
 ciuitates diligenter inquiri, vt singula episco-
 pia, & vtriusque sexus monasteria emendaram
 simul cum cantu haberent lectionem. Sed
 ad disciplinam domesticam, eamque
 senilem, atque adeo anilem,
 & sic ad literam Pauli
 redeamus.

*Libri catho-
lici non cor-
rumpendi.*

*

R iij

Adolescētulas, vt viros suos ament, filios suos diligant, prudentes, castas, sobrias, domus curam habentes, benignas, subditas viris suis, vt non blasphemetur verbum Dei.

Ostendit qualiter personas in ætate iuuenili existētes instituat, & prius quidem fœminas, mox qualiter & matres. Iuenculas autem primū, vt se habeant ad personas coniunctas, dein vt ad se ipsas, postremò vt ad subiectos. Et quoniā hūc accusatiuum *Adolescentulas*, idem verbū quod superiores duos, *senes & anus*, regere potest, hortare scilicet aut admone, vt hæc & illa faciant, vel loquere quæ decet eas, vt tales atque tales sint, vel oportet eas hæc quæ sequuntur, curare, præter ea quæ in 1. ad Timot. 5. notauimus, quā discretè, quāque circūspectè clerici maiores aut minores possint ac interim debeāt ex officio fœminas præsertim iuniores inuiscere, alloqui, docere, addam ad idem, quod studio huc distuli ex Hieronymo ad vocabulum *sanos in dilectione*, hoc eodem capite. Timendum ne fortè nos & contraria dilectionis infirmitate superemur, & quo charitatis frigore Ammon in sorore etiam sua obriguit, 2. Reg. 13. aliquando tabescamus. Nonnunquam enim euenit, vt primū à nobis in virginē aut quamlibet fœminam sancta sit dilectio, & cū mollita mēs fuerit in affectus, paulatim sanitas charitatis

languore palleſcat, inſirmari incipiat, diligenter ad extremam mortem ferat. Vnde Paulus cautè ac prudenter Timotheo præcipit, vt exhortetur adoleſcenſulas in omni caſtitate, I. cap. 5. omnis autem caſtitas in carne, ſpiritu, & anima eſt, ne ſcandalizetur oculus, ne in pulchritudine vultus fœminei hærentes pendamus, ne blanda nos verba audire delectet, ne ad ſimulatos ſermones mens prius dura marceſcat. Caueant ergò tam iuuenes quàm ſenes, tam iuuenulæ quàm vetulæ, & omni diligentia cor ſuum cuſtodiant, ne per ſanctitatem dilectionis morbus introeat charitatis, per amorem ſanctum fiat non ſancta dilectio, quæ illos pertrahat ad gehennam. Sed & Auguſtinus in colloquio cum mulieribus priuatim miſcendo adeo cautus & rarus fuit, vt vel ſanctimoniales literas occultè ab vlllo accipere noluerit, Epistoſa 109. grauiter alioqui & ex præpoſiti arbitrio emendandas, citat Gratianus 12. q. 1. ca. Non dicatis, niſi quòd ex fœminis mares facit, cum aliis ex regula ſcilicet eiufdem tertia idem & eodem modo citantibus. Literas autem opinor amoris vel notas, vel illices, vel arcanorum reuelatrices, aut alioqui ſuſpectas, nam conſolandi, docendi, & charitatis mutuò fouendæ, nihil vetat, vel ipſi ſuſmet Auguſtini, & aliorum patrum, Hieronymi præcipuè exemplo, quorum non ad moniales modo, ſed & ad viduas, & ad nuptas quoque tot extant omne genus ſcripta.

*Mulierum
charitas qua
lis eſſe debeat*

Sed de huiusmodi literis nimium quàm pro litera præsentī. Et hunc ergò accusatiuum *Adolescentulas*, Græci omnes Latinique quidam, & quidem melius, ad verbum *σωφρονισμοι* referunt, ut intelligas mandari fœminis natu grandioribus, ut iuenculas sobrias, pudicas, ac moderatas reddât, Hieronymo, ad castitatem erudiât, Ambrosio, simpliciter instituunt, ad ea nimirum quæ sequuntur, hoc est, quæ, quas, quid, siue quâ prudentiam doceant. Quod & vertit Origenis Latinus interpres, fortè Hieronymus, Hom. 6. in Esaïam, suo quidem more scripturâ torquentis, non tamen nihil ad hanc literam facientis, præsertim cùm anus quidam hic Ecclesiæ ministras acceperint, De iis (ait ergò) quæ constituuntur in Ecclesiis viduæ, Si sanctorum pedes lauit, inquit Paulus, 1. Tim. 5. quo autem modo vidua lauat sanctorum pedes, audi Paulum alibi constituentem viduis, & dicentem, Bene docentes, ut pudicas efficiant adolescentulas, lauantes sordes pedum, & hæ viduæ ecclesiastico honore dignæ sunt, quæcunque sanctorum pedes lauant sermone spiritualis doctrinæ, sanctorum verò non masculorum, sed mulierum, ut ad castitatem suadeant, non adolescentes, indecens quippe est ut mulier magistra viri fiat, nec id Paulus alibi permittit: sed *Adolescentulas*, hæc ille. Et has ergo Apostolus subiicit mulieribus ætate prouectis, de ætate enim simpliciter loquitur, non de filiabus, ut quælibet

*Sanctorum
pedes lauare*

natu grandior, iuniorem quasi filiam suam regat, moderetur, castiget, erudiat ac doceat, primum castitatem, hæc enim omnia cum significet *σωφροσύνη*, postremum Hieronymus virginitati ad suspicionem usque fauens, legit, & exponit. Et quod solius doctrinæ quæ domi traditur, participes Apostolus vetulas fecerit, manifestant quæ sequuntur, *ut viros suos ament*, Ambrosio, quod idem est, viros suos diligere, non alienos, minimè omnium mæchos, vel ideo dicit, ne si quæ tum continentes erant, maritos suos non diligerent, aut etiam religionis prætextu relinquerent, hoc in causa foret, ut verbum Dei tanquam dissidium prædicans, culparetur, & malè audiret prædicatio. Sic Hieronymi, Primasij, & Theodoreti Scholia.

Digressio. 6.

Primum igitur doceant domesticorum bonorum omnium caput ac præcipuum fundamentum, coniugum inter se amorem ac per omnia consensum, nihil hoc magis necessariū, nihil hac re maius aut melius, aut etiā vtilius, præstat id nobilitati, opibus, & potentiæ, nam si hæc adfuerint, sequuntur & alia bona, pax domus & prosperitas, facultatum quod satis erit, imò & abundantia, & nihil triste continget, ut capite corpori cōnexo, & pacatis principibus mēbris, sana omnia, infirmitas nulla, sic

*Coniugum
inter se con-
sensu, dome-
sticorum bo-
norum caput*

amātib⁹ se inuicē cōiugib⁹, reliqua in pace sūt, nulla ibi seditio aut dissensio. Ea quippe vis dilectionis, vbicunque fragrantia illius aspirat odor, nihil illuc ingratum irrumpit: vt è contrario eis ab inuicem dissentientibus, nihil pacificum aut salubre, nihil non triste, ingratum, iniucundum, vbi coniugalis abest amor, cætera nutat familia, & quæcunque affluebāt, diffluūt, ac pessum eunt. Sic optimè Græci. Eleganter Chrysostomus, seu quisquis editionis secundæ autor est in Matth. Hom. 42. & 26. ex variis in

*Vxorū erga
virum dile-
ctio vt co-
gnoscatur.*

eundem locis. Ecce si vir vxorem habeat, quomodo cognoscitur plena eius dilectio? Si ea neminem viro suo sapientiorē, fortiorē, formosiorē reputarit, & si alter sit sapiētior, fortior, formosior, non ea tamen id intelligere debet, aut coram eius oculis talis alter apparere. Perfecto enim amore vt & odio, nō agno-

*Odij perfe-
cti indicium.*

scitur rerum indicium, vt puta, Si quem perfectè oderis, qualiacūque apud eum fuerint, omnia tibi displicent, quæ dicit agitvè, verè licet bona, tibi tamen mala videbuntur. Sic & si quem perfectè ames, quæcunque apud eum sunt, tibi placent, quæque loquitur facitvè, mala licet, bona tamen tibi apparebunt. Ergo si quem alium videns vxor, aiat, quàm sapiens vir! vtinam meus talis esset, iam eius amor minus habet de perfecto amore, & pro quanta parte aliquid amplius in altero quàm in suo viro laudauerit, tantò eius dilectio minor erit

ad virum suum. Tum hanc similitudinem accommodat ad animæ Christianæ erga sponsum Christum dilectionem, quem sic diligere debet, vt nihil in mundo vel in tantum, vel amplius, quo enim plus aliquid aliud vel tantum amauerit, hoc Deum minus amaret. Et verò amor coniugialis, radius quidam est diuini inter Christum & Ecclesiam amoris. Obiicit Hieronymus, Quæ doctrina est amare viros, cum hoc in corde amantis, non in eloquio docentis constitutum sit? Vult eas (inquit) amare viros suos castè, pudicam inter coniugatos dilectionem esse, Reliqua huius hîc, mox non omittam in verbo [Castas] Quos igitur naturali diligunt affectu, pudica etiam dilectione ament, & sicut seipsas ament. Sunt enim vir & vxor vna caro, nedum vna anima, vt Pythagorea amicitia, sed quod plus est, vnum corpus. Mulier ergo diligens corona est viro suo, Proverbiorum duodecimo, & Ecclesiastici vigesimo quinto, In tribus beneplacitum est spiritui meo, quæ coram Deo & hominibus probata sunt, horum tertium est, vir & mulier bene consentientes. Et sanè cum inter omnia vel naturæ, vel iudicij, vel vtriusque fœdera, nullum sit arctius vel sanctius coniugio, quod nimirum tantam omnium communionem, eamque perpetuam sic inducit, sic corpori corpus, animum animo connectit, vt è duobus hominibus videatur vnum reddere, præcipua eius pars est animorū con-

*Vir & vxor,
vna caro,
nedum vna
anima.*

iunctio, proinde qui corpora iungunt, animis dissidentes, si non in stupro, quod durius dixit Erasmus in Matrimonij institutione (è qua bonam eorum, quæ hîc præter literam dicturi sumus, partem excerpimus, spinas vitâtes, botros carpentes) certè in contubernio verius viuunt, quàm in connubio, Quales qui libidinis aut honoris, aut opum gratia ineunt coniugium, aliter non inituri, hæc potius amant quàm cõiuges. Non enim qui ex voluptate conuenerunt, sed qui secundum legem ex charitate consenserunt, sanctis cohabitare nuptiis dicuntur, ait Cyrillus lib. 2. cap. 88. ad id Ioan. 4. Christi ad Samaritanam, eius responsum probantis, quòd dixerit virum se non habere, quæ iam multis adhæserat, & nunc quem habes, non est vir tuus. Quales (vt id obiter dicam) in Lituania matronæ nobiles publicè more patrio concubinos vnum pluresvè permittentibus viris, & pro eorum facultate domi habent atque alunt, qui negligente marito matrimonij onera subeant, quos etiam connubij vocant adiutores. autor est Pius 11. in Europa, cap. 26. & Scholiorũ in Antoniũ Panormitam li. 4. nota. 8. Munsterus in Lituania, lib. 4. Cosmographiæ. Ad Apostolum redeo, qui alibi præcipit vxoribus, vt viros timeant, vel magis reuerentur, Eph. 5. 1. Petr. 3. in timore, vel potius reuerentia (timor enim malus custos, nisi castus) castam conuersationem hic vt amèt, Exempla vel poëtica vel historica studiosi norunt ex Valerij Max. de

*Coniuges
quomodo cõ-
uenire debe-
ant.*

*Lituania
matrona no-
biles.*

*Connubij
adiutores.*

amore coniugali, li. 4. cap. 6. Baptista Fulgoso,
 eodē titul. Plutarchi & Bocatij claris mulierib.
 Francisci Barbari de re vxoria libellis duobus.
 Eurydice Orphei, Andremache Hec̄toris, Al-
 cestis Admeti, Penelope Vlyssis, Euadne Ca-
 panci, Hi permestra Lini, Laodamia Proteſilai,
 Artemisia Mausoli, Cassandane Cyri, Armenia
 Tigranis, Cania Sinati, Testa Polyxeni, Æmi-
 lia Scipionis, Hipisicratea Mithridatis, Páthea
 Abradalij, Iulia & Cornelia Pompeij, Strato-
 nica Deiotari, Portia Bruti, Phila Demetriij,
 Triaria L. Vitellij, Paulina Senecæ, Annia &
 Valeria, Romanæ, Lacænæ, Myniades, Indicæ,
 & si quæ aliæ vel virorum ingeniosæ seruatri-
 ces, vel iis superuiuere nolentes. Venio ad effe-
 ctum peræquē vt naturalem, sic & Christianū,
filios suos diligant, hic probarem quod Aquinas
 notat dictum hic Maritos amare, liberos dilige-
 re, quasi sit amor ad viros, ad filios dilectio,
 quia affectus ille feruentior, hic naturalior, nisi
 Paulo idem verbū esset, *φιλάνδρους ἢ φιλοτίκους*.
 Ambrosius quoque è cōtrario quàm vulgatus
 interpreſ, viros diligere, & idē cum Hierony-
 mo, filios amare, verterunt. Et hoc igitur natu-
 rale est, & vnum oritur ex altero: qui enim ra-
 dicem patrē diligit, qui non fructus quoque, si-
 ue ramos, liberos diligeret? Omni ergo sollicitu-
 dine foueāt filios suos matresfamilias, & amēt
 non amore tantū carnali corpora nutriendo,
 sed & quidem multò magis spiritali, animas
 bonis moribus informando, in disciplina vti-

*Diligere
Amare.*

que ac correptione Domini, Eph. 6. hos enim
Amorinepti ita diligunt, si in Dei disciplina erudiunt, Quos
& stultus. è contrario nolle contristare, docendo quæ
bona sunt, & libertatem peccandi tribuere, nō
est amare, sed odisse, Qua in re Christianis in
ore est infœlix cum tota domo pater Heli,
Vxores suas 1. Reg. 2. 3. 4. profanis Seleucus, qui Stratonice
aliis cedentes coniugem sibi charissimam Antiocho filio de-
mariti. pereunti, nouercam nupturam, hoc est, ince-
standam cedere non dubitauit, Plutarchus in
Demetrio, Sisselius de Successoribus Alexan-
dri, lib. & cap. 5. Valerius lib. 5. cap. 7. de Indul-
gentia parentum erga liberos. Cœlius lib. 11.
cap. 17. Artaxerxes Aspasiam vxorem filio Da-
rio cedere pollicitus, sed mox pœnitēs. Cap. 8.
pater alius nobilis fœminæ in filio amorem
perditum cōcubitu meretricio restinxit. Quar-
tus quoque Patauinus filio hac licentia fasti-
dium veneris attulit, & libidinem exhaustit,
Franc. Barb. lib. 1. cap. 5. Et apud Fulgosum eo-
dem titul. matres referuntur liberorum quàm
Matres, fi- par sit amantiore, Antistia Pompeij vxor, &
liorum quā quādam innominata Arantij coniux, in fabu-
par est amā lis Niobe, Hecuba, Auctolia, nimio pro-
tiores. pter liberos præmortuos luctu, sed & quæ è
contrario propter sospites gaudio exanimatæ
Superstitiosæ eidem Valerio, lib. 9. cap. 12. Liuiο lib. 22. Gel-
lio lib. 3. cap. 15. & quotquot parentes dies to-
tos precari & immolare soliti, vt sui sibi liberi
superstitēs essent, supersticiosi ideo appellati,
Ciceroni lib. 2. de Natura Deorum, Lactantio

lib. 4. cap. 28. Et quantus sit parentum erga liberos affectus, adhuc aliquot exemplis nobis constiterit. In bello Iudaico Matthias pontifex *Matthia pontificis caritas.* populo fidelis & charus à Simone Latronum principe cum tribus filiis interficiendus, non vitæ vsuram, sed mortis celeritatem, naturæ ordinem, vt prius occideretur, precatus, ne filiorum necesse spectaret, nec eorum superstes esset funeribus, funus ipse mox futurus, quod vel pietas exigebat, etiamsi non rogaret, non tamen impetrauit, nec suprema quidem liberis oscula dare, nec in ultimo eos cōplexu suscipere permissus, vt augeretur eius, hoc est, paternus dolor, nouissimus interfici iussus est, Iosepho li. 6. cap. 15. Egesippo lib. 15. cap. 22. Iussit ergo pater liberos ad mortem præire, exemplo constantissimæ Machabæorum matris, quæ apud eundem Iosephum peculiari libello, & 2. Mach. 7. *Machabæorum matris fortitudo.* morientes filios complectentes se inuicē fratres prius intuita, supra suorum se volutās sanguinem,

*Et renouans veteres per tot noua funera partus,
Natorum in medijs mox inuenienda sepulcris.*

imò tot triumphis, quot filiis lætabūda, nouissima nō magis ad volūtatis Regiæ persuasione, quā ad cruciat⁹ materni augmentū seruata, præmissa velut pignora nouissimo loco martyrij quoque morte subsecuta, tantò liberorum amārior, quātò fuit Dei magis amans. Nō absimile omnino est, quod in clade Thessalonicēsi sub Theodosio maiore contigit. Mercator quidā

*Mercatoris
eniusdam mi-
ra pietas.*

cum duobus filiis captus, & vt incolumes ser-
uarentur, precabundus, seipsum ad necem ob-
tulit, pretium præterea quantum auri haberet,
militibus pollicitus, ab eis casum viri & cala-
mitatem miseratis, alterum quem vellet, redi-
mere iussus, cū paterna pietas & natura in vtrū-
que respectaret, flens & lamentās, vtrū optaret,
decernere non potuit: Sic animi ambiguus, &
vtriusq; ex equo amore victus, dum cunctatur,
vtrunque miser perdidit militari ferro casum,
Nicephor. lib. 12. cap. 40. post Sozomenū li. 7.
cap. 24. Non omittendus hic matrum propter
Innocentes ab Herode cæsos ploratus & vlu-
latus mult⁹ & inconsolabilis, Mat. 2. Hier. 31. &
irremediabiles lacrymæ Annæ filiū absentem

*Tobia senio-
ris pietas in
filium.*

infolabiliter mœrentis. Aspectum (ait ad virum
Tobiā seniore) filij nostri in diuitiis deputasse-
mus, vt quid amandauimus à nobis lumen ocr-
lorū nostrorū, baculū, seu scipionem, senectutis
nostræ, vitæ solatiū, spem posteritatis? Tob. 10.
Et hæc prolis spes scilicet ac successionis vel so-
la, vel præcipua debeat ad castum matrimoniū

*Tobia iunio-
ris castitas.*

inuitare. Et nunc (orabat Tobias iunior) Domi-
ne, tu scis quòd non libidinis causa vxorem du-
co, sed sola posteritatis dilectione, in qua be-
nedicatur nomen tuum, Tob. 8. vt vel ipso sta-
tim matrimonij vocabulo taxentur, qui alio fi-
ne connubunt, quàm vt vxor facta mater,
marito patris nomen conciliet, Et hinc enim
veteres maluerūt matrimonium vocare quàm
patrium, quoniam eandem quidem pro-
uinciam

nunciam gerunt maritus & vxor, sed habet suā
 vterque functionem, nam domestica res est
 gignere, nutrire, educare, teneram ætatem in-
 stituere, & hæc peculiaris est matris familias in-
 tra parietes priuatos administratio, maritus fo-
 ris vel in foro, vel in Republica, vel negotiatio-
 ne versans, auget patrimonium, vxor parua
 seruat ac dispensat, domi (vt mox infrà Paulus
 ait) familiam curat, & liberos præsertim tene-
 ros, qui materno magis indigent solatio, quàm
 paterno, & quidē ante partum matribus one-
 rosos, in partu dolorosos, post partum laborio-
 sos, vnde legitima maris & fœminę coniunctio
 matrimonium magis nuncupetur, quàm patri-
 monium, in Cap. Ex literis. de conuersione in-
 fidelium, Extra. Sed de hoc nuptiatū sine nos
 plura ad id. I. Tim. 4. [prohibentes nubere] &
 5. [filios procreare]. Hic addemus quæ tum vel
 non occurrerant, vel exciderant. Ecquo ergo
 modo matrimonium iuxta propriam & exactā
 eius rationem extat vel inter effectos senio, vel
 inter deploratæ sterilitatis homines? Etenim
 hodiēque non desunt, qui scientes ducunt ste-
 riles, modò bene dotatas, non ducturi, si pari-
 turas scirent, nec vt rem habeant, sed dotē au-
 ferant, & sibi mutuo insidiantur, puella tenera
 ducitur à septuagenario, ita cum parēte magis,
 quā cū viro dormitura, quòdque etiam multò
 absurdus est, sexagenaria nubit iuueculo, quasi
 sic à filio potius quā marito ineunda. Fœda sa-
 nè vtrinq; species, sed posterior multò fœdior,

*Sterilium
 effectori m. a.
 trimonio.*

*Legi Papia
fibula.*

Nam senex quidem ex puella pater, non item
 anus ex iuvene mater esse potest: adeo ut tali-
 bus Lex Papia (citante præter testes à nobis ibi
 citatos, Seneca in libris moralis Philosophiæ,
 hodie non extantibus, Lactatio, li. 1. cap. 16.) Fi-
 bulâ imposuerit, ad coercenda scilicet eorum
 genitalia. Sed hanc à profanis principibus im-
 positam Christiani sustulerunt, & quæ est hu-
 mana tum infirmitas, tum incontinentia, hoc
 coniugiorum genus excusat, non prorsus rei-
 cit, adhibita distinctione finium, principalis &
 secundarij, Cuiusmodi est obsequiorum mu-
 tuorum commoditas. Atqui ubi non subest fi-
 nis primarius, qui locus secundario esse potest?
 Quis enim contractus, si vel ubi sic dicitur, Ca-
 pio te in meum meamvè, hoc animo ut nè mi-
 hi liberos generes? Sed matrimonium etiam sa-
 nè sit, quod conciliarint aliæ causæ, non hone-
 stæ modò, ut inimicorum reconciliatio, pacis
 redintegratio, solatium & sustentatio: sed etiã
 inhonestæ, libido, voluptas: vel certè minus
 honestæ, pulchritudo, quanquam & hæc Dei
 donum, sed plerunque fallax gratia, vana pul-
 chritudo, Prou. 31. Finiat hoc propositum S.
 Monica magni Aug. filij mater, & Patritij viri
 vxor amantissima, vtrunque Christo lucrata,
 Confess. lib. 3. cap. 11. 12. ut ille filius eius lacry-
 marum diceretur, lib. 5. cap. 7. 9. lib. 6. cap. 1. li. 9.
 cap. 5. Posidius in eius vita ca. 2. Quæstus itè lu-
 crum, diuitiæ, ut consentiunt doctores in 4. Dist.
 30. tanta sacramenti vis est, ut nec finis id non

*Monica dñi
Augustini
mater.*

bonus, nec mala vita, nec intentio peruersa cō-
 taminent. At distinctione sequenti Augustinus
 ex libro de bono coniugali cap. 5. Sicut cū mas
 & fœmina soluti, propter incontinentiam
 solius concubitus causa copulantur, hac ta-
 men fide media, vt neuter cum alio id fa-
 ciat, prolis tamen generationem, non ea licet
 causa coniuncti, non sic vitauerint, vt filios vel
 sibi nasci nolint, vel etiam opere aliquo malo
 ne nascātut, agant, vt talium (inquam) hominū
 vsque, inter se placitum, posse quidem fortasse
 appellari connubium scribit, Ita si vel vtrunq;
 vel vnum horum desit, ingenuè fatetur nō in-
 uenire se, quemadmodum has nuptias appella-
 re possimus. Certè non aliunde vel sæpius, vel
 acrius idem Manichæos flagellauit, quàm quia
 hoc in coniugio maximè detestarentur, quòd
 filij procreantur; ita illi suos auditores, dum
 cauerent ne fœminæ, quibus miscebantur, cō-
 ciperent, etiam vxorum adulteros faciebant.
 Ducunt enim (ait) eas ex lege matrimonii T A-
 B V L I S proclamātibus, L I B E R O R V M pro-
 creandorum causa, ad explendam autem tantū
 libidinem, fœminis impudica coniunctio-
 ne miscentur, filios inuiti suscipiunt, propter
 quod S O L V M coniugia copulanda sunt: *Coniugia*
 hoc autem de nuptiis ablato, vnde sunt nu- *propter pralē*
 ptix, mariti erunt turpiter amatores, me- *solum copu-*
 retrices vxores, thalami fornices, soceri leno- *landa.*
 nes. Vxores enim ij non ad matrimonij fi-
 dem, sed ad concupiscentiæ crimen, habendas

*Nuptia quæ
vix instituta.*

*Meretrices
concupiscere
volunt.*

*Bonum con-
iugale.*

censebant, cum matrimonium cōtrā ex eo ap-
pellatum sit, quod nō ob aliud fœmina debeat
nubere, quàm vt mater fiat. Lex enim æterna,
id est, creatoris omnium voluntas, conseruân-
do naturali ordini consulens, non vt satiandæ
libidini seruiatur, sed vt saluti generis prospici-
atur, ad prolem tantummodò propagandā,
mortalis carnis delectationē dominatu ratio-
nis relaxari siuit: ij è cōtrario, prolem ante om-
nia deuitari à concumbentibus iuebant, &
vnam (præcipuam) nuptialis conuentionis ho-
nestatem, vt mares & fœminæ liberorum pro-
creâdorū causa copularētur, hoc crimē maxi-
mum reputabant, cum præcipuè concubitus
detestantes, qui solus honestus & coniugalis,
quem matrimoniales quoque T A B V L A præ-
se gerunt, liberorum inquam causa, ita non tã
concumbere, quàm nubere prohibentes: Con-
cumbitur enim etiã cãusa libidinū, nubitur
autē, non nisi filiorum. Propagationis autem
concubitus, qui solus propriè nuptialis est, ve-
hementius ij accusabant, meretricum scilicet
more, quæ dant operā ne concipiant, vt ab of-
ficio pariēdi liberæ, libidini seruiant. Hæc pas-
sim contra Manich. & Faust. li. 15. 19. 22. 30. ca.
7. 26. 30. & 50. 6. Secundinum, cap. 21. & contra
Pelagium & Cælest. lib. 1. 2. ca. 38. 4. toties vnū
matrimonij finem faciēs, generationis officiū,
non tamen tam vnum, quàm primarium: est
enim & finis secundarius, intemperatiæ reme-
dium. Tertium item adūcit bonum coniugale,

lib. de hoc bono, cap. 3. naturalem in diuerso sexu societatem; alioqui non iam diceretur cōiugiū in senib⁹, præsertim si vel amisissent filios, vel minimè genuissent. Nūc verò in bono licet annoso cōiugio & si emarcuit ardor ætatis inter masculum & fœminam, viget tamē ordo charitatis inter maritum & vxorem, si seruetur fides honoris & obsequiorum inuicem debitorum ab alterutro sexu, etiam languescantibus & propè cadauerinis vtrinque membris. At ego de talibus matrimoniis non loquor.

Nihil enim æquius, quàm vt qui vnà sunt iuuenati, vnà quoque consenscant. Sed nunc mihi res est aduersum eos, qui primū conu-bunt, vt nē congenerent, vetulas præsertim, quarum ætas geniturę tantum, non etiam luxurię modum fecerit, vt cum Messalina lassentur magis, quàm satientur. Quāquam & superiores illi quantò plus honestè cum Sara inuicem excusarent, postquàm consenuimus, voluptati operam dabimus? Gen. 18. Et hæc quidem magis fortè ad parentes *παρονομας*, 1. Tim. 5. quàm ad *φιλανθρωπας*, sed præterquàm quòd si affectus consequentes sunt, illic nobis omiſsa, hīc, loco, credo, non aliēno facta sunt. Quæ igitur hodie matrimonia vetulę subantes, nec aliquid minus quàm fortificare vel volentes vel sperantes, & auari viri tales bulgas ad ditescendum, aut quiduis potius quàm ad prolis propagationem, contrahunt, meritò, sanè populi salibus & diſſectis flagellantur.

Quos euehit optima summi

(ait Iuuenalis Satyra.3.)

Nunc via processus, vetula vesica beata,

Qui sectatur annus. ô quantum cogit egestas! Martial.
lib.11. Epigrammate 88. Quid, ait Seneca (citā-
te ad finem lib.1. in Iouinianū Hieronymo) de
vitis pauperibus dicam, quorum in nomē ma-
riti; ad eludendas leges contra cælibes latas,
pars magna cōducitur? quomodo potest rege-
re mores, præcipere castitatem, mariti autori-
tatem tenere, qui nupsit? His certè non nubit
mulier, sed ipsi nubunt mulieri, serui matrona-
rum magis quàm mariti.

Vxorem quare locupletem ducere nolim,

Quaritur? uxori nubere nolo mea. ait idē qui paulò
antè poëta li.8. Epigr.12. Talis inducitur Chre-
mes in Phormione Terentiana, Faceſſat igitur
calumniam, Hic verū appello matrimoniū, quod
non tantum legibus ratum est, aut moribus,
sed veris quoque conglutinatur affectibus. Nō
verò qualibus conuenientes maritos nomine
tenus ex Seneca paulò antè Hieronymus vo-
cat, maritos etiam negat Augustinus, qui sunt
maritorum indigni nomine: Quales qui non
tantum non propagandæ prolis causa concū-
bunt, sed huius quoque libidinis causa, prolis
propagationi malo vel opere vel voto obſiſtūt:
Qui hoc (ait) faciunt, quamvis vocentur, con-
iuges non sunt, nec vllam nuptiarum retinent
veritatem, sed honestum nomen velandæ tur-
pitudini obtendunt, quæ occulta manifestæ

*Matrimonium
verum.*

*Mariti no-
mine tenus*

crudelitatis conuincitur, cū aut sterilitatis uenena procurant, aut fœtus conceptos intra viscera extinguunt, aut fundunt, volentes prius interire quā uiuere, aut in vtero iam uiuentes occidunt antequam nascantur, in lucem etiam claram tenebrosa proditur iniquitas & libido, quando eousque progrediuntur, ut exponant filios qui nascuntur inuitis, oderunt enim nutrire vel habere, quos gignere metuebant. Proxus (inquit) si ambo tales sunt, coniuges non sunt. Et si ab initio tales fuerunt, non sibi per cōnubium sed per stuprum potius conuenerunt. Si autem non ambo tales sunt, audeo dicere, aut illa est quodammodo meretrix mariti, aut hic adulter vxoris. Hæc ad Valerium, de Nuptiis, lib. i. cap. 15. Et cap. 17. In nuptiis ergo bona nuptialia diligantur, Proles, non ut nascatur rātum, sed & renascatur, nascitur enim ad pœnam, nisi renascatur ad vitam. Fides, non tantū qualem habent inter se etiam infideles carnē zelantes, Quis enim vir quanlibet impius vult adulteram vxorem: aut quæ mulier quanlibet impia vult adulterū virum? hoc in cōnubio bonum est naturale quidem, carnale tamen: Sed Christi membrum coniugis adulteriū coniugi debet timere, non sibi, sed à Christo separare fidei præmium, quam exhibet coniugi. Sacramentū verò etiam sterile coniugiū tenet iure pietatis, iam fœcūditatis spe amissa, propter quam coniuncti fuerant. Habes quo sensu sit

*Nuptiarum
adulterinarū
velamen, &
mala.*

Bona nuptialia.

aut non sit inter senes aut steriles connubium. Verè tamen per me contra hanc licet, quando ea non rescindit Ecclesia, quæ tam alioqui multa tolerat, sed & legibus quoq; rata sunt, equidem non reiecerò, non tamen nihil cum Manichæis (hoc est, ut hæreticorum, sic maritorum impurissimis) simile faciunt, licet non simili de causa: Illi quidem ob multiplicem heresim, hi propter malum nec vnum, nec simplex, avaritiam nimirum, Idololatriam Paulo non semel vocatam, Eph. 5. Col. 3. verè ac rectè, non temerè nec hyperbolicè sic vocatam, interprete sanctissimo viro Chrysostomo, Homil. 64. super Ioannem. 7. ad Rom. 18. ad Ephes. 20. & 25. ad Hebr. ut quibus, viro quidem aurum & argentum, uxori venter idolum, imò Deus sit, Phil. 3. Redeamus ergò ad Pauli literam, hoc est, ad amicitiam tum conjugalem, tum maternam, & ut ita loquar, filialem, de qua sic Erasmus ubi suprà, utinam tam innoxie ibi reliqua, iam & liberi (ait) communes si contingant, adamantinis vinculis astringunt coniugum inter se benevolentiam, quo enim chariores illi his erunt, & maiore in illos pietatis affectu hi gerent, hoc min⁹ offēsarum inter hos coalescet: Qui solo ductu nature vivebāt, liberos appellarunt pignora, quasi ad cōfirmationē cōtract⁹ aut fœderis. In quē vsum & obsides à principibus, quos habet charissimos, dātur & sumūtur, in quos sœuitur interdum, si fides alterutrius eluserit. At natura quantò sanctiora pignora cōmentā est, cum

Erasmus.

*Filij quare
appellati pi-
gnora.*

vxor gignit marito, vterque alteri dat obsidem
 in quo spiret vterque, veluti duobus in vnum
 conflatis, quod vtrique sit charius quā ipse sibi:
 hac arte matitum vxori, ac vicissim vxorē ma-
 rito dedit obsidem, vt iam distrahi nec velint
 propter insitam erga liberos charitatem, nec
 possint, quòd liberorum possessio sit indiuisi-
 bilis. Verba diuertentium sunt, Tua tibi habe,
 at cū ventum erit ad liberos, cui dices, Tua ti-
 bi habe: hīc neuter sua sibi habere poterit, nisi
 simul habeatis, quod ambobus ex æquo cōmu-
 ne est. Et hīc contemplari licet miram naturæ
 sollicitudinem, simul in eodem duos vel vultu
 pingentis, vel corpusculo repræsentantis. Illic
 agnoscit vxoris imaginem maritus, & mariti si-
 mulacrū vxor, interdum relucet aliquod aui-
 ræ figuræ vestigium, interdum aut propatruū
 aut proamiram expressam dicas, quo pluribus
 argumentis tibi commendaretur pietatis erga
 liberos affectus. Proinde qui ad hunc naturæ
 affectum obsurduerunt, homines esse, nedum
 Christiani desierunt, infra brutorū naturam
 degenerantes, vltra feritatem efferati. Et hanc
 esse causam puto, quòd nullum extet speciale
 præceptum, quo parentes iubeantur filios dili-
 gere, vt nemo seipsum iubetur diligere. hanc
 legem sic insculpsit intimis omniū affectibus
 natura, vt superuacanea videatur scripta lex,
 præsertim humana: Id interim mirū, nusquam
 extare plura officiorū exempla, quā vbi nul-
 la lex est officium exigens: historici cōmemo-

*Diuertentiū
verba,*

*Similitudo
filiorum cum
patre aut ma-
tre, &c.*

*Filios dilige
re tūc nuf-
quam præce-
ptum paten-
tibus,*

Patrum pietas in filios.

rant amicorum paria non ita multa, cæterum
vita mortalium scatur exemplis Patrum, quos
non puduit suæ vitæ iactura liberorum vitam
redimere. De Ænea legis i. Æncidos, *Omnia in*
Ascanio chari stat cura parentis. Clamat Ela. 49.
Dominus, Nunquid obliuisci potest mulier in
fantem suum, ut non misereatur filij vteri sui?
Sed væ malitiæ mortalium. Inueniuntur inter
Christianos, quæ recens æditos infantes expo-
nunt aut iugulant, quæ cientes abortum, necant
etiam nondum natos. Sed hinc facessant portenta
verius, quàm exēpla. Ergo si liberi contingunt,
habetis obsides mutue charitatis, Sin minus,
non est orbitas ubi viuit charitas, Sic enim Hel-
cana consolabatur Annam uxorem, i. Reg. i.
Cur affligitur cor tuum? Nunquid non ego me-
lior tibi sum, quàm decem filij? Hec ille. Porro
quod sub initio huius dixit, non ut officiosus
esse potest, qui vult, ita potest & liberos sibi da-
re, Da mihi (aiebat marito Rachel) liberos, a-
lioqui moriar, Cui subiratus Iacob respondit,
Num pro Deo ego sum, qui priuauit te fructu
vētris tui? Gene. 30. Sunt igitur & τεινογορία, &
φιλία Dei haud dubiè magna charissimata.
Qualiter ergo se matres familias habeant ad ma-
ritos & liberos, hætenus dictum, prosequitur
Paulus qualiter ad seipsas habere debeant: &
tria dicit, quo ad rotidē animæ facultates: quæ-
tū ergo ad rationem, *prudentes, obsequiosæ,* He-
ronymo pudicæ, Ambrosio vtrunq; sed omis-
so tertio vocabulo, *sobriæ,* sed quia sequitur

ἀγναι, castas, siue puras, melius hîc quadrat, vt
 magis necessarium, quia earum tum sexus, tum
 ætas, hoc est, iuuentus, contraria est prudentiæ,
prudentes, supple esse, mentis intelligentia, vt li-
 cet corpore sint adolēscētes, per prudētiæ tā-
 men acumen bene callētes sint in gubernatio-
 ne domus ac familiæ. Tribuunt & philosophi
 muliebri sexui solertiā, hoc est, dexteritatem
 quandam in consiliis extemporariis, quod mul-
 ta cogitatione negentur proficere, quēadmo-
 dum viri, quibus vehemens affectus nonnun-
 quam excutit iudiciū: Sed & in rebus seriis ha-
 bent illæ consilia interim mascula, nedum in
 leuioribus, quæ sunt matronalis prouinciæ, ve-
 rùm vt tales contingant non est præcis in ma-
 nu, sed à Deo, coniugij, vt autorem, sic prospera-
 tore, petendum est. Nam domus & diuitiæ dā-
 tur à parētibus, à Domino autem propriè vxor
 prudens, Prou. 19. Quem quidem locum Am-
 brosius, seruata Græcā emphasi, sic vertit, Do-
 mum & facultates distribuunt parentes libe-
 ris, cæterum à Deo *ἀρμόζεται*, adaptatur vxor
 viro, quo verbo vtitur Paulus 2. Cor. 11. Despo-
 di vos vni viro *ἑκ μὸς ἀνδρῶν*, nec enim potest felix
 esse cōiugiū, vbi nō est harmonia, quæ nascitur
 similitudine morū & ingeniorū, ac mutuis ob-
 sequiis, quibus potissimū rebus gignitur alitū-
 que concordia. Triste iugū, vbi animorum dis-
 fidium, inamabilis cantio, quæ non habet har-
 moniā. Rursus Salomon, Qui inuenit mulierē
 bonā, inuenit bonū, Prou. 18. bonū dixit pro in

*Solertia mu-
liebrū.*

*Concordia
coniugalis.*

signi bono, ac veluti mūdo bonorum. Græcus
 interpret vertit χάρις, id est gratias, bonorum
 copiam multitudinis numero exprimens. &
 hauriet iucunditatem à Domino. Confirmat

*Vxor bona
 à deo datur.*

Syrach, Pars bona, mulier bona, in parte bona
 timentium Deum, dabitur viro pro factis bo-
 nis, Ecclī. 26. Cui ergo contigit vxor prudēs at
 que bona, bonam partem sortitus est, ea pars
 non temerè datur quibuslibet, sed Deum timē
 tibus, quique sibi benefactis eū reddidere pro-

Vxor mala.

piciū. Item, Sapiens mulier ædificat domum
 suam, insipiēs extructam quoque manibus de-
 struit, Prou. 14. & lustratis omnibus quæ sub
 cælo sunt, comperit amariorem morte mulie-
 rem, Eccl. 7. qui tenet aut sibi adiungit talem,
 quasi qui apprehēderit scorpionem. Ecclī. 26.
 Si res tam acerba est vxor mala, insipiens, cogi-
 ta quàm ingens Dei donum sit mulier sapiens
 & bona. Si per tuam ergo incuriam contigit
 infœlix matrimonium, agnosce culpam, & me-
 mento patienter malum ferre, quod ipse tuo
 iumento accersisti: si citra culpam, tolera, quia
 sic Domino visū ob causas occultas, qui te me-
 lius, nouit quid expedit saluti tuæ: Sin fœlix ob-
 tigit, ne tribuas humanæ prudentiæ, sed agno-
 sce iuxta superiorem doctrinam, eam hilarita-
 tem tibi profectam à Domino, huic igitur tua-
 rum nuptiarum auspici gratias agito, Sic salu-
 briter Erasmus. Sequitur in Paulo, quantum ad
 vim concupiscibilem, *Castus* coniugali castita-
 te, corporis continentia, vt contraquam magis

*Castitas cō-
 iugalis.*

in ætate florenti pugnet inimicus, cuius virtus omnis contra fœminas, in vmbilico vētris est, Iob. 40. Et corpore ergò & mente puras se præstent, & ab aliorum etiam appetitu, nedū concubitu abstineant. Quin mutuus corporū contactus, qui vitari nequit, debet esse castissimus, ad prolem quoque gignendam rarus congressus vtilior quàm assiduus, & remediū paratum est inuincibili naturæ infirmitati, non peruersæ libidini. Naturæ vsus certis terminis circumscribitur, luxus & libido fertur in immensum. Sit igitur coniugii vsus verecundus, & quantū licet, virginitati simillimus, vt cum pudore & verecundia, & quasi necessitate sexus, reddat vxor potius viro debitum, quàm exigat. Opera liberorum ante Dei oculos (quod hîc sanctissimè monet Hieronym⁹) perpetrare se credant, ita erubescant secretum etiam cubile, noctium tenebras, clausum cubiculum, cum omnia patere Dei oculis cogitarint. Quātò (quod ait Augustinus de bono coniugali, cap. 3.) meliores, tantò maturius à cōmixtione carnis suæ pari consensu, se continere cœpturi. (Sed de hoc nos amplissimè lib. 5. de Cōtinentia.) Animorum enim ritè coniugatorum tantò syncerior quantò probator, & tantò securior, quantò placidior castitas perseuerat, vt merito ibidē cap. 5. indignetur matronis iure suo intemperantius vtentibus, & viros plerunque continere cupientes, ad reddendum carnale debitū cōgentibus, non desiderio prolis, sed ardore con-

Debitū coniugale magis vxor reddat quàm exigat

cupiscentiæ, in quarum tamen nuptiis bonum est hoc ipsum quod nuptæ sunt, & ad hoc nuptæ, vt concupiscentia ad legitimum vinculum non deformis & dissoluta fluitet, habens de se ipsa irrefrenabilem carnis infirmitatem, & progressum immoderatè coëundi, de nuptiis indissolubilem fidei societatem, & modū castè procreandi. Etsi enim turpe est libidinoso vti vel marito, honestū tamen est nolle misceri nisi

*Hieronymus
l'AKATH.*

marito. Adeoq; castitas est, quod Hieronymus non sine suspitione, nec sine temporis sui clericorum calumnia scripsit Geronticæ, in eo laudabiles qui renubunt, viduas quidem, quod vni viro sint prostitutæ, non pluribus, viros autem, quod cum vna muliere magis volutentur, quā cum pluribus. Quem secutus Erasim⁹, per æquē parum, iudicio quidem meo, reuerēter scripsit in virginis & martyris comparatione, mundi virgines, dū nubunt, ætatis florem marito prostituere. Mirum si alibi vsquam apud bonū autorem hoc vocabulum in partem nisi malam accipiat. Et castæ igitur matrisfamilias est, debitum reddere magis quā exigere, & viro reddere, non officij tantum, sed remedij gratia. Lacana quodam interrogante num adhuc ad virum accessisset, Non ego (inquit) sed ipse ad

*Virū mulier
ne pronocet.
Zenobia Pal
myraorum re
gina pudici
tia.*

me. Hoc Plutarchi præcepto connubiali 18. in matrona esse debet, vt neque rem vitet, nec ægreferat incipiente marito, nec prior tēter, hoc impudentis, ne dicam meretricis, illud fastuosæ, nec virū amātis. Rara sana mulier Zenobia

Palmyræorum regina, quæ Trebellio Pollioni nec virum quidem suū nouit, nisi tentatis conceptionibus, nam cū semel concubuiſſet, expectatis menſtruis continebat ſe, ſi prægnans eſſet, ſin minus, iterum poteſtatem quærendis liberis dabat, longè diſſimilis Iuliæ Auguſti filię, quæ niſi naue plena nunquam vectorē tollebat, Sempronię Saluſtio in Catilina, libidine ſic accenſæ, vt ſæpius viros peteret, quā peteretur, aut etiam Sæuli vxori, virum vtrō rapiēti, 1. Reg. 20. Negauit poëta vllam negare, ſi fortè minus daret, & caſtam eſſe, quam nemo rogarit. Dixit alter partes roganſis acturā, ſi conueniret maribus non antè rogare. Vtriuſque carmen plus ſatis notum. Dixit & in Clio Herodotus, mulierem cum tunica ſimul & pudorem exuere. Dixit item quædam Macedoni Philippo mulier, Lucerna ſublata vel extincta, omnem mulierem eandem eſſe, nihil inter eas intereſſe. Quid hi ſibi volunt ſcriptores, quàm omnes homines, ſe verò in primis, ſcortorum eſſe natos, ac proinde nothos? Non igitur rectè illi, niſi fortè de vulgo mulierum, vel meretricum potius. Contrà enim modèſta, cū veſtem exuit, pudorem induit, ſummūſque tum pudor, tum amor mutuo ſeſe teſtimonio argumentōque indicant, nuptam enim decet remoto lumine non cuiuſque mulieris ſimilem eſſe, ſed tum maximè modèſtiam, moderationem, & amorem erga virum præ ſe

Iulia Auguſti filia impudicitia.

Mulieres impudica.

Nocturnus pudor.

Noctes etiā
deorum sunt

tarchus præcepto 9. & 48. Quid quòd noctu
prorsus enūdari vetat Hesiodus? quoniam &
Deorum (ait) immortalium noctes etiā sunt.
Pudorem igitur omni loco ac tempore tuean-
tur, vt vel per tenebras marito moratæ videan-
tur. Sic enim res in matronis bene institutis, vt
cū tuniculam vel intimam posuerint, tū ma-
ximè sibi matronalem sumant verecundiam,
& luce remota vel restincta, reuerentius agant
cum maritis, cogitantes se tum maximè in eo-
rum esse potestate. Nec verò maritus putare
debet, thalami locum nequitiae consecratum,
sed modestiae potius ac pudicitiae templū. Stul-
tissimè quidam vxori, amasius tamen magis
quàm maritus,

Lucretia toto

Sis licet vsque die, Thaida nocte volo. Hoc est, a-
micam potius quàm coniugem. Grauius cō-
trā Plutarchus præcepto vltimo, Maritus (ait)
nihil minus vxorem vereri debet, quàm si tha-
lamus officina modestiae non intemperantiae
sit futurus: Qui enim voluptatib⁹ fruitur, à qui-
bus eam coërcet, nil ab eo differt, qui vxorem
cum hostibus pugnare iubet, quibus se ipse de-
didit. Commodus Imp. apud Spartianum, vxori
de extrariis voluptatibus cōquerenti, respon-

Vxor, digni-
tatis nomen.

der, vxorem dignitatis esse nomen, non volu-
ptatis, imò & voluptatis, Cōmode, sed tui dissi-
milibus maritis, hoc est, pudicis, qui cupidita-
tem non vt tu, per alias exercent. Et huius igitur
permissae castaeque voluptatis conscius le-
ctulus, sit idem precum viro cum vxore com-

Leclulus con-
iugalit.

munium

munium, serò, cùm cubitum itur, mane, cū surgitur, etiam cōsciū. Immaculatus lectulus, Hebr. 13. Et habet ille quidem cōtactus corporum crassius quiddam, parūque rebus spiritalibus congruens, propter quod Paulus optabat omnes sui ipsius vt similes essent, hoc est, continentes, 1. Cor. 7. sed exigere non audebat, ne infirmis occasionem grauioris ruinæ daret, Ius enim coniugii perpetuū est, relaxatio iuris conceditur, non imperatur, Secundum indulgentiam dico (ait) non impero: proinde quotidiana quidem fidelium preces non interrumpūt, nec impediunt cōiugii vsum, Sic enim cū quotidie orandum sit, & omni die de Deo meditandum, nullo die coniugio seruiendum foret. At commodum esset & congruum, quoties vel tēpus vel animus ad purius & magis seriò orandum hortatur, id temporis ex consensu & cōdicto continere, vt quibus diebus Ecclesia vel nuptias celebrare vetat, vel Eucharistiam iubet sumere, vel ieiūnia, publica suè litanias indicit, vel cū festi dies ad similem inuitant puritatem. Quanquam id quoque volentibus magis permittitur, quàm præcipitur, propter carnis humanæ lubricum. Imbecilles ergò diuinam opem implorent, vt iis largiatur cōtinentiam, vel temporaneam. Quibus autem tantus Dei dono profectus obtigit, vt coniunctionem corporum, prolis modò gratia, expectant, his abundè multum temporis supererit ad orationes, lectiones, ieiunia, cōciones audiēdas, reliquaq;

*Corporum
contactus in
coniugio.*

*Continentia
quando maxime
coniu-
gibus obser-
uanda.*

*Continentia
quàm multa
tempora de-
stinata.*

sacra, quod in proximam Pauli literam adnota-
uit inter veteres Ambrosius, Si enim filiorū
(ait) creandorum causa ducitur vxor, non mul-
tum tempus cōcessum videtur ad ipsam vsum,
quia & dies festi, & purgationis, & conceptus
partusque ratio, iuxta legem (Leuit. 12.) cessari
temporibus his debere demonstrant, hīc verò
proinde cūm erit vxor grauida, quiescet à cō-
gressu, rursus à partu, diebus quibus purgatur,
quod etiam continendi tempus extendit Gre-
gorius 1. quæstione 10. ad Augustinum Anglo-
rum episcopum. & in ca. Ad eius. Dist. 5. donec
infans ablaçtetur. At in menstrui liquoris pro-
fluuio necessitas magis quàm religio præscri-
psit à congressu temperandum, vetuit id Deus,
lege capitali lata, Leuit. 20. hodie sublata pœne
seueritate, naturæ ratio tantū habere momen-
ti debet apud Christianos, vt eo tempore mo-
lestus ne sit vxori vir, & huic quod petere non
debet, petenti ea modeste excuset. Sed nos de
iis rebus abundè in libris de continentia & ab-
stinencia, si quando Dominus edere dederit.
Sunt autem, quod vbi suprā prosequitur Augu-
stinus, cap. 6. viri quidam vsque adeo inconti-
nentes, vt coniugibus nec grauidis, parcāt quic-
quid tamen inter se immodestum, inuerecun-
dum, sordidumvè gerūt, vitium est hominum,
non nuptiarum, vt & in immoderatiore debiti
carnalis exactiōe, quam eis secūdm veniam,
non secūdm imperium præcepit Apostolus,
vbi antè, etianisi præter causam procreandi cō-

*Menstruata
non commi-
scendum.*

misceantur, prauique mores ad talem eos im-
 pellant cōcubitum, nuptiæ tamen ab adulterio
 seu fornicatione defēdūt, nec enim id propter
 nuptias admittitur, sed propter has ignoscitur.
 Debent ergo sibi coniuges sexus sui cōmiscēdi
 fidem, quam idem contra Pelagium & Cele-
 stium de peccato Originali lib. i. cap. 37. pud-
 citiam etiam vocat, hanc inquam, sibi debent
 coniuges, non liberos tantum procreandi cau-
 sa, quæ prima est humani generis in ista mor-
 talitate societas, sed etiam infirmitatis inuicem
 excipiendæ, cōtra illicitos cōcubitus, mutuā quo-
 dammodo seruitutem, vt si continentiam præ-
 fertim perpetuam, alteri vouere placeat, nisi ex
 alterius cōsensu non possit. Et ad hoc enim al-
 ter alterius corporis potestatem habet, vt quod
 non procreationis, sed infirmitatis causa mu-
 tuo expetunt, non sibi alterutrum negent, ne per
 hoc in damnabiles corruptelas incidant, tētan-
 te Satana propter incontinentiam, vel ambo-
 rum, vel alterutrius: Coniugalis enim concubi-
 tus generandi gratia, non habet culpam, cōcu-
 piscentiæ verò satiandæ, sed tamen cū coniuge,
 propter fidem thori, venialem habet, Adul-
 terium autem, siue fornicatio, lethalem. Et ca-
 pite 10. Concubitū ergo secūdm veniā Paulus
 concedit, qui fit per incontinentiam, non sola
 causa procreandi, & aliquando nulla causa
 procreandi, quem nuptiæ ignosci impetrant,
 non fieri cogunt, si tamen non ita sit nimius;
 vt impediat quæ seponi debent, orādi tēpora,

*Nuptiarum
 pretextus
 quā validus.*

*Liberos pro-
 creandi cau-
 sa, prima hu-
 mani generis
 societas.*

*Concubitus
 quā & quā-
 do licitus.*

*Rei concessæ
excessus, aut
etiam abusus*

*Vsus contra
naturam.*

concubitus enim necessarius generandi causa, inculpabilis, & solus nuptialis est. Ultra quam necessitatem qui progreditur, iam libidini, non rationi obsequitur. Et hunc tamen non exigere, sed reddere coniugi, ne fornicatio damnabiliter peccet, ad personam pertinet conjugalem: Cui concupiscentiæ si ambo coniungantur, rem faciunt non planè nuptiarum: Si tamen in sua coniunctione magis diligunt quod honestum, quàm quod inhonestum est, hoc eis, auctore Paulo, secundum veniam conceditur, cuius delicti nuptias deprecatrices habent, non hortatrices, si Dei misericordiam non à se auerant, non continendo quibusdam diebus, ut orationi vacent, & per hanc continentiam, ut per ieiunia, preces suas commendent. Cap. II. Naturalis ergò usus ultra pacta nuptialia, id est, propagandi necessitatē, prolapsus, in vxore venialis, in meretrice damnabilis est. Tamē valet ordinatio creatoris & ordo creaturæ, ut in rebus ad utendum concessis, etiam modi excessus longè sit tolerabilior, quàm in incōcessis vnus vel rarus excessus, ut etiam longè minus peccet quālibet assiduus ad vxorem, quàm vel rarissimus ad fornicationē, Nam in re concessa coniugis immoderatio, ne in re non concessam libido prorūpat, toleranda est, si non immutetur in usum cōtra naturā, de quo Apostolus tacere non potuit, cū de corruptelis nimis immūdorū impiorūq; hominū loqueretur, Rom. I. Quod execrabilius fit in meretrice, execrabilius & dā-

nabilius in vxore, cū enim vir mēbro muliebri non ad hoc cōcesso vti voluerit, turpior est vxor, si in se, quā si in alia fieri permiserit. Decus ergo coniugale castitas est procreandi, & reddendi carnalis debiti fides. hoc nuptiarum op^s ab omni crimine defendit Apostolus toties dicens, Si vir, virgo, vidua nubat, non peccat. Exigendi autem debiti ab alterutro immoderatio-
 progressio, propter supradicta coniugibus sē-
 cū dū veniā cōceditur: Quod ergo dicit innuptā
 cogitare quæ Dei sunt, vt sit sancta & corpore
 & spiritu, non sic accipiendū, vt putemus nō esse
 sanctam corpore christianā cōiugē castā, Om-
 nibus quippe fidelibus dicit idem, eorū corpo-
 ra, Christi esse mēbra, Dei viui & Spiritus sancti
 templa, 1. Cor. 3. 6. 2. Cor. 6. Sancta ergo etiam
 sunt coniugatorū corpora, fidem sibi & Domi-
 no seruantium. Neque fœmina fidelis seruans
 pudicitiam cōiugalem, non cogitat quomodo
 placeat Deo, sed vtrique minus quā innupta, cū
 nuptæ omnes, vel ita multæ, vt penè omnes,
 (cap. 12.) ex necessitate coniugij etiam cogitēt
 quæ sunt mundi, vt viris placeant. Hæc ille, vs-
 que adeo qua sumus, donec viuimus, infirmita-
 te circumdati, Hebr. 5. sententiosa est sententia
 ex priscis patribus cuiusdam, Concubitus cum
 propria vxore, castitatem esse, in Concilio om-
 niū vt primo, sic sanctissimo professi, ca. Nice-
 na. Dist. 31. ex Tripartita lib. 2. cap. 14. Socrate
 lib. 1. cap. 11. Sozomeno lib. 1. cap. 23. Niceph.
 lib. 8. cap. 19. De quo tamen dicto hodiēq; cō-

*Debiti exi-
gendi ratio.*

*Locus Pauli
de nuptis &
innuptis ex-
plicatus.*

*Concubitus
cum propria
vxore, casti-
tas.*

trouerso, nos abundè lib. de Cōtinentia l. ca. 4.
 Sunt enim etiam catholici, qui Paphnutianam
 γοῦν negent, sunt & qui improbent. Hactenus
 de castitate coniugali, deque vsu beneuolē
 tiæ tum reddendæ, tum exigendæ. Illud addam,
 castitatis non in coniugio tantum, sed & antè
 quoque, tantā semper habitam fuisse rationē,
 vt sponsa quam spōsus antea corruptam com-
 perisset, quæ pro virgine nupsisset, iuxta legem
 Mosaicā eiecta extra domū patris, in qua forni-
 cata fuerat, lapidibus obruta moreretur, Deut.
 22. hīc fortè miranda magis quàm probanda
 Christianorum impunitas & clemētia. Et nus-
 quam grauior esse causa videtur, cur virginita-
 tem puellæ depacisci posset spōsus, quod qui
 bona licet fide, pro virgine vitiatam duxit im-
 prudens, pro digamo habetur, & arceat miserum
 à sacerdotio, digamiæ (vt sic dicā) imaginatio,
 vt melius inculpatissima reā, quam nec præsci-
 re potuit maritus, nec præstare, ignoratio. Sed
 de hoc abundè libell⁹ noster de Digamia. Quo
 magis mirū, matrimoniū hac cōditione, Acci-
 pio te vxorē, si es virgo, vel si te cōperero virgi-
 nē, etiā si non præstetur cōditio, nihilo indisso-
 lubiliter minus coire, quasi turpi, non honesta
 cōditione contractā. Atqui puella sibi cōscia
 non debuit fallere excipiente quod honestū est,
 & tanti fortè momēti, vt verisimile sit nō coi-
 turum fuisse matrimoniū, nisi latuisset id vitiū.
 Sed fortè quotidianæ fierent redhibitiones, si
 vel daretur stipulatio virginitatis, vel nō præsti-

*Castitatu
ra
tio seuerā.*

*Vitiata pro
virgine du-
ctā, an adhi-
beri possit.*

ta solueret aut dirimeret, vt cuius probatio nō minus difficilis sit, quā custodia, vel vnica Ambrosij ad Syagriū epist. 64. id satis probāte. Et natura certē, & ratio, & æquitas suadere videbatur dissolutionē cōtractus per dolum initi, si qui falsus est, remittere fraudē noller, præsertim si cōstituerit ab alterutro cōtrahētiū data opera procuratū, vt alter falleretur, nec enim videtur cōsensisse, qui cōditionē addidit, si ea nō extiterit, & verē dictū est à Iurecōsultis, errorē nō cohærere cum assensu, sed personæ (aut) quidē *Error cōsensum non habet.* error circumuentum liberat, non itē qualitatis aut fortunæ. Quid si grauius incommodū hic quā ille ferat? Leuius enim ducere Liam, quā putabas esse Rachelem, Gene. 29. quā stupro cognitā, quā credebās esse integrā. Est quidem nubere destinantium, quanta fieri potest, cura prouidere ne capiantur, sed in erroribus tāti momēti, nec aliter prouidere queūt personæ circūuentæ, si non eis succurrit Pōtificū auctoritas, pronūciando non coisse matrimoniū, at eos certē puniret cūiū legum seueritas, qui & matrimoniij fūco imponent, & sacramento fraudem admiscerēt: non enim ad hoc institutū est matrimoniū, vt in fraudē illiciatur simplicitas, sed vt coniugum vterque suo bono iūgatur alteri, & captionis potius, vel si maior, raptus, quā veri, & Christiano affectu initi coniugij, nomen meretur, cū pars altera prædam habet quā captabat, altera decepta plorat, & grauior pœna debetur iis qui sacra

re abutuntur, siquidem hic dolus cum impietate coniunctus est, nec solum afficit iniuria proximum, qui coniugium pactus est, quem etiam si non esset hæc expressa cōditio, falsum tamen esse constat, sed & Ecclesiæ Dei contumeliā irrogat, quæ matrimonium pro sacramento & quidem magno, habet ac honorat. Sed per me sanè non liberentur miscelli, quos nec legum in matrimonium fauor aut indulgentia, ne corruptelam dicam, liberet. Conrupturi ergo, quod est in mimis Publij, diu deliberent, quod semel facturi sunt, & quidē nullo in posterum remedio. Hæc certè conditionum vna est, nec ea minima, propter quam non iniuria dicas, si ita est causā hominis cum vxore, non expedit vxorem ducere, Matth. 19. Hæc de futurorum coniugum castitate, ad quam, quod & ideo addam, pertinet quod tanto serio probauimus, 1. Tim. 1. in verbo [Fornicariis] fornicationem semper illicitam, quanlibet simplicē, non Christianis tantum, quod plusquam indubitatum esse debuit, sed & profanis fuisse improbatā. Nam & Plato, meritò licet malè audiatur communionis vxorum nomine, abstinendum tamen scribit ab agro etiam fœminino, ubi semēn germīna nolit producere (quē concubitum propriè nuptialem toties antea diximus) qualem etiam omnium arationum satiorumque sacratissimā Plutarchus vocat, præcepto 43. connubiali, & 44. ex Sophocle Venerē boni fœtus fœcundam vocante, Cauendum ne

*Matrimonij
magna esse
debet cautio*

*Fornicatio
semper illicita.*

*Plato de agro
fœminino*

feras vnde nasci quicquā nolis, quin si fructus gignatur, pudeat & celes. Et iuuenibus multo semine plenis hanc legem velut impossibilem stultamque, & quasi supra vires humanas latā oclamantibus, opponit perpetuam quorundā athletarum continentiam, auium quoque ac bestiarum greges permultos, integrè castēque, antequam procreandi tempus aduenerit, viuētes, cum eam aetatem attigerint, marem fœminā, fœminam mari coniunctam, iustè sanctēque in pristina perseverantes amicitia vitæ reliquum peragere. Oportet igitur homines brutis esse meliores, certè nō deteriores, quod tamen vir penè diuinus optare se magis quàm sperare non dissimulat, nisi à bono hominum genere, quod tria genera continet, deorum scilicet cultores, honoris amatores, & animi morum quàm corporum pulchritudinem magis diligentes, quod aliud hominum genus, naturæ vtrique deprauatæ, quique sui Domini minus sunt, cogat legem hanc non contemnere. Sic si Deus (ait) voluerit, in amatoriis assequemur, ut nemo generosas liberāsque mulieres, præter uxorem attrectet, nec ullus nothos ex concubina suscipiat. Si quis cum aliis mulieribus, quæ cum Diis sacrisque nuptiis domum venerunt, emptis videlicet, vel alitercunque acquisitis misceatur, nisi viros mulierēsque omnes lateat, infamis lege, omnibus ciuitatis honorib⁹, ceu peregrinus, priuetur. Hæc ille lib. 8. de Legibus. Citat ex 9. Cœlius, lib. 29. cap. 18. cum

*Hominiū bo-
norū tria
genera.*

*Si non castè,
tamen cunctè,
expensum.*

qui cum muliere etiam innupta, se miscuerit, morti, condemnari supplicio. Ecquàm ægrè hic concubinatum permittit, nec tamen impune, penè dicens, quod vulgò dicitur, nec vnde sit sumptum scio, nam quouis Christi fideli, nedum Augustino indignum, Si non castè, saltem cautè. Aues ergo & bestix, nedum Platonici, infidelium optimi, vel certè minimè mali, castitatem & ante & post matrimonium, suo modo tuentur, & fideles nō eam vel ad incundum matrimonium afferunt, vel post id initum conferuant? Ferunt quēdam, cū patrem euerberaret, excusasse, nam & ipse (inquit) suum cōuerberavit, & ille, rursus suum, quin & filium ostendens, & hic (ait) vbi virum euaserit, me quoque flagris cadet, hoc enim gentile nobis est. Idem Cælius lib. 11. cap. 20. Sic plerunque filix, matrum: filij, patrum exemplo labuntur, & virginitatem futuris sponis minus seruant, iuxta versiculū verum magis quā Latinum,

*Matrū exē-
pla filia se-
quuntur pa-
trum filij.*

Insequitur leuiter filia matris iter.

In suos scilicet semina redeunt. Optima quæque baccarum, nucum, fruticum genera, non nisi nobilibus locis innascuntur, vel ad ignobilem migrantia, ingenium exuunt,

Pomæque degenerant succos oblita priores.

Et generoli furculi vilioribus truncis insiti, deteriores fœtus pariunt. Quod & in hominibus accidere consentaneū, & tanto maius in generandis liberis momentum à muliere affertur,

si nonnullis medicis verè placuit, non nisi ex
 fœmina fieri fœmellarum procreationem, cu-
 ius fides sit penes Franc. Barbarum lib. i. cap. 4.
 Illud amplissimum Romanorum & Lyciorum
 legibus, ingenuos appellari ingenuis matribus, *Ingenui quib'*
 seruis licet & ignobilibus patrib' ortos. Neque *dicantur.*
 non hoc poëtæ nobis testatur, Dea matre, ho-
 mine licet patre, prognatos diuinitate donan-
 tes, Orpheum, Achillem, Æneam, Tantùm hîc
 etiam valet illud, *Partus sequitur ventrem*, vt in *Partus sequi*
 plerisque filiis maternas imagines non corpo- *tur ventrem.*
 ris tantùm, sed & animi recognoscamus, Nec
 mirum, vt qui à matribus nō solùm educimur,
 sed etiam educamur. Igitur plerūque fit vt parū
 castæ sint filiarum familias, quòd parentes ne ipsi
 quidem vasa sua, quod ait Paulus, in sanctifica-
 tione atque honore possident, nec à fornicatione
 abstinent, 1. Thessal. 4. quales enim su- *Impudicaru*
 mus, tales plerunque gignimus. Idèd ait & per *matrum im-*
 prophetam Dominus, Fornicabuntur filiarum ve- *putica filia.*
 strarum, & sponsæ vestræ adulteræ erunt, non visi-
 tabo nec super illas, cùm fornicatæ fuerint, nec
 super has, cum adulterarint, quoniam ipsi cum
 meretricibus conuersabantur, & cum effœmi-
 natis sacrificabant, Ose. 4. & Mich. 1. de mer-
 cedibus meretricis congregata sunt, & ad
 meretricis vsque mercedem reuertentur, ni-
 hil enim vetat de fornicatione spiritali seu *Fornicatio-*
 idololatria dictum ad corpoream aptari, cum *nis merces,*
 & in huius pœnam patris in eam lapsi vxores
 Deus filio dederit abutendas, Dauidis dico,

*Sobrietas ca-
stitati cum
primis neces-
saria.*

mœchati, concubinas Abfaloni, & filiam fra-
tri incestandas permiserit, 2. Reg. 12. 13. 16. Se-
quitur ergo tandem in litera, *Sobrias* in cibo &
potu, quod non video quî, quod ait hîc Aquina-
s, spectet ad irascibilem, sed permultum fa-
cit ad castitatem seruandam sobrietas, de qua
hîc breuiore erimus tum quòd nulla ei græca
vox propriè respondet, ne apud Latinos quidè,
vetustiores, tum quia 1. Tim. 2. de muliebri so-
brietate quæ satis esse videbantur, obseruau-
imus, vti olim gentium scæminis vini vsus fuit
ignotus, quem nunc quoque Syris & Persicis
minimè concedi testis est Fr. Barbarus, lib. 1.
cap. 5. addens sapienter nonnullos gentiles, sic
eodem in templo Liberi Patris & Veneris si-
mulacra congefisse, vt qui huius imaginem vi-
fendi studio venirent, prius illius statuam salu-
tarent. & cap. 6. Sic profectò res habet, qualis
cibi potusque ratio, talis & cōgressus venercus,
sequitur hic viuendi normam, vt tener pullus
matrem. Specta (inquit Hieronymus paulò
anteà cap. 1. in verbo [non vinolentum]) ven-
trè & genitalia, pro qualitate membrorū, ordo
vitiōrū. Nunquā ergo ebriū ebriāvē castū castā
vē putabo, vt qui etiam si vino consopiti dor-
mierint, peccare tamen per vinum potuerunt,
hoc nūc dixisse sufficiat, quòd, secundum Apo-
stolum, in vino est luxuria, Eph. 5. hoc est, infi-
pientia, furor, procacitas, libido. Quo loco, &
Gal. 5. se purgat calumniānti Ruffino, quòd in
Eustochio adolescentulis consuluerat vinum,

*Luxuria in
vino, qua in-
selligatur.*

vt venenum fugiendum, vini opus, non naturā,
 Dei vtique creaturam damnans, & ætati pro-
 prio calore feruenti licentiam auferens, ne sub
 occasione parum bibendi plus bibat, & pereat.
 Sed de vini vsu & abusu peculiaris nobis est
 liber in opere de Abstinencia, siquando Deus
 dederit in lucem exire. Igitur matresfamilias
 præsertim iuniores, & succulento adhuc cor-
 pore, siue maritis patribus efficiēdis, siue libe-
 ris gignendis, gestandis, & lactandis consultū
 volunt, velint autem oportet, quibus omnia
 post Deum debent, sint, si non prorsus abste-
 miæ, aut nimis ieiuniosæ, at perperuò sobriæ,
 lædit enim vt inedia diutina, sic & immodica
 cibi vinique copia, neu per immoderatum po-
 tum plus æquo ad libidinem incallescant, Non
 enim minus ad matrem pertinet, quàm ad pa-
 trem Diogenis intemulentum puerum scom-
 ma, Ebrij te parentes seminarunt: Ex quo Plu-
 tarchus de liberis educandis præfatur à maio-
 ribus traditum, vt coniuges genituræ operam
 daturi, aut omnino sobrij, aut vino saltem mo-
 destissimè delibato, congressum faciāt. Et quod
 idem & ibidem verbo quidem grauiter, re au-
 tem verè commonefaciens ait, Meretriciā in-
 gredere domum, vt perdiscas quàm vilissimarum
 rerum pretia nullam præ se ferant excel-
 lentiam, sic temulentas ancillas matronæ accu-
 ratius inspiciant, ita quid sibi maximè cauendū
 animaduersuræ: hoc enim animo Lacones &
 vxoribus & liberis seruos potos in conuiujs

*Vini copia
 immodica
 quàm noxia.
 Ebrietas pa-
 rentibus fu-
 turā quā ca-
 uenda.*

adhibebant, non vt horum ineptiis oculos pascere, aut se alioqui oblectarent, sed quò ex ebriorum miseriis discerent, quæcunque in seruis turpia sunt, in liberis hominibus fore turpissima. Dicat, inquit vbi paulò antè Hieronymus, quisque quod volet, ego loquor conscientiam meam, scio mihi abstinentiam, & nocuisse interruptam, & profuisse repetitam. Ego quoque scio matronam honestam, hydropisia, cui puella cæterarum Parisiensium more assueuerat, medicorum consilio, & viri hortatu, quò marem pareret, intermissa, semper exinde afflictissimo fuisse corpore, & florenti adhuc ætate viduam, obiisse. Atqui (quod attinet ad huiusmodi, quisquis fuit, consultorem) Plato de Legib. lib. 2. mulieri gignendis liberis operam daturæ vinum negauit, & Lacenas, quæ solæ viros pariebant, vel vini prorsus expertes, vel aquatissimo vtentes voluit Lycurgus apud Xenophontem. Sed de vxoria sobrietate plus satis, plus certè quàm initio exponendæ vculæ putabamus. Quantū ad tertiā animæ vim, seu irascibile spectat, vult Paulus esse *benignas*, bonas erga omnes, vt cum māsuetudine tum viris pareant, tum domū regant, Sunt enim vt plurimū iracundæ. Non est caput nequius colubri capite, non est ira super iram mulieris, Mulieris ira, irreuerentia, cōfusio magna, Ecclī. 25. Prou. 21. Melius est habitare in terra deserta, quàm cum muliere rixosa & iracunda: Quia ergo potest cuenire, vt domus diligentia cum austeritate

*Hydropisia
intermissa
perniciosa.*

*Lacenas
poin.*

*Iracundia
mulierum.*

regatur, & per hoc Apostoli præceptum matrona seuerior fiat in seruulos, ideo benignitatem copulauit, vt tunc se credat mariti domū bene regere, si cum benignitate imperet seruulis & filiis, non cum terrore, foris quoque in eleemosynarum erogatione benignę sint, multo magis intus, siue domi, Omnium erga viros maximè, vt quibus eas principes Apostoli velint non subesse duntaxat, de quo mox litera, sed & placere, 1. Cor. 7. 1. Petr. 3. & vt placeant, tum quæ mundi sunt, curare, tum etiam se ornare, & maritalibus se moribus aptare, lætas coram illis esse, vel potius lætis collatari, mortis commærere. Speculū, ait Plutarchus præcepto connubiali 14. si lætantis imaginem tristem reddit, dolentis hilarem, & marentis ridibundum, vitiosum est. Amens est, inepta, insulsa mulier, quæ iocante blandientēque marito, frontem contrahit, Seriò aliquid agente, iocatur ac ridet, Animi tum minimè benigni, tum etiam contemnētis indicia, 28. Quę nuptiali Iunoni rem faciunt Diuinā, cum victima fel non consecrant, exemptum post aram abiciunt, innuente lege nunquam bilē irāvē in cōnubio esse oportere: Debet enim vt vini, sic matronæ austeritas, suauis ac vtilis esse, non amara, vt aloë ac medicina, 29. Pudicę continentiq; mulieri maximè gratis erga virū opus, vt, quod Metrodor⁹ docebat, ne propter cōtinentiā iratē cū viro conuersetur, nō vel frugi mulierē cōtēnere munditię, vel viri amantē blanditias ne-

Vxor se marito conformat.

gligere, nam & morositas honestatem facit in-
iucundam, sordes frugalitatem reddunt inui-
sam, 30. Et omne quidem superuacuum, mere-
triciū, ac populare fugere eam cōuenit, mo-
rum verò consuetudinīque viuendi gratiis eā
erga virum artificio vti decet, vnā cum volu-
ptate honestè cum eo conuersantem: Suapte
alioqui natura seueriorem, insuauem, placidè
admonendam: & pudicā quidem, sed rigidā
atque austerā, dicendum, Non te ego eadem
viti & coniuge & amica possum, 39. Quæ sana
mente sunt, maritum ira clamantem silentio
leniunt, silentem alloquio consolantur & miti-
gant: quo Cyrus modo hostes vociferantes si-
lentio excipere, silentes clamore Græcis iube-
bat inuadere, 40. Errant, qui solū cum gaudio
voluptatēque gestiunt, rem habent: cum sub-
irascuntur & dissident, secubāt, rum enim ma-
ximè Venerem, optimum huiusmodi mulierū
medicum, accersendam, quod poëta docet, di-
cente Iunone,

*Secubandum
non esse inter
se iratis con-
iugibus.*

Vestra ego iurgia soluam.

Vos & amore pares iungam, thalamoque locabo.

Cum semper autem & vbique fugiendum, ne
vir uxorem, neu virum offendat vxor, tum in
primis ne id accadat dum vnā concubant, quī
enim lectus iurgiis tum moderetur, cum simul-
tates, offensas, & iras alibi susceptas non alio
loco vel tempore procliuius sit dissoluere? Ta-
les vel in concubitu corrixantes, Socratis
Xantippen, Ciceronis Terentiam veteres:

μεμψιγμορ

μυφίχαμον vxorem describit Erasmus, Iuvena- Vxor

lis Satyra,

μυφίχαμος

Semper habet lites alternâque iurgia lectus,

In quo nupta iacet, minimum dormitur in illo.

&, *Dos est vxoria lites.* 2. de Arte. Vnde pulchrè Varius Geminius sublimis orator, Qui non litigat, inquit, cælebs est, citat lib. 1. In Iouinianū Hieronymus, & ex Aureolo Theophrasti libro de Nuptiis, Per noctes (ait) totas garrulæ con- *Rixosa mul-*
questiones. Illa ornatior procedit in publicum *licres.*
hæc honoratior ab omnibus: Ego in conuentu
fœminarum misella despicior. Cur aspiciebas
vicinam? quid cum ancillula loquebaris? de fo-
ro veniens quid attulisti? non amicum habere
possumus, non sodalem, alterius amorem sui
odium suspicatur: Si alteram aspexeris, se exi-
stimat displicere: quoscunque (illa) dilexerit, in-
gratis (tibi) amandi. Et quo nemo melius scire
potest, quàm qui tot passus est, Salomon tam
multinubus, Melius est sedere in angulo doma-
tis, quàm cum muliere litigiosa in domo cõmu-
ni, Prou. 21. 25. Si domus communis erigit
vxorem in superbiam, & contumeliam viro fa-
cit, quantò magis si diues fuerit, & in domo
eius vir manserit? Incipit tum non vxor esse,
sed domina, & viro, si offenderit, migrandū est.
Et tecta iugiter perstillantia in die frigoris, & li-
tigiosa mulier comparantur, 19. 27. Stillicidia
eiiciūt hominem in die hyemali de domo sua,
similiter & maledica mulier assiduis iurgiis, &
quotidiana garrulitate facit domum perfluere,

*Xantippe
Socratis.*

& virū eiicit ex ædibus. Verè fuit Socrati Xantippe stillicidium perfluens, multis prius conuitiis affectum lotio perfundens, post tonitru scilicet, pluuia. Diogen. lib. 2. Hieron. 1. in Iouinianum. Gellius lib. 1. cap. 17. Et rursum in alio loco, sed non occurrit, citatur tamen ibidem Hieronymo, Sicut lignum vermis, ita edit virū suum vxor malefica. Et cap. 30. Inter tria quæ terram mouent & turbant, mala, ponitur mulier odiosa, cum in matrimonium fuerit assumpta. Ecce & hîc inter malorum magnitudinem ponitur vxor, sed odiosa. Sed de mulierum benignitate, & opposita morositate nimia. Adam ex Plutarcho ad finē libri de liberis educandis antea citati, de eadem erga familiam suauitate, quatenus eis cum viris communis esse debet, Haud (inquit) volo asperos & natura durissimos, sed qui se iuuenes aliquando fuisse memores, puerorum delictis veniam interdum concedant, desideriis habenas modò remittant, modò laxent, modò intendant, Leuia præsertim peccata molli ferant animo, aliqua etiam nouisse dissimulent, vt pleraque videntes non videant, audientes non audiant. Amicorum errata perferimus, quidni & filiorum? Seruorum aliquoties crapulam minimè redarguimus, interdum pepercisti, insuper largitor, molestè aliquando pertulisti, vltro veniā adhibe, per seruuli quandoque fraudes demulsiisti, exhibe iracundiam, Ex agro iuencos abstulit, rediit hesternum temetum nonnunquā

*Puerorum
delicta quan-
titer exci-
pienda parē-
sibus.*

*Connētia
patris fami-
lias in deli-
ctis suorum.*

exhalans, inscius esto: vnguenta redolet, tace-
 to. Hunc in modum petulca iuuentus, equini
 pulli instar domita mitisque redditur. Sint hæc
 nobis ad textum sequentem parasceue, *Domus*
curam habentes, οἰκῶντες, quod sonat, domus cu-
 stodes, vel domi manentes, nec per alie-
 nas domos vagantes, quales taxat, primæ Ti-
 mothei 5. Cui consentaneum est quod Gor-
 gias domi clausas esse voluit, ut earum ni-
 hil præter famam nosceretur. Quod nec eis re-
 liquit aut dignum putavit Thucydides, optimā
 matronam deficiens, de cuius laude aut vitu-
 perio minimus rumor dissipatur. Barbarus lib.
 1. cap. 2. ex Plutarcho de virtutibus mulierū ut
 assiduè domi sint, & rē domesticā curent, quæ
 præcipua mulierū laus, Mulier enim domū vel
 ædificat sapiens, vel eradicat insipiens, Prou. 14.
 Et erudiatur ergo à vetulis iuuecula, ut domus
 diligentiam habeat, ne viros cōtristent per negli-
 gentiā, sed cū viris quæcunque in domo sunt,
 bene ac diligenter procurare ac dispēsare labo-
 rēt. Quod verbū hīc tantū in nouo testamento
 occurrit, eodē sensu, οἰκὸς διοικεῖν, domū siue fa-
 miliā regere ac gubernare, dixit, 1. Tim. 5. vnde
 peti potest huius loci, si cui placet, amplior ex-
 positio. Cæterum puella quæ hanc domus cu-
 ram & sollicitudinem à parentibus didicit, artē
 didicit non aspernandā, huic enim nunquam
 defuturum est quod agat domi, quin ad confir-
 mādā corporis valetudinē satis erit exercita-
 tionis, si domus partes frequenter obeat, & vel

*Domus assi-
 duè sint ma-
 nentes.*

οἰκὸς διοικεῖν

componat quæ oportet, vel aliis quid opus facto præscribat. Lunam, ait Plutarchus præcepto cōnubiali 8. cum abest à sole, lucidam claramque videmus, soli admotam & propinquā, obscurari condique: Modestam contrā vxorem oportet cum viro præsentem se tum maximè videndam exhibere, cum abest maritus, ædes custodire, domi latitare, nec aliter quàm si vidua sit, agere. Sed & hîc quoque mariti non leuiter quidam peccant, domi tristes & austeri, foris hilares & festiui. Tales, ait idem præcepto 15. cum nolunt vxoribus suas domi voluptates, cibum, potum, iocos, risûsque communes esse, docent eas sine ipsis hæc eadem alibi quærere. Nusquam autem tutior est, siue formæ, si contigerit insignis, siue pudicitia, siue, cuius non minorem oportet esse curam, famæ thesaurus, quàm domi: ad quæ conseruanda vt parum idoneæ sunt ad choreas, festa, conuiuia, cursitationes, & longinquæ absque viris peregrinationes, sic ad excludendam zelotypiam. Periclitatæ sunt Sara, Rebecca, Dina, sed peregrè & apud externos, Gen. 12. 20. 26. 34. Illarum pudicitia curam Deus habuit, maritos diuino iussu peregrinantes comitantium, hanc violari permisit, quòd præter auctoritatem patris obambulare in aliena ciuitate, vt videret (ait) mulieres regionis illius, spectatrix scilicet, ac vicissim spectanda, iuxta illud Ouidij,
Spektatum veniunt, veniunt spektentur vt ipsæ.
 Matrona ergo, si formæ dona & ætatis lubri-

Peregrinationes mulieribus periculosa.

cum periculo & obrectationi obnoxia sint, ut nusquam securius vel honestius quàm domi, aut apud maritum, ita nusquam debet esse libentius, De cuius latere sumpta est, Gene. 2. non eam oportet discedere. Plutarchi præcepto 31. Ægyptias mulieres uti calceamento mos vetat patrius, ut se domi continerent. 33. Phidias Venerem finxit testudini insistentem, hoc ænigmate indicans matrisfamilias *Testudini insistentem Venerem, quid symboli habeat.* laudem esse solitudinem & silentium, De hoc posteriore in 1. Tim. 2. cap. prius illud bestiola adeò nunquam è testa prorepens, ut & inde Græcis *φειδωλος* dicta sit: & si quid metuit, ilicò se totam intrà contrahat, significabat vxori domi manendum, & per domum totam obambulandum, sed ita ut domum secum circumferat, & si quid prospicit, ne sit ultra cortem, aream, hortulum ædibus iunctum prospectus. Intra hæc pomæria matronæ regnū circumscribitur, Si quid mali metuit, nusquam minus intuta quàm domi. Quod igitur à multis dictū citat Valla li. 4. ca. 30. In domo seu familia bene instituta omnes sunt in officio, id fit, si sua cuique tribuatur functio. Sūma autē officiorum diuisione, alia dicuntur domestica, alia externa: Quæ foris geruntur, ad virū pertinet, Quæ domi, femineæ sunt functionis, quæ ad rem penuariā, quæ ad pensa familiæ distribuenda, & ad operā debitā exigenda. Si sedula totā domū subinde lustret, circumspectans quid in thalamis desit aut in cœnaculis, in conclauis, ubi versantur liberi,

qui in locis vbi operantur famuli famulavè,
 quid in coquina, corte, hortulo, nunc in gynæ-
 citide, nunc in andronitide, magnum opus præ-
 stiterit, etiâsi nihil operis ipsa præstiterit. Quin
 & liberorum educatio, vxoria prouincia est, dū
 adhuc tenera est: Vbi ad hoc ætatis peruentum
 est, vt ad aliquod vitæ genus instituendi sint, ad
 mariū redit officium. In puellis similiter elo-
 candis, cura quidem parentum communis, sed
 est penes patrem autoritas. Quod disertè dicit
 in Oeconomicis Philosophus, Cū tempus
 poscet aut filias nuptui tradere, aut nurus acci-
 pere, obediat penitus viro in iis vxor, & sic vnā
 deliberet, vt sententiam viri sequatur, intelli-
 gens non tam viro turpe, eorum quæ domi
 sunt, quicquā facere, vt mulieri quæ foris sunt,
 tractare. Et Diodoro quidem lib. 1. Isis lege,
 in Ægypto viri stipulabantur se omnia domi
 ad vxorum arbitrium facturos, vxores contrā
 viris omnia extra penetralia ex eorum autori-
 tate facturas: Sed Philosophus vult virum sem-
 per & vbique superiorem agnosci. Sunt igitur
 ceu par columborum, vir præuolat & circum-
 agitur, vt importet domum, quod victus exigit
 necessitas, vxor nidum seruat. Mihi videtur (ait
 in Oeconomico Xenophon) Deus naturā mu-
 lieris ad curam intus suscipiendam in lucē pro-
 tulisse, molliorēque corpore, vt intra parietes
 officium obiret. Viro autem corpus animū-
 que, ad frigora, æst⁹, itinera, expeditiones faciliè
 tolerandas constituisse, ideōque res illi foris

*Virexterna,
 vxor domes-
 tica cures.*

agēdas delegasse. Rursus illas ob infantiū curā
 maiore erga liberos charitate, tū ad custodiēda
 quæ à viris parta essent, metu vehementiore,
 qui rebus asseruandis vtilis esset, præditas esse
 voluit. Viro, cui tueri extranea incumbit, & ea
 prædanti resistere, maiorem addit audaciā, me-
 moriam, ac diligentiam parem. Cum igitur
 neuter vtrique sufficeret officio, hac potissimū
 de causa inter se matrimonio deuincti sunt, si-
 bi inuicē hoc pacto viles, vt quod alteri deesset
 alter suppeditaret. Fœminā item pulchriorem
 condidit, vt formā cum pudicitia se domi con-
 tinendo tueatur. Virum torosiorē, vt extrā
 magis ageret, edidit. Huic autem ordini si quis
 aduersus ierit, & aut viri partes vxor, aut vit
 vxoris egerit, vltorem se sentiet habiturū Deū,
 &c. Necesse prorsus vxorem domi manentem
 seruis officia distribuere, eos qui opus extrā fa-
 cturi sunt, emittere, aliis intus ipsam præsidere,
 illata recipere, ex his esu absumenda promere,
 seruāda cōdere, partiri, & providere, neque quæ
 annū durare debent, vno mense absumere, &c.
 Eadem penè per eadem differit vbi suprā Ari-
 stoteles, & li. i. cap. 3. & quidem quod in Ethni-
 co mireris, sic (inquiēs) diuina prouidētia vtrā-
 que naturā ad mutuam societatem ordinante.
 Adeo sanè fœminarū est domus cura, vt mari-
 ti curis nimirū externis intēti, nō temerē in do-
 mesticis autoritatē interponāt, nisi quid videāt
 momēti maioris, quā vt dissimulēt, vt alioqui
 vbiq; dñi, domi tamē eas pro modulo suo dñas

*Fœmina na
 viro pulchri.
 et condita.*

*Sabinarum
bonos Roma*

*Lacedæmo-
niorum mu-
lieres hera-
cyr diſta.*

habeant. Quam apud viros vxorum dignitatē ideo Romanos ſeruauiffe autor eſt Plutarchus in Romulo. apud quem Sabinæ raptæ, parentibus & fratribus cōmonſtrant Romę ſibi cōministrationem domi permiſſam, ſeque viſ obſequentibus vti, & ab eis omni tum amore ac beneuolentia, tum etiam honore coli & obſeruari. Lacedæmones quoque ob frequentem militiam, omnem vxoribus domi poteſtatem relinquebant, quas & heras ideo vocabant, domesticis quippe negotiis prorsus dominantes, eodem Plutarcho in Lycurgo & Numa, & Apophthegmatis Laconicis autore. Redeamus ad Apoſtolum, apud quem poſtremò ſequitur, *Subditas viſ ſuis*, ſanè docēs vt ſe gerāt ſcēminæ erga alios ſibi ſubiectos, cauiri in curāda familia, ne ſint, quod ſæpe feruntur eſſe, impatientes, vindices, & feroculæ, ſed bonæ, ſuaues, benignæ: ſic quia, quod ait apud Liuium Cato lib. 34. plerunque ſimul vt pares in regimine domus eſſe cœperint, ſuperiores eſſe volunt, & ſi qua primatum habeat, viro præeat aut imperet, contraria eſt viro ſuo, Ecclī. 29.

Sæpius & mulier quod coniux diligit, odit.

Vult maritis eas ſubelle, nō in viros dominari, aut imperiū vſurpare, neu vel nobilitate tumētes, vel diuitiis inflatæ imperare velint, obedire nolint. Iuxta quod Syrachī vbi paulò antè, alia litera habet, Iracunda, impudens, probroſa mulier, quæ virum ſuum alit, &

Intolerabilis nihil eſt quàm ſcēmina diues.

Neu non meminerint Dei sententiæ, per quam viris subiectæ sunt, in qua Scripturæ sanctæ cōsideranda est prudētia, quia non sic viro loquatur Dominus, Dominaberis vxori tuæ, sed mulieri, Ad virum tuum conuersio tua, hic tui dominabitur, Gene. 3. vt ei præmium relinqueret *Mulier viro* obsequelæ, dum in potestate eius est, si Dei ve- *seruiat.* lit obedire præcepto, seruire viro, ac subiecta esse, vt quodammodo sit libera seruitus & dilectione plena, fœminæ ideo marito seruiētis, dū cum metuit offendere. Iuxta quam Dei ab initio legem, Paulus & hīc & vbique alibi iubet vxores maritis esse subditas, Sicut (inquit) & lex dicit, 1. Cor. 14. Si quid volunt discere, domini viros interrogent, discant autem cum omni subiectione, 1. Tim. 2. Nam & Adā primus formatus est, dein Eua, Gene. 2. Et Adam seductus non est, mulier autem seducta transgressa est, Gene. 3. Et, Volo vos scire, quòd omnis viri caput Christus est, mulieris caput, vir, viri caput, Christus, Christi caput, Deus : Vir imago Dei & gloria, mulier viri gloria: nō enim vir ex muliere, sed mulier ex viro, non est creatus vir propter mulierem, sed propter virum mulier. Nec tamen vir sine muliere, nec sine viro mulier in Domino, Nā sicut mulier de viro, ita & vir per mulierem: omnia ex Deo, 1. Cor. 11. Quoniam ergò vir est caput mulieris, sicut Christ⁹ Ecclesiæ : sicut Ecclesia Christo subiecta est, sic & mulieres viris suis subditæ sint in omnib⁹, sicut Domino, & vir quidem vxorem sicut seipsum,

imò vt Ecclesiam Christus dilexit, diligit: vxor autē virū reueretur ac timeat, Eph. 5. & Col. 3. Mulieres subditæ estote viris propriis, sicut oportet in domino. Petrus quoque cōiugij non imperit⁹, institutionē à muliere auspicatur, Similiter, inquit, 1. cap. 3. & mulieres subditæ sint viris suis. Et paulò pòst proponit exemplū nobilissimæ fœminæ, Sic enim & sanctę mulieres sperantes in Deo, subiectæ viris propriis, sicut

*Sara obedie
tia.*

Sara obediebat Abrahæ, dominum cum suum vocans, Gene. 18. & talem indubiè habens, qualem appellabat, nō grauata eius per varias ac barbaras nationes esse comes, coniugē se dissimulare, sororem fateri, malens suam pudicitiam, quàm mariti vitam periclitari, obtēperauit, nō obmurmurauit, & Deo suorū actiones moderante, suū vtrique tutum, cui metuebant, & incolume remansit, Gene. 12. 20. Nec dubitandum est, quin & in reliquis ei omnibus obsecuta sit

*Sara, piarum
omnium ma-
tronaŕū pa-
rens.*

cū omni reuerentia: cuius (inquit Petrus) estis filia benefaciētes, omnium piarum matronarum matrem faciens Saram, sicut Paulus Abraham omnium virorū fidelium patrē, Rom. 4. In Paulinis autem primò notādum, quòd vxores maritis subesse vult & parēre, non simpliciter, sed sicut Domino, non sicut ancillā aut seruā hero, sic licet quidā (inter quos D. Hieron.) interpretētur, quod si sensisset Apostol⁹, dixisset, Subditæ sint viris, vt dominis, quāquā & ij quoque domini suo modo sunt, vt agnoscit Saræ exēplo D. Petrus, nō tamē illę his quasi ancillæ

in seruitutē, aut possessorib' pecudes, aut amatoribus cōcubinæ datę: Sua certē sit, prout atq; debet, & maneat semper & ubiq; viris in vxores potestas & autoritas, sed quę sexū inferiorē sic foueat & amplectatur, vt æqua sit vitæ societas, bonorū omniū cōmunio, nō etiā dominatus aut tyrānis: quod vel primæ mulieris indicauit creatio, quia enim viro nec domina parabatur, nec ancilla, sed socia, nec de viri capite, ne ad dominationē præferēda videretur, nec de pedib', ne ad seruitutē subiiciēda, sed de latere producta est, vt iuxta se ponendā cognosceret, quā de costa sua sūptā, & in cōsortiū dilectionis creatā didicisset, sed & propter ipsius cōiūctionis vim cōmēdādā, & hinc enim significatū est quā chara mariti & vxoris esse debeat cōiūctio, quod nō de aliena parte, sed de viro sumpta, nō tātū vt socia, sed & vt filia, in eū filię pietate sit, in hanc ille affectu paterno. Vt August. de Genesi, lib. 9. cap. 13. De Ciuit. 12. cap. 26. & ibidē Viues, Thomas part. 1. quæst. 92. artic. 3. Sētētiarii, li. 2. Dist. 18. Et ex eodē Gene. 2. loco Tertull. obseruat femīnā masculo in adiutoriū, nō in seruitiū datā. Et autoritas quidē in virū vxori nulla, vt præscripsit Apostolus, mulieri dominari, hoc est, autoritatē sibi in virū vēdicare vel vsurpare poti' nō permitto, 1. Tim. 2. vt ubiq; mulieri in virū tā dominiū seu potestatē negat, quā reuerētiā iubet. Neq; tamē nullā vxori vicissim reuerētiā debet vir, sed quēadmodū parētes & seniores, si volūt habere liberos &

*Eua vade
formata.*

*Vxori, filia
pietas a viro
exhibenda.*

iuuenes reuerentes, debent ipsi primùm illos reuereri, neque quiduis apud eos vel dicere vel facere, vt ex Platone Plutarchus cōnubialium praeceptorum vltimo, sic non minus vbi mariti quàm vbi senes, pudorem abiiciant, non maior in illos vxoribus, quàm in hos iunioribus verecūdia residet. Petrus ergò, quasi infirmiori (ait) vasculo muliebri honorem impertientes, tanquam etiam cohæredibus gratiæ vitæ, q.d. Non ideò despicias vxorem, quòd in iugo matrimonij personam gerat inferiorem, & corpore & animo imbecillior, imò tantò plus honoris ei deferatur, vt quod deest naturæ, penset mariti charitas. Nam & quæ infirmiora membra sunt, his abundantiorē copiosiorēque honorē circundamus, vt magis necessariis, honestiora autem paucioribus indigēt, 1. Cor. 12. Quòd si Deus tantum honoris habuit fœminis, vt in hæreditate cælesti credētibus oblata, eas viris æquet, non est masculus neque fœmina, omnes vos vnum estis in Christo, Gal. 3. quī conuenit vt ab homine marito fastidiātur? In re tanta cohæredem & cōsortem, quī negligere potes? Si Deus impertit eundem spiritum quem maritis, cur hi sic grauantur providere illarum necessitatibus, quasi cū spiritaliū sit, non tamen sit & corporaliuni facultatum communio? Aut verò mulier in adiutoriū viro data sit, Gene. 2. In his modo quæ spectant ad munia rei familiaris, non etiam ad ea quæ religionis sunt ac pietatis. Qui adheret mulieri, vnum

corpus efficitur, Et adhærebit (inquit) vxori, & erunt duo in carne vna, itaque iam non sunt duo, sed vna caro, Gene. 2. Matth. 19. Marc. 10. 1. Cor. 6. Sed & qui Deo adhæret, vnus spiritus est. Quidni ergò Christi fideles coniuges, vnus vt cum Deo, ita secum spiritus sint, sint itē duo in vna vt carne, ita & mente? Vnum ergò modis omnibus sint, & sicut scriptum est, miseretur duobus vniciis, Tob. 8. etiam si locum hūc non nescio aliter tum verti, tum exponi. Cum igitur idem corpus & idem pectus sint, vir & vxor, quicquid huic honoris ille impenderit, non compari tantum charissimæ, sed & sibi ipsi impendit, omnium scilicet quæ coniugis exigit vsus subministrationē, salutationis officia, aut ornatum, aut accubitus honorem, &c. Sed videndum ne hīc nimis vxorij simus, qualem refert Seneca, citante in Iouinianū Hieronymo, quendam, vt ait, ornatum, vt opinor, stolidum hominem, qui exiturus in publicum, fascia vxoris pectus colligabat, & ne puncto quidem horæ præsencia eius carere poterat: potionē nullam nisi alterius tactā labris hauriebant, quod & amatorium esse sic ad Paridem Helene inuit,

*Vxorius qui
dam maritus
notatus.*

Modò pocula proxima nobis

sumis, quæque bibi, tu quoque parte bibis. aliena deinceps non minus inepta facientes, in quæ improuida vis ardentis affectus erumpebat. Origo quidem amoris honesta, sed magnitudo deformis, nihil autem interest quàm ex ho-

*Pericles à co
mici tanas?*

*Numa erga
mulieres sene
ritas.*

*Lacænarum
insolentia.*

nesta causa quis infaniam, Sic Pericles Aspasiam
adeò deperiit, vt nunquam non eam antè dis-
suauitatus, domo egrederetur, ob id à Comicis
Iuno & Deianira vocatus, Plutarcho teste. Qui
meritò Numā laudat præ Lycurgo, quòd is nu-
ptarū quem apud viros à Romulo propter ru-
ptas honorem habuissēt, multo pudore addito
coërcuerit, curiositate remota, sobrietate perpe-
tuò iniuncta, & solitudine silētiōq; tāto, vt nec
de rebus necessariis absente viro quicquā loqui
eas assuefecerit. Per huius verò leges Lacænae
fuisse ferūtur insolētiore, & nimis, vt ita dicā,
viriles, viris vtique eis plus quā par esset, obse-
quētibz, nec priuata tantū, sed & publica cum
eis cōsilia cōmunicātibus, vt idē in Agide Plu-
tarch⁹, & 1. Politicorū, cap. 7. Philosophus. Sint
igitur, vt ad Pauli præcepta redeā, vxores viris
subditæ, sicut Domino, cui autē Domino, si nō
vti seruæ & ancillæ hero aut tyranno, vt posses-
sori pecudes? indubiè Christo. Sic enim præces-
sit, Subiecti inuicem in timore Christi: & ali-
quātò pōst vult seruos obedire dominis carna-
libz sicut Christo, vt Christi seruos, & seruien-
tes sicut Domino, & nō hominibz, Eph. 6. &
addit causam, quia quale caput Christus est, ta-
le pro modulo suo vir vxori, vt hæc illi obsecū-
dans, nō tā homini se submittat, quā Domino,
cuius vicē ille getat, & cui eā subditam esse ve-
lit Dominus, & olim iā voluerit Deus, Sub vi-
ri, inquit, potestate eris, Gene. 3. quoniam ea
malè præire virō cœperat, dux & illectrix ad

peccatum, & mortem peccati pœnam, iubetur ducem sequi ad vitę reparationē. Æquo animo ferenda lex, quam Dominus Deus, natura, scriptura præscribunt omnibus vxoribus. Fortasse marit⁹ indignus est, cui se submittat vxor, at nō indignus Dominus, qui præcepit vt subdita sit marito, nō ob aliud nisi quia marit⁹ est fortassis ingratus, at obsequij præmiū recipiet ab eo, cuius amore pariter ac timore paruit ingrato.

Secundum in his Pauli præceptionibus obseruandum, quod iubet esse subditas *in omnibus*. Rursum hīc cogitabit aliquis, Si penes virū est omnis & in omnibus potestas, qui & ferocior est, & viribus superior, quid erit consequenter vxor, nisi ancilla in seruitutē data? Protinus igitur Apostolus adiunxit autoritati charitatis regulam, nec tyrannidi locum reliquit. Cū audis viri, autoritatis vocabulū audis, sed audiens *Diligite*, seruitutem exclusam intelligis. In hoc valet autoritas viri diligētis, vt ei prosit vberius quam habet in sua potestate, idque innuit capit⁹ ratio, quod in edito corporis situm, seruans omnes sensus & animi vires, quem habet in membra principatum, hunc bono totius gerit corporis, non enim sibi tantū sentit, meminit, itelligit, sed vniuerso corpori, eoque additur de Christo in hac similitudine, Saluator corporis. Nō debet molest⁹ esse p̄cipatus qui salutē cōfert, nec sibi displicere suo bono subiecta coniugi. Si ergō dixeris, Ecclesia merito subiecta est Christo, at mariti mores ali-

Viri auctori
140.

Mariti ni-
mum vxoris

quando vix ancillæ ferre possunt, habet quidē maritus exemplū, quo absolutius proponi non potuit, ne fortè putaret vulgarē à se erga con-
sortem amorem exigi. Quod exemplum? Non vt vel in fabulis, Idæ, Orphei, Cephali, vel in hi-
storiis, Darij, Periandri, Antimachi, Cyanippi, Æmilij, Gracchi, Lepidi, Plantij, Rubrij,

Leprose vxo-
ris amantior
maritus.

Antonij Pij, aut si qui viri alij vxoribus præ-
mori aut conssepeliri, quā superesse maluerunt:
non Dominici Catalusij Lesbii principis, qui
vxorem vel leprosam mensa & lecto commu-
ni nunquam prōhibuit, carnem suā, iuxta Pau-
li verbum, fœtidam licet & graueolētem, imò
& contagiosam, non odio habens, sed tenens
atque nutriens: Non agricolæ cuiusdam Len-
tiscolensis in Regno Neapolitano, qui cum cō-
iuge à Piratis Mauris capta seruire maluit, quā
sine illa liber viuere, Quæ sunt apud Valerium
& Fulgosum de amore coniugali. Plutarch. de
vitis, paralellis. cap. 42. 43. Laërt. Capitolinū.
Denique non si qui alij vxores impotentius a-
mauerunt, aut eis etiam seruierunt, aut etiam si
quos eximia erga vxores charitas, aut diutina
cum eis sine querela aut iurgio vita celebres fe-
cit maritos, sed sicut Christus, (inquit) dilexit Ec-
clesiam, quo autem modo dilexit? semetipsum tra-
didit pro illa, Tradidit autem in huius naturæ ca-
lamitates, in probra, in flagella, in crucem de-
nique. Habes amoris magnitudinem, eandem
debes vxori tuæ charitatem, vt pro eius vita, fa-
ma, pudicitia corpus tuum exponas discrimini.

Charitas er-
ga vxorem
qualis esse
debeat.

habet

habet inquam, vir propositū in Christo archetypum, à quo tamen si degenerat, nō protinus perit autoritas, non confunditur ordo: Et maritis enim, vt quod & ait alter, 1. Petr. 2. dominis, non humanis tātū & commodis, sed morosis quoque ac difficilibus, Et nolite (inquit) amari siue amarulenti esse ad illas, sed si tantū molestum est quod imperant, obtēperet vxor, Domini præceptum, non mariti meritum cogitans: Sin imperāt quod aduersatur pietati seu bonis moribus, blādè recusetur obsequium: & si vrgēt, scito magis Deo quā hominibus obediendum, Act. 4. 5. Etenim qui obsequitur impia iubenti, non obsequitur Deo in marito, sed Satanæ in membro ipsius. Non enim seruituti subiectus est frater aut soror in huiusmodi 1. Cor. 7. Sed pro quo alter ab altero diligēdus & sequendus, præ eo est odio habēdus, & propter eiusdem regnum & Euangeliū relinquendus atque dimittendus, Matt. 19. Marc. 10. Luc. 14. 18. Sic Petrus fœminas allocutus, oratione ad viros cōuersa, *Viri* (ait) *similiter*, id est, cum simili quā vxoribus præscripserat, integritate, mansuetudine, modestia tranquillī spiritus, interioris hominis ornatu, voluptatum contemptu, charitate ac reuerentia *cohabitantes*, siue cohabitent, vnā cum vxoribus versentur, easque gubernent, *secundum scientiam*, sciēter, & vt sciētes decet, vō ex imperio aut libidine, nihil præscribentes nisi quod expedit, nihil indulgētes, quod perniciem aut corruptelam adferat bo-

*In omnibus,
quid sit.*

*Per omnia,
quid.*

nis moribus. Etenim penes quem est autoritas iubendi, penes eundem debet esse sciētia fugiē dorum & expetendorū. Tyrānus imperat quod libet, & ei commodum est, maritus consulit id quod optimū est etiam ei cui præscribit. Quod igitur dicit Paulus *in omnibus*, seipse ibidē interpretatur, *sicut oportet* (inquiens) *in Domino*, Non ergō complectitur impia & contra Dominum iulla, sed per eādē hyperbolen, qua liberis præscribit eodē loco parētib⁹ *per omnia* obediēdū, summā sic indicans obedientiam, quos tamen ab inuicē Christus propter nomē suū odio habēdos atque relinquēdos, traditūq; & alterum ab altero interfectū iri prædixit in superiorib⁹ Euāgeliorum locis, & adhuc Matt. 10. Marc. 13. Luc. 12. 21. Cuius & illud prognosticō est, de cō iugib⁹ propter se ab innicē separādis. In illa (inquit) nocte erūt duo in lecto (adeoq; in carne siue corpore) vno, vnus assumetur, vnus relinquetur, Matt. 24. Luc. 17. quod de coniugatorū ordine nō video quin æquē cōmodē accipi valeat, atque quod ibidē de molētibus in vna mola legitur, eodē sensu quo parentibus liberi *per omnia*, maritis vxores *in omnibus* obediāt (quod aiunt) vsque ad aras. Nec temerē tamen, nec in articulis, nisi catholicis atque clarissimis, vt si vnquā aliās, nūc certē, hoc est, in schismate tam diuturno, animoso, & contentioso optandū, vt quos Apostolus vxoribus vult in omnibus auctores esse, atq; etiam domi doctores, nēpe maritos, eosdē habeāt cū in omnibus, tū vel in re-

ligione maximè doctiores, & locū habeat sanctissimū Plutarchi præceptū cōnubiale 19. Vxorē (ait) amicos proprios habere non oportet, sed uti cōibus cū viro. Cū verò prim⁹ sit & maximus DEVS, quē vir cēset esse colēdū, solū eum cognoscere vxorē decet, curiosæq; religiones, & peregrinæ superstitiones à vestibulo domus arcēdæ sunt, nulli enim DEO sacra occulta & abscondita grata sunt, à muliere si fiant. hoc rectè intellecto dici à scriptore, nō dicā profano, sed quouis & quāuis sacro, sancti⁹ nihil potuit.

Tertium, quod nobis toties & tā prolixè digrediētibus hīc sit vltimum, Cū multa vxor viro, multa vir vxori debeat, tā multis ne dicam modis omnibus, hic superior sit, inferior illa: Vna modò re pares sunt, mutua debiti cōiugalī fide: *Vxori*, inquit noster, *vir debitū reddat, similiter autē vxor viro, mulier sui corporis potestatem nō habet, sed vir*, Tolerabilis est sermo, cū eidem Paulo dicatur vxoris caput vir, & hic etiā in illā apud nōnullas nationes habere soleat vicius & necis, ut quod sequitur, *similiter & vir sui corporis potestatem non habet, sed mulier*, durè dictū videatur, mollius fiet, cōmodè acceptū, nō enim simpliciter potestas corporis virilis est penes vxorem, aut vxorij penes maritum, sed tantū quod attinet ad vsum coniugij: hoc enim loco corporis nomine, mēbra quibus discernitur sexus, peragiturque concubitus, appellari scribit cōtra Iulianum August. lib. 5. cap. 4. Quis enim dicat virum sui potestatem corporis non ha-

Potestas corporis mulieris penes virum qua intelligatur.

*Lia noctem
mariti rede-
mit.*

bere, si in his Apostoli verbis totum corpus intelligas, quod constat omnibus membris? In genitalibus ergo ius est mutuum alteri in alterum, quia nihilo magis vir gignere potest absq; vxore, quàm vxor absq; marito. Est, inquit in Oeconomicis lib. 1. cap. 3. Philosophus, impossibile fœminam sine mare, aut marem sine fœmina, quod desiderat natura, in multis talia efficere, hoc adimplere: quare maximè secundum naturam eorum est societas, & ex necessitate constituta. per hunc (ait) circuitum adimplet natura sempiternitatem, secundum speciem, ex quo secundum numerum non potest. In Mosis autem lege nō nihil videtur non idem fuisse vxori in virum, quod viro in vxorem ius, alioqui Lia non redemisset noctem mariti à sorore, pretio Mandragoræ, Gene. 30. si potuisset suo iure possidere. Sed præterquā quod mysterium est, sanctis matronis polygamo viro alternis fruendum erat. Dilucidum autē est, quod Apostolus præscribit, & ratio naturalis Apostolicā legē confirmat. Aliter ergo maritus ius habet in corpus vxoris, aliter in ancillæ: ancillā potest extrudere, olim etiam vendere, vxorem non itē, quod ab hac suo iure exigit, ab illa non potest, corporis utique seu sexus obsequium, ad officium aut remediū, nec vxor à seruo, Neuter indubiè quod in alterum ius habet, alij cedere potest, ne de mutuo quidem consensu, sub lege præsertim Evangelica, in qua matrimonium ad statum suum primæum reductum est, sic vt quod ab

initio fuit, duo sint, nec plures, in carne vna, locis paulò antè allegatis, & sint alter alteri vnicū adiutorium, non adiutoria plura, acutè nanque Tertullianus de Monogamia, Adiutores (ait) dixisset, si pluribus eum destinasset. De patrū autem tunc polygamia, non autem concubinato, semper indubiè illicito, & eorū qui illos in cōmunicandis cōiugibus perperam imitati sunt, cacozelia, nos in opere de Continentia, lib. 2. cap. 9. lib. 4. cap. 15. Vt ad rem redeam, Quoniā non minus periclitatur imbecillis sexus fœminæ quàm viri, non minus præsto esse debet obsequium viri quàm fœminæ. Sed hīc existūt varix quæstiones de modo, tempore, reliquīsque circumstantiis. In quibus emergunt casus quidā vix sermone verecundo tractabiles: Sed vrgentib⁹, vt olim hæreticis, sic hodie curiosis, Theologos coëgit, quod eleganter vbi suprā Augustinus, diutius de rebus pudendis loqui necessitas, & circumloqui honestas, quam in quibuscūq; Ecclesiæ non tantū scriptoribus, sed etiā principibus, aures castæ non immeritò desiderent: Si modò meritò malè Cynici vel apud Gētiles *Cynicorum impudentia.* semper audierūt, qui quod facere turpe nō est, id dicere obscœnum negabant, corporis humani partes, quas occultauit natura, earūq; necessarios vsus suis nominibus appellātes. Liberis, inquit Offic. 1. Tullius, operā dare, re honestū, nomine obscœnum. Nos autē sequamur naturam, & ab omni quod abhorret, ab oculorum auriūque comprobatione fugiamus. Quem

imitatus noster Ambrosius, eodem & titulo & lib. cap. 18. vt non solùm (ait) abscondamus ab oculis, quæ infirmiora, ignobiliora, & min⁹ honesta, sed necessaria corporis membra Paulo vocantur, 1. Cor. 12. sed & quæ abscondenda accepimus, eorū indicia vsusq; mēbrorum suis appellationibus nūcupare indecorum putemus. Puderet ergò cælibes, quasi (si Deo, si Festo, si Gabino placet) cælites, eadem de causa Græcis dictos Fabio, lib. 1. cap. 10. puderet hos inquam, minus interim verecūdè hac de re loqui, quā mariti vlli, qui, quod ait vbi paulò antè, Cicero, sana modò mente sunt, Mērior, nisi vel in vno titulo de frigidis & maleficiatis, adeoque in vna eius tituli Innocentiana, Fraternitatis, non plus sit obscœnitatis, quàm in omnibus omnium Impp. paganorum aut Christianorum legibus per omnes pandectas, De nuptiis, aut vniuersum codicem, De ritu nuptiarū, & id genus titulis dispersis. Proinde vt simul pudori & breuitati studeam, cum primis oportet Christianos meminisse dicti Apostolici, Sic honorabile connubium in omnibus, & thorus immaculatus, Heb. 13. Quicquid igitur pertinet ad abominandas libidinum species, nec vir habet ius ab vxore petendi, nec vxor tenetur lege reddendi. Adferant magis à parentum ædibus corpora casta & illibata, animos pudicos & verundos, Deum deique filium Christum cōiugij sui testem & auspicem faciāt, & priusquam se cōtingant, cōprecentur, vt ex eius præceptis

*Obscœnitatis
in iure canonico.*

& legibus omnia, nihil impurè vnà gerant, vt qui primus iūxit vxorē viro, & in Paradiso coniugij fœdus inter generis nostri principes dedicauit, cuius vnigenit⁹ filius nobis hoc sacramētū tot modis cōmēdauit, natura primū nostra sibi velut in matrimoniū ineffabili adiūcta, & in sponsam adoptata sancta Ecclesia, in coniugio, licet non è coniugio nascēs, miraculorum suorū primitias in nuptiali epulo auspicās, & sacrosanctum fœdus hoc indissolubili vinculo ligans, fauore suo nuptias prosequatur, coniugiū velit esse firmum, castum, fœlix, vt volentes ac lubentes faciant, quod didicerūt, Domino placere, vt bene fortunet quod amāter inter se gesserint. Succedat cōgressus pudicus, reuerēs, nihilque cum stupro, raptu, concubinarum cōuictu, nihil cum bruto furore, cū equina libidine vel simile habens, vel cōmune. A talibus initiis colloquiis, & preculis auspicari deberet matrimoniū Christianū, nec nos sub Christo facere puderet, quod sub Mose factitatum ex historia Tobie colligim⁹, ex qua quē in prēsenti rē sint & literā, pluscula colligere nō grauabimur, præfertī quod in ea sancti parētes Raguel & Anna filia Sarā, vel poti⁹ scriptura in ea vna omnes matres famil. esse iubet, qualē hīc describit adolescentulā. Sic ergo legim⁹ Tob. 3. Cū viros septē, quib⁹ ea tradita fuerat, Cacodæmō Asmodeus priusquā ad eā ingressi rem habuissēt, suffocasset, ex hoc nomine quasi malefica & viricida audiret, triduo macerata ieiunio, sicorauit in

*Cōiugiorum
auspicia quæ
debeant esse.*

superiore domus tubiculo. Scis Domine, quia virum nūquam concupiui, & mundam seruauī animam meā ab omni concupiscentia (aut flagitio virili) nunquam me cum ludentibus & leuitati deditis miscui, neque sociā adiunxi, Virū autem cū timore tui, nō libidine ducta capere cōsensi, & aut ego indigna, illis fui, aut illi me, quod me alij fortasse viro reserues, Non enim est in hominis potestate cōsiliū tuū. Sit nomē Domini benedictū, &c. 6. Cū hæc cognationis iure Tobia iuniori deberetur, hunc tā tristi tot sponforum euentu, quominus eam duceret, de territum, Raphaël angelus futuri inter eos matrimonij pronubus idem & auspex sic alloquitur, Ostēdam tibi quibus dæmoniū præualeat, his nimirum qui coniugiū ita incunt, vt Deū à se & corde suo excludant, & libidini sic vacent vt equus & mulus, quibus non est intellectus, ex Psal. 31. Tu autem cū eam duxeris, cubiculum ingressus, triduò continebis, & nihil aliud quā vna precabimini. Prima nocte dæmon fugabitur, secunda in sanctorū patriarcharū confortiū admittēris. Tertia fœlicitatē & benedictionē cōsequēris, vt liberi ex vobis procreentur incolumes. Tum demū rem habituri, surgētes Dominū inuocate, eius timore, & filiorū magis desiderio, quā libidine cōuēturi, vt in semine Abrahæ, benedictionē in liberis cōsequamini, cap. 7. parētes filiā hospiti collocant, præeunte ita patre, Deus patrum vobiscum sit, vos cōiūgat, & suā in vobis benedictionē impleat.

Coniugij charta conscribitur, epulantur benedicentes Deum: inducitur in cubiculum sponsa, lacrymat, precatur. Cap. 8. Post cœnam introducitur ad eam sponsus, angelus bonus malum apprehendit, religat, & in Ægypti desertū relegat. Iuuenis virginem hortatur surgere, & Deum (inquit) hodiè, cras, & perendiè precabimur, quia hoc trinoctio, Deo iungimur, sic demum nostro fruituri coniugio. Filij quippè sanctorum sumus, nec possumus sic coniungi, vti gentes Deū ignorantes. Consurgentes vnà obnixè orant: sic quidè Tobias, Domine Deus patrum nostrorum, benedicāt te omnes creaturæ, Tu fecisti Adam de limo terræ, ei que dedisti adiutorium Euam. Et nunc scis quòd non luxuriæ causa, sed sola posteritatis, in qua benedicatur in æternum nomen tuum, dilectione hanc accipio coniugem. Sara autem sic, Miserere nostri, Domine, & fac vt ambo pariter sanè consenescamus. Quam clausulam & alij interpretes viro ascribunt: sponsam tantum subiiecisse, Amen. Cùm ea nocte congressi essent iuuenes, parentes sponsæ rescito de bona eorū valetudine, præter spem, nūtio, quòd eos Deus esset commiseratus, excluso inimico & persecutore, qui sponsos priores alium post alium occiderat, Deum benedicunt, laudant, & idem, vt à filiis plenius fiat, precantur, pro sepulcro epulum instruunt: cum omnibus amicis & vicinis epulati, & duas hebdomadas vnà morati, viaticum abituris necessarium præparant, pa-

Tobia iunioris sponsi oratio.

Sara sponsa oratio.

Nuptiale epulum.

rimonium genero diuidunt. Cap. 9. Gabelus ad nuptias inuitatus, discumbit, & exiliens cū osculo ac fletu, ita benedicit, Benedicat te Deus Israël, quia filius es optimi viri, iusti, Deum timētis, eleemosynarij, & dicatur, benedictio super uxorem tuam, & parentes vestros, sic vti filios vestros, & filiorum filios videatis, & sit semen vestrum benedictum à Deo Israël in secula, Omnibus Amen respondentibus, cū Domini timore nuptiale conuiuium concelebrant.

*Nova nuptia
institutio.*

Cap. 10. Parentes valedicturi, deosculatā prius filiam cōmonent, foceros honorare, qui nunc (aiunt) parentes tui sunt, diligere maritum, regere familiam, gubernare domum (agnoscis vxoria per Apostolum institutionis verba) & seipsam irreprehensibilem exhibere. Sic editio vulgata. Moderni addunt, Annam generum, ne filiam, quam ei quoddam quasi depositum cōmittebāt, vlla vnquam molestia afficeret, aut malè tractaret, vtrosque optasse, vt ex eis liberos Deo probatos, priusquam morerentur, videre liceret. Quàm multis precibus initum est, profecit, ac perfectum est vnum hoc matrimonium: quod tantò plus christianos imitari conueniret, quò plura videmus inter Christianos coniugia minus Christiana, hoc est, plus satis obscœnitatis, & minus quàm par est, honestatis habentia; quorum vt irreligiosi plerunque ingressus, ita progressus irrequieti, & infœlices exitus, præsertim cum vulg^o Christianū prope- modū hīc grauius peccet quàm ethnici quidā:

*Vulgi christiani immo-
destia in nup-
tiis.*

Quotus enim quisque Christianus vel sentit, vel sibi proponit, quod in Oeconomicis ille profanus? Cum liberorū (ait) procreatione nec maius nec sanctius quicquam esse possit, nihil item magis vxori suum sit, aut ei à viro præstandum, quàm sancta & intemerata societas, non tantum non decet hominem, sanæ modò mentis, vbicunque contigerit, semen exponere, ex quo vxor honore suo priuetur, & legitimis liberis fiat iniuria, sed & vxori appropinquandum cum magna verecundia & modestia, vt sit & in verbis pudor, & in operibus fas & honestas, & in conuersatione fides & moderatio, lib. 2. cap. 1. 2. Vt ergo redeam ad ius beneuolentię coniugalis, quando semel cœpi cēlebs rem vxoriam tractare, pergam alienis, vt ferè superiora, verbis. Hac igitur in re monēdæ virgines, vt neque ad eam vltro sponso prouocent. hoc enim nescio quo pacto viliores, minúsque charas redderet, neque petentibus nimium tetricas ac præfractas se præbeāt, & hoc enim rursus amorē verteret in odiū, Nō exigere, matronę est: comiter negare, pudoris: obstinatę recusare, perfidię. Spōsi vero quem inituri sunt, cōgressum, sacrū, imò & sacramentalē, & rei omniū sacerrimæ sanctissimæque mysteriū, quod in tēplo, Dei domo, à Dei sacerdote quodā quasi paranymphe, imò & angelo audierūt, esse recordentur, sicut & de Tobia legimus, Recordatus (inquit) sermonū angeli, exhortatus est virginē, &c. Tob. 8. ita indubiè rem ve-

Debitū coniugale vt petendū & præstandum.

*Coitus, mi-
nor epilepsia*

recundius adorsuri, Quosdam enim cōtrā, pa-
rum utique quid sit matrimonium Christianū,
vel edoctos, vel memores, quasi vi raptā incār,
& profedam, quando sic auspicantur primos
congressus, non vxorem, furere dicas potius
& minor, iuxta Hippocratem, epilepsia, mor-
bique teterrimi, quem nostri comitalem dixe-
runt, pars quædam, Gellius lib. 19. cap. 2. Ma-
crob. Saturnal. lib. 2. cap. ult. nisi triplici nuptia-
rum bono & honestate exceptus, Fide, prole, sa-
cramento. Meminerint ergo tum coniuges vel
in geniali lectulo homines esse se, nō pecudes,
& sanctos homines, non profanos. Filij (ait
Tobias) sanctorum sumus, non gentiles Deum
nescientes, non, quod Paulus ait, sine Christo,
sine Deo in hoc mundo, Eph. 2. De quibus &
apud prophetā queritur Dominus, Equi ama-
tores in fœminas, & emissarij facti sunt, vnus-
quisque ad vxorem proximi sui (aut etiam ad
suam) hinniebat, Hier. 5. & Ezech. 23. quasi asi-
norum carnes, eorum carnes: quod & alibi scri-
ptū, assimilati iumentis in sipiētibus, Psal. 48. 31.
Facti sicut equus & mulus, quibus nihil intelle-
ctus. Pulchrè in Xysti Pythagorici sententiolis
dicitur, Adulter est vxoris propriæ amator ar-
dentior, citat in Ezechielem lib. 6. Commen-
tariorum, & ad finem 1. aduersus Iouinia-
num Hieronymus, In aliena quippè vxore om-
nis amor turpis est, in sua nimius: Vir sapiens,
iudicio debet amare coniugem, non affectu,

*Vxorū pro-
pria nimius
amor, velut
adulterium.*

reget impetus voluptatis, nec præceps feretur in venerem. Nihil fœdus, quam vxorem amare, quasi meretricem. Certè qui se dicunt Reipublicę & generis humani causa vxoribus iungi, & liberos tollere, imitentur saltem pecudes, ne postquam vxorum venter intumuerit, perdant filios, nec amatores se vxoribus exhibeāt, sed maritos. In eadem sententia fuisse antè diximus Augustinum & Gregorium, maritis à cōceptu abstinendum ab vxoribus, quòd mulieres aliquoties, si tum rem habeant, abortiūt. Addam quod & attigimus, eodem in Quæstionibus super Leuiticum lib. 3. cap. 64. accessum ad menstruatam non semel in Lege prohibitum, Leuit. 12. 15. 18. 20. ne figuratè accipiendū putaretur, sed inter talia prohibita positū, quæ etiam tempore noui testamenti, remota vmbra-
brarum veterum obseruatione, sine dubio custodienda sunt. Quod etiam videtur per Ezechielem significasse, qui cap. 18. inter peccata quæ non figuratæ, sed manifestæ iniquitatis sunt, etiam hoc commemorat loco 6. ad talem si quis accedat: & inter iustitiæ merita, si non accedat, qua in re non natura damnatur, sed accipiendæ prolis noxium prohibetur: Per singulos enim menses graua & torpentia mulierum corpora, immundi sanguinis effusione releuantur, quo tempore si vir cum muliere coierit, dicuntur concepti fœtus vitium seminis trahere, ita vt leprosi & Elephantiaci ex hac conceptione nascantur, & fœda in vtroque sexu

Mariti à
gravidu vxoribus
abstineant.

Menstruata
consuetudo
prohibita.

*Concubitus
sua esse tem-
pora.*

corpora, paruitate vel enormitate membrorum sanies corrupta degeneret. Viris ergo præcipitur, vt non solum in alienis mulieribus, sed in suis quoque, quibus videntur lege coniungi, scriptura dicente, Crescite, multiplicamini, replete terram, certa concubitus norint tempora, quando coeundum, quando ab vxoribus abstinendum sit. Quod quidem & Apostolus, 1. Cor. 7. & Eccl. 3. sonant, Tempus amplexandi, tempus longè fieri ab amplexibus. Caueat ergo & vxor, ne fortè victa desiderio coeundi, virum illiciat, & vir ne vim faciat vxori, putans omni tempore subiectam sibi esse debere coniugij voluptatem: vt nouerit (ait Paulus) vnusquisque vas suum possidere in sanctitate & pudicitia, primæ Thessalonicensiu. 4. & muliebri vasculo honorem tribuat, 1. Petr. 3. quem Hieronymus, 1. in Iouinianum, abstinenciam à concubitu exponit. Sic enim colligit, Si nos abstinemus, honorem vxori tribuimus: si non abstinemus, perspicuum est honori contrariam esse contumeliam. Quæ expositio non nihil violenta est. Cohabitent ergo iuxta scientiam, vt nouerint quid velit, quid desideret Dominus. Idè certe, quod 1. cap. 1. in genere dixerat castificandas animas in obedientia charitatis, velut explicās, si Clementi credimus eius auditori atque successori, lib. 6. recognitionum. Est (aiebat) propria quedā religionis nostrę obseruātia, quę nō tam imponitur ab hominibus, quā propriè ab vnoquoq; Deū colēte puritatis causa experitur,

*Vas suum in
honore possi-
dere, quid.*

Castimoniæ dico causa, cuius species multæ sunt, sed prima, vt obseruet vnusquisque ne mēstruatæ mulieri misceatur, hoc enim execrabile ducit Dei lex, quæ licet de his non admonuisset, nos vt Cantari (vel fortè Canterij) libenter volueremur in stercore. Debemus amplius aliquid animalibus habere reliquis, vt potè rationabiles, & cælestium sensuum capaces, quibus summi studij esse debet ab omni cordis inquinamento conscientiam custodire, Sed & ea castimoniæ species obseruanda, vt ne passim & libidinis causa, fœminis coëatur, sed posteritatis reparandæ gratia. Quæ obseruantia cū in nonnullis etiam pecudibus inueniatur, pudoris est, si non ab hominibus & rationabilib⁹, & Deum verè colentibus obseruetur, cum etiā & apud eos qui à diabolo adhuc in erroribus detinentur, attentius obseruetur, est enim & apud eos nonnulla castimoniæ obseruantia. Et eodē collectore in constitutionibus Apostolicis, lib. sexti capite vigesimo octauo, Naturalis quidē purgatio odiosa Deo non est, vt quam mulieribus menstruatam instituerit, valetudinis firmitatisque causa, cū otiosæ sint, quia magna ex parte domi sedent, nam & sanguinifluam, cū sanitatis gratia fimbriam attigisset, non molestè tulit Dominus, nec accusauit, imò potius curauit, Matth. 9. Marc. 5. Lucæ octauo. Menstruis autem apparentibus viri ne coëant, vt filij sine morbo nascantur.

*Menstruata
commixtio,
execrabilis.*

*Menstruosa
cur sint mu-
lieres.*

*Prænantium
consuetudo
non habenda.*

Nec magis cum prænantibus consuetudinem habeant, non enim suscipiendorum filiorum, sed voluptatis causa, hoc faciunt. Oportet autem Dei amicum voluptatem non appetere. Ut igitur è tam longinqua digressionem, quadã quasi peregrinatione, vel tandem redeam, & connectam superiora sequentibus, subiiciam quod sequenti capite, Mulieres (inquiunt Apostoli) subiectæ estote viris vestris, eosque in honore habete, ac timore & charitate illis inservite, ut S. Sara Abraham honorabat, quem nec nomine audebat appellare, Dominum vocans. Itẽ, Viri, diligite uxores vestras, ut propria membra, & corpora vestra, ut vitæ socias, ut consortes, & in filiis generandis adiutrices. Collatimini, ait Prou. 5. Iuxta aliam literam, ut gratiarum pullus, & amicitia cerua, propria verò præeat, & adsit tibi omni tempore, in huius enim amicitia implicatus, multiplicabilis eris. Et Mal. 2. Dominus testificatus est inter te & mulierem adolescentiæ tuæ, & hæc consors & particeps & socia tua, & uxor fœderis tui. Nonne vnus, nec alius fecit? (masculum enim & feminam fecit eos, Gene. 2.) & residuum seu reliquiæ spiritus tui: custodi, & ne deseras. Hæc autem omnia de re uxoria, & præsertim erga viros obedientia, ut non blasphemetur verbum Dei, ne diuina doctrina malè audiat, hoc est, ne vel ipsæ mulieres, siquidem gentiles Euangelium blasphemant, vel si fideles nomine tenus fuerint, eius prædicationis blasphemandæ occasionem

sionem tribuant gentilibus & infidelibus, videntibus eas peiores effectas, quàm ante fidẽ fuerant. Hoc enim adiectum putant propter eas, quæ maritum haberent vel ethnicum, vel Iudæum, quorum si vxores minus fuissent virorum & liberorum amantes, minus prudentes, &c. opinarentur hi insipientes sic haberi in doctrina Christiana, quam ideo blasphemarent. Vnde superiorem de aniculis & iuenculis periodon sic breuiter enarrat Ambrosius, Tales præcipit seniores, vt exemplo sint bonæ conuersationis iunioribus, vt si infideles viros habeant, congaudeant eis magis quàm blasphement Dei nomen, dum videt quia propter Dei timorem propensius obsequuntur viris suis. Sic alibi sanctificatur vir infidelis per mulierẽ fidelem, 1. Cor. 7. & 1. Petr. 3. vt si qui non credunt verbo (prædicationi) per mulierum conuersationem sine verbo lucrifiant, considerantes in timore, seu erga viros reuerentia castam vxorum suarum conuersationem. Græci more suo multa hîc peracutè & diligenter obseruât, 1. Paulû in vxoriis dotibus, rectè à virorũ amore, ceu omnium longè præcipua cœpisse: quæ enim virum amarit, prudens erit, casta, sobria; corpore ac mente pura, liberos amabit, domũ curabit, rêmque ita dispensabit, vt vir abundet, non ornatu superfluo (cui enim alteri placere studeat aut morẽ gerere, quàm ei quem plurimum amet, vt placeat & obsequatur prorsus intenta est?) non sumptibus superuacaneis, non

*Vxor viri
amans, quã
fugit.*

in victu aut vestitu deliciis, non intempestiuis nec necessariis domo egressibus, aut cursitationibus se occupabit. 11. Paulum alioqui omnium facientem, tum dicentem, ut nos à rebus huius seculi, earumque cura sursum penitus abducatur, tanquam nunc rei domesticæ curam & habere & iniungere, nimirum his bene habentibus, spiritualia plerumque bene habent, & quæ domi probè se gesserit eam in spiritualibus profecturam, & in domo rectè disposita spiritus gratiâ locum habituram. 111. Paulum non tam tamen rerum præsentium hanc rationem habere, quam prædicationis, ut quietam (ait alibi) & tranquillam vitam agamus, 1. Tim. 2. hanc autem ne Dei sermo non bene audiat, præcipuam verbi, non familiæ curam habens, & scopum, & alibi quidem viri lucrum & profectum, q. d. Siquidem vir gentilis fuerit, ita facilis & ad redamandum pronus fit: si Christianus, citò ad meliorem frugem euadet, hic, ut Euangelium non maledicatur. Cum enim contingit ut maritum infidelem fidelis vxor non redamet, non audiat, impudica sit, ebriosa, morosa, liberos reliquaque familiam negligat, omnis hæc vxorum prauitas & rebellio in Christianam religionem recidet, calumniantibus eam viris, quæ huiusmodi mulieres habeat. Si superioribus virtutibus fuerint ornatae, ex earum bonis meritis prædicatio gloriæ incrementum acquireret. Audiant quæ malis coniunctæ sunt aut impiis, & discant probis moribus ad Dei eos

cultum ac religionem adducere , quæ si nihil aliud fuerint lucrata , neque eos ad fidei consortium attraxerint , eorum tamen ora saltem obstruxerint , vt ij religionis honorem blasphemare vt maximè velint , minimè valeant . Et verò non minimum , sed maximum & omnino mirabile , si conuersationis mulieris ergò , religio quoque admirationi sit infidelibus . Tantum Græci . Cum ergò ex supradictis , caput mulieris vir sit : viri , Christus , rectè infert Hieronymus , Quæcunque vxor non subiicitur viro suo , eiusdem criminis ream esse , cuius & virum Christo non subiectum : verbum autem Domini blasphemari , vel dum contemnitur , & pro nihilo ducitur prima Dei sententiã de viro ad mulierem , Geneseos tertio , Dominabitur tui . quæ vt propriè possit accipi , antè omissum breuiter hîc videndum est , nec enim & ante peccatum aliter factam fuisse decet credere mulierem , nisi vt vir ei dominaretur , & ad eum ipsa seruiendo verteretur . Ad virum *Seruitus mulieris viro.* (ait) tuum conuersio tua . Sed rectè seruitus significata est conditionis potius quàm dilectionis , & talis enim qua in dies hominibus postea serui esse cœperunt , de pœna peccati exorta reperitur , Geneseos nono , de qua post in seruis hoc capite . Dixit quidem Apostolus , Per charitatem seruire inuicè , Gal. quinto . nequaquã diceret , inuicem dominamini . Possant itaque coniuges per charitatē

*Seruitus nra
tua coniugij.*

seruire inuicem. Sed mulierem non permittit idem dominari in virum, 1. Tim. 2. hoc enim viro porius Dei sententia detulit, & maritum habere Dominum, mulieris meruit nō natura, sed culpa. Quod tamen nisi seruetur, deprauabitur amplius natura, augebitur culpa. Sic Augustinus de Genesi ad literam, lib. 11. cap. 37. Sed & Christi infamatur Euangelium, dum contra legem fidemque naturæ, Christiana vxor ex Dei lege subiecta, viro imperare desiderat, cum etiam gentiles fœminæ viris suis seruiant communi lege naturæ. Et hanc enim ducē secuti veteres philosophi, qui Christum alioqui promissum non agnouerant, de nulla re sancti⁹ scripserunt aut religiosius, quàm de coniugio. Quos inter Peripateticus inter leges probe mulieris, Existimare (inquit) debet mulier verè cōposita, mores viri esse legem suæ vitæ, impositā sibi à Deo per cōiunctionem matrimonij atq; consortij, lib. 2. Oeconomicorum, cap. 1. Quis docuit hunc alioqui parum numinis & rarò memorem, autore Deo matrimonia coire? Et cap. 2. Qui hæc negligit, Deos ipsos videtur negligere, quibus præsentibus sacra fecit, & vxorem duxit. Qui negat mundum à Deo conditū, cœptumvè, fatetur matrimonium absque Deo non coniungi: ingenuæ mulieris esse virum diligere ac vereri, sed qua reuerentia parētes modesti filij, ciues bene morati beneuolos magistratus, non quo metu vel odio serui dominos: ciues, tyrannos: zelotypos aut etiā mœchōs re-

*Mores viri,
lex vitæ suæ
coniugij.*

*Matrimonij
reuerentia
apud cithnicos.*

formidant adulteræ. Et cap. 3. Hūc neque amorem, nec timorē absque pudore ac verecundia Homero laudatum, vt & ab eodem mutuam viri & vxoris vnanimitatem, & in regenda cōmuni domo concordiam, sic in Vlyxe & Nauficaa commendatam, vt nihil melius possit hominibus obtingere: non quanlibet, sed honestam modò, nec in iis quę improba sunt & impudica, inuicem consensionem. Sic & apud Xenophontem Ischomachus interroganti Socrati, num sponsam docuisset ea quę spectant ad bene gubernandam familiā, respondet, Minimè, sed rem diuinam feci, vt mihi quę forēt optima, docere contingeret, illi perdiscere: & colligit similia fuisse sponsæ vota, vel hoc argumento, quòd se mariti monitis docilem ac morigeram præbuisset. Sic senex ethnicus in comēdia loquitur filio, Abi domum, ac Deos comprecare, vt vxorem accersas. Hic profanus nō putat satis auspicas fore nuptias, nisi spōsus Deum apprecetur. Meminit & Plutarchus sacrificij quod ex more fiebat Iunoni nuptiali, præcepto connubiali 28. In hoc cum victima fel exemptum abiiciebatur, non consecrabitur, innuens bilem iramvè nunquam in connubio esse oportere. Præfatur idem veteres Mercurium iuxta venerem locasse, quòd coniugum beneuolentia non tam voluptate corporali, quā animorum coniunctione coëat & sermone comi, & amico velut glutino egeat. Et 14. Oportet, vt Geometræ dicunt, lineas &

Vlyxes Nauficaa.

Vxor à Deo petenda.

Bilis & rixa à connubio exulet.

*Mulierum
subiectio quā
illis debeat.*

superficies non per se, sed vnā cum corpore moueri, sic vxorem nullum proprium affectum habere, sed studia, curas, risum, omnia denique cum viro communia. 34. Mulieres cūm viris subsunt & obtemperant, laudem consequi, cūm præesse volunt, magis eas dedecere, quā eos qui subiguntur: prestare autem maritum vxori par est, non vt dominum pecoribus, sed vt animam corpori, cōspiratione quadam naturali per beneuolentiā cum eo coniunctam, & procurare corpus conuenit, non ipsius seruiendo cupiditatibus & voluptatibus: ita vxori præesse, sic vt pro sis, neque nimis demulcendo gratificandōque oportet. Citatur ab eodē in Bruto à Barbaro lib. 1. cap. 8. lib. 2. cap. 1. 7. ab Erasmo, & aliis apud Homerū Andromache, quantum suo afficeretur Hectori, in quo omnes omnium charitates sibi constituerat, sic eum alloquens,

*Andromache
quā Hec-
toris amat*

Tu mihi iam solus pater es, matérque verenda.

Tu dulcis frater, tu gratus ad omnia coniux.

Cuius etiam desiderio velut mentis impos, aliquādo per turbas discurret, & mœnia collustrauit, quantōque eius tum amore, tum honore, teneretur, volupe est apud eundem legere, cūm virum Troiā egredientem cum filio comitatur, oculos in eo vno figit, & vel in subministrando equis ipsius pabulo, vt quibus mariti decus & vita crederetur, diligens & accurata est. Cuius exemplo, vt non quasuis operas

oportet ab vxoribus exigere, si sint famule, quæ
idem præstare valeant, tamen si res ita poscat,
vxor non grauabitur præstare, quod famula nõ
dignaretur, vt nec à re quidem coquinaria ab-
horreat, si quem vir munificus hospitaliter ha-
bere domi cõstituerit, quod generosissimi for-
tissimique heroës à se non duxerunt alienum:
Achilles enim & Patroclus, cùm ad eos recon-
ciliandi venissent Ajax & Vlyxes, ea magno
studio reiecta Lyra tractant, quæ nisi hospi-
talis excusatione decora sint, vix mediocri-
bus seruis digna videantur. Viro igitur vxor, si
vxoris & officio & laudi respondere velit, nihil
non debere fatebitur, ac præstabit. Quid autem
& quantum amoris vir vxori vicissim debeat,
in eodem exemplo videre est, Hectorem parẽ-
tum, fratrum, patriæ quoque cineres forti animo
laturum, Andromaches vxoris vtique bene me-
rentis futuros casus cogitantem, ferre non pos-
se. sic hac in re heros barbarus alioqui fortissi-
mus, lenis, sic mollis est, vt prorsus alter à se fie-
ret, Erectus rerum gestarum gloria, nihil de pro-
prio, multa de cõiugis euentu anxius, gemens,
suspiriosus queritur. Et naturali ergo, vt & diui-
na autoritate, tãta vis est, & huius fœderis tam
intima coniunctio, vt & in parentes alioqui
maxima pietas istius splendore necessitudinis
obscuretur, vt eis relictis, hi sibi inuicem adhe-
reant, Gene. 2. & sic præ charitate mutua oculos
sibi præstringant, vt prætermisiss omnibus,

*Hospitalitas
gna vt exci-
piendi, exem-
plum.*

*Vir vxori
opes sua, &
mundum, &
thesaurum.*

vnos se colant, mirentur, diligant. Sic Plutarcho, Phocionem vxor opes suas, mundum suū & thesaurum vocat. Sic Xenophonti, Tigranīs Armenia vxor, absentis mariti impatiens, & comes vbique indefessa, domum ex aula Cyri reuersa, quid de huius pulchritudine sentiret, viro percontanti, abs te (inquit Deos obtestando) nusquam oculos deflexi. Itaque qualis Cyri forma sit, prorsus non noui. Tales Hieronis & Duellij vxores, graueolentiam viris ab inimicis exprobratam, domi expositulantibus quòd eius eos vitij nunquam admonuissent, responderunt se putasse viris omnibus ad eundē modum animam olere, Plutarch. de vtilitate ab inimicis capienda, Erasmus in Apophthegmatibus. Si verè senserunt quod dixerunt, argumentum fuit insignis tum pudicitiae, tum etiā simplicitatis, nulli vnquā viro tam vicinas fuisse, vt oris halitū sentiscerent: Sin sinxerūt, magna erga maritos fuit tum ciuilitas, tum etiam tolerantia, tandiu pertulisse hoc incommodū absque fastidio aut iurgio. Et talem esse voluit nō nuptā modò, sed & nupturā P. Meni⁹, animaduerso grauitè in libertū sibi gratū, qui osculū nubili filiæ, errore licet lapsus, non libidine, dedisset, vt non solūm virginitatē illibatā, sed & oscula puellæ ad maritos syncera perferet, Valerius de pudicitia. En quàm parum, aut potius nihil, castæ sibi mulieres, vt mulierib⁹ etiā leges sine viris permiserunt. Maiores, ait Cato Liuij lib. 3.4. nostri nullam ne priuatam quidem rem

Orū graueolentia in maritis, à coniugibus dissimulata.

Osculo etiā delibatur puella virginis.

agere fœminas sine autore voluerunt, in manu esse virorum, &c. quod si, quod ibidem male metuebat, viris eæ exequari voluerint, poëta audiant lib. 8. Epigrammate 12.

Inferior matrona suo sit, Prisce, marito,

Non aliter fiunt fœmina virque pares. Sin hoc non contentæ, etiam superiores esse contendunt, non minus rectè monuit Mimographus, *Bona mulier parendo viro imperat.* Fœminæ pulcherrimum imperij genus obsequendo imitari. Apud Terentium in Ecyra Act. 1. Scen. 2. in Philomeno vxorem ad viri offensas conuiuentem ita commendat Parmeno,

Hac ita uti liberali esse ingenio decet,

Prudens, modesta, incommoda atque iniurias

Viri omnes ferre, & tegere contumelias. quòd Pamphilus scilicet ab vxore abstinens, & multis eâ diebus attingere nolens, meretriculam insuper amaret Bacchidem. Liuiam iam nobis allegata, interroganti cuidam, quam ratione Augustum ita in suam potestatem redegit, respondit, Exquisita pudicitia, omnia eius mandata libenter exequendo, nullas eius res scrutando, lusus eius venereos neque persequendo, & dissimulando, Dion. lib. 58. At Christi fideles ut ea in re nolim conuiuere, sed mutuû monere, ita mox tamen non discedere, aut diuortiû mittere: quòd si discesserint, præ nulla vel pauca commendandi alterutrius spe, eadem (quando nemo sapit vel desipit omnibus horis) refulgente reconciliari (quoad eius fieri poterit) cum

*Imperij genus
in muliere
viro obsequi.*

*Liuiam Augusti
coniugis
prudentiam.*


Paulo consulam, quando diuercentes alioqui remanere innuptos oportet, 1. Cor. 7. Et hactenus de vxoria obediētia, subiectione, ac etiam patiētia. Neq; verò nō viris opus ad muliebrem imbecillitatē mutua quadam συγκατάβασις, hoc est, cōdescēsiōe. Non possunt omnes esse Socrates, qui Xanthippas morosas & iurgiosas, irāsque ac molestiis muliebribus diu noctūque scatentes, domi patiantur, vt insuescant & exerceantur ceterorum quoque foris petulantiam & iniuriam ferre facilius: multò minus Iobese, aut Tobiaē, quibus vxores non in malis solatrices, sed ad peius tētatrices relictas esse scriptura prodit: & prior quidem comparis, quæ simplicitatem illi suam exprobraret, stultitiam patientissimus alioqui minimè pertulit, minus verò ad irrogandā Deo blasphemiam vel connixit, vel consensit, Iob. 2. Posterior autem, nō dubito, quin, vt parentes & cognatos spem illius iridentes, sic vxorem suas ei eleemosynas & sepulturas exprobratē increparit, Tob. 2. Ferenda ergò vxorū leuiora quidem vitia, non fruenda, iuxta quam sententiā lepidè Varro in Satyra Menippea, quam de officio mariti scripsit, Vitium, inquit, vxoris aut tollendum, aut ferendum est: Qui tollit, commodiorem præstat, qui fert, sese meliorem facit. Vbi Gellio, lib. 1. cap. 17. tollere dictum apparet, pro corrigere, at non corrigitur, nisi auferatur. Id etiā si corrigi nequit, ferendū, quod scilicet à viro ferri honestè possit. Vxor ergò vt dum corrigibilis

*Iobi & Tobia
patientiā
in morosis
vxoribus.*

*Tollere,
quid sit.*

est, ferenda, sic incorrigibilis, iuxta Mimum, *ut Amici vitia si feras, facies tua*, Non sic quidem ea in te transferendo, *ut iis ea vacua sit*, sed noua contrahendo, quod vel peccantem non corripas, Matth. 18. Luc. 17. vel ad inemendabilem cōnieas. Hæc de re vxoria. Sequitur in textu.

Iuuenes similiter hortare, ut sobrii sint.

 Onsequenter ostendit, quid & qualiter deceat mares iuuenes, prius liberos, deinde & seruos. Est autē vel repetendum, vel certē non omittendū, quod huc serio distulimus, Superioris periodi clausulam hanc, *ut nō blasphemetur verbū Dei*, ex glossa ordinaria vndecūq; sumpta, & Lyrano, ad omnia superiora siue prædicta, sed & ad sequentia & post dicēda referri posse, quasi diceret, Hortare senes, anus, adolescentulas, sed & iuuenes & seruos, *ut sic se habeant, ut diximus & dicemus, quod ideò facere debebāt, quia tū fideles inter infideles habitabāt. Ideoque si illi incompositis fuissent moribus, hi fidem catholicā irrississent & maledixissent. In sequentibus autē, ut & in præcedentibus, imò ut vbique, doctrinæ seruat decorum, id hīc Græcis doctē & acutē notantibus, qui docēdas fœminas fœminis permisit, & aniculas iuencularū esse magistras, virilis sexus instruendi curam omnem viris permittit, & maribus marem, iunioribus Titum præceptorem præficit, dicens,*

Fœmina fœminis docenda permittat

Iuuenes hortare, & sicut in eo quod suprâ dixerat, Anus similiter, &c. Similitudinem anuum diximus ad senes referendam, ita nunc in eo quod intulit *Similiter*, iuuenum similitudinem ad anus & per anus ad senes aptandam arbitramur, vt senum habeant sobrietatem, pudicitiam, prudentiam, in fide, charitate, patientia sanitatem, Anuum in habit⁹ sanctitate, vt ne sint accusatores, neu vino multo seruiant, bene docentes, &c. Proprium autem adolescentulorum hoc posuit, *vt sobrii sint, & φρονες*, & hîc Hieronymus superiorum autor, sui semper similis, legit, pudici. Ambrosius, continentes esse, vt quoniam iuuetus solet modum egredi, vino ad lapsum esse promptior, idcirco salubribus retinaculis contineri iubeatur, quò infrenata, diuinis legibus gubernetur. Bruno, temperatos, Anselmus, modum tenentes, & nullam superfluitatem sectantes, sicut sæpe consueuerunt iuuenes. Reliqui Latini cum vulgata lectione hîc exponunt auferri luxuriæ siue libidinis causam, tollendo ebrietatem, multorum sanè vitiorum occasionem ac principium: quia ergò ea ætas ad sequendos passionum, maximè carnalis concupiscentiæ, affectus impellit, idè sobrietatis ceu freno retinenda est. Græci, verterint licet eorū Latini interpretes, *sobrii*, propius tamen exponunt ad superiorem de pudicitia intellectum, Nihil (inquiens) tam difficile, tamvè huic ætati durum, quàm voluptates noxias & mortiferas domare, non pecuniarum sitis, non glo-

*Sobrietatis
frenum iuue-
nibus.*

*Voluptates
domare, iuue-
nibus perdis-
ficile.*

riæ studium, non cuiusvis rei alterius concupiscentia, ita iuuenilem ætatem perturbat & vrit, vt corporum amor, & insana hæc libido. Ideoque aliis omnibus omissis, circa id quod magis vigeat, & plus est necessarium, versatur admonitio, hunc scilicet ignem adeo infestum, sobrietatis velut aqua restinguendum, quæ virtus eo maiori erit adolescentiæ ornamento, quò cum ea libido acriter & magis hostiliter bellum gerit. Quod autem sequitur, *in omnibus*, siue *per omnia*, & sequentibus, cum Græcis & aliquot Latinis prima huius capituli lectione iunxi. Ambrosius, Hieronymus, quique hunc sequuntur, Sedulius & Anselmus, superioribus iungunt. Licet (ait) Latinorum quidam sic legendum existiment, vt postea inferant, *In omnibus te ipsum præbens formam bonorum operum*, tamen sciamus ad superiora esse referendum, id est, *exhortare vt pudici sint in omnibus*, tam scilicet mente quàm corpore: tam opere, quàm cogitatione: vt nulla sit in adolecente turpitudinis suspicio. Sciedum quoque continentiam non solum in carnis opere, & animi concupiscentia, sed *in omni-* Continentia
bus rebus necessariam esse, ne honores appetamus indebitos, ne accendamus avaritia, ne vlla passione superemur. I. De sobrietate porro præter ea quæ in hanc & I. ad Timotheum communia viris & mulieribus obseruavi, Plato lib. *Vini vsus in*
2. de Legib. lege sanxit, vt pueri ad duodeuigesimum annum vini vsus prorsus ignorèt, non *uenibus quæ*
iniiciendum ignem igni, antequàm viri effecti *do & quate-*
mus permittē
des.

*Senibus vini
vsus quàm
summodus.*

subire labores incipiant: furiosum nanque iuuentutis habitum cauendum, dein vino moderatè vtantur ad annum vsque ætatis tricesimū. Ab ebrietate verò & vini repletione iuuenes omnino abstineant. Cùm ad quadragesimum peruenerint, tum in conuiujs liberius discumbentes, Dionysium ad sacra senum & ludos inuocet, qui hominibus vinum quasi remedium aduersus senectutis duritiam largitus est, vt reiuuenescere videamur, & mœstitiæ nos obliuio capiat, animique affectio, vt in igne ferrum, ex duritie in mollitiem deducta, flexibilior fiat. Sequitur Platonem ad Eustochium Hieronymus, Vinum & adolescentia, duplex voluptatis incendium: quid oleum flammæ adiciamus? quid ardenti corpuscula ignium fomenta ministram? Et quo autore antea vini plusculum senibus indulsimus, Auicenna, quo item loco ex Cœlianis lectionibus, lib. 28. cap. 29. Pueris vinum si offeras, perinde videri, ac si igni aggerere ignem perrexeris, materia præsertim debili succensa: Cuius ita rationem reddit, Pueros insigniter vini oblædi haustu, quòd laxis rarisque sint corporibus, & de caloris insiti exuperantia inflammari facillè valeant, neruis porrò imbecillibus admodū, nec cerebro item valido: quibus de causis in vini crebriore haustu multiplex se nocumentum promit.

Digressio VII.

Et quoniam ingesserunt se nobis senectus &

iuuentus, succurrit vt nonnulla super ætatum
 diffinctione promamus in medium, eò quidem
 prolixius, quod mirum quàm non omnino su-
 per ea consentiant autores: quid igitur de gra-
 dibus ætatis humanæ sensum sit, dicam. Tube-
 ro apud Gellium, lib. 10. ca. 28. scripsit Seruium
 Regem Rom. cùm quinque classes census fa-
 ciendi gratia instrueret, pueros existimasse mi *Pueri.*
 nores annis xvii. inde milites aut alioqui Rei-
 publicæ idoneos scripsisse, eosque ad annum
 x l. iuniores, supra eum seniores appellasse. Ex *Iuniores.*
 hac Tullij censuræ maiorum moribus & iudi *Seniores.*
 cio, innotescit pueritiæ, iuuentæ, senectæ disci-
 men. Varro apud Censorinum ca. 14. quinque
 gradus æquabiliter putat esse diuisos, vnūquen-
 que scilicet præter extremū, in annos xv. Itaq;
 1. gradu vsq; ad annū xiiii. dictos pueros, quod
 puri sint. i. impubes in 2. ad 30. adolescentes *Adolescētes*
 in 3. ad quadraginta annos vsq; iuuenes, quod *Iuuenes.*
 Remp. militando iuuare possent, in 4. ad 60.
 seniores, quod tunc corpus senescere incipiat.
 Inde ad finē vsq; vitæ 5. gradum factū, quot ni-
 mirū actus in fabula seruari solent, quādo nec
 vna persona quinquies egressa vltra exire po-
 test, vt ex hac ætatū distributione Cælius li. 19.
 cap. 21. cōmonet fabulam ætatis Cicerōni cō- *Ætatis fabu-*
 gruē scitēq; dictā in Catone, & Augusto apud *la.*
 Tranquillū, mimū vitæ cōmodè trāfactum. At
 Hippocrates in septem distribuit, ætatis I. finē
 annū 7. II. 14. III. 28. IIII. 35. V. 42. VI. 56. VII.
 nouissimū vitæ annū. Cuius tres gradus 3. 6. 7.

Septimi anni obiectio

Solon singulos bifariam diuidens, vt vnaquaque etas annos habeat septenos, partes fecit x. ad quas Staseas Peripateticus hebdomadas duas addidit. Ex his proximè videntur accessisse naturam, qui hebdomadibus humanam vitam emens sunt: Ferè enim post annum septimum articulos quosdàm, & in his noui aliquid natura ostendit, vt extat in elegia Solonis, & Macrobi. lib. i. in Somnium, cap. 6. Galenus ætates omninò statuit quatuor, Iuuenes, Veri similes, calidos scilicet & humidos, vigètes, ætatis modo calidos & aridos, Medios, peride atque Autumnum, frigidos & siccos, Senes, vt hyemem, cum frigiditate humectos. Cap. 22. appingit ex Proclo, ætatum ordinem, vniuersi sequi rationem, Prima quippè ætas Lunarem sequitur nutriendi vegetandiq; potestaté. Secūda, Mercurialem, ad literas, luctam, & citharas, & lucra studium. Tertia, Veneream genituræ appetentiam. Quarta, Solarem vigorem, & iuuenilem perfectionem. Quinta, siue virilitas, Martium robur. Sexta, Iouiale vitæ actiue ciuilibusq; desiderium. Septima, Saturniâ à corporeis sequestrationem, & incorporeorum affectationem, & decrepitos naturam cum malis suis inuadentem. Ex Aristotele in 3. de Anima, quidam occupantur tres tantum ætates, incrementi, stationis, diminutionis. Sed idem lib. de moribus diuersa sentire videtur. Auicenna cap. de complexionib⁹, & Albertus Magnus citante Beroaldo in Tiberium Trāquilli, cap. 6. ponit quatuor,

tuor, Adolescentiæ, ad annum ferè 30. consistentiæ vel pulchritudinis, ad 50. pòst. diminutionis occulte, ad 60. quæ senectus. Quæ subest *Senectus quæ* ætas, ad interitum nos præcípites agit. Suppartitur adolescèntiam in minutias alias. Nam Seruius, 5. Æneidos. cùm ex Varrone sic ætates diuisisset, infantiam, pueritiam, adolescentiam, iuuentam, senectam, singulas trifariam subdivisit, vt sit prima vel viridis, adulta & præceps, & viridi iuuenta, ibidem Maro, & cruda viridisque senectus. 6. Æneid. & extrema pueritia Salustius in Iugurtha. Est & pueritia noua; matura & præceps, & in aliis quoque ætatibus, Be roald. in Neronem Suetonij, cap. 7. Sciendum verò ætatum commensus non vbique nec semper eisdem haberi, sed diuersos, pro constitutionis, sexus, regionum, situs, cæli, victus, & aliorum plurium ratione, vt 6. de sanitate Galenus, Stato, inquit, annorum ætates circumscribere, quod quidam tamen faciunt, nequimus, nisi latitudinis modo, proinde signatè in ætatū distributione aduerbium [*ferè*] adiici solitum. Aureas ætates in vita tres modò intelligunt, Iu *Aureæ ætates.* uentam, virilitatem, senium. Nam infantia & decrepita nullum præferunt voluptatis argumentum. Hebræis Sebastiano Lepusculo vertente, humanæ vitæ curriculū his partibus cōstat, Num. 13. apud eos religioso, Vnde & totidem fidei habent articulos, quos & fundamenta vocant, Filius v. annorū ad biblia, x. ad Meschna, xiii. ad præcepta, xv. ad Talmud. quorū rationē

reddidimus, Digress. 17. In 2. ad Tim. 3. xviii. ad nuptias, de cuius ratione mox videro. xx. ad diuitias, vt quis rei augenda operam impēdat, accommodus æstimatur. xxx. ad robur, tum incipiēte iuuenta, ætate propter virium vigorem ad labores tolerandos aptissima. xl. prudētiam seu intelligentiam, l. consilium tribuunt. lx. incipit senectus. lxx. canicies, vbi ferè & cōmuniter terminat hominis vita. lxxx. ad summū. paucis enim datur attingere, & quod amplius accedit, merus est labor & dolor, Psal. 89. seu molestia quæ citò recedit, & nos auolamus. xc. ad foueam seu sepulcrum. Id est certam & singulis mōmentis expectandam mortem, vnde talem Latini decrepitum, quòd tum in dubio vita sit, Capularem item à capulo, id est, sepulcro vocant, & hīc pro fouea inclinationem alij exponunt, quòd ad sensum in idem recidit. Vnde Terentio in Adelphis, Act. 4. Scen. 2. senem Silicernium. Silicernium ab incuruitate quidam Xenophanta interpretatur, quòd silicem incuruus cernat seu spectet, vel strata saxo viæ, vel sarcophagii iamiam appropinquantis. At mauult Donatus, quasi iamiamque silentibus vmbis cernēdum. Centenarius reputatur, quasi mortuus sit, & ex hoc mundo transierit, Sic Hebræorū sapientes. Græcorū Staseas, Romanorum Varro ex libris Hetruscis, Censorino vbi suprā, & Cælio testibus, fatalē hominis ætatē xii. hebdomadibus circūscribūt, quæ ad decies septenos possit fata lia deprecādo reb' diuinis præferre, ab āno lxx.

Decrepitus.
Capularis.

Silicernium.

Fatalis ho-
minis ætas
quo termin-
claudatur.

nec postulare debere, nec posse à Diis impetrare. Post annos LXXXIII. à mēte sua homines abire, neque his fieri prodigia. Quem terminū vitæ si quis præterit, facere idē quod stadiodromis ac quadrigis vsuuenitvltra destinatū finem procurrētibus. Nam Romanis cū ludos seculares ex nominis origine induxissēt, quod plerūque semel fiāt hominis ætate, vt multa alia, quę rarò sunt, post seculū euenire, loquētiū cōsuetudo vsurpat, nec post cētū annos, vti ludi, referuntur, statutū esse seculū, nec post ex. Maiores igitur quod natura seculū quātū esset non habebāt, ad certū annorū modulū c. statuissē Piso testis est, quem vt numerū cōstituerēt, non nihil iis causæ fuit; quòd multos suorum ciuium ad hunc, ætatem producere videbāt, & hominem plus viuere non posse. Varro & Dioscorides astrolog⁹ ex cordis humani ratione, eorum qui integri sine corporis tabe perierint, declararūt, & ex eo quòd multis id annis pepēdit, incrementa ætatis & diminutiones obseruarūt, anniculi enim pēdere drachmas duas, bimi quatuor, & sic in ānos singulos pari procursu ad L. accedere binas, à quo itē decedere in vnoquoq; ad æquilibrium binas, seu tātūdē detrahi, ambitu peracto, āno cētesimo redire ad anni primi pōd⁹, neq; lōg⁹ produci, aut superesse spatia visceris ei⁹ dilapsum atq; defectū: quā obseruationē Ægyptiis, præsertim Alexādr. quib⁹ mos est cadauera asseruare medicata, idē Cēsorinus & Plin. li. ii. ca. 37. tribuūt. At verò Mathematic. doctissimi,

*Seculum.**Centenarius numerus.**Cordis humani subtilis consideratio.*

Mosis ætas.

*cxx Anni
longissima
hominis ætas*

inquit in Imp. Claudio Trebellius, hominī vitę spatiū contribuunt annorum cxx. mensum hūc à nemine excedi, quē tamen modū Moses Dei familiaris annis v. solū transgressus, cū quere retur iuueni sibi occūbendū, ab incerto respōsum numine, quēpiam eum numerum haud excessurū. Traditio, vel fabula magis Iudaica, nisi quod Iosephus Iudæorum vernaculus li. 1. ca. 4. 7. nouæ 5. 14. veteris editionis, sic sentit humanę vitę spatium diluuiο imminutum. Cū, inquit, Dominus decreuisset vniuersum hominū genus perdere, aliūdque nouum & à vitiis purū instaurare, primum vitam eorum breuiore spatīo circumscripsit, nec quantis prius vixerāt annis, sed abrogata longæuitate, intra cxx. annorum mensuram coërcuit. Iam ergō decidebatur & subtrahebatur de vitę spatiis, fiebatque paulatim breuior, ad Mosis vsque etatem, post quē is annorum terminus Deo finitore positus est, quantum temporis & Mosē vixisse contigit. Secutus est hoc Lactātius, lib. 2. cap. 13. 14. Deū orbe siccato execratum iniustitiā prioris seculi ne rursus vitę longitudo causa esset excogitantium malorum, paulatim per singulas progenies imminuisse hominis ætatem, & in tot annis metam collocasse, quam non liceret transgredi. & verò nunc sæpissimè fieri, vt qui ad centesimum perueniant, & autores idonei tradunt, ad cxx. annos perueniri solere. Sic Aper apud Tacitum in Dialogo de Oratoribus, cxx. anni, vnius (inquit) hominis ætas, &c. Verū hi,

& qui eos secuti sunt, inter quos Zonaras animalium initio longæuitatem tunc sublatā scribens, & hominum vitam tot annis cōtractam & circumscriptam fuisse, ij inquam, siquidē non tantū sentiunt elementis diluuiο corruptis, vigorem vitalem & salubritatem, & alendi vegetandique virtutem maiori ex parte amissas, sed in eum quoque numerum coarctatas, longē à veritate aberrāt. Iosephus vir licet Hebræus, & qui se Mosē sic sequi, vt huic nihil vel addat, vel subtrahat, præfatur, & passim protestatur.

Non enim fuisse Dei consiliū, vt post cataclysmū nemo diutius viueret, mox patuit, quia tota ferē series à Noë ducta filiis, Gen. 11. ad Abrahamū, Mosē anterior, plus multò vixit, & Mosē posteriores, Ioīada siue Ioadus pōtifex, nō tantū in sacris Bibliis, 2. Paral. 24. sed ipsi quoque Iosepho, lib. 9. cap. 8. cxxx. Mardocheus Esterę patruus, cl. aīnos excesserunt. Illud ergō in cuius mentionem obiter incidimus, Gene. 6. *Non permanebit spiritus meus in homine in æternum, quia caro est, erūntque dies illius cxx. annorum*, propius scripturæ mentem verterunt lxx. sic, *Non permanebit spiritus meus in hominibus istis in æternum: Erunt autem dies illorum cxx. anni.* Proximē autem Dei ibi mentem, hoc est, verissimē atque clarissimē, Thargum, siue Chaldaica Onkeli paraphrasis, *Non durabit generatio mala hac coram me in æternum, eò quòd caro sunt, spatiū dabitur eis cxx. annorum, si pœnitentiam agerent, siue, si quo modo eos pœniteat.* Addit Philo in Antiquitatib⁹, In quos

*pœnitentia
tempus.*

(scilicet annos) posui terminos seculi. Assigna-
 tos ergò annos ad pœnitentiam, quibus tū re-
 sipiscerent homines, non ætati, quam deinceps
 viuerent, & tēpus illic determinari non huma-
 næ post diluuium vitæ, sed hominum, quos di-
 luuiò deleturus erat, viuēdi spatium: sicut & a-
 pud Ionam præscriptū pœnitentiæ spatium in-
 fra 40. dies, Ion. 2. 3. quo ad pœnitentiam inui-
 rarentur, quòq; pœnitētes salui fierent, impœ-
 nitentes perderētur: Quod quoniam contem-
 pserunt, vindicta contemptores præueniente,
 Deū tēpus à prolatione suæ sententiæ ad exe-
 cutionem decretū, amputatis xx. annis, abbre-
 uiasse, inducto post seculum, siue annū centesi-
 mū agēdæ pœnitentiæ destinatū, cataclysmo.
 Consentiant hoc loco veteres & moderni, Ori-
 gen. hom. 2. in Cantic. Hieron, non sine repre-
 hensione aliter exponētium, in traditionib⁹, seu
 Quæstionib. Hebraicis, & ad ca. 9. Danielis Al-
 bin⁹ & August. quæst. 23. super Gene. de Ciuit.
 li. 15. ca. 24. Chrysost. super Genes. homil. 22. &
 25. hūc licet faciat Eugubinus cū Lactantio sen-
 tiētem, & Theodorum siue Theodoritum, qui
 quæst. 49. primos homines à mundo condito
 etiam post diluuiū ad patriarcharum vsque tē-
 pora, vt lōgiore temporis spatio augeri nume-
 ro possent, longæuos fuisse, Terra postea reple-
 ta, diminutum quidem deinceps annorum nu-
 merū, sed nulla eius præscripti mentione. Hoc
 idē in libris Cabalisticis, iis scilicet, qui in præ-
 clara Synodo, cuius princeps Esdras fuit, cōscri-

pti sunt, asserti testis est idē Steuchus, sic etiam
 exponit Aben Esra, multis redarguēs priorem
 sententiam. Sic vtraque glossa interlinearis &
 ordinaria, Lyra, Caieranus, Pellicanus, Hamer-
 rus, Borrhæus, Munsterus citans Rabi Salom.
 & Kimi. At Innocentius III. vtriusque partis ve-
 lut conciliator, lib. I. de cōtempnu mundi, cap.
 10. eum locum intelligi posse autor est tam de
 termino vitæ, quàm de pœnitendi spatio. Sic
 paulatim vitam hominis magis ac magis reci-
 sam declinauisse, & extunc homines rarissimè
 legi plus vixisse, aded vt B. Iob. Moyse, secundū Iob Moyse
 multos, contēporane⁹, cuius etiam libri Moy-^{contemporane⁹.}
 sem quidam autorem ferunt, multis locis die-
 rum suorum, vel potius hominis generatim,
 breuitatem & paucitatem breui faciendam de-
 plore, cū post tot tamen flagella superuixe-
 rit annis cXL. Iob. 7. 10. 13. 42. Et Iacob Mosi ^{States Pa-}
 proauus, dies peregrinationis seu vitæ suæ, an-^{triarcharum}
 norum cxxx. paruos seu paucos & malos vocet
 Genes. 47. qui prope c L. vt pater eius Isaac,
 c L x x x. auus Abraham c L x x v. vixerunt,
 Genes. 25. 35. Sed multò magis perplexam
 quæstionem olim iam infideles nobis inges-
 serunt ex annorum numerositate, qua vixisse
 primos homines scriptum est in autori-
 bus nostris, hominis enim vitam peccato
 temporalem quidem ex perenni factam, sed
 tamen longam, quæ in mille prope annos
 propagaretur. Quod diuinis literis prodi-
 tum, & per omnem scientiam publicatum,

aliis non credentibus, cum Varro non ignoraret, argumentari nixus est pro annis menses, ut apud Ægyptios habentur, esse positos: quod argumentum perspicuè falsum hinc ubi suprà reuincit Lactantius, quòd nemo tunc millesimū annum transgressus est. Nunc verò centenarij quidam cum sint, 1200. mensibus viuerent, sed quia ignoratur cur & quando vita hominis esset imminuta, adinuenit, cum sciret hominem annis cxx. & sic 1400. mensibus posse viuere.

*Anni apud
veteres, non
pro mensibus
supputaban-
tur.*

Nullo ergò modo audiendos, qui putant aliter annos illis temporibus computatos, id est, tantæ breuitatis, ut vnus noster decem illos credatur habuisse, & decem nostri centū illi fuerint: Quod tamen ut non sit incredibile, adiiciunt ex plerisque historicis annum aliter aliis computatum, Plinius enim lib. 7. cap. 48. relatum in literas quendam vixisse annos 150. alium decem amplius, Epimenidem aliis 157. aliis iuxta Laërtium, lib. 1. 154. Cretensis suis 199. alios cc. & ccc. quosdam ad d. & dc. nōnullos ad dccc. peruenisse. Hæc propter inscitiam temporum accidisse arbitratus est, Alij quippè vnum annum estate, alterum hyeme determinabant, alij quadripertitis tēporibus, ut Arcadibus trimestres fuerunt. Ægyptij habuerant 1111. mensium, aliquando Lunę fine seu senio, limitarūt. Itaque aliqui singula annorum milia apud eos vixisse creduntur. Acarnanes vi. Lauinij xii. Sequitur suo more Plinium Solinus, lib. 1. ca. 3. Et melius ac verius Alexander Genialium, li. 3.

*Annorum
terminatio
alia alia.*

cap. 24. *Ægyptios non multiplici nec vna facie variasse, quàm Macrob. lib. 1. Saturnal. cap. 12. certum anni modum apud eos solos semper fuisse, antiquissimum in Ægypto annum bimestrem fuisse. Horum quendam trimestrem instituisse, pòst à Pisone Rege quadrimestrem factum, cùm plerunque mensis spatio ad Lunę cursum metirentur. Testes sint Censorinus cap. 16. Cœlius lib. 12. cap. 9. Quibus velut probabilibus argumentis, quidam sacrę historię fidem non destruentes, sed astruere nitentes, ne sit incredibile tam multos annos antiquos vixisse, sibi persuadent, nec se suadere imprudēter existimant, tam exiguum temporis spatiū tunc annum vocatum. Hoc autem falsissimum eidentissimè docet & Augusti. de Ciuit. li. 15. cap. 12. 14. Nam & mensium, hoc est, anni partium, & dierum, hoc est, mensis particularum, fit in diluuij descriptione mentio, Gene. 6. 7. 8. proinde non rātillum nec minimum, sed tantum tunc fuisse, quantus nunc est, diem, horarū 24. mensem, Luna cœpta & finita conclusum, annum, mensibus 12. Lunaribus, additis propter cursum solarē 5. diebus & quadrāte, consummatum. Addit & alteram rationem proxima digressione non omittendam. Nec tertia ei deest, cap. 4. quòd licet annorum cuiusque hominis, quæ tum fuit, numerositas nullis ex tunc talibus documentis in experimentum venire possit, non ideo tamen fides sacris deroganda, quando & Plinius vbi suprà, ex Hella-*

nico quosdā in Ætolia Epiorū gentis cc. adhuc annos explere, & Pictorem ex iis præcipuum corpore viribūque, etiā ccc. vixisse scribat. Si ergo humanas diuturnitates, quas experti non sumus, hodie habere credūtur incognita nobis loca, cur non habuisse credantur & tēpora? an verò credibile est alicubi esse quod hīc nō est, & incredibile est aliquādo fuisse, quod nūc nō est? habent igitur & Græci lōgeuos suos nō homines modò aliquot, sed totos quoque populos, quorū grandē satis catalogū petas licet ex eodē Plinij loco & capite adhuc illic sequenti, vbi recenset inter certa & cōfessa exempla nō ab aliis tantū scriptoribus ex superioribus seculis relata, sed suo quoque tēpore Vespasianis Censoribus, censos aliquot bono satis numero Italos, ab annis cxx. ad cxl. vsque, eoque experimento improbat syderalis scientiæ professores id fieri posse diffitētes. Ex Luciani etiā Macrobiis, ex Tullio & Valerio de Senectute, & aliis qui propositam Mosis ætatem vel æquarint, vel propè attigerint, vel excesserint, discamus licet: Quorum & si prodigiosam viuacitatē sic vt audiuius, eludat Plinius, vt & primorū hominū, ex nostris nonnulli parū in scripturis exercitati, nihil tamē prohibere hīc rectē monet Gulielm⁹ Hamerus doctus Theolog⁹, quin quos ethnici scriptores tandiu vixisse ferunt, arcano Dei iudicio factum credamus, vt profanis os obstruatur, qui parum fidei nostris literis habent, de primigeniorum longauitate te-

*Longæui ho-
mines, & lō-
gæui toti po-
puli.*

*Macrobij
Luciani.*

stantibus. Cuius rei causam aliis aëris temperie, aliis naturæ soli, aliis optimæ diætæ, aliis vtrique assignantibus, Lucianus vbiq; terrarū & gentium, & sub quouis aëre degentibus ad senectutem summam perueniendi spem proposuit, qui commodis modò exercitiis, & victu ad sanitatem seruandam conueniente vterentur. Compertum enim homines & nationes, ætate omnium longissima viuentes, aquam tantum potare, hordeaceo pane vesci, & hac vict⁹ ratione, sensus iis esse quàm hominibus cæteris validiores. Iosephus præter salubrem victus rationem, religionem quoque allegat, Non est (ait lib. I. cap. 4.) cur præsentem vitam, annorum eius paucitatem cum præscorum vita conferens, quia nunc non æquè prorogatur, de illorum longæuitate dubitet. Illi enim Deo chari, & recentè & immediatius ab eo facti, & commodiore ad diuturnitatem victu ac alimentis vtentes, nō mirum si per tam multos annos viuebant. Prætereà tum propter virtutis studiū, tum propter vtilitates inueniendarum artium, Deus eis prolixiorē vitā largitus est, vt quarum certitudinem assequi non poterant, si minus viuerent: Et huius testes citat multos Græcarum & Barbaricarū antiquitatum scriptores, qui præscos illos ad mille annos vitā produxisse narrant, Astrologiam certè & Geometriā nunquam inuenissent, si minus annis DC. quot annus scilicet magnus cōstat, vixissent. Quē locū renarrat Eusebiana Preparatio lib. 9. cap. 4.

Religio longos facit.

Astrologia & Geometria quomodo inuenta.

Anni primigeniorum seculares fuerunt.

Et aliam quoque causam ex Theodorito præallegauimus, eandem quæ & tunc polygamia, generis scilicet humani incrementum, propter hoc enim ut plures tum vxores ducebant, ita & diutius viuebant. Est igitur Græcorum Barbarorumque omnium (præterquam paucorum) nedum Iudeorum Christianorumque testimonio probatum & confessum, primigeniorum annos solares fuisse, non lunares, alioqui quale esset, quod tantopere vel illorū præ nobis longauitatem miraremur, vel de nostri præ illorū æui breuitate quereremur? Sed quid refert diutius hac in re versari, & vitam hominum vel longissimam, longam appellare? An non Macrobij, quorum longauitatem immensam, vel scriptores sacri tãquam Dei donum, vel Ethnici ut naturæ prodigium posteritati prodiderunt, omnes ut microbij, aut himerobij, siue vermiculi, siue bestiolæ, Ciceroni post Aristotelem, vnicum diem viuentes, in communem hinc locum abierunt, siue viam vniuersæ carnis ingressi sunt? Quid ergo æui vel illis granditas contulisse, vel his breuitas videtur abstulisse, vtraque serò vel citò à morte tandem superata? Hic mihi vide quàm parum inter vtrosque referat, quod ex Seneca & Hieronymo ascripsi mus ad id, 1. Tim. 4. *Attēde doctrinæ*, &c. Ecqua verò longa ætas, aut quid omnino homini longum? nōne modò pueros, modò adolescētes in cursu à tergo insequens, nec opinantes assecuta est senectus? Sed quia ultra nihil (hic)

habemus, hoc longum dicimus. Omnia ista perinde vt cuique data sunt, pro rata parte à vita, longa aut breuia dicuntur. Confer nostram cum æternitate longauitatem: in eadem propemodùm breuitate, qua paulò antè dicta vnus dieculæ apud hypanim fluuium animal cula reperiemur. Hęc Cicero 1. Tuscul. & sapiēter & verè, & propemodùm quod nostri, totū nimirum hoc quod videtur, quandiu voluitur seculum, punctum esse, nihil diu, quod habet extremum, ab Adam ad hodiernum vsque diē, multò vtique plus peractum, quàm restet peragendum, qui si adhuc viueret, & hodie moreretur, quid ei prodesset tandiu esse aut vixisse? Ergo celeritas hęc quare? quia tempora trāsuo-
lant, & quod tibi tardum est, in oculis Dei breue est (Psal. 89. 2. Pet. 3.) hanc celeritatem intel-
ligens, Accelera (inquit) vt eruas me, Psal. 30. Quò ergo fugis ne moriaris? Certus erit ille dies. Quid est diu quod victurus es? Quantum est diu quod habet finem, & si diu esset? huc accedit, quia non est diu, & incertum est ipsum quod dicitur diu, cur hoc non cogitas? hęc in eum, & 72. Psal. Augustinus. Et aded tamen homini est insita & infixa viuendi cupido, vt non olim clari tantum philosophi cum natura seuerè expostulauerint, tam longam ceruis & coruis vitam dedisse, homini, cuius maximè interesset diu viuere, tam breuem: sed & viri quidam inter Christianos eximij, nihil hac ex-
postulatione iustius putarint, quòd quæ homini

*Diu nihil,
quod habet
extremum.*

Ludovicus
Viues.

literarū studioſo diſciplinatum cyclopædia per aliquot alioqui ſecula contingere poſſet, præ hac breui & fugaci vita vix vlli obtingat. Meli⁹ non ita pridē vir vndecunque doctiſſimus Ludouicus Viues lib. 5. de tradendis diſciplinis, cū immenſam omne genus librorum farraginem ſtudioſis deuorandam conſuleret, Exclamet hīc (ait) aliquis, ecquando tandem omnia hæc legentur? à viris confirmata iam ætate tum etiā ſenibus, eo tempore quo vel nugandum eſſet vel ludendum? Nam ſi quis quantum in luſionibus, in colloquiis inanibus, ſæpe etiā noxiis, quantum torpenti otio conſumatur temporis, expendat, competiet planè his omnibus quæ dixi, percurrendis, aliisq; multò pluribus affatim ſuperſeſſe. Abundamus tempore, ſi prudenter diſpenſetur, quod malè impèdendo fit artiſſimum. Nos tamen, quod in homilia de nō adhærendo rebus ſecularibus concionatur Baſilius, noſtrum licet vnusquiſque maternis ſemel clauſtris elapſus, temporis ſtatim fluxibus ſic prouoluatur, vt eum ſemper diem quem vixit, à tergo relinquens, ad heſternum nunquam, quanlibet cupiat, reuerſi valeat, Attamē non cogitamus; quā incertum, quantillūque tempus hoc ad perficiendum curſum, qui in eū nos emiſit, concedere propoſuit, & quādo vnicuique curſori metam quam ingreditur, reſaturus ſit, & quod oporteat nos quotidie ad migrandum hinc paratos eſſe, & Domini num fixis oculis expectare, Luc. 12. &c. Qui au-

tem ob vitæ breuitatem nihil aliud quã ringū-
 tur, verum vt plurimum otiosi, eleganti eos si-
 militudine ridet Basilij german⁹ Nysses in ora-
 tione de Dormientibus, Vt si vox (ait) quædam
 inesset in eo qui materho vtero alitur, indi-
 gnaretur per natiuitatē visceribus eiici, & gra-
 uia se pati clamaret, qui ab ea vita & statione
 in qua lubenter degeret, inuitus auelleretur,
 quod nimirum etiam facit, prima statim natus
 respiratione vagiens, lacrymans, & quasi con-
 querens & lamentans quod à consueta vita se-
 pararetur: Idem eis qui ad mutationem vitæ præ-
 sentis sese discruciant & anguntur, videtur ac-
 cidere, quod embryis, dum semper in hac ma-
 teriali iucunditate, à qua separantur, viuere vo-
 lunt. Postquàm enim mortis dolor ad alteram
 vitā hominibus quasi obstetricatus fuerit, vbi
 ad lumen illud transiuerint, & de puro spiritu
 hauserint, experimento cognoscunt, & intelli-
 gunt quantùm illa differat ab hac vita: ij verò
 qui in hac humida, languida, putrida vita relin-
 quuntur, embrya prorsus & non homines, mi-
 serantur eum qui antea excesserit ex iis quibus
 continemur angustiis, quasi aliquo bono priua-
 tū spoliatūmq;, nesciētes quod ad similitudinē
 recēs nati infantis, vbi euaserint eos quib⁹ nūc
 continētur & coërcentur, sensus, sensus itidem
 aperiūtur, sed animi sensus, quibus rerū veritatē
 prospiciant. Mirum verò sic sentire, sic loqui
 optimum quenque Christianū, si non ita senti-
 rent & loquerētur non pessimi quoq; profani.

*Mors homini
 obstetrix ad
 alteram vitā*

Sic apud Ciceronem Cato maior, Illò hinc me proficiscentem haud sanè quis facillè retraxerit, mevē tanquam Peliam recoxerit. Quod si quis Deus mihi largiatur vt ex hac etate repue-
 rascam, & in cunis vagiam, valde recusẽm. Nec verò velim, quasi decurso spatio à calce ad carceres reuocari, &c. Sed nos ad longæuitatem, hoc est, rem hĩc susceptam, ex breuitate reuocemur. Nec verò cētenariis immorabimur, aut etiam aliquantò natu maioribus, qui passim in historiis Ecclesiasticis, & præsertim monasticis, occurrunt, & hodiẽque aliquamulti non desunt: sed iis modò qui periodon Mosaicam attigerunt, aut etiam superauerunt, sed nec iis omnibus: (Ecquis enim tandem finis?) sed illustrioribus tantum, inter quos primus merito recensendus S. Simeon Christi patrue-
 lis, Hierosolymorum post Iacobum itidem fratrem Domini, Episcopus, sub Traiano calumniantibus hereticis, à Paganis post multa & dura verbera in crucem actus, mirantibus hominem cxx. annos natum, tantum perferre tormenti. Euseb. lib. 3. cap. 32. Nicephor. cap. 16. ex Egesippo. Quo seculo natu Antoninorum Imp-
 peratoribus Galenum philosophum & medicum singularem à nonnullis memoriæ proditu est cxl. annos vixisse, tanta in cibo & potu abstinentia vsum, vt ad satietatem nunquam, nec crudum quicquam gustarit, vnde odorificum semper anhelitum spirauit: quòdque longè mirabilius, citra vllam omnino affectionem sola
 defecit

*Simeonis
 Christi pa-
 truelis seni.*

Galenijeniũ

defecit senectute, vt hinc adagio Galeni valet. *Valetudo Galeniprow.*
 dinē dicamus, pro nimis inoffensa, & vltra hu-
 manum captum prospera. Quanquam contra-
 ratam tum incolumitatem, tum grandæuitatē,
 vtriusque relator Rhodiginus multa multis lo-
 cis affert, libris, 4. 17. 18. 27. 30. capp. 21. 3. 9. 12.
 ex Suida, præsertim, annos modo LXX. vixisse,
 ex linguę porro proprietate quietum tranquil-
 lūmque signare. Sed quanto senio cūmque cō-
 fectus sit, magnam sanē apud homines gloriā
 ex veritatis & scientiæ studio attentiorē conse-
 cutus est, maiorem etiā apud Deum habiturus,
 si vel Mōsi & Christo, quorū interim meminit,
 credidisset, vel saltē de anima se nihil enūciatu-
 rum contestatus, ex his quæ reliquit, melius
 sensisse videretur, quā nostratibus visum est,
 & inter hos Gregorio Nyssā. lib. 2. de Philoso-
 phia, cap. 3. 9. Sed viderint hæc medici Christia-
 ni, nec enim hæc nostrę sunt farraginis. Hic er-
 go si tandem tam grauis annis fuit, credibilior
 fuerit Argantonii Tartessiorum Regis Græcis
 Latinisque scriptoribus celebrata longæuitas,
 licet inter hos de annorum numero non con-
 ueniat, Cicero & Valerius de Senectute, post
 Herodotum in Clio, vixisse annos cxx. regnas-
 se LXXX. Lucianus & Plinius, vbi suprā, ex Ana-
 creonte poëta CL. quot annis census est censo-
 re Claudio Imp. T. Fullonius Bononiensis, &
 totidem viuere in Tempō montis Tmoli cacu-
 mine autor est Mutianus, Nam fidem excedit,
 quod de eo cecinit Silius, li. 3.

Ter denos decies emensus belliger annos.

nisi fortè credimus vel Arcadum Reges, tot,
hoc est, trecentos annos viuere, Quod qui re-
fert non credit Plinius, vel Ouidianæ Sibyllæ

14. metamorph. sic de se nuganti,

Iam mihi secula septem

Æta vides: superest numeros ut pulueris aquem

Ter centum menses, ter centum musta videre,

aut Nestori post Homerum

Iliad. 12. Odyss. 3. apud eundem Nasonem lib.

12. se ita iactanti, *Vixi*

Annos bis centum, nunc tertia viuitur ætas

Vixerit ille senex quãuis dũ terna per orbem Secula,

Terna minus pylia miretur secula vitæ,

Nestoris est visus post tria secla cinis.

Fælix qui per tot secula mortem

Distulit, atque suos iam dextra computat annos.

ex Tibullo lib. 4. Propert. lib. 2. Iuuenal. Satyr.

10. Vnde ter æuo functum dixit Horatius li. 2.

Od. 9. Næuius apud Gellium lib. 19. cap. 7. tri-

Triseclise-
nex.

Ioannis de
temporibus
senium.

seclisenem vocauit, maiorem verò natu trisecli-

bus his Ioānem, quem ideo de temporibus co-

gnominatum, pertinaci consensu Franci Ger-

manique scriptores à Carolo Magno ad Ludo-

uicum Iuniorum, hoc est, cccix. vixisse tradūt.

Gaguinus. Sed non erit quòd Nestoris viuaci-

tatem vel tantopere miremur, vel etiā in pro-

uerbium vertamus, siquidem recipimus Ho-

meri Scholiastē, & Acronē. Flacci interpretē,

veteres secula seu ætates ad annos vsque xxx.

posuisse atque cōputasse, quod & ex Seruio 8.

Aeneid. in cap. huius i. obseruauimus, ad verbū
 [secularia] sic enim multi Nestores, hoc est, No-
 nagenarij semper fuerint: Quod & Cœlius li.
 19. cap. 22. non prætermittit, *νενάριον* dici, perfe-
 ctius pariendi ac generandi spatium, annorum
 xxx. periodum, quo nomine sexagenarius duas
 vitæ geneas implet: si ultra pergat, in tertia iā
 vtique recenseatur, quod de Nestore cecinit
 pœta, quem periodicas geneas perfecisse duas
 humanas pronunciat, ceu *Δύο γενεάς τριας* di-
 xisset, quæ vocantur *νενάριον ἄνθρωποι*. Et hic no-
 bis sit in hac ætatum pragmatia locus hoc lo-
 co postremus, literæ Pauli non inconcinnus, vt
 qui & adolescentulas, & iuuenculos, vt tum li-
 beros, tum coniuges ament & diligāt, hîc hor-
 tetur. De qua tamē longēuitate libuit Mantua-
 ni carmen non inelegans addere, ex fine lib. 4.
 Fastorum, quod sic habet,

*Iudice me concors vero sententia non est,
 Tempora quæ dicit vitæ breuiata: supersunt
 Nunc quoque qui viuunt Centum vel circiter annos
 Incolumes: Vidi ipse hominem, quem diceret annos
 Undecies vixisse decem vicinia tota,
 Ire suis alacrem plantis, & viribus uti,
 Nec se desidia, nec inertī dedere somno.
 Sub Carolo quondam Magni cognomen habente
 Miles erat, cui si qua fides annalibus eius
 Temporis est, Deus indulsit tria secula vitæ.
 Fatidicus David paulo post tempora Troia
 Rex apud Assyrios, vitam se extendere dixit
 Ad decies octo usque hyemes fortissima nactis*

Corpora: & id tempus supra restare dolores,
 Erumnasque graues, & cuncta simillima morti.
 Quòd si nec tunc maior erat mortalibus aetas
 Quàm modò sit, quonam pacto breuiata putari
 Vita potest? Prima de tempestate silendum est,
 Quæ fuit ante dies Noe, cum terra profuso
 Non fuerat corrupta mari: tunc omnibus her-
 bis,

Frugibus arboreis virtus erat insita maior,
 Atque magis natura potens extendere vitam
 Vltius poterat: sed in his consumere tempus
 Dedecet: assumptus curam labor arguit istam.

IIII. Super ætate igitur ad rem cōiugalem apta
 hæc nobis impræsentiarum occurrunt, iam au-
 diuimus ex Augustino ad finem lib. 16. de Ci-
 uitate, hominem ab adolescentia incipere siue
 posse generare, hoc est, paulò post annum hu-
 manæ vitæ decimumquartum. & in Psal. 104.

Generare
 posse quando
 incipiat ho-
 mo.

Quam Græci γενεαν, dicunt, minimam quidem
 quindecim annis terminauerunt, ex qua homo
 incipit posse generare. Et in eiusdem Ciuitatis
 lib. 15. cap. 12. 13. qui humanam primorum tem-
 porum longæuitatem minimè credentes, an-
 nos aliter tuum computatos putabant, id est, tan-
 tæ breuitatis, vt vnus noster priscos decem ha-
 beat, iidem obseruabāt in vulgatis Gene. 5. co-
 dicibus, per omnes generationes, in quibus ho-
 minū anni memorantur ante diluuium, nullū
 ferè inueniri, qui centenarius vel infrà, vel etiā
 cxx. annorum, vel non multò amplius existēs,
 filiū genuerit, sed qui minima ætate genuerūt,

annorum CLX. & quod excurrit, fuisse referri, quia nemo (inquiunt) x. annorum homo potest gignere filios, qui numerus tum c. appellarentur anni, sed in annis XVI. est matura pubertas, & proli iam idonea procreanda, quos CLX. annos ea tempora nuncupassent: hanc assertionem ex Hebræis codicibus redarguit & convincit, ubi Adam CXX. annorum, non CCXXX. fuisse reperitur, quando tertium genuit filium, qui anni si non nisi XIII. nostri sunt, proculdubio primum genuit, quando XII. vel non multò amplius annorum fuit. Quis potest hac ætate generare, visitata nobis que notissima lege naturæ? Sed hunc omittamus, qui fortasse etiam cum creatus est, potuit, non enim tam paruum, quàm infantes nostri sunt, factum fuisse credibile est. Seth filius eius nō CCV. sicut legimus, sed CV. cum genuit Enos, ac per hoc secundum istos, nondum habebat XI. ætatis annos. Cuius filius Cainam apud nos annorum CLXX. apud Hebræos LXX. tantum fuisse legitur, cum genuit Malaleel. Quis generat homo septennis, si tunc anni LXX. nuncupabatur, qui VII. fuerunt? Dicit ergo aliquis, Itanè credendum est, hominem filios incessanter generaturum, nec habentem continentiae propositum, c. & amplius, vel iuxta Hebræos, non multò minus, hoc est LXXX. LXX. LX. annos à concumbendi opere vacuisse, aut si non vacaret, nihil prolis gignere poruisse? Hęc questio duobus modis soluitur. Cap. 15. Aut enim

*Generandi
tempus ma-
sculo, & ite
samina.*

*Generatio-
nes Cain,
Seth.*

tantò serior fuit proportionè pubertas (tem-
pus interprete ibi Viue, quo generationi sunt
homines idonei, cùm pubes viris barbæ inna-
scitur: scēminis, mulieribus) quantò vitæ totius
maior annositas, aut quod magis video credi-
bile, non hīc primogeniti filij commemorati
sunt, sed quos successionis ordo poscebat, vt
perueniretur ad Noë, à quo rursus ad Abra-
ham peruetum est, ac deinde vsque ad certum
articulum temporis, quātum oportebat signa-
ri etiam generationibus commemoratis, cur-
sum gloriosissimæ ciuitatis in hoc mundo pe-
reginātis, & supernam patriam requirentis.
Cum enim generationes digeruntur, aliæ per
Cain, aliæ per Seth, nullus de progenie prioris
dinumerata, ab Adam vsque ad octauam gene-
rationem, quot annorū fuisset, expressus quā-
do genuit: Noluī enim Dei spiritus in terrenæ
ciuitatis generationibus tempora notare ante
diluuiū, sed in cælestis tanquam memoria di-
gnioribus maluit. Potrò Seth quādo natus est,
non taciti sunt anni patris eius, sed iam genu-
erat alios, & vtrum solos Cain & Abel, affirma-
re quis audeat? Non enim quia soli nominati
sunt propter ordines generationum, quas com-
memorare oportebat, ideò consequens videri
debet solos fuisse tunc ex Adam. Cū enim
cæterorū nominibus silentio coopertis, le-
gatur genuisse filios & filias, quota fuerit eius
proles quis asserere præsumat, si culpam teme-
ritas cultat? Potuit quippè diuinitus dicere,

postquàm Seth ei natus est, Suscitauit mihi Deus semen aliud pro Abel, Gene. 4. quando talis erat futurus, qui impleret eius sanctitatem, non quòd prior post eum temporis ordine nasceretur. Deinde qui huius Seth & aliorum filij commemorantur, quos tot annos nati genuerunt, quis nisi inconsideratus eos illorum primogenitos fuisse asseueret, vt admirantes meritò requirant⁹, quomodò per tot annos immunes fuerunt à conubio sine vllò continentia proposito, & non genuisse coniugati, quando etiam de vno quoque legitur, Gene. 5. & genuit filios & filias? Cùm ergo ij nec filios filiasque genuisse reticeantur, nec per hoc omnino appareat, an qui nominatur genitus, fuerit primogenitus, imò verò quoniam credibile non est, patres illos ætate tam longa aut impuberes fuisse, aut coniugibus caruisse vel fortibus, nec illos eorum filios primos eis natos fuisse credibile est. Generationes ergo ante diluuium commemoratas, non quæ primæ suis parentibus fuerint, sed quæ in propagationis ordinè, ad ortum vitæque Noë, ad quem sacra scriptor historiarum successio-

*Generatio-
nes ante di-
luminum quo-
modo, & qua
re cōmemora-
ta.*

nes ducere, & notatis temporibus peruenire intenderat, ductæ sint & peruenerint, ne seræ pubertatis veterum hominum obscura & nõ necessaria quæstio nos fatiget. Sic Euange. Mat. 1. Luc. 3. generationē Dominicæ carnis per seriē parentum volētes cōmendare memoriæ, patriarcharum filios, Abrahami Isaacum, Isaaci, Iacobum,

Iacobi Iudam, Iudę Phares, non utique primogenitos, sed per quos orsi ab Abraham ad David primitus, & inde quò intenderant, peruenirēt, eos in ordine generationum tenuerunt, non verò prius eis genitos Ismaëlem, Esaum, Rubē, & quos antè iam tres genuerat Iudas: quia per hos quò intendebant, peruenire non poterant. Habemus ex Augustino geniturę, & sic nuptiarum tempus, pubertatem siue adolescentiam, & obiter quę huius occasione inciderunt nonnulla alia, non omnino tamen aliena. Luber huius tanti viri (in quo omnium libentissimè versamur) ex præsentis argumētī occasione, in eo paululū adhuc morari, Is enim cū iā tricenarius instāte matre nupturiret, & puella peteretur fermè biēnio minor, quàm nubilis, & quia ea placebat, expectaretur, Sic interim totus ad Christum cōuersus est, vt nec vxorē quæreretur, nec filios, & baptizatum quidem fuisse annis maiorem triginta scribit in eius vita Posidius, cap. 2. nec addidit quot annis natu maiorē. Certe si nō aliquātulo maior regenerat⁹ est, adolescēre admodū fuisse oportet, cū is genuerit, vt qui Adeodatū naturalē sibi relictū filiū annorū fermè xv. sibi & Alipio suo in baptismo adiūtum testeretur. Hęc passim in Confessio. lib. 6. cap. 11. 13. 15. li. 8. cap. 12. li. 9. ca. 6. At cū Soliloquiorū li. 1. cap. 10. annos xxxiii. agere se dicat, scripserit autem ea, vt cōstat ex Retractionib. lib. 1. cap. 4. adhuc catechumenus, tanto tricenario maior baptizatus est, vt nihil opus eum

*Augustini
adolescentis
incontinentia*

sit tam adolescentem genuisse, vt filium quindecennem iam baptizandus haberet. Nam & circiter annum xix. nō legitimam secum amicam habuisse, & anno xvi. ætatis carnis suæ carne ruisse. Sic iam pubescentem, & inquieta indurum adolescentia, vt pater eius quasi iam ex eo in nepotes gestiret, agnoscit ipse ac deflet, lib. 2. cap. 2. 3. lib. 4. cap. 2. & hac quæstiuncula & indagatione nos liberasset, vt dixi, Posidius, si quoto ætatis anno baptizatus fuit Augustinus, expressisset. At ex adolescentiæ incontinentia ad quantò maiorem continentia gloriā resurrexerit vir tantus, indicauimus in libro de Digamia, cap. 8. propter quosdam malè feriatos, qui praua huius viri imitatione occasiones aut etiam excusationes frustra quærent in peccatis suis. Vtinam magis saperent, & Augustini media nouissimæque, nō verò iuuenilia, aut etiam puerilia prouiderent, & qui secuti sunt errantem, sequerentur pœnitentem. Sed & occurrit aliud, quod ex annorum supputatione, Salomon & Achaz vndecennes, & sic impuberes, & necdum adolescentes, videntur filios genuisse. Si enim prior anno ætatis xii. super Israël accepit imperium, & x l. annis regnavit in Hierusalem, filiûsque eius Roboan annum xl. agens, patri successit in Regnum, 3. Reg. 2. 11. 14. 2. Paral. 9. 12. perspicuū est xl. annorum fuisse Salomonem, siue x. quia x. menses à conceptu vsque ad partum mater sibi vëdicat. Posterior item annorum xx. Rex constitutus, re-

gnauit annos xvi. quo mortuo Ezechias annos
 agēs xxv. patri successit, 4. Reg. 16. 18. 2. Par. 28
 29. Ex quo hic quoque intelligitur xi. siue x. an
 no filium procreauisse. In quib⁹ historiis siqui-
 dé aliter haberent lxx. aliter veritas Hebraica,
 confugere poteramus ad solita præsidia, & ar-
 cem linguæ tenere vernaculæ (id est Hebrææ)
 nunc autem cū & authenticum & interpre-
 tes cæteri pari autoritate consentiant, in sensu,
 non in scriptura difficultas est. Quis enim cre-
 deret mortalium, vt tam puer filium generet?
 Hanc quæstionē Hieronymus sibi à Vitali pro-
 positam tripliciter soluit, Primū multa quo-
 que alia in scripturis incredibilia videri, vera ta-
 men esse, Nec enim valet natura contra natu-
 ræ Dominum, nec legem facere potest, quod
 pro miraculo, signo, portentōque fit. Audiuisse
 sc, Deoque teste non mentiri, mulierculæ, cū
 expositum nutrirer infantem, & nutricis offi-
 cio cibos instillaret, cubaretque cum ea paru-
 lus iam decennis, accidisse, vt plusquā pud-
 icia patitur, mero ingurgitata, libidinēque ac-
 censa, obscœnis motibus ad coitum duceret in-
 fantem, prima ebrietate alterius noctis & cæte-
 rarum deinceps consuetudinem faciente, men-
 sibus necdum duobus euolutis, vterum intu-
 misse, Deique dispensatione factum, vt quæ
 contra naturam alumni simplicitate in Dei cō-
 temptum abutebatur, à naturæ Domino prode-
 retur, impleto sermone quo dicitur, Nihil oc-
 cultum quod non reueletur, Matt. 10. Marc. 4.

*Incredibilia
 in scripturis
 multa, vera
 tamen.*

*Mulier à de-
 cenni puero
 imprægnata.*

Luc. 8. 12. Sic ergò Regum vtrunque, quos non occultè scriptura voluptatis & impietatis accusat, à parua ætate libidini deditos, immatura eorum sobole demonstrari, quòd etiam eo tēpore peccare cœperint, quo natura nō patitur. Aliter dici potest, quòd in Regno David Salomon duodecennis solium patris obtinuerit, & quia scriptura reliquit incertum quor annos pater vixerit corregnante iam filio, qui sibi non filio imputentur, mortuo autem patre filius sine eo regnauerit annis XL. initiū Regni eius, & tēpus quo solus regnauit, ab historia demonstratū, nec omnes tamen annos vitæ illius. LII. tantum annorum circulis contineri. Quòd autem regnantibus filiis, patribusq; viuentibus his, nō illis, Regni tempus imputetur, si dubitas, inuenies quòd Ozia rege lepra percussio, & separatim habitate, Ioathan filius imperium rexit, iudicaueritq; populū vsque ad diem mortis patris, & post cū XXV. annorū esset, XVI. annis regnasse dicitur, quos solus scilicet regnauerit, 4. Reg. 15. 2. Paral. 26. 27. Similiter de Achaz intelligendum, post cuius mortem ex Hebræi cuiusdā fabula, Ezechias filius nō statim imperio subrogatus sit, sed vel populi seditionibus, vel Iuda & Samaria discordantibus inter se regnis, aut certè premētibus malis, & belluis hinc inde confurgentibus, regnū eius fuisse dilatatum. Post diuersas in rebus obscuris opinionēs dehortatur Hier. ab huiusmodi quæstion. anxie tractādis, vt ab Apostolo iterminabilibus dictis

*Quæstiones
interminabiles
vitanda.*

& interdictis, i. Tim. i. & quibus hære ad litteram, ac vel scriptoris errorem vel annorum calumniari nihil profit, sed hominis non tam studiosi, quàm otiosi sit. Et hoc ergò quoque obiter perstricto, propositum persequamur.

Ex Ethnicis, Quæ Lycurgus & Numa de nubili ætate tradiderunt, Reliquæ virginum institutioni sic, autore in horum comparatione Plutarcho, congruunt, vt ille maturas & virorum iam appetentes desponset, quò congressus expetente iam tum natura, gratiæ sit benevolentiaque principium magis quàm odij ac metus erga maritos, si ante tempus incantur: tū etiam corporibus robur insit, ad cōceptus partusque dolores perferēdos, perinde atque ob aliud nihil nubentibus, quàm ad sobolem procreandā. At Romani, duodecennes, aut etiam iuniores nuptui tradunt: Sic enim maximè & corpus, & indolem puram illibatamq; viro præstari posse. Ætatem ergò illa ad procreationem prolis magis sequitur naturam, hæc ad vitæ contubernium moribus formandis accommodatior. Propius Numam, Græcus licet, quàm Lycurgum Plato ad finem 6. de Legib. nuptiarum tempus à xvi. in xx. annum, idque ad hoc longissimum puellæ instituit. Masculo à xxx. ad xxxv. Rideliculus verò, & inconstans, nec satis Platone dignum, quod lib. ii. conueniētiam ætatis ad nuptias & contrā, voluit iudicem nudos omninò mares, nudas quoque ad pubem vsque fœminas conspiciētem, iudicare. Quasi verò mares,

Nubili ætas

Plato taxatim.

præsertim tricenarij, impuberes plus esse possint, quàm imberbes, verè modò mares. Eadem de Repub. dialogo 5. Oportet (inquit) viros optimos mulieribus optimis vt plurimùm congregari, & liberos ex robustissimis procreari. Adulti autem roboris moderatum tempus, mulieri quidem annum esse xx. à quo incipiens vsque ad xl. pariat. Viro autem xxx. vt postquam acutissimum sui cursus vigorem transierit, inde vsque ad annum lv. procreat, In iis ætatibus cùm corporis animique consistat vigor, siue senior, siue iunior generationem in cōmuni attigerit, profanum scelus hoc & iniquum, quasi fœtus is in ciuitate seratur, qui si latuerit, orietur quidem, sed non sub sacrificiis & votis, quæ singulis in nuptiis peragent sacerdotes omnes tam viri quàm mulieres, & vniuersa ciuitas, precantes vt ex bonis meliores, ex vtilibus nascantur vtiliores, imò verò quod sub tenebris ex aceri quadam incontinentia sit genitum. Quod autem sequitur aliter in Latino Platone, aliter in Hecatonomiis Socraticis redditum est, Eadem, inquit, habenda eius ratio, qui in generandi adhuc ætate mulierem infra extravè generandi tempus constitutum attigerit, nimirum hūc gignere puerum spurium, incestum, lib. i. Numero 7. 8. 9. lib. 3. Num. 55. li. 4. Num. i. Neque verò hīc à præceptore dissentit Aristoteles, cuius hac de re in Politic. lib. 7. cap. 16. hæc est doctrina, Cùm sit finis gignēdi annus vt plurimū viris quidem lxx. fœminis ante l. sic coniugā-

*Gignendi
finis qui sit.*

di ab initio sunt, vt ætatibus ad hunc finē concurrant. Est autem adolescentiorum coniūctio ad procreationem incommoda, in cūctis enim animantibus imperfecti sunt partus iuueniles, & scēminarum crebrius quàm mariū, exiguaq; corporis statura gignuntur, quod & in hominibus fiat necesse est. Quod hinc coniici potest, quòd quibus in ciuitatibus ex consuetudine iuniores cum puellis coniunguntur, in eisdē minora sunt & pusilla natorum corpora, plus etiam in partu laborant iuueculæ, & pleræque moriuntur. Itaque oraculum Troëzenis datū, multas periisse propter fructuum immaturitatem, non collectionem, quòd puellæ ante tempus nuptui darentur, Quas serius dari & ad cōtinētiā expedit, quia quæ iuniores veneri asuescunt, fiunt incontinentiores, & masculorum corpora crescere impediuntur, si in incrementi adhuc tempore (& hoc enim determinatum est, sic vt non multò amplius excedat, de quo Macrobius in Somnium, lib. 1. cap. 6.) rei veneræ dant operam. Puellas ergò circiter annum xvi. nuptui tradere conuenit, masculos circiter xxvi. Hoc enim tempore vigentibus corporibus coniuncti, procedente simul aptè gignere desinent, & filiorum erit continuatio, iis quidem in ætatis vigore natis, si statim fiat procreatio, illis vetò inclinante iam ac deuergēte ætate, quod in Aristotele notat Valla, lib. 1. Dialectic. cap. 10. nec tamen aliter sibi non placere quàm obiter innuit, vt robusti sci-

*Iuniores puella
veneri asuescunt
incontinentiores
fiunt.*

licet nascantur filij, neu sint parentibus penè fratres. Et verò patres vix ita vnquam aui fierent, aut filiorum viderent filios, nisi propè octogenarij. Non sic Heroïnæ nostræ, non sic, quarum quædam se inter pocula iactabat auiam fuisse annos natam **xxiiii**.

Quandiu autem, quantumvè temporis liberis operam dare conueniat, non omisit idem, *Liberi quam diu opera danda.* Seniorum enim sætus, vt iuniorum, minus absoluti robustique & animo & corpore, in hominibus autem maxima ex parte ingenium valet circiter annum **L**. Qui hanc ergò ætatem annis quatuor aut quinque excesserint, relinquere debent progenerandi studium, de cætero, vel sanitatis, vel alia huiusmodi causa congre-
di. Congressus autem omnis alterius mulieris quàm coniugis, indecorus, inhonestus, & penitus interdictus, cùm sit appelleturque maritus: vt si quis tempore procreandis liberis præscripto, secus fecisse deprehendatur, dignam pro delicto reportet ignominiam.

O semicastum Aristotelem, præsertim si nulla ei cum Hermiæ seruula consuetudo fuisset! *Aristoteles taxatur.* quod post Laërtium & Plutarchum obseruauit Crinitus, lib. 10. cap. 3. de Honestâ disciplina. Inhonestam sanè rem, & tanto philosopho indignam: sed mulieres vtique infatuant etiam sapientes, Ecclî. 19. Castius aliquantò præceptor (communem vxorum semper excipio) Procreationis (ait) obseruatio deceniū non excedat, quando assit generandi sæcūditas. Qui ei

*Inhumani-
tas.*

vacant, si postquam secundum leges filios procreant, alienæ vir uxori, vel viro mulier, eis scilicet adhuc generantibus, pœnis eisdem subiaceant, quibus & dum ipsi gignebant. Post liberorum procreationem castè viuentes, summo opere in his omnibus honorentur: qui contrà, vituperentur, vbi suprà 6. de Legib. Hecatonomia 3. Numero 92. 98. 99. Inhumanè autè, quòd dum suarum ciuitatum focorum numerum sic determinat, vt nec plures esse velit, nec pauciores, nolit consequenter primùm parentibus liberos vltra censum nasci, deinde contra leges suas aut genitos in lucem edi, aut natos nutriri, sed exponi, & fœminam vel nimis diffluentem, prohiberi: vel deficientem, vt augeatur, curari, ex pluribus autè liberis, vnū quem malit pater, hæredem successorémque reliqui, reliquos alibi, fœminas quidem collocandas, mares autem ciuibz illiberibz adoptione cōmittendos: alios, quibus nimio procreandi studio sic aucta sit ciuitas, vt numerum excedat, & ita inopia prematur, in coloniam mittēdos, Hecatonomia 2. Nota 24. 25. 26. 27. Ex lib. 5. de Legibus. 2. & 5. de Repub. Inhumanius adhuc quod lib. 3. ab Æsculapio factum, vt corpora penitus morbosa & intus corrupta curare non aggrederetur, ne sic agrè viuerent homines, & valetudinarios, sibi que & ciuitati nihil conferentes generarent. Inhumanissimū quod Aristoteles vbi suprà, nihil natura mutilū educari lege cauet, vbi verò mores aut ciuitatum insti-

instituta natos vetant exponere, constituendum certum procreandorum liberorum numerum, præter quem si quid euenerit, conceptum, ne animetur, dilutionibus impediendum, nam ubi fœtus sensu atque vita prædit⁹ fuerit, sanctum est, & nefas attingere. Durum inquàm, hoc & minus sanum, ex Lycurgo fortè sumptum, In cuius vita Plutarchus autor est, fœtus difformes, mancos aut distortos secus Taygetum exponi solitos, quasi qui membris aut organis ad naturæ functiones necessariis orbat, min⁹sq; robusti censerentur, neque sibi neque Reipublicæ victuri essent vtilis. Ita mundi sapientum sapientissimi, hoc est, fatuorum maximè fatui. Adeò verum est, vanos natura omnes esse homines, in quibus non subest Dei scientia, siue notitia, Sap. 13. Sic inquàm, philosophi, maiore habentes coniugalis officij quàm remedij rationem, vt huius contrà magis quàm illius respectu, secundum iura publica annus XII. in fœmina, XIII. in puero pubertatis definit ætatem. Quo argumento Horus apud Macrobiū, lib. & cap. 7. fœminam quàm marem amplius celerere, quòd cū calor generationis causa sit, celerius ea fiat ad generandū idonea. Et in Somnium, lib. I. cap. 6. post annos bis septem ætas necessitate pubescit, tum enim moueri incipit vis generationis in masculis, & purgatio fœminarum. Sic exponit Beroaldus in Tiberium Tranquilli, cap. 61. Immaturas puellas, nōdum puberes, nec viro tempestiuas, quas viripoten-

*Mundi sapiē
tum fatuitas*

*Fœmina quā
mas audior.*

tes iura vocât, Caius in l. Mulieres. d. de Verb. Signif. Iustinianus Institu. de Nuptiis. Quin & Augustus Dioni. lib. 54. & Zonaræ tom. 2. cùm quidam eius tempore infantibus sibi desponsis fraudem legi de maritandis ordinibus facerent, & pacti nuptias, præmiis coniugum fruerentur, res siue coniugum opus non repræsentaretur aut præstaretur, id vt corrigeret, edixit, ne qua pactio nuptialis rata esset, vbi ultra biennium nuptiæ differrentur, & omnino ea x. annos nata esset, si quam despondere aliquis & ex ea commodum percipere vellet: puellis enim xii. annus, perfectus maturitatis ad nuptias terminus habetur. Quod vt breuius, ita obscurius tradidit cap. 34. Suetonius, cum cùm sentiret sponsarū immaturitate vim legis eludi, tēpus sponfas habendi coarctauisse, etiam si esse qui aliter locum hunc interpretentur, notēt ibi Beroaldus & Sabellicus, quasi vel id ad voluptatem, non ad sobolis vsum fieri apparet, vel sponsi iuencularū, vt hodiè vetularum quidam, bona magis quàm coniugia ita capterent: Quē sensum sequi videtur Xilander Dionis interpres. Platoniam verò nupturientium nudationē tum adhuc & aliquam multò pōst durasse, coniicere est ex Fabio, apud quem legimus, lib. 4. cap. 2. vt apud Centumuiros quæritur, pubertas annis, an habitu corporis estimetur, quasi ea res Quintiliani adhuc ætate dubia esset, tantò pōst per Iustinianum decisa, vt sublatâ in examinanda marium pubertate, inho-

Pactio nuptialis ultra biennium dilata, irritanda.

Pubertas nudatione corporum non inuestiganda.

nesta, indecora, & Christiana castitate indigna, corporis habitudinis indagatione & inspectione, masculi quidem post annum XIII. puberes, fœminæ post XII. completum, etiam viripotētes esse credantur. c. Quando tutores, &c. l. 3. & Institur. Quibus modis tutela finiatur in principio. Quos ætatum nubiliū limites secuta est posteritas. Isidorus lib. II. cap. 2. vbi de hominis ætatibus, eorum quæ antè congestimus, nonnulla repetuntur, & huius fragmentū citatur in ca. Puberes. Extra. de desponsatione impuberum. Quo titulo Sponsalia sic circiter septennium contrahi permittuntur, vt non tamen ante duodecēnium matrimonia rata sint, aut consummata fiant, quanquam qui est matrimonialium causarum fauor, & humanæ infirmitatis intuitus, talium iudiciis considerandum relinquitur, vbi vel carnis interuenerit cōmixtio, cum interdum ea pubertatis tempus anticipet, id nisu tantūm præ fragilitate nimirum tentantibus, quod complere non possunt, an etiam effectus fuerit secutus, vel ætatem sicubi aut malitia, aut prudentia suppleuisse videatur, In ca. A nobis, & sequentib. Item cap. Iuuenis. de sponsalib. & iisdem ritt. in 6.

*Servos dominis suis subditos esse, in omnibus
placentes, non contradicentes, non fraudan-
tes, sed in omnibus bonam fidem ostenden-
tes, ut doctrinam Salvatoris nostri Dei or-
nent in omnibus.*

Postquàm utriusq; sexus & omnis æta-
tis homines liberos instituit, ad ser-
uorum transit institutionem: quæ est
popularis disciplinæ pars tertia, cuius
rationem mox subiungit, Dei quæ omnibus in
Christo apparuit, gratiã, ut qui cùm dicat, Ve-
nite ad me omnes, Matt. 11. qui laboratis, & cla-
met, Ioan. 7. Si quis sitit, veniat ad me, nullam
conditionem, sexum, ætatem arbitrat à salu-
te alienam, aut à beatitudinis accessu repellit.
Similiter Apostolus ut superius senes, anus, a-
dolescentulas, iuvenes quid Titus doceret, eru-
diuit. Ita nunc servis, ut Ecclesiæ parti, Christi-
que corporis membris, apta præcepta consti-
tuit. Servilem ergò conditionem ad omnimo-
dam heris suis in Christo subiectionem sic in-
ducit, hortare, supple, ut suprà, *Servos dominis suis
subditos esse*, ut ipsi quoque decenter ad Christi
gratiam eis pareant, atque serviant, & siue bo-
nis, siue malis, siue fidelibus, siue infidelibus, si-
ue modestis, siue morosis, dyscolis, 1. Petr. 2. at-
que difficilibus, nihilo debitam minus reueren-
tiam & obsequium exhibeant, non verò spiri-
tualis, quam in Christo cōsecuti sunt, libertatis
occasione cōtra carnales dominos suos erigā-

tur aut superbiât, sed humiliter eis subiiciâtur. Et hîc diligenter attendendum, quomodò præcepta personis congrua decernat. Filiis alibi obediētiam, filios quippè nihil tam decet quàm parentibus obedire. Mulieribus & seruis subiēctionem, eodem verbo vsus, quodā enim modo maritus vxoris est dominus. Dominabitur tui, inquit Gene. 3. De iure autem herili, & serui tum subiēctione tū obedientia, toties, Serui obedite, subditi estote, seruite, honorem impendite dominis carnalibus, etiam prauis, cum timore, tremore, in simplicitate cordis, & bona voluntate, siue beneuolentia, sicut Domino, nō hominibus neque ad oculum seruiētes, Eph. 6. Col. 3. 1. Tim. 6. 1. Petr. 2. Quod autē hîc sequitur, *in omnibus*, idem valet quod in locis superiorib⁹ *per omnia*, & dominos *omni* honore dignos arbitrentur, & in *omni* timore subditi sint. Nec mirum, cū iidem velint & liberos quoque parentibus, & coniugibus vxores *in omnibus* similiter & *per omnia* subesse atque parēre. Eandem igitur in illis, quam in his expositionem admittit, in licitis tantum & honestis, quæ ad corporale Dominorum ministerium pertinent, quæque iustè domini imperant, & non sunt Deo dominorū Domino contraria, nec sanctis eius scripturis aduersa. Et eandem consequenter patitur exceptionem, vt siquidē heri talia, hoc est impia iubeant aut præcipiāt, sic magis obediāt spirit⁹ domino quàm corporis, & ad hæc enim non se extendit ius herilis, imò totiushumanæ,

Subiectio mulieribus & seruis conuenit

Licita & in ista debet esse dominorum imperia seru.

adeoque creatæ potestatis, Act. 4. 5. & quod de coniugibus dictum est, 1. Cor. 7. non est aut frater, aut soror in huiusmodi subiect^o. Paruit Dauidi puer iubeti eum qui Saulem se Christum Domini occidisse mentiebatur, percutere, 2. Reg. 1. Non debuit Saüli parere Doëch cū aliis Regiis emissariis aut satellitibus, vt Domini sacerdotes trucidarēt, 1. Reg. 22. Non serui tortores aut carnifices tyrannis heris, vt sæuissent in sanctos Christi martyres. Et apud Græcos quidem hunc esse lectionis ordinem notat D. Hieronymus, vt hæc particula ἐν πρώτῳ ad præcedens referatur: quosdam autem hunc locum ita legere, vt postquam hucusque distinxerint, inferat *in omnibus placentes*, & sic contrà distinguere & habere Græcos hodiè codices annotat Erasmi^o, id est, vt in omnibus placeant, porro ἐν ἀγέῃς idem Hieron. non plenè (inquit) licet, ex parte tamen aliqua interpretari possumus, vt sibi cōplaceāt, ne videlicet super cōditione sua videatur iniqua esse Dei sententia, sed vt pauper iuxta mensuram suam saluari potest, mulier in sexus infirmitate à Dei regno non excluditur, & omnis conditio secundum ordinem suum beatitudinem capere potest, sic & serui sibi cōplaceant quòd serui sint, nec ideo putēt Deo se seruire non posse, quòd hominibus subiecti sint, sed in eo Dei magis placere voluntati, si & dominis suis subditi sint in omnibus, & in sua sibi conditione cōplacuerint, & quæ deinceps Apostolus præcipit, exequatur. Et cur sibi tātòpero

*Doëch Saü-
lis emissarius
reprehensus.*

displiceret? erat & Saluator subiectus parentibus suis, Luc. 2. & nihil à seruo differebat, dominus omnium, cum duodecennis, necdum ad perfectam viri ætatē, quæ posset hæreditatem capere, peruenerat, sed & alibi patri subiiciendus, quasi omnibus nondum ei adhuc subiectis, scribitur, I. Cor. 15. quin & pro nobis seruis Dominus subiicitur, & vel subiectus dicitur, vel non subiectus, si Deo vel subditi fuerimus, vel non subditi. Subtilis quidem expositio, sed & paulò fortè coactior, ut serui scilicet sibi, non heris suis placeant aut satisfaciāt, & suam fortunam, seruitutem, & subiectionem, qualiscunque sit, boni in Christo consulant, quod piissimum quidem est, sed ab huius loci interpretibus Græcis, & Latinis aliis discrepat, & sequētib; de non respondendo aut contradicendo dominis, minus cohæret, quibuscū magis congruit, ut placitos, & quod Latinus habet Chrysostomus, gratos, quique modis omnibus dominis suis placere studeant, hinc intelligamus. Nam & Paulus *ἐν Χριστῷ* alibi dixit, quod gratum esset & placeret, Rom. 14. qui in hoc seruit Deo, placet Christo 2. Cor. 5. contendimus siue absentes, siue præsentēs *ἐν Χριστῷ*, placere illi, Phil. 4. hostiā placentē Deo. D. Ambr. legisse videtur *ἐν Χριστῷ*, nā vertit optimos. Aquinas pro sua diligētia utroq; referri posse obseruauit, ut intelligatur vel in omnib; subditi, ad quæ scilicet se extēdat ius dominatiuæ potestatis, vel in omnib; placiti. Debet enim seruorū ea esse subiectio,

Saluator parentibus subiectus, & Patri subiiciendus.

primò vt sine offensione, murmure, & tarditate seruiant, per omnia placentes Deo, Col. I. & hominibus, sicut per omnia omnib⁹ placeo, I. Cor. 10. Sed cōtrà, Si hominibus placere, Christi seruus nō essem, Gal. I. respōdet, placere homini propter hominem vituperabile: propter Deum, laudabile. Secūdò vt sint sine repugnantia, nec repugnent aut rebellent: idē subiuigit, *Non contradicentes, μὴ ἀντιλίσσοντας*, quod elegāter reddidit Ambrosius, respōsatores. Sunt autem frequētiua Latinis non infrequētia, Respōso & Respōsito, quod vel maximū esse seruorū vitiū notat & meritò Hieron. dominis aliquid iubētibus cōtradicare, respōsare, secū mullitare, murmurare. Monet itaq; vt per doctrinā sanā à seruis Christianis istiusmodi auferat passionē, Si enim quæ her⁹ imperat, necesse habet seru⁹ implere, cur id non cum bona faciat volūtate, sed & dominū offendat, tandem quod iubetur, facturus? Sic enim cum murmuratione faciens & homini ingratus est, & mercedem nō habet apud Deū: maximè cū & ad aquam contradictionis offensū esse se passim queratur, & alibi de murmurante populo dicat, Desinat à me eorū murmuratio, & nō moriētur, Num. 17. iuxta LXX. Porro seruile vitiū esse tacere nō posse, agnoscit in Ecyra Parmeno Tetr. Et illud (inquit) *mihi maximū vitium est*. Act. 1. Sce. 2. Laudatur ab Heb. Sapiēte in seruo siue famulo celestas, Vidisti (ait) virū velocē in opere suo, corā Regib⁹ stabit, nec erit antē ignobilis, Prou. 22,

Placere homini quatenus liceat.

Respondere.

*Murmuratio
pijs malum.*

*Tacere non
posse, vitium
seruile.*

Reprehenditur ibidem piger, qui si quò mittatur, causationibus detractat officium, & dicit, Leo est foris, in medio platearum occidendus sum, Vrsus insidiatur, cælum est incòmodum. Extruditur, non mittitur, ad omnem interim occasione cessat, & hæret, ne si maturè redeat, ad aliud negotium ablegetur. Est autem serui laus maxima nihil ex Domini iussis contemnere, sed impigrè industrièque vel supra vires conari cuncta exequi, & illius animi sententia, vt audiant potius quàm loquantur, ad quos dicitur, Tace & Audi. Sic Philo, in lib. De eo, quis Rer. diuinarum hæres sit. Sic Cato Censorius, Plutarch. teste, seruos instituerat, vt quærentibus quid faceret, nihil nisi nescire se responderet. Oppositum huic extremū notat Prou. 29. Seruus verbis nequit erudiri, quod dicis, intelligit, & respondere cōtemnit. Media inter hæc, responsio mollis frangit iram, Prou. 15. Adde, & cita & prompta, Heris enim breui tantum verbo opus esse, vt vel annuât vel renuât, *vti n. s.* aut verbis quidem, sed dimidiatis interim & semiplenis sat habere, si quid actum velint aut nolint, significare, Sic volo, Sic iubeo, vt extat de Domino multa simul sciscitante, & serui responso hic à Lochiensis lusus,

Seruum importunè, quæ sueta insania multis.

*Commotus simul hoc omne rogabat herus,
Dic scelus, an venit? an domi erat? soluitne? negatne?*

*Cui trepidus famulus, non, ita, nil, aliquid.
Nec pluribus verbis simul vtuntur, aut minus*

fit iuxta prouerbialem veterémque versiculum
Omnis hero seruus, quàm
Omnis herus seruo monosyllabus. In cuius exposi-
 tione annotatum à doctis obseruat Erasinus,
 monosyllaba & dissyllaba, *Mys, Dauus,* &c. no-
 mina seruis conuenire. Rursus magnatum no-
 mina faciunt polysyllaba, qualia sunt Ariobar-
 zanes, nabuchodonosor, Teglatphalazar, Phar-
 nabazus. Plauto polypirgopolinices, Megalo-
 dorus, & hi scilicet principes, singula verba sua
 velut legē accipi volunt, vt quos sæpe quamuis
 pauca, grauent verba, quique solis nutibus suis
 obsequiū, & fidē non tā orationi quā personæ
 deberi putent. Vnde iis aptiorē esse breuē di-
 ctionē notat in Inuēctione dialectica li. 3. cap. 5.
 Rodolphus Agricola. Et Crassus apud Gelliū
 lib. 1. cap. 13. Corrupti dissoluique officiū omne
 imperantis ratus est, si quis ad id quod facere
 iussus est, non obsequio debito, sed consilio nō
 desiderato respondeat: Certē tali præceptore,
 quales idē ibi Crassus, Posthumius, & Manlius
 fuerunt, nihil in mandato recepto faciendū est
 aliter, quā præceptū est. Sed quia de dominio
 ciuili illic agitur, ad herile reuertor, & ad dō-
 mesticū seruorū obsequiū redeo, in quo Paulus
 tertio requirit, vt sint nō fraudātes, Hieronymo,
 non furantes, siue suffurantes, non furaces. Hic
 vnum remouet, nempe fraudem, mox alterum
 astringet, nimirum fidelitatem. Ergo post cōtra-
 dictionem, respōsationem, tarditatem, & aliud
 seruorum vitium doctrina Christi corrigit, *μη*

*Monosylla-
 ba & dissyl-
 laba seruicō
 venire.*

*Mandata do-
 minorū qua-
 liter exequē-
 da seruīs.*

νοσφιζόμενος. Est enim νοσφιζειν, decerpere ac fur-
tim detrahere, cum totam rem tollere non au-
sis, quod serui solent, Sicut Ananias Act. 5.
ἰνοσφίζων, fraudauit, seposuit, detraxit, auertit &
interuertit de pretio agri, quem Deo consecra-
uerat, partem tantum afferens ad pedes Apo-
stolorum, & in Ecclesiae conspectum represen-
tans. Sic serui callidè aliquid surripiunt, ne to-
tum ad Dominum perueniat, ab eius oculis re-
mouent, sibi & in vsum comòdumque suum
seponunt atque recondunt. Quidam heri stu-
dio relinquunt alicubi nummos aliquot, velut
per obliuionem, vt explorèt an furax sit famu-
lus. Verum id non tam est furacitatē explorare,
quàm docere, obiecta nimirum occasione, quæ
sæpe corrumpit etiam integros. In nullis ergo
siue rebus sibi creditis, siue obsequiis, in nullo
seruitutis debito serui Dominos, aut opere ac
labore sibi imperato fraudent, vt ne cum labo-
rare debeant, otio vacent, aut fraudulenter ex
rebus Dominorum aliqua minuāt, aut alioquì
infideliter seruiāt. Seruis enim committuntur
Dominorum bona, vt est in parabola hominis
nobilis, qui peregrè profecturus, seruis ad se vo-
catis tradidit bona sua, Matt. 25. Luc. 19. Talis
Ioseph Ægyptio hero ministrabat, & omnibus
ab eo prapositus gubernabat creditā sibi do-
mū, & vniuersa sibi tradita, nec quicquā aliud,
nisi panem, quo vescebatur, nouerat. Ecce (in-
quiens Domine) Dominus meus omnibus mi-
hi traditis, ignorat quid domi suæ habeat, &

*Occasio fu-
randi nō dā-
da seruis.*

*Ioseph fides
erga Domi-
num Ægy-
ptium.*

nihil non in mea potestate est, vel quod non mihi tradiderit, præter te, quæ vxor eius es, Geneſeos 39. vbi eandem idem gratiam clauſus apud carceris magiſtrum ſiue præfectum inuenit, qui ei tradidit vniuerſos vinctos, vt nihil omnium noſſet, cunctis eidem creditis, & quicquid fieret, ſub eo eſſet, & eius adminiſtratione fieret. Et verò illi contigit quod tantò poſt Salomon ſcripſit, Prou. 22. Virum in negotiis diligentem, à regibus euocandum, non apud homines obſcuros remaſurum. Vna enim die è ſeruo Dominus, è vincto liber, ex carcerarij vicario prorex factus, Geneſ. 41. Regiam inhabitauit pro carcere, extrema ignominia verſa in honorem maximum. Hi ſunt (inquit in libro de eo Philo) piorum euentus, facta enim ſunt hæc, & fient ſæpius, quando Deo placuerit, modò ſubſidat aliqua probitatis ſcintilla in animo, quam neceſſe eſt per occaſionē excandescere. Et huius igitur occaſione, qui de fraude omnium in herum maxima ab hera tētatus eſt, ſed Dei gratia, non impuſus, nō poſſum non hīc obiter ſtomachari ſcortationem in famulis adeò frequentem eſſe, & pro leui culpa neglectam. At cū ſcabiem in domum inuehant, liberos ac familiam inficiunt, heram quoque interim & herum, an tum etiam lenis culpa videbitur? Non opinor, humanum eſt amare, præſertim licita, ſed hic amor multa mala docet, dum improbis artibus quæritur, quod detur petaci amicæ, quod ad cultum niti-

Amare quatenus licitū.

diorem suppetat. Omnium verò maximè detestabiles, qui domum in qua famulantur, inquinant, & velut aues immundæ, nidum suum libidine conspurcant. Quo argumento, ut nulum in Comædiis Gallicis frequentius, ita vix alia in re nihilo interim Domini seruis melius se gerunt, aut minus ventris voluptatibus seruiunt. Meritò turpe esse Socrates aiebat, si quis talem se faceret, quales nemo domi vellet habere seruos. Quos etiam se mirari dicebat Diogenes, qui cùm viderent dominos plus æquo voraces, non iis cibos eriperent, Nā hoc esset dominorum valetudini consulere, & seruis magis conuenit edacitas. Sed ad furacitatē redeo, Ne fures ergo serui sint. Furem autem hīc Hieronymus non solum in maioribus, sed etiam in minoribus iudicat, Furātis enim mēs, non id tantum quod furto ablatum est, attenditur, quantumcunque seruus abstulerit, furti crimen incurrit. Vnde in Moyse lege fur interrim quadruplum aut septuplum reddere compellitur, interdum venditur, interdum & obtruncatur, Exod. 21. 22. Hoc autem in seruo si prohibetur, quanto magis in libero, ne iudex rapiat, miles aliena vastet? Pulchrè quidam vir apprimè grauis, laudanti iudicis integritatem, dicentique quòd fur non esset, respondit, optimum seruum facere, si nec fugitiuus esset, tantū furti suspicio ab omni libero aliena esse debet. Hæc obiter de furto Hieronymus ad litteram. Sint itaque serui dominis in omnibus

Comædiarum Gallicarum argumenta frequentissima.

subditi, sint conditioni suæ placentes, vt seruitutem asperè non ferât, Dominis non contradicant, neque fraudent aut furentur, *sed in omnibus bonam fidem ostendentes*, vt summam, & vt legunt Ambrosius & Hieronymus cum Græcis, omnem fidem seu fidelitatem heris præstent, & verbis & factis, etiam in minimis quæ illis creduntur & conceduntur, vel in omnibus actionibus suis Christianam fidem bonam esse, id est, vtilè ostendant, & in opere bonum esse quod credunt, commonstrent, quod satis conuenit ei quod sequitur, & nusquam non diligenter vrgent Apostoli, In coniugibus, vt se inuicem Deo lucrifaciant, 1. Petr. 3. In parentibus, vt liberos in disciplina Domini educent, Eph. 6. in vxoribus, vt viros ament, ne verbum Dei blasphemetur, supra eodè. & propter eandem causam in seruis, vt heros honorent, non contemnant, 1. Tim. 6. ne nomen Domini, & doctrina malè audiat. Ita hîc quod subiūgitur, ad omnia superiora de seruis erga dominos præcepta refertur, quasi diceret, Quo hæc cuncta sine facienda? nûm propter herilem fauorè, ac non potius ob Dei gloriam? utique vt sic faciando *doctrinam saluatoris nostri Dei ornēt in omnibus*, Ornamentum enim doctoris, honesta discipuli conuersatio, vt & infirmi sanitas, medici laus. Si ergo ex operibus fidem, & nos esse bonos ostendimus, glorificatur pater cælestis, Matth. 5. Laudatur Christi doctrina: eadem

Fides à quibus & quibus præstanda.

Discipuli honesta conuersatio, ornamentum doctrinæ.

propter nos secus facientes, maledicatur, Esa. 52. Ezech. 36. Rom. 2. Ita hîc cùm serui Christi fideles facti, deuotius vtique Dominis seruiunt, neque se subducunt, ex talibus eorum obsequiis collaudatur Christiana religio, quæ seruos sic instituat heris esse suis fideles atque subiectos. Si enim apud carnales Dominos in minimo fideles fuerint, incipient eis apud Deum maiora committi. Ornat autem doctrinam Domini, qui conditioni suæ apta facit. Confundit, qui non est subiectus in omnibus, cui conditio sua displicet, quique contradictor & fraudator in nullo bonam fidem ostendit.

Quo enim modo fidelis esse potest in substantia, id est, doctrina Dei, qui carnali Domino fidem exhibere non potuit? iuxta illud Domini, Lucæ decimosexto, eum qui in minimo modicovè iniquus est, & in maiori iniquum esse. Si ergo in iniquo mammona, & alieno fideles non fuistis, quod verum est, & vestrum est, quis dabit aut crede vobis? Bonis ergò operibus & fide doctrinam dicit ornari Dominicam, tunc enim placidam esse ac decoram, si eam qui proficitur, amabilem facit, non exosam, factis scilicet abnegans. Nec enim indecorum esse potest, quod verum est: Cùm ergo dicta sequentibus factis implentur, ostenduntur vera, ac per hoc decora. Tunc possunt Domini

*Doctrina vt
placida fiat
& decora.*

non tantum seruos à fide non prohibere, sed & gaudere, quia fidem eorum vident sibi proficere: nemo enim Dei fidem custodiens, hominibus infidelis esse potest, iuxta illud eiusdem ubi supra Domini, eum qui in minimo fidelis est, & in maiori, seu multo fidelē esse. Sic Latinorū praestantissimi Ambrosius & Hieron. quorum fragmentū legim⁹ in ca. Si apud. 23. q. 5. Addit Lyrano S. Paulini exēplū, qui Vaudalo Regi sic infideli seruiēdo, hoc est, fidē suā bonis morib⁹ ornando, sui suorumq; omniū ciuium à seruitute liberationē à Domino suo emeruit. Regij enim horti cultor munus id tam dextrē obiuit, vt meritō cū omnibus charissimus, tum ob conspectus venerationem mansuetosque mores, & ingētem virtutem, prophetiæ etiam gratiam ac euentum de Regni mutatione, dignus habitus sit, & tantum apud nouum Regem meruerit, vt qui pro vnus viduæ filij liberatione seipsum, venditis suis omnibus, in seruitium obtulerat, libertatem sibi acciperet & aliis impetraret, ex Africa Nolam liber cum suis popularibus non sine magna frumenti copia, in patriam postliminio & triumphanti similis, remissus. Sabellicus in exemplis, li. 3. cap. 8. lib. 8. cap. 2. Fulgosus lib. 2. cap. 5. Marullus lib. 1. cap. 2. &c. Assuit his Anselmus ex glossa ordinaria, hanc clausulam non ad seruos tantum referendam, sed ad omnes quoque supra nominatos, senes, anus, adolescentulas, iuuenes, quatenus omnes tales sint, vt diuinam doctrinam honestis

honestis moribus, quasi margaritis & gemmis adornent. De quo spiritali per opera bona ornatu, 1. Tim. 2. 1. Pet. 3. & alibi. Sequitur Græcorum in hanc periodum enarratio, huc studio dilata, tum quia proluxior, tum quod de seruorum conditione ac officio pluscula continet. Ut qui vxores à viris continentia prætextu separar, sic qui seruos à Dominis religionis itidē obtentu seducit, reprehensione dignus est, multam enim multis, ne dicā omnibus, infidelibus calumniādi nostri occasionem tribuit, eorūque aduersus fidem ora linguasque relaxat & aperit. Quod, ut est diligens, non est oblitus Aquinas. Et quare, inquit, monet hoc tam frequenter Apostolus? Hæresis enim cœperat apud Iudæos, quasi Dei serui homini seruire non deberent. Et illinc etiam fortassis ad Christianos deriuatum, quasi per Christum filij Dei facti, non magis esse hominum serui deberent. Nolite (aiebant) fieri serui hominum, 1. Corinthio. 7. &, apud Deum & in Christo non est neque seruus neque liber, ad Galat. & Colossen. 3. At verò Christus per fidei iustitiam non venit ciuilem tollere, seu politicum ordinem, imò confirmare, quo scilicet alius alij subditur aut seruit, sed corporis seruitute seu subiectione, & nunc quidem per eundem liberamur à seruitute, sed animæ, à corporis, ut corruptione, ita seruitute, in futuro demum liberandi, Rom. 8. cum tradiderit regnum Deo &

*Subiectio in-
ter se creatu-
rarū omniū.*

& patri, 1. Cor. 15. euacuata tum omni humana præsertim prælatione. Ceterum dum & quantum durat mundus hic, angeli angelis, dæmones dæmonibus, homines hominibus, alij aliis prælati, alij aliis subiecti sunt, vt habetur in Sentiis Theologicis lib. 2. & 4. Distinctionibus 6. D. & 47. E. Pergunt autem ita Græci. Conuenienter igitur alibi dicit Paulus; quasi Deo, non hominibus seruientes, & si hero tuo cum beneuolentia inseruis & ministras, eius tamen tum origo & occasio à Dei timore proficiscitur, tum honos ad eum recurrit, tum apud eundem & ab eodem omnino merces. Admonet ergo omnium quæ maximè seruos decent, quæque heros illis placant & conciliant, non obloqui, non furari, fideles esse. Hæc enim mundi negotiis addicti maximè curant, & potissimum expectant. Nam si nec linguam coërces, nec manum contines, quæ admirari possit gentilis dogma Christianum? Sin aduerterit seruum apud se in Christo philosophantē, & continētius, modestius, magisq; quā cōseruos gētiles, inseruientē, quo cōtrā modo religionis nostræ vim tantā, vt animos in melius cōuertat, non vel sentiet, vel mirabitur? Cedet id profectò in Christianismi gloriā, à quo seruus sic institutus. Nec enim ex verbis dogmata, sed ex rebus atq; vita gētiles iudicāt. Sint igitur illis vt uxores, ita & serui in exēplum rectissimæ cōuersationis norma. Quippè apud quos ubique ferè terrarū in confesso sit, seruorū genus vt pluri-

mū, improbū, imprudens, impudens, impudicum, lubricum, formatu esse perdifficile, parum ad capeſſendam tum doctrinam, tum virtutem idoneum, neque id natura ſic faciente, Abſit, ſed vt illiberaliter educatum, nec bonorum viroꝝ verbis, diſciplina, aut cōuerſatione rectè inſtitutum, magna dominorum in primis, in quorum iure atque ære ſunt, in formandis eorum moribus negligentia, nihil ferme aliud quàm ſeruile miniſterium curātium, vt eorum ſi mores interim componere ſtudeant, ſui id modò gratia faciant, ne ſi ſcortis, furtis, & vino ſeruiant, eis moleſti ſint & incōmodi. Cū itaque ſic negligentur, neminēq; habeāt eos cōponendi & formādi ſtudioſum, non mirum ſi in quouis nequitia prærupta & præcipitia ruunt. Si enim vbi parentes inſtant, pædagogus, nutritius, magiſter, æqualis, liberatiſ conditio, aliāque id genus, perdifficile quiſpiam malorum conſortia contuberniaque deuitat, quid putas his omnibus deſtitutos, quique quotidie cum improbis verſantur, quibus volunt, licenter congregiuntur, cū eorum nemo amicitias ſocietateſque diſquirit & excutiat, quid inquàm, putas huiusmodi homunculoſ fore? nonnè ad ſupremum ſclerum verticem euafuꝝ? Adde quod nec doctrina quidem adminiculo fruuntur, nec noſtra, nec externa erudiuntur ſapientia, non cum viris & honeſtis educantur, & quibus exiſtimationis ſua ac gloria magna cura ſit.

*Seruum ne
glectus, ferè
improbos eos
reddis.*

Ex his omnibus datur intelligi, quàm difficile, quàm mirum, seruum aliquando bonum atque vtilem fieri. Cùm igitur perspexerint genus adeò illiberale, ex religionis nostræ cultu honestius ac modestius euasisse, etiã si valde stolidi fuerint & irracionales Domini, magna tamẽ concipient de fidei nostræ dogmatibus. Quantò enim deteriores antè fuerint, tantò magis, si ad bonam frugem conuertantur, virtus prædicationis eminebit, cuius si ornamento serui esse se, & Deo in hominibus seruire, gratiam præstare, Deique iussis obsequi nouerit, dominorũ quanlibet asperorum & incommodorum iras, indignationes, intemperias, reliquaque omnia facile ferent ac tolerabunt. Hactenus Chrysostomus de seruis, non quales hodiè famulos

Helotes qui fuerint. habemus, quosdam quasi helotas (sic enim Lacones, Plutarcho de Iracundia, vocabant homines mediæ conditionis inter seruos & ingenuos) sed quib. seruitutem seruientibus olim Hebræi & Pagani utebãtur, nunc etiam Turcæ, vtinam non & Christiani abuterentur, nos in 1. Tim. 6. & ad finem 2. Digression. quæ tum in buccam venerunt, diximus, neque nihil in nostri Pauli Philemonem, Deo dante, dicturi sumus.

Digressio. VIII.

Totam autem de seruis infidelium disci-

plinam ad fidelium famulos Paulus ita breuiter aptauit, hoc, ait, magis seruiant, quòd fratres, quòd fideles, quòd dilecti, quòd communis in Christo gratiæ participes. Hinc etiam (ait alter) pax oritur domestica, id est, ordinata imperandi obediendique concordia cohabitantium, Imperant qui consulunt, vir vxori, parentes filiis, Domini seruis. Obediunt quibus consulitur, mulieres maritis, serui Dominis, parentibus filij. Sed in domo iusti ex fide viuentis, & adhuc à ciuitate cælesti peregrinantis, etiam qui imperant, seruiunt eis quibus imperare videntur, Consulendi enim officio, & prouidendi misericordia, non dominandi cupiditate, nec principandi superbia imperant. Sic Augustinus de Ciuitate lib. 19. cap. 14. & sic prosequitur cap. seq. Hoc naturalis ordo præscribit, ita Deus hominem condidit, Dominamini piscium maris, volatilium cæli, & omnium humi reptantium, Genesios 1. Rationalem factum ad imaginem suam noluit nisi irrationalibus dominari, non hominem homini, sed hominem pecori, Inde primi iusti pastores magis quàm Reges hominum instituti, vt etiam sic insinueret Deus, quid postularer ordo creaturarum, quid exigat meritum peccatorum. Seruitutis quippe conditio iure peccatori imposita, proinde nusquam scripturarum legimus seruum, antequàm hoc vocabulo Noë iustus peccatum filij vindicaret, Gene. 9. hoc itaque no-

*Dominari
quibus pro-
missum est ho-
mini.*

Seruitus unde manauit.

*Servi unde
dicti.*

in culpa meruit, non natura, cuius etiam origo Latinis inde ducitur, quod qui belli iure poterant occidi, cum seruabantur, victorum serui fiebant. Prima ergo seruitutis causa, peccatum, ut homo homini conditionis vinculo Deo iudicâte subderetur, Omnis autem qui facit peccatû, seruus est peccati, ait supernus Dominus, Ioan. 8. per quod multi quidem religiosi Dominis iniquis, non tamen liberis seruiunt, à quo enim quis deuictus, huic & seruus additus est, 2. Pet. 2. Et utique fœlicius seruitur homini, quàm libidini, cum sœuissimo dominatu vastet corda mortalium, ut alias omittam, dominandi libido. Hominibus autem, quo pacis ordine aliis alij subiecti sunt, ut prodest humilitas seruientibus, sic nocet superbia dominantibus. Nullus autem naturâ, in qua prius Deus hominem cōdidit, seruus est hominis aut peccati, sed & pœnalis seruitus ea lege ordinatur, qua naturalem ordinem cōseruari iubet, perturbari vetat, quia si contra legem non esset factum, nihil esset pœnali seruitute cōercendum. Ideoq; Apostolus seruos monet Dominis subesse, & ex animo cum bona voluntate seruire, ut scilicet si nō possint liberi fieri, suâ seruitutē quodammodò liberam faciant, non timore subdolo, sed fideli dilectione seruiendo, donec transeat iniquitas, & euacuetur omnis principatus & potestas humana. Et cap. 16. Interim qui habuerunt seruos iusti, sic quidem administrabant pacem domesticam, ut secundum hęc

temporalia bona filiorum sortem à seruorum
 conditione distinguerent , ad Deum autem
 colendum , in quo æterna bona speranda sunt,
 omnibus domus suæ membris pari dilectio-
 ne consulerent. Quod naturalis ordo ita præ-
 scribit, vt nomen *patrum familias*, hinc exor-
 tum sit, tam latè vulgatum, vt iniquè etiam do-
 minantes hoc se gaudeant appellari. Verè au-
 tem tales, omnibus in familia sua tanquam
 filiis, ad colendum promerendūque Deum
 consulunt, desiderantes & optantes venire ad
 cælestem domum , vbi necessarium non sit
 officium imperandi mortalibus , quia neque
 consulendi iam in immortalitate fœlicibus,
 quò donec veniatur , magis debent patres
 quod dominantur , quàm serui tolerare quod
 seruiunt. Vocabulum autem patrisfamilias &
 antè adnotauerat Seneca 47. Epistola. Nec
 illud, inquit, videtis, quàm omnem tum in-
 uidiam dominis, tum seruis contumeliam ma-
 iores nostri detraxerint. Dominum, patrem-
 familiæ appellauerunt , seruos , familiares,
 &c. Et de seruitute peccati. Seruus, ais, est, sed
 fortasse liber animo. Seruus est, hoc illi nō no-
 cebit. Ostende quis non sit, Alius libidini, alius
 auaritiæ, alius ambitioni, omnes timori seruiū.
 Nulla seruitus, voluntaria turpior. Et quod ser-
 uitutem sub Noë ortam prædiximus, profani
 ad Saturnū suū reiiciunt: Cuius, scilicet Regno
 & tēpore nondū quisquam seruitio vel liber-
 tate discriminabatur. Id intelligi, quòd Rom.

*Patresfami-
 lias vnde dī.
 Et.*

Saturnalib⁹, vt de his libro primo capite septimo Macrobius . tota seruis permittebatur licentia, & 11. superiora Senecæ facit sua. Iustin. libro quadragesimotertio . Augustini autem sententiam totidem verbis Prosper repetit, inter huius sententias, capite centesimo sexagesimo tertio, centesimo sexagesimo quinto. Si quis autem domi per inobedientiam domesticæ paci aduersatur, corripiatur seu verbo, seu verberare, seu quouis alio pœnæ genere iusto & licito, quantum societas humana concedit, pro eius qui corripitur, vtilitate, vt paci vnde dissilierat, coaptetur. Quia ergo omnis domus, initium siue particula debet esse ciuitatis : omne autem initium ad generis sui finem, omnis pars ad vniuersi integritatem refertur, satis apparet consequens, vt ad pacem ciuicam pax domestica, id est, ad ordinatam imperandi obediendique ciuium cõcordiam, ordinata imperandi obediendique cohabitantiũ referatur cõcordia. Ita fit vt ex lege Ciuitatis præcepta sumere patrẽfamilias oporteat quibus domũ suã sic regat, vt sit paci accommodata ciuitatis. Huius doctrinę de seruitutis tum etymo, tum origine consonant quę idẽ in Genesim Quæstionũ li. 1. cap. 153. sic tradit, Cõmendatur in patriarchis, quod pecorũ nutritores erant à pueritia sua & parentibus suis, & meritò, nam hæc est sine dubio iusta tum seruitus, tum dominatio, cum pecora homini seruiunt, homo pecoribus dominabitur, vt cum crearetur, Genes. 1. insinuaturn est rationem habere dominari

Pecorum nutritores, patriarcha.

vita irrationali, Seruum autem hominem homini fecit vel iniquitas, sicut dictum est, Male dictus Chanaam, seruus erit fratribus suis, Gene. 9. vel aduersitas, sicut accidit Iosepho, vt à fratribus venditus, alienigenæ fieret seruus, Gene. 37. 39. ita seruos, quibus hoc nomen Latine inditum est, primos bella fecerunt, qui enim superatus belli iure occidi poterat, seruus, quia seruatus, appellatus est, & inde mancipia, quia manu capta. Est enim ordo naturalis in hominibus, vt seruiant fœminæ viris, & parentibus filij, quia & hæc illic iustitia est, vt infirmior ratio fortiori seruiat. Hæc igitur in dominationibus & seruitutibus clara iustitia, vt qui excellunt ratione, excellent dominatione, quod cum in hoc seculo vel per hominum iniquitatem, vel per naturarum carnalium diuersitatem perturbatur, ferunt iusti temporalem peruersitatem, in finem habituri ordinatissimam & sempiternam fœlicitatem. Ex his collegit hanc sententiam Prosper inter huius sententias, cap. 164. Nomen & conditionem seruitutis culpa genuit, non natura, & prima huius subiectionis causa est peccatum, vnde melior est eius status, qui famulatur homini, quàm qui suæ seruit cupiditati. Excessit ergò (ait idem in 1. Ioan. tract. 8.) modum homo, dū auarior voluit vt supra homines esset, qui supra pecora factus est. Sub cuius tractatus finem, eleganti Dei atque nostri dissimili, quo & iterum vitur in Psal. 69. innuit quam nostri erga Deum communem primum

*Seruus qui
fiat homo ho-
minis.*

*Mancipia
vnde dicta.*

Dominum, dein & famulos vt conseruos nostros, & illi nostri vicissim, rationē habere debeamus, Dixi Domino, Deus meus es tu. Cur? Quoniam bonorum meorum nō eges, Psal. 15. Ergo Deus seruos non habebit, si tu nolueris, si omnes noluerint? Deus seruis nō indiget, sed serui Deo & seruis. Ideò verus Dominus Deus qui nihil quærit à nobis, & vix nobis, si cum nō quæramus. Vestrū autem nullus valde verus dominus aut seruus, ambo homines, ambo Dei & vestri vicissim egentes, vterque vestrū altero vestrū indiget. Quid enim vterque vestrū? Ego (ait) egenus & pauper, pascat Deus subleuet, adiuuet, Deus adiuua me. Sed fortè in feriore non indiges, Si putas egere seruum tuū bono tuo, vt cum pascas, & ei panem des, eges & tu bono serui tui, vt te tuosque labores iuuet. Non tibi potes aquam v. g. implere, coquere, ante equum currere, iumentum tuum curare. Vides vt serui obsequio indiges, Non ergò verè dominus. Sed verè Dominus is, cuius vterque vestrū verè seruus est. Minas (ait alibi noster) remittentes, eadem seruis domini facite, sciētes quòd & illorum & vester Dominus in cælis est, Eph. 6. Et paulò pòst in titulum, Psal. 70. Si ergò disciplina Apostolica seruum monet, vt homini domino ex voluntate, non tanquam ex necessitate seruiat, & libenter seruiendo, se in corde liberum faciat, quantò magis tota, plena, & libenti voluntate Deo, qui eam videt, seruiendum? Nam si ser-

uus tibi non ex animo seruiat, manum eius, faciem, & præsentiam videre potes, cor non potes: ait tamen illis Apostolus, Non ad oculum seruientes. Et quid est, non ad oculum? Quid enim? Visurus est Dominus meus, quo illi modo seruiam, vt mihi dicas, non ad oculum seruias? Adiecit, Sed quasi serui Christi, dominus homo non videt, Dominus Christus videt, scietes quòd à Domino retributione capietis, Dño enim Christo seruitis: qui autem iniuste agit, recipiet quod iniquè gessit (siue herus siue seruus) quia non est personarum apud Deum respectus aut acceptio, Col. 3. Qualem verò seruum diligas, ait idem in Psal. 33. interroga teipsum. Habes fortè formosum, staturum, bene compositum, furem, nequam, fraudulèrum: habes alterum fortè statura paruum, facie deformem, colore tetrum, fidelem, parum, sobrium, attende rogò, vtrum duorum diligis: Si quidem carnis oculos interrogas, vincit apud te pulcher iniustus: sin cordis, deformis fidelis. Vides ergo, quod vis, vt exhibeat tibi alter, exhibe & illi tu. Cur enim alioqui gaudes ad eum qui fidem tibi exhibet, eumque laudas, de his bonis, qui non videntur nisi oculo cordis? Ex hac Augustiniana famulorum disciplina & differentia, mihi probi famuli subit imago, quam à nobis Gallis in cōclauibus suis effingi solitā, Gilbertus Nozerenus in eleganti opusculo, è quo iam nonnihil decerpimus, de offic. famulorum posuit & exposuit, eam lectu nō indignā

*Seruire ad
oculum.*

*Famuli pro-
bi imago.*

*Servi boni
pictura gra-
phica.*

pro huius de seruis Apostolicæ doctrinæ cor-
nide, quæ plura dicenda supersunt, studio in Phi-
lemonem Paulinum differētes, adiiciemus, &
nonnihil aliūde morē nostro ampliabimus, Ea
in hunc modum habet, Pileum rubrum est &
elegans in capite, nec inelegās interula corpus
tegit. Et elegans quoque cultus debetur bono
famulo, modonē nimius. Zonare Annalium 3.
Iulianus Augustus, cū ad eum Constantij tō-
sor sumptuoso cultu accessisset, tonsorē se quē-
siuisse, non senatorem dicens, hominem dimi-
sit. Cocom item Imperatorium in splendor-
e veste quā pro ministerio cōspicatus, suum
pro artis conditione cultum accersuit, & qui
aderant, vtrum coco similem iudicarent, roga-
tis, ac vilius indutum respondentibus, alterum
amandauit. Frugi scilicet homo, & germanus,
imò gloriosus philosophus, sed apostata. Ro-
strum suillum, admonet non decere famulum
fastidiosum palatum, sed quouis cibo conten-
tum, Vt Philosophorum præstantissimi Plato
& Aristoteles, nobis ad Philemonem excussi.
Sic Bernard⁹ siue Clarenallensis, siue alius qui
dam Syluester, opusculo de cura siue regimine
rei familiaris. Pascendam quidem copiosē fa-
miliam, citra tamen delicias, Grosso (inquit) ci-
bo, non delicato nutrias: Qui gulosus effectus
est, vix aliter quā morte mores mutabit. Die-
bus Paschalibus abundanter, non tamen deli-
catē, pasce, &c. Alioqui periclitamur experiri
Sapientis illud, Prou. 29. Qui delicatē nutrit

seruum à pueritia, pòst eum sentiet contumacem. Fuit quidam apud Gentiles præclari nominis opinionisque philosoph⁹, qui legem tulit, Ne seruo liceret cute arida inungi, Plato (opinor) etiàsi locus nūc nō occurrit. Citat autē, nec nominat Chrysostomus, Homil. 5. ad Tit. Hanc verò victus seruilis frugalitatem Itali adhuc retinent, Hispani etiam superant, quos vir bonus Nicolaus Clenardus non ita dudum Latomo scribens anno 1535. vocabat *ἡσυχασταί* etiam purpuratos, plures interim foris secum famulos trahentes, quàm domi cōsumant Regalias, quique tot asseclas, si non grandi cibo, fame tamen sustentent, & aliis fouent rationibus, quas nos stupidi nunquam discere, multò minus nostratibus famulis persuadere possemus. Et quid quæso, tanto opus est seruorum illis numero, præsertim cū Aristoteles ibidē neget plures habendos? Plato Hecatonomia 3. not. 78. quisque (inquiat) & numero & facultate seruos ad vitæ ministeria aptos habeat? Imò sic omnes otium agūt, vt nemo careat officio. Duo præcedūt, tertius galerum gestat, pallium quartus, si fortè non pluat, quintus equi capistrum, sextus holoserica sandalia, septimus scopulas vestiū à pilis repurgatorias, octauus pannum abstergendo equi sudori, dum dominus sacrum audit, aut confabulatur, nonus pectinē promit, si fortè honoratior sit salutādus, ne incomposito appareat capillitio. Et exclamat, Quæ vidimus, testamur: Quinimo, Beati qui

Nicolaus
Clenardus.

Hispanorum
fastus in famulitio.

non viderunt & crediderunt, tam magnificam raphanorum scilicet interdum heris, nedū missellis, pro omni missu esitationem, adeoque aquæ non modò ad bibendum, sed & ad manus lauandas, aliquot sectilibus vānalis vsū. Nec magni negotij illic est, inutilem seruorum turbam conquirere, quòd omnia potius ferant, quàm artem discant mechanicam. Quin & no-
Mechanicam artem Hispani in- uiti discunt. strates quoque perpenſa gentis consuetudine, protinus rediguntur in nobiles: pudori enim daretur, si è macello partem carnis deferrent, aut ostenderent se manibus valere. Sit horum fides penes Clenardum, Malo credere (quod aiunt) quàm visere, nullos alioqui hīc exteros Hispanis meliores & studiosiores vnquam expertus, & quibuscum mihi negotium esse ma-
Anglorū famulus in famulatio. lim. At Hispanis famulorum turba Anglos nō cedere, testatur vbi suprā, Gilbertus, more, vt inquit, ad ostentationem illaudato, vt sibi pulchrè cohonestari videantur, si benè comitati prodeant in publicum. Sed cuiusmodi satellitio? nugonibus otiosis, inertibus, ebriis, interdum & furacibus, Virgilium reddentes veridicum, Egloga 3.

Quid domini facient, audent cum talia fures?

Hīc vides superuacaneam famulorum turbam non ali tantum, sed & saburrari. Et inde fortè natum est vulgatum apud nos Francos prouerbium, vt cum hominem vehementer cibo distentum velimus intelligi, dicamus, *Tam satur quam Anglus* prouer. est quàm *Anglus*. quòd etiam allusit Faustus An-

drelinus poëta, Erasmo citante in Syracusana
 mensa, in carmine quod de pauimento Parisië
 si inscripsit. *Mensa* (inquiens) *Britanna placet*. At
 nos illis quidē πολυφαγίαν, Germanis πολυποσία
 aliis alia vitia non tantum ascribimus, sed etiam
 imitamur, ne dicam, quidam æquamus, imò &
 nonnulli superamus. Famuli autem nostrates, *Gallorū fa-*
 quod quidā facetus dixit monachus & episco- *muli, quales.*
 pus Gallus, militum seruales, presbyterorum e-
 quales, monachorum sunt imperiales: vt pleri-
 que quid officij heris præstiterint, interrogan-
 tibus, nihil interim cōmodius respondere pos-
 sint, quàm quod episcopo cuidam Polono fa-
 mulus idem roganti, Præstiri (ait) quod alij tui
 præstant, Quid illud? Comedi & bibi. Legi & *Faceta de fa-*
 quendā tertiū dicētē, Qui vnum famulū habet, *muli.*
 aliquē habet: qui duos, dimidiatū: qui tres, nul-
 lum. Si quid commissum, in alios culpa reiici-
 tur: si quid omissum, Putabam (inquiūt) illum
 facturum. Laudatur Iulian⁹ Imp. qui post mor- *Famulitium*
 tē vxoris, superuacuum famulitium aula eiecit *supernacui⁹*
 velut inutilem familię sarcinam. Rogatus, cur? *aula eiectū.*
 negauit sibi opus esse vel eunuchis, cū vxor
 decessisset, vel repudiata diuertisset, postquam
 aliam non superduxit, vel cocis, quod simplici
 cibo vesceretur, & tonsorem multis vnum pos-
 se sufficere. Quanquam sunt qui reprehēdunt,
 quasi sublata opum admiratio, contemptibile
 reddidisset Imperium, Socrat. lib. 3. cap. 1. Eras-
 mus, lib. 8. Apophtheg. Niceph. li. 10. ca. 5. Zo-
 naras vbi antè. Tolerāt hoc malū potētū aulæ:

sed non hoc solum, à quibus ambitum & strepitum excludere difficillimum est. Vbi turba famulorum, ibi quosdam improbos esse necesse est, ad reliquos corrumpendos vel vnus sufficit. Proinde vt prudentis est, supellectilem ad vsum, non ad ostentationem parare, ita multò magis superfluam famulorum turbam excludere, qui nihil aliud sunt, quàm, vt Homerus ait, οὐτον ἔδοντες, & cum Flacco cantillant,

Nos numerus sumus, & fruges consumere nati:

Elegàter Dion Chrysostomus oratione x. verbis, quos Iulos vocat, similes esse dixit, qui magno famulatio vtuntur: Vt enim ij quamplurimos pedes habentes, tardissimi sunt inter reptilia, Ita si quādo serui plures, vt plures pedes, manus, oculi, aures, vètres denique, aut in vna manu quàm natura nascantur, digiti, vlli hominum contingant, non is herclè fortior fit, aut magis necessaria expedit, sed multò minus & difficilior. Et, quod ridiculum est, interdum ministris hi magis carent quàm pauperes, & qui vel vnum vel nullum seruum habet. Tribus seruis comitatus Cato superior Híspaniam rexit: Posterior, xii. Scipio Æmilianus bis Cōsul, & Carthagine Numantiáque deletis, tories triumphator, vii. sequentibus officio legationis functus est. Valer. de Abstinencia. Ad imaginem redeo, Auriculæ eius asininæ designant, famulum patientibus esse auribus; si quid fortè durius dominus dixerit. Ceruini pedes, celeritatē in peragendis mandatis. Dextra erecta, & in palmam

Serui boni
& ancilla
bona imago.

palnam explicata, fidē in contrēctandis rebus herilibus. Lacēna cūm venderetur, interrogata *Lacēna.* quid sciret, fidelis, inquit, esse. Rata fidem in formula quouis opificio melius, Plutarch. Erasmi. in Apophtheg. Pala in sinistra viuis prunis plena, & situlæ duæ aquæ humero sinistro pertica librante, vna à tergo, altera à fronte pendētes, industriam ac diligentiam in multis negotiis simul peragendis. Sic Lacēna, iisdem qui paulò antea, testibus, captiua quid sciret interrogata, Probè, inquit, regere domum. Et hæc non vulgaris ars in ancilla, non hoc solum vel illud facere nosse. Quæ hīc de seruis desiderabuntur; supplenda erunt ex Commentariis nostris ad Philemonem.

Apparuit enim gratia Dei & saluatoris nostri omnibus hominibus, erudiens nos, ut abnegantes impietatem, & secularia desideria, Sobriè & iustè & piè viuamus in hoc seculo, expectātes beatam spem & aduentum gloriæ magni Dei & saluatoris Iesu Christi, qui dedit semetipsum pro nobis, ut nos redimeret ab omni iniquitate, & mundaret sibi populum acceptabilē. sectatorem bonorum operum.



uperioris, cūm de omnibus Ecclesię statibus, tum vltimæ de seruis disciplinæ rationem cōcluserat, ut sic, hoc est, ex eorum erga dominos subie-

*Numinis in
seruentis in
tragædiis.*

ctione, obedientia, reliquaque bona conuerfatione, Christiana doctrina semper & vbique ornaretur. Eadem hinc omnium institutionem, eiusque causam assignat, & plenam dictorum dicendorumque rationem exponit, ac vrget ex Saluatoris exemplo, qui seruituti sese subiecit, vt nos à seruitute liberaret. Ideò nec seruis fidelibus durum aut indignum esse debet dominis suis infidelibus subiici. Præmittit ergò Christi gratiam, doctrinam, operationem, tum horum omnium prædicationem. Solenne porrò est ex Ciceronis, lib. 1. de natura Deorum, Platonis Cratylo & Clitiphone, Plutarchi Themistocle, & aliis, In Tragædiis, sicubi sic hæserint, vt argumentum explicare non possint, ad aliquem Deum cōfugere, cūque quibusdam sublatum machinis è sublimi ostendere, vt rebus repentè commutatis, fabulæ modum imponat, rei huius exemplo ab Homero ducto, apud quem Pallas ferocientem Achillem compescit, quique vbi rerum inciderit difficultas maior, quā vt humana vel ope vel industria expediri possit, locis aliquot numē allegat. In Euripidis Oreste, Apollo medio in tumultu res alioqui turbatissimas subito cōponit. Ad idem Plaurus in Amphitrione Iouem inducit: quod nisi in ea rerum inexplicabili difficultate fieri vetat in Arte sic Horatius,
Nec Deus interfit, nisi dign⁹ vindice nod⁹ inciderit.
 Quibus ergo in rebus perplexis præter spē aliquis exoriebatur, qui opem adferret, in eos di-

ei solebat, Deus ex machina siue ex improviso *Dem ex ma*
china. *impavens* apparens. Lucia. præter superiores, in
 Sectis, Philopseude, mercede seruiētibus, & alij
 Erasmo in hoc adagio citati, Quòd si quoties
 salus ex insperato ostendebatur, id deo solebāt
 ascribere profani etiam athei, quātò melius de
 salute maximè omnium tum desperata, tū im-
 prouisa, de totius inquā orbis per Dominican
 incarnationem salute noster ait, *Apparuit, im-*
phau, Ambr. & Hieron. illuxit, & apparet enim
 quod videtur, etiam si non sit, vnde illud vulgo,
 bonum verū vel apparens, at *gratia Dei*, in Deo
 quidē sempiterna, olim tamē circa homines ve-
 lut habitās, Domine (inquit) in cælo misericor-
 dia tua, Psal. 35. & omnib. penè ex æquo ante-
 hac ignota, vel certè apud Iudæos in āgusto de-
 litescēs, iuxta illud, Not^o in Iudæa De^o, Psal. 75.
 & iudicia sua gētib⁹ aliis nō manifestauit, Psal.
 147. & 79. Qui sedes super Cherubī, manifesta-
 re, excita potētiā tuam, & veni, vt saluos facias
 nos. Ea verò quātò ad saluādū potētior, magisq;
 necessaria (omnes enim quātūlibet iusti, ante
 Christū sub legis atq; peccati seruitute, adeoq;
 sub ministerio mortis, & damnatione, nisi per
 Christū vēturū nō dissoluēda, cōclusi erāt, Ro.
 11. 2. cor. 3.) quātò itē tardior, tātò desideratior.
 Ea verò missio Dei filio, cōspicua facta, & in car-
 ne pro nobis assūpta manifestata, 1. Tim. 3. &
 ubiq; illustrata est ad saluādū, vnde dicit, *et sal-*
uatoris nostri, Sic Hieron. & hoc loco Ambr. nisi
 quòd hic lib. 2. de vocatione gentiū, cap. 1. legit

Salutaris Dei, incertum adiectiuum an substantiuum, quia minimum Græcis discrimen est inter *σωτηριος* & *σωτηρ* salutifera, & ad salutem proposita, non ut olim vnicentum Iudæorum genti, sed quantum ad se *omnibus hominibus*, nullum sexum, ætatem, conditionem excipiens. Et si quid eorum Latinis Saluatorem legamus, possit & de patre, & de filio accipi, vel quod Dei patris viuens & subsistens gratia, Christus ex inuisibili in forma Dei, visibilis in forma serui factus est. Vel quod Christi Dei Saluatoris hæc sit gratia, & non nostro merito saluari (in spe, siue iustificati) sumus, iuxta id quod alibi dicitur, Psal. 55. pro nihilo saluabis eos. Vtrique eum verbum patris in utero virginis caro factum visibile se nobis præbuit, cum apparuit inquam, Dei gratia, siue Deus per gratiā, seu per solam misericordiā apparuit. Sic Hieronymus, Anselmus, Bruno, Sic tota Schola Theologica, primam hominis Christiani gratiā, ut & Christi incarnationem, non cadere sub merito. Et hic pro omnibus Orthodoxorum testimoniis sufficiat vnicum ex infinitis D. Augustini, lib. 1. de Prædestinatione sanctorum, cap. 15. Est, inquit, præclarissimum gratiæ lumen Saluator & Mediator Dei & hominum homo Christus Iesus, quæ ut hoc esset, quibus tādē suis vel operum vel fidei præcedentibus meritis natura, quæ in eo est, humana comparauit? Respondeatur quæso, Is homo ut verbo patri coæterno in unitatē personæ assumptus, Filius Dei vnigenitus

*Gratia Dei
patris viuens
& subsistens
Christus.*

*Prima Christi
hominis gratia non
cadit sub me-
rito.*

esset, vnde hoc meruerit? quod eius bonū quā-
 lecunque præcessit? Quid egit antè, credidit, pe-
 titiuit, vt ad hanc ineffabilem excellentiam per-
 ueniret? Nonnè faciente ac suscipiente verbo;
 ipse homo ex quò esse cœpit Filius Dei; vnicius
 esse cœpit? Nempè omnia hæc singulariter ad-
 miranda; & si qua eius propria verissimè dici
 possūt, singulariter in eo accepit humana, hoc
 est, nostra natura, nullis suis præcedēribus me-
 ritis. Respondeat itaque homo Deo, si audeat;
 & dicat, cur nō & ego? Et si audierit, O homo;
 tu quis es, qui respondeas Deo? Rom. 9. nec sic
 cohibeat, sed augeat impudentiam, & dicat, Cū
 sim quod audio, id est, homo; quod est & ille
 de quò ago, cur non sim quod & ille? At enim
 gratia ille talis ac tantus est, cur diuersa est grā-
 tia, vbi communis est natura? Certè non est aq-
 pud Deum acceptio personarum? Quis, non di-
 co, Christianus, sed insanus hæc dicat? Appareat
 itaque nobis in nostro capite fons gratiæ, vnde
 secundum vniuscuiusque mensuram se per cū-
 cta eius membra diffundit. Ea Gratiā fit ab ini-
 tio fidei suæ homo quicūque Christianus, quā-
 gratia Homo ille ab initio suo factus est Chri-
 stus, &c. Reliquum huius de omnimoda primē-
 tiæ factus.
 gratiæ, vt ita loquar, gratuitate in caput sequēs
 differo, & ad literam redeo. Ergò post catalogū
 doctrinæ, quo descripserat quid vtriusque sexus
 senēs & iuuenes, & ad extremum, seruos debe-
 ret, erudire, rectè nūc intulit, quasi diceret, Idēo
 moneo te laborare in omnibus, siue liberi sint;

sive serui, quia Deus pro omnibus, nedum pro nobis, qui iam per fidē iustificati sumus, saluandis apparuit. Non est enim differentia liberi & serui, Græci & barbari, circumcisi & preputiati, viri & mulieris, Gal. 3. 5. Col. 3. sed cuncti in Christo vnum sum⁹, vniuersi ad Dei Regnum vocamur, omnes post offēsam patri nostro reconciliandi, non per merita nostra præcedētia, sed per diuinam gratiā, quæ quia omnibus hominibus, & vtiq; seruis apparuit, ideo & serui bene viuendo debent Dei ornare doctrinā, vt quæ per Dei gratiam omnibus in Christo propositam impleatur. Ideoque omnes omnis ætatis, sexus, & conditionis homines ad bene viuendum commouendi, quia filius Dei grātis datus & grātis genus humanum saluare cupiens, apparuit per Euangelij illuminationem, per fidei prædicationem innotuit mortalibus vniuersis, senibus, iuuenibus, maribus, fœminis, liberis & seruis, nullum à sua cognitione excipiens, nullum qui cordis oculos aperire velit, excludens aut præteriens. Videbit omnis caro, videbunt omnes fines salutare Dei nostri, Esa. 40. 52. qui vult omnes saluos fieri, & ad agnitionē suā venire. Et ex hac Dei gratia secuta generis humani instructio, *erudiens nos*, non διδασκῶσα, quod est docens, sed παιδευσα, vox à pueris ducta, quam nos eruditionem institutionemque dicimus, ait Gellius, li. 13. cap. 15. Paulò alioqui pro correptione atq; disciplina frequens, hîc quod gratia Dei nos vt rudes clementer doceat, ma-

Eruditio.

ternè corripiat, & ex rudib⁹ instruat atque pro-
uehat, prouectos denique perficiat. Apparere
quippe nō ad salutē sufficeret, nisi super ea nos
idē erudiret. Erat mūd⁹ ante Christū in magna
Dei ignorātia, sinē christo, sine Deo, Eph. 2. sed
popul⁹ qui ambulabat in tenebris, vidit lucem
magnā, Esa. 9. Matt. 4. Tēpus, ait propheta, re-
quirēdi Dñm, donec veniat, qui docebit vos iu-
stitiā, Ose. 10. Letamini in domino Deo vestro
qui dedit vobis doctorē iustitiæ, Ioël. 2. Et Esa.
50. Dominus dedit mihi eruditionē, vt sciā tem-
pore suo loqui verbū lassō, qui linguas infantiū
facit disertas, Sap. 10. &c. Erudiuit autē nos vita
& doctrina, verbo & exēplo, de duobus homi-
ni saluādo necessariis, bono scilicet opere, & re-
cta intēctione. Sequētē autē locū annota meri-
tō cōtra eos, qui abutētes gratia negligūt bona
opera, cū in hoc ipsū gratia liberet à peccatis,
vt deinceps piis operibus vacemus. Sic & hīc
Græci repetūt, Cū à seruis tā magnū virtutis o-
pus, & ingēs reuera studiū exegisset, vt nullā do-
minis vel in minimis rebus occasionē dehone-
stādæ Christi doctrinæ præbeāt, sed eā in omni-
bus cohonestēt, causam intulit iustā, ob quā ta-
les esse debeāt, & cōmōstrat nō immerito po-
stulare se honestā ab omnib⁹ in omnib⁹ vitæ cō-
uersationē. Cū enim Deū & Christū eius, hoc
est, tātū atque talē assecuti simus & habeamus
Saluatorem & doctorē, quomodo non omnes
tales esse, & dignè eo viuere debeamus? an non
æquum, vt quæ salutem eius doctrinam decēt,

*Eruditio
Christi, quæ
nos instituit.*

faciamus; & quæ dedecent, vitemus? Nostis sanè; vt inter cætera id animam nō mediocriter hortetur, premar, vrgeat, quòd innumeris peccatis obnoxia, non solum pœnas non dederit, sed & cum venia bonis simul innumeris potita fuerit. Nam si quis seruum naçt⁹ infidelem, & in multis offendentem, non solum non flagris eciderit, sed & offensis indultis, à futuris cauere, ne is recidat, monuerit, magnis præterea beneficiis fouerit, quæ tam ingrata mens & perfida, quam huiusmodi gratia non ad meliora sectanda prouocare sufficeret? Domini autē gratia non hæcenus stetit, aut eò tantum progrediens terminata est, vt per nos olim cōmissa, nōstra faceret, nolite eam existimare sic ad præcedentium delictorum remissionem, vt ait Rom. 3. extendi, vt & in ea consistat, nec vltra pergat, ea verò non à prioribus tantum delictis nos liberauit, sed & in futurum premuniuit, & securiores tutioresque reddidit. Erudit enim nos hæc singularis Dei in Christo gratia, vt in posterum malè viuere desinamus, & bene viuere incipiamus atque pergamus. Alioqui si semper in malis operibus persistentes nunquam puniret, ea res esset incitamentum nequitia; non inuitamentum gratia. At hic scopus est; & hoc diuinæ œconomia institutum; hac de causa vnigenitum Dei filium hominem factum, omnes salutē esse dignatum; eò tendentem; vt præter impletatem, vitam quoque nequam relinquamus: viam etiam &

*Scopus incar-
nationis do-
minica.*

doctrinam reliquisse, ut pie ac moderate vi-
 uamus, hoc habet in summa. De priori ergo ex
 duobus homini ad salutem propositis, hoc est,
 de malis quidem primùm operibus vitandis,
 mox & bonis exercendis, erudiuit nos, ut abne-
 gantes impietatem, vel, ut Ambrosius participium
 præteriti temporis *æternæ* uerit, quod idem
 est, abnegata impietate, & uerbi emphasim
 Græci notant, ut non qualemcunque abstinē-
 tiam aut auersionem significet, sed ex ani-
 mo totoque mentis affectu, peccati odium &
 execrationem. Omnia autem peccata consistūt *Peccata in*
 vel in iis quæ directè contra Deum sunt, & im- *quo consistāt*
 pietatis dicuntur, pietati nimirum, hoc est, di-
 uino cultui opposita, qualia sunt paganorum
 idololatria, Iudæorum infidelitas, hereticorum
 perfidia, dogmatum prauitas & peruersitas, vel
 in abusu temporalium, & hæc sunt *secularia desi-*
deria, siue mundanæ cupiditates aut concupi- *Seculare.*
 scentia, *æternæ*, non ab eo quod sequitur, in
 hoc seculo, *alio* alioqui seculare. Latinis aliud
 dici, iam aliquoties antè obseruatum, quod se-
 culo quoque instauratur, ludi cæmen, &c. sed
 Ecclesiasticorum scriptorum usus obtinuit, ut
 seculares curas, artes, disciplinas, dignitates, &
 secularia iudicia, negotia, &c. aliter uocemus,
 Hic autem honores, diuitias, delicias, luxum,
 auaritiā, libidinem, ambitionē, carnales vo-
 luptates, & ut vno verbo dicam, quæcunque in
 mundo eiusque principe suggeruntur, & suant
 in mundo utilitatem habent, cum eodem inci,

*Abnegare
quid sit.*

piunt & deficiunt, dilabuntur atque dissoluuntur, cumque seculi huius nubé pertranseât, nec nobiscum in cælum transeunt, & quæ ex temporalium abusu homo vel in se, vel in proximum committit, quæ plerunque catholicos decipiunt. Quid sit autem hæc abnegare, exponit Anselmus, Qui impius antea fuit, qui superbus, luxuriosus, avarus, qui aliena rapuit, si conuersus ad Christum factus est pius, humilis, vitam ad continentiam mutauerit, ambire desierit, & propria largiri didicerit, qui iustitiam sitiit & esurit, Matt. 5. & gaudia patriæ cælestis appetit, is impietatem, & illecebrosa præsentis seculi desideria, quæ sectabatur, abnegauit, Ex Gregorij homil. 32. super Euangelia. Est & laudanda negatio, de qua Dominus, Si quis vult venire post (siue ad) me, abneget semetipsum, Matt. 16. Luc. 9. Quomodo autem se quis abneget, contemplandum ita disserit ad finem cap. 1. huius Hieronymus, Pudicus fornicatorem, quod prius fuerat, negat; sapiens imprudentem, iustus iniustum, fortis infirmum, & ut in commune de omnibus loquar, toties negamus nos, quoties priora vitia calcantes, delinimus esse quod fuimus, incipimus esse quod antè non fuimus. Rectè de Pœnitentia Ambrosius, lib. 2. cap. 10. Viuendum ita, ut vitali huic moriamur vsui, seipsum sibi homo abneget, & totus mutetur, sicut quendam adolescentem fabulæ ferunt post amores meretricios peregrè profectum, abolito amore regres-

*Abnegare
semetipsum,
quid.*

sum, vereri occurrisse dilectæ, quæ se non interpellatâ mirata, & non recognitam rata rursus occurrens dixerit, EGO SVM, responderit ille, SED EGO NON SVM. Semetipsum enim relinquit & abnegat, inquit vbi supra, & Moralium lib. 33. cap. 6. Gregorius, qui calcato superbiæ typho, ante Dei oculos esse se à se alienum demonstrat, Nec enim sufficit nostra relinquere, nisi relinquam? & nos, Quid est quod dicimus, relinquamus & nos? Si enim nosmetipsos relinquimus, quò ibimus extra nos? vel, quis est qui vadit, si se deseruit? Sed aliud sumus per peccatum lapsi, aliud per naturam conditi, aliud quod fecimus, aliud quod facti sumus. Relinquamus nosmetipsos, quales peccâdo fecimus, maneamus nosmetipsi, quales per gratiam facti sumus. Pœnitens ergo atque conuersus, ipse quidem est per naturam, non ipse per malitiam. Hinc scriptum, *Impij versi quomodo nō sunt.* Verte impios, & non erunt Prouerbio. 12. conuersi namque impij non erunt, non quia non erunt omnino in essentia, sed scilicet non erunt in impietatis culpa. Tunc ergo nos linquimus & abnegamus, cum vitamus quod per verustatē fuimus, & ad hoc nitimur, quod per nouitatem vocamur. Pensamus quomodo noster hic se abnegauerat, Viuo (ait) iā non ego, Gal. 2. Extinct? quippè seuus ille persecutor, viuere cœperat pi? predicator, Si enim ipse esset, pius profecto non esset, sed qui se viuere denegat, dicat vnde est, quod sancta veritatis

verba clamat. Viuit verò (ait) in me Christus, ac si apertè dicat, Equidem à memetipso extinctus sum, quia carnaliter non viuo, non tamen essentialiter mortuus, quia spiritualiter in Christo viuo. Ergo nisi quis à semetipso deficiat, ad eum qui super ipsum est, nō appropinquat, nec valēt apprehēdere quod ultra ipsum est, si nescierit mactare quod est. Sic olerum plantæ transponuntur, vt proficiant, eradicantur, vt crescant. Semina in terræ admixtionē deficiunt, vt in reparatione sui generis vberius assurgant, & vnde videntur perdidisse quod erāt, inde incipiunt hoc apparere quod non erant. Hactenus de sui & vitiorū abnegationē Gregorius. Sed qui tam se à vitiis abnegat, exquirendæ ei virtutes sunt, in quibus crescat, declina, inquit alter, siue diuertere à malo & fac bonū, Psal. 33. 1. Pet. 2. Audiuius quæ mala fugiamus, audiam⁹ quæ bona faciamus, quoque animo, pariter atq; corpore nos geramus, erga nos primū *Sobriè*, καὶ σώφρονες, Ambrosio temperanter, Hieronýmo pudicè, nec carne scilicet, nec mente peccato consentientes, à vitiis nos abstineamus, & modū seruēmus, modestè, continenter, abstinenter. Quāquā Græci non hīc abstinentiam tantū ciborum, aut continentiam corporum exponūt, sed reliquarum quoque affectionum & perturbationum moderationem, nedū voluptatum in gustu aut tactu, vt qui aquatus sit aut pecunia intransitor, minimū idē sit sobrius, nōdū hoc minus

sobrius, quo magis auaritia quàm crapula vel ebrietas, contra naturam est, & minus ab ea ortum ducit, nec tãtam qua impellere possit, vim habet. Ideoque auarus guloso aut libidinoso immodestior & impotentior, quanto ciborũ homini & alterius sexus amor pecuniarũ amore naturalior, & penitius ei insitus, ac proinde vehementior & violentior est: Et auriga enim is impotens diceretur, non qui equum ferocẽ & infrenem, sed qui mansuetiorem regere nequiret aut subiicere. Quam vitiorum collationem pluribus hĩc prosequitur Chrysostomus. Sic & Aquinas sobrietatem accipit, cũ quis externis rebus & passionibus propriis cum rationis quadam velut mensura utitur. Sequitur erga proximum, *Iuste*, vt opera iustitiæ per obseruantiam Dei mādatorum in alios faciamus, *Iuste fieri quid dicatur* facultates nostras sic possideamus, vt & dispensem ac distribuamus, nec modò non lædamus, fraudemus, aut iniuria afficiamus, sed & potius de omnibus bene mereamur, & nostra fratribus cõmunicemus. Postremò erga Deũ, *Pie*, duo superiora contra seculi desideria, hoc *Pie viuere.* contra impietatem, vt in fide & pietate perseueremus, ac etiam piam cor & compassionem afflictionis proximorum habeamus, ne in alterum iustitia temerata sit aut intemperata, vt temperetur, pietatem ei, hoc est, verum Dei probatum cultum, non impium aut superstitiosum adiungamus. quod in Hieronymi, Sedulij, & Primasij fragmẽtis hĩc vtcunque legitur.

Et sic vivamus in hoc seculo, præsentem, adeo fragili & transitorio, in quo vix ita vivere licet, quod perpetuum certamen habet futurum verò præmia. Et totam quidem hanc periodon sic cum Ambrosio licet repetere, Dei (ait) donum hominibus per Dominum illuxisse dicit Apostolus, id est, Dei unius veritatem in Christo manifestatam, ut pia professione creatorem in trinitatis unitate prædicemus, quod prius latuit humanum genus, nunc autem misericordia Dei innotuit, ut erroris tenebras, ignorantiam, & mundanorum impietatem fugientes, pii in parentem omnium Deum inveniamur, profitentes cum in veritate quam tradit Evangelium filij eius, & ut rei huius mercedem habere possimus, bona opera faciamus, ut enim ei qui solus patrem prædicat, spes nulla est, si non & in eadem veritate profiteatur filium, ita & huius spes frustrata est, qui solam fidei professionem sine bonis operibus habet. Sic hodiè nobis cum veteribus tantò magis inculcanda fidei sine operibus vanitas, & bonorum operum necessitas, quò plus hodiè refrigit cum fide charitas. Hic verò non omittenda perelegans periodi huius cum Sophon. 2. capite compositio, ex Chrysostomi oratione 2. contra Iudeos, Quòd omnes deinceps homines Deum laudaturi essent, illucescit (ait prophetia) Dominus super omnes gentes, & abolebit omnes Deos gentium. Audi sanè quo pacto Apostolus cum propheta concordet, dixit ille, Illucescet Domi-

Fidei professio sine operibus vana.

nus, hic, Illuxit gratia Dei salutaris: Ille, super omnes gentes: hic, super omnes homines: Ille, abolebit deos gentium, hic, erudiens nos, ut abnegantes impietatem, ac mundanas concupiscentias, sobriè, iustè, piè viuamus, &c.

Digressio. IX.

Ad superiorem autem nostri mundique abnegationem pertinet ex peruetustis Christiani baptismi ceremoniis ritus verè catholicus seu vniuersalis semper & vbique obseruatus, quo baptizandi adulti, sua: paruuli, susceptorum voce, Satanæ & omnibus eius pompis & operibus abrenunciant. Id cum recentioribus, hoc est, Sententiariis, lib. 4. Dist. 38. B. vocemus licet votum commune ac solenne, quòd ab omnibus, & in conspectu Ecclesiæ fiat, sed cuius veterum nemo non meminerit. Extrat inter constitutiones Apostolorum, lib. 1. cap. 40. & 41. Cùm se iam ad baptismum parat Catechumenus, discat quæ dicuntur de abrenunciando diabolo. Oportet enim primùm discedat à contrariis, deinde ingrediatur mysteria, deleta prius à corde omni improbitate, ita sancta percipiat. Ut enim agricola purgat prius agrum succrescentibus spinis, dein triticum serit, sic debetis prius expulsa omni impietate constituere pietatè, & ad baptismum accedere. Prositeatur ergo qui baptizatur, cùm abrenunciat hoc modo, Abrenuncio Satanæ, & operibus eius, pompis, cultui, angelis, machinationibus eius, & omnibus quæ sub ipso sunt. Magnus Ecclesiæ veteris mystagogus Dionysius Eccle. Hierarchia,

Baptismi catholici ritus laudabilis in abrenunciatione Satanæ.

cap. 2. part. 2. & 3. testatur adultos ter iis quæ Deo contraria sunt, abrenunciare se profiteri contestarique solitos, & cap. 5. & 6. part. 1. Inter sacrorum ministrorum officia reponit accedentem ut abrenunciet ad occidentem sistere, & rursus ad orientem trāsferre, & verbis, ut ait, obstetricantibus ad vitalem abrenunciationē formare ac effingere, docēdo, ut obscuris abrenunciāns ad illuminātia transeat, Cap. 7. part. 3. Præsul delectum à naturalibus oblatis parentibus præclarum quendam diuinarum rerum magistrum, futurum eius patrem diuinum, sanctæque salutis alumnum, spondentēque se puerum iuxta sanctam vitam educaturum, requirit ut abrenunciationem profiteatur, fidēque cōfiteatur, non ut profani ridētes aiunt, aliū pro alio sacris imbuit, nec enim hoc ait susceptor, Ego pro puero abrenunciationes facio; aut fidei sacramenta profiteor; sed ita, Puer hic renunciat & proficitur (verbis scilicet meis & ore meo) & spondeo puerum inducturum, cum ad sacram intelligentiam venerit, sedulis adhortationibus meis, ut abrenunciet cōtrariis, siue potestatibus aduersis, profiteaturque fidem, & quæ pollicetur diuina (se scilicet obseruaturum mandata) peragat. Et quo nemo melior antiquitatis Ecclesiasticæ testis Tertullianus, initio de Corona militis, inter traditiones non scriptas, Aquam adituri, ibidem, sed & aliquantō prius in Ecclesia sub antistitis manu contestamur nos renunciatē diabolo, & pom-

px, &

*Susceptorum
in baptismo
sponsio pro
parvulis.*

pæ, & angelis eius. Et ad finem eius libri, Omnes causæ alienę, profanę, illicitę, semel iam in sacramento tentatione eieratę, pompę diaboli & angelorum eius, officia seculi, honores, solennitates postulatrices, falsa vota, humana seruitia, laudes vanę, glorię turpes. Ad martyres, Contristetur in carcere qui fructum seculi suspirat, Christianus, &c. extra carcerem seculo renunciauit, in carcere autem etiam carceri, nihil interest vbi sitis in seculo, qui extra seculum estis. De pœnitentia, Nō leuiter in Dominum peccat, qui cūm æmulo eius diabolo pœnitentia renūciasset, & hoc nomine illum Domino subiecisset, rursus eundem regressu suo erigit. & dicunt quidem pristinis renunciare, & pœnitentiam assument, sed includere eam negligunt. De habitu muliebri, Hi sunt angeli, quibus in lauacro renuntiauius. De spectaculis, Cūm aquam ingressi, Christianam fidem in legis suę verba profitemur, renūciasse nos diabolo & pompę & angelis siue spiritibus eius ore nostro confitemur, vna renunciatio nostra aduersus idololatriam. Et ad finem libri, Nihil nō diaboli est, quicquid Dei non est, vel Deo displicet. Hoc erit pompa diaboli, aduersus quam in signaculo fidei eieramus: quod autem eieramus, neque facto, neque dicto, neque visu, neque prospectu participare debemus. Caterū nonnē eieramus & rescindimus signaculum, rescindendo testationem eius? De idololatria, Quomodō renun-

Pompa diaboli quæ.

ciamus diabolo & angelis eius, si eos (idola fabricando) facimus? Quod repudium diximus his, non dico cū quibus, sed de quibus viuimus? Si templis (gentilium) renunciaſti, ne feceris tēplum ianuam tuā. Maius dixi, Si lupanaribus renunciaſti, ne indueris domi tuæ faciem noui lupanaris. Tu ſi diaboli pompam eiecaſti, quicquid ex ea attigeris, id ſcias eſſe idololatriā. Et concludit, hæc accedentibus ad fidem proponenda, ingredientibus inculcanda, vt accedentes deliberent, obſeruantes perſeuerent, nō obſeruantes ſibi renuncient. Ex his cōſtat eandē poſt lapſum à baptiſmo pœnitentibus, quæ antea baptizandis, abrenunciationem proponi ſolitam. Vbi ergo ſemel eiecatū dicit, *ſemel*, pro prorsus & omnino accipi notat Rhenanus ſcholiaſtes, ita vt ſemel feciſſe ſufficeret. Huius quotidianus lector Cyprianus li. i. epiſt. 2. & 5. Inter eſſe debet inter eos qui ad ſeculum, cui renunciauerant, reuerſi gentiliter viuūt. Nam ſeculo renunciauimus, cū baptizati ſumus, ſed & nunc verè renunciamus ſeculo, quando tentati & probati à Deo, noſtra omnia relinquentes, Dominum ſecuti ſumus. Serm. 2. Quid ad Zabulum, cui renunciaueras, iterum rediſ? De lapſis, Qui ſeculo renunciaſſe ſe meminit, nullū ſeculi diem nouit. &, Stare illic potuit Dei ſeruus, & loqui, & renūciare Chriſto, qui iam diabolo renūciarat & ſeculo. De mortalitate, Cōſiderandum & identidem cogitandum renunciaſſe nos mundo, & tāquam hoſpites & perc-

*Semel, pro
prorsus &
omnino.*

*Renunciare
ſeculo.*

grinos hîc interim degere. De oratione Dominica, Qui credidit, contestatur inter prima statim natiuitatis suę verba, renunciassese terreno & carnali patri, & patrem solum nosse se & habere cœpisse, qui sit in cælis. Et, qui iam renunciavit seculo, maior est & honoribus eius, & regno. Et, qui seculo renunciauimus, & diuitias eius & pōpas fidei gratia spirituales abiecimus, cibum nobis tantummodo petamus & victū, cū sic instruat Dominus, Qui non renunciauerit omnibus quę sunt eius, non potest meus esse discipulus. Ad Quirinum lib. 3. cap. 11. Eum qui fidem assecutus est, exposito priore homine, cælestia tantū & sp̄itualia cogitare debere, nec attendere ad seculum, cui iam renunciauim⁹. Sed inter tot huius hac de re verba, illud vel maximè obseruandum, ne, quod scribit lib. & epistola 4. seculo verbis solis, & non factis renunciemus, Quo verbo valde delectatus est Augustin⁹, cap. 17. de fide & operibus, & ad finem libri. Epistol. 89. quæstione 4. in Psal. 30. & passim de Baptismo contra Donatistas lib. 4. & 5. verū hîc suo loco non omitte-
tur. Quod autem in libro de duplici martyrio Cypriani titulo legitur, quanquam vereq; vt Erasmi sit Cyprianum imitari affectantis, valde rem hanc elucidat. Sic autem inter alia de baptismo, zabulo denunciaſti perpetuas inimicitias, renunciaſti omnibus eius pompis ac voluptatibus, eiuraſti in verba redemptoris, cū tot tamen vitiis seruias, tibi places, quia nondum libellatus aut thurificatus.

verbis tantum, sed factis quoque renunciari. Hanc autem renunciationem, cum baptizatis & post lapsis ac pœnitentibus fuisse continentiam vouentibus communem, idem testis est, tractatu 2. de habitu virginum, quo ubi supra loco eas à nimio corporis ornatu dehortatur, sic indignatur, *Qui Christi sunt, carnem suam cum vitiis & concupiscentiis crucifixerunt, Gal. 6.* Et quæ se carnis concupiscentiis & vitiis renunciaſſe profitetur, in iisdem quibus renunciauerat, inuenitur? aliud te eſſe iactas, aliud affectas. Et, Quæcunque terrena ſunt in ſeculo accepta, & hîc cum ſeculo remanſura, tam contemni debent, quàm mundus ipſe cõtemnitur, cuius pompis & deliciis iam tunc renunciauimus, cum meliore tranſgreſſu ad Dominum venimus. Et hîc ad virgines profeſſas ſermonem habet, Nam ait paulo antè, Si Chriſtum continentia ſequitur, & regno Dei virginitas deſtinatur, quid illis cum terreno cultu & ornamentis, quibus dum hominibus placere geſtiunt, Dominum offendût? Cælebs cogitat quæ Dei ſunt, quomodò placeat Deo, vt ſit ſancta corpore & ſpiritu, 1. Cor. 7. Sic virgo nō eſſe tantū, ſed & intelligi debet & credi, vt nemo cū virginem viderit, dubitet an virgo ſit. Hîc inquam, alloquitur quæ ſic innuptæ erant, vt nec nupturirent. Nec enim puellas nupturientes dedecet aliquis in habitu ſplendor, nedum cõprus aut ornatus, qui ſanctimoniales, aut quas vocant nouitias, minus deceret. Hinc ob hu-

Ornatus nimius corporis Chriſtiano indecens.

Virgo intelligi qua debet.

ius inquam abrenunciationis inter facienda vitæ monasticæ vota, quæ Magister vbi suprà singularia vocat, sed peræquè solennia repetitionem, Monachismum quidam secundi baptismi titulo dignati sunt, non recentiores modò, sed & veteres. Sic enim Hieronymus Paulam suâ super obitu Blesillæ filiæ ex septimestri coniuge paucorum æquè dierum viduæ ac monialis consolatur, Reuera si seculare desiderium, & quod Deus à suis auertat, delicias vitæ huius cogitantem mors immatura rapuisset, plāgenda erat. Nunc verò cū propitiò Christo, ante quatuor fermè menses *SECUNDO quodammodo* propositi se *BAPTISMO* lauerit, & ita deinceps vixerit, vt calcato mundo, semper monasterium cogitatit: non vereris ne tibi Saluator dicat, Irasceris Paula, quia tua filia, mea facta est filia? &c. Cuius rationem B. Bernardus non procul à fine libelli de præcepto & dispensatione longè pòst ita reddidit, Audire & hoc vultis à me, vnde inter cætera pœnitentiæ instituta, monasterialis disciplina meruerit hanc prærogatiuam, vt *SECUNDVM BAPTIS-*
MA nuncupetur? Arbitror ob perfectam mundi abrenunciationem, ac singularem excellentiam vitæ spiritalis, qua præeminens vniuersis vitæ humanæ generibus, initiandis scilicet, vt paulò pòst ex Dionysio videbitus, huiusmodi conuersatio, professores & amatores suos angelis similes, dissimiles hominibus facit, imò diuinam in homine reformat imaginem, confi-

*Monasterialis disciplina
secundum
baptismū.*

gurans nos Christo INSTAR BAPTISMI,
 & quasi denique SECUNDO BAPTIZA- *Secundus*
 MVR, dum per id quod mortificamus mēbra *baptismus;*
 nostra quæ sunt super terrā (col. 3.) rursus Chri-
 stum induimus (Gal. 3.) complantati denuò si-
 militudini mortis eius (Rom. 6.) Sed & quo-
 modò in baptismo eruihur de potestate tene-
 brarum, & in regnum transferimur claritatis
 eterne (Col. 1.) ita & in sancti hui' SECUNDA
 quadā regeneratione propositi, de tenebris eq;
 non vnius originalis, sed multorum actualium
 in virtutum lumen euadimus, reaptātes nobis
 illud Apostoli, Nox præcessit, dies appropin-
 quauit, Rom. 13. Idem de duplici baptismo, &
 de relinquenda propria voluntate sic sermoci-
 natur, Scitis fratres (firmissimè enim tenetis ca-
 tholicam veritatem) quòd in baptismo abrenū-
 ciantes Diabolo pater cælestis adoptet, &c.
 Irritum fecimus hoc fœdus primum, tibi pec-
 cauim' Domine, Satane nos denuò malis ope-
 ribus obligantes, iugo iniquitatis collauitronca
 submittentes, & subiicientes miseræ seruituti.
 Itaque rebaptizari nos conuenit, secundū fœ- *Rebaptiza-*
 dus inire necesse est, & opus professione *tio quadam.*
 secunda, nec iam sufficit abrenunciare Dia-
 bolo & operibus eius, mundo pariter abrenū-
 ciandum & propriæ voluntati. Ille seduxit nos
 & tradidit, in prioti nimirum baptismo,
 quando nihil nostra nobis adhuc voluntas
 nocuerat, satis erat abrenunciare Diabolo,
 cuius profectò inuidia peccatum pariter &

mors per vnum ingrediens hominem in omnes pertransiit. Ceterum postquam mundi fallentis illecebras & infidelitatē propriæ voluntatis manifestè sumus experti, de cætero iam in **SECUNDO**, vt ita dixerim, cōuersionis nostræ **BAPTISMATE**, meritò prorsus & non ad insipientiam nobis, non resarcire tantummodò fœdus primum, sed etiam roborare solliciti, ipsis quoque affectibus pariter abrenūciamus. Hæc ille, quæ ad omnes quoque pœnitētes, nedum monachos pertinent. Sic ad Petrū venerabilem huius contemporaneum Cluniacensem Abbatem Petrus alter Pictauiēsis monachus in Panegyricon eidem nuncupatum, præfatur, Vos autem pater charissimè, filioli vestri, quem Christo Domino, in **SECUNDO BAPTISMATE** genuistis, indesinenter memorē Deus omnipotēs hîc & in æternū custodiat. Hęc nō sine offendiculo legūtur, ab iis præsertim qui ad viuū omnia exigūt, quasi sic eque tur baptismati monachism⁹, cū cōtrā possint vel ex his loquēdi formulis, *Quodāmodò, Instar, Quasi, vt ita dixerim*, discere similitudinē esse, ob eā quæ suprā, causā, non æqualitatē. Renouari enī ab initiandis monachis solitā iam tū fuisse renunciationē hanc, idē si modò idē, Hieronym⁹ restatur in regula Monialium, quæ eius titulo circumfertur, cap. 30. cuius verbis nihil obstare video quin ad hodiernas ita vtamur, Nihil ad vos de pompis seculi attinet aut diaboli, vt quibus in baptismo abrenunciastis,

Monachismus, secund⁹ baptismus.

quod & postmodum confirmastis sub pollicitatione iuramenti, in vestrae religionis ingressu. Fit & in Basilij Asceticis siue monasticis Rufino interprete, cap. 3. 5. Fumano, & Dufano, cap. 8. renunciationis, praeter primam omnibus initiandis in prima confessione communem, monachorum propriae mentio, qua seipsum abnegantes, non solum vitae ac consuetudini praeteritae renunciant, sed & omnibus quaecunque scopum pietatis & perfectionis Euangelicae impedire possunt, carnis atque mundi affectibus & desideriis, patribus denique ac fratribus carnalibus, &c. Testis est & multo anterior Dionysius in Ecclesiastica Hierarchia, ca. 6. Part. 2. & 3. Sacerdos (inquit) ad eum accedens, interrogat primum, an renunciet diuisibilibus omnibus (secularibus atque mundanis nos à Deo diuidentibus, & in diuersa rapientibus) non solum vitiis, sed etiam phantasiis, seu affectibus. Hæc autem abrenunciatio supremam monachorum philosophiam indicat, dum in scientia operatur viuentium (nos vni Deo coniungentium) mandatorum. Est enim non medij ordinis (plebis sanctæ) sed omnibus (initiandis) celsioris. Ideoque multa quæ impunè à medio (plebeio) geruntur ordine, monachis omnino interdicuntur (vt connubium, proprietates) qui vnum ipsum ambire debent, & ad sacram monadem (seu vnitatem diuinam) cogi ac colligi, quin & ad sacerdotalem (quantum fas est) vitam formari, vt in plurimis monasticæ congruæ

*Monachorum
præstantia.*

*Sacerdotalis
ordinis digni-
tas.*

*Religiosi
qui sunt intel-
ligendi.*

*Mundus &
seculum, idē.*

ac similē. Nullus quippè ex ordinibus reliquis (initiandis) sacerdotali magis propinquat, quā monachus. Hic clarissimè monasticum ordinē vt plebeio superiorem, ita sacerdotali inferiorem facit, & proinde ita paulò antè intelligendus D. Bernardus, qui pro sua modestia oues pastoribus nunquā prætulisset aut æquasset, de statibus loquor, non de personis. Quo minus audiendi sunt, si qui religionis sic ad se nomen contrahūt, & se vnos ita religiosos appellant, vt sacerdotes, hoc est, Christi Apostolorūque eius & discipulorum successores, hoc esse negent, sed seculares atque mundanos, in vno enim significatu mundum & seculum indifferenter & passim vertit interpres, in epistolis præsertim Apostolicis. De quo vocum abusu non sine querimonia nec immeritò monuit Ecclesiastes Erasmicus, lib. 3. Proinde cū quę scriptura præcipit de morte spirituali, abnegando mundo, mortificādis secularibus desideriis, ad omnes Christianos pertineant, ad communem omnibus Christianis renunciationem redeo, ex Hieronymo, vnde cœpit hæc de monachis parecbasis, præcipuam ecclasiā repetens. Sic autem habet ad id Psal. 118. Vidi non seruātes pactum (iuxta aliam literam) pactum fuit Israël cum Deo per Moysen, Omnia quęcun que dixerit Dominus, faciemus, Exod. 24. Sed & nūc nos paciscimur in baptismo, vt abrenunciemus diabolo & angelis eius, pro trāsgressoribus ergò huius pacti, propheta tabescit, Apo-

stolus dicit, Quis vritur, & ego non vror? 2. Cor. 11. Idem, Matth. 5. admonet quosdam coactius licet differere, in baptismo singulos pactum cū diabolo inire, & dicere, Renuncio tibi diabole, pompæ tuæ, vitiis tuis, mundo tuo, qui in maligno positus est, 1. Ioan. 5. Hoc ergo si pactū seruauerimus, beneuoli scilicet, ac consentientes sumus *aduersario nostro*, & nequaquam in carcere recludendi. Sin quicquam transgressi fuerimus eorū quæ diabolo spoponderamus, trademur iudici, mittemur in carcerē, &c. Et ex eiusdē & Primasij, & aliorū scholiis, 1. Tim. 6. exposuimus illud Pauli, *bonam confessionē*, in baptismo, abrenunciando seculo & pompis eius, *eoram multis testibus*, sacerdotibus atq; ministris, virtutibusq; cælestibus & diuinis. Et si eius est volumen de vera Circumcisione, veniamus ad abrenunciationem illā, qua in ipsis fidei nostrę cunabulis dicimus nos abrenunciare mūdo & pompis eius, ex quo iuxta carnē nostra natura est, quoniam quicquid est in mundo, concupiscentia est carnis, oculorum, & ambitio seculi, 1. Ioan. 2. &c. Superior autem coacta expositio Origenis est, Homil. 12. in Numer. cap. 21. more suo allegoricē scripturam tractantis. Quo enim loco Israëlita miserunt ad Regem Seon, promittentes se non habitaturos in terra eius, nec cum eo moraturos, nec in eius agrum aut vineam declinaturos, aut de lacu eius aquam bibituros. Videamus (ait) quando hæc promissimus, aut hæc verba diabolo

*Pactum cum
diabolo inire*

*Ægypti op-
probria cir-
cūferre.*

*Spiritus san-
ctus homini
per baptismū
proximus effi-
ciatur.*

denunciauimus. Recordetur vnusquisque fide-
lium, cū primū venit ad aquas baptismi, cū
signacula fidei prima suscepit, & ad fontem sa-
lutis accessit, quibus ibi tūc vsus sit verbis, quid
diabolo denūciarit, non se vsurum pompis aut
operibus eius, non vllis omnino seruitiis, aut
voluptatibus pariturum, non vltà disciplinæ
diabolicæ, magicæ, aut vlli^o omnino doctrinæ,
quæ cōtra Dei pietatem doceat, poculum sum-
pturum, nec ad opera aut sensus diabolicos de-
clinaturum. Homil. 26. in Iosue 22. Quid nobis
prodest exisse de Ægypto, & ei^o nobiscum op-
probria in cremo circūferre: hoc est, Quid nos
iuuat in baptismo seculo renūciassē, & morum
nostrorum sordes pristinas, ac carnaliū vitio-
rū immunditias retinere? Homil. 4. in Iudic. 4.
Postquā seculo renunciaſti, & iis quæ in se-
culo sunt, noli retrō aspicere, aut quæ propter
Christū vt stercora duxeras, requirere. Homil.
2. in Psal. 38. sic diabolus inducit relapsis inter
cætera exprobrantem, Ecce qui mihi & operi-
bus meis renūciauit in baptismo, meis rursum
operibus se inseruit, legibus paruit. Nec multò
post Origenem Arnobius in Psal. 23. ad id, [*Nec
iurauit in dolo proximo suo.*] Quia per baptismatis
donum proximus homini efficitur Spiritus
sanctus, per hunc autem promisit se renuncia-
re diabolo & omnibus operibus eius. Iurare er-
gò, est ius constituere, quo renūciata abstinē-
tur, & promissa seruantur. In 49. Reddas mihi
votū, quod in baptismo positus deuouisti,

quo te renunciaturum diabolo spondidisti, & mea promissisti seruaturum te esse madata. Eadem in 55. Tunc vota tua reddes Domino, quæ in baptismo positus promissisti, Renunciare te diabolo, & omnibus pompis & criminibus eius. Sic in 64. Decebit Siõ animam esse, si reddiderit vota in Hierusalẽ, si quod votum Deo fecit, se renũciaturam diabolo & pompis eius, impleuerit. Sic in 75. Omnes iusti memores esse debent quid & cui vouerint, Nam in baptismatis consecratione vouerunt seipsos Deo tradere, & omnibus operibus diaboli renunciare. Hoc reddite Domino Deo vestro, ante oculos hoc habentes, quia etiam principũ auferet spiritus, cum à voto discedunt. Idem obseruare est in confessione Constantini Magni, fiebant enim & ab Imperatoribus confessiones, & maiore quidem apparatu, vt quò longius emanarent, hoc plures fidei nomen dare non dubitarent, quam vidissent principem amplexum, & quia in aliis tales ferè sumus, quales eos videmus esse qui præsunt, fecit hæc quoque Regum de fide professio vulgo animum, vt eis esse quã simillimi vellent, impunitate præsertim data, & præeunte principe. Ita passim in antiquis bibliothecis videri constitutiones Iustiniani, Caroli Magni, Friderici, admonet Constantinianæ Scholiastes Sichardus, quibus tanquam signo dato ad Christianismũ vocarentur, quibus hoc per principum alioqui tyrannidẽ non satis tutò antea licebat. Sic igitur Constantinus de sui

*Confessiones
fidei à principi-
bus fieri so-
lita.*

conuersione ac baptismo, Deinde per manus impositionem clericorum vsque ad præfulem veni, ibique abrenunciās Satanæ pompis, & operibus ei⁹, & vniuersis idolis manu factis, credere in Deum, &c. spontanea voluntate coram omni populo professus sum. Cuius contemporaneus noster Hilari⁹ in Psal. 67. A facie patris orphanorum fugient, non relinquentes eos orphanos, qui agnoscētes patrem in calis, diabolo patri renunciauerint. In 118. litera Heth. Portio mea Dominus, dixi vt custodiam legē tuā. Rarus quisque, cui hæc fiducia sit, vt portionē suam esse Deum audeat dicere. Renunciādum est seculo, omnib⁹q; rebus eius, vt nobis Deus portio sit. Quid autem hīc sic seculum, clarius quā vlli suprà, explicat, Cæterum (inquiens) si nos ambitio detineat, cura pecuniæ occuper, libidinum captent illecebræ, negotia rerum familiarium demorentur, portio nobis Deus nō erit, secularium rerum & vitiorum possessione detentis. Et ad literam Nun, Seculo renunciaſti, quid tibi cum seculi rebus? quid quereris captus in seculo? quid iniuriam laquei in regione non tua? Nec enim iniustè cæli volucris in possessione terrenæ habitationis retia tenduntur, auis effectus es, cur non in naturæ tuæ elemento moraris? in cælestem scientiam homo eruditus est, quid tibi cum terrenis operibus & gestis? Et hoc paulò posterior Basilii in fine exhortationis ad baptismum, Non solū mundo & concupiscentiis eius, sed & communibus

*Seculum
quid sit.*

mutuísque officiis , iustis alioqui & licitis, ad hæc & vitæ propriæ renunciauimus , si quid eorum à debita Deo obedientia properanda nos retrahat , sic demùm futuri discipuli Christo digni . Est apud eundem locus tam similis primo superiorum Tertulliani locorū, vt inde videri possit mutuò sumptus , si tamen Græcus hic præter Græcorum morem Latina attigit, nam eius collega Nazanzenus agnoscit se Romanæ linguæ expertem, Epistola 68. Sic autē habet libro de Spiritu sancto, cap. II. præuaricatores esse qui hunc negant, & fidem abnegasse, ac professionem irritam fecisse. Quid enim & quando professi sunt? Professi sunt se credere in patrem & filium & spiritum sanctū, cū renunciantes diabolo & angelis eius, salutariferam illam vocem ediderunt. Et cap. 27. De Ecclesiæ traditionibus non scriptis, post aliquā multas huiusmodi, Reliqua item quæ sunt in baptismo, veluti renunciare Satanæ & angelis eius, ex qua scriptura habemus, aut informamur? nōnē ex priuata & arcana hac traditione? &c. Citat Gratianus, Dist. II. ca. Ecclesiasticarū. Augustini titulo ex dictis Basilij, qui liber inter Augustinianos, quod equidem viderim, nō extat. Rhenanus Tertulliani Scholiastes indicauit antē à Burghardo Vormatiensi citatum, lib. 5. quem de vniuersali Ecclesia inscripsit, cap. 227. Sed ne hoc quidem occurrit in decretorum libris eius nomine non ita nuper impressis. Sic Basilij frater Nyssenus in vita Moïseos,

*Nazanzenus
Romana lin
gua expert.*

*Baptismi ca.
remonia yn-
de.*

*Aqua amari-
tudo in dulce-
dinem per li-
gnum conuer-
sa allegoria.*

enarrās Iudæos Ægypto egressos, & rubro mā-
ri elapfos, repertam aquam amaritudine nimia
nequaquam potabilem, ligno à Mose in eam
immissō in dulcedinem conuertisse; Exod. 15.
huic (ait) historiæ res ipsa quam spiritualibus
accidere Iudæis videmus, optimè congruit, Nā
qui voluptatibus in baptismo renunciauit, qui-
bus in priore vita seruiebat, amarum Christi iu-
gum ei primò videtur, sed resurrectionis my-
sterium, quod per lignum, per crucem videli-
cer, in qua Christūs mortuus est, creditum &
toto corde admissum, suauiore Christiani vi-
tā reddit, omnibus quæ dulcedine sensum per-
fundunt, spe futurorum iucundissimè conditā.
Eandem allegoriam sequens Ambrosius, He-
xameron, lib. 1. cap. 4. Describit qui abluitur, in-
telligibilem Pharaonem mundi principem, di-
cens, Abrenūcio tibi diabole, angelis, operibus
& imperiis tuis, nec iam seruiet ei, vel terrenis
huius corporis passionibus, vel deprauatæ mē-
tis erroribus, &c. Libro, de his qui initiantur
mysteriis, & de Sacramentis, 1. cap. 2. Ingressus
es regenerationis sacrarium, repete quid inter-
rogatus sis, recognosce quid responderis. Renū-
ciasti diabolo & operibus eius, mundo & luxu-
ritie eius ac voluptatibus, tenetur vox tua in li-
bro viuentium, presentibus angelis locutus es,
hoc est, sacris ministris, non est fallere, non est
negare. Ingressus igitur, vt aduersarium tuum
cerneres, cui mox renunciandum putares, ad
orientem conuerteris, qui enim renunciat dia-
bolo,

bolo, ad Christum conuertitur, eum directo
 cernit obrutu. Et, Venimus ad fontem, ingres-
 sus es, considera quos videris, quid locutus es,
 repete diligenter. Quando interrogauit te pre-
 sbyter, Abrenuncias diabolo & operibus eius,
 quid respondisti? *Abrenuncio*, Abrenuncias se-
 culo & voluptatibus eius? *Abrenuncio*, Memor
 esto sermonis tui, & nunquam tibi excidat tuæ
 series cautionis, vbi vel quibus promiseris cō-
 sidera. Ergò abrenunciasti mūdo, abrenuncia-
 sti seculo, esto sollicitus, &c. Et circiter finem
 lib. 9. Commētariorum in Lucam, Non potest
 esse quis Domini, nisi prius mundo renuntia-
 uerit, Omnes quidem verbis renunciamus, nō
 omnes affectu. Nam cū sacramenta suscipi-
 mus, renunciamus. Quām grauius vincula, pro-
 mittere Deo, non soluere, vouere, non redde-
 re, Eccles. 5. maior fidei quàm pecuniæ contra-
 ctus. Et ad id Col. 2. Consepulti Christo in ba-
 ptismo. Et, Si mortui estis cum Christo ab ele-
 mentis huius mundi, Illic (ait) in baptismo
 homo elementis abrenunciat, vt Christo socie-
 tur. Commonet igitur vt perseuerent in abre-
 nuntiatione pompæ & præstigiis Satana. Om-
 nis qui baptizatur in Christo, moritur mundo,
 cunctis enim superstitionum erroribus abre-
 nunciat, vt solam Christi fidem colat. Nec ita
 post Ambrosium Chrysostomus, Homil. 1. ad
 Ephesios, Quid (ait) gratius possit esse verbis,
 quibus renūciamus diabolo, & Christi militiæ
 accenturiamur? quid ea quæ lauacri regenera-

*Contracta
fidei.*

tionem præit, professione elegantius: Hom. 6. ad Coloss. Videte ne isto quoque damnemur, posteaquam diximus, Renūciamus Satanæ, & coniūgimur tibi Christe. Et paulò post, inter Christiani baptismi ritus, esse serpentem (inquit) audias, mox docet, vt dicas, Renuncio tibi, vt idem sit ac si dicas, non audiam te. Ad hæc ne per alios quoque te capiat, inquis, Et pompæ tuæ, & seruituti tuæ, & angelis tuis. Omnium verò sæpissimè ceremoniam hanc inculcat D.

*Ceremonia-
rum baptis-
maliū indi-
cia.*

Augustinus, cuius locos, quò facilius intueniantur, digeram iuxta Tomorum seriem: In 1. de Quantitate animæ cap. 3. Bene præcipitur in mysteriis, vt vniuerso huic mundo renunciet, qui, vt videmus, corporeus est, quisquis se talè reddi desiderat, qualis à Deo fact⁹ est, similem Deo, non enim alia salus animæ, aut renouatio aut reconciliatio auctori suo. De moribus Ecclesiæ catholicæ, cap. vlt. Ablutos & sanctificatos non nisi fideles, & eos qui huic mundo renunciauert, Paulo intelligi, 1. Cor. 6. 7. qui mundo vtuntur, tanquam non vtantur, quod tū iam probatum, cū ad idolorum cultum cogebantur: Quot enim tūc pecuniosi homines, patres familiās, Rusticani, negotiatores, milites, primates, Senatores, vtriusque sexus hæc omnia vana relinquentes, quibus vtique quamuis vtentur, non detinebantur, mortem pro salubri fide ac religione subeuntes, demonstraerunt infidelibus à se potius illa omnia, quàm se ab eis possideri: In 11. Epist. 89. quæst. 4. Hac (re-

linquendi omnia) lege & condicione , non ij tantum qui mentis excellentia gloriosissimæ perfectionis consilium receperunt, vt vendita sua pauperibus distribuerent, & humeris ab omni seculi hui⁹ sarcina liberioribus, leuē Christi sarcinam ferrent , sed etiam quisquis infirmior, & huic consilio minus idoneus, meminit tamen se veraciter esse Christianum , cū audierit sibi proponi, quod nisi hæc omnia dimiserit, dimissus est Christum: Eo autem animo ad fidem accessit, vt huic seculo, & sine dubio omnibus quæ sunt eius, renunciaret, vt Christi discipulus esse posset, ac proinde diuitiis suis, aut sic, vt eas omninò non diligens, totas distribuat indigentibus, aut sic, vt pius Christum diligens, non speret in incerto diuitiarum , sed in Deo viuo , & spem ab eis in hunc transferat, & ita illis vtatur, vt faciliè tribuens, & communicans, in cælo thesaurizer, 1. Tim. 6.

*Diuitiis vt
renunciādū.*

Oporret hic , inquàm , paratus sit , vt parentes, fratres, filios, vxorem, sic & opes relinquere , si talis conditio proponatur, vt eas nisi dimisso Christo habere non possit.

Nam si aliter huic seculo renunciat , quando accedit ad fidei sacramentum , verbis solis renunciat, & non factis. Epistola 105.

Circunstipantur (Pelagiani) & diuinarum auctoritate lectionum , & antiquitus tradito & retento firmitate Ecclesiæ ritu in baptismo par-

Infantū ba-
ptismus, &
pro eis spon-
sore.

uulorum, vbi apertissimè demonstratur infantes, cū ij per eos à quibus gestantur, renunciare

respondēt, à diaboli dominatione liberantur. Et 107. inter XII. sententias Catholicorum contra eosdem hæreticos, hæc est VII. Scimus etiam paruulos secundum ea quæ per corpus gesserunt, recepturos vel bonum vel malum: Gesserunt autem non per seipsos, sed per eos, quibus pro illis respondentibus, & renunciare diabolo, & credere in Deum dicuntur. In III. de Agone Christiano, cap. 1. 6. Mittitur princeps mundi foras, Ioan. 12. quando ex toto corde huic mundo renunciatur, diaboloque, & corruptelis, pompis, & angelis eius. In III. iam citatum est ex libro de fid. & operibus. De salutaribus documentis, cap. 52. In sacramento baptismi nostri iurauimus abrenunciare diabolo, pompis eius, omnibus peccatis. In VI. cap. 3. & 4. concionis ad Catechumenos, Renunciemus dānosæ & pessimæ huic hæreditati, in qua sunt panni diaboli, pompæ scilicet, & angelis eius, &c. Hæc est vox omnium sanctorum veri iudicis consiliatorum; generi humano ut pupillo quasi iurisperitorum patrociniatium, Quod fecimus, faciat. Quid obsecro factururus est? Renūciet diabolo, & pompis, & angelis eius. En hæreditas damnosa, cui renunciare compellimur. Vigilet quisq; ne non ex toto renuncians post professionem, recitari eius verba audiat, & aduersarium in conspectu iudicis ita exultantem, Post renunciationē quid inuasit pannos meos? quid apud eum impudicitia, ira, auaritia, superbia, quid cætera mea, quibus renunciauerat, fa-

*Renunciatio
quarum verō
facienda sit.*

ciebant? Denique fugientem à te ad me, cum
 meis, quibus renunciauerat, apprehendi, &c. I-
 dem tractatus est popularis, siue sermo 4. de
 Tempore i. in vigilia Natalis Domini, tom. x.
 In vii. & antè indicatum est inter Cyprianica,
 contra Donatistas. In vii. super Psal. 80. ad id,
 Inimici mentiti sunt ei. Renuncias? Renuncio.
 Et redit ad quod renūciatur. Vtique quibus re-
 bus renūcias, nisi factis malis, diabolicis, à Deo
 damnatis, furtis, rapinis, periuriis, homicidiis;
 adulteriis, sacrilegiis, sacris abominādis, curio-
 sitatibus? His omnibus renuncias, & rursus his
 inflexus superaris? In x. frequenter de Symbo-
 lo ad Catechumenos, lib. 2. cap. 1. 2. 3. Hoc au-
 distis, hoc & vos professi estis, renunciare vos
 diabolo, pompis, & angelis eius. Hanc profes-
 sionem vestram in curiam profertis angelicā,
 Optimi iam Dei tyrones, fortes Christi mili-
 tes, dum arma sacramentorum suscipitis, pu-
 gnam aduersus diabolum indicitis, dum eius
 operibus renunciat, vehementius in vos eius
 furias prouocatis. Lib. 3. cap. 1. 2. Pompæ diabo-
 li sunt illicita quæque desideria, carnis, oculo-
 rum, seculi, quæ turpant animam, nō exornāt,
 postquam autem renunciando diabolo exclu-
 dit pessimum inuasorem, introducat optimum
 possessorem, Credat in D. Patrem, &c. Lib. 4.
 cap. 1. Diabolo renunciare professi estis, in qua
 professione non hominibus, sed Deo & Ange-
 lis eius conscribentibus dixistis, Renuncio. Re-
 nunciare autem decet non solum vocibus, so-

*Pompæ dia-
 boli, quæ.*

no linguæ, aut sonantibus labiis, sed moribus, actu vitæ, & operibus pronuntiantibus. De rectitudine catholice conuersationis; Memento re quale tunc pactum cum Deo fecistis, cum renunciare vos diabolo & omnibus eius operibus in baptismo promissistis; qui quidē potuit, per se, pro se huic respondit, qui non potuit, fideiussor pro eo ad eius vicem promisit, qui de sacro fonte suscepit. Requirite apud vosmetipsos, si post promissionem opera maligni, cui renuntiastis, secuti estis. Abrenuntiastis diabolo, & omnibus pompis & operibus eius, id est, dolis, sortibus, auguriis, furtis, fraudibus, fornicationibus, ebrietatibus, mendaciis. Hæc sunt vera opera & pompæ eius.

*Fines bonorum
& malorum.*

Haecenus de operum malorum quidem fuga, bonorum autem cura. Sequitur de recta intentione, & de bonorum & malorum, ut etiam profani loquuntur, finibus. Sunt autem duo: Prior anima post cuiusque mortem separata, beatitudo, quem philosophi vidisse magis putauerunt, quam viderunt. Posterior, corporis resurrectioni, siue totius hominis in anima & corpore resurrecturi, gloria; de qua infideles vix ac ne vix quidem somniant. Vterque contra eos qui hominis finem in actu virtutis hac in vita ponunt. Sunt autem hominis, ut mercenarii, dies, Iob. 7. 14. & si in hac tantum vita speramus, miserissimi omnium hominum sumus, 1. Cor. 15. Beati autem omnes qui expectant eum,

Esa. 30. qui confidunt in eo, Psal. 2. & alibi nusquam non. Quanlibet ergo pij, iusti, sobriique sumus, adhuc tamen sumus *Expectantes beatam spem*, vel beatificam, siue beatos nos effecturā, vel quod idem est, speratam pro his à nobis æternam beatitudinem, Et in huius enim retributionem ac præmium cum Mose fideles omnes aspiciunt, Hebr. 11. & propter eiusdem retributionem cum Davide cor suum inclinant ad faciendas Domini iustificationes in eternū, seu vsque in finem, Psal. 118. Citat & valde illustrat locum hunc B. Augustinus tractatu 17. in Ioan. quem etiā hīc renarrant Beda, Anselmus, & de Conf. Dist. 5. can. Ieiunium (inquiēs) *ma-*
gnū & generale est, abstinere ab iniquitatibus, *gnum & ge-*
 & illicitis seculi voluptatibus, vt abnegātes im- *nerale.*
 pietatem, & seculares cupiditates, temperāter, iustē, piēque hīc viuamus. Huic perfecto ieiunio mercedem subnectit Apostol. expect. beat. spem illam, &c. In hoc igitur seculo quasi quadagesimam abstinētīe celebramus, cum bene viuimus, & ab illicitis abstinem⁹. Sed quia hæc abstinētia siue mercede nō erit, expectamus beatam illam spem, &c. In illa spe, cū fuerit de spe facta res, accepturi mercedem, interim spe salui facti, Rom. 8. Nos ergo in præseū vita retributionem ne quæramus, sed hāc à malis abstinētiā obseruantes, & in bonis nos operibus exercentes, vt solliciti, sic certi expectemus æternam beatitudinem, *Et aduentum*, quē vt impietas reformidat, ita pietas de sua erga Deū fide

& opere secura præstolatur & expectat. Et vos
 (inquit) similes hominibus expectantibus Do-
 minum suum, quādo reuertatur, Luc. 12. qui di-
 ligunt aduentum eius, 2. Tim. 4. vbi quia dixi
 Digress. 24. de hoc hominum Domini aduen-
 tum expectantium discrimine, hīc tantū &
 appositē quidem addiderim, quod Augustinus
 ad finem, Psal. 97. Venturo fortē iudice homi-
 ne, cui non potest patēre conscientia, contrem-
 miscunt homines etiam innocētes, si ab eo vel
 expectant præmium laudis, vel timent pœnam
 damnationis: quando veniet qui falli non po-
 test, securi mites gaudeant, illuminabuntur ab
 eo, non damnabuntur, sed iniqui cōtremiscāt.
 At si iusti gaudent, iniqui tremiscunt, Ecce nō-
 dum venit, quid opus est vt tremant? Corrigan-
 tur & gaudeant, In potestate tua est quomodo
 expectes venturum Christum. Idē venire dif-
 fert, vt cū venerit, non te damnet. Ecce non-
 dum venit, in cælo est, tu in terra, aduentū dif-
 fert, tu consilium noli differre. Aduentus durus
 est duris, mitis piis. Vide modō qui sis: si durus,
 licet tibi mitescere: si mitis, gaude venturum.
 Christianus enim es, ita, inquis. Credo quod
 oras, & dicis, Adueniat regnum tuum. Optas,
 vt veniat quem times: ne veniat, corrige te, vt
 non ores contra te. Expectantes ergo *impāvent*
 apparitionem, siue, quod August. vbi paulō an-
 tē in Ioan. reuelationē, manifestationē habet
 glossa interlinearis, siue, quod aliās vertit no-
 ster interpres, illustrationē, 2. Thess. 2. Aduētū

*Aduentum
 suum cur dif-
 ferat Christi?*

ergo non qualemunque, sed cum splendore, veluti cum sol emergit, ac proinde, *gloria*, siue gloriosum. Est autem vulgaris idiotismus, cuius etiam nobis spem dedit, in quo magna se premia, magnos bonorum operum fructus daturum pollicitus est, quando qui prius in humilitate, vt nos erudiret, apparuit, cum gloria, vt mundum iudicet, apparebit. Duorum hic Christi aduentuum mentionem Græci Latinique faciunt, Chrysostomus homil. 58. in Matth. ex hoc textu, Diuine, ait, scripturę duos aduentus Christi testantur, quorum alter iam factus est, quod significauit Paulus dicens, Apparuit gratia Dei, &c. & alterum significans, subiunxit, Expectantes apparitionem magni Dei, &c. Prior in infirmitate ac subiectione gratiam habuit, & remissionem, seu peccatorum veniam, mitis, humilis, abiectus, Posterior, suam pro cuiusque meritis retributionem, maiestate ac gloria plenus, Cum (inquit) venerit filius hominis cum virtute & potestate magna, in gloria & maiestate sua, patris, & angelorum, in & super sedem maiestatis suę, Matt. 16. 19. 24. 25. Marc. 8. 13. Luc. 9. 21. Cum autem Christus apparuerit vita vestra, tunc & vos cum ipso apparebitis in gloria, Col. 3. Iustum quippè est apud Deum, iis qui tribulant, tribulationem: iis qui tribulantur, requiem retribui: In reuelatione Domini Iesu de cælis cum angelis virtutis eius: in flamma ignis dantis vindictam iis qui Deum non nouerunt, & Christi Euangelio non obediunt, qui pœ-

nas dabunt in interitu æternas à facie Domini,
 & à gloria virtutis eius, cum venerit glorificari
 in sanctis suis, & admirabilis fieri in omnibus
 qui crediderunt. 2. Thess. 1. Ecce (ait pater de
 utroque filii aduentu, apud Prophetam rogante
 annorum centenariis) ecce seruus meus in-
 telliget, exaltabitur, elenabitur, sublimis erit val-
 de, sicut obstupuerunt super te multi: Sic erit in
 glorius, siue deformior est, inter viros (præ cæ-
 teris viris) aspectus eius, & forma eius inter fi-
 lios hominum, Esa. 52. Sed huius aduentus, hoc
 est, iudicii nouissimi hypotyposim quā amplis-
 simam dedimus. Digress. 2. in 11. ad Tim. & de
 eodem (speramus) siquidem Deus dederit, Ade-
 uentualium concionum primam ex nostris fu-
 turam: Ad literam interim redeo, Expectamus
 ergo illustrem illum aduentū *magni Dei, & sal-
 uatoris nostri Iesu Christi*, Sic enim cum omnibus
 innotescet Christi non tantum diuinitas, sed
 etiam deitas, cōtra veteres & novos Arrianos,
 qui ex Deo Christo diuinū hominē faciunt, vt
 qui ad illum vsque diem nunquā confessi sunt
 cum esse Deum, tūc in iudicio velint nolint cō-
 fitebuntur Deum esse, & magnū quidem, ve-
 ruin, benedictū, & super omnia benedictū Deū,
 1. Ioan. 5. Rom. 9. & cū Thoma Apostolo di-
 cant ac exclamēt, Dominus meus & deus meus,
 Ioan. 20. Ecquis enim ille Deus, qui acquisiuit
 Ecclesiam sanguine suo? Act. 20. qui animā suā
 pro nobis posuit, 1. Ioā. 3. nisi 1 & 5 v s c h r i-
 s t u s? Et hæc enim nomina cum verbi fiat in-

*Diuinus ho-
 mo ex Chri-
 sto & Deo.*

carnati, & articulus græc^o magno Deo præmis-
sus, τὸ μέγαλόν θεόν, & in Salvatore nostro omis-
sus, cum legatur, ὁ υἱὸς τοῦ θεοῦ, non ὁ, τὸς τοῦ θεοῦ,
cogunt coniunctim accipere, nō diuisim, & ad
vnum idēque subiectum, hoc est, vnā eam-
dēque Christi personam, non ad duas distin-
ctas personas totidem prædicata referre. Et no-
men ἡμεῖς, nusquam nisi filio in nouo testa-
mento tribuitur. De aduentu item ad iudiciū lo-
quitur, de quo filius dicit. Pater nō iudicat quē
quam, sed omne iudiciū dedit filio, Ioā. 5. Acce-
dit magnus ac vt vniuersalis propemodum cō-
sensus veterum Orthodoxorum aduersus Ar-
rianos & Eunomianos ex hoc loco vti aperto
triumphantium, Vbi est (ait) serpens Arrius: vbi
Eunomius coluber? Magnus Deus Saluator di-
citur, non primogenitus omnis creaturæ, non
verbum Dei & sapientia, sed I E S V S C H R I -
S T V S, quæ vocabula assumpti hominis sunt.
Non quod alium Iesum Christum, alium ver-
bum dicimus, vt noua hæresis calumniatur, sed
eundem & ante & post secula, & ante mundū,
& post Mariam, imò ex Maria, magnum Deum
appellamus Salvatore nostrum Iesum Chri-
stum. Proinde alterius est Scholion, quod in cō-
mentariolis qui eius titulo circumferuntur, ma-
gnum Deum Spiritum sanctum interpretatur,
fortasse locum captans, in quo Spiritus sanctus
manifestè Deus diceretur. Primasius quoque,
Magnum Deum Christum dixit Apostolus, de
quo dixerat Angelus, Hic erit magnus, Luc. 1.

Epiphania ὁ
nomen in no-
uo testamēto
non nisi fi-
lio tribuitur

Magn^o Deus

*Iesus Chri-
stus, vocabu-
la assumpti
hominis.*

Sic etiam Anselmus, Cognoscetur magnus Deus, qui in priore aduētu visus est paruus homo, & qui magnus Deus reprobis sentietur, nobis saluator esse dignabitur, ut sit hic ordo & sensus, Expectemus aduētum gloriæ Iesu Christi magni Dei & Saluatoris nostri. Nec verò aliter Græci, Sic nimirum, Vbinā gentium impij sunt, qui filiū vel Deū dicere non sustinent, aut patre minorem dicūt? Audiāt Apostolum hereticā hāc blasphemiam redarguentem. Nā hoc loco aperte Deū, & magnū Deū proficitur, magnū inquā, nō relatiuē, quasi ad aliquē parū aut inferiorē Deum, Nec enim, magnus, de Deo ad aliquid dicitur, Nam sic per comparisonem, non per naturam magnus esset, sed absolute, omnino, incomparabiliter magnū, qui natura & per se magnus sit, Cui equalis, quoque maior nemo possit intelligi. Et adhuc alibi idem Chrysostomus, homil. 6. ad Philip. 2. (repetam autem paulò altius) Quemadmodum & Ioannes ostendit Christum nihil esse patre minorem æqualem se facientem Deo, cap. 5. ita Paulus rapinam non arbitratum, æqualem esse Deo. Dixit enim, Cū in forma Dei esset, non rapuit ut æqualis esset Deo. Atqui si Deus esset, quomodo rapere necesse habuisset? Quomodo nō insensatē hoc carpitur? Quis enim dixerit, qui cū homo esset, rapuit ut homo esset? Quo enim modo quisquā rapiet id quod alioqui est? Non (inquiunt Ariani) sed quòd cū inferior Deus esset, nō rapuit ut magno & maiori Deo æqua-

lis esset. Estne modicus & magnus Deus? Itane ethnica in Ecclesiā dogmata inducitis? & paru⁹ enim & magnus eis Deus est, si verò & apud nos, hactenus ignoravi, Nam in scripturis magnum vbiq^{ue} Deum, paruum nusquam inuenies. Si enim paruus, quomodò & Deus? Si nō *Paru⁹ Deum nusquam legitur.* est homo natura paruus & magnus, & si quid eius vnus naturæ non fuerit, homo non est, quoniam modo erit Deus paruus & magnus? Qui non naturæ eius est, Deus non est. Vbiq^{ue} enim scripturarum dicitur, Magnus Dominus, & laudabilis valde, Psal. 47. Ecce & de filio, nā eum vbiq^{ue} Dominum vocat, Magnus (inquit) es tu, & faciēs mirabilia. 85. & iterum. Magnus Dominus noster, & magna virtus eius. 46. Sed filius (inquit) paruus est. Sed tu hoc dicis, nam scriptura contrarium, Sicut de Patre ita & de filio loquitur. Audi namque quid Paulus dicat, Expectantes (inquit) b. f. & apparitionem gloriæ magni Dei. At nunquid de Patre si loqueretur, apparitionem dixisset? Vt verò & vos magis argueret, ad apparitionem adiecit, magni Dei. Num igitur de patre dictum est? Nequaquam. Subiunctio enim illa non admittit, quæ dicit, Et apparitionem magni Dei, & Saluatoris nostri Iesu Christi. Ecce & filius magnus est. Quo ergo modo magnum & paruum dicis? qui magni consilij Angelus est, Esa. 9. magnus non est? qui fortis Deus & potens est, Psal. 23. non magnus, sed paruus est? quid ergo impudentes & improbi dicemus Deum esse paruum? Hæc ibi.

Et homil. 42. editionis 2. in Matthæū. cap. 22.

*Filius Dei
magnus Deus
est sicut Pa-
ter.*

Primum mandatum magnum est, Deum patrē diligere, secundum est simile, Dei filium dilige-
re ac cognoscere. Dei ergo Filius magnus est,
sicut Pater, quicquid enim Pater potest, filius
potest. Pater enim diligit filium, & omnia dedit
in manu eius, Ioan. 3. Sed quia omnia filius dā

te Patre potest, idēd pater magn⁹, Deus, & pri-
mus: Filius autem, magnus quidem Deus; non
tamen primus, sicut Apostolus, Expectantes
(ait) aduentum magni Dei, & Saluatoris nostri
Iesu Christi. Vt hic quoque ex hoc Pauli loco
vrget Christum Deum esse, & Deum magnū,
quāquam eū sic vnum trīnūque Deum cre-
damus, vt primum dicere non soleamus: quod
Patrem sic Deum primum ait, vt & Christum
primum esse Deū neget, inter eius libri offen-
dícula, quæ arguunt incertum, vt & interim ci-
tatur, autorem, non Chrysostomum, etiamsi &
huius nomīne eadem legitur homilia p̄nulti-
ma ex 27. variis in Mattheū locis. Hunc ergo
Pauli locum cū Græci Latinique veteres sic

*Erasmus ta-
xat.*

acceperint, non erat cur vnus Erasmus vnū se-
quens Ambrosiū, secus acciperet, & tam perē-
ni torrenti, tanto inquam, patrum catholicorū
consensui, tam alieno loco atque tempore sese
opponeret, quasi non vtrunque, Dei & Salua-
toris, ad Christū pertinet: Sic autem habet Am-
brosius, hāc esse dicit beatā sp̄s credentiū, quia
expectāt aduentū gloriæ magni Dei, quod re-
uelari habet indice Christo, in quo Dei patris

videbitur potestas & gloria, vt fidei sue præmiū consequatur. Hic certè diuisum accipere, & prius ad Patrē, posterius ad Christū referre videtur. Et ne non huius contradictionis suffragatorē Erasmus haberet, Caietanus, quanquā aliter, negat Dei hūc nomen ad aliquam personam restringēdum (puta ad Patrem, filium, vel Spiritum sanctum) sed vt in reliquis scripturæ locis, vel absolutè positum, vel cum terminis seu attributis essentialibus (cuiusmodi sunt magnus, potens, fortis, bonus, misericors, sapiens, &c.) intelligitur indiuiduum deitatis, hoc est, Deus, sic & in præsentī loco significatur *DEVS* communis Patri, Filio, & Spiritui sancto. Et simul, inquit, erit apparitio magnitudinis Dei, & gloriæ hominis Iesu Christi, quatenus saluator noster est, Et ad illam enim vsque horam nimum multis vertetur in dubiū, tum Dei magnitudo, quòd sit in omnibus, & suprā & per omnia magnus, tum Christi, siue per Christū salus, an is sit saluator noster, tunc autē vtrunque omnibus apparebit ac manifestum erit: At non sic veteres, inter quos Idacius Cla-

Idacius Cla-
rus.

Deus & saluator noster Iesus Christus. Quis dicit non esse verum Deum Emanuelem, cum B. Paulus de illo dicat, magni Dei & Saluatoris nostri Iesu Christi? Eodem utitur Aquinas contra Arium, qui dixit filium non æqualem Patri. Equidem ut perlibèter agnosco per quos profecerim, nolim hos Arianismi reos peragèdos suscipere, sed non possum non tum ægrè ferre, tum etiam improbare, non maluisse eos in hoc & similibus locis priscorum Orthodoxorum contra veteres Arianos victoriæ participes esse, quàm aliter exponentes, nouis Arianis, quos & quidem nimium multos sub Christianorū nomine latitare neuter ignorabat, in errore malè semel concepto peius pergendi ansam suggerere, hoc est nimirum cisternam, siue fonteam, in quam simplices incidunt, fodere ac aperire, quod lex vetat Exod. 21. vel potius ab aliis olim iam obrutam & obductam rursus aperire. Quid igitur hîc Erasmus? Sermonem hunc planè ancipitem esse. Cur non ergo dubia in fauorem religionis potius cōuertis? Imò (ait) magis pro illis facere videtur, quàm pro nobis. Etiamnè in articulo tam capitali? Cohorruì legēs, horresco referens, Et quibus quæso, ita videtur? vni omnium, quos equidem viderim, Erasmo, non etiam Ambrosio, Absit, ac ne Caietano quidem. Addit ex loco profus ancipiti, & ex æquo ad vtrumlibet sensum pertinente, contra hæreticum nihil agi. Atqui locum hunc è contrario pro Christi diuinitatē apertum.

apertum tot antea Græcis & Latinis videri dicique probauimus. Et vninè cōtra tam alioqui multos adhærere? Postremò (ait) Ariani quidā & hunc locum accipiunt de Filio, nec tamen credunt, quod credimus, magnum enim Deum fatentur, verum negant, & hæc est illorum impietas. Citasset illos Arianos. nihil enī ab Ario scriptum extare vel ipse testis Erasmus, qui alibi extare nimisquam sanè curiosè desiderat. Sed qui eodem cum Ario seculo scripsit Chrysostomus, hic quoque Erasmo contradicit, & Christum ab Arianis Deum non tantum non verum, sed nec magnum fictum esse, sic vbi paulò antea concionatur. Ea (inquiens) refero quæ ipsi sæpenuerò dicunt, ut eò illos magis fugiatis. Cū paruus esset (inquires) non rapuit, ut æqualis esset magno. Quid enim, dic mihi (sed ne putetis hæc nostra esse verba) si paruus erat, ut ipsi volūt, & multò paternæ virtute inferior, quomodò sanè potuisset rapere, ut æqualis esset Deo? Inferior enim natura utique rapere non poterit ut sit in magna, homo videlicet ut angelo: equus, etiamsi velit, homini iuxta naturam æqualis. Hæc Chrysostomus. Quem suus ibidē Theophylactus & Scholia græca ita sequuntur. Maiorem aliquem aut paruū esse. Deum, gentium esse deliramenta, non scripturarum dogmata. Deinde si iuxta vos Arianos, & vestrum sermonem, paruus est, quomodò rapuisset, ut magnus fieret? Nec enim potuisset, etiamsi voluisset.

*Chrysostomus
eodem quo
Arius seculo
scripsit.*

set. Sequitur in litera operatio diuinæ per Christum gratiæ, Dominicæ. i. passionis beneficium, secundò fructus eius multiplex, ex iis quæ facta sunt, in memoriam reuocatio, ea quæ sunt futura, confirmans. Quem (ait) idcirco debemus expectare, & salutem ab eo sperare, quia inter duos aduentus non solum nos erudiuit, sed etiã *dedit*, nõ aliud pretiũ, sed *semetipsum pro nobis*, qui tenebamur à Diabolo captiui, nobis datus, nobis natus, Esa. 9. 53. oblat⁹ quia voluit, posuit pro orbe toto, & tradidit in mortem animam suã, & Filius hominis venit animam suam dare in redemptionem pro multis, Matt. 20. Marc. 10. & Qui dedit semetipsum pro peccatis nostris, tradidit se pro me, Gal. 1. 2. Eph. 5. pro nobis, pro Ecclesia oblationem & hostiam Deo in odorem suauitatis. & posuit animam suam pro nobis, 1. Ioan. 3. Dedit item pater & tradidit filium, & quidem vnigenitum pro nobis omnibus, Ioan. 3. Rom. 8. Nec verò dubium, quin & eundem Spiritum sanctum dederit & tradiderit. Vnde Act. 2. Petrus ait, Hunc definito consilio, & præscientia Dei traditum. Tradiderunt quoque Iudas, Iudæi, Pilatus, vt passim legitur in Euãgeliis & Actis Apostolicis. Datum quoque traditumque in cœna & cruce Dominicum corpus, Luc. 22. 1. Cor. 11. & calicem sibi à Patre datum dicit Filius, Ioan. 18. Cur in hac traditione Deus pius, homo reus, nisi in re vna quam fecerunt, causa non vna est ob quam fecerunt? ait Augustinus Epistola 48. Et de

Filius à seipso tradit⁹ & datus, & à Patre item, & à Spiritu sancto.

Christus à quàm multis traditus.

Trinitate lib. 2. cap. 5. Quæro quomodo Pater tradidit, si Filius se tradidit, vtrunque enim legitur. Credo, respondebit, si hæc probè sapit, quia vna est voluntas, & inseparabilis vtriusque operatio, lib. 13. cap. 11. Nec Filius Patre sibi non parcente pro nobis velut inuitus est traditus. Omnia ergo simul & Pater & Filius, & amborum Spiritus pariter & concorditer operantur. Iustificati tamen sumus in Christi sanguine, & reconciliati Deo per mortem filij eius. Ad quam carnis, inquam, vsque mortem, ait idem lib. 4. capite *Christi mors spontanea.* decimotertio, quàm nulla peccati pœna mediatoris spiritus accesserit, demonstrauit, quia non eam inuitus deseruit, sed quia, quando, quomodo voluit. Hinc ait, Potestatem habeo ponendi animam meam, & iterum sumendi, nemo tollet eam à me, sed ego eam à me pono, & iterum sumo, Ioan. 10. Et hoc maximè mirati sunt tunc præsentés, sed & Pilatus, cùm post magnum clamorem continuo spiritum tradidit, ac emisit, Matth. 27. Marc. 15. Luc. 23. Ioan. 19. Hoc inquam, miraculo fuit, quòd sic expirauit, quia longa alioqui morte suspensi cruciabantur, quibus vti iam morerentur, & de ligno ante sabbatum tollerentur, crura confRACTA sunt. Et homil. 7. in 1. Ioan. Traditor est Iudas, traditor ergo & Deus Pater, Absit, inquis. Nō dico, sed Apostolus dicit. Si Pater Filium, Filius seipsum tradidit, Iudas quid fecit? Facta est traditio à

*Traditio Iu-
da, Patris
& Filij,
quã differat.*

Patre, à Filio, à Iuda. Vna res facta est, Sed quæ res discernit Patrem tradentem Filium, Filium seipsum, discipulum magistum suum? quia hoc Pater & Filius in charitate, Iudas fecit in proditione. Videtis non quid faciat homo, sed quo animo & voluntate faciat, considerandum. In eodem facto Patrẽ, in quo Iudam, inuenimus, illum & eius charitatem benedicimus, hunc & eius iniquitatem detestamur. Quantum enim generi humano præstitum est tradito Christo, nunquid cogitauit Iudas vt traderet? Deus cogitauit salutem nostram, qua redempti sumus, Filius pretium quo redempti sumus, Iudas pretiũ quo Dominũ vëdidit, & quod, vt venderet, accepit. Diuersa intëtio diuersa facta fecit: cũ sit vna res, ex diuersis eam intëtionibus si metiamur, vnum amandum & glorificandum, alterum damnadum & detestandum inuenimus. Idem in Psal. 65. Si Pater Filium, Filius semet tradidit, Iudas quid fecit? Pater Filium, Filius se ad mortem tradendo pro nobis, bene fecit, Iudas tradendo magistrum præ auaritia, malè fecit. Non enim quod nobis præstitum est de passione Christi, malitiæ Iudæ deputabitur: habet is mercedem malitiæ, Christus laudem gratiæ. Et ad id Psal. 95. Secundum malitiam eorũ reddet eis, & disperdet eos. Quod Deus malis hominibus secundum eorum malitiam, secundũ id quod de illis nobis præstat, retribuatur, videte quãta nobis præstat de immanissimo scelere Iudæ traditoris, is quippè tradidit ad passionẽ

*Intentio rem
diuersificat.*

Filium Dei, per quā gentes omnes redemptæ sunt ad salutem, nec tamen pro salute gentium merces est Iudæ reddita, sed pro ei⁹ malitia debitum supplicium ei retributum. Nam si traditio Christi, non tradentis animus considerandus, hoc fecit, quod fecit Deus Pater, quod & Christus. Et tamen gratias agimus Deo Patri, qui vnicum pro nobis tradidit, & Filio, qui se pro nobis tradendo eius voluntatem impleuit. Iudam autem detestamur, de cuius facto tantū nobis beneficium præstitit Deus, & rectè dicimus, Reddidit ei Dominus secundum iniquitatē eius, secundum malitiā eius disperdidit eū. Non enim pro nobis Christum is tradidit, sed pro argento quo vendidit eum, quamuis Christi venditio & traditio, sit nostra redēptio. Hæc Augustinus, quæ partim renarrantur in Sentētiis Theologicis lib. 3. Dist. 20. & lib. 1. Dist. 48. ex eiusdem Enchiridij, cap. 101. per maleuolos Iudæos bona patris volūtate Christus pro nobis occisus est. Quod tātum bonum fuit, vt Petrus quando id fieri volebat, Satanæ ab eo diceretur qui occidi venerat, Matt. 16. Marc. 8. Ita

*Voluntas
Dei bona sa-
pe per volum-
tatem homi-
nis malam
impletur.*

Deus quasdam voluntates suas utique bonas implet per malorum hominū voluntates malas. Voluit ergo tota Trinitas Christi pœnam, passionem, mortem, salutis nostræ causam utique bonam, & à Iudæis illatam, Iudæorū tamen impiam voluntatem, culpam, & iniquam actionem non voluit, nec probauit. Et breuiter idem de doctrina Christiana lib. 1. cap. 15. Cre-

dita Domini à mortuis resurrectio, magna spe
 fulcit fidem nostram, multum enim ostendit
 quàm voluntariè animam pro nobis posuerit,
 qui sic eam in potestate resumere habuit. Idem
 prius obseruauit Eusebius Demonstrationis
 Euangelicæ lib. 3. cap. 4. de diuinioribus Chri-
 sti gestis, non communi reliquorum hominũ
 more mortuum exponens, non morbo con-
 sumptũ, non laqueo, non igne, nec ad aliorum
 morem, qui ob scelera sua crucis supplicio affi-
 ci solent, cruribus ferro succisis, nec omnino
 quicquam ab vllo hominum, qui alios necare
 consueverunt, passum, violentæ mortis genus
 vllum pertulisse, sed vbi corpus sponte inimicis
 insidiantibus præbuit, tum illico à terra erectũ,
 deinde in ligno magna voce clamantem, Patri
 spiritum commédauisse, ita solutum liberũque
 per seipsum à corpore secessisse, quod & cum
 familiares acceptum honestè sepeliuissent, ter-
 tio ipsum die recepit, nimirum quod spõte re-
 liquerat. Nam & crucifixus (ait non minus ele-
 ganter quàm breuiter ad finem tractat. 4. Cy-
 prianus) præuento carnificis officio, spiritum
 sponte dimisit, & die tertio rursus à mortuis
 sponte surrexit. Et hoc prior Origenes tractat.
 35. in Mat. notat emphasim vocabulorum, tra-
 dere, emittere, & commendare spiritum, Pilati
 quoq; & Centurionis admirationẽ, quòd Iesus
 crucifixus quidẽ, sed præter consuetudinẽ Ro-
 manorũ crucifixos percutientiũ, seruatus, non
 percussus, nõ depositus, nõ interfectus, Iudeorũ
 scilicet metu, vt diutius pendens amplius cru-

*Mors christi
 nõ violenta.*

*Expiratio
Christi, Dei
beneficium.*

ciaretur, post tres horas receptus est, qui fortè biduū in cruce victurus erat, vt videretur Dei fuisse beneficium, quòd expirauit, & orationis Christi magis meritum, ac animę ponendę potestas, quā crucis violentia. Idem Celso cōtrā blasphemāti aliquoties respondet lib. 2. 3. 8. nō inuitū cōprehensum, sed tēpore suo & opportuno spōte in hominū captū se venientiū manus venisse, super eos processisse, Ioan. 18. vinctum quoque ad sponte vincula subiisse, nos ita docentem pro fide ac pietate debere mala hęc suscipere, ad quę volēs is & vltro docuerat, quique pro admirabili sibi tradita potestate, non pro humano debito (quod is scilicet deberet) animā se positurū, siue à corpore seiuncturum, sed & resumpturū prädixerat, Vnde carnifices quoque anticipans atque præueniens, qui eum in crucē sustulissent, & crucifixis, ne diutius torquerentur, crura cōfregerant, corpore excessit, vt volēs scilicet anima corpus reliquerit, & vbi nōnulla extra id administraffet, rursus ad illud ipsum pro arbitrio rediret. Abutitur Celsi Iudæus Baccho apud Euripidem sic dictitante,

Soluet me demon ipse, vbi mihi libuerit.

Verum quòd Iesus, seipsum licet vinctum non soluerit, soluēdi se tamē potestatē habuerit, omnia deniq; sibi illata volēs, non coact⁹, sed equo animo rulerit, ex nostris Euāgeliis intellexisset, si fidē iis pręstitisset. Et ad id Hier. 12. Dedi seu tradidi dilectā animā meam in manum inimicorum eius, homil. 8. quorum? Iudæorum, principum aduersus eum congregatorum. Et hoc

scripturæ loco, vt & superioribus (ne nobis excidar) vtuntur Idacius & Cerealis Episcopi catholici contra Varimadum & Maximinū Arianos, Christum inde minorem patre dicentes, quòd hic illū tradidisse legatur, cū & Fili⁹ voluntariè dispēsationem assumptæ carnis adimplēs, clara cōtestationis voce fideles suos per se p̄rque Apostolum docere dignatus sit, Semetipsum dedisse ac tradidisse, & animā suam propria potestate posuisse & assumpsisse. Et quòd Christo tam sēpe fuit in ore, Vado, Venio, Ioā. 7. 8. 13. 14. 16. Amphilochns Episcopus Ichniēsis inter patrum de duabus in Christo naturis testimonia, in Antidoto siue h̄rescologia, sic citatur, Non conturbetur cor vestrum, neque formidet, quia tradendus sum Iudæis, non enim inuita res, sed spontanea passio, Vado & venio, vtrunque sicut homo. Vado ad patrem per mortem homo, Venio ad vos rursus per resurrectionē homo. Sic & Hilarius, Quod (inquit) & in crucem actum vnigenitum Dei filium, naturalem & æterno patri cōæternum, & morte damnatum, frequenter, imò semper prædicamus, non ex naturæ necessitate potius quàm ex humanæ salutis dono, & sacramento fuisse subditus intelligendus est, & voluisse se magis passioni subiici, quàm coactum, quæ passio voluntariè suscepta est, passus ergo est Deus, quia se subiecit voluntarius passioni, Sequitur enim, Volūtariè sacrificabo tibi. Sustinuit consolantē, cōmērentēque

*Passio Christi
voluntaria.*

non habuit, non quòd consolatione eguit volēs pati atque mori, sed secum super populi impietate mœrere, &c. Sed hic pennas sumit volaturus, non alienas, non nouas, sed proprietatis vsurpatione præsumpas, ac post passionis voluntariæ sacramentum, & naturæ & potestatis pennas ad cælum se habuerit efferendi, susceptum opus etiam pro obedientiæ obsequela festinat implere, sed ita vt meminerimus esse in eo voluntatis officium. Spiritum enim Iesus posuit, cum voluit, nec expectauit, vt animam impressū vulnus emitteret, Ius animæ eius manus irreligiosa non habuit, ait enim, de gladio maligno eripe me. Quanquam enim exanimiam corporis latus miles transfoderit, vsus ministerio scuitiæ, cæterū potestas spiritus emittendi, causam violandæ in se animæ non reliquit. Hæc ille pro sua grandiloquentia, lib. 10. de Trinitate. in Psal. 53. 68. 137. 139. 143. Breuius Nazianzenus oratione 1. in natalem Saluatoris, 4. in sanctum pascha, Et traditus (ait) dicitur, sed & seipsum tradidisse, & à Patre resuscitatus & resumptus esse, sed & seipsum resuscitasse, & iterū rediisse. Illa bonæ voluntatis, hæc verò potestatis sunt. Et iuxta Damascenum, li.

Christus non solum secundum quod deus in mortem se tradidit, sed etiam secundum quod homo.

3. cap. 18. Quando voluit diuina eius voluntas vt humana mortem eligeret, voluntaria ei passio facta est, non enim secundum quod Deus solum voluntariè seipsum in mortem tradidit, sed & secundum quod homo. Vnde & contra mortem nobis audaciam præstitit. Sic Ambro

sius, Luc. 3. de Enoch rapto nō mortuo, Gen. 5.
Heb. 11. manifestum Dominicæ pietatis & diu-
nitatis indicium est, manifestum enim est Chri-
stum potuisse non mori, sed voluisse, vt sua no-
bis mors prodesset. Et Enoch quidem rapt⁹ est,
ne malitia mutaret mentem eius, Sap. 4. Domi-
nus autem, quem malitia seculi mutare nō po-
terat, ad cælum vnde venerat, naturæ suæ maie-
state remeavit, Luc. 4. Simul intellige non ex
necessitate fuisse, sed voluntariam corporis pas-
sionem, nec à Iudæis captum, sed à se oblatum.
Etenim quando vult, capitur: quando vult, la-
bitur: quando vult, suspenditur: quando vult,
non tenetur. 22. Cæterum quàm constanter se
morti obtulerit, consequentia declarant: quæ-
rentibus occurrit, timentes confirmavit, trepi-
dos prouocauit, &c. & bene tradidit spiritum,
qui non inuitus amisit, quod enim emittitur,
voluntarium est, quod amittitur, necessarium.
Cur etiam post mortem non antè percussus in-
uenitur, nisi fortè vt voluntarius magis quàm
necessarius exitus eius fuisse doceatur? Sed cui
datus aut traditus? adhuc enim cui non audiui-
mus, nisi Iudæis capitalibus eius inimicis, imò
& Satanæ traditum dicere scriptores non refu-
giunt. Sic enim pergit hic ad finem, 1. Cor. 1.
Redemptio (ait) nostra hæc est, Obtulit se
Christus diabolo cupienti, vt peccati ipse con-
tradictionem auferret, & sic captivos eius erue-
ret. Obscura sanè causæ redditio, Nec clarius,
sed ad superiora Augustini disputata confor-

mius, ad Eph. 5. Si verum est Christi mortem Deo in odorem suauitatis & libenter fuisse acceptam, non peccauerunt qui cum secundum Dei voluntatem crucifixerunt. Sed non ita est, quia Christus Deo dicit se obtulisse, dum occidi se passus est, In patris sui voluntate perdurans, quia qui iuste occiditur, diabolo se offerens voluntatem eius facit, vt occidi mereatur (hic negare videtur quod antè aiebat, Diabolo oblatum, sed multa iis Commentariis infarta sunt quàm corruptissima. Pergit autem.) Ita & Christus dum Dei voluntati adhæret, diabolo displicuit, ideoque illum occidit, quia Deo se obtulit iustitiam exequendo. Itaque immeritus qui occiditur, placet Deo, non quia occiditur, sed quia ad mortem vsque iustitiam conseruauit, hanc enim mortem suscepit Deus Christus ad vitā vnde & odor suauitatis appellatur Deo. Quærit & ibidē, Quomodò & Deus eum tradidit, & Deo se ipse obtulit, quasi hoc, quantum ad verba, contrariū videri possit. Deus tradidisse dicitur, quem occidi permisit, sicut dicit Dominus Pilato, non haberes aduersū me potestatem, nisi data esset tibi desuper, Ioan. 19. Data enim est, sed non nolenti potestas, hoc est, permissū est illi facere quod voluit, & hoc est tradere, dum enim dissimulat, tradit, nam si permittere noluisset, occisus non esset. Permisit ergo eū occidi, sed ab his qui eū sponte, non coactē volebant occidere. Non ergo immunes à pœna, quibus hoc permissū quod volebant.

Damnatio enim in eo competit, quòd voluerunt. Quod ideò tamen Deus permisit, quia sci-
ret aduersum diabolum pro multis futurum:
Dignum enim fuit, vt quod inimicus futurorũ
impræscijs contra se quasi pro se facere puta-
bat, permitteretur ei, vt impræscientiam suam
sibi imputans, facti sui pœnitētia torqueretur.
Quòd autem Christus se obtulit, aut eum Pater
tradidit, vnum est, quia vna amborum volun-
tas. Sed quoniam Christum aduersario traditũ
obiter tantũ dixit, non etiam exposuit, Ne re-
ctè dictum, non rectè intellectum lectorẽ per-
turber, idem aliunde firmandum & exponen-
dum. Sic igitur Origenes, Homil. 4. in Matth.

*Christus quo
modo princi-
pi huius seculi
traditus.*

17. traditum Filium à Patre non tantũ in ma-
nus hominum, sed & principi huius seculi ex-
plicat, Exempli causa, Iob primũ traditus à
Deo est in manum diaboli, Ecce (ait) tibi tra-
do eum, & omnia quæ possidet, Iob. 1. 2. tantũ
animam eius serua. Accipiens autem diabolus
bona eius in potestatem, tradidit prædonibus,
&c. Vide ergo ne fortè sicut bona Iob tradit in
manus prædonũ diabolus, accepta prius à Deo
potestate, sic & aliqua operatione princeps po-
testatum aëris, tradidit eum in manus hominũ,
Iudæ, Iudæorum, Gétilium. Considera tamen
quòd Pater non simpliciter eum tradidit pote-
statibus contrariis, sed propter misericordiam
suam, vt saluaret genus humanum: Contrariæ
autem potestates in manus hominum tradide-
runt, non pro aliquorum salute, sed quantum

ad se, quia eorum nemo sapientiam Dei in mysterio absconditam nouit, 1. Cor. 2. & inimica eius mors eum sibi, sicut & omnes homines in Adam morientes, subiiceret. Sed & homines qui eum occiderunt, secundum voluntatem potestatum, qua Dei filium volebant morti subditum fieri: voluntatem enim habebant non iuxta diuinam iam ordinatam. Non ergo ab hominibus (primùm) in manus hominum traditus est, sed à potestatibus, quibus eum pro nobis omnibus tradidit, ut in eo quòd traditur, & sit sub eo cui traditur, destruat eum qui mortis habebat imperium (diabolum) Heb. 2. Et pro nobis ergo Pater Filium tradidit, ut suscipiètes eum principes (seculi huius inuisibiles) & tradentes in manus hominum, irriderentur ab eo & subsannarètur à Domino, sic quippè omnia in Regni proprij & principatus sui dissolutionem agentes, nobis utique, disruptis eorum vinculis, & proiecto eorum iugo, Psal. 2. & inimica communi destructa morte, nō huius solum morti, sed & resurrectioni factis cōformibus. Et ad finem tractat. 12. Cui dedit animam suā redemptionem pro multis? Nec enim conuenit dicere, Deo. Ne fortè ergo maligno, ut in nobis dominanti, donec ei daretur pro nobis redēptio anima Iesu, decepto videlicet ac existimanti, quasi posset eius dominari, &c. Ut hic suo more in magnis ambulat. De hoc & Nazianzenum audiamus in sanctum Pascha sic orantem, Iam rem & doctrinā scrutemur à mul-

tis neglectam, sed à me diligenter inuestigatā,
Cui enim pro nobis sanguis, & cuius rei gratia
effusus est pretiosus & salutaris Dei, pontificis
sacrificij? Etenim detenti eram⁹ à maligno, sub
peccati iugum missi, prauitatis mercedem volu-
ptatem accipiebamus. Si igitur solutio nullius
est alterius, quàm eius qui detinetur, quæro cui
hic effusus sit, & quā ob causam? Etenim si im-
probo, proh quanta iniuria, si non solū à Deo,
sed & Deum, redemptionis pretium latro acci-
pit, tam immensam tyrannidis suæ mercedem
propter quam iustius erat vt nobis parceretur.
Sin Patri, primò quæro, quo pacto? nec enim de-
tinebamur ab eo. Secūdò qua ratione sanguis
eum oblectaret, qui nec Isaaci sanguinem à pa-
tre oblatum suscepit, sed victimam immutauit,
& pro humana hircum subiecit? Gene. 22. aut,
constatnè quod pater Filij sanguinem suscepit
cū neque peteret, neque indigeret? Cæterū
propter dispensationem effusus est, & quia Deū
res humanas per hominem sanctificare oport-
tebat, vt nos, vi tyrannum superans, eriperet, ac
per Filij intercessionem ad se congregaret, id-
que in honorem patris ita disponentis, cui cun-
cta tulit accepta. Et, Christi quidem res ita se
habent, sūntque vt plurimū silentio colēdæ.
Vt hic tantus quoque theologus de rebus tan-
tis & diligenter, vt ait, à se vestigatis lentè, sub-
missè, ac reuerenter loquitur, resoluendo ma-
gis cur datus sit Christus, quàm cui: sed nō du-
bium quin Deo, in sacrificium ei pro nobis ac-

ceptissimum, vbi suprà ad Eph. 5. Satanæ sicubi legitur, sobriè magis quàm subtiliter exponatur, nec enim memini alibi quàm apud Origenem legere, apud quem est superiorum quidam velut epilogus, initio tractatus 35. in Matth. 26. Ideò, inquit, impersonaliter Euangelista posuit, *Tradetur*, non dicēs à quo, quod verbum potest ad omnes respicere qui tradiderunt eum, non eodem omnes proposito: Deus propter suā in genus humanum misericordiam, cæteri secūdam suam quisque malitiam, Sap. 2. Iudas ob auaritiam, fur nimirū, & qui in eū intrauit diabolus, propter timorem ne auelleretur de manu eius per doctrinam ipsius, non aduertēs scilicet nos ereptum magis iri per mortem ipsius, quàm per doctrinā vel mirabilia. Sacerdotes & seniores propter inuidiā, & qui id sciebat, Pilatus, mundano perdēde Cæsaris amicitiae metu. En vt eadem actio quatenus ex diuersa radice procedit, diuersimodè de bono vel malo iudicatur. Habet ergò diuinam opus hoc virtutem, vt cū reliquis Leo Magnus, Serm. 1. de Passione sic concionatur, Quod enim Dominus maiestatis suę potētiam comprimit, & vim in se persecutoris admittit, ex illa volūtate est, qua dilexit nos, & se pro nobis tradidit, cooperāte in hoc ipso patre, qui proprio filio non pepercit, sed pro nobis & illū tradidit. Vna enim Patris & Filij volūtas & diuinitas, de cuius dispositionis effectu nihil vobis gratiæ, Iudæi, nihil tibi, Iuda, debemus. Saluationi quidē nostrę nō hoc vobis vo-

Satanæ an sic traditus elrī stus.

Actio eadem pro radicis diuersitate diuersimodè iudicata.

lētibus impietas vestraseruiuit, & per vos factū
 est, quicquid manus Dei & consiliū decreuerūt
 fieri, Act. 4. Mors igitur Christi nos liberat, vos
 accusat. Meritò soli non habetis, quod omnib⁹
 perire voluistis, &c. Et tanto post Leonem 1.
 tempore Innocentius 111. mysteriorum, lib. 1.
 cap. 38. Dedit Filio calicem Pater, non iudex, a-
 more, non ira, voluntate, non necessitate, gra-
 tia, non vindicta. Et lib. 3. cap. 2. Dum dicit sa-
 cerdos, Hæc dona, hæc munera, hæc sancta sa-
 crificia illibata, traditionem trinam cōmemo-
 rat, quam Deus fecit ex dono, Iudas pro mune-
 re, Iudæus in sacrificium: Singuli ad mortem di-
 uersa operantia, vnum operatum, quo Filius ex
 Patris decreto, ex Spiritu sancti cōsilio, ex pro-
 prio beneplacito, semetipsum passioni expo-
 suit. Indiuisa sunt opera Trinitatis, tota & indi-
 uidua Christum in mortē tradidit, vt tota per
 eum nos à morte redimeret. Donum dātis est,
 munus accipientis: sacrificium offerētis, Pater
 dedit, Filius obtulit, Spiritu sanctus accepit, hic
 Apostolus, Hebr. 9. Christus per Spiritum san-
 ctum semetipsum obtulit Deo immaculatum,
 Singuli tamen obtulerunt, dederunt, accepe-
 runt. Sed ad distinctionem dicitur Pater dedis-
 se propter autoritatem, Filius obtulisse propter
 humanitatem, Spiritu sanctus accepisse propter
 benignitatem. O liberalis gratia, liberalitas gra-
 tiosa! quod nobis Deus dedit in donum, hoc ac-
 cepit à nobis in munus. Atque hic huius sit di-
 gressio terminus, Christus semetipsum in
 mortem

*Hæc dona,
 hæc munera
 &c. enarra-
 tum.*

mortem dedisse & tradidisse legitur & intelligitur, aduersarios, cū vtique posset, nō reprimendo, neque vim à corpore suo repellendo, sed nocuentis atque laesuris cedendo ac succumbendo, mortē ab aliis illatam, vt ait Athanasius, ferendo, non inferendo, tolerando, non resistendo. Hæc stulta mundi sunt & infirma, quæ Deus elegit, vt sapientes & fortes cōfunderet, 1. Cor. 1. Iniuriæ & passio Saluatoris, nescientibus hæc ad virtutem proficere, quia hæc ideò pati se permisit, vt mortem vinceret: Iniuste enim pati, & posse resistere, & nolle, gloria est patientis, damnatio occidentis. Quo etiam modo dedisse eum Pater dicitur & tradidisse, hoc ipso quòd eū, cū in forma Dei esset, passus est exinanire seipsum, & formam serui suscipere, & ad crucis vsque mortem peruenire, ait Origenes, Rom. 8. Phil. 2. non ei parcendo, nihil indulgendo, non ei auxiliatus in bello, Psal. 88. & hoc enim Celsus Saluatori obiiciebat, quòd in passione nihil esset à Patre adiut^o, nec ipse sibi opem ferre potuisset, quasi non & hoc quoque à prophetis cum ratione prædictū esset, fore quandoque vt hic pro humano genere pateretur atque moreretur, quando id mortalibus conduceret, vt respondet idem Origen. lib. 1. in eūdem Celsum. Et in Praxean Tertull. Sic filium Pater dereliquit, dum hominem eius tradidit in mortē, dum non parcit, alioqui non reliquit Pater Filium, in cuius manibus Filius spiritum suum posuit, denique posuit, & statim

*Pater quomodo
filium suum
dicatur per-
cussisse humi-
liasse, &c.*

obiit, Spiritu enim manente in carne, caro mori omnino nō potest, ita relinqui à Patre, mori fuit Filio. Hoc autem sensu non tantum Pater dedit eum ac tradidit, sed etiam percussit, humiliavit, vulneravit, & attriuit, propter iniquitates & scelera populi sui, Esa. 53. non tantum non eum ab huiusmodi passionibus protegendō, & derelinquendo, hoc est, persequentium potestati exponendo, sed etiam talia ei patiendi voluntatem inspirando, quæ æterna sua voluntate ad humani generis liberationem præordinauerat. In quo eius ostenditur tum in peccatum seueritas, quod impunè missum facere noluit, tum in homines bonitas, ut quibus cum satisfacere nequirent, satisfactorem dederit Filium, qui etiam quæ Deus, eadem qua Pater, se voluntate & actione & in nos dilectione tradidit: quæ autem homo, voluntate à Patre & Spiritu cælitus infusa dedit ac tradidit. Hactenus Aquinas, Part. 3. quæst. 47. artic. 1. & 3. & post eum Dionysij Carthus. Sūma Orthodoxæ fidei, lib. 4. artic. 58. Tribus verbis tā alioqui multa expeditas, Dedit & morti Christum Deus tradidit, dum tradendum ordinauit, inspirauit, exposuit, & traditum ad tempus dereliquit, non adiuuit, nō eruit, triduo post ab eodem qui sic dederat & tradiderat, vitæ reddendum & suscitandum. Sequitur tandem eius dationis & traditionis fructus duplex, nempe libertas, ut nos redimeret ab omni iniquitate, ut nulla iam nobis dominetur. Primus homo ex peccato suo cum sua

Seruitus peccati & diaboli.

ipse posteritate in seruitutem tum peccati, vt quod qui facit, eius seruus sit, Ioan. 8. tum Diaboli, à quo enim quis vincitur, eius seruus efficitur, 2. Petr. 2. redactus est. Hic secundi hominis ostenditur potètia & magnitudo, quòd seipsum dando, non hūc vel illum, sed omnes: nec ab aliquo peccato liberauit, ab alio non item: sed ab omni prorsus exemit & vindicauit, tam originali, quàm actuali, & omnibus & singulis quę pro sua quisque voluntate nos superaddimus. Sed & à carnis quoque fragilitate, & Diaboli potentia & suggestionē. Neutri enī, quòd hic Bruno exponit, non redempti obniti poteramus, nam qui primū hominē in tanta virtute creatū subuertit, quantò magis nos tōt miseriis passibilitatis & mortalitatis pressos subuerteret? proinde nihil prodesset, cerrè nō satis esset, etiamsi à peccatis nos mundaret, nisi & à periculo carnis & Satanę liberaret, data illius infirmitati, huius tyrānidi resistendi potestate. Adhendū & ex Theod. Ea quoque de causā mortem nostri causā à Christo susceptā, vt eius euasa tyrānide, ab eius acerba nos seruitute liberaret, Idedò, inquit, Noli timere, quia redemi te, Esa. 43. Et hīc quoque ingēs patebat cāpus, nisi iam nobis aliquoties decursus, ad id. 1. Tim. 2. Qui dedit semetipsum redemptionem pro omnibus. Et iterū in 2. ad Timoth. Digressione 4. de longa latāque differentia mortis Dominicę & martyrum. Postremò tractatus de Mediatore, cap. 13. 14. quo sensu Christus sit redemptor

*Redemptio
nostra à quo
sit.*

*Emere, &
Redimere.*

& redemptio, quo tota Trinitas redemisse dicatur, ut enim traditionem, ita & redēptionem tota simul operata est, Augustinus de Trinitate lib. 3. cap. 11. quid de his decidi Sanctis quoque possit, quod Christus & in quātum Deus, sit redemptor, potestatis nimirum usu, licet ita sæpius vocetur secundum humanitatem, humilitatis utique effectū, obedientiæ exhibitione, susceptis in eadem & impletis sacramētis redemptionis nostræ causis & meritis. Ex Sententiis Theologicis, lib. 3. Dist. 19. E. & aliis scriptoribus. Neque tamen non hīc aliquid dicendum illic reliquimus. Redimere hīc dictū notat Anselmus, quia eius eramus. Nam aliena dicimur emere, nostra redimere. Nescis, inquit de vita beata, lib. 1. cap. 3. Ambrosius, quod te primorū parentum culpa mancipatum seruituti redemerit Christus, nō emerit? Ergo seruus es qui creatus es, & à Domino redemptus, quasi Domino & redemptori seruitutem debes. Et circiter initium cap. 12. Luc. Aduersarius tanquam captiua mancipia vilioris pretio æstimationis addicit, Dominus ut speciosa seruitia, quæ ad imaginē & similitudinē sui fecit, idoneus operis sui estimator, magno nos pretio, 1. Cor. 6. quod esse scilicet nō estimator, sed sanguine pretioso, 1. Pet. 1. de uana nos cōuersatione, de maledicto legis, Gal. 3. & de perpetua impietatis morte redemit. Sic breuiter Tertullianus de Carne Christi, Si ab alio Deo est homo, ô Marcion, magis utique adamanit, quando alienum

magno redemit, nisi dilexisset, non redemisset. Et de fuga, Dominus virtutum hominem de terris, imò ab inferis mercatus in cælos. Quis est qui depretiat, & mercedem ei⁹ tam magno comparatam commaculat? Sic Arnobius in Psal. 122. Recordemur nos seruos, quia creati ab eo sumus, & redempti probamur. In 53. Hilarius, Omnem humani generis salutem oblatione sanctæ & perfectæ hostiæ redempturus. In 118. Res. Venundati sub peccatō per redemptionem in Sanguine Domini liberamur, hoc legislatio, omnes spiritus prophetiæ, patriarcharum spes, Angelorum voces, & toto tempore diuinus sermo testatus est, ob quod redimī se deprecatur David. Sed hæc eadem Dei eloquia, vt piis spebus redemptionem denuntiāt, ita impiis (desperantibus) non relinquunt. In 129. Est vnigenitus Dei Filius, Deus verbū, Redemptio nostra. Ad id 135. Redemit nos de manu inimicorum nostrorum, non tunc cū Iudæos à dominatu Ægyptiorum exemit, nam & post inimicis subditi sunt, & hodiè iure alieni imperij coercentur, sed redemit nos, cū se pro peccatis nostris dedit, per sanguinē, passionem, mortem, resurrectionem suā, ab inimicis, Diabolo, angelis eius, filio perditionis, principibus aëris, mundi potestatibus, inimica morte. De vocum autem discrimine, vnde orsi sumus digressionem, Origenes, Hom. 6. ad id Exod. 15. Populus tuus quē acquisisti, Si Dominus creator est omnium, videndū est quomodò acqui-

*Acquisisse
nos quomodo
dicatur Chri-
stus, aut re-
demisse.*

fisse dicatur, quæ sua esse dubium non est. Dicitur & alibi, Nōne hic ipse Deus tuus est, qui fecit, creauit, acquisiuit te? Deut. 32. Videtur autem id quisque acquirere, quod suum nō erat. Inde dicunt hæretici de Sāluate, quod eius non erāt quos acquisiuit, dato enim pretio homines mercatum, quos creator fecerat, ac certum est vnumquemque quod suū est, non emere, Et pretio tamen emptos ac redemptos dicit Apostolus. Audi ergo quid Propheta dicit, Ecce in iniquitatibus, scilicet propter iniquitates vestras venditi estis. Et gratis venundati estis, Esa. 50. 52. Vides Dei quidem creaturam omnes esse nos, sed pro suis quemque peccatis venditum, & à proprio creatore alienatum. Dei ergo sumus, quatenus ab eo creati sumus. Diaboli verò serui facti sumus, quatenus peccatis ei nostris venundati. At veniēs Christus redemit, cū seruiremus illi domino, cui nosmetipsos peccando vendidimus. Itā videtur tanquā suos quidem recepisse, quos creauerat, tanquam autem alienos acquisisse, quia alienum sibi Dominum siue errando, siue peccando quæsiuerant. Et rectè quidem dicitur redemisse, qui pretiū sui sanguinem suum dedit, quid autem tale ut nos mercaretur Satanas etiā dedit? quo censu, qua pecunia, quo numismate emit quos seruos sibi effecit? omni genere peccati, &c. Et tractatu 2. in Matth. 16. Ergo homo quidem non potest dare commutationem pro animā sua: Deus autem pro animabus omnium commu-

tationem dedit pretiosum sanguinē filij sui. Et ad Ro. 3. attentius adhuc obseruat quid sibi velit redemptio. Sic enim dicitur, quod datur hostibus, pro iis quos captiuos detinēt, vt eos pristinæ libertati restituāt. Detinebatur autē apud hostes humani generis captiuitas, peccato tantā bello superata. Venit Dei Filius, & semetipsum hostibus tradidit, & sicientibus eis sanguinem suum fudit. Hæc est credentibus facta redemptio. Quam obiter sub mysterio designata dicit Prou. 13. Redemptio animæ viri, pro priæ diuitiæ eius. Quæ sunt requiras? Inuenies sapientiam, iustitiam, sanctificationem: hæc autem cū Christū esse dicat Apost. 1. Cor. 1. Christus est animæ diuitiæ, ideoque eius redēptio, Nā corporales diuitiæ, animæ magis credendæ sunt perniciēs, quā redēptio, nisi ex corporalibus ad spirituales trāsferatur, & in bonū op^{us} conuersæ, iustitiæ fiant atque misericordiæ. Sic breuiter in Iulianum Oratione 1. Nazianzenus, Tunc contra magnam Christi hæreditatē, quā is vt Deus cōdidit, & vt homo acquisiuit? Quid enim aliud ille, inquit Eusebius, quā pro animis nostris pretium? Et, dereliquit eum fortis suus, cū eum voluit pro vniuerso mundo pretium, quo animæ redimerentur, exhiberi. Is verò diuinum æternūque decretum, & quas ob causas à patre relinquendus esset, intelligens, multò etiam ampliùs seipsum demisit, pro redimendis animis nostris pretium factus, & omnis humani generis à priore illa

*Diuitiæ spi-
rituales.*

sub inuisibilibus dominis, impuris ac malignis
 dæmonibus, intolerabili seruitute, redemptio
 ac liberatio. Demonstrationis Euangelicæ lib.
 10. cap. 1. & 8. Et recentior quidem, sed in huius
 mysterij contemplatione totus velut liquefa-
 ctus D. Bernardus super Cantica Serm. 20. 22.
 ad cumulū pietatis tradidit in mortem animā
 suam, de proprio latere fundens & proferens
 pretium redemptionis, quo Patrem placaret, &
 nos ei recōciliaret, per quod planè ad se versi-
 culum traxit, Psal. 129. Copiosa apud Deum re-
 demptio. Prorsus copiosa, quia non gutta, sed
 vnda sanguinis per quinque partes corporis e-
 manauit. Et Augustinus omnium tam minimè
 omittendus, quàm maximè catholicus, obiter
 enarrās id Col. 1. In quo habemus redemptio-
 nem in remissionem peccatorum, De Trinita-
 te, lib. 13. cap. 15. In hac, inquit, redēptione tan-
 quam pretium pro nobis datus est Christi san-
 guis, quo accepto, Diabol⁹ (& hīc habes quod
 paulò antè quæritabamus, Diabolo datum) li-
 gatus est, nō diratus, vt nos ab eius nexibus sol-
 uerēmur, nec secum eorum quenquam quos
 Christus ab omni debito liber idubiè fuso suo
 sanguine redemisset, peccatorum retribus inuo-
 lutum traheret ad secundæ ac sempiternæ mor-
 tis exitium, sed hætenus morerentur ad Chri-
 sti gratiam pertinentes electi, quatenus pro eis
 mortuus est, carnis tantum morte, non spiri-
 tus. Hanc autem redemptionem tam latè patē-
 re, vt & infantulis saluifica sit, sed baptizatis.

*Diabolo da-
 tus Christi
 sanguis.*

Idem vndecunque captans contra suos, hoc est, fidei aduersarios Pelagianos scribit Hilario Epistola 88.89. quæst. 4. adeò vt Cælestius vnus eorum in Ciuitate Carthaginensi Presbyter à fidelibus fratribus ad iudicium episcopale perductus, confiteri coactus sit baptizandis paruulis redemptionem esse necessariam, quo, inquit, non parum sibi præscripsit. Vnde enim redimendi, nisi à Diaboli potestate, in qua esse nõ possent nisi originalis obligatione peccati? aut quo pretio redimentur, nisi Christi sanguine, de quo apertissimè scriptum est, quòd in remissionem effusus sit peccatorum. Et Epistola sequenti, quæ est patrum Concilij Carthaginensis quinti, opinor, ad Innocentium 1. Rom. pont. & extat in tomo 1. Conciliorum ante Innocentianâ Epistolam. 2. de actis aduersus eundem Cælestium & Pelagium. Paruulos hi propter salutem quæ per Saluatorem Christum datur, baptizandos negant, ac sic mortifera eos doctrina in æternum necant promittentes etiã si non baptizentur, habituros vitam æternam, nec ad eos pertinere, de quibus ait Dominus, Venit Filius hominis. quærere & saluare quod perierat, Luc. 19. quia, inquit, non perierant, nec est quod in eis saluetur, vel tanto pretio redimatur, quia nihil in iis vitiatum, nihil tenetur sub Diaboli potestate captiuum; nec pro eis fusus esse sanguis in remissionem legitur peccatorum, licet per Christi baptismũ etiam paruulorum fieri redemptionem libello

Paruulũ baptizandũ redemptione necessaria.

*Reformato-
res noni sa-
eculi.*

suo Cælestius in Ecclesia Carthaginensi iam confessus sit Et concludunt, Quicumque negat paruulos per Christi baptismum à perditione liberari, & salutē percipere sempiternam, Anathema sit, Hæc illi. Dū ergo noui hodiē reformatores sic contra Pelagianos originalē in Infantulis labē asserunt, vt eos cū Pelagianis sine baptismo in Dei regnū inducant, annon hīc semipelagiani sunt? aut qua illi audacia ac temeritate pronunciant, quod non vnus Augustinus sexcenties, sed & omnis vel penē omnis retro Ecclesia pernegauit? Paulò latius progressi sumus, dum exponere volumus quo sensu Deus quæ sua sunt, acquirere, quo à malo multiplici Christus quos vili peccati mercede Diabolus emerat sanguinis sui pretio dicatur redimere, nec prius tamen ad literā regrediemur, quàm huius redemptionis non tātum sufficientiā, sed & necessitatē audiamus ex omniū dulcissimo & facundissimo Basilio in Psal. 48. *Audite vos, inquit, qui in virtute vestra confiditis*, qua humana natura ad ea quæ perficiēda cupitis, satis sit, *Et in multitudine diuitiarum vestrarum gloriamini*, imò in incerto diuitiarum speratis, 1. Tim. 6. pretio vobis redemptionis est opus, vt à seruitute in libertatem asseramini, qua victi per insidias Diaboli, quondam priuati fuistis, qui vos captiuos retinens, non prius à tyrannide sua dimittet, quàm digno aliquo vel conuenienti pretio persuasus, permutare velit. Pretium autem oportet non similis esse

generis cū captiuis, sed dignitate multò præstā-
tius, si ex iugo seruitutis captiuos emissurus sit,
Ideoque fratrem nemo redimere potest. Nullus
enim homo Diabolo persuaserit, vt eum mis-
sum faciat quem semel in seruitutē redegerit,
quē enim de propriis peccatis inidoneus ali-
quo munere placare, pro alio id facere tenta-
bit? Quid in orbe adeò magnum aut pretiosum
possidet, vt dignam habeat animæ permutatio-
nem, præsertim qua nihil in terris sit diuinius
aut Deo similis? an vires corporis, an externas
opes, an artes aut scientias? Nihil horum sanè
tam perfectum, vt ad salutem sufficiat, quòd
omnis anima humana cōmunis omnium ini-
mici iugo & seruituti subdita, libertate diuini-
tus accepta spoliata, captiua peccati est, omni
autem captivæ opus est redemptionis ad liber-
tatem recuperandam pretio. Fratrem ergo fra-
ter, nec seipsum quisquam redimere poterit,
quia multò meliorem esse conuenit redem-
ptorem, quàm captivum, aut iam seruientē. Sed
nec vllus omnino facultatē habet homo Deū
pro peccatō propiciare, peccati nimirū reus, &
peccato obnoxius, Omnes enim peccauerunt,
& egēt gloria Dei, Rom. 3. *Nō dabit ergo Deo pla-*
cationē suā, ait Dauid, *nec pretiū redemptionis ani-*
mæ suæ. Non ergo fratrem in redemptionē re-
quirit, sed eum qui nostram superet naturam,
non hominem tantum, sed hominem Deum.
Fratr erat Israëlīs Moses, non eū tamen redi-
mere valuit, aut à peccato populum liberauit,

*Fratrem quo
modo nemo
redimere
posse intelli-
gatur.*

*Moses diffide-
tia punita.*

*Sanguinis
Christi pre-
tium, inasti-
mabile.*

Dei licet aduersus eam iracundiam deprecatus, & aliquandiu propiciatus, Exod. 32. non inquam, valuit natus in peccato, placationem dare, ne pro seipso quidē. Quin & post tot ac tāta quæ vidit signa hæsitauit, contradixit, & Deum coram populo non sanctificauit, ideoque nec terram promissionis ingressus, Numer. 20. 27. Deut. 32. 33. Pronunciat ergo Dauid, *Frater non redimit, & cum grauitate Deo interrogatiue infert, redimet homo?* quod Moses vir utique tantus non potuit, alius poterit? Non dabit ergo vel homo Deo pro seipso, vel Deus propiciationem suam? Quid enim tanti momenti inuenire homo possit, quod det pro redemptione animæ suæ? Inuentū ergo est vnum pro omnibus simul hominibus dignum, sanguinis pretium, quē D. N. Iesus Christus pro nobis effudit, qui se solus Deo propiciationem dare potuit, quēque Deus propiciationem per fidem in sanguine ipsius elegit ac proposuit, Rom. 3. Hoc pretio empti redemptique sumus. Si ergo frater, ac proinde homo nos redimere nequit, qui redemit, homo non est? Noli statim quia Dominus in carnis similitudine nobiscū versatus est, hominem eum tantū putare, diuinitatis ignorans virtutem, is non habuit opus sese sua causa Deo offerre, aut placationem suā siue pro seipso dare, quia peccatum non fecit. Redimere autem seipsum, nisi veniat is, qui captiuitatem dimittat, seu populos captiuitate liberet, nō quidem in pretio, nec in muneribus,

Esa. 45. & 52. Sine argento redimemini, sed in proprio ipsius sanguine, qui nos nō fratres existentes, sed inimicos ei ob peccatum factos (nō homo item nudus, sed Deus) post libertatem nobis concessam, fratres nos appellat suos, Ioā. 20. Hebr. 2. ex Psal. 21. Igitur qui nos redemit, siquidem eius naturam consideras, neque frater est, neque homo: sin eius per gratiam ad nos descensum, nos fratres nominat, qui se ad humanitatem vsque demiserit, quique pro orbetoto, non pro se placationem dederit, non opus habens propiciatione, cū ipse sit propiciatio. Vnde sequitur in Psalmo, Verumtamen Deus redimet animam meam de manu inferi. Hæc Basilii, quibus aliud in priscis aut modernis Dominicæ redemptionis significantius nō temerè inuenias. Est apud Esa. 63. locus huic sanequàm concors, Ex siue in omni eorum tribulatione non legatus (secundum L x x.) non angelus, sed ipse Dominus saluauit eos, in dilectione & indulgentia sua, siue eò quòd diligeret eos, & parceret eis, ipse redemit eos, portauit, suscepit, exaltauit omnibus diebus seculi. Sed & Dauid totidem verbis quot Paulus, Redimet, inquit, Israël, ex omnibus iniquitatibus eius, Psal. 129. Vbi Augustinus, Sanguis innocens fusus deleuit omnia peccata nocentium, pretium tantum redemit omnes captiuos de manu captiuitatis inimici. Israël vendere se potuit, & fieri venūdatus sub peccato: redimere se non potuit: Is redimere potuit, qui se non po-

*Fratres Christi
si quomodo
simus.*

tuit vendere, qui peccatum nō commisit, redēptor est à peccato, non hoc vel illo, sed omnibus, &c. Sequitur eiusdem fructus alter, Sanctificatio scilicet in bono, *et mundaret*, purgaret, purificaret, Fide. Act. 15. sanctificaret mundans lauacro aquæ per verbum vitæ, Eph. 5. ab omnibus iniquitatibus, Ezech. 36. abluēdo sordes peccatorum nostrorū in baptismo, de quo cap. sequēti, & sic faceret, vel ita, per baptismatis scilicet emendationem, factum *populum sibi acceptabilem*, Ambrosio, Augustino de vnitatē Ecclesiæ cap. 13. De peccatorum meritis & remissionib. lib. 1. cap. 27. abundantem, Hieronymo egregium, Græci *πρῶτος* exponunt abundē dilectum, familiarem, præcipuū, nihil commune cum reliquis habentem, quasi famulum ab hero electum, qui circa Domini procurandas opes & substantiam versetur, nihil conseruis similem. Glossa interlinearis & Anselmus peculiarem, id est, proprium. Aquinas & Lyra, per baptismalem gratiam, rectam fidem & intentionem, sic vt essemus populus eius, id est, ei consecratus & peculiaris, iuxta illud, *Qui* aliquando non populus eius, nūc autem populus eius, Et, vocabo non plebem meam, plebem meam, Ose. 9. Rom. 9. 1. Petr. 1. Hieronymus sæpe secum considerans quid sibi vellent verbum Græcum, & à sapientibus seculi interrogans sicubi forrē legissent, nec inueniens qui ei exponeret, compulsus se ait ad vetus instrumentum recurrere, vnde arbitrabatur Apostolū

Hebræum ex hebræis sumpſisse, & quod ibi legiſſe ſe nouerat, hîc poſuiſſe. Quod autem reperit & allegat, non ſemel in Moſe occurrit, Exod. 19. Si audieritis vocem meam, & cuſtodieritis pactum meum, eritis mihi in peculiû, (theſaurum electum) de (præ) cunctis populis, mea eſt enim omnis terra, Deut. 4. Vos tulit Dominus & eduxit de ægypti fornace ferrea, vt haberet populû hæreditariû, Et cap. 7. & 14. Quoniam populus ſanctus es Domino Deo tuo, te elegit D. D. tuus, ſeu in te complacuit D. D. tuo, vt ſis ei peculiaris, ſeu in populum *Peculiaris populus.* *πρωτόγονοι*, ex omnibus populis qui ſunt ſuper faciem terræ. Et 26. Dominus elegit te, vt ſis ei populus peculiaris, ſicut locutus eſt tibi. Et Pſal. 134. vbi nos habemus, Elegit Iacob ſibi Dominus, Iſraël in poſſeſſionem ſibi, Aquila & quinta editio *πρωτόγονοι* expreſſerunt. L x x. & Theodotio *πρωτογονικὸν* trãſferentes, commutationem ſyllabæ fecere, non ſenſus. Hebraicum Segula, Symmachus *ἐξαιρέτων*, id eſt, egregium vel præcipuum, alibi Latinè loquens, peculiarem interpretatus eſt. Vnde quod eſt apud Latinos, panem noſtrum quotidianum, melius in Græco haberi *πρωτόγονοι*, nec multùm differre, præpoſitione tantum mutata, non verbo: Cùm enim, Eraſmo ad-dente, *πρω* ſubſtantiam ſignificet, hoc eſt, facultates & poſſeſſionem, *τὸ* circum, quod in bonis noſtris & in noſtro, vt aiunt, ære, id poſſeſſionem, hæreditatem, ſeu hæreditariû

& peculiare dicimus. Cùm item eminentiã aliquoties significet & ἑσία essentiam, eò respexerunt qui egregium verterunt, quasi dicas, reliquis antecellentem. Sic etiam accipi posse ἐπισσιον in oratione Dominica, panem illum videlicet eximiũ, qui de cælo descendit, Ioã. 6. quasi super vniuersas substantias, non vulgare illud post paululum concoquendum, & abiiciendum in secessum, Mat. 15. Marc. 7. Nec multũ sensu differre, quicquid enim egregiũ est & præcipuum, idem extra & supra omnia est. Cùm igitur quod inter primos Prophetas Moses de vetere populo toties dixerat, prophetarũ nouissimus de nouo fore prædixerit, pollicente ita vtriusque Deo, Mal. 3. Et erunt mihi in die qua ego facio in peculium, rectè magnus Deus noster & Saluator Iesus Christus redemit nos, vt Christianum populum peculiarem sibi faceret, &, quod ait alter eodem vtique spectans, 1. Pet. 3. genus electum, gentem sanctam, populum acquisitionis, siue acquisitum, quẽmque sibi vt proprium vindicat, quod ei velut in lucrum accesserit. Addit autem *sectatorem*, ξυλωτὴν, æmulatorem Ambrosio, Hieronymo, Augustino locis paulò antè citatis, ne aliter, & pro carnis ingenio viuentes, beneficium Dei irritum & inane faciamus. Oportet ergo primum bona sint opera, nam ad bene operandum datur baptismi gratia, Quid enim maneremus in peccato, vt abundaret gratia? Absit. Rom. 6. Ea ergo ne in vacuum recipiatur,

Operum bonorum necessitas.

tur, 2. Cor. 6. & hunc ordinem hic notat, Dominus prius ab imperio Diaboli & fragilitate carnis eruit, dehinc ab omni delicto mūdatur, & hoc vtrunque in baptismo, pōst per bonorū, vt ait, operū positionē Deo facit magis ac magis acceptos. Ad hoc enim, inquit Ambrosius, redemit nos Christus, vt puram vitam sectantes, repleti bonis operibus, regni Dei hāredes esse possimus, Nec verò sufficit bene vtrunque operari, Maledictus enim qui facit opus Domini negligenter, Hier. 48. iuxta. l. x. x. Græci ergo Græcæ vocis emphasim obseruantes, secundò notant non simpliciter à nobis opera bona exigī, sed cum zelo, id est, magna cū animi promptitudine & alacritate, cum ingenti studio, & feruore quodam & quidem ardentissimo, vt in capessenda virtute vehementia quedam nobis adsit prorsus laudabilis. Tertiò, Dominicæ quidem benignitatis proprium fuisse, nos tot antè malis oppressos, & adeò desperabiliter languentes eripere, qua sola factum est vt præcedentia delicta nobis remitterentur, Rom. 3. quæ verò sequuntur, opera, & illius & simul nostra sunt: sic vt ad solum Deū & Christum eius nostra spectet redemptio, ad nos verò, nostrarūque partium sit opera recta sectari, & in eis per eius gratiam perficere ac perseuerare. Proinde cū & eorum quæ à nobis sunt necessitatem vbique veteres Orthodoxi tam diligenter vrgeant, non sine magno bonorum damno noui hodie reformatores contra

Zelus in bonis operibus requisitus.

pronunciant. Quartò, quia hic inter mundantia reponit, & diuinorum præceptorum operationem & virtutē, vetus Theophylacti versio, nobis alia quærendi autor præter fidem & baptismum mundantia, contenti erimus vno omnium purissimo Augustino. Est igitur omnis anima immunda, nihil aliud quàm vitiis & erroribus inquinata, Libro vno de Vita beata. In secūdæ dici disputatione, & immūdi omnes, quos non mūdāt Christi Fides. In Enchiridio, cap. 75. Idem verò tractans quomodò purgentur hæretici resipiscentes, contra Cresconium, lib. 2. cap. 12. Ideò (ait) vobis (Donatistis) mundari non videntur, cū ad nos à vobis transeunt, quia non denuò baptizantur, quasi solo baptismo, quem repeti non oportet, cū idem atque vnus est, homines ab errore mudentur. *Mundantis* *qua sunt.* MUNDANTVR & verbo veritatis, ab illo qui ait, Iam vos mundi estis, propter verbum quod locutus sum vobis, Ioan. 15. & sacrificio contriti cordis ab illo de quo dictum est, Sacrificium Deo spiritus contribulatus, &c. Psal. 50. & eleemosynis ab illo qui ait, Date eleemosynam, & ecce omnia munda sunt vobis, Luc. 11. (Sed de hoc loco suprà ad finem cap. 1. huius, quæstiuncula 3.) & ipsa quæ nobis superueniet omnibus charitate, 1. Cor. 12. 13. ab illo qui per Apostolum dixit, Caritas cooperit multitudinem peccatorū, 1. Petr. 4. Quæ vna si adsit, omnia illa recta fiunt, sin desit, omnia frustra fiūt. Et cū aliàs aliquoties, tum libro de x. chordis

cap. II. scribit quotidiana peccata, quæ propter humanam fragilitatem non possunt nõ in animam subrepere, vt quæ per linguam adeò facillè committantur, verbum durum, immoderatũ risum, modi in alimentis plusquam necesse sit, accipiendis, in vxoris amplius quàm liberorum procreãdorum cogat necessitas, vsu, excessum: hæc & talia, non contemnenda, quia minora, sed cauenda, quia plura, & quorum si nõ magnitudinis, at certè multitudinis timèda sit ruina, misericordiæ exercitiis, eleemosynis, ieiuniis orationibus mundari, non vnus Augustini, sed omnium patrũ catholicus est consensus. Mundant igitur & suo modo opera, nedum Fides, sed fidei prius mundantis, & Dei in nobis cooperantis gratiæ opera, etiã si mundare & sanare in spiritualibus rebus, eodẽ teste, idẽ valeat; lib. 2. contra Parmenianũ, cap. 14. Sed sicut spe salui facti, Rom. 8. ita spe mũdati per Dei gratiam sumus in perfecta salute ac munditia.

Peccata quotidiana quomodo mundanda.

Opera etiã mundant, nedum fides.

Hæc loquere & exhortare, & argue cum omni imperio. Nemo te contemnat.

IN hoc fragmento Paulus Titum inducit ad gratiæ, vel potius totius superioris doctrinæ prædicationem: Et primum quidem ad prædicandum hortatur, mox

etiā prædicandi modum præscribit. Tria autem posuit, quorum primum ad doctrinam videtur esse referendum, *Hæc*, Deum scilicet apparuisse per gratiam, & venturum cum gloria, *Loquere*, iis qui nesciunt, & quæ ad credenda spectant, ignorantes doce, & *exhortare*, tum doctrina, tū exemplo, ad agenda, iam scientes ad melius inducendo, ut præparent se dignos secundo aduentui, Omnis sermo tuus in hac exhortatione consistat, ut ita viuant. quāquā Hieronymus notat verbum παρακαλεῖ aliud quoddam in Græco significare, quippe παρακαλεῖς consolationē magis quā exhortationem sonat, quod tamen verbum suprā, Iuuenes similiter hortare, &c. ita ut in Latino legitur, ut & hīc reliquit. Consolatur autem audientem, qui toties rogat, hortatur, obsecrat, & seipsum humiliat & subiicit, ut eum quem consolatur, lucrifaciat. quod verò tertium est, *argue*, ut reliqui, ut idē legit, *increpa*, consolationi videtur contrarium, ut qui consolationem contempserit, increpatione dignus sit, & mereatur audire, obliti estis consolationis, quæ vobis ut filiis loquitur, Hebr. 12. Alteram quoque legimus, 2. Tim. 4. tum consolationem, tum increpationē, Instā, inquit, argue, increpa, consolare, vbi increpatio antē assumitur, post consolatione seueritas temperatur: hīc contrā antē vult discipulos consolari, & si non profecerint, tunc corripī, cum omni imperio, sic enim intelligendum est, ut specialiter ad increpationem, & non ad duo superiora in com-

munere referatur, nec enim dicere conuenit, Lo-
quere, solare, vel hortare cum imperio. & con-
sentiunt reliqui vtriusq; linguæ interpretes, cõ-
rẽptores nimirũ & resistẽtes, quique non ita vt
docet & exhortatur, viuunt, admonitos obedi-
re renuentes, acriter atque seuerè increpandos,
negligentes, & rebelles cum Episcopali seueri-
tate arguendos, cum fiducia diuinæ autorita-
tis: Et Episcopus enim vt Dei minister loqui-
tur, 1. Cor. 4. Est autem vbi parcè in exhor-
tando loquatur, infirmitatem propriam con-
siderando, Omnium, inquit, me seruum fe-
ci, primæ Corinthiorum nono. Et, nos au-
tem seruos vestros per Iesum, 2. Corinth. 4.
Est vbi imperiosè considerando auctoritatem
commisam, An experimentum quæritis eius
qui in me loquitur Christus? secundæ Corinth.
decimotertio, breuiter cum mansuetudine ad
bonos, cum austeritate ad obstinatos. Omniũ
optimè Græci distinguunt, esse peccata quæ mo-
destia, dissuasione, dehortatione tantũ
indigeant, vt homines, exempli gratia pecu-
nias contemnant, admonitione & persua-
sione opus est: esse item quæ imperio & seueri-
tate opus habeant, furta, homicidia, stupra, ve-
neficia, magica, &c. non simpliciter, sed cum
imperio arcenda & compescenda, Quæ quoniã
gladio materiali potius magistratus, quàm spi-
rituali sacerdotis (quanquàm & hoc quoque)
refecanda sunt, melius volunt qui sic exponũt,
Non quòd iubeat pastorem esse imperiosum,

*Episcopalis
seueritas vbi
exercenda.*

*Peccata alia
aliter tractã-
da.*

sed quòd velit hæc diligenter populo mandari
atque iniungi. Oportet, inquit Theodoretus,
eum qui est in diuinis disciplinis eruditus, nec
ignauè nec remissè, nec vlla cū timiditate hoc
facere, sed cum libertate docere, & vbi opus
est, increpare. Et qui hîc caput tertium inchoat
Ambrosius, Quæ spes, ait, credētium sit admo-
net Paulus, vt manifestet Titus, vt sciant qui
arguuntur, cui bono præparatur, nec asperè ac-
cipiant, certi quia pro sua salute corripuntur.
Sic enim Gregorius, lib. 2. cap. 7. Moralium, &
post eum hoc loco Anselmus, Imperij nomine
Paulus hîc auctoritatem suadet vitæ, non domi-
nationem potentia. Cum imperio quippè do-
cetur, quod prius agitur quàm dicatur, nā do-
ctrinæ fiduciam subtrahit, quando conscientia
linguam præpedit, non tam ergo potestatem
valere locutionis, quàm bonæ insinuat actio-
nis. Vnde de Domino scriptum, Erat docens si-
cut potestatem habens, non sicut Scribæ &
Pharisæi, Matt. 7. Marc. 1. Singulariter namque
ac principaliter solus ex potestate bona locut⁹
est, quia ex infirmitate mala nulla operatus, ex
diuinitate quippè potentiam habuit, id quod
nobis per humanitatis suæ innocentiam mini-
strauit. Iam quòd Timotheus cum patientia,
Titus cum vehementia concionari iubetur, bis
composuimus, 2. Tim. 4. & ad initium vltimi
Commentarij in cap. 1. huius, Scholia Græca
causantur Cretenses, quòd moribus essent
asperioribus, fuisse durius arguendos, Ansel-

mus post Gregorium, & Aquinas, Titum naturaliter fuisse valde mitem, vt præ nimia lenitate sermo eius inefficax esse potuerit, nisi cum autoritate imperij feruentior esse iuberetur. Quod imperij tamen nomine (sicut præmissum est) autoritas vitæ præcipuè designetur, ex eo declaratur quod protinus additur, *Nemo te contemnat*, id est, talem te exhibe tum vitæ, tum verbo, qui contemni à nemine possis, autoritatem enim verbi ac doctrinæ, vitæ facit, quanquàm quia superiora tria verba ad doctrinam pertinent, propior literæ sensus est, vt velit Titum non tantum non vitæ simplicitate despici, sed sic opportunè omnia loqui, vt ne nimia in obiurgando humilitas contemptibilem eum reddat suis subditis, & sic autoritatis pontificiæ siue Ecclesiasticæ contemptum generet. Sic enim Græca Scholia submonent, Paulum etiam velle Episcopum alicuius esse potestatis ac autoritatis. Existimet aliquis idem nunc scribi, quod, primæ ad Timotheum quarto, adolescentiam tuam nemo contemnat. At Hieronymus iuxta Græci sermonis differētiam aliud putat significare hîc *πρὸς τὸν τίτον*, aliud illic *καταφρονεῖτω*, præpositiones enim sensum facere diuersum, quibus etiam, nedum verbis & nominibus Paulum non fortuito, nec vt libet, sed pro varietate causarum, vti ex his pauculis perspicuum est, Mu-

*Titus, lenis
ac mitis na-
tura.*

*Autoritas
pontificia.*

*Præpositio-
num vis &
energia.*

lier ex viro, vir per mulierem, 1. Cor. 11. ex eo,
 per eum, in ipso sunt omnia, Rom. 11. Paulus
 Apostolus non ab hominibus, neque per ho-
 minem, Gal. 1. Existimat itaque *καταφρόνῃσι*
 propriè ad contemptum pertinere, cùm quis
 inter equuleum laminasque distectus, nec iudi-
 cis comminationem, nec circumstantis populi
 fremitu pertimescens, pro martyrij confessio-
 ne dolorem contemnit, & vniuersa supplicia
 despicit, Cui contrarius est & malus contem-
 ptus, de quo Habac. 1. Videte contemptores, &
 inspicite mirabilia, & disperdimini. Timotheo
 itaque scribit sic, Nolo te talem exhibeas, vt
 possis meritò ab aliquo cõtemni. At *πριφρόνῃσι*
 sonat, Stoicis præsertim, qui subtiliter inter
 verba distinguunt, cùm quis sibi confidens se
 alio meliorem esse despicit quem inferiorem
 putat, & super, id est, plus sapiens, humiliorem
 existimat contemptu dignum. Tale quid intum-
 escens superbiæ vanitate, cælum solém-
 que despiciens apud Græcos quidam dixisse
 deluditur, Socrates in Aristophanis nebulis
 Erasmo indicâte, *ἀεροβατῶ καὶ πριφρονῶ τὸν ἥλιον*,
 quod Latinè vertit Hieronymus, Scando per
 aërem, & pluris me esse noui quàm solem. Tito
 ergo dicitur, Nemo eorū qui in Ecclesiis sunt,
 per te segnitè sic viuat, vt se meliorem esse
 putet. Qualis enim discipuli ædificatio, si se in-
 telligat magistro maiorem? Vnde non Episco-
 pis solūm, Presbyteris, diaconis magnoperè
 prouidendum, vt cunctum populum cui præsi-

dent, conuersatione & sermone præcedant, sed *Clerici laicis præstare debent.*
 & gradus inferior, exorcistæ, lectores, æditui,
 & omnes omninò qui domui Dei seruiunt, quia
 vehementer Ecclesiam destruit, laicos melio-
 res esse quàm clericos. Habes hîc obiter ordi-
 num in Ecclesia veteri, præter scriptos à Paulo,
 mentionem, testimonium, ac differentiam. Et
 verò cum eodem quod & alibi idem queritur,
 obseruemus ac gemamus, clericos post tanta
 beneficia vertisse in contemptum priuilegia
 dignitatis, ad id Hier. 2. Sacerdotes non dixe-
 runt vbi est Dominus, & ad id Thren. 4. Quo-
 modò obscuratum est aurum, mutatus est co-
 lor optimus? Cùm quorundam (ait) qui agere
 religiose credebantur, existimatio ante acta
 minuitur, nam cùm quilibet post sanctitatis
 habitum terrenis se actibus inserit, quasi
 colore permutato, ante humanos
 oculos eius reuerentia despe-
 cta pallefcit,
 &c.

*Admone illos principibus & potestatibus
subditos esse, dicto obedire, ad omne opus
bonum paratos esse. Neminem blasphemare,
non litigiosus esse, sed modestos, omnem
ostendentes mansuetudinem ad omnes ho-
mines.*

Hucusque Paulus Titum instituit su-
per Ecclesiæ regimine, iuxta gradus
speciales & singulos status: iam in-
stituit generaliter, & quoad omnes:
ut se omnes inquàm, & singuli gerere habeant
erga principes primùm, mox ut ad æquales, tum
etiam erga hæreticos. Primùm ergò monen-
dos omnes præscribit, qualiter ad superiores se
habeant, quidque iis debeant, Subiectionis ni-
mirùm reuerentiam, & iussionis obedientiam.
Dixi, inquit, de quo tuos utriusque sexus, cuius-
vis ætatis & conditionis admoneas, ne quod
conclusi cum summa interim autoritate & im-
perio monendos, opineris commissum tibi po-
pulum, tibi tantùm subiici debere, non etiam
mundi huius Regibus, principibus, & seculari-
bus eorum magistratibus, hæc remouet dicēs,
*Admone illos, quosnam? generatim omnes, ne
iterum putes seruos tantum Dominis subesse
suis debere, non etiam ingenuæ cōditionis ho-
mines, & à seruili conditione alienos, tamen*

principibus ἀρχαῖς principatibus, sic enim magis sonat. Notat Hieronymus & potestatem significare. Maioribus ergo primum, ut Regibus, quia prima & maxima sunt populorum capita, tum & *potestatibus*, minoribus, ut ducibus, consulibus, tribunis, & similibus, qui sub illis potestatem super alios habent, ut vulgus vocat, officialibus *subditos esse*, parere, soluendo tributa & census eis debitos, dicto obedire, q. d. ad solum eorum verbum imperata facere, ne oporteat eos violentia cogi. Ambrosius & Hieronymus, dicto omisso, simpliciter verterunt *obedire*, Græcis *ὑποτάττειν* propriè est magistratibus parere. Et quia poterat his qui tormenta formidant, occasio ad negandum dari, dum iuxta hoc Apostoli dictum, assererent se principatibus subesse, & quod iuberent, facere, subiecit, *ad omne opus bonum*, ut siquidem bonum est quod precipit vel Imperator, vel præsēs, iubentis obsequare voluntati: Sin malum est, & contra Deum sapit, ut vel idoli culturam, vel quodlibet nefarium, respondeas, obediendum Deo magis quàm hominibus, Act. 4. 5. Quod & supra de seruis, vxoribus, filiis, apud Dominos, maritos, parentes, obseruauimus, quod his illi in iis tantum debeant esse subiecti, quæ contra Dei mandata non veniunt. Hæc cum Hieronymus admonet, cum superioribus copulat, & hucusque finit, quasi aliud proprium & speciale præceptum sit, quod sequitur, *paratos esse*,

*Reges prima
& maxima
populi capi-
ta.*

*Subiectio
quatenus præ-
standa.*

ut quæcunque euenire pōssunt, sibi in animo præfigurent, & cū acciderint, nihil quasi nouum sustineant, sed eis præparata sint omnia.

Verū aliter, quod & idem monet, tum legūt tum exponunt alij, Ambrosius & Primasius, ut ad malum tardi sint, ad bonum verò parati, ad malum nunquam, non nescij quid singulis persolui oporteat. Græci quoque, Quia tunc temporis impij rerum potiebantur, admonet, magistratibus etiam infidelibus parēdum, id licet indignum se quidā iudicarent, sed necessariam distinctionem subiunxit, & qui debeat haberi in ea subiectione, modum, hunc scilicet, ut ad omne bonum eis se subiicere parati sint, nec enim iis in omnibus utcunque parendum, & vctigal quidem & tributum conferēdum, & honorem qui eis cōuenit, tribuendum: ad impietatem verò, aut quod alioqui animæ noceat, aliquid iniungentibus apertè contradicendum, certè non obediendum. Qui aliter, ad malum scilicet prompti & expediti sunt obedire, minime quo vult modo Paulus, superiorib⁹ subesse & parēre parati sunt, Nec enim promptitudo sola necessaria est, sed etiam discretio, ut eis in illicitis minus sit obtemperandum. Vnde hīc (exempli gratia) negat Aquinas milites teneri in bello iniusto, apertè inquam, iniusto, alioquin hoc scholion simpliciter scriptū, nec expositum offendat, ordo naturalis mortalium paci

*In illicitis
non obediendum
superioribus.*

*Militibus ob
seruanda.*

accommodatus hoc poscit, ut suscipiendi belli autoritas atque consilium penes principes sit,

exequendi autem iussa bellica ministerium milites debeant paci salutique communi. Quod si humana cupiditate geritur, non nocet Sanctis, in quos non habet quisquam potestatem, nisi desuper datam, Ioan. 19. Non est enim potestas nisi à Deo, siue iubente, siue sinente, Ro. 13. Vir ergò iustus sub Rege fortè sacrilego militans, rectè potest sub illo bellare, ciuicæ pacis ordinem seruans, cui quod iubetur, vel nō esse cōtra Dei præceptum certum est, vel vtrum sit, certum non est. Ita vt fortasse reum faciat Regem iniquitas imperandi, & innocentem militem ostendat ordo seruiendi, in can. Quid culpat, 23. q. 1. ex Augustino cōtra Faustum, lib. 22. cap. 75. Declarat & id in Psal. 124. Iuliani exemplo non iniqui tantum, sed & Apostatæ ac idololatæ, cui tamen Imperatori infideli milites seruierūt Christiani: vbi veniebatur ad causam Christi, non agnoscebant nisi eum qui in cælo erat. Cùm volebat vt idola colerent, vt thurificarent, præponebant ei Deum. Cùm dicebat, Producite aciem contra illam gentem, statim obtemperabant, Distinguebant Dominum æternum à temporali, huic tamen etiam propter illum erant subditi. Redeo ad Paulum qui tale quod & hîc ad Rom. 13. scribit, Omnis anima potestatibus sublimioribus subdita sit, Non est enim potestas nisi à Deo, quæ autem sunt, à Deo ordinata sunt, Itaque qui potestati resistit, Dei ordinationi resistit. Qui autē resistunt, damnationem sibi acquirunt. Nam

Iuliani apostata milites Christiani.

Principes timori sunt operis mali, non boni. Vis ergò potestatem nō timere? bonum fac, & laudem habebis ex ea. Dei enim minister est tibi in bonum. Sin malū feceris, time, Nō enim sine causa gladiū portat. Dei, inquàm, minister est, vindex in iram ei qui malè agit. Ideóque ne cessitate subditi estote, non solum propter irā, sed etiam propter conscientiam. Ideò enim & tributa præstatis, Ministri enim Dei sūt, in hoc ipsum seruientes. Reddite ergò omnibus debita, Cui tributum, tributum: cui vectigal, vectigal: cui timorem, timorem: cui honorem, honorem. Breuius, 1. Pet. 2. Subiecti estote omni humanæ creaturæ (siue ordinationi) propter Dominum, siue Regi, quasi præcellenti, siue ducibus (præsidibus, prætoribus) tanquam ab eo missis ad vindictam malorum, & laudem bonorum. Omnes honorate, Regem honorificate.

Digressio x.

Iuda Galilæi dogma perniciosum Iudæis.

Hoc autem præceptum & hîc & ibi propterea putat æditum Hieronymus, quia Iudæ Galilæi, cuius etiam, Act. 5. fit mentio, dogmatum adhuc vigeat, & plurimos habebat sectatores, qui inter cætera hoc quasi probabile præferebat ex lege, nullum debere Dominum nisi solū Deum vocari, eosque qui ad templum decimas deferrent, Cæsari tributa non reddere. Et hic præposteræ libertatis prætextus exitio

fuit vltimo Iudæorum genti, nomini, & nationi, dum inter eorum sectas Macchabæis participantibus subortas, quarta, eodem Iuda autore, tanto licentiæ magis quàm libertatis amore flagrauit, & sic solum Deum Dominum habendum credidit, vt facilius quanlibet exquisita pœnarum genera perferret cum suis cognatis, quàm mortalem aliquem appellaret Dominum. Declarauit hoc Eleazarus trium Hierosolymæ obsessæ tyrannorum longè seditiosissimus, postrema ad reliquias obsessorum Iudæorum concione, sibi videlicet suisque similibus omnino decretum, nec Romanis, nec alij cuiquam, nisi Deo, seruire, soli quippe vero & iusto hominum Domino, sic vt se potius cum coniugibus, liberis, famulis, & familiis omnibus non vna morte interficerent, quorum miserandam pertinaciam secuti Sicariorum reliqui, Hierosolymis Alexâdriam & Thebas profugi, omni tormentorum genere in eos excogitato, & à Romanis victoribus exercito, nec ad vnum quidem vel puerum cesserunt, vt Cæsarem Dominum faterentur vel nominarent. *Iudæorum vltimum exitum.*

Mac Iosephus Antiquitatum lib. 18. cap. 2. De bello Iud. lib. 7. cap. 28. 29. Simili obstinatione ferunt aorum nostrorum memoria Attrebati quosdam maleferiatos Belgas odio nominis Francici sculptis per muros & parietes publicos furcis, appensis albis crucibus, quasi Regem (erat autem Rex tum Ludouicus XI.) *Eleazari seditio.*

Francosque suspendio dignos arbitrarentur, *Dominum vel appellare Cæsarem nec morte compelli potuerunt Iudæi.*

Attrebatensis obstinatio.

cùm ob perfidiam capite damnati securim ceruici districtâ vel vnico verbo euadere possent, mori maluisse, quàm dicere, Viuat Rex. Gagui-
 nus lib.x. Quod vt obiter, ita sine contumelia dictum sit, nulla enim mihi cum quoquam illic simultas, cum multa contrâ nobilitate nonnulla affinitas. Et verò viuat eius gentis princeps Rex Catholicus, & rectè viuat, hoc est, iuxta Horatium, curet, quod & facit, esse quod audit. Vt ad rem redeam, Superior Iudæorum hæresis in tantum creuerat, vt etiam Pharisæorum, & multam populi partem conturbaret, ita vt ad Dominum quoque nostrum referretur hæc quæstio, Licet Cæsari dare tributum, an non? Quibus prudenter cautèque responderit, Reddite quæ sunt Cæsaris, Cæsari: quæ sunt Dei, Deo, Matt.22. Marc.12. Luc.10. Quàm igitur falsa, Hunc inuenimus prohibentē tributa dare Cæsari, dicentem se Regem esse, Omnis autem qui se Regem facit, contradicit Cæsari, Luc.13. Ioan.19. Cùm Dominus pro se & Petro tributum censumque pependisset, Mat.17. & interrogatus à Pilato, num Iudæorum Rex esset, apertè negasset Regnum suum hinc & inde hoc mundo esse, Ioan.18. Eadem Paulum & cō ministros vanitate calumniabantur Thessalonicæ Iudæi, sic, Hi omnes contra decreta Cæsaris faciunt, Regem alium dicentes esse, Iesum. Act.17. Non enim habemus Regem, nisi Cæsarem, Ioan.19. Dominico ergò tum exéplo tum responso Apostolus congruens, docet credentes

*Christi ex
 plo magistra
 tibus paren-
 dum.*

*Principibus
& pontifici-
bus vt conue-
nire possit.*

*Indei mur-
muratores.*

que potestas, Christianos nimirum & principes pro æterna vita pōtificibus, & pontifices vicissim pro rerum temporalium cursu principibus indigere, quod est Nicolai I. Papæ ad Michaële Imperatorem, in can. Cū ad verum. Dist. 96. proinde principes sacerdotibus terrena potestate sic dominantur, vt & eis excellenti consideratione propter eū, cuius & serui sunt, & angeli, reuerentiam impendant. Quod est Gregorij I. ad Mauricium Imperatorem consilium in can. Sacerdotibus. II. q. I. ex Registri lib. 4. Epist. 31. Hic tantum agemus, quod Apostolus, potestates ex diuina ordinatione procedere, proin eis siue obediatur, siue resistatur, non hominibus tantum, sed Deo quoque resisti vel obediri, à quo ex vel instituuntur vel destituuntur, quod est Lyrense scholion. Israëlitis igitur toties cōtra Moysen & Aaronem summos eius pollicie magistratus murmurantibus ij respondet. Vos murmurastis cōtra Dominum, quos enim quid sumus, qui iussitastis eum? Nos? nec cōtra nos est murmur vestrum, sed cōtra eum, Exod. 16. Et Numer. 16. de Rebellionē Chocē & complicum, Omnis globus tuus est cōtra Dominū, quis est enim Aaron, vt murmuretis cōtra eum? Principi ergo populi non maledicendum, Diis æquē, hoc est, iudicibus (sub principe constitutis) non detrahendum idem voluit, Exod. 22. sed iudicis, qui præsuerit, iudicio standum, sequendam eius sententiam: superbientem cōtra morte puniendum,

Deut. 17. Et subdit constituendum Regem; siquidem constituere velint, cum quem Dominus elegerit. Samuelem ergo tot annos eis iudicem iam seniore, vel potius eius filios iudices ab eo constitutos, sed degenerantes, fastidientibus, & Regem ab eo reliquarum gentium instar flagitantibus, dixit eidem Dominus, Non te abiecerunt, sed me, ne regnem super eos, sicut me dereliquerunt, & Diis alienis seruiuerunt, sic faciunt etiam tibi, 1. Reg. 8. De Saule autem Rege horum primo diuinitus instituto atque destituto, Ecce (ait inungens eum idem Samüel) vnxit te Dominus super hæreditatem suam in principem. *Reges à Deo constituti.*

10. & 15. Nonne cum paruulus esses in oculis tuis, caput in tribubus Israël factus es, vnxitque te Deus in Regem? Nunc autem proiecit te Dominus, ne regnes, scidit à te regnum, & tradidit meliori te. Hinc Dominus. Ose. 13. Dedi tibi Regem in furore meo, & abstuli in indignatione mea. Et Act. 13. Paulus, postulantibus Regem dedit Saulem, quo amoto, suscitauit Dauid, vt esset Rex, quod & hic agnoscens psallit Domino, Qui dat salutem Regibus, magnificans salutes Regis, docens manus meas ad prælium, & digitos meos ad bellum, 2. Reg. 22. Psal. 17. 143. Et apud huius filium Salomonem per æquè à Deo creatum Regem, æterna & increata Sapientia Dei Filius, Per me Reges regnant, principes imperant, potentes &

*Saul, rex yn
Etu.*

Dauid rex.

Salomon rex.

*Regnant e-
tiam mali.*

*Iudicibus a-
nimaduertē-
da. monitio.*

*Senatus Pa-
risiensis audi-
torium inan-
rati tecti.*

legum conditores iusta decernunt, Prouer. 8.
& Sap. 6. Audite ergo Reges, & intelligite, di-
scite iudices finium terræ. Præbete aures vos
qui continetis multitudines, & placetis vobis
in turbis nationum, quoniam data est à Domi-
no vobis potestas, & virt⁹ ab altissimo. Regna-
re autem non bonos tantum, sed & malos, Deo
ita disponente, cōstitit ex schismate, sub huius,
Salomonis inquam, filio Roboamo, rebellan-
te huic Hieroboamo, cum domo Iuda & tribu
Beniamin contra Israëlem rebellem pugnare
paratis, misso Dominus propheta, Non ascen-
detis, ait, neque bellabitis cōtra fratres vestros
Filios Israëli. Reuertatur vir in suā quisque do-
mum, à me enim factum est verbū hoc, 3. Reg.
12. quod & multò antè S. Iob dixerat ita, Qui
regnare facit hypocritam propter peccata po-
puli, ad eum scilicet affligendum, qui Reges in
folio collocat in perpetuū, & ij eriguntur, Iob.
34. 36. Iudicibus quoque oppidatim constitutis
Iosaphat Rex sanctissimus sic præcipiebat, Vi-
dete quid faciatis, non enim hominis exercetis
iudicium, sed Domini, & quodcunque iudica-
ueritis, in vos redundabit, 2. Paral. 19. γινώσκω
faciem auream, & omninò dignissimam, quā Se-
natus Lutetiæ amplissimi auditorium, quod la-
queati tecti & inaurati vocant, non in parieti-
bus modò pictam, sed & in cordib⁹ inscriptam
habeat. Sic Esaias, cap. 6. Deum Regali habitu
sedere conspexit, vt agnosceret nisi à Deo re-
geretur Reges, eos, cum sint homines, nihil re-

gere posse rectores, vt concionatur Petrus Chrysologus (floruit is sub Martiano Augusto bonis adhuc & doctis temporibus) Serm. 131. Et Dominus De⁹ de Rege Cyro, profano quidem principe, sed populi sui liberatore tantò post futuro, apud eundem prophetam, cap. 44. & 45. Pastor meus es, omnem voluntatem meam complebis, cuius apprehédi dexteram, vt subiiciam ante faciem eius gentes, dorſa Regum vertam, aperiám coram eo ianuas: Ante te ibo, gloriosos terræ humiliabo, portas conteram, vectes cōfringam. Dabo tibi thesauros, vocaui te, cognominaui te, accinxi te. Suscitavi eum ad iustitiam, omnes vias eius dirigam. Et quamobrem, quæso? propter seruum meum Iacob, Israël electum meam, meam ille ædificabit ciuitatem, captiuitatem dimittet. Hoc autem annis post 210. Cyrum ex Esaia lectione rescivisse testis est Iosephus Antiquitat. lib. 11. cap. 1. admiratúmque prophetæ diuinitatem, correptum fuisse cupidine exequendi quæ scripta legerat, credentem in Deum quem Israëlita adorabant. sicut & in sacris scriptum est, Et suscitavit Dominus spiritum Cyri Regis Persarum, qui iussit prædicari in vniuerso Regno suo etiam per scripturam ita; Omnia Regna terræ dedit mihi Dominus Deus Cæli, vt erædificarem domum in Hierusalé, 2. Paral. 36. Esdr. 1. Et certè Regem hunc diuinitus seruatum vel ex profanis discimus; quod & agnoscebat, eique scribens suggererebat eius quon-

Cyrus quomodo in Deum credideris.

dam infantuli expositior Harpagus, nimirum nisi Diis respicientibus, in tantum fortunæ non peruenturum fuisse. Rectè, si Deo respiciente dixisset. Supra hominem certè fuit

*Cyri res mi-
randa.*

Cyri tum genitura, tum expositi conseruatio, tum regnantis qua aduersus hostes vsus est, fœlicitas: quancunque enim gentem is inuadebat, ea gens nullo pacto euadebat, ait Herodoti Clio, Iustinus lib. 1. & c. De cuius etiam successoribus testatur idem Scriptura, quòd conuerterit Dominus cor Regis Assur Darij ad Iudæos, vt adiunaret manus eorum in opere domus Domini, quòd dederit in cor Regis Artaxerxis, vt glorificaret domum Domini in Hierusalem, 1. Esd. 6. 7. Et ita quidem Dominus de Cyro Christo suo, populique sui, vt dixi, liberatore. Quid igitur de

*Nabuchodo-
nosor Chris-
ti seruum.*

impio gentis eiusdem captiue tyranno? Quoties seruum eum suum, quoties columbam vocat? Hierem. 25. 27. 46. 50. Ego (inquit) feci terram & homines, & bestias & iumenta, & in fortitudine mea magna & brachio meo extento dedi ei qui placuit in oculis meis. Et nunc itaque omnia hæc dedi in manus Nabuchodonosor Regis Babylonis serui mei, & assumam eum & adducam super terram hanc, & seruiant ei Reges magni, gentes multe, adeoque omnes, & filio eius, & filio filij eius, donec veniat tempus terræ & ipsius. Et facta est terra in desolationem à facie iræ & gladij columbæ Domini. Eius ita-

que somniorum, & Baltasari eiusdem filij visionis interpret Daniel, cap. 2. 4. 5. Mutat (inquit) Deus & ætates & tempora, transfert Regna atque constituit Dominus excelsus, & potestatem habet altissimus in regno hominum, quod cuicumque voluerit, dabit, & hominem vel humillimum super illud suscitabit atque constituit. Dei quoque optimi maximi, semperque viuentis beneficio Rex magnus Artaxerxes regnum sibi patribusque suis traditum, conseruatumque, idem nimirum à Mardocheo, quod superiores ab Esaia & Daniele, edoctus, publico scripto professus est, Ester. 16. Regnorum autem tum institutionis, tum etiam translationis causam, præter eam quam superiores catechistæ catechumenis suis Regibus reddiderunt, vt hæc scilicet ij de Deo sentirent, scirent quòd homines essent, Filij quidem excelsi, adeoque Dij, sed sicut homines, morituri, Psal. 81. & sic sentientes, intelligerent, erudirentur iudicaturi terram, seruirent Domino in timore, disciplinam apprehenderent, electum Dei Filium oscularentur & adorarent, Psal. 2. 71. gloriam eius timerent, 101. confiterentur, cantarent in viis Domini, omnia denique oris eius verba audirent, 137. Præter diuini inquàm, nominis gloriam & populorum salutem, addit & hanc tertiam Sapiens, Principatus sensari stabilis erit, Rex insipiens perdet populum suum, In manu Dei potestas terræ : & execrabilis omnium

Artaxerxes
rex.

*Baltasarum
rex à Danie-
le de Deo do-
ctus.*

gentium iniquitas, vtilem rectorem suscitabit in tempus super illam. In manu Dei potestas hominis, super faciē scribæ imponet honorem suum. Odibilis coram eo & hominibus superbia. Regnum à gente in gentē transfertur propter iniustitias, iniurias, & contumelias, & diuersos dolos, Ecclesiastici 10. Sed ne hæc quidem celauerat Baltasarum Regem Daniel propheta, ô Rex, inquit, Deus altissimus Regnū, magnificētiā, gloriā, honorem dedit patri tuo, præ quibus vniuersi populi, tribus, linguæ tremebant eum ac metuebant. Quos volebat, interficiebat, percutiebat, exaltabat, humiliabat (en non tantū fortè potestas, sed & iniquitas, iniuria, & iniustitia.) Cū autem eleuatum est cor eius, & spiritus ad superbiam obfirmatus (en superbiam & insipientiam) depositus est de solio Regni, à filiis hominum eiectus, cum bestiis habitauit, donec Deum cognosceret, &c. Tu quoque filius eius, cū scires hæc omnia, non humiliasti cor tuum, sed aduersus dominatorem cæli eleuatus, Deos qui non sentiunt, laudasti, Deum qui flatum tuum, & omnes vias tuas habet in manu sua, non glorificasti. Idcirco numerauit Deus regnum tuum, cōpleuit illud, diuisum est, & datū Medis ac Persis, dictum simul & factum, euersis eadem nocte Baltasaro cæso Chaldæis seu Assyriis, & aliquantō post per Cyrum Persam Medis, multò item post Darium euersurus Dominus Deus Persicam monarchiam, Alexandro Philippi

Alexander

Macedonum Regis filio, cuius ad id Imperium *Macedo in Pamphylicū mare peruiū.* destruendum opera vti decreuisset, inter alia Maiestatis suæ magnalia, mare Pamphylicum, vt Moyſi olim Erythræum Exod. 14. eiúsque exercitui peruium fecit. Quòd cū Iosephus Antiquitat. lib. 2. cap. vltimo, ab omnibus scriptoribus, qui Regis eius res gestas scripserunt, testatum esse autor sit, mirū in eorum, qui quidem extent, adeò non extare, vt id minimè Iosepho credendum putet Crinitus honestæ disciplinæ, lib. 17. cap. 13. Non verò tam incredendum, nec sine numine, quod eidem adhuc in Dio Macedoniæ de subigēda Asia deliberabūdo per somnium visum esse Deum, eodem quò pòst habitu Pontifex Iaddus Hierosolymis ei *Somnij visū mirabile.* cū Sacerdotio & plebe obuiam iuit, hortatūque forti animo esse, exercitum sine mora traicere, ductu suo Persarum Imperio potiturum, idem tradidit lib. 11. cap. vltimo. Sed & Regem suum Deo, eiúsque templo, vrbi, sacerdotio, populo honorem ideo reddidisse, cū allata & ostensa ei Danielis prophetia, vbi à quodam Græco Persas debellandos is prædixit, cap. 7. & 8. Hūc ipsum esse, quem oraculum significabat, interpretatus, lætus abiit, multa prius Iudæis beneficia priuilegiæque largitus, Cuius etiam nominatim meminit, & res eius gestas perstringit, cap. 1. li. 1. Machab. Quartam porrò eandemque monarchiam postremam, Cæsaris nimirum, Christus sub eodem natus, census, passus, mortuus, & agnouit, & suis tū

*Monarchas
& reges à
Deo institui*

*Æthiopes
& Egyptij
reges suos
Deos arbi-
trati.*

*Regum di-
gnitas.*

verbo , tum exemplo , tunc agnoscen-
dum monstraui . Habemus itaque Monar-
chas , Reges , Imperatores , principes , ac
proinde magistratus eis inferiores , diuinitus
institutos, & vt tales , hoc est , Dei Vicarios &
Ministros, dona & organa, reuerendos. SENSE-
runt idem vtcunque prisca gentiles. Æthiopes,
& ab iis permulta mutuati Egyptij, Reges suos
Deos esse rati sunt, aut certè tanquam Deos re-
ueriti, non arbitrati eos ad tantum, tamque cel-
sum honoris gradum fuisse peruenturos , nisi
numine quodam diuino . Rebus itaque bene
ac præclarè gestis, bene de hominibus esse me-
ritos, ac proinde diuinæ quodammodo naturæ
consortes ac participes. Hi vicissim rati se bea-
tos fore legibus parendo , & tanta erga subdi-
tos vsi iustitia, omnium beneuolentiam affecu-
ti sunt, vt singulis & omnibus subditis maior
Regis quàm vxorum & liberorum salutis in-
esset cura. Autor lib. 2. & 3. Rerum antiquarum
Diodorus. Neque de nihilo finxit Homerus,
sub Iouis clypeo ac patrocinio versari princi-
pes, Reges Iouis esse filios, alumnos, confabu-
lones, amicos & discipulos, & Iouis artem Re-
giam, vt est apud Dionem Chrysostomum in
Oratione 4. de Regno , vt non minus verè
quàm regiè Rex Aragonum Alfonso auorū
nostrorum memoria negauerit regios animos
priuati cuiusquam arbitrio regi, scribere Cri-
nito lib. 18. cap. 9. Itaque Ioannes 1. rom. Pont.
in Epistola ad Imp. Iustinianum. C. De Summa

Trinitate. L. Inter claras vetus id, ex historia sacra mutuatus est, *Cor Regis in manu Dei*, Prou. 21. Est autē dimeter Iambicus. Omniū verò maxime Christianorum principum, vt quorum dominatio ac præstātia, quod ad Theodosiū Imp. scripsit Alexandrinus Cyrillus, imago quædam sit diuinæ naturæ, ac Regni cælestis, inter eos qui terram incolunt, velut imitatio. Hæc de maiestate Regum & principum, hic vicissim locus exigebat, vt de officio nonnihil dicerem, nisi sic Commentarius in immensum exiret, aut etiam iandudum actum agerem, emissā anno Dñi 1547. Epistola Christiani Principis institutoria, quid is Deo in primis debeat, quid Ecclesiæ tot abusibus, erroribus, hæresibus repurgandæ, quid familiaribus & amicis, quid prouinciarum prætoribus, quos Gubernatores vocamus, quid magistratibus iuridicūdo & cuiq; reddendo vacatibus, quid clero denique & populo tot bellis & tumultibus attrito, tot angariis & parangariis hæctenus exucto & exosfato. Hic pauca addam, ne quis eorum interesse putet res solū profanas, non etiam sacras bene habere, quasi diuini Decalogi secundæ tantū, quæ est erga proximum, nō etiam primæ, quæ erga Deum & Ecclesiā, tabulæ custodes sint, Seculi principes potestatis in Ecclesia culmē adeptos esse, vt per eam disciplinā Ecclesiasticā muniāt, & quod sacerdotes efficere sermone non prævalent, hoc terrore potestas imperet, & cæleste regnum per terrenum

proficiat, quique intra Ecclesiam positi, contra eius fidem agunt, vigore magistratuum contendantur, & quam Ecclesiæ autoritas disciplinam exercere minus valet, ceruicibus superborum principalis potestas imponat. Cognoscant ergo ij Deo sese rationem reddituros, propter Ecclesiam quam à Christo tuendam suscipiunt, Cuius pax & disciplina per eos siue augeatur, siue solvatur, rationem ab eis exiget, qui eorum potestati eandem tradidit, ut etiam in iis locum habeat id, Hebr. 13. Obedite præpositis vestris, & subiace (deferre, cōcedite) eis: ij enim per- uigilant, quasi rationem reddituri pro animabus vestris. Ex canonib. Ecclesiast. 23. q. 5. ca. quoniā ut habet canon sequens, res humanæ aliter tutæ esse non possunt, nisi quæ ad diuinā confessionem pertinent, & Regia & Sacerdotalis, defendat autoritas, quæ clausula est Epistol. 31. Leonis 1. ad Pulcheriam Augustā Theodosij iunioris sororem, & in Imperio administram, virginem sanè sagacem & consultiissimā. Et 38. Martino Aug. gratias agēs pro sua pia in Dei Religionem sollicitudine, qui vos, ait, ad hoc ut fides catholica ab insidiis inimicorum defenderetur, elegit, Et ad Imperatoris enim; & ad omnium salutem pertinet, ut Dei cultus nullo errore lædatur. 65. ad Eudoxiam Augustam, Clarissimè verò 75. ad Leonem Augustū, Debes, ait, incunctanter advertere Regiam potestatem non solum ad mundi regimen, sed vel maximè ad Ecclesiæ præsidium esse collatam,

*Pulcheria
Augusta cō-
mendatio.*

vt ausus nefarios comprimendo, & quæ bene sunt statuta, defendas, & veram pacem his quæ sunt turbata, restituas, depellendo scilicet peruafores Iuris alieni, & antiquæ fidei Sedem Alexandrinam reformando, vt correctionibus tuis Dei iracundia mitigata, Regiæ ciuitati, quæ antea admissa sunt, remittat, nō retribuat. Cōstitue ante oculos cordis tui, Venerabilis Imperator, omnes qui per totū orbem sunt, Domini sacerdotes, pro ea tibi fide, in qua totius mundi est redemptio, supplicare, in qua re specialius ambiūt, &c. Vides quid summus Pontifex, quid totus tum clerus ab Imp. supplex ambiebat? Et qui non hodiè sacerdotes à suis quique Regibus supplices ambiant, an verò nunc quàm tunc minor idem supplicandi ac ambiendi necessitas? Sed nos si porrò pergimus, nō semel actum tertio agimus, qui præter superiorē Epistolam gallicam, emisērimus, & alteram Latinam ineunte anno 1562. cuius argumentum est, Quòd Principem literæ deceant, etiam sacræ, imò tantò magis sacræ, quanto is fuerit Christi fidelior, Regem igitur nostrum, vel maxime, quia CHRISTIANISSIMVM. Hic breuiter addam, quod ne tum festinantem fugit, in Asmoneorum seu Machabæorum tum utique strennuorū & victoriosorū principum historia, ex descriptionibus & Commentariis Nehemiæ, mentionem fieri Bibliothecæ, quā is confecerat, & in quam de Regibus & Prophetis & Dauide scripta cōgesserat, li. & cap. 2.

Litera principem decet.

Bibliotheca veteres.

Occurrunt & 1. Esdræ. 5. 6. 2. Esdræ. 6. Cyri & Darij Persicorum Regum librarix, non dubiū quin optimis omne genus libris refertissimæ. Et inter veteres veterum Ægypti Regum ritus, Diodorus vbi antè scribit, Sacro manè facto, Sacerdotem Regi quædam ex libris sacris clarissimorum virorum consilia actaque proferte fuisse solitum, quibus Rex monitus, imperio piè ac iustè illorum exemplo vteretur. Næ qui aliter vel sentiunt, vel cōsulunt, asinum vel bouem, quàm Regem, coronatum malunt, quod & inter Alfonso Regis Catholica apophthegmata planè Regia, memini à me, vbi suprà, non omissum. Sed si principū nihil interest rerum sacrarū, cur de negotiis Ecclesiasticis in Codice, in Nouellis, in Authenticis tot Augustæ leges atque constitutiones, tot in nostris, & omnium Christianorum Annalibus edicta Regia, tot denique Senatusconsulta? Audio. Cū horrenda per vniuersam Galliam exercerentur viuicōburnia, Reserat scilicet Regia religio. Cū agitur, & necessariò agitur de clero, monachismoque reformando, de pastorebus ad caulas suas amandando, ut quæ verbo pascant, compellendis: Res est Synodica & Pontificia. Sic enim audiui & memini distinguere, & quidem Episcopos. Quasi verò principes tantum sint alieni zeli, plerunque indiscreti, & sine scientia, ministri, ne dicam crudelitatis carnifices, non etiā ut Ecclesiæ filij, sic omnium eius sanctionum externi custodes, assertores, & vindices. Sed re

olimiam egerunt, & nupes Tridenti adnota
 velut extrema manu, peregerunt & Synodus &
 Pontifex: Num contindo pastores etiam illinc
 reduces, & canonum reformatiorum, & re-
 sideria ac prædicationis præceptoriorum cō-
 ditores, post Synodum etiam à Pontifice con-
 firmatam, vel plus solito in pascuis affluui, vel
 minus in Cathedris inaudita Magna (vt antea)
 absens, & æquale propemodum silentium.
 Deficere malunt quam desinere, & à reforma-
 toribus, qui se sic superbissimè inscribunt (cū *Reformato-*
 nihil minus sint) exturbari, quā à Regibus & *res, scilicet.*
 principibus reformati, & vt sint in officio quis-
 que suo, cogi. **S**ed de Regum, principum, ma-
 gistratuum, tum honore, tum officio, si non fa-
 tis, certè quā pro Cōmentario nimis. Sequitur
 in textu vt se quisque ad æquales habere de-
 beat, primò quidem quoad mali vitiationem,
 siue proximi offensam, *Neminem blasphemare*, ne
 de quoquam maledicant, non tantum vel he-
 ro suo, vel Rege, vel Episcopo, aut alioqui su-
 periore, quibus sæpe plebs detrahit, sed nec
 aduersum quidem principem fideles blasphe-
 mare debent, ne ab eo premantur & affli-
 gantur, vt quietam, ait noster hic alibi, &
 tranquillam vitā agamus, in omni tum pietate,
 tum honestate, 1. Tim. 2. & inter sectarum no-
 tas, 2. Pet. 2. ponitur, magistratibus maledicere. *Magistra-*
 Æquè pastoribus nō maledicendū, Nā & illud, *tibus maledi-*
 Exod. 22. Principem populi tui nō maledices, *cere, secta no-*
 Paul⁹ Act. 23. ad principē sacerdotū applicauit, *ta.*

& idem praposis parendum cedendumque
 scribit, Hebr. 13. ut cum hoc faciât, hoc est, per-
 uigilent, & non gementes, hoc enim non ex-
 pedit vobis, è re vestra non esset, imò inutile
 esset ac noxium. Nunc autem neminem vult
 maledici, ne maledici quidem merentem
 aut remaledici, non iniurium, non iniu-
 riosum, sed vel patienter tolerare, vel rationa-
 biliter obuiare, ait hîc Lyrêsis. Græci βλασφημίας
 hoc loco exponunt conuictum aduersus fra-
 trem, ut quisquis is fuerit, etiamsi malè faciât,
 & in aliquo labatur, neminem omninò male-
 dictis insectemur, aut cuiquam conuitemur:
 Oportet enim purum seruare os nostrum à ma-
 ledictis & conuitiis: aut enim vera sunt, ac ne
 sic quidem nostrà interest ea iudicare, sed iudi-
 ci iudicanda relinquere, aut etiam proponere,
 Nam tu, inquit, cur fratrem iudicas? Rom. 2. 14.
 Matth. 7. Sin vera non sunt, vides quantum
 subsit periculi. Qualiacunque sint, vide magis
 ne in te talia hæserint, aut etiamnum hæreant,
 aut certè hæreere possint, ac proin eadem in te
 torqueri. Qui se stare putat, videat ne cadat,
 1. Cor. 10. Præsertim cum is qui cum maledice-
 retur, non maledicebat, 1. Petr. 2. eum qui fratri
 suo Racha dixerit, concilio: qui fatue, reum ge-
 hennæ ignis pronunciauerit, Matth. 5. Quid er-
 gò? Benedicite maledicentibus vos, Luc. 6. be-
 nedicite inquâ, & nolite maledicere, Rom. 12.
 & Non reddêtes maledictum pro maledicto,
 sed è contrario benedicentes, quia in hoc vo-
 cati

Blasphemia.

*Maledicticia
vitanda.*

cati estis, vt benedictionis hereditatē possideatis, 1. Petr. 3. & alter, Benedicimus, laboramus, & maledicimur, 1. Cor. 4. 1. Tim. 4. Si quis inter vos frater maledicus est, cum eiusmodi nec cibum sumite, 1. Cor. 5. 6. Neque maledici regnū Dei possidebunt, & nemo vestrum patiatur vt maledicus, 1. Petr. 4. Quæ utinam attenderent, qui se hodiē Euangelicorum nomine venditāt, in quorum plerunque vel vna pagina plus reperire est conuictorum, quàm in toto Augustino, scriptore quanlibet alioqui & voluminoso & polemico, vt qui hos legūt, alij detestatos abiciant sana grauitate, alij suauiter hauriāt maleuola voluntate. Sequerentur huius magis tum morem, tum consilium. Ego (inquit contra litteras Petiliani, lib. 3. cap. 1.) quando cuique vel dicendo vel scribendo respondeo, etiam contumeliosis criminationibus laceffitus, quantū mihi Dominus donat, frenatis & cōercitis vanę indignationis aculeis, auditori lectorivē consulens, non ago vt efficiar homini conuictiando superior, sed errorem cōuincendo salubrior, &c. Argutatur Aquinas, Blasphemiam esse criminis in Deum, non in primum relationem, Respondeo, proximi vt honorem & dilectionem, sic improprium in Deum referri, Proinde blasphemiam hīc pro quauis maledictione occulta vel manifesta sumi. Et Apostolum specialiter de verbis monere, quod tunc, hoc est, in primitiua Ecclesia, paucis factis in fratrem peccabant. Si quis autē verbo non offendit, hic

*Euangelico-
rum nomine
tenus scripta
maledictio
plena*

perfectus est, Iac. 3. Verbo autem fratrē dupliciter offendimus, primum personam eius, cōuitiando, de quo hīc, secūdō res eius externas, collitigando, de quo mox litera nullo medio. Altius autem suspexit D. Hieronymus, neminē blasphemare simpliciter & absolutē dictū, nō neminem hominem, non angelum, non aliquā Dei creaturā, Omnia quippē à Deo facta, valde bona, Gene. 1. Si enim Michaël Archāgelus

*Maledictio-
nia quā gra-
ue sit pecca-
tum.*

cum Diabolo disputans de Moyſi corpore, nō est ausus ei maledictione licet dignissimo, iudicium inferre blasphemix, sed dixit, Imperet tibi Deus. Iud. quantō magis nos ab omni maledictō puri esse debem? Merebatur certē Diabolus maledictū, sed per archāgeli os blasphemia exire non debuit. Huic hieronymi scholio simile est quod Iosephus Antiquit. lib. 4. cap. vlt. citat velut à Mose scriptum, Diis alienis nemo malē loquatur, siue, null' blasphemet Deos, quos aliā ciuitates esse putant. Et lib. 2. contra Apionem, Noster (ait) mos est propria custodire, non aliena potius accusare, & vt neque ridere, neque blasphemare debeamus eos qui apud alios putantur Dij, apertē nobis legislator interdixit propter ipsam appellationem. Id verō vbi vel apud Moſem pictū sit, non video. Nam illud Exod. 22. Diis (Elohim) nō detrahes, post

*Dij dicun-
tur & indi-
ces, & ma-
gisfratrum.*

Onkeli Thargū veteres & recentiores non tantū exposuerunt, sed & verterunt, *Iudicibus*, idque ita intelligi exigit, tum quod nullo medio sequitur, Principi populi tui nō maledices, tum

quod paulò antecedit, de suspecto depositi furto ablati; *Applicabitur ad Deos*, ad conspectū iudicū, ante recuperatores. Sed & magistratus alibi clarissimè Dij vocantur, Psal. 81. Deus stetit in Synagoga Deorū, in medio Deos diiudicās. Ego dixi, dij estis, & filij excelsi omnes, ad quos nimirum sermo Dei factus est, Ioan. 10. i. diuinitus aliis imperandi demandatū munus, & commissā Dei vice vitæ & necis in suos potestas. Quòd autem causatur Deos non maledicēdos, quia neque nominandos, Verū: Non audietur nomē externorū deorū ex ore vestro, Exod. 23. & confirmatur, Ose. 2. Zach. 13. nullā taliū nominum fore amplius memoriā, siue mentionē, de quo nos in præfatione ad sacras Heroïdes, de lectione gentiliū, &c. Ad Hieronymum redeo, quòcum hoc tantum nunc dixisse sufficiat quòd Christi discipulis blasphemare aut maledicere vlli non conuenit. Omniū verò minimè Regibus, principib⁹, magistratib⁹. De quo canō Apostolic⁹, aliis 83. aliis 84. t. penultimus, Quisquis *βασιλεα* Regē seu Imperatorē aut magistratū cōtumelia affecerit, suppliciū luito. Et quidē si clericus, deponitor: si laic⁹, à cōmunionē remouetor. Vbi Zonaras adnotat: magistratus dicto factove ledere nō licere, vel, vt tū, infideles: at eos cōtrā quā deceat agētes, reprehēdere nō prohiberi, reprehēsiōnū verbis etiā si fortē acerbiorib⁹, vehemētiorib⁹, & nōnihil ad reprehēforū cōtumeliā spectātib⁹, Nō permittit enī canon iniuriā, hoc est, conuitiū contra ius facere.

Principes libet reprehēdere, non maledicere.

Ex contrario intelligitur, quod & Reges & primates iuste quis increpans, non est punitione dignus. Atque hic obrueremur exēplis SS. patrum Fabiani Papæ, Babile, Athanasij, Maridis, Ambrosij, Chrysostomi, Gregorij, Bernardi, erga Numerianum, Constantium, Iulianum, Theodosium, Archadium, Mauritiū, Cæsares, Ludouicum Regem Iuniorē. Et cuius quæso nō sanctissimi cuiusque Pastoris in principes non impios tantum, sed & pios, sui tamē, ut sit, interim oblitos? Extat in C. Theodosiano lib. 9. tit. 4. in Iustiniano, li. 9. tit. 7. Lex vnica. Zonare quidem hic, sed aliunde citata, tit. 36. lib. 60. in cap. 13. Hexecōtabili Imperatoriarum cōstitutionum, sic abbreviata. Si quis male Regis mentionem fecerit, pœnæ non subiacet, nam si per leuitatem excessit, contemnendus: si per insaniam, miseratione dignus: si per iniuriam laessens, id est per gratiam condonandum: Sed quæ de illis sunt, principi significari oportet. Dignissima verò, quæ huc tota transferatur. Eam tulere Imppp. Theodosius, Arcadius, Honorius AAA. Sic igitur habet. Si quis modestiæ nescius, & pudoris ignarus, improbo petulantique maledicto nomina nostra crediderit laessenda, aut tumultuaria turbulentus obtrektor temporum nostrorum fuerit; cum pœnæ nolumus subiugari, neque durum aliquid, nec asperum volumus sustinere: quoniam si id leuitate processerit, contemnendum est: si ex infania, miseratione dignissimum: si ab

iniuria, remittendum. Vnde integris omnibus hoc ad nostram scientiam referatur: vt ex personis hominum dicta pensemus, & vtrum prætermitti, an exquiri debeant, censeamus. Et de veteris quidem tum Synagoga, tum Ecclesie pro principibus etiam impiis solenni precandi ritu, nos abundè in 1. Tim. 2. Sanctè ergò Apostoli, cum viderent non debere Christianum suum cura rerum vitæ huius intricari: obedire nos rectoribus ac præfectis iusserunt, non solùm commodis & mitibus, sed asperis quoque & difficilibus. Nec parère & honorare (REGEM, ait Petr^{us} princeps Apost. HONORIFICATE: 1. cap. 2. & Salomon, Prou. 24. Time DOMINVM, fili mi, & Regē, & cum detractoribus, i. his qui tumultuantur, deficiunt ab eo timore, cum mutantibus, inconstantibus, & iterantib^{us} iniquitates, supple, suas, cum declinantibus, rebellibus, rerum nouarum studiosis & seditiosis, non commiscearis, commercium non habeas, quoniam repente consurget perditio eorum, & ruinam amborum quis nouit? incognita nimirum eis vtriusque sæuitia seu seueritate. Tantùm de hoc versiculo obiter) non hos inquàm, solùm honorare volunt, sed & pro illis orare cælestem Patrem nostrum, vt sapienter populum regant, cuius administrationi præsumunt. Id cum disertis verbis præcipiunt, tum ipsi ac martyres deinde omnes præstiterunt. D. Cypriano, cum esset tanquam crimen obiectum à præfecto, quòd in Cæsarem coniu-

rasset, respondit, Longissimè absumus nos Christiani ab ista culpa, qui Cæsari, etiamsi alia sacra, alios Deos colenti, tamen quia princeps noster est, bene & cupimus & precamur, & rogamus Deum nostrum, ut mentem illius ad cogitationem verorum bonorum adducat. Plures ubi suprà, tū huius sancti martyris, tum aliorū sanctorū loci nobis allegati. Et frequens

*Principū in
sacris expres-
sio vel sup-
pressio.*

pōst in historiis Græcis summorum tum pōti-
ficū, tū principū nominis in sacris mysteriis oc-
currit vel expressio vel suppressio. Ut inter capi-
ta pacis & cōcordiæ inter veteris & nouæ Ro-
mæ Ecclesias in eūde, imperāte Michaële Palæo-
logo, primum fuit, in sacris hymnodiis, Papæ
cum quatuor patriarchis memoriam celebra-
ri, Autor Nicephorus Gregoras, lib. 5. & in
fragmentis Pachymerij lib. item 5. Illo quo-
que teste lib. 4. Arsenius patriarcha Byzanti-
nus mandauit nomen Cæsaris Alexij per an-
num integrum vnā cum Imperatorum in om-
nibus Romanis prouinciis, hymnis aliisque
laudibus celebrari, & Imperatoris, sacris licet
interdicti, mentionem in Psalmodiis non su-
stulit, lib. 9. Andronicus contrā senior iunio-
ris ex Ecclesiastico præconio amotionem pro-
clamari, eiusque nomen in Ecclesiis omni-
bus taceri, donec corrigeretur, à pontifi-
cibus obtinuit. At nepote in auum prauale-
scente, patriarcha seniori insultans, delibera-
bat quo pacto eius non iam Imperatoris, sed
monachi in Ecclesia mentio fieret. Testatur

idem lib. II. cùm Basilius Comnenus, vltimus Trapezuntiorum Rex meretriculam Irenæ Reginæ cognominem deperiret, hoc cum astu & suæ cupiditati, & populi similitudine nominis decepti, votis satisfecisse, quòd in sacris canticis & festis solemnibus, Basilij & Irenes mentio fieret. Et libr. 4. Pachymerii, Arsenium suus cum primiceriis criminatur notarius, quasi matutinæ hymnodix initio, Psalmum, qui pro Imperatore caneretur, rescuisset. Nec magis nobis conuenit, quod additur, *Litigiosos*, ἀμάρτυς, non pugnaces, iurgiosos, aut contentiosos, contra res scilicet proximi externas. Si enim sumus filij pacis, & volumus super nos pacem requiescere, cum his qui pacem oderunt, pacem habeamus, Psalm. centesimo decimono, & quantum in nobis, cum omnibus pacati simus, Roman. duodecimo, non modestis tantum, quæ enim virtus ferre mansuetum? sed etiam cum rixosis. Distinguit Aquinas inter hominum genera, & alios quidem nullis verbis contristari, omnibus assentiri, vnde meritò assentatores dicantur, quosdam verò verbis omnibus resistere & contradicere. Hi sunt litigiosi, quos hîc & alibi Paulus toties improbat: medium tenent, qui verbis prout conuenit, quandoque delectantur, quandoque tristantur, quod de se noster hic testatur, secundæ Corinth. secundo,

Assentatores

Litigiosi.

super eodem homine modò peccante tristatū,
 modò pœnitente lætatum. Et de Litigiosis qui-
 dem clericis ad tardium vsque nos in digressio-
 nib. lib. 2. cap. 8. 9. 10. 11. Hic addendum quod
 nobis aliò properantibns, vt ferè fit, in mentē
 non venit, alioqui commodius illic memoran-
 dum, Episcopos quanlibet aliàs à litibus alic-
 nos, eis tamen componendis certasolim horas
 sedere solitos, sed, vt videre mihi videor, inui-
 tos, & vt ita loquar, volentes nolentes. Et hanc
 enim Augustinus de multis laboribus occupa-
 tionem vel molestissimam fuisse ita conqueri-
 tur li. de Opere monachorū, cap. 29. Dominū,
 inquit, Iesum, in cuius nomine securus hæc
 dico; testem inuoco super animam meam, quo-
 niam quantum attinet ad meum commodum,
 multò mallet per singulos dies certis horis,
 quantum in bene moratis monasteriis consti-
 tutum est, aliquid manibus operari, & cæteras
 horas habere ad legēdum & orandum, aut ali-
 quid de diuinis literis agendum liberas, quàm
 tumultuosissimas perplexitates causarum alic-
 narum pati de negotiis secularibus, vel iudicā-
 do dirimendis, vel interueniendo præcidendis:
 quibus nos molestiis Paulus affixit, non vtiq̃ue
 suo, sed eius, qui in eo loquebatur, arbitrio,
 quas tamen ipsū perpassū fuisse non legi-
 mus. Aliter enim se habebat Apostolatus eius
 discursus, Nec dixit, 1. Corinth. 6. Secularia si
 iudicia habueritis, ad nos deferte, aut nos ad
 iudicandum constituite, sed eos qui in Ecclesia

*Episcopi oī
 componendis
 litibus vaca-
 bant.*

*Litium com-
 ponendarū
 molestia.*

contemptibiles sunt, hos, inquit, collocate. Ad reuerentiam, siue potius verecundiam, vobis dico. Sic non est inter vos quisquam sapiens, qui possit inter fratres iudicare, sed frater cum fratre iudicatur, & hoc apud infideles? Sapientes ergò qui in locis cōsistebant, fideles & sanctos, non qui huc & illuc propter Euangelium discurrebant, talium negotiorum examinatores esse voluit. Vnde nunquàm de eo scriptum est, quòd aliquando talibus vacauerit, à quibus nos excusare non possumus, etiamsi contemptibiles simus, quia & hos collocari voluit, si sapientes deessent, potius quàm vt negotia Christianorum deferrentur in (profanum seu infidelium) forum. Quem tamen laborem non sine Domini consolatione suscipimus, pro spe vitæ æternæ, vt fructum feramus cum tolerantia, Serui enim sumus eius Ecclesiæ, & maximè infirmioribus membris, quantalibet in eodem corpore membra simus. Et Epistola 47. Proculianum Donatianę partis Episcopum inuitans, vt mutua collatione schisma componant. Et homines quidē causas, ait, seculares apud nos finire cupiētes, quādo eis necessarij fuerimus, sic nos sanctos & Dei seruos appellant, vt negotia terræ peragant, aliquando etiam agamus negotium salutis nostræ, & ipsorum, non de anno, argento, fundis, pecoribus, pro quibus rebus quotidie submisso capite salutamur, vt dissensiones hominum terminemus. Sed de capite nostro tam turpis iter nos & perniciofa dis-

senſio eſt, Quantumlibet capita ſubmittāt qui nos ſalutant, vt eos cōcordes in terra faciam⁹, de cælo vſque ad crucem ſubmiſſum eſt caput noſtrū, in quo cōcordes nō ſumus. Ad has curas Eccleſiaſticas, quas nemo niſi expertus nouit, quā moleſtas, accommodat verſiculum Pſalmi 118. Samech. *Declinate à me maligni, & ſcrutabor mandata Dei mei*, non ait, faciam, ſed ſcrutabor. Vt ergo ea perfectè diligentérque nouerit, malignos à ſe declinare deſiderat, ac etiam compellendo à ſe abigit, Nam maligni exercent ad facienda, at à ſcrutandis auocant, non ſolū cū perſequuntur, aut nobiſcum litigant, ſed etiam cū obſequuntur & honorant, & tamen cū ſuis vitioſis & negotioſis cupiditatibus adiuuandis & occupemur, eiſque noſtra tempora impendamus, efflagitant, aut certè infirmos premunt, vt cauſas ſuas ad nos deferre compellant: Quibus dicere non audemus, Dic homo, quis me cōſtituit iudicem, aut diuiſorem inter vos? Luc. 12. Conſtituit enim talibus cauſis Eccleſiaſticos Apoſtolus cognitores, in foro prohibens iurgare Chriſtianos. Et illis quidem qui non aliena rapiunt, ſed ſua cupidè repetunt, quando dicimus, Cauete ab omni cupiditate, non recedunt nec declinant à nobis, ſed inſtant, vrgent, precantur, tumultuantur, extorquent, vt eis potius ad iſta quæ diligunt, quā ſcrutandis, quæ diligimus, Dei mandatis occupemur. O quanto turbarum turbulentarum tædio, & quanto diuinorum elo-

quiorū desiderio dictū est, *Declinate*, &c. Ignoscāt obediētes fideles, qui pro suis secularib. cau-
sis rarò nos quærunt, & iudiciis nostris facillimè acquiescunt, nec nos litigando conterunt,
sed obtemperando potius consolantur. Certè propter eos, qui & inter se pertinaciter agunt,
& quando bonos premunt, nostra iudicata cō-
temnunt, faciuntque nobis perire tempora re-
bus eroganda diuinis, propter tales inquam, li-
ceat & nobis in hac voce corporis Christi ex-
clamare, *Declinate*, &c. Constat ergò veteres
iam tum pastores cognoscēdis suorum litibus
aliquam temporis portionem impendere fuisse
solitos, sed valde (quod prædixim⁹) inuitos,
quòd sic alienis ab officio suo negotiis impli-
cati, & à recta se vocatione diuertere ac disce-
dere viderent. Quid autem & quantum episco-
pis in iis liceat, longè pòst D. Bernardus præ-
scripsit, dum sic Eugenio suo, Papæ huius nomi-
nis 111. De consideratione lib. 1. ab iis sedis
eius occupationibus exorsus, Quæso, inquit,
te, Quale est illud de mane vsque ad vespere-
ram litigare, aut litigantes audire? Quid ser-
uilius indigniùsque summo præsertim Ponti-
fici, quàm non dico, omni die, sed omni penè
hora, insudare talibus rebus & pro talibus? De-
nique quando oramus, docemus populos, ædi-
ficamus Ecclesias, meditamur in lege? Et qui-
dem quotidie perstrepunt in palatio leges, sed
Iustiniani, non Domini: iustenè etiam istud?
Tu videris, Nā certè lex Domini immaculata,

Bernardus.

conuertens animas, Psal. 18. Ille non tam leges
quàm lites, & cauillationes iudicium subuertē-
tes. Tu ergò pastor & episcop⁹ animarum, qua
mente, obsecro, sustines coram te semper hãc
silere, garrere illas? Hic desidero, qui Iustinia-
neas leges non probat, Decretales, Bonifacia-
nas præsertim, videre potuisset. Pergit autē sic,
Et quid vis me facere, inquis? Vt tibi ab his oc-
cupationibus parcas. Impossibile fortasse re-
spondebis, facilius cathedræ valedicere posse.
Rectè hoc, si rumpere, & non magis interrom-
pere ista hortarer. Audi Apostolum, quid de
huiusmodi sentiat, Sic non est inter vos sapiēs,
qui iudicet inter fratrem & fratrem? Et infert,
Ad ignominiam vobis dico: cōtemptibiliores
qui sunt in Ecclesia, hos constituite ad iudican-
dum. Itaque secundum Apostolum, indignè ti-
bi vsurpas tu Apostolic⁹ officium vile, gradum
contemptibilem. Vnde & dicebat Episcopus
Episcopum instruens, Nemo militans Deo, im-
plicat se negotiis secularibus, 2. Tim. 2. Ego au-
tem parco tibi, nō enim fortia loquor, sed pos-
sibilia. Putasne hæc tempora sustinerent, si ho-
minibus pro terrena hæreditate litigātibus, &
iudicium à te flagitantibus, voce Domini tui
respōderes, O homines, Quis me constituit iu-
dicem super vos? In quale tu iudicium mox ve-
nires? Quid dicit homo rusticanus & imperi-
tus, ignorans primatum suum, inhonorās sum-
mam & præcellam sedem, derogans Apostoli-
cæ dignitati? Et tamen non monstrabant, pu-

ro, qui hæc dicerent, vbi aliquando quispiam Apostolorum iudex federit hominum, aut diuisor terminorum, aut distributor terrarum. Stetisse denique lego iudicandos, Act. 5. sedisse iudicantes non lego, Erit illud, non fuit. Itanè imminutor est dignitatis seruus, si non vult esse maior Domino suo, discipulus eo qui se misit, magistro, vt sæpius inculcat omnium Dominus & magister, Matt. 10. Luc. 6. Ioan. 13. 15. Quis me constituit iudicem, ait ille, & erit tibi iniuria, nisi iudices vniuersos? Mihi non videtur bonus rerum æstimator, qui indignum putat Apostolis, seu Apostolicis viris, non iudicare de talibus, quibus datum est iudicium in maiora. Quidni contemnant iudicare de terrenis hominum possessiunculis, qui in cælestibus & angelos iudicabunt? Ergò in criminibus, non in possessionibus, potestas vestra, quoniã propter illa, non propter hæc, accepistis clauces Regni cælorum, peccatores vtique exclusuri, non possessores. Quznam tibi maior videtur & dignitas & potestas, dimittendi peccata, an diuidendi prædia? Sed non est comparatio. Habent hæc infima & terrena iudices suos, Reges & terræ principes, Quid fines alienos inuaditis? quid faciem vestram in alienam messem extenditis? Non quia indigni vos, sed indignum vobis talibus insistere, vtpotè prioribus occupatis. Denique vbi necessitas exigit, audi quid censeat, non ego, sed Apostolus, Audet aliquis vestrum habens negotium aduersus alterum, iu-

dicari apud iniquos, & nō apud sanctos? An nescitis quod Sancti de hoc mundo iudicabūt? Si in vobis iudicabitur mundus, indigni estis qui de minimis iudicetis? Angelos iudicabim⁹, quātō magis secularia? 1. Cor. 6. Sed aliud est incidenter in ista excurrere, causa vrgēte, aliud vltro istis incumbere, tāquam magnis, dignisque tali & talium intētionē rebus. Hæc & innumera talia dicerem, si fortia, recta, syncera dicerē. Nunc autem quoniā dies mali sunt, sufficit interim admonitum esse, non totum tē, nec semper dictioini dare, sed considerationi aliquid tui & cordis & temporis sequestrare, hoc autem dico, necessitatē intuens, non æquitatē, quam non est præter æquum necessitati cedere. Nam siliceret quod deceret, absolute per omnia & in omnibus præferendam, & vel solā, vel maximē colendam eam quæ ad omnia valet, 1. Tim. 4. pietatem, id est, Dei cultum, irrefragabilis prorsus ratio demonstrat. Hæc ille, rebus olim iam licet collapsis, & in deterius labentibus. Sed vt omnia sæcula diuino beneficio suos semper habuerunt doctores illuminatos, clarissimē distinguens ordinarium pastorum munus ab extraordinario, & voluntatem à necessitate: Superiores quoque pastores & doctores æquē certum & semper sciuisse primas episcoporum in Ecclesia esse partes, populum verbo Dei pascere, hoc est, docere, & nunquam dum rogati coactique interim temporalia iudicant, aliam regendæ Ecclesiæ formā,

Secula omnia suos semper habuerunt doctores.

Episcoporum prima partes in ecclesia, quæ.

ab ea quam Christus per se & Apostolos suos, perpetuis temporibus valituram præscripsit, fingere vel inducere voluisse. Vim ergò habeat & obtineant Regis CHRISTIANISSIMI CAROLI IX. eiusque legatorum, & quod miretur quis, Episcoporum Galliarum, hoc est, eorundem Tridenti reorum & iudicum, reformatorum & reformatium postulata, iam antè cap. i. allegata, nullo licet, quod hîc viderimus, responso illic dignata, vt sacris initiati in sua vocatione permaneant, nec in alio quàm Dei ministerio versentur, iuxta Canones tum innumeros alios, tum Apostolicum. 81. Dicimus, quòd non oporteat Episcopum aut Presbyterum publicis se administrationibus immittere, sed vacare, & commodum se exhibere v-sibus Ecclesiasticis. Animû igitur inducito hoc non facere, aut deponitor. Nemo enim potest duobus Dominis seruire, iuxta præceptum Dominicum, Matth. 6. Ita quidem pauciores habituri ex suis secularium rerum cognitores & iudices, sed iis quorum successores sunt, hoc est, Apostolis & Apostolicis viris similes plures, ac proinde meliores, minúsque litigiosos, sed vt in textu sequitur, *Modestos, inuicem* humanos, æquanimis, benè temperatos, moderatos, ne vicem reddendo lites prouocent, quod est Hieronymi & Primasij scholion, neu, quod est Anselmi, in iram prorumpentes, aliquem blasphemant, vel infidelem appellét canem, aut diaboli filiû,

*Caroli IX.
Regis ad
Tridentinũ
concilium po-
stulata.*

aut aliquid huiusmodi dicant faciantvè, mensuram debitam seruent rationis, alioqui, monitorem hinc Lyrano, contra expedit de iniuriis vindictam querere, hoc est, iustitiam, si quando in eis ex tolerantia nutritur malè faciendi audacia, iuxta illud,

Veterem ferendo iniuriam, irritas nouam.

Est enim ubi stulto iuxta eius stultitiam respondeas, ne sibi sapere videatur: est ubi non respondeas, ne similis ei fias, Prou. 26. Ego, respondet Petiliano Augustinus ad initium lib. 3. si tibi vellem pro maledictis maledicta rependere, quid aliud quam duo maledici essemus? Osten- dit autem Paulus, iuxta superiorem Aquinatis partitionem, quo se modo Christi fideles habeant, in boni operatione, prius quidem in actibus externis. Est enim Modestia virtus, per quam quis in omnibus externis ita modum tenet, ut nec cuiusquam aspectum offendar, qualis describitur Onias, summus Iudaeorum pontifex, vir bonus, benignus, verecundus visu, modestis moribus, eloquio decorus, cuius etiam defuncti modestiam recordatus fleuit Antiochus, 2. Macab. 4. 15. Modestia, inquit noster, vestra nota sit omnibus hominibus, Phil. 4. Ea cum sequenti mansuetudine reponitur inter fructus spiritus, Gal. 5. Et cum in omnibus Christianis, tum in Ecclesiae ministris commendatur, Obsecro vos, ait, per mansuetudinem & modestiam Christi, 2. Cor. 10. & Col. 3. Induite modestiam. Et Episcopum vult modestum, &

cum

*Modestia
quid.*

*Onia com-
mendatio.*

cum modestia corripientem, non litigantem,
 1. Tim. 3. 2. Tim. 2. Vult quoque coapostolus e-
 ius fœminas modesti esse spiritus, viros peræ-
 què modestos, omnes item nos rationem fidei
 nostræ reddere paratos, sed cum modestia, 1.
 Petr. 3. Nam quæ de sursum est, Sapientia, mo-
 desta est, Iac. 3. Et quoniam tantò sui foris re-
 frenandi maior difficultas, quantò quis in affe-
 ctibus internis impetuosior, qualis est iræ im-
 petus, virtutem, quæ talem perturbatione mo-
 deratur, sic opponit, *omnem ostendentes*, siue sum-
 mam exhibentes ac exerentes *mansuetudinem*, *Mansuetudo*
 comitatem, vt non solùm in corde mites sint,
 mäsueti, tractabiles, sed & foris apertè se tales
 esse demonstrent, in incessu, verbis, operibus
 suis omnibus, secundum tamen dictamen ra-
 tionis, alioqui enim fuerit magis pusillanimi-
 tas, quàm mansuetudo, ait Lyra, vt quod & ob-
 seruat hîc Theodoretus, non sint hæc prius di-
 ctis contraria, dum infidelibus quidem iubet
 nos doctrinam leniter atque placidè tradere,
 eos verò qui crediderunt, si peccent, audacter
 arguere. Hæc autè virtus & auditoribus & præ-
 ceptoribus cōmendatur: Illis quidem, Audiâr,
 inquit ille, mansueti, & lætentur, Psal. 33. & al-
 ter, Esto mansuetus ad audiendum verbū Dei,
 Ecclesiastici 5. Et, In mäsuetudine suscipite ver-
 bum, Iac. 1. dignè ambuletis vocatione qua vo-
 cati estis, cum omni mansuetudine, Eph. 4. His
 autem, sectare mansuetudinem, 1. Tim. 6. Et,
 Quid vultis? In virga veniam ad vos, an in cha-

*Pauper im-
portunè pe-
tens non exa-
sperandus.*

ritate & spiritu mansuetudinis? 1. Cor. 4. Om-
nibus verò in mansuetudine opera tua perfice,
Ecclī. 3. & super hominum gloriam diligēris.
& 4. Responde (pauperi) pacificè in mansue-
tudine. Quod obiter vt citatum, ita notatum
sit, Inter peccata venialia quidem, sed quæ mul-
ta, grauent, supputatum ab Augustino, quorū
pauperem importunè petentem quis exasperat.
Serm. 41. de Sāctis, & Dist. 25. post ca. Vnū.
§. Alias. Et 10. In mansuetudine serua animam
tuam, &c. Sed erga quos? *ad omnes homines*, ne-
dum dominos, ad hos licet Bruno superiora re-
stringat, ne qui dominos blasphemant, aut cō-
tra dominos decertent, nunc etiam erga om-
nes, tum bonos, vt proficiant, tum malos, vt re-
sipiscant, apud Iudæos & Græcos, amicos &
inimicos, & nequā & iniurios. Dei seruum,
vt & alibi 2. Tim. 2. vult esse mansuetum ad om-
nes, sed & videri, vult inquā, Christianos
omnibus cum Christo suo; Matt. 11. mites vide-
ri, & corde humiles. Sic enim ait Ambrosius,
possunt perfidi ad futuram spem vocari, non
quòd vanæ gloriæ desiderio nos esse tales om-
nibus ostendere debeamus, sed dum omnes fe-
rimus, nec iniuriæ vicem rependimus, opera
sunt vniuersis notiora. Vt enim fingat aliquis,
& præ iactantia vulgiquē opinione ac aura po-
pulari, apud quosdam mansuetudinem bonita-
tēque simulet, sed vbi non est vera, germana
solidaque mansuetudo. Nescio, inquit Hiero-
nymus, an cum esse māsuetum possit omnibus

persuaderi. Quis ergò sapiens, & disciplina seu sciētia inter vos præditus? quærit alter Apostolus, & respondet, Ostendat ex bona conuersatione operationem suam in mansuetudine sapientia, lac. 3:

Eramus enim & nos aliquando insipientes, increduli, errantes, seruientes desideriis & voluptatibus variis, in malitia & inuidia agentes, odibiles, odientes inuicem.

Aτ πολυγία est, id est, causæ redditio, seu superioris instructionis ratio, præsertim vltimè, vt non tantùm nō simus maledici & contentiosi, sed è contrario modesti māsuetique & quidem ad omnes. Quo enim modo, dicere posset aliquis, etiā ad infideles, aut falsò fideles? qui inquam, hoc possumus? Respondet, Considera te, nō tam qualis *Fragilitatis* sis, quam qualis fueris. Optimum sanè contra *propria cogi* iram aut proximi contemptionem remediū, *tatio quam* fragilitatis propriæ recogitatio. Vnde illud *vilis.* Platonis philosophorum modestissimi, quoties in eos incideret qui facerēt indecori quippiā, secū subinde cogitātis, & apud se dicētis, Nūcubi & ego talis? Quod salubriter monet Plutarch. De utilitate ab inimico capiēda, De cohibēda iracūdia, De officio auditoris, in oīe, imò in corde assiduè nobis habēdū, & alienis peccatis assonā dū, sicubi de iis facta fuerit mētio, ratione nimirū ab externis itro & ad nos relata, nō admodū

*Miserandus
magis quàm
contemnen-
dus proximus
delinquens.*

*Errata pro-
ximorū qua-
liter toleran-
da.*

alios execrabimur : considerantes nobis ipsi multa opus esse venia. Nam vt ex oculis aliorū nos ipsos conspiciamus, sic nostra ex aliorū tum dictis tum factis æstimantes, facillimè quid de ceat assequemur, & alios miserabimur magis quàm contemnemus, & nostra maiore cura commendabimus; nihil enim conuitio quod in autorem recedit, turpius, grauius, acerbius. Considerandum igitur, fidelibus statum vtrunque suum causatur Apostolus, præteritum & præsentem, qui ante conuersionem ad fidem fuerimus, qui post sumus, *Eramus enim aliquando & nos*, quid? idem nimirum quod ipsi scilicet infideles, poterūt & ipsi esse quod nos sumus, per eandem gratiam fideles. Ideoque debemus malis & delinquentibus, quod ipsi fuimus, per modestiam & mansuetudinem, quantum fieri potest, condescendere, & eorum errata patienter tolerare, nō verò correctionem, vel nostro saltem exemplo, desperare. Et alibi quidem à futuris, vt incertis, alios perterrefacit, ne quis quē temerè iudicet, Qui stat, aut stare se existimat, videat ne cadat, Rom. 14, 1. Cor. 10. Hic ex reb⁹ præteritis idem persuadet, ne quis cui quid exprobet, aut cōuitietur, Eiusmodi enim eras & tū. Sic latro latronem respondens increpabat, ne times quidem tu, quòd in eodem crimine ac damnatione es? Luc. 23. Priorem ergo conuersionem in memoriam reuocantes, consideremus quòt malis eramus obnoxij, quodque cū tales essemus, Deus nos est salute digna-

tus, ac proinde aliorū qui adhuc errant, improbitatē feramus omnes, gloriatur nemo, omnes enim peccauimus, pro illis oremus, vt liberentur, pro nobis gratias ei agamus, qui dedit vt prioribus malis liberi viuamus. Et hīc idē quod antea Platonis, Chrysostomi consilium, vt cui quis exprobraturus, priorem suam vitam prius inspiciat, futuræque incertum considerans, impetum contineat. Vixeris licet à prima statim ætate cum virtute, habes tamen peccata cōplura: Sin fortē non habes, velpotius habere te nō putas, agnosce opus id diuinæ esse gr̃atiæ, non virtutis tuæ: nisi enim maiores tuos ad fidē vocasset, infidelis esse fortē perstitisses. En vt omnem arrogantia ac præsumptionis aditū prorsus obstruit. Nōnē, inquiēs, innumera per prophetas sanctōsque omnes Deus nobis ostendit beneuolentię signa, neq; tamen audiuius, sed eramus, siue fuimus quondam, &c. (& subiūgit varios intellectus humani defect⁹ cum eorum effectibus) *insipientes*, Hieron. stulti, Ambrosio inconulti, mundi licet nostrūm quidam sapientes & philosophi, humana sciētia præditi, verā tamen carebant, de qua Luc. 21. dabo vobis sapientiam, stulti erant ac dementes, adeò in sua sapientia perditī, prudētia reprobati, astutia cōprehēsi & infatuati, 1. Cor. 1. 3. ex Esa. 29. Abd. 1. Iob. 5. vt philosophorum summos Platonem

*Virtute sua
nemini gloriandum.*

*Plato & Aristoteles
satorum sapientū
principes.*

& Aristotelem, eosdem fatuorum sapientum, hoc est, insipientiū principes vocauerit, qui Hieronymus videri affectauit, monialium Regulæ

autor, cap. 11. prodigium licet, & grande totius naturæ miraculum utrque fuerit, quibus id omne penè infusum videtur, cuius naturaliter capax est humanum genus, sed quia sine Christo proinde etiam sine Deo, Eph. 2. Sapiëntia enim huius mundi, stultitia est apud Deum, 1. Cor. 3. si intellectus non captiuatur ad fidem, cor non inclinatur ad Christi seruitutem. Hanc autem periodon sic expedit & cum superiore coniungit Ambrosius, Bona quæ incredulitas non habet, Christianis data memorat, vt in omni iustitia elucentes, manifesti fiant quòd Dei cultores sint, cùm enim quondam *inconsulti*, nunc videntur per omnia sani esse consilij, laudatur in his Dominus. Coniungit item prius hoc vocabulum cum duobus sic Aquinas. Intellectus noster in diuinis dupliciter potest aliquid percipere, aut enim per fidem tantum, aut per lumen sapientiæ, & apertam reuelationem, vt Deus (inquit) gloriæ det vobis spiritum Sapientiæ & reuelationis, per agnitionem sui. Illuminatos oculos cordis vestri, Eph. 1. Dupliciter itè deficere potest, aut enim deficit à vera cognitione, sicut per ignorantiam negationis, aut quia incidit in opinionem falsi, Ad sapientiæ igitur priuationem pertinet superius vocabulū, quod est, sapientiam diuinæ cognitionis non habentes: ad fidei, quod secundo loco posuit, *increduli*, in his quæ sunt supra rationem, cuiusmodi sunt, quæ fidei sunt, non credētes quod de Deo credendū est, q. d. propterea sic volo vos omnes

obedire, etiã infidelibus dominis, quia fortassis qui modò tales sunt, fient citò sicut nos, fideles qui paulò antè de Dei cognitione nihil sapiebamus, Dei fidem non habentes, & *απεθεσμεν* Ambrosio, inobsequētes, Hieron. inobedientes, aliis, immorigeri, contumaces. *Errantes*, in moribus, vel per opera mala peccātes, vel iuxta superiorem diuisionem, in contrariam de Deo opinionem, & sic in errorem incidentes, id est, falsum pro vero tenentes & sequentes, putantes lucem tenebras, & tenebras lucem, Eph. 5. Sed quando tales eramus? Ante Christum nobis natum atque datū. Quo enim modo non dementia aut stultitia, huiusmodi Diis, hoc est, Idolis seruire? aut qui maior error, quã ex hominibus mortalibus, imò mortuis, adeoque ex brutis, ex surdis quoque ac mutis lignis, saxi, & metallis Deos facere, & Diis per nos ipsos factis sacra facere? Quod & paulò inter eos minus desipiētes senserunt & deriserunt. Nec enim Persæ, quomodò Græci, vel Deos ex hominibus ortos, vel homines ex Diis progeneratos esse sentiebant, & quibus erat consuetudo talibus aras templa, statuas extruere, insaniã tribuebant. Et Cambyſes Cyri filius, vt ab vno Deo reliquos discamus, viso Api eiúsque sacerdotibus. O capita, inquit, nequam, huiuscemodi scilicet Dij existunt, carne atque sanguine præditi, ferrum sentientes, dignus nimirum Ægyptiis Deus. Sic locutus, sacerdotes flagris cædi, Ægyptios, vt quisque feriari inueniretur, occidi

Persæ Græci prudentiores.

Cambyſe Cyri filij factum memorabile aduersus Ægyptios

*Aegyptiorū
stultitia.*

iussit, ita festum solutum, Apis femore faucius in templo iacens extabuit, vulnere extinctus, à sacerdotibus clam Rege tumultus est. Idem Vulcani simulacrum multo derisu cauillatus est, Cabyrorum templum multis iocatus verbis cremauit. Herodotus lib. 1. 2. 3. Rex ob id impius scilicet Ægypti primoribus & insanus, vt aliàs erat, habitus est, sed à peræquè, si non multo plus, & impiis & insanis sacerdotibus, De quibus Esa. 19. Stulti facti sunt & seducti principes Taneos & Mempheos, deceperunt Ægyptum, & errare fecerunt in omni opere suo, sicut errat ebrius & vomens. Subiicit Paulus ea quæ pertinent ad corruptionem affectus, tum ad se, tum ad alios. Is autem rectus est, cùm rationi seruit, & delectationibus secundum eam licitis vitur, quam contrà cùm non sequitur, sed sua desideria, tunc corrumpitur, vnde dicit, *Seruientes desideriis animi, & voluptatibus carnis variis*, secundum omnes sensus, vt hæ respiciant peccata oblectationum carnalium, gulam, libidinem, vestimentorum & similium rerum molliem, de qualibus alibi noster, quòd ventri suo seruiunt, Rom. 16. & Phil. 3. quorum Deus venter est, & voluptatum quàm Dei magis amatores, 2. Tim. 3. Illa verò ad alia vitia, vt ambitionem, auaritiā, quā non dubitat hic idololatriā, & auarū idololatrā vocare, Eph. 5. Col. 3. & Ro. 6. Non regnet peccatum in vestro mortali corpore, vt obediatis eius cōcupiscentiis. Et alter quidā, Post cōcupi-

*Auaritia,
idololatria.*

ſcientias tuas non eas, & à voluntate tua auertere, Ecclī. 18. Nos verò poſt concupiſcentias noſtras ibamus, & deſideria noſtra ſequemur, eis prout poteramus, ſatisfaciēdo. Siquidē honorē aut pecuniā deſiderabamus, multo ad hæc conſequenda labore ſeruiebamus. Quod oculus videbat, auris audiebat, hoc manus comprehendere laborabat. Græci ad gentilium impietates & ſceditates, vt ſupra, prostitutiones, vigilias nocturnas, & huiuſmodi reſpiciūt, & hæc ad Deorum, ſi diis placet, cultum & honorem, ad eas quoque quæ ſic in proximum, vt & in nos quoque committuntur, impuritates, maſculam venerē, cum ſororibus nuptias, cum matribus inceſta, quæ tacite magis hīc Paulus, quàm apertè deſignat. Et hæc quidem in nos & corpus noſtrum peccata. Quæ ſequuntur, extra corpus ſunt, Sic enim partitur Apoſtolus, 1. Cor. 6. In ordine, inquam, ad alios eramus *in malitia*, ea eſt alij nocendi voluntas, qui enim malum alteri intendunt inferre, malitioſi dicuntur, quæ mala ſcilicet ſunt, certa præfertim, quam vocant, malitia, aut etiam vindictæ cupiditate, in proximum exercentes, & ſi quidem nocere non licuit, *in inuidia*, quæ eſt de proximi bono ac ſucceſſu, vt de malo ſiue infœlicitate prauitas & nequitia, *agentes*, Si malū facere nequibamus, maleuoli ſaltem & inuidi, quod valebamus, aliis eramus, eorum malum deſiderantes, bonum deteſtantes. Breuiter, cū amplius non valebamus, proximo inuideba-

Odibiles
Odiosi.

Paulus quo-
modo se inter
criminosos
numeres.

mus, quod quia valde detestabile est, gratis scilicet aliū odisse, & sibi nihil prodesse, ideo subdit, *odibiles*, odiosi tum Deo, Rom. 1. cui similiter odio sunt impius & eius impietas, Sap. 14. tum etiam ab hominibus odio haberi digni, & alterutrum siue *inui cem odientes*, odio protequentes, alij aliis infensi, & alios oderamus, & alij nos oderant, quadam velut liuoris atque odij compensatione, Et ex inuidia enim odium nascitur, & ad hæc vitiorum extrema cum quis peruenerit, vt omnibus inuideat, omnes oderit, meritò eum vicissim omnes oderint. Sed & tam malos ne ad seipsos quidem, nedum ad alios amicitiam habere testis est 8. Ethicorum Philosophus. Querat aliquis quomodò Paulus fuerit stultus, incredulus, erras, voluptatum seruus, malus, inuidus, odiosus & odians, antequā eum Dominus saluū faceret, Respōdet Theodoretus, Apostolū seipsum vna cum eis comunerasse, non quòd fuerit omnibus iis criminibus obnoxius, sed vt qui fuerit persecutor, Nam nec omnes omnibus aliis fuerant obnoxij, omnes tamen sunt salutem consecuti, Deique gratia, non merito suo salui facti: quo igitur modo auderent aliis conuitium ingerere? Respondet & qui quæstionem mouit Hieronymus, alios locum hunc sic intelligere, vt nō de Paulo & Apostolis, sed sub Apostolorum persona, de aliis dictū putent, vt quomodò sub persona sua, Apollo, & Cephæ, in Corinthiis dissensionem & schisma arguit, 1. Cor. 1. 3. ita

hoc etiam ideò se & Apostolos nominās, omnes qui in Christo crediderant, quales fuerint ante regenerationē, ostēderit, & cum certē legimus iuxta legis iustitiā sine querela fuisse, ad pedes Gamalielis eruditū, & ab infantia sacris literis institutum, in Iudaismo supra coetaneos & congeneres profecisse, vehementer paternas traditiones æmulantem, Phil. 3. Act. 22. Gal. 1. Respondet ergò secundò, Iudæos ante Saluatoris aduentū in lege versatos, iustitiā licet non plenā, aliqua tamē ex parte habuisse, At ubi populus conclamavit, Crucifige, &c. ablato ab eis Dei Regno, & gentibus tradito, ex eo tempore qui in Christum non credidit, stultus fuit, errabundus, &c. Annon vobis videtur Paulus fuisse stultus, quando zelo non secundū scientiā lapidantiū Stephanū vestimēta seruabat, Act. 8. 9. Ecclesiā persequebatur, Christi discipulos vinciebat? aut vllas poterat habere virtutes sine virtute Dei Iesu, aut æstuantē voluptatū flammā restinguere, cū non esset templū Dei? Et quæ maior malitia & inuidia, quàm cōtra absentes à sacerdotibus literas sumere, & vbiq; Christi fideles vastare, nolle se saluum in eo fieri, & iis qui salui esse volebant, inuidere, intantum odij cōtra Saluatōrē instigari, exardere, & Christianos odisse, & consequēter ab omnibus odium promereri? Quis maior error, inobediētia, vācordia, quā postquā respirauit dies, & præterierūt vmbre, legē abolitā velle seruare, & apparēte solido viriliq; cibo, infantie lacte cupere po-

*Pauli vita
ante conuer-
sionē quā
laudabilis.*

*Pauli perse-
cutio aduer-
sus Christia-
nos.*

tari? Simul tamen & humilitas eius admiranda, quòd qui omnē vtilitatē iustitiāq; legis quasi quisquilias & purgamenta contempsit, Phil. 3. rectē se sine Christo vitiis omnibus seruissē memorauit. Hucusque Hieronymus. Et Iudæi ergò post Christum suscitātū prædicatūque non credentes, nedū gentiles ante eundem natum auditūque, tales erant, vtrique ante fidem receptam *insipientes*, nimirū, id est, Sapientiam Dei, quæ Christus est, non habentes. *increduli*, eundem in carne venisse credere nolentes. *errantes*, pro Christo Antichristum expectantes, & reliqua quæ hic describuntur, committentes. Hæc Anselmi sunt. Postremò cum Primasio notādum, quales nos omnes Dominus inuenerit, Præcausati, ait, simus Iudæos & Græcos omnes sub peccato esse, Rom. 3. vt nō de nostris meritis præsumamus, neque de naturæ bono gloriemur. Ecce enim quales eramus ante gratiam, per arbitrij libertatem. Et hic campus, quo nō alius vel amplior, vel asperior, mihi patebat, nisi de liberi arbitrij tum nomine tum re, tum etiam facultate, non semel antea scripissē, 2. Tim. 1. & ad eā Digressionibus 10. 11. & appendice VII. ad eandem, collectis aut potius indicatis, pag. 270. Apostolicis formulis, huic quam enarrauimus, similibus. *Eramus, fuimus, Eratis, fuistis, cum essetis*, quibus hominem post peccatum ante gratiam, id est, peccatorem non adhuc iustificatum, veri boni nihil vel esse vel posse non tātū agnoscimus,

sed & experimur. Sed Deo gratias per Iesum Christum, vt sine quo nihil possumus, Ioan. 15. in eodem omnia possumus, Phil. 4.

Cum autem benignitas & humanitas apparuit Saluatoris nostri Dei: non ex operibus iustitiæ quæ fecimus nos, sed secundum misericordiam suam saluos nos fecit, per lauacrum regenerationis & renouationis Spiritus sancti, quem effudit in nos abunde, per Iesum Christum Saluatorem nostrum, vt iustificati gratia ipsius, hæredes simus secundum spem vitæ æternæ.

POSTERIOR est ratio superioris instructionis, ex credentium statu post conuersionem suam sumpta, ad quem cum ex mera Dei gratia vocati sunt, æterna bona hereditate adituri, multò magis esse debent aliis etiam infidelibus, omnium verò maximè principib⁹, grati, modesti, officiosi, quantum fieri potest secundum Deum. Ostendit autem salutis nostræ statum, eiusque status ordinem & processum, salutis quoque causam, & saluandi rationem, modum, atque finem. Est autem salutis humanæ causa, diuina charitas & misericordia. Deus, inquit, qui diues est in misericordia, propter nimiam charitatē

Humana salutis causa.

suam, qua dilexit nos, etiam cum essemus mortui peccatis, conuiuificauit nos Christo cuius gratia estis saluati, Ephes. 2. Charitatis autem Dei, dico, tum interior affectus, tum exterior effectus. De priore, *Cum autem apparuit*, Ambrosio & Hieronymo illuxit, ut & antè, cap. 2. *benignitas*, eisdem bonitas, & hæc quidem ab æterno in Deo fuit, benignus enim & misericors ubique scripturarum prædicatur: sed hæc quandoque minus apparebat, Vbi nunc est zelus tuus, multitudo viscerum tuorum & misericordiarum tuarum? super me continuerunt se, Esa. 63. sed palam facta est per effectum, Filium eius utique incarnatum, de quo, & *humanitas*, Sic enim non aliquot tantum Latini, Hieronymus in scholiis, Primasius, Bruno, Aquinas, sed & ex Græcis Oecumenius & Theophylactus, de Christo secundum hominem, siue humana natura & incarnatione exponunt, non quasi pater eam assumpserit, sed quod sic humanum genus dilexerit, ut eius seruandi studio, filium suum unicum carnem sumere iusserit, & simile nobis effecerit: quod Dei erga nos humanitas per humanitatem Verbo cuncta præferri apparuerit. Catholicè quidem, sed cum non hic legatur ἀνθρώπινος, sed φιλανθρωπία, hoc est, studiū & amor, & ut apud Gelium, li. 13. cap. 15. dexteritas quadam ac beneuolentia erga omnes homines promiscua, cui diuersa est μισανθρωπία. Quod hic Hieronymo & Ambr. in textu humanitas est illi in Cōmentariis est clementia in scholiis & Prima-

*Philanthro-
pia.*

fio, Dei largitas. Virtus, inquit Thomas in exte-
 riori defectuū alienorū subuentione consistēs,
 Nihil enim tam humanum, quàm inuicem cō- *Humanitas,*
 descēdere. Barbari (ait) pręstabāt nobis nō mo- *philanthropia*
 dicā humanitatē, Act. 28. & 27. φιλανθρώπως hu-
 manē, seu humaniter Paulū tractās Iulius Cen-
 turio, &c. Condescendit autem Deus nostris *Condescen-*
 defectibus, vel maximē figmentum nimirū *sio, omnium*
 nostrum imō suum cognoscens, Psal. 102. de *humanissi-*
 quo sequitur, *saluatoris nostri Dei*, qui sicut pro
 nobis, sic pro eis qui adhuc infideles sunt, saluā-
 dis apparuit, Dei dico Saluatoris, vel totius su-
 perbenedictę Trinitatis, ad saluandū nos pro-
 pensissimę. Deus enim noster, Deus saluos fa-
 ciendi, & Salus Iustorum à Domino, Psal. 63.
 36. vel certē Patris, de hoc enim sic inter-
 prętatut Hieronymus, vt palām obstare videat-
 ur, quominus accipi de tota Trinitate possit:
 Minus quidem euidenter Ambrosius, sed tamē
 & is ad Patrem refert, vtērque paulò pōst alle-
 gandus, quibus clarissimē Patrem hīc Saluato- *Pater etiam*
 rem vocari consentit Anselmus, Tales, in- *saluator di-*
 quiens, fuimus ante Christi notitiam, quales *ctus.*
 descripsimus: ideóque dānationem meriti:
 sed per Dei gratiam in Christi cognitione salu-
 tem reperimus, nam saluos nos fecit, *cum appa-*
 ruit, quando illuxit *benignitas*, diuinę misericor-
 dię largitas, eiúsque operum exhibitio, *et hu-*
 manitas, bonus item affectus misericordię Dei
 Patris, & *saluatoris nostri*, in Deo ad similitudinē
 nostri ita dictus, Nam is apud nos humanus

dicitur, qui humanitus & misericorditer erga homines afficitur, quia humanitas, misericordiae affectus est. Secundum fidem & intellectū nobis apparuit humanitas & benignitas Dei Saluatoris, quando comperimus Deum PATREM miseratorem esse ac misericordem, Hæc ille. Nec humanus tantum propter misericordiam, & in homines affectum, sed etiam homo in parabola vocatur, Matth. 21. Marc. 12. Luc. 20. Deus homo, inquit, erat paterfamilias, Is nimirum idē qui misit in vineam alios & alios seruos suos ac agricolas, & nouissimē Filiū, vt obseruat Irenæus li. 4. cap. 70. Et editio nis secundæ in Matthæū siue Chrysostomus cū suo ibi Theophylacto, siue autor alius, homil. 40. Homo nomine, non naturę: similitudine, non veritate: natura hominum & angelorum Dominus: misericordia, homo, beneuolentia pater. Sequitur vera saluandi nostri ratio, & præsumpta eadēque falsa excluditur, quasi propter merita nostra saluati simus. Hanc autē excludit, cū dicit, *nō ex operibus iustitiæ*, seu quę sunt in iustitiā, *quę fecimus*, fecerimus, aut antē faciebamus *nos*, tot suprà modis peccatores, etiam in Dei lege Iudæi, quantò minus sine lege & Deo gentiles? Illis enim olim iam dictum est, Ne dicas in corde tuo, propter iustitiam meam introduxit me Dominus, vt terram hanc possiderem, Non enim propter iustitias tuas, & rectitudinem cordis tui ingredieris vt possideas, Dent. 9. De horum autem operibus equę clarum,

clarum, si nō permultò clarius. Sentit ergò hîc
 vt alibi passim, non tantùm de operibus legis
 Mosaicæ, licet id veteres quidam senserint, sed
 de omnibus omnium hominum operibus, sed
 Dei gratiam, Christi fidem præcedētibus ope-
 ribus. perinde ac si diceret, hoc vt Deus per fi-
 lium nobis appareret, & salus inde profecta, nō
 processit ex meritis nostris, quia nulla iustitiæ
 antè opera feceramus, nec adeò piè vixeramus,
 ynde Verbi incarnationem & salutē inde no-
 stram promeruissemus, *sed secundum misericordiā*
suam, cū alioqui perditione digni, & salute in-
 digni essemus, *saluos nos fecit*, non secūdum me-
 rita nostra nobis hanc salutem dedit, ita forsità
 eos qui adhuc increduli sunt, saluos eadem gra-
 tia facturus, & sic eorum miserebitur, vt nostri
 misertus est. Porro cū hîc misericordiam ap-
 pellare videatur, quod paulò antea bonitatem
 seu benignitatem, sic tamen inter hæc tria di-
 stinguit Augustinus, vt quod habet Psal. 105. &
 117. Confitemini Domino quoniam bonus, il-
 lic *ἁγίος* nonnulli suauem interpretētur, item
 hîc *ἁγίος*, non vtcunque, sed excellentissimè
 bonus accipiatur. Et quod vtròbique sequitur, *Bonus quo-*
 quoniam in æternum misericordia eius, ad hos *modo intelli-*
 pertineat, quos de miseria liberat, non vt eius *gendus De⁹.*
 misericordiæ fuisse intelligam⁹, facere cælum
 & terram, & luminaria, cū id bonitatis sit
 eius qui creauit omnia bona valde, creauit au-
 tem omnia vt essent: hoc verò misericordiæ,
 vt à peccatis nostris mundet nos, & à miseria

liberet in æternum. Non est ergo vox delicatorum militum, Dei Chrſtique gratiam extollere, opera noſtra extenuare, ſed Pauli, toties diuinam miſericordiam inculcantis, eiſque interpretum, & veterum & Scholaſticorum. Nam quæ hæcenus hîc diximus, Græcorum ſunt, & Anſelmi, & Brunonis. Primaſius quoque, nō dubiū quin alicūde ex Auguſtino mutuatus, notandum hîc ait, quòd nullis noſtris meritis, nec ſecundum induſtriam vel laborem noſtrum, ſaluati ſumus, ſed ſola Redemptoris miſericordia, qui nos in omni opere bono & præuenit & conſumat. Conticeſcant liberi arbitrij præcipitatores magis quàm deſenſores. Sic Aquinas, Vera noſtri ſaluandi, ſiue ſalutis noſtræ ratio, eſt ſola Dei miſeratio. Miſericordiæ enim Domini, quòd non ſumus conſumpti, Thren. 3. Reliquiæ ſecundum electionem gratiæ Dei ſalutæ factæ ſunt, Rom, 11. & Luc. 1. miſericordia eiſ à progenie in progenies, &, per viſcera miſericordiæ Dei noſtri, in quibus viſitauit nos oriens ex alto. Lyrà quoque ita ratiocinatur, Salus enim æterna totaliter excedit humanæ naturæ facultatem, propter quod non poteſt eam attingere, niſi ex diuinæ miſericordiæ largitate. Secundò notādum ex Anſelmo, quod & antè Beda ex Auguſtino contra Fauſtum lib. 11. cap. 7. hîc citauit, De ſpe magis futuræ ſalutis hîc data, quàm de ſalute illic promiſſa, ſermonem hunc eſſe, & tamen quia certa ſpes eſt, tanquam iam eadem

Salutis noſtræ veræ ratio, Dei miſeratio.

data salus eſſet, eadem nos, inquit, ſaluauit, vt & alibi dilucidiffimè dixit, Spe ſalui facti ſumus, Rom. 8. nondum ergò re, ſed iam certa ſpe ſal- nos nos fecit, id eſt, ſalutem æternam & animæ & corporis nobis dedit, *per lauacrum*, modus eſt adipiſcendæ ſalutis, quem primò proponit, ſe- cundò eius effectus, tertio cauſam, per baptiſ- mum, inquit, ſaluati ſumus, Sic enim & alibi vocat, Mundans Eccleſiam lauacro aquæ, Eph. 5. In quo ſumus à peccatorum ſordibus loti. Et hæc (peccatores ſcilicet omnimodi) aliquando quidem fuiſtis, ſed abluti eſtis, &c. 1. Cor. 6. Hebr. 10. abluti corpus aqua munda, aſperſi cor- da à conſcientia mala. Et ad hunc conuerſum Ananias, Baptizare, & ablaere peccata tua in- uocato nomine Domini, Act. 22. Et Eunūcho ſic roganti, Ecce aqua, quid prohibet me bap- tizari? dixit Philippus, Si credis ex toto corde, li- cet, & reſpondentē credere ſe Dei Filiū eſſe le- ſum Chriſtū, deſcendentēque in aquam ba- ptizauit, Act. 8. & 10. Nunquid aquam, ait Pe- trus, quis prohibere poteſt, vt non baptizentur qui Spiritū ſanctum, ſicut & nos, acceperūt? Et iuſſit eos (Corneliū cū eius domo) baptizari in nomine Domini. Huius idem baptiſmalis aquæ figuram facit, cū Noë cum ſuis ſaluus factus eſt per aquam, quòd & nos, inquit, nunc ſimilis formæ ſaluos facit baptiſma, non carnis ſor- diū deſcriptio, ſed conſcientiæ bonæ interroga- tio in Deū, per reſurrectionē Ieſu Chriſti à mor- tuis, 1. Pet. 3. Nā quicunq; in Chriſto baptizati

Baptiſmi ne- ceſſitas & efficitia.

sumus, in ipsius mortem baptizati sumus, consepulti ei per baptismum in mortem, in quo & resurreximus, Rom. 6. Col. 2. & patres omnes in Moyse baptizatos ait in nube & mari, 1. Cor. 10.

Digressio. XI.

Quantam vim habeat baptisma, & aqua in Christo sanctificata gratiam, docet ad Oceanum Hieronymus, de schola Rhetorum, aquarum laudes & baptismi sic prædicans, rudi adhuc mundo solus Spiritus Dei aurigæ in modum super aquas ferebatur, Genes. 1. & nascentem mundum in figura baptismi parturiebat. Fabricatur homo de limo, & inter Dei manus aquarum sacramenta versantur, Gene. 2. Fons vnus in Paradiso in quatuor principia diuisus, postea de templo egrediens, & contra solis ortum vadens, amaras aquas mortuasque viuificat. Peccat mundus, & sine aquarum diluuiio non purgatur, Gene. 6. 7. 8. Pharaon cum exercitu suo in typo baptismi suffocatur, Exod. 14. De cuius ibidem interfectione, in Psal. 73. scribitur, Confirmasti in virtute tua mare, contribulasti & confregisti capita Draconis imò Draconum, in aquis. Lignum quoque super aquas, siue secus decursus aquarum plātatum, Psal. 1. & Hier. 17. transplātatum, signat nos de siccitate Iudaica

in baptismatis gratiam sempiternam translatos. De baptismatis item gratia dicitur, Psal. 28. Vox Domini super aquas multas, eodem ad Suniam & Fretelam, interprete. Quod in Leuitico legimus, iuxta Dei præceptum, Moysem lauiffe Aaron & filios eius, iam tunc purgationem mundi & rerum omnium sanctitatem, eidem ad Fabiolam, baptismi sacramenta signabant. Mare mutatur sacramento crucis, & Lxx. palmæ dulcoratis legis gurgitibus irrigantur, Exod. 15. Abraham & Isaac puteos fodiunt repugnantibus Allophylis. Ber-
 sabea ciuitas iuramenti, regnum Salomonis futurum, nomen sumit à fontibus, Rebecca inuenitur ad puteum, Rachel propter aquas supplantatoris osculo salutatur, Genes. 21. 24. 26. 29. Moyses filias Sacerdotis Madian aperto puteo ab iniuria vindicat, Exod. 2. Dentes sponsæ sicut grex tonsarum quæ ascendant de lauacro, Cant. 4. 6. Audiamus apud Ezechielem filium hominis, quomodo de salutaris baptismi virtute pronunciet futurus filius hominis, cap. 36. Effundam, siue aspergam super vos aquam mundam, & mundabimini ab omnibus immunditiis, inquinamentis, idolis vestris. Micheas quoque de baptismi gratia vaticinatur sic, cap. 7. Miserebitur nostri, demerget iniquitates nostras, & proiciet in profundum maris omnia peccata nostra. Et de baptismatis item. aqua, Zacha. 13. Erit fons seu vena Domini Dauid, & ha-

Bersabea ciuitas à fontibus dicta.

bitantibus Hierusalem in ablutionē seu asper-
sionem peccatoris & menstruatae, seu pecca-
ti & menstrui. Præcursor Domini in aquis
fontium Christo populum præparat. Salua-
tor post baptisma, & sanctificatas lauacro suo
Iordanis aquas, regnum cælorum incipit præ-
dicare, Matth. 3. Luc. 3. Marc. 1. Ioan. 1.
Primum signum ex aquis facit, Ioan. 2. 3.
Nicodemo renascendum ex aqua prædicat. 4.
Samaritanā vocat ad puteum, Sitientem in-
uitat ad potum. 5. paralyticum iacentem ad
piscinam sanat. Qui ab aquis cœperat, fini-
uit in aquis, 19. Latere lancea percusso, baptis-
mi sacramentum fundens. Post resurrectionem
Apostolis præcipit vt baptizent in nomine
Trinitatis, Matth. 28. Marc. 16. Pœnitens facti
populus Iudæorum statim à Petro ad baptisma
mittitur, Act. 2. 8. Eunuchus lectione pro-
phetica Christi baptismati præparatur. 9. Pau-
lus non antè recuperat aspectum, quàm curet
baptismo sanitatem. Dies me deficiet, si cun-
cta quæ ad baptismi potentiam pertinent, de
scripturis sanctis voluero digerere, & natiuita-
tis secundæ, imò in Christo primæ, ponere
sacramenta. Præsertim cùm Cyprianus scri-
pserit lib. 2. Epistol. 3. quòd. quoties aqua sola
in scripturis sanctis nominatur, baptisma
prædicatur, vt Esa. 43. Faciam in deserto
viam, & flumina in loco inaquoso, adaquare
genus meum electum, &c. significans & præ-
nuncians apud gentes in locis prius inaquoso-

*Aqua nomen
solum posuit
in scripturis
sanctis, bap-
tismi indicat*

sis , flumina per regenerationem baptismi
 filios Dei factos adaquatura. Quod denuò
 præcinitur & prædicitur, Iudæos, si sitierint,
 & Dominum quæsierint, nobiscum esse pota-
 turos, id est, baptismi gratiam consecuturos.
 Si sitierint, inquit, per deserta, adducet illis
 aquam, de petra producet illis, findetur pe-
 tra, fluet aqua, & bibet plebs mea, Esa. 43.
 quod in Euangelio adimpletur, quando Chri-
 stus, qui petra est, lanceæ ictu in passione
 finditur, Ioan. 19. Superiorum baptismi fi- *Figura ba-*
 gurarum, Diluuij sub Noë, maris rubri sub *ptisus.*
 Moyse, cui similis est Iordanis sub Iosue
 transitus, Ios. 3. meminerunt Basilius in ex-
 hortatione ad baptismum, & de Spiritus san-
 cto cap. 14. Prosper in Psal. 105. 106. 135. Da-
 mascenus lib. 4. cap. 10. & addunt eiusdem vim
 ab Helia præmonstratam, 3. Reg. 18. aquæ ter-
 tiò super aram effusæ, & holocaustum com-
 burentis mysterio. Fuit & baptismi typus
 Naaman Syrus, à lepra per septuplicem in
 Iordane lotionem curatus, 4. Reg. 5. Et super-
 na scriptura testimonium fert aquæ, quòd
 purgatio est, per aquam omnis immundus
 secundum legem purificatur, indumentis
 per aquam lotis, Leuit. 14. & ferè omnia in
 lege aqua purificantur: Nam visibilia intel- *Aqua puri-*
 ligibilium signa sunt. Primum ergo baptisma *ficatio in le-*
 fuit Diluuij in abscensionem peccati, 11. per
 mare aquæ, & nubem Spiritus signa, 111. le-
 gale, quo omnis immundus abluebatur aqua,

& ingrediebatur castra. II II. Ioannis, introductorium ad Christi fidem, ad pœnitentiam adducens, & ad spiritum per aquam præpurificans, quod & iisdem propè verbis Cyrillus exponit in Ioan. lib. 2. cap. 57. v. Domini baptisma, quo baptizatus est, non purificatione indigens, sed nostram sibi purificationem approprians, ut in aquis capita draconum contereret, veterem Adamum sepeliret, sanctificaret baptistam, legem impleret, Trinitatis mysterium reuelaret, forma & exemplum nobis fieret, ut perfecto eius baptismo, per aquam & Spiritum baptizaremur. v I. per pœnitentiam & lacrymas verè laboriosum. v II. per martyrium & sanguinem, valde venerandum & beatum, quatenus succedentibus non inquinatur sordibus. v III. & vltimum, non, ut superiora, salutare, sed malitiæ exitiosum, & sine fine per futurum ignem punitorium. Et de baptismi figuris, speciebus, ac elemēto seu materia, hæten⁹, cuius rationes aliquot baptismo cum reliquis sacramentis cōmunes Magister assignat, lib. 4. dist. I. C. tres, Humiliationē, ut dū insensibilib⁹, quæque infra eā sunt, rebus ex creatoris præcepto se reuerenter subiicit, ex hac tum humilitate, tum obediētia plus Deo placeat, cuius imperio salutē in inferiorib⁹ se quærit, *nō quidē ab illis, sed per illa à Deo* Eruditionē, ut per id quod foris in visibili specie cernitur, ad inuisibilē, quæ intus est, virtutē cognoscendā mens erudiat⁹.

Baptismi rationes.

Exercitationē, quæ homini alioqui otioso, aut vanis & noxiis occupando utilis atque salubris, in iis si quis proponitur, vt Dist. 3. H. mysteriū hoc in aqua celebratur, non tantū quia communi & elemento vbique abundante, ac proinde huius sacramenti necessitati conueniente, quod vbique & apud omnes inueniatur, ne quem excuset inopia, sed & quidem multo magis intelligatur, quod sicut aqua corporis sordes abluir, ita baptismus animæ maculas, vitiorūque inquinamenta mundando abstergit.

Quod baptismi opus & virtutem ignorans apostata Iulianus, deridebat vt deliros, venientes ad Christi baptismum, vt ad aquam cōmunem, & corporalibus morbis, multo que magis animæ maculis abluendis inutilem. Respōdet Cyrillus lib. 7. Salutare baptismum non ad curandas corporis ægrotationes à nobis assumi: multo verò minus ad sensibiles vsque visibilesque res tantū diuinum hoc & venerabile Christi sacramentum pertingere. Subtilis est valde & profundus de hoc sermo, & ex iis de quibus ait, Esa. 7. Ni si credideritis, non intelligetis. Profundioribus tamen relictis, conuertā me ad ea, ex quibus videre liceat aduersarium temerē nugari, ac etiam scientem, verum vituperare. Non enim salutare baptisma corporaliū passionum depositionem annunciat (1. Petr. 3.) vt si hoc nō faciat, ne mitemur. Quod autem Christo volente, etiam ad hoc aqua citra controuersiam sufficeret, faciliē reputabi-

Iulianus apostata baptismum irridebat.

mus, ineffabilem eius & supernaturalem virtutem considerantes. Quid enim non admirabile ab eo factum? aut quis modus diuinorum non demonstratus signorum? nutu enim leprosos mundauit, hydropicos liberauit, claudos correxit, Cæci oculos aquis Siloas ablutos tenebris exemptis, insolita luce illustrauit, Ioan. 9. Qui tam inquam, eximia sola voluntate absque labore fecit, etiam aquis immissa virtutis lux efficacia, nonnè interdum ostendit beneficium per sanctum baptisma, quemuis

Baptisma

quemuis etiā

corporalem

morbum de-

pellere posse.

etiam corporalem morbum depellere posse. Sed ob alia datum nobis esse dicimus, nimirum vt depositis gentium tenebris, & veritatis lumine cordis oculum perfusi, Deum agnoscetes natura & verè omnium natiuitatis autorem, sic ad alterius vitæ venientes exordium, ingressi veræ pietatis semitam Christo annuente iustificemur, vt per quem nobis pater misericors, ab omni nos peccato liberet, nobis peccatorum pœnas remittat, nos etiam mente per Spiritum sanctum sanctificet, nos modo, quo nouit, ad nouitatem mentis iustæ & castæ reformet, vt quis tum adhuc condemnet, vel quæ supersit macula, dicere non possim, dicturus alioqui multa alia, & vera demonstraturus, per Mosem & prophetas præfiguratum esse hoc sacramentum, & non nouum vel nuper ortum, aut à nobis iuentum, nisi reuereretur non initiatorum aures, qui minus comprehensibilia ple-

runque tident, quæ imbecillitate mentis minus capiunt, & nibili omnino faciunt, quæ omni admiratione prosequi decebat, vt optimi illi patres solo aquarum spectaculo sacramentum expendentes. Hæc Cyrillus. Quod autem familiari nobis elemento hîc Deus condescenderit, Nouit enim Deus, ait vbi suprâ Damascenus, cap. 14. humanam infirmitatem, quod complura vsû non trita molestè ferens auersatur. Assueto igitur condescensu vsus, per consuetam naturæ facit quæ supra naturam, vt in baptis-
Baptismus
cur in aqua
consequitur.
 mato, quia consuetudo hominibus est aqua lauari, coniunxit aquæ Spiritus sancti gratiam, & fecit illud *lauacrum regenerationis*, qui est duorum baptismi effectuum, quos hîc tangit littera, prior, Aquinate sic expediente. Sciendû hominem in statu perditionis duobus indiguisse, quæ per Christum consecutus, participatione diuinitatis, & depositione vetustatis. Erat enim à Domino separatus, Peruersa, inquit, cogitationes à Deo separant, Sap. 1. & iniquitates vestra diuiserunt inter vos & Deû vestrû, Esa. 59. Prius ergo per Christum habemus, diuinæ per eû naturæ consortes effecti, 2. Petr. 1. Noua autem natura nisi per generationem non acquiritur, quæ tamen natura ita datur, vt & nostra remaneat, atq; ita vetus homo noster cû Christo crucifigatur, & corpus peccati aboleatur, Ro. 6. Ideoq; dicitur generatio, Oportet, ait, nasci denuò, vel desuper, non quidem secûdò in ventre matris itroire, sed ex aqua & spiritu renasci,

Nasci denuò
quid sit.

aliter in Dei regnū non introituros: quia quod
natum est ex carne, caro est: quod ex spiritu,
spiritus est, Ioan. 3. Est enim baptism⁹, spiritua-
lis, vt ablutio, ita regeneratio, qua post carnalē
generationem iterum, sed spiritualiter, & veteri
homine deposito, nouus homo generatur, &
prior, quæ in peccatis est, generatio destruitur,
per malorum velut euacuationem: & secunda,
quæ spiritualis est, obtinetur. Idq; maximè con-
gruit aquæ signo. Nam & semina, ex quibus o-
mnia viuētia generātur, plantæ videlicet & ani-
malia, humida sunt, & ad hoc elementum per-
tinent, vt nō absque causa philosophi quidam,
adeoque septem Sapientum primus Thales, a-
quam posuerint rerum omnium principium,
his adducti coniecturis, quòd omnium animā-
tium genitura humida sit, stirpes omnes humi-
do alantur, humoris expertes aētutum arescāt,
Solis quoque ignis, siderūque, aquarum ex-
piramentis alatur, quinimò & mūdus, vel Ho-
mero testante,

Oceanus, de quo primū sunt omnia nata.

Ex Plutarcho de placitis philosophorum, lib. i.
cap. 3. Ex hac ergo similitudine & renasci, & re-
generari, & baptizari nobis idem est, ait cōtra
Iulianum lib. 6. cap. 4. Augustinus, hoc enim
verbum ex Græco Latina consuetudo sic habet
vt non alibi soleat, nisi in sacramento regene-
rationis intelligi. Duo autem quæ ia vno homi-
ne fiunt, nasci & renasci, ad duos, inquit idem
Dardano, Epist. 57. homines pertinent, vnum

*Regeneratio
spiritualis.*

*Semina om-
nia humida
sunt.*

*Renasci, re-
generari &
baptizari
idem.*

ad primum Adam, alterum ad secundum, Christum. Sed nō prius quod spiritale est, sed quod animale. Primus homo de terra, terrenus, secundus de cælo, cælestis, per vnum mors, per vnum Resurrectio. 1. Cor. 15. nec moreremur, nisi per carnalem propaginem de membris illius veniremus: nec viueremus, nisi per spiritalem cōnexionem membra huius essemus. Ideo nobis opus fuit nasci & renasci, illi propter nos tantummodo nasci: nos enim à peccato ad iustitiā renascendo transimus, ille à nullo peccato ad iustitiam transitum faciens, in eo quod baptizatus est, nostræ Regenerationis sacramentum sua humilitate altius commendauit. Veterem hominem nostrum passione, nouum Resurrectione significans. Nemo nascitur nisi operante concupiscentia ex primo homine tracta, nemo renascitur, nisi operante gratia spiritali, ex secundo data, ad illum nascendo, ad hunc renascendo pertinemus. In cuius corporis, tanquam in viuam structuram templi Dei, quæ est eius Ecclesia, nati homines nō ex operibus iustitiæ quæ fecerunt, sed renascendo per gratiā transferuntur tanquam de massa ruinæ ad edificij firmamentum, à quo omnis non renatus, alienus. Sacramentum porro regenerationis nostræ manifestum esse voluit manifestus mediator, &c. Et in Enchiridio cap. 31. Tunc effici-mur verè liberi, cum Deus nos fingit, id est, format & creat, non vt homines simus, quod iam fecit, sed vt boni simus, quod nunc gratia sua

*Nasci, vnde
& vnde re-
nasci.*

facit, vt simus in Christo Iesu nouus homo, Eph. 2. noua creatura, 2. Cor. 5. Gal. 6. secundum quod etiam dictum est, cor mundum crea in me, Psal. 50. Nec enim cor eius, quantum pertinet ad naturam cordis humani, non iam creauerat Deus, cap. 51. 118. 119. Satis indicat Ro. 5. Paulus, neminem ex Adam natum, nisi damnatione detineri, neminem nisi in Christo renatum, à damnatione liberari. In quacunque autem quatuor ætatum, ante legem, sub lege, sub gratia, in gloria, singulum quenque hominem gratia regenerationis inuenerit, ibi ei remittuntur præterita vniuersa peccata, & reatus nascendo contractus, renascendo dissoluitur. Et inter eius sententias per Prosperum decerptas, 299. Primus homo Adam sic olim defunctus, vt post eum secundus homo sit Christus, cum tot hominum milia inter eos orta sint, & ideo manifestum est, ad illum pertinere omnem qui ex illa successione propagatus nascitur: ad hunc, omnem qui gratiæ largitate in hoc renascitur. Vnde fit vt totum genus humanum quodammodo duo sint homines, primus & secundus. 301. Iustus autem ex Deo, non ex hominibus nascitur, quoniam renascendo, non nascendo, fit iustus, vnde etiam renati filij Dei vocantur. 330. Vna ergo natiuitas de terra, carne, mortalitate, de masculo & fœmina. Alia de cælo, Spiritu, æternitate, de Deo & Ecclesia, & duæ singulares sunt. Et in Psal. 6. Duas generationes ponit & exponit, vnam

Ætates quatuor.

Humanum genus totum quodammodo duo homines

quæ ad corpus, alteram quæ ad animam pertinet, quæ & Regeneratio dicitur. Est & altera Augustino de doctrina Christiana, lib. 1. cap. 19. 20. animi quædam mors & renascen- *Animi mors quædam & renascentia.*
 tia, vitæ scilicet prioris morumque reiectio, quæ fit pœnitendo, cùm animus post pœnitentiam, qua priores mores perditos interemit, reformatur in melius. Cuius autem animus non huic seculo moritur, neque incipit configurari veritati, hoc est, qui non renascitur, in grauiorem mortem morte corporis trahitur, nec ad communionem cælestis beatitudinis, sed ad luenda supplicia reuiuiscet. Tertia, eodem interprete, Regeneratio, Christo dicente, Matt. 19. In Regeneratione cùm sederit filius hominis in sede maiestatis suæ, &c. *Regeneratio nouissima & resurrectio.*
 hoc loco, nullo ambigente, nouissima resurrectio, non vtique talis Regeneratio, qualis fit per baptismum, sed in qua etiam in corpore perficietur, quod nunc spiritu inchoatur, libr. secundo de peccatorum meritis & Remissi. capi. 7. Sic enim caro nostra regenerabitur per incorruptionem, vt anima nostra regenerata est per fidem: vt duæ sint regenerationes. Vna secundum fidem, quæ nunc fit per baptismum: Alia secundum carnem, quæ fiet in eius incorruptione ac immortalitate per iudicium magnum atque nouissimum. Lib. 20. de Ciuitate, capite 5. & 6. Et in Psal. 143. duas ponit omiſſa media, generationes, Generatio, inquit, & generatio

laudabit opera tua. Quarum utraque sumus Filij Dei, priore quidem adoptionis, alia autem resurrectionis, Luc. 20. Filij appellatur. Eadem etiam Paulo adoptio & redemptio corporis vocatur, Rom. 8. Nunquid non per lauacrum sanctum regenerati, adoptati, redempti sumus? & tamen restat regeneratio, adoptio, redemptio, quam in fine venturam nunc patienter expectare debemus, ut tunc filij huius seculi nulla ex parte iam simus. Quisquis ergo baptismo derogat, quod modò per id percipimus, corrumpit fidem: Qui autem iam nunc ei tribuit, quod quidem per ipsum, sed tamen postea accepturi sumus, amputat spem: Nam si à me quisquã quaesierit, utrum per baptismum salui facti sumus, negare non potero Paulum id hinc dicentem. Sin quaesierit utrum per idem lauacrum omni prorsus modo iam nos fecerit saluos, respondebo, non ita est, idem quippè item dicit, Spe salui facti sumus, & si quod non videmus, speramus, per patientiam expectamus, Rom. 8. Salus ergo hominis in baptismo facta est, quia dimissum est quod peccatum à parentibus traxit, vel quicquid etiam propriè ante baptismum peccauit, Salus vero hominis tanta tum erit, ut peccare omnino non possit. Hæc contra Pelagianos ad Bonifacium, lib. & cap. 3. Et li. 4. cap. 11. citat huius sententiæ & expositionis secum restem Ambrosium super Esaïam, qui liber, opinor, minimè extat, ad id Esa. 1. Filios genui, &c. Suscepit de generationibus quæ ex Deo sunt,
dispu-

disputare, & concludit ita, Si igitur diuersæ generationes sunt, & hic introitus in hanc vitam receptor est delictorum, intantum vt spernatur etiam qui genuit, alia autem generatio peccata non recipit, videamus ne qua sit post huius vitæ curriculum nostra regeneratio, de qua suprâ, In regeneratione, &c. Sicut enim regeneratio lauacri dicitur, per quam deterfa peccatorum colluuiione renouamur, ita regeneratio dici videtur, per quam ab omni corporeæ con-^{Regeneratio lauacri, & regeneratione ve} cretionis purificati labe, mundo animæ sensu in vitam regeneramur æternam, eò quod purior quædam qualitas sit regenerationis illius, quàm lauacri huius, vt non solum in actus eius sed ne in ipsas quidem cogitationes nostras vlla cadat peccatorum suspicio. Quod fragmentum repetens idem contra Iulianum, lib. 2. sic ait, Nempè distinxit vir sanctus & verax iustificationem vitæ huius, quæ fit per lauacrum regenerationis, & illius perfectionem, cum & nostra corpora fuerint immortalitate renouata. Non itaque fuit Ambrosio, fatenti licet nascentis originis vitium, desperata iustificationis perfectio. Quia sicut est humana natura creatori Deo formabilis, ita redemptori sanabilis. Sed vos festinatis, & præsumptionem vestram festinam præcipitatis: hîc enim vultis hominem perfici, atque vrinam Dei dono, non libero, vel potius seruo propriæ voluntatis arbitrio. Iustificatio porrò in hac vita secundum^{Iustificatio in hac vita} tria confertur, Prius lauacro regenerationis, ^{secundū tria confertur.}

quo remittuntur cuncta peccata, Deinde con-
gressione cum viriis, à quorum reatu absoluti
sumus, Tertiò dum nostra exauditur oratio,
qua dicimus, Dimitte nobis debita nostra.
Hæc ille: quibus satis constat regenerationis
baptismalis in hac vita necessitas, vsus, atque
modus. Minus ergo sapit Augustinum autor
Quæstionum mixtim ei inscriptarum, Quæst.
vlt. Non video, inquit, reos fieri homines,
quia nati sunt, sed quia malè conuersati, imò
etiam quia nati: & iræ enim filij natura, seu
nascendo sumus, Ephes. 2. Sed si utilis, ait,
est natiuitas, cur renascimur? respondet, non
renasceremur nisi utilis esset natiuitas, Re-
spondeo contrà, nisi non solùm non utilis,
sed etiam noxia & peccaminosa nobis esset
natiuitas, nec nobis cur renasceremur, opus
fuisset. Pergit, Renasci enim renouari est, &
qui renouantur, instaurantur, non ergo ac-
cusat renascibilitas natiuitatem, sed reformat:
imò & accusat simul ac reformat. Et quod re-
formatur (ait) bene ab initio institutum pro-
batur, Rectè, Sed quod reformatur, bene
licet ab initio à Deo formatum, pòst tamen
ab homine diaboli vtrique instinctu deforma-
tum, non minus probatur. Vt ergo redda-
mur ad pristinum Adæ statum, qui sic corpus
suum subiugauit peccato, vt nascerentur ho-
mines sub peccato, renascimur, expiamur,
reparamur, immutamur, abluimur, meliora-
mur, resurgimus denique per fidem, obedi-

tiam, & lauacrum regenerationis, & *renouationis*, siue renouationem, vt repetatur prapositionio *per*, Sermo enim Græcis anceps est, quod *no* paternum casum postulat. Et sic sanè legit Hieronymus in Commentariis locum hunc ordinans. Nec secus interpretatur Chrysostomus, ita repetens, hoc est quod ait, per renouationem Spiritus sancti novos iterum fecit. Aded vitiis immersi eramus & effusi, vt non purgatione, sed renouatione magis opus esset, neque vlla ratione purgari possemus, nisi etiam denuò nasceremur, reficeremur, renouaremur. Et id enim significant Græca vocabula, secundam natiuitatem, nouamque formationem, vt domum veterem, putrem, cariosam, ruinofam, citòque collapsuram, instaurandam, non vel fulcris suppositis sustentamus, vel veteribus structuris fulcimus, sed funditus diruimus, & ad fundamenta vsque demolimur, & ita euersam nouam omnino ædificamus, sic in nobis Deus non aliquid inædificauit, non reconcinnauit, quod corruptum erat, sarciendo, sed evertit quod male steterat, & nos denuò creauit & condidit. Sic Græci. Et hic est alter baptismi effectus, quo baptizatus per Christum ad naturæ reparatus integritatem, priorem deponit vetustatem, veterem sub peccato vitam terminat, nouam sub gratia & iustitia inchoat, & deposito veteri homine, innocentiae, quam in primo parente, priusquam pec-

*Renascentia
nostra neces-
sitata.*

*Novitas ho-
minis qua sit*

*Homo vetus
deponendus.*

*Vetus homo
• exterior
quis dicatur.*

caret, perceperamus, novitatem iterum percipit, in qua vitæ novitate deinceps ambulat, & quotidie crescendo in melius magis atque magis renouatur. Sic Latini conformiter ad alios Pauli locos. Vtut, inquit, qui foris est, noster homo corrumpatur, qui tamen intus est, de die in diem renouatur, 2. Cor. 4. Et Ephes. 4. Deponite vos secundum pristinam conuersationem, veterem hominem, qui corrumpitur secundum desideria erroris. Renouamini spiritu mentis vestræ, & induite novum hominem, qui secundum Deum creatus est, in iustitia & sanctitate veritatis. Quæ repetit Col. 3. Expoliantes vos veterem hominem cum actibus suis, induentes novum, qui renouatur in agnitionem, secundum imaginem creatoris sui, ac recreatoris Christi, ut quomodo is surrexit à mortuis, ita & nos in novitate vitæ ambulemus, in novitate ei spiritus, non in vetustate literæ seruiamus, in novitate sensus nostri reformemur, Rom. 6. 7. 12. & quasi modò geniti infantes, rationabile ac sine dolo lac concupiscamus, ut & in eo crescamus in salutem, neque iam hominum desideriis, sed Dei voluntati, quod reliquum est temporis in carne viuamus, 1. Petr. 2. 4. Et vetus igitur homo & exterior, eidem vbi supra Augustino in Psal. 6. dicitur, quo secundum corpus & carnem viuitur: Interior autem, quo secundum animam, qui & novus, propter regenerationem, morumque

spiritualium innouationem, quæ in sacrosancto lauacro inchoatur, vt proficiendo perficiatur, in aliis citius, in aliis tardius, sic à multis in nouam vitam procedatur. Sic Apostolus internum hominem de die in diem renouari dixit, vt perficiatur, Et Manichei scilicet à perfectione volebant incipere, eam impudenter in Catholicis imbecillioribus querentes, & nullo apud se modo exhibentes, vt idem habet ad finem libri de moribus Ecclesiæ catholicæ. Et lib. 14. de Trinitate cap. 16. 17. collatis superioribus Pauli locis, hæc, ait, animæ peccato decoloris, deformis, & deformatæ reformatio, & (quotidiana) renouatio, non vno momento fit conuersionis eius, sicut quæ in baptismo fit, remissione omnium peccatorum, nec enim vel vnum quantulumcunque remanet, quod non remittatur, sed vt aliud est carere febribus, aliud ab infirmitate febribus facta reualefcere, aliud infixum telum de corpore demere, aliud, vulnus eo factum secunda curatione sanare: ita prima curatio est, causam remouere languoris, quod per omnium fit indulgentiam peccatorum: secunda, languorem sanare, quod fit paulatim proficiendo in renouatione huius imaginis. Quæ duo demonstrantur, Psal. 102. Qui propicius fit omnibus iniquitatibus tuis, quod fit in baptismo: Qui sanat omnes languores tuos, quod fit quotidianis accessibus, cum hæc imago proficiendo renouatur,

Interior homo & nouus

Renouatio animæ a peccato deformata non vno momento fit, sed paulatim.

amorem transferens à temporalibus, visibilibus, carnalibus, ad æterna, intelligibilia, & ab illis quidem cupiditatem frenare, his autem se charitate alligare diligenter insistit. In quo profectu & accessu bene proficientem cùm dies vitæ huius ultimus quemque compererit, perducendus ad Deum, quem coluit, ab eo perficiendus, & cætera. Et loco paulò antea citato ad Marcellinum contra Pelagianos, libro secundo, capite septimo, octavo, decimo. Eò docet quosque Filios Dei fieri, quo esse incipiunt in nouitate spiritus, & renouari in interiorem hominem: non enim ex qua quisque hora baptizatur, omnis vetus eius infirmitas absumitur, sed renouatio incipit à remissione omnium peccatorum. Et in quantum spiritalia quisque sapit, qui iam sapit, in tantum renouatur: cætera in spe facta sunt, donec etiam in re fiant, vsque ad corporis renouationem in meliorem statum immortalitatis & incorruptionis, qua induemur in Resurrectione mortuorum. Nam in baptismo quamuis tota & plena fiat remissio peccatorum, tamen si continuò tota & plena etiam hominis fieret in æternam nouitatem mutatio, non dico & in corpore, quod certè manifestum est adhuc in veterem corruptionem atque in mortem tendere, in fine postea renouandum, quando verè tota nouitas erit: sed excepto corpore, si in animo, qui homo est interior, perfectæ in baptismo nouitas fieret,

non enim diceret Apostolus renouari de die in diem, profectò qui quotidie adhuc renouatur, nondum totus est renouatus, & in quantum talis, adhuc in vetustate est. Proinde ex hoc quòd adhuc in vetustate sunt, quamuis iam baptizati, sunt etiam seculi filij: Ex hoc autem quòd in nouitate sunt, hoc est, ex plena & perfecta remissione peccatorum, & quantumcunque illud est quod spiritualiter sapiunt, eique congruos mores agunt, Filij Dei sunt, intrinsecus enim exuimus veterem hominem & induimus nouum, quando ibi mendacium deponimus, & veritatem loquimur, & cetera quibus Apostolus explicat, Eph. 4. quid sit exui veterem hominem, & indui nouum. Et hoc vt faciant, iam baptizatos fidelesque adhortatur, non ad adhuc idem monendos, si hoc in baptismo iam perfectè factum esset, & tamen factum est, sicut & salui facti sumus: Saluos enim nos fecit per I. R. E. R. SS. Sed qui hoc factum sit, alio loco dicit, In nobismet ipsis, inquit, ingemiscimus, adoptionem expectantes, redemptionem corporis nostri, Rom. 8. Adoptio ergo plena filiorum in redemptione fiet etiam corporis nostri. Primitias itaque Spiritus nunc habemus, vnde iam Filij Dei reipsa facti sumus. In ceteris verò spe sicut salui, sicut innouati, ita & Dei Filij: Re autem ipsa, quia nondum salui, idedò nondum plenè innouati, nondum etiam Filij Dei, sed filij seculi.

Renouari de die in diem.

Exui veterem hominem, & indui nouum quid.

*Filij Dei &
filij seculi.*

Proficimus ergo in renouationem iustamque vitam, per quod filij sumus, & per hoc peccare omninò non possumus, donec totum in hoc transmutetur, etiam illud: per quod adhuc filij seculi sumus, per hoc enim & peccare possumus. Consumetur ergo quod filij carnis & seculi sumus, & perficietur quod Filij Dei, & spiritu renouati sumus. Interim Filij Dei sumus, & nondum apparuit quid erimus, 1. Ioan. 3. Quid est hoc, sumus & erimus, nisi quia sumus in spe, erimus in re? Scimus enim quia cum apparuerit, similes ei erimus, quia eum sicuti est, videbimus. Nunc ergo ei & similes esse iam cœpimus, primitias habentes spiritus: & adhuc dissimiles sumus, per reliquias verustatis. Proinde in quantum similes, in tantum regenerante spiritu Filij Dei: in quantum dissimiles, in tantum Filij carnis & seculi: Illinc ergo peccare non possumus, quia qui natus est ex Deo, non peccat, primæ Ioannis tertio. Hinc verò si dixerimus quòd peccatum non habemus, nosmetipsos seducimus, primæ Ioannis primo. Quæ testimonia minimè sunt contraria: Quandiu enim homo quamuis totus spe iam, & iam in re ex parte in regeneratione spiritali renouatus, adhuc tamen portat corpus quod corrumpitur, & aggrauat animam, Sapientiæ 9. donec totum transeat in adoptionem, & non sit peccator, quæras locum eius & peccatum, & non

inuenias , Pſal. 9. 36. Habemus ex Chriſto
 & Paulo , & vtriuſque interprete Auguſtino,
 triplicem (vt ſuprà) Regenerationem, ita & re-
 nouationem, niſi quòd idem non procul à ſine
 expoſitionis Epistolæ ad Roman. inchoatæ,
 eos qui iam baptizati fuerint, curari (ait) melius
 dicimus per pœnitentiam, quàm renouari, quia
 renouatio propriè in baptiſmo eſt, vbi quidem
 operatur pœnitentia, ſed tanquam in funda-
 mento, manente itaque fundamento , recurari
 ædificium poteſt : Sin fundamentum iterare
 quis voluerit , totum ſubuerrat ædificium ne-
 ceſſe eſt. Ideò dicit , Hebr. 6. Impoſſibile poſt
 baptiſmum prolapſos, ruruſ renouari per pœ-
 nitentiam, vtrique baptiſmalem, ſeu denuò ba-
 ptizari. Sed de hoc ſcopulo, vt obiter, ita meli⁹
 ſilere puto quàm pauca dicere . De tertia ergo
 eadẽque nouiſſima noſtri per reſurrectionẽ
 renouatione hĩc oritur alia quæſtio , Cũ enim
 iuxta Apoſtolum, 1. Cor. 15. imaginem terreni
 hominis ab humanæ generationis exordio in-
 ducimus, cœleſtis autem ex fide nunc porte-
 mus, habituri in reſurrectione quod credimus,
 quomodò renouemur, ſi non ad hoc per Chri-
 ſtum renouamur, quod in Adā primo eramus?
 quanquàm enim multa non in priſtinum, ſed
 in melius renouentur, ab inferiore tamen ſta-
 tu, quàm quo erant antea, renouantur. Hĩc aliis
 alia dicentibus , vt quæ ſcriptura de Adæ cor-
 pore prius quàm ſpirituali, déque noſtri reno-
 uatione tories memorat, ſibi conſtent & inter

*Curari dici-
 mur per pœ-
 nitentiã, re-
 nouari per ba-
 ptiſmum.*

*Baptiſmalis
 pœnitentia.*

se consentiant, respondet Augustinus de Genesi ad litteram, li. 6. cap. 19. 20. 24. 27. 28. Quo ergò modo renouari dicimur, si non hoc recipimus quod in Adam perdidimus? Hoc planè, inquit, secundum quendam modum recipimus & non recipimus: Recipimus iustitiam, ex qua per peccatum lapsus est homo, immortalitatē spiritualis corporis, quam nondū homo habuit, non recipimus. Renouamur ergo à vetustate peccati, mente in agnitionem Dei, secundum eius imaginem, quam in spiritu impressam Adā per peccatum sic amisit & perdidit, non quidē ut nulla in eo remanserit, sed quia tam deformis ut reformatione opus habuerit. Sic enim se interpretatur lib. 2. Retractationum cap. 24. & hanc per gratiam iustitiæ recipimus. Renouabitur autem etiam carne, in melius nimirū, non in pristinum corpus animale, in quo fuit Adam, sed in spiritale, in quod nondum mutatus, sed nisi mortem peccando meruisset, mutandus erat: In quo corpore, inquā, immortali sancti omnes erunt à mortuis resurgentes. Et cuius hæc omnia vi, virtute, ac dono sunt? *Spiritus sancti*, Et in hoc enim Dominum baptizaturum præcursor prædixerat, Mat. Luc. 3. Marc. Ioan. 1. Act. 1. 11. 19. In hoc ergò baptizantur, quotquot baptizantur, ut de omni genus peccatoribus dicat Paulus, Hæc fuistis, sed abluti, sed sanctificati, sed iustificati estis in nomine D. N. Iesu Christi, & in Spiritu Dei nostri, 1. Cor. 6. & 12. Etenim in vno spiritu omnes

*Imago Dei
quomodo ab
Adā perdisa*

*Renouatio
carnis.*

nos in vnum corpus baptizati sumus, siue Iudæi, siue gentiles, siue serui, siue liberi. Hoc ergo in nos adueniente in baptismo, regenerati renouatque sumus, peccata nobis remissa, collatæ virtutes, & gratia. Si modum fortè requiris, Spiritus Dei, adeoque tota superbenedicta Trinitas hæc vniuersa transigit, operatur, & efficit, & huius effectiōnis causa est, vt aqua corpus tangat, & cor abluat, quod Augustini verbum tractat. 80. ad id Ioan. 12. Iam vos mundi estis propter verbum quod locutus sum vobis. Hic non excutio, plus alioqui satis excusum libello nostro, qui de Vi verbi Dei In sacris mysteriis inscriptus exiit vtraque lingua Anno 1561. quo sic inter verbum & fidem partiti sumus, & nisi fallor, obtinuimus, vt verbi sit efficacia sacramenti, fructus autem & profectus recipientis fidei. Hæc ergo, vt ad literam redeam, baptismi virtus est à sancta & indiuidua Trinitate, Vnde & Christo baptizato pater in voce, Filius in carne, Spiritus sanctus in columbæ specie apparuerunt, Matth. Luc. 3. Marc. Ioan. 1. & Matth. 28. Dominus baptizare iussit in nomine Patris & Filij & Spiritus sancti. His enim verbis Euangelicis, sicut accepit Ecclesia, consecratum Christi baptismum vbicunque sanctum esse, per quoscūque etiam nō sanctos, imò hæreticos, tam sæpe recurrit apud omnes catholicos, & Augustinum præsertim contra Donatistas & sic omnes omnium temporum Catapaptistas, vt nihil sapius, lib. 3. de baptis-

Baptismi virtus, vnde.

Baptismus vbique sanctus.

mo, cap. 10. 15. 19. lib. 4. cap. 4. 10. lib. 5. cap. 1. lib. 6. cap. 17. 25. lib. 7. cap. 53. Deum enim adesse verbis Euangelicis suis, sine quibus baptis-
mus Christi consecrari non potest, & diui-
nam in sacramento suo virtutem assistere, si-
ue ad salutem bene vtentium, siue ad per-
nitentiam malè vtentium. Et aquæ ergò bap-
tismo siue lauacro mundamur, sed in verbo vitæ,
Eph. 5. Voluntariè enim nos Deus genuit, ac
etiam regenuit, verbo veritatis, vt simus initiũ
aliquod creaturæ eius, Iac. 1. non ex sanguini-
bus, nec ex carnis, id est, mulieris & viri volun-
tate, sed ex Deo nati: Ioan. 1. Renati non ex se-
mine corruptibili, sed incorruptibili, per verbũ
Dei viui & permanentis in æternum, 1. Petr. 1.
Verbum enim Domini manet in æternum,
Esa. 40. Psal. 118. Hoc autem est, ait, verbũ quod
Euangelizatum est in vobis, hoc inquam fidei
verbum est, quod prædicamus, quia si confitea-
ris in ore tuo Dominũ Iesum, & in corde tuo
credideris quòd Deus illum suscitauit à mor-
tuis, saluus eris, Rom. 10. Et vero baptismi tum
verbum tum elementum, reliquũque ritus id
non solũ repræsentat, sed suo quoque modo
efficit, nimirũ nos Christo ibi cõmori, con-
sepeliri, corresurgere: Et in Christi enim mor-
tem baptizamur, & Christo in baptismo con-
sepelimur, in quo & simul cũ eo resurgimus,
vt ei per mortis eius similitudinem complan-
tati & insititi facti, sic & resurrectionis parti-
cipes futuri, Rom. 6. Col. 3. Quòd autem ele-

menta in sacramentis verbo consecrata verè etiam animam mundet, purgent, sanctificent, præter scripturæ sic loquendi morem, nec verò aliter scriptores sacri loquuntur. Sic Dionysio Ecclesiasticæ Hierarch. cap. & part. 2. baptizaturus pontifex, aquas (lauacri baptismalis) sancta præce & inuocatione (diuini nominis) sanctificat, tres beatitudinis diuinæ, seu diuinitatis summæ personas simul inclamans & nominās. Caro (inquit de carnis resurrectione Tertullianus) abluitur, vngitur, signatur, vt anima emaculetur, cōsecretur, muniatur. Et lib. de baptismo amplissimè ita, Plura, inquit, prosequar de elementi huius autoritate, quanta vis eius aut gratia, quod ingenia, quot officia, quantum mundo instrumentum ferat, vereor ne laudes aquæ potius quā baptismi rationes videar congregasse. Licet cō plenius docerem non dubitandum, siquam omnibus in rebus & operibus suis materiam disposuit, etiam in sacramentis propriis parere fecit, si quæ vitam æternam gubernat, & in cælesti procurat. Sed ea satis erit præcerpsisse, in quibus & baptismi ratio recognoscitur prima, quæ iam tunc vel habitu prænotabatur ad baptismi figuram, Dei Spiritum, qui ab initio superuectabatur super aquas, intinctos reformaturum. Sanctum vtrique super ferebatur, aut ab eo quod superferebatur id quod ferebat, sanctitatem mutuabatur, Quoniam subiecta quæque materia, eius quæ de super inminet, qualitatem capiat necesse est,

maximè corporalis spiritalem, & penetrare & insidere facilè per substantiæ suæ subtilitatē. Ita de sancto sanctificata aquarū natura, sanctificare concepit, & omnes aque de pristina originis prærogatiua sacramētum sanctificationis consequuntur inuocato Deo. Superuenit enim statim Spiritus de cælis, & aquis superest, eas sanctificans de semetipso, & ita sanctificatæ vim sanctificandi cōbibunt. Quanquā ad actū simplicē cōpetat similitudo, vt quoniā vice sordidū delictis inquinamur, aquis abluamur. Sed delicta sicut non in carne cōparent, quia nemo super cutem portat maculā idololatriæ, stupri, fraudis, ita eiusmodi in spiritu sordet, qui est autor delicti. Spiritus enim dominatur, caro famulatur, vtrunq; tamē inter se creatū cōmunicant, spiritus ob imperiū, caro ob ministerium. Medicatis ergò quodāmodò aquis per Angeli interuentū, & spiritus in aquis corporaliter diluitur, & caro in eisdē spiritaliter mundatur. Et diligēs hui⁹ lector Cyprianus, li. i. Epist. vltima, Oportet, ait, mundari & sanctificari aquā prius à sacerdote, vt possit baptismo suo peccata hominis qui baptizatur, abluere, quia per ezechielem prophetā D. dicit, &c. Quanquā quod sanctus pater illic, vt nusquā non ferè, negat apud hæreticos esse baptismū, id in iis modò locum habet, quorū alij in personis diuinis inēqualitatem, alij indiscretionem confitentes, baptismum in suæ peruersitatis non in Ecclesiæ forma ministrabant, quā alioqui seruantes, sacramētum

*Aquarum
ablutio my-
stica.*

quidem, sed sine sacramēti virtute, hoc est, sanctificatione, quia sine fide, & extra Ecclesiā cōferebant, vt rectè distinguit Gratianus, 1. q. 1. §. Sed notandū. & sequēti. Cautè igitur legend⁹, & sanè intelligendus Hieronymi aduersus Luciferianos Orthodoxus ita disputans, Cū in Patre & Filio & Spiritu sancto baptizatus homo tēplum Domini fiat, & veteri ade destructa nouum Trinitatis delubrū ædificetur: quomodò dicis sine aduentu Spiritu sancti apud Arrianos peccata posse dimitti? quomodò antiquis sordibus anima purgatur, quæ sanctū nō habet Spiritum? Nec enim aqua lauat animam, sed prius lauatur à Spiritu, vt & alios spiritaliter lauare possit. Spiritus, inquit, Moses, Domini ferebatur super aquas. Ex quo apparet baptismus non esse sine Spiritu sancto. Bethseda siue Bethesda Iudeæ lacus nisi per aduentū Angeli, debilitata corporaliter mēbra sanare non poterat, Ioan. 5. Et tu mihi aqua simplici, quasi de balneo animam lotam producis? Dominus qui non tam lauacro mundatus est, quàm suo lauacro vniuersas aquas munda-

Christ⁹ quare spiritū sanctum accepit baptizat⁹

Tu verò cùm baptizatum ab eo recipias, & postea Spiritum sanctum inuoces, aut baptizare debes, quia sine Spiritu sancto baptizari non potuit: aut si baptizatus est in Spiritu, desine spiritum ei inuocare, quem tunc cùm baptizaretur, accepit. Et paulò post, Tu verò qui ab Arrianis baptizatū recipis, & ei tribuis baptismum quod perfectum est, quo pacto, quasi modicum quid ei defuerit, sanctum aduocas Spiritum, cùm baptismum Christi sine Spiritu sancto nullum sit? Hæc ille. Quem quidem locum protulit, quòd valde videretur è re præsentì esse, hoc est, Spiritus sancti in baptismo energia. Quibus ergo baptismum abrogat, ij, vt ibidem sequitur, non credebant, ac proinde nec baptizabant, nisi in Patre solo vero Deo, & in Iesu Christo Salvatore creatura, & in Spiritu sancto vtriusque seruo. Cui tum fidei, tum baptismi formulæ meritò idem aures claudere, ne tantæ impietatis vocibus polluantur, auditorè præmonuit. Ob eundem formæ receptæ defectum Nicenus canon. 19. Paulianos à Paulo Samosateno, ad Eccle. cōfugientes, vbi. suprà 1. q. 1. Si quis confugerit. & can. seq. Innocentius 1. Epist. 22. cap. 5. Et Arelatē Synodi canō 16. Photinianos. & Gregorius 1. lib. 9. Epist. 61. De Conf. Dist. 4. ca. Hi verò. Bonisianos in Christum Dominum non credentes, & Cathryges Spiritum sanctum, prauum hominem Montanum esse credentes, omnes in nomine Patris & Filij & Spiritus sancti minimè baptizantes,

Hæretica baptizatores.

zantes, cùm ad Catholicam venerint, baptizandos censuerint, quia baptisma non fuit, quod in errore positi, in Sanctæ Trinitatis nomine minimè perceperunt. Atque adeò tanti semper fuit forma Euangelica ubicunque & à quibuscunque, ut cum Augustino ubi antea, loquar, seruata, ut etiam super Arianorum baptismo, ut suprà, distinxerit Arelatensis Synodi i. can. 8. De Conf. Dist. 4. ca. De Arianis, qui propria lege sua vtuntur, siquidè interrogati non responderint hanc Trinitatem, hoc est, responderint se non esse baptizatos in nomine Trinitatis, ut rebaptizentur, vel potius baptizetur: Nec enim *Iteratio baptismi fieri an possit.* (ut ubi paulò antè Gregorius) dici potest iteratum, quod in Trinitatis nomine non erat datū. Sin autem eos nostræ fidei sacerdotes Symbolum interrogantes, peruiderint in Patre & Filio & Spiritu sancto baptizatos, manus eis imponant, ut Spiritum sanctum accipiant. Ac nescio annè hunc canonem videatur vellicare Hieronymus, Contra quem Ecclesiæ vsus & autoritas obtinuerit, Adeò ut Gregorio i. ubi suprà, teste. ca. Ab antiqua patrum consuetudine, eos qui apud hærelim in nomine Trinitatis baptizarentur, etiam Arrianos ad Ecclesiam redeunt, Occidens manuum impositione, Oriens Chrisimatis vnctione reciperet atq; reformaret. Hac occasione Hieronymiani scopuli, iam ad Spiritus in baptismo opus *Baptizati ab hæreticis ad Ecclesiam redeunt quomodo recipiendi.* redeo. De hoc Damascenus loco prius allegato, Scaturiuit, ait, nobis ex sancto &

incontaminato Christi latere, Ioan. 19. fons remissionis, aqua in regenerationem & ablu-tionem peccati & corruptionis, & præceptum nobis dedit per aquam regenerari & Spiritum. Ioan. 3. Spiritus sancto per imprecationem & inuocationem aquæ superuenienti.

Hominis duplicis duplex purgatio.

Nam cum duplex esset homo ex anima & corpore, duplicem etiam nobis purgationem indulgit, per aquam videlicet & Spiritum. Spiritu quidem, quod secundum imaginem & similitudinem in nobis est, renouate. Aqua verò per spiritum gratiæ corpus à peccato purificante, à corruptione eximente, & imaginem mortis explente aqua: arram autem vitæ tribuente spiritu. Et regeneratio secundum animam fit. Fides enim filiorum adoptionem nouit, quippè qui sint creaturæ per Spiritum, & in antiquam reuocati beatitudinem. Peccatorum ergò remissio omnibus æquè per baptismum donata est, gratia verò Spiritus sancti secundum proportionem Fidei & puritatis. Nunc igitur per baptismum primitias Spiritus sancti accipimus, & initium alterius vitæ fit in nobis, id est, primitiæ regenerationis, & signaculum, & tutela, & illuminatio, & sanctificatio. Baptismus autem in Sancta Trinitate, qua opus habent qui eum suscipiunt, ad sui ipsorum constantiam & perseuerantiam. Et impossibile est non simul esse inuicem tres hypostases, inseparabilis enim sancta Trinitas. Quo item modo in

Hypostases tres simul semper existunt.

aqua & spiritu baptizemur, exponit Ambrosius, libro primo, de Spiritu sancto, capite sexto. Qui spiritus, inquit, & aquæ ideo naturam distare non putant, non aduertunt quia in aquarum sepelimur elemento, ut renouati per spiritum resurgamus. In aqua enim imago mortis, in spiritu pignus vitæ, ut per aquam moriatur corpus peccati, quæ quodam quasi tumulo corpus includit, ut per virtutem spiritus renouemur à morte peccati, & ideo hi tres in terra testes vnum sunt, *Testes tres in terra, aqua, sanguis, spiritus.* primæ Ioannis quinto, vnum mysterio, non natura. Aqua sepulturæ testis: Sanguis, mortis: Spiritus, vitæ. Si qua ergo in aqua gratia, non ex aquæ natura est, sed ex Spiritu sancti præsentia. Nunquid enim in aquæ (alioqui) natura sicut in spiritu & viuimus, Act. 17. & signamur, 1. Corinth. 1. Eph. 1. ? Et cap. sequenti, Quod Angelus secundum tempus descendebat in natatoria, & mouebatur aqua, *Natatoria Siloe typus.* & qui prior descendisset, sanus fiebat, Ioan. 5. quid in hoc typo nisi descensionē Sancti Spiritus nunciabat, quæ nostris futura temporibus aquas sacerdotalibus inuocata precib' cōsecraret? Is ergo Sancti spiritus erat nūcius, eo quod per gratiā spiritale medicina nostris esset animæ mētis languoribus deferēda. Et de his qui initiantur mysteriis cap. 3. & 4. permultis exemplis iam præallegatis cōprobat, Si in veteribus figuris affuit Spiritus sanctus, multò magis in veritate sacramentorum vtrique nostrorū adesse.

Quid, inquit, vidisti? aquas utique: sed non solas, Leuitas illic ministrantes, Sacerdotem consecrantem. Diuinitatis illic operationem credis, præsentiam non credis? Vnde sequeretur operatio, nisi præcederet antè præsentia? Aqua est ergò, qua caro mergitur, ut omne peccatū abluatur. Quid enim aliud in hoc sacramento quàm culpa mergitur, error aboletur? Aqua sine prædicatione Dominicæ crucis ad nullos vsus futuræ salutis, salutaris crucis mysterio consecrata, tunc ad vsum spiritualis lauacri temperatur. Non credas solis oculis corporis, magis verò quod animo & mente cernitur, non aquarum, esse quod vnusquisque mundatur, sed gratiæ: ne fortè dicas, hoc cinè illud est magnum mysterium? Aquas quotidie video, ex me mundare habent: in eas sæpe descendi, nec mundatus sum. Hinc cognosce quòd aqua sine spiritu non mundat, Ideòque tres in baptismo testes, aqua, sanguis, Spiritus, vnū sunt, 1. Ioā. 5. quia si vnum horum detrahas, non stat sacramentum. Quid enim aqua sine cruce? Elementum commune, sine vlllo sacramenti effectu. Nec iterum sine aqua regenerationis mysterium, Ioan. 3. En obiter crucis in baptismo signaculum. Et lib. 1. de Sacramentis cap. 5. Vidiſti aquam, at non omnis aqua sanat, sed quæ Christi habet gratiā. Aliud est elementū, aliud cōsecratio, aliud op⁹, aliud operatio: non sanat aqua, nisi Spiritus sanctus descenderit, & aquam consecrauerit. Hoc autem forma ba-

ptismatis & vsus habet, vt antè fons consecratur, & tunc baptizandus descendat. Sacerdos primùm ingressus, super creaturam aquæ, inuocationem, post & precem defert, vt sanctificetur fons, & adsit præsentia Trinitatis æternæ. Christus descendit, secutus est spiritus, Pater è cælo locutus est. Habes Trinitatis in sanctificationis mysterio præsentiam. Et ad cap. Luc. 3. Cū ex duab⁹ naturis homo subsistat, anima & corpore, visibile per visibile, inuisibile per inuisibile mysterium consecratur. Aqua enim corpus abluitur, Spiritu, animæ delicta mundantur. Aliud agimus, aliud inuocamus, Licet etiam in fonte sanctificatio diuinitatis aspiret, Non enim omnis aqua ablutio est, sed hæc inter se diuisa esse non possunt. Nam cum communia delicta sint mentis & corporis, purificatio quoque debuit esse communis. Et ad initium cap. 22. O aqua, quæ humano aspersum sanguine, vt præsentium lauacrorum figura præcederet, orbem terrarum lauisti, Sacramentum Christi esse meruisti, lauas omnia, nec lauaris. Tu incipis prima, tu perfecta complēs mysteria, à te principium, in te finis, vel potius tu **F A C I S** vt finem nesciamus, de tribus regenerationis nostræ testibus vna, i. Ioan. 5. aqua ad lauacrum, sanguis ad precium, Spiritus ad resurrectionem. Et huius enim baptismus pignus est & imago, Romano. 6. vt baptizati vitam de cætero sequamur, in qua Christus resurrexit.

Fons baptismalis cōsecratio.

Delicta cōmunia sunt mēti & corpore.

& in eius præceptis manentes , ad præterita denuò ne reuoluamur . Ideòque per aquam celebratur , vt sicut aqua sordes corporis abluit , ita & nos per baptismum ab omni peccato purgatos & innouatos credamus , vt quod incorporale est , inuisibiliter abluatur. Eandem baptismi tum gratiam , tum cum Christi morte , sepultura , resurrectione , paulò altius repetit Basilius de Spiritus sancto capite decimo quinto . Hanc ob causam fuit Christi in carnem aduentus , vt homo qui saluus fit per eius imitationem , veterem adoptionem in ius filiorum ascitus recipiat .

*Christa in
quibus imi-
tandus.*

Neccesarium itaque est ad vitæ perfectionem Christum imitari , non exemplis solùm , quas in vita demonstrauit , virtutum , siue actionum , sed & mortis passionum . Sicut Christi Paulus imitator ait , Configuror mortis eius , si quo modo perueniam ad resurrectionem ex mortuis , Philipp. tertio . Quo igitur modo in similitudine mortis eius erimus ? Consepulti ei per baptismum . Et quis sepulturæ modus , aut ex huius imitatione fructus ? Primum oportet vitæ prioris seriem interrumpere . Id nemo potest facere , nisi desuper natus . Nam & Regeneratio , quod etiam nomen declarat , alterius vitæ initium est . Hinc oportet alteram vitam incepturum , superiori vitam imponere , sic vt in mutatione vitæ , necessariò mors inter vitam priorem & posteriorem intercedat , quæ &

*Regeneratio
alterius vitæ
initium.*

priorem finiat, & secuturæ det initium. Quo ergò modo ad inferos descendimus? Christi sepulturam per baptismum imitantes. Eorum enim qui baptizantur, corpora aquis quodammodò insepeliuntur. Proinde depositionem operum carnalis figurat baptismus quodammodò animam repurgans à carnalis affectus immunditia ei innata, Lauabis me, ait, & super niuem dealbabor, Psal. 50. Eoque non Iudeorum more in quibuslibet inquinamenti ablui mur, sed vnum nouimus salutiferum baptisma, vnius pro mundo mortis, & ex mortuis resurrectionis figuram & typum, illius imaginem implente aqua, huius arram spiritu præbente. Hæc postrema verba vsurpauit suprâ Damascenus. Hinc perspicuum, quod quærebatur, factum, Cur aqua spiritui coniuncta. Cùm enim duo scopi sint in baptismi pacto nobis propositi, videlicet vt aboleat corpus peccati, ne postea mortem fructificet, tum vt viuatur spiritu, & fructum habeat in sanctificatione: aqua mortis exhibet imaginem, corpus velut in sepulcro recipiens, Spiritus verò vim viuificam immittit, à morte peccati renouans animas nostras in nouam vitam. Hoc est nasci desuper ex aqua & spiritu, quasi mortificatio perficiatur in aqua, vitam vero nostram operetur Spiritus. Hæc Basilii. Qua etiam similitudine & in hanc rem vtens Augustinus

*Aqua cur
spiritui con-
iuncta.*

*Nasci desu-
per ex aqua
& spiritu
sancto.*

Quæstionum ex nouo testamento cap. 59.
 Qui baptismum, ait, putat carnali ratione consistere, hic non est spiritalis, nec cæleste bonum consequi poterit, qui se per aquam, non per fidem (veram atque viuam) immutari credit. Aqua enim cernitur, sed qui non videtur Spiritus, operatur vt fides in eo sit: quia sicut sordes corporeas aqua, ita spiritus animam abluit à peccatis, vt quomodò visibilia visibilibus, ita & spiritalibus profit spiritus: ac per hoc spiritalis ratio vertitur in baptisma, pl^o enim est ibi quod auditur, quàm quod videtur. Hinc Nicodemum carnali instructum ratione dubitantem Saluator ad fidem vt attraheret, exemplo vtitur congruo, & visibili ad rem inuisibilem firmandam dato, quod solo auditu consistit, non visu, nec negatur, & tamen terrenum est, quia mundi rem operatur. Spiritus, ait, vbi vult, spirat, vocem eius audis, sed vnde veniat, vel quò eat nescis, Sic omnis qui renascitur ex aqua & Spiritu sancto, Ioannis tertio, vt quomodò vox venientis venti auditu, non videtur, sic & baptismi ratio auditur, quòd dicatur, quo tamen modo per spiritum fit, non videtur. Auditur, inquam, cum quid futurum est, ab eo qui verba insinuat, prædicatur, vt fieri credatur, non tamen facti ratio reddatur. Cùmque nec sic ad fidem Phariseus duceretur, audiuit, Si terrena dixi vobis, nec creditis, quomodò si vobis dixero cælestia,

*Similitudo
 Nicodemo
 proposita de
 baptismo.*

credetis? Si per rationem terrenam & exēplum datum non creditis posse fieri, quia quomodo fiat non videtur, quomodo si darem exempla cælestia, quæ utiq; nescitis, crederetis? hoc modo rem quæ nec verbis nec animo explicari potest, per id quod sensibile est, & auribus auditur, commendare, hoc est, per vñ exemplum, quem & sensibilitas capit, & auris audit, sed vñ de vñiat, nescit, factum Spiritu sancti, quod capi non pōtest, credibile facere Christus voluit. Magis ergo quod id fiat, quàm quī fiat, idē alibi exponens ad Bonifacium Augustinus, epistola 23. & quīdem tantō clarius, quantō breuius, Aqua, inquit, exhibens forinsecus sacramentum gratiæ, & Spiritus operans intrinsecus beneficium gratiæ, soluēs vinculum culpæ, reconcilians bonum naturæ, regenerat hominem in vno Christo, ex vno Adamo generatū. Citant ex eodem & Beda Scholastici, inter quos Aquinas Part. 3. Quæst. 66. artic. 3. argument. 4. Christum tactu suæ mundissimæ carnis vim regeneratiuā & purgatiuam aquis contulisse. Quod apud neutrum totidem quidem verbis reperi, sed ita concionatur Serm. 1. in Epiphania, Quod in Iordanis vñdis Dominus aquas ad humani generis reparationem sub baptismo consecrauit, quia ea Christi regeneratio nostræ fidei est confirmatio, insinuato nobis muneris sui beneficio per secundæ natiuitatis exemplum quod facere voluit, prior fecit. Iudaicorum tot sub lege baptismatum nullum

Christi regeneratio nostræ fidei est confirmatio.

*Aquis omni-
bus benedi-
ctio data per
Christum in
Iordanis al-
uam descen-
dente.*

contra præuaricationis malum generalem cō-
tulisse medicinam. Ideoque pro mundi totius
absolutione homines indiguisse regeneratio-
nis aqua cælitus sanctificari. Et quia per vniuer-
sum orbem sacramentum baptismi humano
generi opus erat, omnibus aquis benedictionē
dedit, cum in Iordanis aluam singulari pieta-
te descendit. Tunc enim eum non tam lauit a-
qua, quàm lota est. Attractu membra tinguntur,
fluente ditantur, *Vitalem gratiam* flumen mutua-
tur ex corpore, non corpus ex flumine. Descen-
dere in se fōrem suum fœlix vnda miratur, sub
vno momento remedia æterna concipiens, &
noua Deum regenerationis fœcunditate partu-
riens: quod acceperat, reddens: quod non ha-
bebat, accipiens. Tunc baptizatus Dominus
nos regenerauit ad salutem, Adamum abluit
peccatorem. Quid enim ad baptismum venit
qui mundus erat, nisi vt ablueret immundos?
Tunc ergo currentes eum aque perfundebant,
sed peccata secum nostra portabāt: de illo gut-
te baptismatis fluebant, sed nostra in guttis cri-
mina fluebant. O misericordia simul & Dei
potentia! necdum eramus in mundo, & iam
lauabamur in baptismo, mundati in eo ante-
quàm nati, nam ei hæc fuit baptismi ratio, vt
aquæ nos purgaturæ, ab illo antè purgaren-
tur. Et serm. 1. in Dominica infra octauas
Epiphaniæ, Non reformidauit vt baptismi-
alis aquæ vim magis exprimeret, eam cum Dei-
para Virgine sic conferre, Dominus vix homi-

nibus natus, renascitur sacramentis, eodem propè tempore per virginem, & post aliquot annorum curricula per mysterium genitus, in Iordane consecratus, vt simul miraremur incorrupta matre progenitum, & vnda pura immersum, & in vtroque facto gloriaremur, quia filium genuit mater, & casta est, Christum vnda lauit, & sancta est. Nam vt post partum glorificata est Mariæ castificatio, ita post baptismum probata est aquæ purificatio, nisi quòd maiore penè munere quàm Maria vnda ditata est: Illa sibi tantum castitatem meruit, & vt non peccaret, hæc nobis contulit sanctificationem, & vt peccata purgaret: Illa propria à se delicta repudiat, hæc in se per Dei gratiam aliena condonat: illi collata virginitas, huic fecunditas: illa vnum procreauit, & pura est, hæc generauit plures, & virgo est: illa præter Iesum nescit alium filium, hæc cum Iesu mater est populorum. Natalis ergo alter est quodammodò Saluatoris, nam iisdem dum signis & miraculis cognoscimus genitum, sed maiore mysterio baptizatum. Denique Spiritus sanctus, qui tunc illi in utero affuit, modò dum in gurgite circumfulsit. Qui tunc Mariam castificauit, nunc fluentia sanctificat. Quale hoc baptisma, vbi prior est fons ille qui mergitur? vbi dum susceptum aqua diluit, non sordibus inficitur, sed benedictionibus honoratur? in quo purgantur potius fluentia, quàm purgant?

*Maria casti-
ficatio post
partum.*

Nouo enim sanctificationis genere Christum non tam lauit vnda quàm lota est: nam ex quo Saluator in aqua se mersit, omnium ex eo gurgitum tractus, cunctorumque fontium venas mysterio baptismatis consecrauit, & quisquis ibi in nomine Domini baptizari voluerit, non tam mundi eum aqua diluit, quàm Christi vnda purificat. Et serm. 2. Quod fluentis Iordanis baptizatur Iesus, aquæ nostro baptismati consecrantur, Baptizatur enim non sibi, sed nobis, non vt aquis purificetur, sed vt aquas sanctificet. Baptizatur nouus homo, vt noui baptismatis constituat sacramentum. Quàm mirifico mysterio, vel corporis sui tactu, vel transitu gloriæ suæ omnem ad momentum creaturam sanctificat, viuificat, & illustrat? Aquas enim cōsecrat dum baptizatur. Sic Augustinus. Posterior autem sic habet ad Lucæ cap. 3. Beda, Baptizatus est Dominus, non aquis mundari, sed aquas mundare cupiens, quæ per eius carnem, peccati vtique nesciam, ablutæ, baptismi ius induerent, & quod tam innumera sub lege baptismata contra præuaricationis maculam non poterant, vim regeneratiuæ sanctificationis conciperent. Origeni ergo contra tam multa dicenti Spiritum sanctum non operari (per) ea quæ in anima sūt, nec ad irrationalia peruenire, Theophilus Alexandrinus lib. Paschali 1: quòd, ait, asserēs non recogitat aquas in baptismate mysticas aduentu Sancti Spiritus consecrari, vt & per inuocationem ac eiusdem aduentum, panem

*Aqua non
Christum ab-
luerunt, sed
per eum ablu-
ta sum.*

Dominicum & sacrum calicem, quę in Ecclesię
 mensa conlocantur. res vtique inanimas, san-
 ctificari. Non ergo se magis quàm superiores
 patres oppugnat aut infirmat Cyprianus, siue
 alius eius nomine scriptor indubiè verus atque
 catholicus, De baptismo Christi, & vnctione
 chrismatis. sed confirmat & propugnat ita ser-
 mocinans, Veniebat Christus ad baptismum,
 lauacro non egens, in quo peccatum non erat,
 sed vt sacramento perennis daretur autoritas,
 & tanti virtutem operis nulla personarum ac-
 ceptio commendaret, quando remissio pecca-
 torum siue per baptismum, siue per alia sacra-
 menta donetur, propriè Spiritussancti est, cui
 soli huius efficientiæ priuilegium manet. Ver-
 borum solennitas, sacri nominis inuocatio, si-
 gna institutionibus Apostolicis sacerdotum
 ministeriis attributa, visibile celebrant sacra-
 mentum, rem verò ipsam Spiritussanctus for-
 mat & efficit, & consecrationibus visibilibus
 manum totius bonitatis autor apponit, & ple-
 nitudinem gratiæ vnctionis diuinæ pinguitu-
 do sanctificationibus officialibus infundit, &
 rem sacramenti consummat atque perficit. Et
 paulò pòst, Et propriè sibi omnipotentia Dei
 retinet hunc (gratiæ) effectum, Nec enim in
 Pane gloriamur, sed in cruce Domini, Gal. 6.
 cuius virtus omnia peragit sacramenta, sine quo
 signo nil sanctum, nec vlla consecratio mere-
 tur effectum. Hinc omnium sanctificationum
 exurgit sublimitas & profundum, & longè la-

*Remissio pec-
 catorum, pro-
 priè Spiritus-
 sancti est.*

*Crucis chri-
 sti virtus om-
 nia per agit
 sacramenta.*

téque plenitudo diffunditur gratiarum. Et mul-
 tò pòst, Sanctificatis elementis iam non pro-
 pria natura præbet effectum; sed virtus divina
 potentius operatur, sed adest veritas signo, &
 spiritus sacramento, vt ipsis rerum efficientiis
 gratiæ dignitas pateat, & interiori homini quã-
 ta ex his detur autoritas, Deiformi conuersa-
 tione, & cælestibus moribus innotescat. Nec
 procul à fine Sermonis de Passione, Quicun-
 que sint sacramentorum ministri, qualescun-
 que manus vel mergant ad baptismum acce-
 dentes, vel pectus vngant, de quo sacra exeunt
 verba, operationis autoritas in figura crucis o-
 mnibus sacramentis largitur effectum, & cun-
 cta peragit. *Nomen* quod omnibus eminet, à sa-
 cramentorum vicariis inuocatum. Hæc ille,
 quàm hodiernis Extraordinariis (sic enim se-
 se inscribunt) ministris dissimilis, qui signum
 crucis à sacris & à profanis exproserunt, &
 nec aquæ diuino licet iure & quidem scripto,
 ad baptismum institutæ tribuunt, quod chris-
 mati, elemento traditione non scripta institu-
 to hic tribuit. Sed de chrismatis in mysteriis v-
 su, nos Digressionem 1. in 11. ad Timoth. & ad
 eandem appendice. Quod ergo baptismi vim
 modò solius esse Dei dicit, modò etiam tum
 verbis, siue nominis inuocatis, tum signi siue a-
 quæ, siue chrismatis, non pugnant (quod aiūt)
 quæ subordinantur. Si qua enim est in aqua gra-
 tia, non est ex aquæ natura, sed ex spiritus præ-
 sertiæ, inquit cum reliquis Orthodoxis Basilii

*Crucis signu-
 ra omnibus
 sacramentis
 largitur effe-
 ctum.*

*Extraordi-
 narij mini-
 stri taxati.*

*Chrismatis
 vsus in ba-
 ptismo.*

lib. de Spiritu sancto cap. 15. Cùm ergo tantus sit veterum Orthodoxorum consensus, Deum sacramentis suis adesse & assistere, aquas item baptismales diuinam vim & virtutem, potentiam & efficaciam à Domino Deo per eius inuocationem, mutuari, accipere, cōbibere, concipere, vtri quæso, propius ad Ecclesiasticam & catholicam antiquitatem accedunt, Scholasticinè, cùm aiunt, Euangelica sacramenta nō solum significant, sed & cōferunt quod intus adiunget, vel, sic esse inuisibilis gratiæ Dei signa, vt eius formam & imaginem gerant, & causa existant, nec significandi tantum, sed & sanctificandi ergò instituta, vel, id facere quod signāt, efficere quod figurant, In Sententiis Theologicis lib. & Dist. 1. A. lib. item 4. Dist. 1. B. 22. C. an verò nouatores moderni, quorum principis primum hoc fuit initio schismatis ab Ecclesia sui, paradoxon, Hæretica est, sed vsitata sententia, Sacramenta nouæ legis dare gratiam, obicem non ponētibus. quod postremum qui tam malignè exponūt, quasi hoc axioma iustitiam citra fidem polliceatur, nā consilium cogitant quod stabilire non possent, Iustitiam enim sine fide nulli vnquam vel somniauimus. Proinde superior sentētia non est diabolica, sed eius potius peruersa expositio, calumnia est, & impostura planè diabolica. Nam præter tam multos, ne dicam omnes, catholicos ita olim iam & perpetuò locutos, hæc propositio toridem verbis est Augustini, ad titul. Psalm. 73.

Lutheri paradoxon.

Sacramento
rum veteris
testamenti
& nouæ le-
gis, differen-
tiæ.

Sacramenta, inquierentes, alia sunt dantia salutē, alia promittentia Saluatorem. Sacramenta noui testamenti, dant salutem: veteris promiserūt Saluatorem. Sed iuxta superiores tum scripturas tum scriptores, conueniamus oportet, Ecclesiæ sacramenta non esse signa tantum sacra, aut sigilla siue signacula simplicia, multò min⁹ rerum quas repræsentant, vacua prorsus & inania, sed suo peculiari modo efficacia, oblatoria & exhibitoria vasa, vehicula, media, organa & instrumenta. Quam autem Dei verbo per Spiritum sanctum consecrata & sanctificata, sanctificandi vim & gratiam significant, vehunt, offerunt, exhibent, camnè comitem tantū præsentem; & ex Deo assistentem, an verò etiam inharrentem, insitam, affixam habeāt, equidem scio nec inter Scholasticos conuenire; & per me fruantur, ac abundant in suo quisque sensu: Sed qui posteriorem dicendi modū sic quasi nimium & hyperbolicum reiiciunt, vt priorem sufficere putent, minus magnificè de Sacramentis quàm Orthodoxi veteres loqui mihi videntur. An præter tam antè multa de nihilo dixit Augustinus, in verbo (vtique baptismi) aliud esse sonum transeuntem, aliud *virtutem manentem*? Tract. 80. in Ioan. Et in Faustum Manichæam, lib. 19. cap. 15. Quid aliud sunt corporalia quæque sacramenta, nisi quædā quasi verba visibilia, sacrosancta quidem, mutabilia tamen & temporalia? Deus enim æternus est, nec aqua tamē & omnis actio illa temporalis, quæ
agitur

agitur cùm baptizamus, & fit, & transit, æterna est. vbi rursus etiam syllabæ celeriter sonantes & transeuntes, cùm dicitur DEVS, nisi dicantur, non consecratur. Hæc, ait, omnia fiunt, sonant, & transeunt. Virtus tamen quæ PER ista operatur, iugiter manet, & donum spiritale quod PER ista insinuat, æternum est. Et si eius est sermo de Cataclysmo inscriptus cap. 3. En dilectissimi, venturi estis ad aquæ fontem, non dicatis in cordibus vestris, hoccinè totum est, quod pro magno desiderabamus? Fons hic visibilis similitudo æterni fontis est. Renascemini ex aqua & Spiritu sancto. Aqua illa non solum corporis sordes mundat, sed & animam à peccatis liberat. Debetis autem nosse cur virtus illius aquæ & animæ prosit & corpori, nec enim omnis aqua mundat: sanctificatur hæc per verbi consecrationem, Virtus verbi per aquam mūdauit nos, quia super aquas ambulauit, &c. Audis verbi, audis & aquæ, sed diuino verbo consecratæ virtutem. Videtur hic, quisquis est, Ambrosium & Augustinum secutus, quorum posterior adhuc expressius, si quid modò tam expressis dici potest expressius, in quodam sermone de Epiphania, Nec mirum quod aquam hoc est substantiam corporalem, ad purificandam animam dicimus peruenire, & peruenit planè, & penetrat vniuersa conscientia latibula, quantumuis subtilis & tenuis, Christi tamen benedictione facta subtilior, occultans

*Aqua vi ad
purificandam
animam.*

vitæ causas, ad secreta mentis subtili rore pertransit. Sitnè hoc Augustini fragmentum, fides esto penes Aquinatem, id allegantem Part. 3. Quæst. 62. artic. 4. ad 3. Ex tam multis tamque luculentis veterum testimoniis nã hi melius & propius diuinam scripturam loqui videntur, quibus sacramenta noua gratiam non solum signant, sed suo quoque modo exhibent. Quibus ea contrà sigilla tantum sunt, non vascula, & (vti loquuntur) causa sine qua non, non instrumentalis, similitudinibus his vtuntur, cum aliundè, tum ex D. Bernardi sermone in cæna Domini mutuatis, Sacramentum, inquieris, dicitur sacrum signum seu secretum. Multa siquidem sunt propter se tantum, alia verò propter alia designanda. Hæc signa dicuntur, & sunt, vt de vsualibus & externis exempla sumam? Anulus propter anulum absolutè datus, nihil significat: ad inuestiendum datus, inuestituræ alicuius hæreditatis signum est. Sic inuestitur per librum canonicus per baculum Abbas, per eundem baculum simul & anulum episcopus. Sic diuisiones gratiarum diuersis traditæ sunt sacramentis. Et hunc in modum Dominus passioni appropinquans, sua nos gratia inuestiuit, vt inuisibilis gratia signo visibili præstaretur. Quæ autem est gratia, vnde per baptismum inuestimur? peccatorum vtrique purgatio. Hic nihil à superioribus alienum mihi videtur dicere, multò minus sacramenta signa esse nuda sentire, cum tam

Inuestitio vt fiat.

Sacramenta signa nuda non esse.

clarè dicat, signo siue per baptismum, gratiam præstari & inuestiri. hoc enim organum & instrumentum dicitur, quo, seu per quod aliquis operatur. Addūt & aliud simile, Denarij plumbei exhibitione ex regia ordinatione, Regiam eleemosynam aut mercedem multò maiorem recipi, cuius solus rex autor sit, denari^o signum duntaxat, non etiam causa. Sed nec hic quidem video denarium simplex esse signum, sed, quòd aiunt, cum effectu, nec huius similitudinis inuentor aut vsurpator, quod equidem meminero, classicus est. Augustior est sigilli vox, qua Paulus vtitur Roma. 4. & similitudo, quòd vt adhibito sigillorum vsu, verbi scriptique veritatem, animique nostri decretum, ita Dominus suæ erga nos voluntatis, eiusque quam nobis promisit, gratiæ ac beneuolentiæ testimonia hæc visibilia instituit, & sacra memoracula, sed cetera, efficacia, exhibitiva (huc enim semper relabar) & in quorum, vt verbi & Euangelij sui, vsu, signat nos ei credentes, spiritu promissionis sancto, cuius & pignus dat in cordibus nostris, in diem redemptionis, 2. Cor. 1. 5. Eph. 1. 4. Sed siquidem similibus agitur, non desunt similia, quibus argumentū, quod sic sentientes & loquentes Achilleum putant, plumbeum sit. Nihil aiunt, corporeū, qualia indubiè sunt sacramenta, in rem incorporeā agere potest, qualis peræquè indubiè anima est. Sic Durādus & alij, li. 4. Dist. 1. Quæst. 4. responderet Aquinas, vbi suprà, arti. 1. Instrumenta aliud sua,

*Sacramenta
corporalia
quid.*

aliud artificis vi agere: Securi ratione acuminis
scindere competit, quatenus artis instrumen-
tum est, & ab artifice motum, lectum, domum,
&c. facere. Et artic. 4. ad 1. Vox sensibilis, vt ta-
lis, aures ferit audientis, vt autem à mentis con-
ceptione procedit, vi quadam spiritali audito-
ris intellectum & excitat, & afficit. Quid autē
aliud sunt corporalia sacramenta, nisi quædam
quasi visibilia verba? ait vbi suprà, contra Fau-
stum, & super Ioan. Augustinus. Et baptismi er-
go aqua secundum suam quidem naturam cor-
pus tangit, mundat, refrigerat, &c. Vt verò est
virtutis diuinæ medium, cor & animam abluit.
Est & præter hunc sacramentorum vsum, quo
& Dei erga nos, & vicissim nostræ erga Deum
fidei seruiunt, alius erga nos vsus mutuus, quod
iis quibusdam quasi fraternitatis & christianis-
mi tesseris, nos Deus in vni⁹ populi ac ceu cor-
poris societatem adgregauit. In nullum enim
nomen religionis, seu verum, seu falsum, coa-
gulari possunt homines, nisi aliquo signaculo-
rum vel sacramentorum visibilium consortio
colligentur, ait cōtra Faustum Augustinus, lib.
19. cap. 11. & addit, quod responsum velim iis
qui superius assertam horum sacrorum virtu-
tem, quam mihi magis credi quàm intelligi fa-
teor, exufflant, Quorum, ait, sacramentorum
vis *inenarrabiliter* valet plurimùm, & ideo con-
tempta sacrilegos facit. Impiè quippè contem-
nitur, sine quo non potest perfici pietas, sed in
opere, quod aiunt, vel voto, in effectu vel affe-

ſtu. Vt ergo toga Romanos à Palliatis Græcis diſcernebat, & Romæ inter ſe ordines Symbolis ſuis diſtinguebantur: Senatorius purpura & lunatis calceis ab equeſtri, rurfum hic à plebeiis annulo, ita nos ſacris ſymbolis & inter nos adunamur, & à profanis diſcernimur, & confeſſionem nos noſtram apud homines teſtamur. Haſtenus de vi & uſu ſacramentorum ex occasione baptiſmi. Vt ergo ex digreſſione, utinam lectori tam fructuoſa, quàm mihi operoſa, redeam ad textum, Eſt ut regenerationis & renouationis in baptiſmo, ſic & in pœnitentia & reſurrectione (triplices enim eas fecimus) autor primarius Dei Spiritus. Is enim adiuuat infirmitatem noſtram, & poſtulat pro nobis, ſeu poſtulare nos facit gemitibus inenarrabilibus, Rom. 8. ut à facie Domini ac eius timore, ceu in utero concipiamus, & quaſi parturiamus & pariamus Spiritum ſalutis, Eſa. 26. Et Spirituſancti per inſufflationem acceptione collatæ ſunt in Apoſtolis Eccleſiæ clauēs ac poteſtas peccata pœnitentibus & credentibus remittendi, impœnitentibus & incredulis retinendi, Ioan. 20. Poſtremò qui homini creando, ut corpore de limo factus fieret in animam viuentem, inſpirauit in faciem eius ſpiraculum vitæ, Genef. 2. inſpirauit animam quæ operatur, inſufflauit ſpiritum vitalem, Sapient. 15. iuxta quod alius ait, Spiritus Dei fecit me, & ſpiraculum Omnipotentis viuifi-

*Spiritus Dei
auctor pri-
marius in ba-
ptiſmo, pœni-
tentia, & re-
ſurrectione.*

cauit me, Iob. 33. Idem etiam homini suscitādo super arida & sicca mortuorum ossa insufflabit, & dabit ac intromittet in eos spiritum, & viuent, siue potius reuiuiscant, Ezech. 37. Auferes, inquit alter, spiritum eorum, & deficient, & in puluerem suum reuertentur. Emitteres spiritum, & creabuntur, & renouabis faciem terræ, Psal. 103. Sed vnde nobis liquet quod nos in baptismo renouauit, & regenerauit, per pœnitentiā quotidie renouet ac regeneret, & in resurrectione renouabit ac regenerabit hic Sanctus Dei Spiritus? hinc nimirum, *Quem effudit in nos abunde*, *πλεονεξίαν* diuiter Hieronymo, super nos opulente, Augustino ditissime, ad Marcellinum cōtra Pelagianos lib. 1. cap. 27. ad Bonifacium lib. 1. cap. 9. ad Valentinum de Gratia & liber. arbi. cap. 5. Copiose, ait, affatim, largiter, qui dat omnibus affluenter, Iac. 1. Deus pater super nos qui foris adhuc à paradiso exules sumus, vt maior eius erga nos demonstretur clementia, extrā fudit & immisit spiritum suum spiritualibus donis suis abundantem, dedit autem abundanter & sufficienter ad plenam omnium peccatorum in baptismo remissionem, & copiam & virtutem. Super nos item, qui primitias spiritus habemus, Rom. 8. abundantius, & plusquā super priores in veteri testamēto iustos. Non igitur solū per hunc nos refinxit sed & illud largē nobis impertit, vt illud per hoc monstretur, Purus in impuros, mundus ad immundos ingressus est, vt posteaquā nos

mundauit, eodem nos suo spiritu repleuit. Hæc autem nobis alioqui indignis, & nihil minùs quàm talia merentibus, omnia contigerunt *per Iesum Christum Saluatorem nostrum*, is enim omnium nobis bonorum, patris donorum, & Spiritus charismatum mediator atque largitor est, etià ipsiusmet Spiritus. Paracletus, inquit, Spiritus sanctus, quem mittet pater in nomine meo, quem cùm abiero, ego mittam vobis à Patre, Spiritus veritatis, is testimonium de me perhibebit, & vos docebit omnia, Ioan. 14. 15. 16. Cū autem duas in Christo naturas credamus, ad vtranque pertinere quòd det Spiritum sanctū hīc ita ratiocinatur Aquinas: Ad diuinam quidem, quia verbū est, ex quo simul & Patre procedit amor, nam & amor etiam in nobis, ex verbo mentali, quod cordis est conceptio, manat & procedit. Quantum verò ad humanā, Christus summam eius plenitudinem accepit, non enim dat ei Deus Spiritum ad mensuram, Ioan. 3. sed verbum caro factum habitauit in nobis, tam vtrique plenum gratiæ, gloriæ, ac veritatis, vt de plenitudine eius nos omnes acceperimus, gratiam pro gratia. Ioan. 1. Ideòque sacramenta vim, virtutem, efficaciamque habent, ex eius, in carne ac humanitate, passione. Deus ergo qui in Christo, etiam vt homine, erat, per eundem, vt hominem, Spiritum suum dedit, dat, & sēper dabit: per eius inquā, operationē, qui sanguine nos suo saluos fecit à peccatis nostris, & saluos adhuc faciet ab omnibus malis.

*Natura dua
in Christo
quarum ad
vtrāque per-
tinet quod
det spiritum
sanctum.*

Et effundit enim quotidie in baptismi celebratione Spiritum suum. Dat, inquit Ambrosius, Spiritum sanctum. Non enim humanum hoc opus, nec ab homine datur, sed inuocatus à Sacerdote, à Deo traditur, in quo Dei munus, ministerium sacerdotis est. Nam si Paulus indicauit, quòd sua eum autoritate donare non possit, & huic intantum se officio imparem credidit, ut à Deo nos spiritu impleri optaret, Col. i. quis tatus, qui huius sibi muneris traditionem audeat arrogare? Votum itaque precatione detulit, non sibi vendicauit, impetrare optauit, non imperare præsumpsit. Petrus quoque se idoneum negauit, qui spiritum posset vel cogere, vel arcere. Si eandem, inquiens, gratiam concessit illis Deus quàm nobis, Ego quis eram, qui Deum prohibere possem? Act. ii. Hæc ille

Spiritum sanctum etiamnum, licet non ut tum, visibiliter baptizati accipimus.

lib. i. de Spiritu sancto, cap. 7. Et Spiritum ergo Sanctum etiamnum, licet non ut tum visibiliter, baptizati accipimus.

Digressio XII.

Hic reddendum est reliquum Augustiniani loci sanequàm luculenti, de gratuita Spiritus sancti à Patre per Filium humano generi donatione, quod in præcedenti capite huc seriò distulimus, ex libro de prædestinatione Sanctorum cap. 15. De ipso (ait) Spiritu renatus est Christianus, de quo & natus est Christus. Eodem spiritu fit in nobis remissio peccatorum, quo spiritu factum est ut nullum homo ille haberet peccatum.

Et aliquot interiectis, Quisquis in capite nostro præcedentia merita singularis illius generationis inuenerit, is in nobis eius membri præcedentia merita multiplicatę regenerationis inquirat. Nec enim Christo retributa est ea generatio, sed tributa, vt alienus ab omni peccati obligatione, de spiritu & virgine nasceretur: Sic & nobis vt ex aqua & Spiritu renasceremur, non pro aliquo merito, sed gratis tributum: & si nos ad lauacrum regenerationis fides duxit, non ideò putare debemus, priores nos aliquid dedisse, vt retribueretur nobis regeneratio salutaris, Ille quippè nos fecit credere in Christum, qui nobis fecit, in quem credimus, Christum. Ille facit in hominibus principium fidei & perfectionem Iesu, qui fecit hominem principem Fidei & perfectorem Iesum: Sic enim est appellatus, vt scitis, ad Hebr. 12. dux, siue autor consummatörque Fidei, quasi dicas inceptorem atque finitorem, vt idem sit autor initij simul ac finis iustitię salutisque nostrę. Hinc de vtraque sequitur, *vt iustificati*, iusti non tantum habiti, sed reuera facti tales, quod & vocabulum indicat, & cum Orthodoxi alij, tum Augustinus passim explicat, Iustificare non tantum pro iusto habere, censere, aut reputare, sed ex impio pium facere, De gratia noui testamenti ad Honoratum, Epist. 120. cap. 20. Tract. 3. super Ioan. præfatione in Psal. 31. Etiam si negari nec possit nec debeat id in credente fieri per deputationem fi-

Credere in Christum quis nos fecit.

Iustificare, quid.

dei ad iustitiam, Rom. 4. Vbi quod Paulus ait, Qui iustificat impium, hoc est, eodem Augustino, libro expositionis quarundam propositionum ex Epist. ad Romanos, interprete, de impio piū facit, vt de cætero in pietate ac iustitia viuat, quia ideo iustificatus est vt iustus sit, non vt peccare sibi licere arbitretur. Vt iustus, inquit ille, sit re ipsa, nedum habeatur, censeatur, reputetur: etiam si per æquē negandum non sit omnem nostram iustitiam hīc imperfectam esse, alibi perficiendam. Et ne à litera longius recedam, idem nunc est iustificati, quod prius dixit, renouati & regenerati: Quod sic expedit Aquinas, In iustificatione impij duo sunt termini, à quo, culpæ remissio, & hæc est renouatio: ad quem, gratiæ infusio, & hoc ad regenerationem pertinet. Sed nūquid remitti culpa posset, & nō infundi gratia? Nā & à principio sine alterutra hominē de^o cōstituere poterat, ī puris, quod aiunt, naturalib⁹, absq; vllis gratuitis. Respōdet aliud esse de homine qui nunquā offendit, sic enim esse potuit sine culpa & gratia: aliud de eo quisquis iā peccauit, quem fieri nequit quin Deus vel amore vel odio prosequatur: siquidē à Deo diligitur, quia prior diligitur (Deus enim prior dilexit nos, 1. Ioan. 4.) diligit Deū is, vel potius redamet, oportet: & si vel diligit vel redamat, præstetur ei gratia: quia sine gratia non diligit. Charitas enim Dei, seu qua nos deo charitum⁹, seu qua nobis ille vicissim, diffusa est in cordib⁹ nostris, nō per nos ipsos,

Iustificati, idem qui renouati & regenerari.

Charitas Dei dupliciter intelligitur.

nec viribus propriæ volūtatis, vt ait ad Honoratū Epist. 89. Augustinus, verūm per Spiritum sanctū, qui datus est nobis, Rom. 5. vt renouati, regenerati, iustificati *gratia ipsius*, Patris, Christi, & Spiritus sancti, amore purè gratuito, indebito, immerito, gr̃tis, per gratiā Dei, Rom. 3. 4. 5. 11. Eph. 2. non ex nobis, nec ex operibus, aut vllis præcedētibz meritis nostris. Talibus enim, impiorū vt potè meritis, ira Dei, nō venia, & vindicta, nō indulgētia, & pœna debebatur, nō gratia, & multò minus corona, vt contra nouā tum Pelagianorum hæresim Augustinus ad Sixtum Epistol. 105. in Psal. 31. Concione 2. de 2. parte Psal. 70. & ad finem 142. ad id, Propter nomen tuum, Domine, viuificabis me in tua iustitia, nō in mea, nō quia ego merui, sed quia tu misereris. Nam si meū ostenderem meritum, nihil abs te mererer nisi supplicium. Atque vtinam nullos hodiè rogare possis, quod Iulianum libr. 4. cap. 9. Respondeant certè hæretici noui, Quid bonorum meritorum præcedat in hominibus nomini Christiano inimicis? Non solūm enim non habent bonum, sed habent etiam pessimū meritū. Aded, quod & apud hunc cēties recurrit, & cūm vbi suprà, tū in Psal. 109. gratia à nomine suo gratis datur, nec gratia, nisi gratis daretur, futura, Ex Pauli nimirum dialectica, sic argumētantis, Si per gratiā, iam non ex operibus, alioqui gratia iam non est gratia: Sin ex operibus iam non est gratia, alioqui opus iam non esset opus, Romanor. 11. Hinc illud

*Gratia que
fit intelligen-
da.*

eiſdem Auguſtini contra Pelagium & Cæleſtium libr. 2. cap. 24, ſanequàm argutè dictum & illatum. Spiritus(ait) vbi vult, ſpirat, Ioan. 3. non merita ſequens, ſed etiam ipſa faciens: non enim Dei gratia erit *V L L O* modo, niſi gratuita fuerit *O M N I* modo. Et alibi docet, gratiam intelligendam, non ſolùm qua fecit nos, ſed & qua reſecit: cui enim debemus quod ſumus, eidem debemus quòd & iuſtificati ſumus, vt nemo quaſi Deo tribuat, quia eſt, ſibi quia iuſtus eſt: Nam melius aliquid iuſtũ eſſe, quàm hominem eſſe, proinde inferius aliquid Deo dares, tibi ſuperius. Vt eſſes, quis fecit? Antequàm homo eſſes, limus eras, Gene. 2. antequàm limus, nihil. Sed ne de hoc ſolùm figmẽto gratias agas artifiçi tuo, Audi aliud vbi te fecit, *Gratia ſalui facti eſtis per fidem*, Eph. 2. quamuis hoc ipſum quod dixerat, gratia, vtiq; nõ ex vobis. Sed ne quis aliter intelligeret, planius hoc aperire dignatus eſt. Et hoc, ait, vt ſalui eſſetis per fidem, *non ex vobis*, Apoſtoli verba ſunt, non mea, Vbi audis gratiam, gratis intellige. Si ergò gratis, nihil attuliſti, nihil meruiſti. Nam ſi meritis eſt aliquid redditum, merces eſt, non gratia. Expone id apertius propter arrogãtes, ſibi placentes, Dei iuſtitiã ignorantes, & ſuam conſtituere volentes, Rom. 10. *Dei*, ait, *donum eſt*. Sed fortè nos aliquid fecimus, vt dona Dei mereremur: *Non ex operibus*, inquit, *ne fortè quis extollatur*. Et ne putarentur Fidelibus bona opera deſutura, vidit vtiq; putare poſſe

illos toties hoc dictum, quasi necessaria non sint opera bona credentibus, sed iis fides sola sufficiat: & rursus eosdem posse de bonis operibus extolli, velut ad hæc facienda sibi sufficiant. Quid enim, dicat aliquis, Nos benè non operamur? imò operamur. Aut opera bona nō habemus? Planè habemus. Sed quomodò? vide quod sequitur, Mox enim adiecit, *Dei figmentum sumus*, Sed fortè naturam aut creationem, qua homines facti sumus, hoc appellato figmento commemorare voluit, Non planè: de operibus loquebatur: Non inquàm, facturam, vt homines, quod iam fecit, sed vt boni homines simus, quod gratia sua facit, de qua is dicebat qui utiq; iam homo erat, Cor mūdum crea in me Deus, Psal. 50. Non ergò ex operibus dictum, tanquā tuis ex teipso existentibus, non tanquam his in quibus te finxit Deus. Audi enim vnde bona opereris, *Creati in Christo Iesu in operib⁹ bonis, seu ad opera bona*, hoc est, Deo in nobis operante, quia per Fidem locum dāmus in corde nostro ei per nos & in nobis bona operāti. Fingimur ergo, id est, formamur & creamur in operibus bonis, quæ nō præparauimus nos, sed *præparauit Deus, vt in illis ambulemus*. Hæc Paulinī loci de gratia & operibus paraphrasis Augustiniana est, ex Enchiridij cap. 31. in Psal. 142. & 144. & libro ad Valentinum de gratia & libero arbitrio, cap. 8. In eo ergò quod Paulus toties dicit hominem **G R A T I S** iustificari, nihil aliud intelligi voluisse idē intellexit Augustinus, nisi quia

*Iustificatio-
nem operan-
tium præcedunt.*

*Iustificari
sine operibus
legis homin-
um quid sit.*

iustificationem opera non præcedunt, quæ scilicet Deus in homine iustificando non præparauerit, ut paulò antè ex eo audiui-
mus, & nihil apud eundem sapius occurrit. Vnde sicut idem Apostolus scripsit non nisi factores legis iustificari, Rom. 2. non cōtra seipsum dixit, tanquā per opera, non per gratiam iustificentur. Vnde enim factorem legis græcum iustificari diceret sine gratia Saluatoris? sed sic intellexit, ut sciamus aliter eos non esse factores legis, nisi iustificentur, ut factores legis iustificatio præcedat, non factoribus accedat. Factores ergo legis iustificabuntur, id est, iusti creabuntur, Non quia erant, sed ut sint, ut sic intelligerent etiam Iudei legis auditores, indigere se gratia iusti iustificatoris, ut possint esse factores legis. Ita cū dicit arbitrari se iustificari hominem sine operibus legis, Rom. 3. non hoc agit, ut percepta & professa Fide opera iustitiæ contemnantur, sed ut sciat se quisque per fidem posse iustificari, etiam si legis opera non præcesserint, Sequuntur enim iustificatum, non præcedunt iustificandum. Ex lib. de Spiritu & litera cap. 26. De Fide & operib. cap. 14. Quo etiam locq, & in Psal. 31. & lib. 83. Questionum cap. 76. cū etiā tum non deessent, sicut nec Apostolicis quidē temporibus defuerant, multoq; minus hodiē defint, qui ex Paulo malè intellecto, ad obtinendam salutē sufficere rati s o l a m fidem, ut cū semel in Christū credidissent, etiā si flagitiose uiuērēt, se saluos per fidē fore putarēt, quiq;

quod Paulus Abrahā ex fide, non ex operibus iustificatū, Rom. 4. dixit, sic dictū acciperēt. Faciā, inquentes, ergo quicquid volo, quia & si bona opera nō habuero, & TANTVM credidero in Deū, deputabitur mihi ad iustitiā: qui sic, ait, dixit & decreuit, in voraginem lapsus & dimersus est: sin adhuc cogitat & fluctuat, Scriptura autem verusque intellectus non solūm periclitatē à periculo liberat, sed & diuersum à profundo eleuat. Respondeo ergò tanquā contra Paulum, ex eius coapostolo Iacobo, qui correcturus homines malē illū intelligentes, & de sola fide præsumentes, & bene operari nolētes, Abrahæ opera cōmendauit, cuius Paulus Fidem. Dicit autē cap. 2. Omnibus notū, quod is filiū suū Deo immolandū obtulit, Genes. 22. magnū op^o, sed ex fide. Laudo superēdificationē operis, sed video fidei fundamentū. Laudo fructū boni operis, sed in fide agnosco radicē. Si enim hoc pręter fidē rectā faceret, nihil ei proderet qualecūq; op^o esset. Rursū, si sic fidē idē teneret, vt deo filiū sibi suū immolare ei impetrante, apud se diceret, Nō facio, & tamē credo, quod etiā me sua de^o iussa contemnentē liberabit, Fides sine operib^o mortua esset, & quasi radix sine fructu, sterilis atq; arida remaneret. Ergo ex Fide quidē iustificat^o est, sed quā si opera non pręcesserunt, secuta tamen sunt. Et nō sunt sibi aduersi Apostoli: Alter de operibus fidem pręcedentibus, alter de comitatibus & sequentibus locutus, vt nemo priorū quidē bonorum operū merito arbitretur se ad donū iustificatio-

Iacob^o Apostolus Pauli locū male intellectuos corrigis.

Fide quomodo iustificat^o Abraham.

nis, quæ est in Fide, & Euangelicam gratiam peruenire: sed cum Dei in suis gratia vacua esse nequeat, Fides non debeat, quomodo nihil antea licet operatus; iam tamen gratis ex Fide iustificatus, potest, aut certe debet, nisi iuste operari? Nec magis contrariæ Paulinis Epistolis Apostolicæ Petri, Ioannis, Iudæ, non minus quàm Iacobi, contra exortam tum contrariam de Fide & operibus opinionem, sic intentionē dirigentes, ut vehementer astruant Fidem sine operibus nihil prodesse, cum etiam Paulus, nō qualem libet Fidem, qua Deo creditur, sed eam salubrem, planēque Euangelicam definiuit, cuius opera ex dilectione procedunt. Sed dicis, Non ait hoc Paulus Apostolus: imò hoc ait Apostolus, Valet, inquiēs, in Christo Fides, sed quæ per dilectionem operatur, Gal. 5. ibi, & 1. Cor. 6. Hebr. 13. Rom. 8. Dum iuxta carnem viuentes morituros ait, & opera carnis agentes regnum Dei negat possessuros, satis ostendit, homines licet, non ex præterito bono opere ad Fidei iustificationē perueniant, nec eorū meritis hæc detur gratia, iam tamē ex quo crediderunt, bene operari debere. Quod si quis cum crediderit, mox de hac vita decesserit, iustificatio Fidei cum eo manet, nec præcedētib; bonis operibus, quoniam gratia, non merito, ad eam peruenit, nec consequentibus, quia in hac vita non esse finitur: non tamen ita intelligendus est per Fidem sine operibus esse iustificatus, ut accepta Fide, si vixerit, dicamus eum iustum,

*Opera etiā
requirit Pau-
lus.*

stum, multò minus saluum, etiam si malè vixerit. Hæc omnia Augustini cùm sint, quid aliud Scholastici docemus, cùm Fidem iustificatam, actuosam, operosam, negotiosam, efficacem, & charitate formatam animatamque vrgemus? quam ideo Fidei quandam velut vitam animamque vocat Bernardus. Et cum fratribus è contrario discordes, si nondum quidem impiè feriendo fraticidas, iam tamen teneri Fideicidas, quòd Fides charitate refrigescente, sicut corpus anima recedente, moriatur, & quæ non ex dilectione ac deuotione operatur, non nisi cadauer fit exanime, Sermon. 2. de Resurrect. & 24. super Canticis. Melius omninò, quàm qui hodiè Fidei magis solitudinem, quàm eiusdem de fratre bene demerendo solitudinem non sine lectorum & auditorum offendiculo scribunt & prædicant. Quibus contrà ad pœnitentiam conuertendis, & in conuersione confirmandis, omnium (meo quidem iudicio) appositissimè, quòd Origenes ad Rom. 4. nusquam certè alibi melius, docet, Iustificationis salutisque nostre, cuiusdam quasi spiritualis ædificij prima FIDEM initia esse atque fundameta: SPEM, profectum & augmentum: CHARITATEM, totius velut operis culmen & perfectionem? Nam & inter cætera superioribus fidem magis ore iactantibus, quàm in corde habentibus, & Pauli de Fide doctrina abutentibus, idem vbi antè Augustinus illud eiusdem Pauli obiicit, Plenitudo legis, charitas, quòdque lex omnis vno dilectionis,

*Fideicida,
qui Bernardus*

sermone impletur, Romanor. 13. Galat. 5. Sed
 unde procedat hæc legis plenitudo, præter-
 quam quòd charitas per Spiritum Sanctum
 diffunditur in cordibus nostris, Rom. 5. Idem
 Augustinus pro solita sibi diuinæ gratiæ reco-
 gnitione, Concione 15. in Psal. 118. Hunc ver-
 siculum, Hæc facta est mihi, quia iustificatio-
 nes tuas exquisiui, sic exponit, *hæc, lex, vel po-
 tius hoc, & cum quæsteris quid illud sit, respon-
 deat, quod suprà dixerat, ut legem tuam custodi-
 rem, non per meipsum feci, sed factum est mihi,*
utique abs te, quia iustitias utique tuas, quibus
 impium iustificas, non meas, quæ me nunquā
 piū facerent, sed superbum. Has ergo iusti-
 tias, quibus iustificantur per gratiam Dei, qui
 per seipsum iusti esse non possunt, reuera δι-
 καίωντας, id est, iustitias, quia græcus habet
 δικιώματα, melius alij interpretati sunt iusti-
 ficationes. De' enim est qui operatur in nobis
 velle & perficere, seu operari pro bona volun-
 tate, Philip. 2. quod etiam per prophetam di-
 cit, Ezech. 36. Faciam ut iudicia mea fa-
 ciatis & custodiatis, & in præceptis meis am-
 buletis, &c. Redeamus autem ad Paulum,
 & hanc eius tandem periodon absoluamus.
 Sequitur finis iustitiæ, siue magis iustifica-
 tionis nostræ, sempiternæ nimirum salutis
 participatio. Fecit ergo nos Dominus Dei
 patris sui naturalis Filios adoptiuos, ut per
 consequens, sicut & alibi colligit, si filij,
 & hæredes simus, Ambrosio & Hieronymo,

efficiamur, hæredes quidem Dei, cohæredes
autem Christi, Romanor. 8. Iam interim in
præsenti, *secundum spem*, & si nondum, sed
in futuro, *secundum rem*, iuxta quod spera-
mus, dum hoc in mundo tenemur, vt iure iam
nunc hæreditario in spe certa possidemus, non
carnalem hæreditatem vitæ tēporalis, sed eius
quæ speratur, quaque vt speramus, ita perfrua-
mur, *vita æterna*, quam ostensa Iustitiæ via, iis
qui in ea incedunt, pollicitus est. Magna ergo
nobis opus erat gratia, non solum vt à præteri-
tis natalibus regeneraremur, sordibus ablue-
remur, vëteribusq; vitiis, quasi annis obli-
ti renouaremur, & peccatis iustificaremur, sed hère-
ditatē quoque adiremus, attingeremus, ac per-
petuo teneremus, incorruptibilem quippè, in-
contaminatā, immarcescibile, in cælis erga nos
siue nobis conseruatā, i. Pet. i. vt acciperem⁹ co-
ronā vitæ, quā repromissit Deus diligētibus se,
Iac. i. Gloriātes interim in spe gloriæ filiorū dei,
Rom. 5. 8. & quod nō vidimus, speram⁹, atq; per-
patientiam expectam⁹. In hac porrò te ex hac pe-
riodo tres diuinas personas distinctim exprimi
excellētissimi Latīnorū sic demonstrāt. Hierony-
mus, diligētius, inquit, attēdamus, & inueniem⁹
in præsenti cap. manifestissimā Trinitatē, Beni-
gnitas quippè & clementia Saluatoris nostri
Dei, nō alterius, quā Dei Patris. Hic ergo vide-
mus Patrē vocari Saluatorē: per lauacrū r. & r.
Spiritus sancti, quē effudit abundē super nos per
Iesum Christum, viuificauit nos in vitā æternā.

Diuinarum
personarum
trinit distinct.
filio.
Saluator dē-
i. & r. Alius etiam
Pater.

Salus credentium Trinitatis mysterium. Minus quidem euidenter distinguit Ambrosius, sed eadem tamen scribit, hoc, ait, bonum, quod in Christianis florere videtur, de radice pietatis diuinæ oritur, *DEVS* enim misericordia sua saluos nos fecit per Christum, Cuius gratia renati Spiritum sanctum accepimus abundè, vt bonis operibus inniti possimus, ipso nos in omnibus adiuuante, vt per hæc hæreditatem regni celorum assequi possimus. Huic ergo omni deuotione obsequi, & præceptis eius parère debemus, quia quicquid in nobis pulchrū est, spiritualibus ipse lineis depingit. Hic addèdum, vt semel finiamus, quæ, qualis, & cuius rei, & quādiu spes esse debeat Fidelium. Duobus verbis Augustinus Epist. 147. Spes, ait, nostra, Christi hæreditas. Aliquot autem paginis ad id

Sustinere eorum est qui promissum nondum acceperunt.

Psal. 129. Sustinuit anima mea in verbum tuū, Nemo, inquit, sustinet, nisi qui promissum nondū accepit. Nam qui iam accepit, quid sustinet? Accepimus remissionem peccatorum, sed promissum est nobis regnum celorum. Debita nostra deleta sunt, merces adhuc nostra futura est. Accepimus veniam, vitam nondum tenemus æternam. Sed qui dedit illam, promisit hanc. Si verbum nostrum esset, deberemus timere, quia verbum Dei est, non fallit. Securi ergo speramus in verbis eius qui fallere non potest. Speraui anima mea in Dominum, quid ait? vna die speraui, & finita est rota eius spes? ne putemus vno die sperandum in Domino, a cu-

stodia seu vigilia matutina, quæ finis noctis est,
 hint *vsque ad noctem sperauit anima mea in Domi-*
no, quid putatis hoc esse? Dominus per quem
 dimissa sunt nobis peccata, manè resurrexit à
 mortuis, vt hoc in nobis futurum speremus,
 quod in eo præcessit. Iam peccata nostra remis-
 sa sunt, sed nondum à morte resurreximus, nō-
 dum in nobis factum, quod in capite nostro
 præcessit. Quia quod in eo mortuum est, caro,
 spiritus enim eius nunquam mortuus est, resur-
 rexit, quodam nobis modo dicēs, Quod in me
 vidistis, sperate in vobis. Resurgetis & vos. Sed
 nā resurrexerit, num propterea sperandū me
 posse resurgere? vtique propterea, quia in hoc
 resurrexit quod à te accepit, & portauit. Spera
 ergo & in te futurum quod præcessit in carnis
 de te Deo datæ, primitiis, & in iis, omnib⁹ tuis
 Deo consecratis, & quia à vigilia matutina re-
 surrexit, caput anima nostra ex hac sperare. Et
 quousque? *vsque ad noctē*, quousque moriamur,
 Omnis enim mors nostra carnalis, quasi som-
 nus est. Cœpisti sperare ex quo surrexit Domi-
 nus, noli deficere sperare quousque ab hac vita
 exeas. Nam si non ad noctem vsque speraueris,
 deletur totum quod speraueras. Sunt qui spera-
 re incipiunt, ad noctem vsque non perseuerāt.
 Incipiunt pati tribulationes & tentationes, vi-
 dent malos fœlicitate tēporali pollere, & quia
 sperabant de Domino vt hic fœlices essent, at-
 tendunt autem sceleratos habere quod habere
 ipsi desiderabant, deficiunt pedibus, & desinūt

Resurrectio-
nos noscitur
sperare de-
beamus.

Mors nostra
carnalis, qua
si somnasset.

sperare in Domino. Quare? quia non à vigilia matutina sperare cœperūt, nō hoc inquā, quod in Domino ab illa præcessit. Sed si Christiani essent, habituros domum plenam frumento, vino, oleo, auro & argento, eorum neminem immaturum moriturum, si quis filios non haberet, accepturum: si vxorē non duxisset, ducturum: in eius domo non abortiret mulier aut pecus, non acrescerent cupæ, non grādinaretur vinea. Qui sic in Domino sperabat, animaduertit Dominum non colentes his rebus abundare, & vsque ad noctem non sperauit, quia nec à vigilia matutina sperare incepit. Quis ergo sic sperare incipit? qui hoc sperat de Domino, quod à manē in quo resurrexit sperare incepit, Resurrecturum se, nō vt alij à prophetis, Christo, Apostolis suscitati, semel nati, bis mortui, rursus moriturū, sed quomoddò Dominū, semper victurum, vt postquā resurrexit, non se iam timeat moriturū, Et cœpisti sperare à mane Domini, spera vsque ad noctē, quousque vita hæc finiatur, & sit nox vniuersi generis humani in occasu seculi, cū iam nō erit spes, sed ipsa res, Nam spes quæ videtur, spes nō est. Quod enim videt quis, quid sperat? Rom. 8. Quod autē interim non videmus, speramus, & patienter expectamus vsque ad noctem, id est, vitæ nostrę, vel huius seculi finem. Quę cū nox transierit, iā veniet quod sperabamus, nec iā sperabimus, nec tamen desperati erimus. Est enim desperatorum vituperatio, & siquādo hominē detesta-

mur, dicimus, non habet spem. Nec tamē semper malū spem non habere, sed in hac tantūm vita qui enim modō spem non habet, rem postea non habebit. Sed cū res venerit, nunquid spes erit? Veniet Dominus, & cū aliis *Ite*, aliis *Venite*, dixerit, iam spes nō erit, quia res tenebitur, trāfacta ergo spe, transibit nox: Sed donec fiat, *speret Israel in Dominum*, sed quid sperabit? Israël enī culpō, spem seculi, quando sperat Deo? Non: sed alia spes est Israël propria. Non pro summo bono suo speret diuitias, salutē cor poris, abundantia terrenorū: imō tribulationē hīc habiturus est, si fortē contigerit propter veritatē pati molestias. Non enim non sperabāt in Deum martyres, passi tamen qualia iniqui & latrones subiecti ad bestias, ignibus cremati, gladio percussi, vngulis exarati, catenis obstricti, carcere necati. Hęc inquā, omnia passi mala, non in Dominū sperabāt? aut ideo sperabāt, vt iis malis carentes, hęc vita fruerentur? Non planē, quia à vigilia matutina sperabant. Quid est hoc? Nam illā considerabāt, qua resurrexit Dominus, & videbant eum antequā resurgeret, qualia ipsi patiebantur, esse passum, & non desperabant etiam se post tales passionē resurrecturos ad vitam æternam: hoc enim debet corpus sperare, quod præcessit in capite, & à manē ad noctem vsque sperare. Speret ergo Israël in Domino, ex hoc nunc & vsque in seculum, Psalmo. 130. hoc est, vsque in æternum: quod duobus modis intelligitur,

*Martyrum
fines quæ
fuerit.*

*Vsque in æ-
ternum, quid
sit.*

aut semper sine fine, aut quousque ad æternitatem perueniamus, in Deum speremus: quia cū eò venerimus, iam non spes, sed ipsa res erit. Hæc de spe vitæ æternæ, Cuius tamen certitudinem ne nullo mortis æternæ metu hîc mixtâ putemus, hoc est, ne pro spe temeritatem capiamus, idē ad Iob. 39. vbi legit, nec tumen secundū Hebraicam veritatem, nec magis iuxta Lxx. *Super equum gaudet arcus & gladius lanceæ hastaque tremore*, Quid quod est hoc? An quia nisi & martyr tremat, hoc est, futuram, quam iaculatur diuina iustitia, mortē timeat, non potest præsentem, quàm persecutor minatur, cōtemnere, vt intrepidam habeat confessionem, & prædicet cum fiducia veritatem, cui non possint inimici resistere, Et ita super eam gaudeat, id est, per eam asseratur Dei doctrina, per quā minatur impiis futurum interitum, & interficit præsentem iniquitatem? Nisi enim gaudiū spei nostræ cum tremore *damnationis* esset, in nobis negligens esset securitas, & superba præsumptio, neque nobis diceretur, Seruite Domino in timore, exultate cum tremore, Psal. 2. & Tob. 3. Cum timore & tremore confitemini Domino. Et noster hîc alibi, 1. Cor. 2. In timore & tremore multo fui apud vos,

Phil. 2. Cum metu & tremore vestram salutem operamini.

Timor piorū
qualis esse de
beatis

Fidelis sermo est, & de his volo te confirmare, vt curent bonis operibus præesse qui credunt Deo. Hæc sunt bona & vtilia hominibus. Stultas autem quæstiones & genealogias, & contentiones, & pugnas legis deuita. Sunt enim inutiles & vanæ. Hæreticum hominem post vnā & secundā correptionem deuita, sciens quia subuersus est, qui huiusmodi est: & delinquit, cum sit proprio iudicio condemnatus.

Probat superiora de gratia & gloria, de iustitia & salute, & nostra de his omnibus spe & certitudine dicta: tū postquā suprà docuit quæ ad populi proponat Titus institutionem, ostendit quæ in doctrina vitet, dogmata nimirum cū inutilia, tum aliena vel maximè. Est enim velut cōclusio, vt suos de suprà dictis informet & inutilia contrā, curiosa, & erronea deuitet. Quod ergo sequitur, *Fidelis sermo*, ad superiora iungit Hieronymus, in quibus præmiserat, vt iustificati, &c. Hæredes fiamus, &c. Hæc enim quia sub visum non cadunt, imò multis incerta sunt, & quia de futuris, non de præteritis tantū aut præsentibus loquitur, necessariò autoritatē fidemque verbo suo apposuit, & subiūgit, non magis illa quā hæc dubitanda, nec minus credibilia, q. d. quòd illa vera & indubiè futura

sint, planum est ex præcedentibus. Certa res est, sermo verus & indubitatus, quique ab omnibus credatur dignissimus, dignus inquam, fide sermo quem præmisi super Dei hæreditate, & vitæ sempiternæ spe, & omnino eueniet.

Qui priora dedit, posteriora etiam daturus est, qui à tot tantisque malis & peccatis eripuit, alia quoque bona nobis promissa omnia certò largietur, In ea utique gratia, quam velut eorum quæ reliqua sunt, arram atque pignus, præstitit permanentibus. Eadem quippè prouidentia, eademque cura hæc & illa cuncta operatur. Sic Ioannes Reuelationem suam totamque scripturam sacram concludit. Scribe, ait ad eum Angelus, quia hæc verba vera sunt & fidelissima Apoc. 21. 22. Nemo dubitet, nemo dicat aut ita excuset, non sperabam, non hoc illudve futurum expectabam, & quod vel seculi sapientibus turpe dictu, dictum periculi plenum

*Non putabam
sapientibus,
turpe dictu.*

& ridiculum habitum est, *Non putabam*, meritò nimirum sentientibus, stultorum ac amentium esse, futura nec præuidere nec prouidere. Hinc reproborum de insperata & inopinata electorum salute stupor & admiratio. Horum nos, aiunt vel potius dicturi questurique, sed frustra, sunt, vitam æstimabamus insaniam, & finem eorum inhonorem, inglorium: En contra ut inter Dei Filios computati, & locum inter sanctos sortiti, & cat. Sap. 5. & 3. Iustorum animæ in manu Dei sunt, visi sunt licet oculis insipientium mori, & horum

exitus afflictio, id est, ærumnosus & calamitosus. Illi autem sunt in pace, Spes eorum immortalitate plena est, & cæt. Igitur, *de his volo te confirmare*, vel confirmari, anceps enim est, iam scientem scilicet, non ignorantem instruere vel instrui, siue potius vt alios confirmes, De prædictis Dei per Christum erga nos misericordia, gratia, iustitia, hæreditate, vita, salute, reliquaque tota prouidentia velim te non solum certum, minimèque dubium esse, sed etiam vehementer asseuerare, & quæcunque ad diuina beneficia, peccatorum reprehensionem, fidei & morum documenta spectant, sic prædicare, vt etiam alij qui te audierint, conuersi credant, & credentes confirmetur. Est autem spes, animæ *Spes, anima* velut ancora, eam in bono confirmans, & immotam tenens, vt in mari nauem materialis ancora, sed in hoc est differentia, quòd hæc deorsum in maris fundo, illa sursum figitur in cælo. Quod simile & dissimile Lyx est ex Hebr. 6. Fortissimum, ait, solatium habeamus, qui confugimus ad tenendam propositam spem, Quam sicut ancoram habemus animæ tutam ac firmam, & incedentem ad interiora vsque velaminis, id est, cælorum secreta nobis delata, vbi præcursor pro nobis Iesus introiuit. Est autem tum aliorum, tum pastorum vel maximè confirmare. Docuisti, aiunt amici Iob. 4. multos, vacillantes confirmauerunt sermones tui. Et Christus ad Petrum, Tu

*Spes, anima
velut ancora*

*Interiora ve
laminis.*

aliquando conuersus confirma fratres tuos,
 Luc. 22. Et passim in Actibus Apostoli confir-
 mant animas discipulorum, fratres & Ecclesias
 in fide, cap. 14. 15. 16. 18. Rom. 1. Desidero vide-
 re vos, ad confirmandos vos, 2. Cor. 2. Confir-
 metis in illum charitatem, 1. Thess. 3. Misimus
 Timotheum ad confirmandos vos & exhor-
 tandos pro fide vestra. Phil. 1. Habeo vos in cor-
 de & vinculis meis, in defensione & confirma-
 tione Euangelij gaudij mei socios. Et 2. Petr. 1.
 Vos super his semper commonebo, & quidem
 scientes, & in veritate præsenti confirmatos,
 Apoc. 3. confirma cætera moritura, siue mori-
 bunda, quorum ea scilicet est conditio, vt iam
 sic laborent, breui, nisi confirmentur, moritu-
 ros. Et vos, ait & alius, confirmate corda ve-
 stra, quia Domini instat aduentus, Iac. 5. Cuius
 ratio est, *vt curent bonis operibus præesse*, & hoc, ait
 cum cæteris qui voluerunt credere, confirman-
 dum est, vt studeant alios benefactis præire, qui
 enim vera hæc esse crediderint, necesse est eo-
 rum curam habeant, per quæ Dei hæreditas,
 & vitæ spes æternæ paratur, sic vt firmiter cre-
 dentes, siquidem hodiè bene operantur, cras
 operando melius, crastinis bona præeant ho-
 dierna. Sic non malè Bruno, & glossa interli-
 nearis, *præesse*, magis proficere, ac seipsis fieri
 meliores, de virtute in virtutem ire, Psal. 83. Et
 pulchrè vt fidem maiorem faceret, non dixit,
 qui hominibus confidunt, sed *qui credunt Deo*,
 aut, vt legit Ambrosius, crediderunt, vt fidem

*Præesse, ma-
 gis proficere.*

bo
ad
ait
ces
per
ber
Q
dia
diu
der
diu
ino
vt n
defe
tum
fanti
citu
pro
nec
ipsi
loco
sius
oper
tum
dam
iuxta
bona
plo, a
oper
in re
sidera

bonis operibus adornent. Nec enim ea sufficit ad salutem, iis qui sunt his nudati. Mentionem ait, feci bonitatis, & ut hæc doceas, hæc inculces, ut discant fideles non humiliter tantum sapere, & de se sentire, nec aliis vel conuitiari, vel beneficia exprobrare, sed magis commiserari:

Qui enim considerarit Dei secum misericordiam, aliorum quoque miserebitur. Sic alibi à *Misereri quid discamus.*

diuina clementia ad eleemosynam aliis impendendam hortans, Scitis, ait, quod Dominus, cum diues esset, pauper factus est, ut illius ditaremur inopia, 2. Cor. 8. Significantius autem Græci, ut non simpliciter, minus verò otiose, sed indefessi, assidui, adeoque primi & praueniētes, tum pecunia, tum doctrina, viduis, pupillis, orphanis, afflictis & iniuria oppressis, & omni solitudine ut semel dicam, vniuersis indigentibus prospiciant & opitulentur, non operientes donec ab egenis adeantur; sed eorum vtrò curam *Egenorum inopia prauenienda.*

ipsi suscipiant. Hoc enim designat, Græcis hoc loco interpretibus καὶ ἐν ἑγῶν προίσαθαι. Ambrosius vertit, ut solliciti sint ad effectum bonorum operum. Quæ cum omnium verè fidelium sint tum pastorum ita in primis sunt, ut Latini quidam de iis speciatim intelligant, quos oportet iuxta Hieronymi & Primalij scholia, ad opera bona docenda, imò & eorum agendorum exemplo, aliis præesse, Sint, inquit Lyra, de primis in operibus bonis. Et Aquinas, fidelibus præsent in rectè factis, ut ea videntes, & ex iis vos considerantes, Deum glorificent, Matt. 5. 1. Petr. 2.

Horum autem curam fideles habeant necesse est, quia *hæc* Deo in primis credere, ex eius legibus vitam instituere, de proximo bene mereri, & talia omnia tum documenta, tum facta adimpleta, & omni studio adimpleta, *sunt bona*, bonitate Dei perfecta iusta, sancta, præclara, primùm ea facientibus, & *utilia* utilitatem æternæ remunerationis tribuentia, *hominibus* credentibus, & facientes imitantibus. Et hoc, ait noster de eleemosynæ consilio, vobis utile

*Misericordie
& humani-
tatis utilitas
presentissi-
ma.*

est, 2. Cor. 8. Nihil, inquit Ambrosius, tam apertum, quia misericordia & humanitas bona est ad præsens, & in futurum utilis, hîc habet laudem, & illic coronam. Omnis ergo Deo credens misericordiæ studere debet, per quam vivit. Et ut in hæc sollicitus sit populi rector monetur. Hæc inquam, honesta verè sunt atque fructuosa. Non verò quæ sequuntur. De quibus hæc sunt ab Aquinate notata. Ad artiũ & scientiarum professores pertinet primùm quidem quæstionibus quæ inde mouentur, satisfacere, tum & per se aliqua tractare. Tertio cum resistentibus disputare. Postremò quid circa eas sit vitandum docere. In aliis verò scientiis sapiens non cuius responderet quæstioni, sed ei modò quæ ad suam professionē spectat. Veritatis, ergo Christianæ doctor, *deuita*, superfede, omitte *stultas quæstiones*, intentioni doctrinæ sanæ aduersantes, irrationabiles, & ut cum eodem loquar, indisciplinares, quod & totidem verbis habes suprà 2. Tim. 2. 1. Tim. 6. Est enim doctri

*Artium pro-
fessores præ-
stare quæ de-
beant.*

na diuina, sapientiæ doctrina, stultitia autem sapientiæ opponitur. Hæc est, aiebat Moses, vestra sapientia, & intellectus coram populis, ut audientes hæc, vniuersi dicant, En populus sapiens & intelligens, Deut. 4. & Iob. 34. Viri intelligentes loquantur mihi, vir sapiens audiat me. Iob autem stultè (scilicet) locutus est, nec verba illius sonant disciplinam. Stultum item quādo manifestū proponitur ut dubium, quæcunque videlicet debet per se quis in scientia tenere. eas potissimum quæ spectāt ad fidei institutionem, eruditionem morum, vitæ pietatē mouendas quæstiones siue disputationes: non verò vbi nec salus est, nec scientia utilis, quæ salutis Ambrosio, effectum non habent, nec vllā tribuunt scientiæ peritiā, & licet omnia quæ vera non sunt, stulta dicenda sint, his tamē verbis hæreticorum dogmata detineri, quorum alius callida tergiuersatione rem veneno plenam proponit, ut Arius, &c. alius res fabulosas inducit, ut Manichæus, & cæt. Fabulosa enim hæresis est, non Dei lex. & in quibuscunque aliis eorum interrogationibus, quas de Christo aliisque rebus faciunt, ad Catholicorum depreffionem, euidenter apparet, aut certè latet stultitia. Et quia multiplices ac diuersæ sunt quæstiones, ideo de his qui Deum quærunt, ait Salomon, Rectè quærentes eum, inueniunt Patrem, Prouerb. octauo. Hanc igitur inuenire nequeunt, qui non eum rectè quærūt, exemplis ab Hieronymo subiectis, Iudæorum,

Stultitia opponitur sapientiæ.

Stulta dicenda omnia quæ vera non sunt.

Quæstionum diuersitas.

qui, sed frustra, sperant se Deum sine Christo inuenire posse: hæretici vano quoque verborum strepitu concrepantes, prauè quærent quæ inuenire non possunt: Philosophi & barbari varia de Deo sentientes, quia præposterè quæsierunt, fatuæ fuerunt eorum quæstiones, cum putantium sensibus humanis cõprehendi posse. Ab iis nos Paulus ad eas quæ scripturarum autoritate fultæ sunt, reuocat, præceptorũ non nescius dicentis, Quærite, & inuenietis, &c. Matth. 7. Luc. 11. modò non sit corpus nostrum subditum peccatis, & ingreditur in nos sapientia, Sap. 1. Exerceatur ergo sensus, mens quotidie diuina pascatur lectione, & quæstiones nostræ, stultæ non erũt. Quod autem ait *Et genealogias*, propriè pulsat Iudæos in eo sese iactantes, & legis habere putantes notitiam, si nomina teneant singulorum: non absque Græcorum Latinorũque irrisione, quasi imperitorum, si nomina barbara, quia vel linguæ idiomata, vel etymologias non norunt, aut corruptè, aut aliter quàm Hebræi, exprimunt, in accètu aut syllabæ quantitate errantes, & vel breuia producentes, vel producta breuiantes. Horum rationes, exempla, solutiones latè prosequitur hîc Hieronymus, afferès & alteram Iudaicæ superbix occasionem, quòd vt Latini nomina in lingua sua facilius memoriæ tradunt, sic Iudæi à teneris vernacula vocabula penitissimè imbibunt, & ab Adam ad extremum vsque Zorobabel, omnium generationes memoriter velocitè-

*Genealogia
Iudæorum.*

*Hebræorum
supersticio.*

*Iudæorum
studium.*

locitérque, vt nomen suum, percurrunt. Nobis ergo qui vel alia didicimus, vel certè credidimus, vel infantes Ecclesiæ mancipati, scripturę magis sensum quàm verba sectamur, si hæc for-
 tè non ita nouimus, putant se in nominibus re-
 ferendis, supputandis annis, nepotibus & ab-
 nepotibus, auis, proauis, atauis, doctiores. Qua-
 lis Hebræus pseudochristianus, facta de Domi-
 ni genealogiis quæstione, quòd scilicet à Salo-
 mone vsque ad Ioseph, vocabulorum nec nu-
 mero, nec æqualitate consentiant, cum corda
 simplicium peruertisset, quasi ex adytis & ora-
 culo deferebat quasdam, vt sibi videbatur, solu-
 tiones, cùm magis debuerit iustitiã, misericor-
 diam, dilectionem Dei quærere, Et pòst, si for-
 tè occurrisset, de nominibus & numeris dispu-
 tare. Consentit Ambrosius, verrens originum
 enumerationes, quæ ad Iudæos pertinent, dum
 eorum quidam originem sibi patriarcharum
 prærogatiuam vendicant, de matrimoniis or-
 tam, cùm ex hoc nullum meritum sit apud De-
 um. Nec aliter Græci, ad Iudaicas hæc antiqui-
 tates referunt, qui boni nihil operantur, ad ma-
 iores confugiunt, & in patribus perperam glo-
 riantur & cristas erigunt, sui quisque generis se-
 riem à patriarchis & prophetis repetentes, Se-
 men, inquit, Abraham sumus; Nos ex forni-
 catione non sumus, Pater noster Abraham est
 Ioan. 8. Et Gal. 2. Nos natura Iudæi, & non ex
 gentibus peccatores. Et talia fidelibus iactant
 ac proponunt, Quæ vt verissima forent, non

*Iudæorum ia-
 ctantia de
 maioribus
 suis.*

imitantibus tamē nihilo stultæ minus sunt genealogiæ, seu nullam afferētes vtilitatem: Quæ enim vtilitas patrem habere Abraham, imò Deum, neque tamen imitari? imò potius stultitia est, & damnum referēs, quòd ex his profecti, reprobi facti sint. Proinde Dominus iactantibus patrem Abrahā, imò Deum, respondet, Scio quòd Abrahæ filij estis: Sed siquidem estis, opera eius facite. Si essetis, faceretis. Vos verò facitis quæ is non fecit. Et si Deus Pater vester esset, diligeretis utique me. Vos autem ex patre Diabolo estis, & eius desideria perficere vultis. Addunt & Scholia Græca, de Græcis hæc quoque dici, qui suorum etiam Deorum geneas recensent. Eodem verbo vsus est, 1. Tim. 1. Vbi paucula omissa hîc supplebimus. De poëticiis quidem Augustinus lib. 2. de Ordine, cap. 12. testatur inter alia suos se familiares grauitè solitum miserari, qui si non respondissent quid vocata sit mater Euryali, accusabantur inscitix, cū ipsi eos à quibus ea rogarentur, vanos, ineptos, nec curiosos auderent appellare. Priamo vult ortam Vergili⁹ Æneid. 9. nec tamen nominat. De Iudaicis idem contra legis aduersarium lib. 2. cap. 1. Audent, inquit, dicere ac credere, Deum primo homini duas creasse mulieres, ex quibus genealogias texunt verè, sicut ait Apostolus, infinitas, parientes infructuosissimas quæstiones. Suas ergo Iudæos genealogias habuisse, à libris propheticiis & legitimis alienas, catholicus lector

*Genealogia
ruminifinitas
vnde.*

utroque Pauli loco intelligat. De Domini por-
 rò Genealogiis extat nostra in 2. ad Timoth.
 Digress. III. Lyra notat pseudapostolos frustra
 rum huiusmodi generationum argutiis nitētes
 ostendēre Iesum Nazarenum ex Dauide non
 descendisse: Aquinas in Scripturis genealogias
 recenferi propter mysteria, & historiarum in-
 telligētiam. Serius est de his & grauis apud Hi-
 larium locus, sed ad 1. Tim. I. pertinens, si tum
 meminissē: hūc igitur, meo more, recuperabi-
 tur. Extat autem lib. 10. de Trinitate. Sciens, ait
 Apostolus arduum hoc terrenæ naturæ diffi-
 cillimūque esse, rerum diuinarum efficien-
 tiam iudicio nostro tanquam ad intelligen-
 dum acriore, quā ad efficiendum Deo potio-
 re concipere, legitimo sibi secundum fidem fi-
 lio, sacrāsque literas ab infantia sumentī scri-
 bens, vetat genealogiæ eloquia tractari, & fa-
 bulas interminatæ quæstionis attingi. Edifica-
 tionem verò, Dei in fide esse, ut humanæ vere-
 cundiæ modum fideli omnipotentia Dei reli-
 gione cōcludat, nec se infirmitas nostra ad per-
 spicienda quæ perspicendo naturam hebetār,
 extendat. Quod autem sequitur, *contentiones*, *Contentiones*
 Lyra verbosas, Aquinas eas intellexit, non *vitanda qua*
 quæ inter resistendum veritatem impugnantī- *sunt.*
 bus ad eius inquisitionem fiunt disputationes,
 sanequā laudabiles. Respondere, ait Iob ami-
 cis suis, obsecro, absque contentione. Iob. 6.
 sed quæ magis fieri soleant ad ostentationem,
 præsertim si quorū non interest, per eas aliis

præscribere au præiudicare velint, quid tenendum, quid vitandum. Ab iis contentionibus homini qui se separat, honor est, Prou. 20. Et passim alibi nos non vult esse contentiosos, 1. Corinth. 11. & Phil. 2. Rom. 13. nihil per contentionem facere, quod ex iis quidam Christum prædicarent, Phil. 1. Quam & inter opera carnis mala reponit, Rom. 1. 2. Gal. 5. 1. Tim. 1. & dolet ei cum coapostolo contentiones inter Christianos esse, 1. Cor. 1. 3. 2. Cor. 12. Iac. 3. sed propius hanc literam quod. 1. Tim. 6. Languere vetat circa pugnas verborum. & 2. Tim. 2. dixit, Noli contendere verbis. Altius suspexit Hieronymus, Dialecticos, quorum Aristoteles princeps est, solitos argumentationum reia tendere, & vagam Rhetoricæ libertatem in syllogismorum spineta concludere: Qui totos ergo dies & noctes in eo terunt, vt interrogent, respondeant, proponant, assumant, confirmant, concludant, contentiosos vocari, vt libet, litigantium stomacho, non ratione disputantes, Id si faciunt quorum propriè ars contentio est, quid debet facere Christianus, nisi omninò contentionem fugere? sed & pugnas legis, respuendas, & Iudæorum stultitiæ relinquendas: quæ legis occasione oriebantur, altercationes, non historicas tantum, vt quot annos vixerit Mathusalem, quoto ætatis suæ anno Salomon coniugem fortitus sit, ne vndecimo eiusdem anno Roboam natus esse credatur, & multa huiusmodi inuentu diffici-

*Aristoteles
dialecticorum
princeps.*

Pugna legis.

lia, erroribus ob librorum varietatem inemendatorum inolit. Et quia, quod ait Ambrosius, ideo Moſis ſepultura abſcondita eſt, ne à Magis excitaretur: quod ſi verum eſſet, cæterorū quoque ſanctorum erat abſcondenda. Et quòd Salomon demonum adiutorio templum ædificauit, quo in opere tam ingēs multitudo laborauit, quid tam fabuloſum? Sed, & quidem multò magis *νομικὰς* id eſt, legales, dum quidam vrceorum reliquorūque vaſorum baptiſma.

*Moſis ſepul-
tura cur ab-
ſcondita.*

Marc. 7. Hebr. 6. Matth. 23. Luc. 11. & muſtelæ ſanguinem magna expiandum cura vrgent, Alij, quod hic Anſelmus, dicerēt à cibis abſtinen- dum, quoniam ſic in lege præceptum Leuit. 11. Alij contrā ex Euangelio reſponderent, Matt. 15. Marc. 7. Aliis contendentiſus legem totam carnaliter intelligi ſeruarique, Act. 15. Aliis reſpondentiſus, ſpiritualiter tantum debere. Qui- buſdam etiam, quod Bruno, Lyrenſis, & Aquinas notant, nitentibus falſum intellẽctum pro- ducere, quaſi ſcripturæ ſibi inuicem videantur contrariæ, & tales rixæ ex illarum oriantur cõ- trarietate, non vel ex vitio magis diſputatium, aut rationibus contrariis. Cũ nihil contrā in ſcripturis ſecundum veritatem contrarium ſit, ſed ſi quid tale appareret, vel non intelligitur, vel corruptum eſt ſcriptorū vitio, quod patet ſpe- cialiter in numeris & genealogiis. Ideòq; quia determinari nequeunt, ea vitari vult. Cũ enim doct̃or duo debeat intendere, vtilitatem & ve- ritatem, Veritatem, ait Sapiēs, meditabitur cor

*Scripturariũ
contrarietas
qualiter ex-
cipienda.*

meum, Prou. 8. Et, Ego Dominus Deus tuus dō
cēs te vtilia, Esa. 48. non debet de iis intromitte-
tere reculis, quæ sunt *inutiles* sine fructu, & nec
dicentibus, nec audiētibus profunt. Nam singu-
laria scire, vt sunt huius & illius origines, anti-
quitates, stēmata, non multū facit ad perfe-
ctionem intellectus, nec magis ad fidei aut mo-
rum instructionem. Sed, quod peius est, & *vane*
plerunque falsæ sunt & inanes, ac sciētiæ tantū
speciē, nō & solidā habētes veritatē. Qualia sa-
nè permulta, etiāsi magno studio & labore in-
ueniremus, nihil profutura cognouim⁹. Sed &
frequēter accidit, vt ob gloriolā & iactantiā, dum
apud auditores docti volumus æstimari, aut ex
rumusculo turpia lucra sectamur, nō ob verita-
tis pugnemus desideriū. Quid autē prodest spu
mātibus labiis, & latratu garrire canū, cū sim-
plex & moderata respōsio possit aut te placare
vera, aut leuiter à te ac placabiliter emēdari fal-
sa? Agnoscis lector stylū, credo, Hieron. In cui⁹
& Primasij scholiis hīc legimus, Non vult nos
superfluis quæstionibus & contētionibus quæ
in lege de generationibus & id generis rebus o-
riuntur, occupari, multò minus cōtrarietatibus
siue cōtrariis, quas hēretici, de quibus sequitur,
captant & sectantur, oppositionibus implicari,
sed hæc semper loqui & tractare, quibus audiē-
tes proficiant. Nec aliter Græci, cōtētiones ad-
uersus hēreticos deuitādas, cūm lucri nihil fue-
rit, quoties quis ita peruersus est, & in animo
decreuit, sententiam, quicquid contigerit, non

*Cum hæreti-
cis non con-
gredendum.*

mutare, cur eius gratia frustra labores, & inter
 saxa semines? quæ conflictus huiusmodi cōmo-
 ditas? quis in iis altercationibus profectus, vbi
 nemo ad Christum captius aut comprehensus
 adducitur? cur prætermiſſis operib⁹ necessariis,
 tempus in vaniloquiis frustra teratur? Sati⁹ er-
 go & vtilius laborē hunc docēdis tuis insume-
 res, de fide, elemosyna, reliquisque disserēdo
 virtutibus. Quid tamen est ~~negligens~~ omitte, fu-
 ge, caueto. Quo ergo pacto suprà, cap. i. præce-
 pit, vt aduersariorum atque contradicentiū ora
 obturet, obstruat, occludat, si contrā cedere, fu-
 gere, missos facere, si hos vitare oportet? Et di-
 cim⁹ hos quidem qui ad aliorum perditionem
 docent, & docendo efficiunt, imò inficiunt, nō
 tantūm redarguēdos, sed & coërcendos, ac ceu
 infranandos, sin aduersum te contendunt, non
 de dogmatis, cede locum, nullū enim bonum
 ij finem habent. Sine vtilitate autem vel illo-
 rum, vel certè tuorum, non est quòd verbulum
 cum eis commutes aut cōmunices: quin potius
 vt vel sic eis prodesse queas, vitāda eorum tibi
 consuetudo, cū nihil ex tua disputatione, col-
 loquio, conuersatione profectum iri speretur
 apud eos qui sint incorrigibiles. De quibus se-
 quitur, vt erga eos Titus & eius subditi se habe-
 re debeāt, nimirū quòd sic & cur vitādi sint. *He-*
reticū hominē, quē cū alij aliter hīc & alibi acci-
 piant, donec plenius de vocabulo pōst dispu-
 temus, simpliciter hīc eum intelligimus, qui
 quam semel fidem catholicam recepit, postea

*Hæreticorū
 consuetudo
 vitanda.*

corrupt, Bruno ab vnitate fidei diuifum. Sed cum prima huius nominis ratio nō à diuifione accipiatur, fed ab electione dicatur, Græcis enī *αἵρεσις* dicitur electio. Aquinas *ἀρετή* quafi electiuum, quafi *sectæ* alicuius quā elegit, perti-

Hæreticus.

Sectarius.

Vnus, id est, primus.

naciter adhaerentē. Recentiores aliquot *sectarium*, seu vitioſæ *sectæ* autorem, vel certē additū, nec à quibulibet doctorū placitis ſimpliciter diſſentientē, ſed & factioſum. Græci in peruerſis dogmatibus perſeuerantē. Hūc ergo *poſt vnā*, id eſt, primā, eo loquendi modo, quo Gen. i. Factū & vespere & manē dies vnus, id eſt, primus, & *ſecundā* Latinus & alterā, quod & vertit, & in Latinis legi codicibus obſeruauit Hieron. *correctionē*, melius idē habere Græcum *ὑποβολή* quod cōmonitionem magis & doctrinam abſque increpatione ſignificat. Quod ergo verum papa quoque Athanaſius probabat, nō ſufficit eū qui aliquo ſit errore deprauatus, ſemel tantū corrigi vel commoneri, ſed & ſecunda ei adhibenda eſt doctrina. At Ambr. primā legit, nec addit ſecundā, interpretans huiusmodi homines, vt inexcufabiles ſint, ſemel corripi oportere: Frequentius enim correptos, exercitatiores in malo fieri, ac videri velut eos cogere, vt ſollicitiores fiāt ad perditionē pluriū. Et antē Tertul. de Præſcription. Fides, iquit, noſtra obſequiū debet Apoſtolo prohibenti quaſtiones inire, nouis vocibus aures accommodare, hæreticū poſt vnā correctionē cōuenire, eam, nō diſputationē, designans hæretici cōueniēdi cauſā

Frequens correctio inducat potius quæ emendat.

& hoc, vnam scilicet, quia Christianus non est: ne more Christiani semel & iterum & sub duobus aut tribus castigandus videretur, cum ob hoc sit castigandus, propter quod non sit cum illo disputandum. Non desunt tamen, qui tertia eos, ut reliquos, correptione non dedignentur. Quando, ait hic Theodoretus, bis vel ter iis qui contraria docent, quam par est, doctrinam tradideris, & in malis eos dogmatibus perseuerare videris, cum eis amplius ne disputes, nam labor est inutilis. Et verò ita fit in Ecclesia in excommunicationibus, quæ & hinc traxisse videri potest monitiones ante excommunicationem plures. Et ratio est Aquinati, ternarij perfectio, quod numerus omnis rei principium habet, medium, & finem. Ideo capitur ut ad omnia sufficiens. Ecce iam, ait alter, tertio hoc venio ad vos, 2. Cor. 13. minans eis ne resipuerint. Si quem ergo vides à Catholica errantem, hunc rationabiliter corripe, vel semel, ne si sæpius id fiat, confirmator in malo reddatur: vel si corrigi distulit, pluries & seuerius de erroris eum sui prauitate mone, ut in ore duorum aut trium stet & hoc verbum, Matth. 18. Sin bis tervè correptus aut commonitus resipiscere noluerit, ulterius iam illum *denota*, non est idem verbum, quod mox ita reddidit, sed *agere* reice, fuge, declina, tu ipse primum, & ab aliis vitari facias, ne & per eum inficiantur: imò vita non eum modò, sed & eius correptionem, ut sibi relictus vel negligentior fiat, & obsistente nemine fri-

*Ternaria
monitio in
excommuni-
cationibus.*

Doctores pessimi in errore suo permissendi.

geat, vel solus fortè pereat, Sic Anselmo hîc exponente, Dominus doctores pessimos, & in errore perdurâtes præcepit arbitrio suo dimit- tendos, sciēs eos difficulter ad veritatem posse trahi. Sinite, inquit, illos: cæci sunt, & cæcorum duces, Mat. 15. Opponūt Græci alibi dictum, Si- quâdo fortè det eis Deus pœnitentiã, 2. Tim. 2. Quo ergo modo hoc eos loco fugere iubet? Nēpè de iis illic loquebatur, de quib⁹, quòd ve- ritatis discendæ studio, non contradicendi affe- ctu, simpliciter resistebāt, emendâdis spes erat aliqua. Mali autē quândiu emēdationis spē præ se vllā tulerint, non sunt omninò vitandi: Hîc

Incorrigibi- les, sibi relin- quendi.

autē de incorrigibilibus, q. d. Vbi manifestus omnibus, & cōspicuus fuerit veritatis aduersa- rius, quid frustra pugnas, aut aërem cædis? Hui⁹ autē deuitationis ratio est, quòd cū errante qui- dem agendum à principio, vt corrigatur, iuxta Medicorum summi Aphorismū, Medico malè habētibus opus est, Luc. 5. Marc. 2. Mat. 9. & 18.

Correctionis spes ubi est, adhibenda ubi medicina

Si te audierit, lucratus es eum. Si peccatorem à veritate errantē ab errore viæ suæ conuerteris, siue conuerti feceris, en animam eius à morte seruabis, Iac. 5. proinde non dimittendum, quo- usque curari possit. Sin contrà sanari nequit, & incurabili morbo laborat, vt quem toties correptum monitūmq; minimè pœnituerit, iam ne vllam cum eo participationem aut so- cietatem habeas, nec eum admonens, aut cor- ripiens: Et reddit causas sic, *Sciens quia subuersus est, peruersus, euersus, & vnde quaque ad eò pla-*

nè distortus, tamque variis & multiplicibus modis implicitus, vt se nequeat his explicare. Neque per ignorantiam, sed sciens, quòd hìc Bruno, & prudens manū mittit in ignem, perdit^o, quod cū vulgo ait Lyra, absq; reditu, & hoc de communi cursu. Quod Græcis est, potest & ita accipi, excidit, siue deflexit à vita, *qui eiusmodi est*, qui semel, bis, tervè correptus, audito errore suo corrigi non vult, corrigentem errare æstimat, & è contrario sese ad pugnas & iurgia verborum parans, eum à quo docetur, lucrificare vult & conuertere, imò secum auertere, tam peruersi ipse erroris, tamque prauæ obstinationis, à contemplatione supernorū ad subteriora intuenda versus, vt nihil nisi terrenum & infernum quærat, curet, aut sapiat, Phil. 3. *et delinquit*, veritatem magis atque magis derelinquit, scienter peccat. Ideo circa huiusmodi aliquoties correptos & monitos, & tamen inemendatos, non vult nos amplius occupari, ne tempus inani correptione, imò contentione perdamus. Potest & ἀμαρτάνει, *verti errat*, sed ita errat, vt vel *cum sit proprio iudicio condemnatus*, ἀντοκατάκριτος, Ambrosio & Cypriano, libr. 1. Epistol. 3. à semetipso damnatus, hoc est, per se, etiam si nemo iudex super illo pronunciet, aut illum condemnet. Græci in, vel à sua ipsum conscientia damnatum, aut potius inexcusabilem, quique se defendere nequeat, aut sic dicere, Nemo mihi dixit, me docuit, monuit, aut corripuit, aut

similem erroris sui excusationem asserre. Non semel contrà monitus, correptus, & de veritate institutus, in sua pòst infidelitate nihilo persistens minus, seipse iudicat, nec habet quo se excuset, dignus qui audiat, Ex ore tuo te iudico, serue nequam, Luc. 19. qui quam semel fidem recepit vt veram, impugnat vt falsam, Sic Lyra. Bruno aliter videtur, quàm legit, exponere, talè delinquere proprio iudicio, seu deliberatione, nullo eum impellète, ideóque à Deo condemnatū, id est, Anselmo, corpore simul & anima damno sempiternæ damnationis deditum.

Omnium optimè Hieronymus, Quia cætera vitia, seu criminosi reliqui per sacerdotes ab Ecclesia propelluntur, hæretici sententiam in seipso ferunt, suo arbitrio ab Ecclesia recedētes, quæ recessio, propriæ conscientiæ videtur esse damnatio. Idem ad finem lib. 3. contra Pelagianos (vt & hoc obiter obseruem) quærenti in eorum persona Critobulo, Si nos scitis hæreticos, cur non accusatis? responder Atticus, Quia Apostolus me docuit, hæreticū post vnā & secundam correptionem vitare, non accusare, sciens quia peruersus sit, & suo iudicio damnatus. Pulchrè item locum hunc explicat, vel Maximus Taurinensis, vel Ambrosius Mediolanensis Episcopus sermone 50. composito inde, vt scribitur, Matth. 27. Act. 1. & hîc, heretici de se iudicio, Sua, aiunt, sententia Iudas proditor condemnatur. Mirum fortè quod non eum populus iudicauerit, non præses addixerit. Hoc

sacrilegi solet esse iudicium, vt impietatem ipse suam dum recordatur, puniat: scelus suum dum recognoscit, vindicet, oīm enim supergreditur sententias, qui à sua cōscientia sua sententia cōdēatur. Hoc inquā, sacrilegi solet esse iudiciū, vt facti conscius ipse se damnet. Sic de hæretico ait Apostolus, quòd delinquit proprio iudicio condemnatus. Ipse enim se damnat hæreticum, cū de Ecclesia ipse se proiicit, & de cætu sanctorum nullo compellēte procedit. Ostendit quid mereatur à cunctis, qui suo iudicio separatur à cunctis. Ipse inquam, se damnat hæreticus, quia cū criminosi omnes Episcopi sententia proiiciantur de consortio Christiano, hæreticus cunctos præueniens, sententia suæ voluntatis abiicitur. Tali ergo hæreticus quali Iudas pœna damnatur, vt idem sui & reus sit sceleris, & iudex sit ultionis. Nec immeritò talis hæretici qualis Iudæ pœna atque damnatio, quia Dominum quem ille vendidit, hic blasphematur, quem ille persecutoribus tradidit, quotidie iste persequitur. Hæc illi de hæreticis, præsertim Arrianis. Elegans sanè & digna utroque, Iudæ inquam, atque hæreticicollatio. Adde illud dilecti, Ex nobis exierunt, sed non erāt ex nobis, 1. Ioan. 2. Et id quoque Pauli, Hebr. 10. non deferentes collectionem, seu societatem nostram, Sed alij alios consolantes & adhortantes, Idque tantò magis, quòd videtis diem propinquare. Nam iustus quidem meus ex fide viuit, atque victurus est: Sin se subtraxerit, non

placebit animæ meæ, dicit ibidem Dominus. Nos autem non sumus subtractionis filij, siue qui nos subducamus in perditionem, sed fidei, siue qui credimus, & ad fidem pertinemus in acquisitionem animæ, siue ad salutem comparandum. Iudas contrà de illusoribus nouissimo tempore venturis, Secundum sua, inquit, desideria in impietatibus ambulâtes, siue iuxta cupiditates suas impiè viuentes & incedentes, segregant & separant semetipsos, animales &c. Quem locû in Donatistas Augustinus omnibus catholicam deferentibus accommodat, libro quidem non extante, sed qui citatur li. 2. Retractat. cap. 27. Ex eiusdem Hieronymi & Primasij scholiis, vtcunque, vt mûtila sunt, colligitur, occupatû circa eum, qui post auditam cognitâque veritatem in sua contrà pertinacia perseuerat, quasi proprio iudicio dânat, nihil efficere, quia sua quidem vnicuique manet libertas, sed & peccatorum contrà suorum funiculis vnusquisque constringitur, Prou. 5. Psal. 118. Têpus ergo nō inani cōtentione perdēdū.

Digressio. XIII.

Sequitur quid hui⁹ loci & similium occasione sit, veteribus præsertim, hæresis, quis hæreticus. Ambrosio hæretici hi sunt, qui, iuxta præcedentem Pauli literam, per verba legis legem impugnât, eius verbis propriû sensum astruentes, vt eius autoritate, mentis prauitatem suæ commendent. Sciens enim impietas autoritatē

multum valere fallaciã sub eius nomine componit, vt quia res mala per semetipsam acceptabilis esse non potest, bono nominis commendetur. Clarius & plenius id vocabulum ventilat hoc quoque loco ita Hieronymus, Nomen hereseos & alibi ponitur, 1. Cor. 11. Oportet hereses in vobis esse, vt probati quique manifesti fiant. Et Gal. 5. inter carnis opera muneratur, in quibus est diligenter obseruandũ, quod vt cætera ibi vitia excludunt nos à Regno Dei, ita etiam nobis hereses id auferunt, & non interest quomodo quis, dum tantum illinc excludatur. Quodque magis mirum, fidem quoque in Christo nostram, & Ecclesiasticã disciplinam, iam tunc à peruersis hominibus sic nuncupatã. Petimus, aiunt ad Paulũ Iudei, vt audiamus à te quid sentias: de heresi enim ista notum est nobis, quia vbique ei contradicitur, Actor. 28. & 20. licet Mileti nomẽ id nõ dicatur, opera tamen nominatur. Scio, ait ad presbyteros, quod post abscessum meum venient lupi graues in vos, non parcentes gregi, consurgent ex vobis peruersa loquentes, vt abducant discipulos post se. Hæresis item Saducæorum, Act. 5. & 15. Phariseorũ, qui crediderunt, secta, seu factio. Hæresis autem græcè ab electione dicitur, quod vnusquisque scilicet sibi eligat quod ei melius esse videatur, seu disciplinam quam putat meliorem. Sic Philosophi quoque illius vel illius hereseos appellantur. Superfluum ire per singula, & hæreticos

*Fides christiana iam
tum à principibus
hæresis dicta.*

*Hæresis &
schisma quid
differant.*

cum suis enumerare dogmatibus, cum perfacile vnique cognoscere, quibus singuli ducantur erroribus, hæreses auctores & sectatores. vtinam non tam noti, pauciores forsitan decepturi. Idem hoc inter hæresim & schisma esse arbitratur, quod illa peruersum dogma habeat, hoc propter Episcopalem dissensionem se ab Ecclesia separet, quod quidē in principio ex parte intelligi potest. Caterū nullū schisma non aliquam sibi cōfingit hæresim, vt rectē ab Ecclesia recessisse videatur. & habetur 24. q. 3. ca. Inter. & can. sequenti ex eodem ad Galat. 5. qui aliter scripturā intelligit quā sensus Spiritus sancti flagitat, quo scripta est, de Ecclesia licet non recesserit, hæreticus tamen appellari potest, eligens quæ peiora sunt, Addit Anselmus, hæreticum esse, qui generalis Ecclesiæ doctrinam deserens, errorē sibi peruersi dogmatis, quē specialiter sequatur, eligit, & ideo hæreticum, quia homo est humana rātū sapiēs, & de Deo iuxta rationes humanas disputans. Inter hæreticos autem & malos catholicos hoc interest, Augustino, quod illi falsa credūt, Hi autem vera credentes, non viuunt ita vt credunt. Solet etiam quæri Schismatici quid ab hæreticis distent, & hoc inueniri, cū schismaticos non fides diuersa faciat, sed communionis dirupta societas. Quæstione 1. ex Matth. & 12. in parabola zizaniorū cap. 13. propter varietatem hæreticorum non solum à tritico, sed & à seipsis discrepantium, propria vniuscuiusq; hæreseos

*Hæreticorum
& malorum
catholicorum
differentia.*

*Zizaniorū
parabola hæ-
reticis accō-
moda.*

hæreseos conuenticula : in quibus singulatim
sua communione deuincti sunt , fasciculorum
nomine posse designari , vt iam tunc incipiant
alligari ad comburendum , cùm à catholica
cōmunione segregati, suas proprias quasi Ec-
clesias habere cœperint. Hinc eodem interpre-
te, de Fide & Symbolo cap. 10 . Credimus san-
ctam Ecclesiam vtique Catholicam : Nam &
hæretici & Schismatici congregationes (seu
potius segregationes suas vocant . Sed illi de
Deo falsa sentiēdo, fidem violant , hi discissio-
nibus iniquis à fraterna charitate dissiliunt,
quamuis ea credāt quæ credimus. Quapropter
ad Ecclesiam Catholicam nec hæreticus perti-
net, quia Deum, nec Schismaticus, quia proxi-
mum (non) diligit. Sic enim, id est, negatiue le-
gendum opinor. Bruno ex hoc Pauli loco col-
ligit, Si quis imprudenter errans, errorem suū
non defendit, hunc non esse iudicandum here-
ticum, sed eum modò, qui quod malè de fide
sentit, quod deterius est, incorrigibilis asseue-
rat & defendit . Simile illi Augustini dicto , in
can. Dixit Apostolus . vbi paulò suprà, & Epi-
stola 162. Qui sententiā suam, quamuis fallam
& peruersam, nulla pertinaci animositate de-
fendunt, præsertim quam non præsumptionis
sux audacia pepererint, sed à seductis aut in
errorem lapsis parentibus acceperunt, quærūt
autem cauta sollicitudine veritatem, corrigi,
cùm inuenerint, parati, non sunt inter hæreti-
cos deputandi . Idem in can. Qui in Ecclesia

*Errorem suū
defendēs, nō
continuo hæ-
reticus est.*

Christi morbidum quid prauūque sapiunt, si
 vt sanū rectūque sapiant correcti, contuma-
 citer resistunt, luāque pestifera & mortifera
 dogmata emendare nolunt, sed defendere per-
 sistunt, hēretici sunt. Quod equidem vbi totidē
 verbis apud hūc extet, non memini, sed aliquo-
 ties sensus hic apud eundē occurrit contra Do-
 natistas, de Baptismo lib. 4. cap. 16. Constitua-
 mus aliquem V. G. idē de Christo sentire, quod
 Photinus, sed in catholica baptizari, existiman-
 tem id catholicam esse Fidem, nec propter ali-
 quod terrenū aut temporale commōdū, intus
 esse volentem, sed vnitatem Ecclesiæ toto orbe
 diffusæ schismatum concisionibus præferentē,
 hunc nondum hēreticum dico, nisi manifesta
 (vel magis manifestata) sibi doctrina, catholicę
 fidei resistere maluerit, & illud quod tenebat
 elegerit. Quod si & alter idem sentiens, esse
 nouerit hāresim ab vnitatem catholicā separātā,
 vbi hoc docetur & discitur: sed alicuius secula-
 ris emolumēti causa, in catholica baptizari vo-
 luerit, vel in ea baptizatus, propter hoc exire in
 de noluerit: nō solum separatus habēdus est, &
 inter eos qui foris sunt, deputandus, sed tantō
 quoque sceleratior, quantō magis errori hēre-
 sis & diuisioni vnitatis, fallaciam adiungit si-
 mulationis. Ideoque idem ad finē libri de vni-
 tate Ecclesiæ, sic inter infructuosum eius mem-
 brum, & ab ea præcisum distinguit: Tunc enim
 quisque infructuosus, sed nondum à radice
 præcisus est, cū mala cupiditate agit opera,

*Hæretici dis-
 simulantes,
 duplices hæ-
 retici.*

qualia qui agunt, regnum Dei non possidebūt,
 1. Cor. 6. Gal. 5. Pro quibus cū etiam veritati
 apertissimæ, qua redarguitur, resistere cœperit,
 tunc præciditur. Quales multi sunt in Sacramē
 torum communione cum Ecclesia, & tamen
 iam non sunt in Ecclesia: Alioqui si tunc quis-
 que præciditur, cū visibiliter excommunica-
 tur, consequens est, vt tunc rursus inseratur,
 cū visibiliter communioni restituitur. Quid
 si ergo fictus accedat, & aduersus veritatem ac
 Ecclesiam cor inimicissimum gerat, quamuis
 peragatur in eo solennitas, nunquid reconci-
 liatur, aut inseritur? Absit. Vt ergo iam denuō
 communicans, nondum insertus est, sic & an-
 tequā visibiliter excommunicetur, quisquis
 contra veritatem, qua conuincitur & arguitur,
 inimicum gestat animum, iam præcitus est,
 Quod ad eum scilicet spectat: ab aliis tamen,
 nisi talis innotescat, non vitādus. Omnes enim
 mali spiritaliter à bonis seiuncti sunt. Si autem
 etiam corporaliter aperta dissensione separē-
 tur, peiores fiunt, ait idem de baptismo libr. 6.
 cap. 5. & libr. 7. cap. 51. Ex quo malorum nu-
 mero innumerabili, non solum turba intus
 preimens cor paucorum in tantæ multitu-
 dinis comparatione sanctorum, sed etiam
 disruptis retibus hæreses & schismata exi-
 stunt, in eis qui iam magis ex domo quā in
 domo esse dicendi sunt. Separatiores vtique
 iam etiam corporaliter separati, quā qui in
 Ecclesia carnaliter & animaliter viuunt spiri-

*Excommu-
 nicati quan-
 do tandem
 vitandi.*

taliter segregati. Et certè filium etiam rebellem, quandiu in domo patris manet, multis videmus gaudere, quibus foris cogitur carere: Membrum emortuum corpori adhærens non ita facile putrescere, vt defectum, palmitē sterilem adhuc aliquid ex vite haurire. Sic & mali in Ecclesia permanentes, non ita sunt in potestate Satanæ, vt foris positi, vbi destituuntur orationibus, quas pro membris suis vbique terrarum fundit Ecclesia. Quin & hæretici & Schismatici, reuera foris sint licet ex praua sua voluntate, quandiu tamen eos pastores tolerant & quantum est ex parte sua pro ouibus habent, nonnihil hinc emolumenti capiunt, sicut traditor Iudas antequàm domini familiam relinqueret, corripuntur enim sedulò ab illis, aliaque membra pro eis quasi commembris adhuc suis sunt sollicita: quod non obtinēt corporaliter etiam separati seu abstenti, hoc est, excommunicati. Leo. epistola. 10. cap. 1. can. Quid iniquius, quàm impia sapientioribus doctioribusque non credere? Sed in hanc insipientiam cadunt, qui cùm ad cognoscendam veritatem aliquo impediuntur obscuro (alias obstaculo) non ad Apostolicas literas, aut Evangelicas auctoritates, sed ad semetipsos recurrunt. Sed ideo magistri erroris existunt, quia veritatis discipuli non fuerunt. Urbanus can. Qui aliorum defendit errorem, multò amplius errantibus damnabilis est: quia non solum errat sed & aliis errandi offendicula præparat & cõ-

firmat. Inde quia magister erroris, nō hæreticus, tantum, sed hæresiarcha quoque dicendus. *Hæresiarcha*
 Sūt & alia eodē spectātia, sed hæc sufficiūt, fortassis etiā nimia sunt. Quid igitur in vna de ana-
 baptismo quæstione vrgebat & consulebat Augustinus? Saluberrimū mihi videtur ac necessarium restare, vt hoc de quauis controuersia piè credamus, quod vniuersa Ecclesia à sacrilegio schismatis remota custodit. In qua, inquit lib. 1. de Baptismo, cap. 18. Siquid tamē aliud alij de hac quæstione salua pace sentirent, donec vniuersali concilio vnum aliquid aliquatum syncerumque placuisset, humanę infirmitatis errorem cooperiret, quę multitudinem peccatorū cooperit, 1. Petr, 4. charitas vnitatis: Quā enim absente cetera inaniter habentur, eadē præsente quędam venialiter non habentur. Subiecto memorabili B. martyris Cypriani exēplo, Cui *Cypriani martyris exemplum memorabile.*
 cū antequā plenarij Concilij sententia, quid in hac re sentiendū totius Ecclesię cōsensio cōfirmasset, de hoc visum non rectē fuisset cum fermē octoginta coëpiscopis suis Africanarum Ecclesiarū, & tanti meriti, pectoris, & oris, tantę virtutis & Ecclesię Episcopus, aliud hīc arbitraretur, quā erat inquisita diligentius veritas firmatura, & multi cōtrā eius collegę, quamuis liquidō nondum manifestatū, id tamē tenerēt, quod & pręteritę Ecclesię consuetudo, & pōst totus catholicus orbis amplex⁹ est: nō se tamē is à cæteris diuersa sentientibus separata communionē disiūxit, sed hoc etiā iis persuadere nō

*Hæreticus
qui sçp.*

destitit, vt sufferrent inuicem in dilectione, studentes seruare vnitatē in vinculo pacis, Eph. 4. Sic enim corporis manente compage, siquid in quibusdam membris infirmabatur, ex eorū sanitate conualesceret potius, quàm præcisione mortificatū, diligentia nulli⁹ curationis admitteret. Quid ergo faciat hæreticum, Augustinus ad Quoduult Deū præfatus, regulari quadā definitione comprehendit, Sicut ego, ait, existimo, aut omninò nōn potest, aut difficillimè, nō enim omnis error hæresis est, quamuis omnis hæresis quæ in vitio ponitur, nisi errore aliquo hæresis esse non possit. Quid autē hæreticū faciat in posteriorib⁹ partibus disputandū pollicitus, & in fine operis requirendū, vt cū hoc Domino adiuuante vitamus, non solū quæ scimus, sed & quæ nescimus, siue orta iam, siue adhuc oritura, hæretica venenā vitemus, eodem opere non præstitit, tunc nimirū non perfectio, Nec alibi, quod sciā, nisi fortè ad Honoratū de vtilitate credendi, cap. 1. Hæreticus, inquiens, est, vt mea fert opinio, qui alicui⁹ tēporalis cōmodi, & maximè gloriæ principatūque gratia, falsas ac nouas opiniones vel gignit vel sequitur, quibus hominib⁹ qui credit, homo est imaginatione quadā veritatis ac pietatis illus⁹. Notat hīc ergo Aquinas sciendū, quòd omnis hæreticus errās est, non cōtrā: idque propter duo. Prius ex parte materiæ, circa quā errat, & siquidem errat circa finem vitæ humanæ: Hūc enim veteres diuersum posuerūt, Stoici, Academici,

Epicurei, &c. vel circa id quod ad fidē & bonos mores pertinet, hæretic⁹ est: qui vel Deū esse vnitriū negaret, vel fornicationē nō esse peccatū assereret, hæreticus esset, nō qui circa huiusmodi nō erraret. Posterius ex parte electionis, à qua hæreseos nomē & etymō: quia eligēs, nō pertinax, sed corrigi paratus iuxta Ecclesiæ determinationem, hæreticus non est. Sic enim ex ignorantia est, nō ex malitia. Secus errantē, eligētē, pertinacēque deuita, tū propter periculū, Serimō enim corū vt cancer serpit, 2. Tim. 2. tum ne quis eis cōmunicans, peccatis corū consentite videatur, 2. Ioan. Si quis venit ad vos, & hanc doctrinā non affert, nolite recipere eū in domū, nec a v e ei dixeritis. Qui enim illi dicit a v e, cōmunicat operibus eius malignis. Denique propter pœnā, Recedite quāso à tabernaculis hominū impiorū, & nolite tãgere quæ ad eos pertinent, ne inuoluamini, & pereatis in peccatis illorū, &c. Numer. 16. Hęc Thomas. Et matrē quidē hæresis esse superbiam, veterū testimoniis probauimus, ad id. 1. Tim. 1. Volentes esse legis doctores, præterquā quod locus Augustini exciderat. Extat autē contra Manichæi Epistolā, quā fundamentū vocant, cap. 6. & homil. siue lib. de Pastorib. cap. 8. diuersis locis diuersę sūt hereses & sectę, sed vna omnes genuit mater Superbia, quæ omnes tum hæreticos, tū Schismaticos de mēbrorū Christi cōpage præcidit. Concion. 2. 6. in Psal. 118. Deuitādos itē ad clausulā eiusdem Paulinæ Epist. ex Lyrinenſi,

Superbia, hæresis mater.

paucis, vt obiter, submonuimus. Tanta autem Apostoli, eorūque discipuli tūc in religione cautela vtebantur, vt ne verbi quidem communionem cum vllō qui veritatem corrupisset, haberent. Sic enim legitur in Constitutionibus Apostolicis, collectore, vt ferunt, Clemēte, lib. 2. cap. 62. de fuga infideliū omne genus, Si quis Ecclesia neglecta, in scelerata gētium templa, vel Iudææ synagogam, vel hæreticorum fuerit ingressus, quam is excusationem apud Deū inueniet in die Iudicij, quia verba Dei viuētis reliquit, viuētia, vitāque tribuētia, quæ possunt æterno supplicio liberare, & vel ad ædem dæmoniorum, vel ad Synagogam Christicidarum, vel ad Ecclesiam malignantium se contulit, non audiens illud, Odi Ecclesiam malignantium, & cum iniqua gerentibus non ingrediar Psalm. 25. Et 1. Beatus vir qui non ambulauit in consilio impiorum, & in via peccatorū non stetit, & in cathedra pestilētiū non sedit. Tu vero relicto fidelium cœtu. Dei Ecclesia & legibus, respicis speluncas latronum, sancta ducēs, quæ nefaria ille esse voluit, & communia faciens, quæ idem separauit. Et cap. 66. Cauete igitur, ne conuentus celebretis cum iis qui per-eunt, quæ est Synagoga gentium ad deceptionem & interitū. Nulla enim Dei cum diabolo societas, Nam qui congregatur vnā cum iis qui cum Diabolo idem sentiunt, vnus ex ipsis comnumerabitur, & vā habebit. Propterea fidelem oportet impiorū fugere cœtus,

Græcorum, ac Iudæorum, reliquorúmque hæreticorum, ne vbi vnà cum iis degimus, animis nostris laqueos paremus. Et lib. 6. cap. 13. Admonent eos fugere qui sub Christi Moſiſque nomine vtrique aduerſantur, & in pelle ouina lupum includūt, pseudo-chriſti, pseudo-prophe-tæ, pseudo-apoſtoli, deceptores, corruptores, vulpibus ſimiles, humi iacentes, vinearum calamitas, à quibus vt caueremus, Dominus nobis denunciabat. Attendite, inquit, ab ipſis. Surgēt enim multi, & multos decipient, Matth. 7. 24. Marc. 13. Luc. 17. 21. Et cap. 18. Impios hæreticos, impœnitentes à fidelibus eiicite, & à Dei Ecclesia exterminate, præcipitque fidelibus, vt ab eorum conſuetudine omnibus ſe modis abſtineāt, nec vllam cum eis ſermonis aut præcum communionem habeant, ij enim aduerſarij & Ecclesiæ ſunt inſidiatores, gregem labefactant, hæreditatem contaminant, oſtentatores, omni ex parte deprauati, quos Salomon dicebat in impietate ſimulare pietatem, Eſt, inquit, via, quæ videtur quibuſdam recta, ſed extrema eius reſpiciūt inferni profunda, Prou. 14. De quibus Dominus amarè adeò & ſeuere pronunciauit, Doctores falſi, blaſphemi, Dei donum poſt adeptam gratiam reiecerunt, Iudæos irreligione ſuperant, Græcos impietate, Deo maledicunt, filium eius deſpiciunt, doctri-nam ſpiritus contemnunt, diuinos ſermones negant, per hypocriſim eos recipere ſimulant, in Dei contumeliã, corúmque qui eos ſequun-

*Societas cum
infidelibus
non incunda*

tur, fraudem. Scripturam derident : iustitiam, quæ tandem ea sit, ignorant: Ecclesiam labefactant, vt vulpeculæ vineam. Quos monemus vt fugiatis, ne laqueis animas vestras impediatis. Nam qui cum iustis ambulat, iust' erit: qui cum insipientibus, cognoscetur, Eccl. 9. neque cum furibus currere oportet, neque cum adulteris partem ponere, Psal. 49. & 138. Domine, qui oderunt te, odio habui, & aduersus inimicos tuos cõtabui, perfecto odio oderam illos, inimici facti sunt mihi. Et Deus exprobrat regi Iosaphat per Iehu prophetam, amicitiam societatemque cum Achabo & Ozia regibus infidelibus initam, 2. Par. 19. Societatem igitur illorum vitate, & ab eorum pace abalienamini. Non est enim gaudere cum impiis, Esa. 48. 57. Sunt occulti lupi, noui canes, qui latrare nequeunt. modò quidem pauci, sed progrediente & appropinquante cõsummatione, plures grauiorésque futuri, vt dicat Dominus cum venerit, fidem se vix in terra inuenturum, Luc. 18. & decipiendos, si fieri possit, electos, Matth. 24. quorum fraude nos liberauit Deus per Iesum. Et nos quoque cùm gentes peragremus, Ecclesiásque confirmaremus, alios quidem multis admonitionibus & sermonis medicina curatos ad sanitatem reduximus, morti vicinos, & tantùm non animam efflanteis: eos qui nullo remedio curari potuerũt, ab ouili eiecimus, ne morbi contagione valentes agni contabescerent, sed puri, sani, integri Domino confer-

uarentur. cap. 26. titulus est quòd fugere oportet hæreticos, tanquam animarum pestem. Caute ab hæreticis omnibus, Episcopi & laici, & subdit quales iam tum, quàmque capitales essent. Quare fugite ab iis, ne vnà cum illorū impietate pereatis. Lib. 8. cap. 11. Si propter infideles ad Ecclesiam iri non potest, domi cœtus cōgregabis, ô Episcope, ne pius impiorum ingreditur Ecclesiam. Quòd si impij locū occuparint, fugiendus is tibi est, quoniam ab ipsis est profanatus, Nam vt sancta sacerdotes sanctificant, ita nefarij contaminant. Si nec domi, nec in Ecclesia cœtus celebrari possūt, vnusquisque apud se psallat, legat, orer, vel duo aut tres vnà congregari, Matth. 18. Pius cum hæretico nec domi orer, quæ est enim societas lucis cum tenebris? Hæc illi. Hanc autem postremam constitutionem tantò post à catholicis seriò rigideque seruata ex Basilio audies, vt in loco cū hæreticis communi orare, aut verbum audire omninò non sustinuerint. Polycarpus ergo Ioannis Euangelistæ discipulus narrare solebat præceptorem suum Ephesi balneas lauandi gratia ingredientem, cū Cerinthum illic animaduertisset, illotum abiisse, nec sub eodem quidem tecto vnà cum illo manere fas esse putantem: quod & aliis qui cum eo erant, persuasit, dicens, Fugiamus hinc, ne & balnea corrumpant, in quibus Cerinthus lauat veritatis inimicus. Quin & Polycarp. Mart. aliquando occurrenti, dicentiq;, Agnosce nos, respōdit, Agnosco

Cum hæreticis in communi loco non orandum.

Polycarpus quàm auersaretur hæreticos.

Cerinthus hæreticus.

primogenitum Satanæ. Renarrant post huius auditorem Ireneum, lib. & cap. 3. Eusebius lib. 4. cap. 14. Niceph. lib. 3. cap. 14. 30. Epiphanius idem testatur super eodem Ioanne aduersum Ebionem, cum cum ab oleario intus esse audiuisset, seipsum statim turbasse, leuiter fleuisse, & omnibus ut illinc exirent, edixisse. Addit Nicephorus lib. 4. cap. 30. Ireneum de Polycarpo suo testatum, Si quid, quale blasphemabant hæretici, audiret, aures obturantem, illud usurpatum sibi verbum vociferari & exclamare solitum, O bone Deus, in quæ me tempora conseruasti, ut hæc sustineam! ex eo etiam fugiturum loco, ubi stans vel sedens blasphemiam audiisset. Huius cōtemporaneus S. martyr Ignatius, Asiam cum firma militum custodia peragrans, Ecclesias quas oppidatim adiret, cum alia, tum illud in primis docebat, quoniam tum primū hæreses pullulabant, sibi ab eis earumque contagiis ut cauerent. Euseb. lib. 3. cap. 35. Niceph. lib. 3. cap. 19. Sic autem scribit ad Mariam Cassabolarum, Eos fuge, qui Christi carnem negant. Ad Trallianos. Fugite illas sine Deo hæreses, Diaboli enim commenta sunt: fugite verò malas eius soboles, & nequissimi nepotes. Ad Philippen. Incolumnes estote, deuotantes corruptores verbi veritatis. Ad Philadelphienfes. Ut filij lucis fugite malam hæreticorum doctrinam. Quisquis separaturn à veritate secutus fuerit, regnum Dei non hæreditabit. Qui non discesserit à falsiloquo prædicatore, in gehennā dam

*Ignatij mar
tyris zelus.*

nabitur. Nec enim vel à iustis discedendum, vel ad iniustos accedendum. Quicumque in aliena sententia ambulat, Christi non est, nec passionis eius particeps, sed vineæ eius fraudator & corruptor. Tali ne commisceamini, ne simul cum eo pereatis, nec si pater sit, aut filius, aut frater, aut domesticus. Non parceret eis, ait, oculus tuus. Deut. 7. 13. Qui ergo Deum oderunt, oportet vos eos quoque odisse, & super inimicis eius tabescere, Psal. 138. non tamen eos persequi aut percutere, vt (nos) gentes quæ Deum non nouerunt, sed inimicos eos habere, & ab eis separari: monere tamen eos & ad pœnitentiam vocare, si fortè audiant & acquiescant. Fugite ergo malas artes & insidias spiritus. Ad Smyrnen. Hæc moneo, charissimi, præmunies vos à bestiis hominū figuram habentibus, quas non declinare solū aut vitare, sed fugere quoque necesse est. Tantū pro eis orate, si quomodo pœniteant & conuertantur. Dignum est & decet à talibus abstinere, & neque priuatim neque publicè cum eis colloqui aut conferre. Sed nefandos hæreticos, & schismata faciētes, vt omnium malorum autores ac initium fugere. Ad suos Antiochenos, Custodiētes vos ab irrepentibus malignis hæresibus, ad seductionem & perditionem eis consentientium. Ad Heronem, Quisquis præter ea quæ tradita sūt, fide alioqui dign⁹, ieiunia licet & virginitatem seruet, signa faciat, prophetet, lusus tibi habeatur. Matth. 7. sub ouilla pelle gregis corruptio-

*Hæreticos
persequi aut
percutere pri
uati non de
bent.*

*Bestie, homi
num figurā
habentes, hæ
retici.*

nem moliēs. Si quis crucem negēt, passionem erubescat, sit tibi tanquam ille aduersarius, pauperibus sua licet distribuat, &c. 1. Cor. 13. sit tibi execrabilis & abominandus. Si legem improbauerit aut prophetas, sit tibi tanquam Antichristus: si hominem tantum dixerit Dominum, is pro Christicida Iudæo habeatur. Ad Ephesios, falsiloqui, ait, quidam consueuerunt dolo malo Christi circumferre nomen, sed aliquam multa Deo indigna gerentes, & contraria Christi doctrinæ sentientes, in sui eiusque consensientium perniciem. Quos oportet vos tanquam bestias declinare, Iustus enim declinās euadet interitum, alienus & remotus erit ab impiorum perditione, Prouerbiorum alicubi, forsitan 16. Semita iustorum declinat mala. Sunt igitur canes muti latrare non valentes, Esa. 56. rabidi, occultè mordentes, quos & cauere oportet, ut insanabili morbo laborantes. Est autem interrim operæpretium, dum super hæreticorum fuga scriptorem compilamus, non omittere, quibus eos idem coloribus depinxerit. Sunt, inquit ad Trallianos, quidam vaniloqui, mentis seductores, non Christiani, sed Christum mercantes, in fraudem circumferentes Christi nomen, cauponantes verbum Euangelij, erroris venenum dulci blandimento commiscuentes, & ceu musto cicutam temperantes, ut qui biberit, gratissimi statim saporis gustu captus, imprudenter & inopinata morte transfigatur. Monet autem quidam antiquorum, bonum neminē di-

Mustum cicutam temperatum, hæreticorum doctrina.

cédum, qui bono malum admiscuerit. Christū autem isti iactant & nominant, vt Christū improbent, non prædicent, Et legem proponunt, vt contradicant, non stabiliant. Ad Magnesianos, Perditionis filij, Saluatoris inimici, quorū Deus venter, Phil. 3. voluptatum, & non Dei amatores, 2. Tim. 3. Christi mercatores, verbi cauponatores, Iesu venditores, mulierū corruptores, alienorum appetitores, pecuniarum rapaces quasi vortices ac voragines, syrtes & calamitates : A quibus precor vos eripiat misericordia Dei, per D. N. I. C. Ad Antiochenos, Hęc scribo vobis, vt præmuniam vos quasi pater filios suos. Videte malignos operarios, Christi crucis inimicos, quorū finis interitus, & in confusione gloria, Phil. 3. serpentes super pectus repentes, sinuosos & sese contrahentes, squamosos dracones, scorprios, aspides, basiliscos, quorum ingenia Thorum astutorum, vulpium & simiarū humanas formas imitantiū similia. Hęc B. Mart. super hæretic. odio & fuga, & pro eis tamen cura & precibus. Eadem mente scribebat ad Corneliū Cypr. lib. 1. epist. 3. Declinēt de cætero fortiter, & euitēt dilectissimi fratres nostri verba & colloquia eorū, quorū sermo vt cacer serpit, 2. Tim. 2. & corrūpūt īgenia bona cōfabulationes pessimæ. 1. Cor. 15. Et per Salomone Spiritus sanctus loquitur, Peruersus in ore suo portat perditionē, in labiis suis ignē cōdit, Pro. 16. & 17. Malus obaudit linguæ iniquorū, Iustus non intendit labiis mendacibus, Ecclī. 28. Sepi

*Hæretici qui
bus feru simi
les.*

aures tuas spinis, & noli audire linguā nequā. Quāquam scio illic fraternitatem nostram, vestra scilicet providentia munitam, sed & sua vigilantia satis cautam, nec capi hæreticorum venenis posse, nec decipi, tantūque apud illos prævalere & magisteria & præcepta diuina, quantus illis in Deum timor est, tamen ex abundantia vel sollicitudo nostra vel charitas scribere ad vos ista persuasit, vt nulla cum talibus commercia copulentur, nulla cum malis conuiuia vel colloquia misceantur, simūsque ab eis tam separati, quā sūt illi ab Ecclesia profugi, quia scriptum est, Si Ecclesiam contempserit, sit tibi tanquam ethnicus & publicanus, Matth. 18. Et Apostolus non monet tantū, sed iubet vt à talibus recedatur, 2. Thess. 3. & vitetur, Tit. 3. Nulla societas fidei & perfidię potest esse. Qui cum Christo non est, aduersarius Christi est: qui vnitati & paci eius inimicus est, nobiscum non potest cohærere. Si cum precibus & satisfactionibus veniunt, audiantur: Si maledicta & minas ingerunt, respuantur. Et sequenti epistola, Si qui de collegis nostris Deificam disciplinam negligendam rati, cū Basilide & Martiale communicant, conturbare fidem nostram res ista non debet, cū Spiritus sanctus talibus sic comminetur, Tu odisti disciplinam, proiecisti sermones meos post te: Si videbas furē, simul cum eo currebas, & cum adulteris portionem tuam ponebas. Psal. 49. Consortes & participes ostendit eos alienorum delictorum fieri, qui

qui fuerint delinquentibus copulati. Et idem Paulus cōprobat, morte dignos esse, & ad pœnam venire, non illos tantum qui mala faciunt sed & qui talia agentibus consentiunt, Rom. 2. qui dum malis impœnitentibus illicita cōmunicatione miscentur, nocentium contactibus polluantur, & dum iunguntur in culpa, sic nec in pœna separentur. Propter quod integritatis & fidei vestræ religiosam sollicitudinem laudamus pariter & probamus, & quantum possumus adhortamur, ne vos cum profanis & maculatis sacerdotibus communicatione sacrilega misceatis, sed integram & synceram fidei vestræ firmitatem religioso timore seruetis. Et epist. 6. Tanta Domini aduersus schismaticos indignatio, vt etiam homo Dei ad Hieroboā missus sua ei peccata exprobrare, & ultionem futuram prædicere, panem apud illos edere, & aquā bibere vetitus, contra Dei præceptum præsumptus, diuina statim césura percussus sit, vt inde regrediēs impetu ac morsu leonis necaretur. 3. Reg. 13. Et audet quisquam dicere gratiam cælestem communem cum schismaticis esse posse, cum quibus nec terrestris nec secularis pot^o debeat esse communis? Et paulò pòst, Vt magis intelligatur contra huiusmodi licetiam & audaciam quæ sit censura diuina, Inuenimus in tali facinore non solum duces & autores, sed & participes pœnis destinari, nisi se à cōmunione maiorum separauerint, præcipiente ita Domino, Separamini à tabernaculis hominum istorum

*Morte digni
hæreticis im-
pœnitentibus
illicita cōm-
municatione
se miscentes.*

*Hæreticorum
societas quæ
periculosa.*

durissimorum, & nolite tangere ab omnibus
 quæ sunt eis, ne simul pereatis in peccato eo-
 rum. Et quod erat cōminatus impleuit, vt quis
 quis à Chore se, & Dathan, & Abirōn non se-
 parasset, pœnas statim pro impia communio-
 ne persolueret, Numer. 16. Quo exemplo ostē-
 ditur obnoxios se Deo & culpæ pœnæ factu-
 ros, qui se schismaticis contra præpositos & sa-
 cerdotes irreligiosa temeritate miscuerint. Si-
 cut etiam per prophetā Spiritus sanctus sic con-
 testatur, Sacrificia eorum tanquam panis lu-
 ctus, omnes qui ea manducant, contaminabun-
 tur, Ose. 9. ostendens omnes omnino cum au-
 toribus supplicio coniungi, qui fuerint eorum
 peccato contaminati. Idem tractat tractatu 3.
 & ex quibus primo antè loco scripturæ locis,
 Vitæ quæso vos huiusmodi homines, & à la-
 tere atque auribus vestris pernicioſa colloquia
 velut contagium mortis arcete, scriptū est, &c.
 Auerſandus talis atque fugiendus, quisquis fue-
 rit ab Ecclesia separat⁹. Peruersus est huiusmo-
 di & peccat, & à semetipſo damnatus. Nec pro-
 cul à fine sermonis 6. Eiusmodi homines quan-
 tū potestis, fugite, pernicioſis cōtactibus ad-
 hærētes salubri cautione vitate. Sermo eorum
 sicut cancer serpit, Colloquium velut contagiū
 transilit, noxia & venenata persuasio persecu-
 tione peius interficit. Et eadem per easdem scri-
 pturas repetit lib. 3. contra Iudæos, titul. 68. 78.
 Eadem fuit D. Antonij, scribente D. Athanasio,
 cautio, viro in fidei puritate mirabili, Nūquam

*Separati ab
 ecclesia quā-
 topere fugiē-
 di.*

*D. Antonij
 odium aduer-
 sus schisma-
 ticos.*

enim schismaticorum se cōmunioni miscuit, sciens horum prauitatē & transgressionem, nūquam Manichæis aut aliis hæreticis verba saltē amabilia largitus, nisi ea tantūm quæ eos possent ab iniquitatis errore reuocare, denūcians talium amicitias & sermones perditionem esse animæ. Sic etiam Arianos detestatus, vt omnibus diceret, nec iuxta eos quidem accedendum, & quosdā eorū venientes, reperta post eorum examinationē infidelissīma secta, effugauit de mōte, dicens multò serpentibus detiores horum esse sermones, *Ariani detestabiles serpētibz prius fugiendos.* Qui & centenario maior, morti vicinus, sic de his ad suos Anachoretus concionabatur, Ad Meletianos & schismaticos nec propè quidē accedite. Scitis enim antiquā eorū peruersitatem. Nec cum Arianis cōmunionē iungamini, quia horū impietas omnibus manifesta est. Hæreticorū venena vitate, incūque circa eos odiū sectamini, quia Christi sunt inimici. Scitis ipsi quòd nullus mihi nec pacificus quidē sermo cū eis aliquādo fuerit, propter prauā eorū volūtātē, & pertinax contra Christū bellū. Et verò is tū fuit verē Christi fidelium in vitādis hæreticis feruor atque zelus, vt eodem seculo scripserit Basilius, silentibus piē docentium linguis, & resolutis blasphemis, sacris prophanatis, qui sani essent in plebe, domos orationis fugisse, vtpotē in quibus impia docerentur, in plerisque ciuitatib⁹ plebē cū mulieribus ac pueris & senibus, extra portas effusā, preces suas sub dio peregisſe, omnē aëris molestiā mul

ta cū animi lenitate tolerantēs, opēmq; Domini expectantes. Epist. 69. ad nostros. i. Gallię ac Italię concordēs. i. Orthodoxos episcopos. Est & 85. ad Patrophilum episcopum, super hæreticis arguendis & vitandis, vsus hoc dilemmate, Si nullum omninò conuenit hæreticum putare ac auersari, qua de causa teipsum separas, & quorundam cōmunionem defugis? Sin iuxta exactam rationem aliqui fugiendi, dicāt qui cauti videri volunt in omnibus, cuius partis ac sectę sint, quos de Galatia ad se euocarunt, nimirum (vt prædixit) nobiscum non communicātes, aut commune nihil cum nobis habētes, per omnem tamen regionem ab ipsis, vt sanctos, & eiusdem cōmunionis cum honore deductos. Hæc siquidem digna tibi mœrore videtur, ex causis eorum separationem cōsidera, & eis imputa. Sin indifferens iudicas, ignosce nobis, qui non sustinemus fermēto aliena docentium commisceri. Prima ergo hæreticorum in Ecclesia pœna, fuit vitatio. Rom. 16. Rogo vos fratres, vt obseruetis eos, qui dissensiones & offēdricula præter, imò contra doctrinam quam vos didicistis, faciunt: & declinate ab illis. 2. Thess. 3. Denunciamus, seu præcipimus vobis in nomine D. N. I. C. vt subtrahatis vos ab omni fratre ambulante inordinatè, & non secundum quam accepistis à nobis traditionem. Et, Si quis nō obedit verbo nostro, per epistolam hunc notate, siue indicate, & ne commisceamini cum illo. Et ne commisceamini cum idolo-

*Hæreticorū
prima in ec-
clesia pœna,
vitatio.*

rum seruitoribus, non huius utique mundi, sed si is qui frater nominatur inter vos, Idolis seruit, aut, &c. cum eiusmodi nec cibum sumite, 1. Cor. 5. Et de nouissimi temporis blasphemis, hypocritis, & impiis, hos, ait alibi, deuota, seu auersare, 2. Tim. 3. Et 2. Corinth. 6.

Nolite iugum ducere cum infidelibus. Ecqua enim participatio iustitiæ cum iniquitate? societas luci ad tenebras? concordia Christi ad Belial? pars & conuentio fideli cum infideli? consensio templo Dei cum Idolis? Propter quod exite inde, seu de medio eorum, & separamini, dicit Dominus, Esa. 52. Recedite, recedite, & pollutum nolite tangere, seu immundum ne tetigeritis. Exite, inquit & apud alium de cælo vox, Apoc. 18. de Babylone, populus meus, ut ne participes sitis, & (consequenter) de plagis eius non accipiat. Cuius typus vir alioqui Dei & propheta, cum Hieroboam Rege panem comedere, & aquam bibere eò loci à Deo vetitus, ab altero propheta licet mensa exceptus, quia Deo inobediens comedit & bibit, à leone in via occisus, proiectus, & aliquandiu insepultus, 3. Reg. 13. Et hoc enim exemplo utitur ad vitandam Schismaticorum contagionem, Cyprianus ubi suprà. Deuitationis ergo causa, culpæ contagio, & pænæ communio. Caute, aiebat Dominus, à fermento, hoc est, doctrina Phariseorum; Matt. 16. Marc. 8.

Luc. 12. Modicum enim fermentum totam

*Schismatici
vitandi.*

massam, siue conspersionem fermētat, aut corrumpit. 1. Cor. 5. Gal. 5. Et Hebr. 12. ne qua radix amaritudinis sursum germinans impediatur, & multos inquinet. Multum enim tales ad impietatem proficiunt, ait noster, 2. Tim. 2. eorumque sermo ut gangræna, serpit, corrodit, depascitur, atque putrefacit. Qui ergo Deum blasphemant, & blasphemantes, populum inficiunt, vitantur, & abstinenter, ut discant non blasphemare, 1. Tim. 1. siue, quod idem ferè est, dediscant impiè loqui, & alios post se abducere. Scintilla quidem parua res est, & penè, dum cernitur, non videtur, sed si fomitem comprehenderit, & sui nutrimenta quamuis paruus ignis inuenerit, mœnia, vrbes, latissimos saltus, regionēque consumit. Fermentum quoque modica res videtur & nihili, cum farinæ conspersum, totam massam suo vigore corruerit, in eius vim transit omne quod mixtum est: Ita doctrina peruersa ab vno incipiens, vix duos tresvè primū reperit auditores, sed paulatim cancer serpit in corpore, & iuxta vulgare prouerbum, Vnius pecudis scabies totum commaculat gregem. Igitur & scintilla statim ut apparuerit, extinguenda est, & fermentum à massæ vicinia semouendum, ait initio commentariorum lib. 3. ad Gal. 5. Hieronymus, Et quod ex eodem ibidem sequitur, 24. q. 3. ca. Resecandæ putridæ carnes, scabiosum animal à caulis ouium repellendum, ne tota domus, massa, corpus, & pecora, ar-

Fermenti vis

Doctrina

peruersa can

cro compara

ta.

deat, corrumpatur, putrescat, intercant. Arius *Arius primum scintilla una.*
 in Alexandria vna scintilla fuit, quia non statim repressa est, totum orbem eius flamma populata est. Et Augustinus ca. sequenti, Corripuntur, ex cap. 15. de correptione & gratia, pastoralis habet necessitas, ne per plures dira serpant contagia, separare ab ouibus sanis morbidam, à Deo, cui nihil impossibile est, ipsa forsitan separatione sanandam. Can. item seq. Prosper Augustini discipulus lib. 2. de vita contemplatiua, cap. 7. Ecce crimina quorumlibet, criminosis confiteri nolentibus vndecunque claruerint, quæcunque non fuerint patientiæ leni medicamento sanata, velut igni quodam piæ increpationis, vrenda sunt & curanda. Quòd si ne sic quidem æquanimiter sustinentis ac piè increpantis medela in eis profecerit, qui diu portati, salubriter corrigi noluerint, tãquam putres corporis partes, debent ferro excommunicationis abscindi, ne vt caro morbis emortua, non abscissa, salutem carnis reliquæ putredinis suæ contagione corrumpit, sic qui emendari despiciunt, & in morbo suo persistunt, moribus deprauatis in sanctorum societate permanētes, suæ eos perditionis exemplo inficiant. Notus est quoque Menædri senarius, vt quem Paulus citare non sit grauatus, Nolite, inquit, seduci, *Colloquia mores praua corrumpunt bonos,* vt & superiores sanctorum similitudines vsurpant profani, nimirum è medio sumptas, & experientia probatas, *Similitudines profanorum vsu sancti.*

*Dedit hanc contagio labem, ait Iuuenalis Satyr. 1.
Et dabit in plures, sicut grex totus in agris
Vnus scabie cadit, & porrigine porci.
Et alter 1. Metamorph.*

Sed enim immedicabile vulnus

Ense recidendum est, ne pars sincera trahatur.

Sic autem super terram ligati, & in cælo ligati sunt, & sic peccata retenta, retenta sunt, Ioan. 20. vt, quod ait contra legis aduersarium, lib. 1. cap. 17. Augustinus, intelligatur quantò grauius sit punitus, qui velut relictus est impunitus, grauius quàm si gladio feriretur, si flammis absumeretur, si feris subrigeretur: Et ab hominibus alligatur homo amarius, & infœlicius Ecclesiæ clauibus, quàm quibuslibet grauiissimis & durissimis, ferreis vel adamantinis nexibus.

Clauis ecclesiæ quàm efficaçes.

Et hac licet pœna quam facit episcopale iudicium, quæ & damnatio nominatur, nulla sit in Ecclesia maior, medicinalis tamen est, & potest, si Deus voluerit, in correptionem saluberrimam cedere, ait idem vbi antè, de correptione & gratia. Nec enim scimus quid contingat sequenti die, nec ante finem vitæ huius de aliquo desperandum est, aut contradici Deo potest, ne recipiat & det pœnitentiam, & accepto sacrificio spiritus contribulati & cordis cõrtiti, à reatu, quamuis iustæ, damnationis absoluat, damnatumque non damnet. Et lib. 4. de baptismo cap. 14. de nullius siue foris constituti conuersione desperandum, quandiu Dei patientia ad pœnitentiam adducit, Rom. 2. Visitat in vir-

ga facinora, & in flagellis peccata eorum, Psal. 88. Hoc autem modo misericordiam non dispergit ab eis, si & ipsi aliquando misereantur animæ suæ placētes Deo, Eccl. 30. Et vbi suprā, de vnitāte Ecclesiæ, Nonnulli etiam bonę voluntatis, per carnalem caliginem, etiam post confirmatum contra Ecclesiam Dei malignorum furorem, in dissensione diutius errauerūt, tanquam si adhuc mollia conculcarentur frumenta, & radice viua herbæ vigor attereretur: Sua tamen nouerat Deus, quamuis vt reuiuiscerent (aliās reuiscerent) arguenda & increpanda. Non enim eo modo dictum Petro, Redi post me Satana, Matt. 16. quo de Iuda, Vnus ex vobis diabolus est. Ioan. 6. Quidam quoque & apertissimæ veritati studio malo contradixerunt, & verò eradicati ac præcisi erant, sed non permanentes in infidelitate, sicut de quibusdam ramis fractis dicitur, Rom. 11. manu diuina replantati aut iterum inserti sunt, cū vt idem vbi antè in Matth. resipiscendo, & in catholicam remeādo, ab errore desciscant. Quos autem omninò ab Ecclesia Schisma præcidit, ij non in filiis interim, sed in mortuis & perditis computādi sunt: vt si quis eorum correctus Ecclesiæ fuerit copulatus, rectè super illo dici possit, Mortuus erat, & reuixit: perierat, & inuentus est, Luc. 15. ait vbi antè idem in retractationibus. De vtroque, hæreticorum inquām, tā subuerforum & subuertentium reiectione, quā conuerforum receptione Innocētius I. ad Epi-

*Satanas di-
ctus Petrus,
diabolus Iu-
das.*

scopos Africę, prius Carthagine, post & in Mileuitano Concilio, ubi etiam interfuit Augustinus, unde & inter huius epistolas legitur 91. Sic in Pelagianis contra omnes hæreticos Epist. 25. Auellendi, ait, sunt longius, & ab Ecclesiæ procul visceribus remouendi, ne diutius multa occupans, insanabilis post error increseat. Diu enim in hac impunitate versati, multos necesse est in hanc prauitatem inducant, decipiantque innocentes, vel potius imprudentes, qui fidem Catholicam non sequuntur, putabunt eos recte sentire, quos adhuc in Ecclesia viderint perdurare. Separetur à sano corpore vulnus insanum, remoto morbi sæuietis afflatu, cautius syncera perdurēt, grex purior ab hac mali pecoris contagione purgetur: Sit totius corporis illibata perfectio. Qui tamen, si tandem aliquando de hac, in quam sui cordis incuruatione corruerunt, labe liberentur, quasi in lucem de fœda tracti caligine, remotis, quibus totus ne verum aspiceret, caligabat aspectus, damnēt hæc quæ hucusque senserunt, & animum rectis disputationibus accommodantes, correcti, veris se sanandos consiliis tribuant atque submittant, erit in potestate pontificum iis aliquatenus subuenire, & talibus curam præstare vulneribus, quæ solet lapsis resipiscentibus non negare, ut à suis reuocati præcipitiis, intra ouile Domini redigantur, ne foris positi, & tanto præsidio à fide munitionis exclusi, periculis omnibus exponantur, deuorandi luporum dentibus & ve-

*Hæreticorum
labes ac pestis.*

xandi, quibus obſiſtere, hac, qua illos in ſeirri-
tauerant, doctrinæ peruerſitate non poſſunt.
Et Epistoſa 26. Inter Auguſtini 93. Quare Pe-
lagium Cæleſtiũque, id eſt, inventores vo-
cum nouarum, quæ, quod dixit Apoſtolus,
ædificationis nihil, ſed magis vaniſſimas con-
ſueuerunt parere quæſtiones, Eccleſiaſtica cõ-
munione priuari, Apoſtolici vigoris autorita-
te cenſemus, donec reſipiſcant à diaboli la-
queis, à quo captiui tenentur ad ipſius volun-
tatem, 2. Timoth. 2. nec interim Dominico
ouili recipi, quoad peruerſæ, quam ſecuti ſunt,
viæ tramitem deſeruerint. Abſcindendos enim
qui nos conturbant, & volunt Euangelium per-
dere ſeu peruertere, Gal. 5. Par item, quicun-
que ſimili pertinacia nituntur defendere, eos
vindiſta conſtringat, non ſolũ facientes, ſed
& facientibus conſentientes, Rom. 1. quia non
multũ intereſt inter committentis animum,
& conſentientis fauorem, & errare plerunque
dediſcit, cui nemo conſentit. Abſint ab atriis
Domini, careant cuſtodia paſtorali, ne duarum
ouium

Dira per incautum ſerpant contagia vulgus.

rapáxq; lupus lætetur tantas ouium cæteruas, dum
à cuſtodibus diſſimulatur duarũ vulnus, eſſe fu-
ſas: proſpiciendũ ne lupos permittẽdo merce-
narij magis videamur eſſe quàm paſtores. Iube-
mus ſanè, quia Domin⁹ propria voce ſignifica-
uit, nolle ſe mortẽ moriẽtis, ſed tãtũ vt reuer-
tatur & viuatur, Eze. 18. 33. ſi vnquã ſani depoſito

prauī erroris dogmate resipuerint, damnauerintque ea quorum se prauaricatione damna-
bant, solitam eis medicinam, id est, receptum
siue receptaculum suum negari, ne dum eos
redeūtes forsitan prohibemus, extra ouile re-
manentes, expectantis hostis rabidis faucibus
glutiantur, quos in semeriplos spiculis malæ
disputationis armauit, aliàs armarunt. Et hoc

*Hæresiarchis
nō parcendū*

aliquantò anterior Arnobius in Psal. 139. Qui
pepercerit hæresiarchis, aut prædicatoribus fal-
sitatis, nec eos gladio fidei suæ iugulauerit, hoc
ei euenire quod Saūli, qui 1. Reg. 15. cur non
occiderit, à regno eiicitur quis ambigat? aut qui
misericordiā suam putauerit in hæresi perma-
nentibus exhibere, quis neget simili modo à
Dei regno excludi, ut is à regno humano exclu-
sus est? Eodem exēplo Ambrosius super Psal.
118. Serm. 8. vers. 2. In Ecclesia, vbi maximè mi-
sereri decet, teneri quàm maximè debet iusti-
tiæ forma, ne quis à communionis consortio

*Excommu-
nicat i nō fa-
cile recipiē-
di.*

abstentus, breui lacrymula ad tempus parata,
aut etiam vberioribus fletibus, quod plurimis
debet postulare temporibus, facilitate sacerdo-
tis extorqueat. Nonnè vni indulgens indigno
multos ad prolapsionis contagium prouocari
facit? Facilitas enim veniæ, incentiuum tribuit
delinquenti, ut sciamus secundum Dei verbum
& rationem, dispēsandam esse debitoribus mi-
sericordiam, Medicus si serpentis interius in-
ueniens vulneris cicatricem, cūm rescare de-
beat vlceris vitium, ne latius serpat, à secandi

tamen vrendique proposito lacrymis inflexus
 ægroti, medicamentis regat quod ferro fuit
 aperiendum, nonnè inutilis misericordia est, si
 propter breuem incisionis vel exustionis dolo-
 rem corpus omne tabescat, vitæ vsus intereat?
 Rectè igitur sacerdos vulnus, ne latius serpat,
 à toto Ecclesiæ corpore, quasi bonus medicus
 abscindere debet, & prodere virus criminis
 quod latet, non fouere, ne dum vnū excluden-
 dum non putat, plures faciat dignos quos ex-
 cludat. Quò & Apostolus diuino nos hortatur
 exemplo. Vide, ait, Dei bonitatem & seuerita-
 tem, hanc quidem in eos qui ceciderunt, illam
 verò in te, si tamen in ea permāseris, Rom. 11.
 ostendens Iudæos ab Ecclesiæ corpore separa-
 tos. ne perfidiæ eam virus contaminaret: Gen-
 tes autem Domini receptas bonitate, obedi-
 tiæ munere gloriari, sed si quidem in ea perse-
 uerauerint, alioqui excidendas, sicut & illos, si
 non in incredulitate permanserint, rursus inse-
 rendos, Potens enim est Deus inferere. Sanè
 prouidè ac cautè intelligendum, quod quidam
 ita distinguunt ex scripto quodam Ioannis pp.
 viii. in can. ult. 3. q. 4. vt excommunicatio qui-
 dem à fraterna societate simpliciter separet,
 Anathema verò à Christi corpore, quod est
 Ecclesia, omnino recidat, & à fidelium confor-
 tio, nedum communione corporis & sanguinis
 Dominici. 11. q. 3. post can. Ad mensam. & can.
 Nemo. ex Concilio Meldensi, prohibentur
 Episcopi sine certa & manifesta peccati causa,

*Excommuni-
 catio aliud
 quàm ana-
 thema.*

communione quenquam priuare Ecclesiastica, sub anathemate autem ponere, sine archiepiscopi aut coepiscoporum conscientia, nisi bene canonica docet autoritas, quia Anathema æternæ mortis damnatio, nec nisi pro mortali crimine, & iis qui aliter corrigi nequeant, imponendum. In quales & quidem perpetuum tulit Stephanus III. qui contra canones vel S. A. inuaderent, vel in gradum Cardinalium irrumperet. Dist. 79. ca. Si quis ex episcopis. Ambrosius ca. Reperiuntur. 1. q. 1. In Simoniacos. quasi vulnere cancroso ferrum ignitum inliciens. Quod & perpetuum innuisse videri possit, ubi paulò antè, sic Arnobius, Grauius homines puniri spiritali nunc iudicio, quàm antea ferro, hoc enim vita tollitur, ut multum annorum quinquaginta. Anathematis autè eade & vita æterna eripitur; & mors perpetua irrogatur. Quasi scilicet hoc adempta omni venia, æterno addicat exitio. Quali & qualiter sumpto anathemate Chrysostomus peculiari sermone negabat, ullos plectendos, viuos aut mortuos. Extat autem Græcus, Latinus, Gallicus. Vocem hanc Apostolum duobus tantum locis quasi coactum attulisse, Si quis non amat D. N. I. C. 1. Cor. 16. Et si quis vobis euangelizauerit præterquàm quod accepistis, Anathema sit, Gal. 1. nec tamen certæ aut determinatæ illam personæ intentasse, Apostolos id diligenter seruasse, ut sic hereticos ex Ecclesia eiicerent, quasi effodiendus esset dexter oculus: Hac tempestiua

membri deiectione magnum suæ compaſſio-
nis argumentum præ se ferentes, quo etiam
verbo Christus charissimos à se eiectionis dolo-
rem & commiserationem cõmendauit, Matth.
5.18. Marc. 9. Qua in re, vt in aliis, perdiligen-
tes fuisse, hæreses quidem redarguendò & pro-
cul eiiciendo, hæretico tamẽ nulli pœnam aut
probrum hoc impingendo, quasi sic diabolo
deuotus foret, & à Christo alienus, vt nullus ei
locus, nulla salutis via relinqueretur. Quod igi-
tur eorum qui tantam tum dignitatem, tum po-
testatem acceperant, eorũque veri successo-
res pleni gratia & virtute, nullus facere aut præ-
nunciare ausus est, audes & præsumis, & iudi-
cium Domini præuenis? auctoritatem vsurpas
& assumis? Tunc enim demum oues ab hædis
separabit, Matth. 25. Vn audire quid sanctus
quidam vir & martyr sub Apostolorum tem-
pora de hoc sensit atque dixit? Is huius verbi
atrocitatem tali monstrabat exemplo, vt si quis
priuatus Regiam sibi purpuram accommodet,
is vnà cum omnibus sibi consciis & adiutori-
bus, vt tyrannus punietur: Ita qui Domini sen-
tentiam præoccupans, hominem ab Ecclesia
facit anathema, in præsens se exitium conii-
cit, dignitatem Dei scilicet Filio præcipiens. Le-
uisnè ergò & parui tibi momenti res videtur,
ante iudicem iudiciũque tempus tali quẽquam
sententia condemnare? Anathema enim mo-
dis omnibus & in totum à Christo separat.
Sed hæreticus est, aiunt, domesticum habens

*Heretici
qualiter re-
uocandi.*

Diabolum, in Deum impius, perditus, & multos in perditionem verbo & impostura inducēs, à patribus ideo eiectus, quòd Ecclesiæ post se partem abduxisset. Doce tamen, ait, cū mansuetudine corripuens eos qui resistunt, si quando, vel vt tandem det eis Deus pœnitentiam, & resipiscant, &c. 2. Tim. 2. Extēde sagenam charitatis, vt membrum claudicans sanetur potius quàm subuertatur. Ostende magno animi affectu, velle te donum proprium aliis communicare. Dulcem commiserationis hamum iace, ex imo perditionis demersum extrahe, errantem ac ignorātem corrige, erudi à traditione Apostolica alienatum. Si correptionem boni consuluerit, qui prius errabat, & is vita viuet, & tu animam tuam liberabis, Ezech. 3. 33. Sin emendari respuit, & persistit, pertinax, contentiosus, ne olim reprehendaris, contestare de tuo apud eum officio. Cum animi tamē lenitate, ne animam eius de manu tua iudex requirat, ne oderis, auerferis, maledictis insecteris, sed syncerā erga illum charitatem præte feras, vt interim si nihil aliud, id certē lucreris abundē magnum, quòd & proximum diligis, & Christi doctrinā de charitate doces, qua sublata vel absēte, nihil alia Dei dona profunt, quæ non quærit quæ sua sunt, omnia suffert, sperat, credit, & sustinet, 1. Cor. 13. Dilecti, nemo nostrum tam erga Christum affectus fuit, quantū Paulus, vrebatur, & à Christo pro fratribus anathema fieri optabat, Rom. 9. & hoc tamen suo in Christū affectu

*B. Pauli le-
uitas.*

Et tu nemini vim nec anathema inferebat. Huius vos omnes imitatores fieri velim, meque vnà vobiscum. Sed & Deus prauidēs licet quid vnus nostrum quisque futurus sit, malos tamē bonis dignatur communibus, & Dominus calamum quassatum non contriuit, linum fumigans non extinxit, Esa. 42. Matth. 12. Iudam ei-que similes tulit, & tandiu non abiecit, donec scientes, se in exitium traxerant, præcipites. Et nunquid & pro populi ignorantibus offerimus, & pro inimicis & nos persequentibus oramus? Matth. 5. Luc. 6. Rom. 12. Et vos ergo rogamus & obtestamur, vt à malo contrario desistatis. Quem enim anathematizas, aut viuit adhuc, & sic improbè agis, qui eū qui à malo in bonum verti potest, crudeliter amputas: aut mortuus est, & sic deterius agis, quia Domino suo stat aut cadit, Rom. 14. nulli iam humano iuri subiectus, Super eo quoque quod secretum sibi iudex referuauit, pronunciare, hominis videtur temerarij, ei-que soli tutum est, qui mensuram sciētia, & fidei modum nouit. Qui quæso, scis, quibus se verbis defendet is aut excusabit in die quo venturus est Dominus, vt iudicet occulta cordium? 1. Cor. 4. & quis cognouit sensum aut consiliū Domini? Rom. 11. Esa. 40. En iterum dico, & coram Deo, ac electis eius angelis contestor, hāc erga proximos inhumanitatem vobis in die iudicij magno malo & certæ perniciē futuram. Et tandem concludit, Dogmata impia; & ab hæreticis profecta, ar-

guere, & anathemate oportet percutere, hominibus autem interim non parcendum solum & abstinendum, sed & pro eorum salute precandum. Equidem non ignoro iam tum non defuisse, qui sanctum pastorem calumniarentur, ut aduersus hæreticos lentum nimis & nimis humanum, sed per æquè scio anathematis quale is dissuadet ac improbat, & ab Apostolis ac idoneis eorum successoribus contra vllum, præsertim nominatim, illatum esse negat, sic inquam, accepti anathematis, sine vlla prorsus spe veniæ, apud veteres vel nullum, vel perquam rarum fuisse usum, cumque contra mortuos magis, & hæresibus suis immortuos, ac proinde desperatos, quam contra viuentes adhuc, quibus, quamlibet ægrotis, dum anima est, spes esse vel prouerbio dicitur, & iuxta Theocriti Battum verrente Philelpho,

Sperandum est viuis, non est spes vlla sepultis.

Hinc in Concilio Africano, canon. 48. constitutum est, ut episcopo qui vel hæreticos etiam consanguineos, vel Paganos Ecclesiæ prætulerit, saltem post mortem anathema dicatur, eiusque nomen inter Dei sacerdotes nullo modo recitetur. Et recitatur Extra. de hæreticis capit. 5. quod sequens ad reliquos clericos ampliatur. Et hi sunt, qui, citante Gratiano 24. q. 2. ad finem. super defunctis statuerunt, ut qui suas facultates hæreticis reli-

quissent, etiam mortui anathemati subiicerentur. Vbi can. Sanè, exactione. 1. Synodi v. & cùm aliorum, tum Augustini, Theophili, Rabani testimonio idem probatur de hæreticis, etiam si viuentes de fide non essent accusati, post mortem anathematizandis. Mitius Leo 1. Epistola nonagesima secunda, capite secundo, de communione priuatis, & ita defunctis, Horum (ait) causa iudicio reseruanda, in cuius manu fuit, vt eorum obitus non vsque ad communionem differretur. Nos tamen quibus viuentibus non communicauimus, mortuis communicare non possumus aut debemus, citante ibi Urbano, can. Sanè. & ca. Legatur Gelasius. mortuos suscitasse Christum legimus, non in errore mortuos absoluisse, qui solus hoc faciendi potestatem habuit. Petro, Super terram, inquit, non in ligatione defunctum esse dixit absoluendum. Et can. Nec quisquam. A communione iure seclusus, & in eadem persistens damnatione defunctus, absolutionem quam superstes nec quæsiuit, nec meruit, nec mortuus iam impetrare potest. De eo autem qui in diuino iudicio constitutus est, nobis fas non est aliud decernere, præter id in quod dies eum supremus inuenit. Et Canone, Quicumque. vndecim. quæst. tertia, de iis qui obstinato animo sine communione defuncti fuerunt, idem præcedentem præcessoris sui Leonis sententiam facit suam. Vt minus

Mortui quidam anathematizandi.

hic valeat Chrysostomi distinctio, & si qui impietates duntaxat, non etiam impios huiusmodi, quatenus & quandiu tales, anathematizent. Quales Iustinianus edicto ad Ioannem 11. pp. transmissio improbat, ut diuinæ scripturæ contrarios, euidenter dicenti, æquabiliter apud Deum horribiles impium eiusque impietatem, Sap. 14. ac proin anathemati similiter subiectos, id est, à Deo separatos: Nihil enim aliud in utroque testamento iudicium hoc significat. Et Dominus Iudæos alloquens, dicit eos qui non permanent in verbo veritatis, ab Ecclesia esse separatos, Seruus, inquit, non manet in domo in æternum, Ioannis 8. in Ecclesia utique, Dei viui domo, 1. Timoth. 3. Sciant ergo, ait, qui huiusmodi defendunt, omnem hæreticum in errore suo ad finem usque vitæ permanentem, iuste perpetuo anathemati post mortem quoque subiici. Idque in permultis hæreticis antiquioribus factum, in vita accusatis, & post mortem per S. S. Patres anathematizatis, Ne simpliciores eorum impia scripta legentes, à recta fide declinarent, ut impij quod in vita in personam suam anathema non susceperant, mortui non euitarent. Sic Nicenæ Synodus eos qui Arrij sectam colebant, sine nomine anathematizauit. Constantinopolitana Macedonij hæresim similiter condemnauit, Sancta Dei Ecclesia utrumque mortuum anathematizat. Nec valet dicere, quosdam tales in externa Ecclesiarum

*Anathemati
subiici, à
Deo separari*

*Anathemati
zati quidam
post mortem.*

communicatione commori. Quæ veniæ est occasio: Oportet enim scire eos in Ecclesiæ communione mori, qui commune pietatis dogma, quod in Ecclesia vniuersali prædicatur, ad finem vsque seruauerunt: Qui contrà ad mortem vsque in sua permanent impietate, ab omni Ecclesia eiici solitos, etiam mortuos, & à S. S. Patribus cum infidelibus, Paganis, & Iudæis numerari, deletis etiam à sacris diptychis eorum nominibus, Quod & paulò antè curauerat Leo I. Epistola 40. cap. 2. Hæreticorum nomina ad sacrum altare non recitanda, nec cum sanctorum nominibus sine discretionem miscendos, qui catholicos persecuti essent, vt contrà eos qui iniuste condemnati fuissent, sancti patres post mortem reuocauerunt, & in sacris diptychis scripserunt, ca. Sanè. 24. q. 2. Ex actione 1. Synodi V. Sic horrendo Dei iudicio Iudam sacramentis, donec vixit, cum dolo licet communicantem, Apostoli mortuum sententia sua condemnarunt, & ne vltra eis connumeraretur, alium pro eo introduxerunt, Act. 1. Sub hoc igitur Imperatore Synodus V. can. 11. 12. 14. anathematis velut formulam sic præscripsit, Hæreticos omnes à Sancta Dei Catholica & Apostolica Ecclesia, vel à præcedentibus IIII. Conciliis, condemnatos & anathematizatos, sed & eos qui cum iis similia sapiunt, aut aliquando sapuerunt, scribunt, aut defendunt, & vsque ad finem in huiusmodi propria im-

pietate permanent aut permanserunt, si quis non anathematizat, aut anathemati subiicit, talis anathema sit. Simili forma vsus Martinus 1. decreto Synodico decimo octauo, contra cum omnes hæreticos ab Ecclesia, hoc est, vniuersalibus v. Synodis, & probatis omnibus patribus, reprobatos & abiectos, tum Monothelitas. Dicimus, inquit, eos in sua perfidia permanentes, omnia impia eorum scripta, & eos qui similia cum his vsque ad finem sine pœnitentia sapuerunt, aut sapiunt, vel sapient, si quis non respuit, & non anima & ore anathematizat, huiusmodi sit condemnatus. Hæc obiter de anathematis nomine ac vsu contra quantumlibet hæreticos, nisi ratione finalis impœnitentiæ, à priscis catholicis ferri non ferè soliti. Alioqui excommunicatio, damnationis eos futuræ præmonendo, ad pœnitentiam inuitat: quæ si obtinetur, parata est apud Ecclesiam reconciliatio, apud fratres in communionem restitutio, apud Deum salus. Idque iuxta Dominicum institutum, & praxim Apostolicam, In carnis (inquit) interitum, vt spiritus saluus fiat in die D. N. I. C. I. Cor. 5. ex quo Ambrosius sermone nono in Psalmum 118. intelligit, cum in bono excludi, & Apostolica autoritate à medio plebis auferri, qui iubetur agere pœnitentiam, vt humilietur, hæc enim reconciliationis solent esse suffragia. Vt confundatur, siue pudeat, 2. ad Thessalonicen. 3. vt qui aliàs emen-

Excommuni-
cationis vsus
in Ecclesia.

dari non potuit, tanto suo malo commotus erubescat, & ad veram pœnitentiam redeat, vt denique blasphemare dediscat, 1. ad Timotheum 1. Sic enim ab Ecclesia, vt à Domino, iudicamur atque corripimur, ne cum hoc mundo damnemur, 1. ad Corinthios 11. Siquem ergo sui puduerit, sufficit ei, quæ à pluribus fit, obiurgatio, 2. Cor. 2. vt magis ei condonare debeamus, consolari eum, & charitatem in illum confirmare, ne nimia fortè tristitia is absorbeatur. Et quo loco Christus de fratrem, imò fratres, adeoque matrem Ecclesiam non audiēte pronunciat, quem ea in terra ligauerit, ligatum in cælo fore, vt is audiens mores errorēve suos damnari, suæ ipse damnationis, quando diu ab ea, & proinde à Christo alienus foris manserit, & nisi resipuerit, certus fiat, adeò tamen noluit quasi iam perditū desperari, vt meliora tum pro huiusmodi precari, tum super eo sperari voluerit. Vbi enim, ait, duo trēsve in nomine meo cōgregati fuerint, ibi sum in medio vestri, Matt. 18. q. d. Esto, Frater nec fratrem solitarium, nec testibus adiunctis comitatum, sed nec Ecclesiæ præsides audiat, an protinus & omnino desperandus? Nequaquam. Vltimum ad saluandum fratrem confugium, quamlibet humanis consiliis aut correptionibus nō paruerit, persequerare in postulanda erranti resipiscendi gratia, vt non tantum in condonandis & condemnandis peccatis, sed & in impetran-

*Ecclesia pro
eius efficacia.*

dis quæcunque petierit, ac proin peccatoribus
conuertendis, & aberrantibus reducendis, ve-
lut Ecclesiæ consensus & vnanimitas, vt licet
communes quas pro membris suis fundit Ec-
clesia, orationes pro excommunicatis Deo non
offerat, vt à diaboli tamen laqueis resipiscant,
& Ecclesiæ vnitati aggregentur, rogare non
desinit, vt legere est in eius collectis die sancto
Parasceues haberi solitis, non pro Iudæis tan-
tùm & idololâtris Paganis, sed & pro hæreticis
& schismaticis, iure vtique diuinò vitandis, &
Ecclesiastico excommunicatis, Vt Deus, in-
quiens, & D.N. eruat eos ab erroribus vniuer-
sis, & ad sanctam matrem Ecclesiam Catholi-
cam & Apostolicam dignetur reuocare. Et
Omnipotens Deus, qui saluas omnes, & ne-
minem vis perire, respice ad animas diabo-
lica fraude deceptas, vt omni hæretica prau-
tate deposita, errantium corda resipiscant, &
ad veritatis tuæ redeant vnitatem. Sic ni-
mitùm mater Ecclesia Deum Patrem imita-
tur, tanta etiam erga inimicos vntem pie-
tate, vt & extra Ecclesiam existentes sæpe ad
se conuertat, desiderium eis Ecclesiasticæ pa-
cis & vnitatis inspirans: qui si qua necessitate
impediuntur, quominus ad Ecclesiam ab homi-
ne admittantur, ipsemet inuisibiliter sponsa eos
suæ reconciliat, seque quærentes non derelin-
quit. Quin si iniquis scelestisque veniam vi-
tamque largiendo, etiam plerisque, quos non

nouit
patien-
nium
ction
sum
nostr
quib
coru
dent
ergo
non
Dor
tion
oppo
tus
quid
addi
tam
rit, q
non
ter o
enin
petu
mer
veli
que
mu
De
Co
cari
sit a

nouit non acturos pœnitētiā, exhibet tamen patientiam: quantò nos magis, ait ad Macedonium epistola 54. Augustinus, in eos qui correctionem promittunt, & vtrum faciunt, incertum sumus, misericordes esse debemus, vt rigorem nostrum pro eis intercedendo flectamus, pro quibus & Dominum, quem nihil de moribus eorum etiam futuris latet, non tamen imprudenter, quia hoc præcepit, oramus? Et fratris *Peccatū ad mortem.* ergo peccatum ad mortem, pro quo rogandum non dicitur, 1. Ioan. 5. idem lib. 1. de Sermone Domini in monte, ratus esse, cū post agnitionem Dei per Christum, quis fraternitatem oppugnat, & aduersus gratiam, qua reconciliatus Deo est, inuidentiæ facibus agitur, quo quid magis est hæreticorum & schismaticorū? addidit lib. 1. Retractionum, cap. 19. si in hac tam scelerata mentis peruersitate vitam finierit, quia de quocunque pessimo hîc constituto non vtiq̃ue desperandum, nec pro eo imprudenter oratur, de quo non desperatur. Nescientes enim (vbi suprà de correptione & gratia) quis pertineat, quis non, ad prædestinatorum numerum, ea debemus affici charitate, vt omnes velimus saluos fieri, quod fit, cū singulos quosque vt occurrerint, cum quibus id agere valeamus, ad hoc conamur adducere, vt pacem apud Deum habeant, Rom. 5. Deo reconcilientur, 2. Cor. 5. Quam pacem, quocūque intramus, precari iubemur, Matth. Luc. 10. cuiusque quisnam sit aut non, filius, ad nos qui nescimus, pertinet

nullum excipere vel discernere, sed nescientes qui salui futuri sint, omnibus hanc prædicare, & corripiendo nihil aliud agere, nisi vt non ab ea vel recedatur, vel ad eam, qui recesserit, reuertatur. Et cap. vlt. Proinde quantum ad nos pertinet, qui prædestinatos à non prædestinatis discernere non valemus, & ob hoc omnes saluos fieri velle debemus, omnib' ne vel pereant, vel alios perire faciant, adhibenda est à nobis medicinaliter seuera correptio, quam Dei est eis vtilem facere, quos præciuit & prædestinauit. Nam si quando timore non corripimus, ne quis inde pereat, cur non & timore corripimus, ne quis inde plus pereat? Nec enim maiora dilectionis viscera gestamus, quàm qui dicit, Corripite inquietos, 1. Thess. 5. patientes estote ad omnes. Vbi quod subiicit & prohibet quem cui in alium pro malo reddere, tunc potius reddi intelligendum est, si corripendus, praua dissimulatione negligatur, non corripatur. De oratione autem idem lib. 21. de Ciuitate, cap. 24. Quia de nullo certa est Ecclesia, quòd scilicet reprobis, pro eo enim, si quis esse sciret aut nossèt, non oraret, orat pro omnibus inimicis suis, in hoc corpore constitutis, nec tamen pro omnibus exauditor, sed pro his solis, qui etsi aduersantur Ecclesie, sic tamen sunt prædestinati, vt pro eis exaudiator, & eius efficiantur filij. Hæc ille. Deuitandi ergo hæretici, non sic tamen vt non vel eos corripiant, vel pro eis orent catholici. Quorum

primum ex iisdem quibus nos antea scripturæ locis, frequenter & diligenter vrget D. Cyprianus, lib. 1. Epistola 3. Si quod contagium venenati sermonis, & pestiferæ seminationis irrepperit, id omne de fratrum auribus & pectoribus exuatur, & bonorum integra synceræque dilectio ab omnibus hæreticæ detractionis foribus repurgetur. Declinent de cætero fortiter & euitent fratres nostri verba & colloquia eorum, vt (præter Paulina) per Salomonem Spiritus sanctus loquitur, Prou. 16. peruersus in ore suo portat perditionem, in labiis suis igne condit. 17. Malus obaudit linguæ iniquorum, iustus non intendit labiis mendacibus. Ecclesiastici 28. Sepi aures tuas spinis, & noli audire linguam nequam, vt nulla cum talibus commercia copulentur, conuiuia vel colloquia misceantur, & simus ab eis tam separati, quàm de Ecclesia sunt profugi. Nulla societas fidei & perfidiæ esse potest, Qui vnitati & paci Christi inimicus, nobiscum non potest coharere. Si cum precibus & satisfactionibus veniunt, audiantur: Si maledicta & minas ingerunt, respuantur. Epistola quarta, Si qui de collegis Deificam disciplinam neglegendam rati, cum hæreticis temere communicant, cum turbetur fides nostra, cum Spiritus talibus sic comminetur, Tu odisti disciplinam, proiecisti sermones meos post te. Si furem videbas, cum eo currebas, & cum adulteris portionem tuam ponebas,

*Hæretici
qualiter de-
uisandi.*

Pfal. 49. & Rom. 1. morte dignos esse probat,
& ad pœnam venire, non tantum mala facien-
tes, sed & agentibus consentientes, qui dū ma-
lis impœnitentibus illicita communicatione
miscentur, nocentium contractibus polluun-
tur, & dum iunguntur in culpa, sic nec separan-
tur in pœna. Propter quod integritatis vestræ
religiosam sollicitudinem laudamus pariter &
probamus, & quātum possumus adhortamur,
ne vos cum profanis & maculatis sacerdotib⁹
communicatione sacrilega misceatis, sed inte-
gram & sinceram fidei firmitatem religioso ti-
more seruetis. Epistola 6. ex Matth. 10. Samari-
tis cum gentibus à Christo omitti iussis, schis-
maticos cum gentilibus adæquari & præteriri.
Ex præallegato item Chore exēplo, obnoxios
se Deo & culpæ & pœnæ facturos, qui se Schis-
maticis contra præpositos & sacerdotes irreligi-
osa temeritate miscuerint. Sicut & Ose. 9.
contestatur, Sacrificia eorum tanquam panis
luctus, omnes qui manducant, contaminabun-
tur, ostendens omnes omnino cum autoribus
supplicio coniungi, qui fuerint eorum peccato
contaminati. Epist. 7. Si apud insanos furor in-
sanabilis perseverauerit, & recedente Spiritu
sancto, profunda cæcitas in sua nocte perman-
serit, consilium vobis erit singulos fratres ab
eorum fallacia separare, neu quis in laqueos er-
roris incurrat, ab eorum contagione secernere,
ne alienæ dementiæ faciliè consentiant, ne
se desperatorum delictis participes faciant.

Ergo contumaces, & Deum non timentes, & ab Ecclesia recedentes nemo comitetur. Epist. 8. Procul ab huiusmodi hominum contagione discedite, sermones eorum vt cancer & pestem fugiēdo vitate: discedite à talibus, vitate lupos, qui oues à pastore secernunt: Vitate linguam Diaboli venenatam, qui ab initio mūdi fallax semper & mendax, mentitur vt fallat: blanditur, vt noceat: bona promittit, vt malū tribuat: vitam pollicetur, vt perimat: pacem & salutem, ne perueniri possit ad eam: Ecclesiam spondet, cū id agat, vt qui ei credit, in totum ab ea per eat. Et lib. 3. Epist. 3. mirificè gratulatur quibusdam ad Ecclesiam reuersis, quibus quòd antea communicare non posset, quos semel diligere cepisset, dolebat vehementer & grauitèr agebatur. Et Tractatu 3. Quid facit in pecore Christiano luporum feritas? canū rabies, venenum lethale serpentum? & cruenta sæuitia bestiarū? Gratulandum est cū tales de Ecclesia separātur, ne columbas, ne Christi oues sēqua sua & venenata contagione prædentur. Coniungi non potest amaritudo cum dulcedine, caligo cum lumine, pluvia cum serenitate, pugna cum pace, cum fœcūditate sterilitas, cum fontibus siccitas, cum tranquillitate tempestas. Sic ante iudicii diem hīc perfidi deteguntur, & iam iustorum ac iniustorum animæ diuiduntur, & à frumento paleæ separantur. Quos & designat Spiritus. Psal. 1. sedentes in pestilentie cathedra pestes & lues fidei, serpentis ore fallētes, corrup-

pendæ veritatis artifices, venena lethalia linguis pestiferis euomentes. Nec ita pòst, Vitæ, quæso vos, eiusmodi homines, à latere auribusque vestris pernicioſa colloquia velut contagium mortis arcete, auerſandus talis atque fugiendus, quiſquis fuerit ab Eccleſia ſeparatus. Et, Recedendum eſt à delinquentibus, imò fugiendum, ne dum quis malè ambulantiſ iungitur, & per itinera erroris & criminis graditur, à via verì itineris exerrans, pari crimine teneatur. Serm. 5. Eiuſmodi homines, quantum poteſtis, pernicioſis contactibus adhærentes ſalubri cautione vitate. Quorum colloquium velut contagium tranſilit, noxia & venenata perſuaſio perſecutione ipſa peius interficit. Eadem, ſed paucis attingit ad Quirinum lib. 3. cap. 68. Recedendum ab eo qui inordinatè, & contra diſciplinam viuit. Et 78. Cum hæreticis nec loquendum. Hæc ſuper vitanda hæreticorum non doctrina tantum, ſed etiam conſuetudine. Quorum tamè nulli claudi Eccleſiam idem velit. Opto (inquit primo loco) omnes in eam regredi, vniuerſos intra Chriſti caſtra, & Dei Patris domicilia concludi. Remitto omnia, multa diſſimulo, ſtudio & voto colligendæ fraternitatis, etiam in Deum cõmiſſa nò pleno iudicio religionis examine, delictis pluſquam oportet, remittendis penè delinquo, amplector plena & pròpta dilectione cum pœnitentia auerſentes, peccatum ſuum ſatisfactione humili conſitentes. Si qui autè pu-

*Eccleſia nulli
hæretico
claudenda.*

tant se ad Ecclesiā minis non precibus regredi
posse, aut aditū terroribus facere, non lamēra-
tionibus aut satisfactionibus, pro certo habeāt
cōtra tales stare Ecclesiam Domini, nec castra
Christi, inuicta & fortia, & Domino tuēte, mu-
nita, cuius cedere. Sacerdos Dei Euangeliū te-
nēs, & Christi pręcepta custodiēs, occidi potest
vinci non potest. Et paulò post, Oramus, ora-
mus, ac deprecamur Deū (quē prouocare & ex-
acerbare nō desinūt) vt eorū corda mitescāt, vt
furore deposito, ad sanitatē mētis redeāt, vt pec-
catores à delictorū tenebris penitētiā agnoscāt
& magis petāt pro se fundi preces & orationes
antistitis, quā fundāt sāguinē sacerdotis: Sin in
suo furore permāserint, in insidiis ac minis suis
parricidalibus crudeliter perseuerauerint, nul-
lus Dei sacerdos sic infirmus, iacēs, abiectus sit,
imbecillitate humanę mediocritatis ita inuali-
dus, qui nō cōtra Dei hostes & impugnatores
diuinitus erigatur, cuius nō humilitas & infir-
mitas vigore & robore Domini protegētis ani-
metur. Nostra nihil interest aut à quo, aut quā-
do perimamur, mortis & sāguinis præmiū à
Domino recepturi. Et hic ergo mart. hēreticos
vndecunque recipit, sed pœnitētes tantū, & sa-
tisfacere paratos, antē alioqui morituros. Eadē
mēs fuit Leoni 1. eos scilicet simūl & pertina-
ces vitādi, & pro iis tamē cōuertēdis orādi. Fu-
gite, inquit, mūdanz argumēta doctrine, vipe-
rea hāret. vitate colloquia. Nihil vobis cōmu-
ne sit cum eis qui Catholicę aduersantes fidei,

solo sunt nomine Christiani: non enim templū Spiritus Dei, nec membra sunt Christi, sed falsis opinionibus implicati, tot species habent Diaboli, quot simulacra mendacij. Serm. 18. de Passione. Et Serm. siue Tractatu de vitādis hæreticis inscripto, Fraternalia vos & paternalia sollicitudine commonemus, ut inimicos catholicæ fidei, hostes Ecclesiæ, &c. in nullum recipiatis consensionis affectum, dicente Apostolo, Hæreticum, &c. propria enim pertinacia perit, & sua à Christo discedit insania, qui eam impietatem, per quam ante se multos scit periisse, sectatur, & religiosum sibi atque catholicum putat, id quod sanctorum Patrum iudicio constat esse damnatum, ut adhuc quasi nouæ, & necdū damnatæ, in perniciem animarum suarum consentiant prauitati. Hos ergo rāquam venenum mortiferum fugite, excremini, declinate, ab eorum colloquiis, si increpati à vobis, corrigi noluerint, abstinete: Iusto enim iudicio ab Ecclesiæ vnitatem reiectis nulla est tribuenda communio, quam sceleribus suis, non nostris odiis perdiderunt. Ecclesiasticum tamen, concionatur idem alibi serm. 4. in Epiphania, & diuinitus institutum non solum non inhibemus, sed etiam incitamus affectum, ut etiam pro talibus nobiscum Domino supplicetis, quoniā & nos deceptorum animarū ruinas cum fletu & mœrore miseramur, & Apostolicæ pietatis exemplo, cum infirmantibus infirmamur, 2. Cor. 11. cum flētibus fleamus, Rom. 12. Speramus enim

*Orandum
pro hæreticis*

exoran-

exorād
& leg
in cor
tio, se
re Do
illumi
rebus
liatio
muni
rectis
nant.
Quia
periti
chari
muni
poter
tiam
cūm
nem
cepe
mul
fiat
ten
den
lige
tur,
cat
ait,
fati
cep
tia

exorādā Dei misericordiam, multis lacrymis
 & legitima lapsorum satisfactione, quia dum
 in corpore viuitur, nullius desperanda repara-
 tio, sed omnium est optanda correctio, auxiliā-
 te Domino, qui erigit elisos, soluit compeditos
 illuminat cæcos, Psal. 144. Quosdam ergo qui
 rebus impiis consensum præbuerant, reconci-
 liationem reposcentes, & catholicorum com-
 munionem desiderantes, sic exaudiuit, vt cor-
 rectis, & errores propria subscriptione dam-
 nantibus, pacis gratia tribueretur. Epistola. 39.
 Quia deuotionis vtrunque Christianæ est, vt
 pertinaces veritas iusta coërceat, conuersos
 charitas non repellat. Et epist. 40. cap. 1. Com-
 munionis item cupidos, qui dolerent se cōtra
 potentiam & terrores, non tenuisse constan-
 tiam, sed alieno sceleri consensum præbuisse,
 cū sic eos formido turbasset, vt in damnatio-
 nem catholici ac innocentis antistitis, & in re-
 ceptionem detestabilis prauitatis trepido fa-
 mularentur obsequio, tuarum interim Eccle-
 siarum cōmunionem contentos esse voluit, qua-
 reñus qui plenis satisfactionibus malè gesta cō-
 demnarent, & accusare se magis quàm tueri e-
 ligerent, pacis & cōmunionis vnitatem lætarē-
 tur, sic vt digno prius anathemate cōtra fidem
 catholicam receptā dampnarentur. Non potest,
 ait, in aliquo benignitas nostra reprehendi, cū
 satisfaciētes recipimus, quos dolumus esse re-
 ceptos. Nec asperè cōmunionis nostræ gra-
 tia deneganda, nec temere largienda, quia sicut

*Harotici res-
 piscentes non
 auersandi.*

plenum pietatis est, oppressis charitatem Dominicam redhiberi, sic iustum omnia perturbationis autorib⁹ imputari. Et epist. 41. Quod de multis meliora iudicata sūt, qui se deceptos doleant, & damnata cum autoribus suis perfidia, gratiam communionis nostræ exposcant, nos libenter accipimus, reddituri eis quam desiderant communionē, cū promissa compleverint. Quos autem in sua persistere obduratione cognovimus, oportet districtius cōprimi, si nequeunt benignitatē sanari. Addēdum obiter ex eodem, hæreticos cū ab omnibus, tū à mulierculis maximè fugiēdos. Hos ergo, ait serm. 5. de Ieiunio x. mensis, homines per omnia execrabiles ac pestiferos, quos aliarum regionum perturbatio nobis intulit crebriores, ab amicitia vestra penitus abdicatē, vōlq; præcipuē mulieres, à talium notitia & colloquiis abstinere: ne dum fabulosis narrationibus incautus delectatur auditus, in diaboli laqueos incidatis, qui sciens quòd primum virum mulieris ore seduxerit, & per scēmineam credulitatē omnes homines à paradisi scēlicitate deiecerit, vestro nūc quoq; sexui securiore insidiatur astutia, ut quas sibi potuerit per ministros suæ falsitatis illicitere, & fide spoliet & pudore. Pudēdo certē subiecto ibidem exēplo puellæ ut multū decennis, adolescentuli vitiatoris, duarūque nutricum ei scelere præparatarum. Qui locus opportunior erat, si tum meminissem, Digress¹³ nostra in 2. Tim. 3. & hinc ergo illic suppleatur.

Mulieris maxime hæreticos deiciunt.

Pergit
neo, v
docea
te req
vni p
ritu fa
intell
stes p
ber v
alia
proc
tur
affe
plac
vos
tes
gn
&
tra
qu
fin
de
q
st
c
q
e
h
e

Pergit idem Leo, Vos quoque obsecrans mon-
 neo, vt sicui vestrũ innotuerit vbi habitent,
 doceant, quos frequentent, in quorum socie-
 tate requiescãt, nostrę sollicitudini indicetis, quia
 vni parũ cuique prodest, quod protegente Spi-
 ritu sancto ab eis non capitur, si cũ alios capi
 intelligit, non mouetur. Cõtra communes ho-
 stes pro salute communi vna cõmunis esse de-
 bet vigilantia, ne de alicuius membri vulnere
 alia possint membra corrumpi. Qui tales non
 prodendos putant, in iudicio Christi inuenien-
 tur rei de silentio, etiamsi non contaminentur
 assensu. Et serm. 4. de Collectis. Vt in omnibus
 placeat Domino vestra deuotio, etiam ad hanc
 vos hortamur industriam, vt vbicunq; laten-
 tes hereticos vestris Presbyteris publicetis, Ma-
 gna enim pietas prodere latebras impiorum,
 & in eis Diabolum, cui seruiunt, debellare, con-
 tra quos omnem terrarum orbem, & totã vbi-
 que Ecclesiam decet fidei arma corripere. Nõ
 finantur latere homines, apud quos nihil san-
 ctum, verum, integrum. Cauendi sunt, ne cui-
 quam noceant, prodendi, ne qua ciuitatis no-
 stræ in parte consistant, &c. Habes hãc hereti-
 cos præterea prodendos, nedum vitandos, ne-
 que tamen desperandos, & quatenus recipien-
 dos. Quæ bona ex parte vno velut fasce ac ceu
 epilogo comprehendit Gelasius, Leonis duo-
 bus tantũ intermediis successor, vigesima
 quarta q. 2. Can. Legatur (ait) ex quo est re-
 ligio Christiana, vel certè detur exemplum

*Hereticos non
 celandi, sed
 prodendos*

*Venia non
nisi se corri-
gentibus dā-
da.*

*Orūdum pro
hæreticis ut
sit.*

*Origenes
multarū hæ-
reseon radix*

in Dei Ecclesia, à quibuscumque pontificibus, ab Apostolis; à Saluatōre denique veniam nisi se corrigentibus fuisse cōcessam. Auditum enim sub cælis non legitur omnino vel dicitur, Date veniam nobis, dum tamen nos in errore duremus. Quibus hoc canonibus aut regulis, qua electione, quo documento à maioribus nostris, ab Apostolis; à Domino, siue factum est unquam, vel faciendum esse mandatur? & canon omnium penè veterum hæc de re canonum epilogi loco esse possit. Atque hinc alij aliam rationem secuti, aliter atque aliter se cum hæreticis gesserunt: Quidam sic pro eis orabant, ut tamen vitarent. Epiphanius Salaminæ in Cypro episcopo Ioanni Hierosolymitano cōpiscopo coniquerenti, quod is in oratione inter diuina sacrificia pro hoc dicere soleret, Domine præsta Ioanni, ut rectè credat, respondet, in interprete Hieronymo, non se adeo rusticum, ut tam apertè diceret, nec in alienas sic aures unquam protulisse, quod tamen in corde suo semper oraret. Sed dum orationē iuxta mysteriorum ritum compleret, pro omnibus, & pro eo quoque dicere, Custodi illum Domine, qui veritatem prædicat. Vel certè ita, Obsecro, ait, te, & pedibus tuis precor aduolutus, præsta mihi & tibi, ut salueris, sicut scriptum est, à peruersa generatione, & recede ab omni hæresi. Hac enim de causa omnis vestra in me indignatio cōcitata, quod rogarem ne Origenem multarum scilicet hæreseon radicem, laudaretis, neue ita

erraretis, admonerē. Sic autē cōtradixistis, vt
 me aliósque qui tum intererant, catholicos ad
 tristitiam atque lacrymas adduceretis, commi-
 nati quòd missis huc illuc epistolis propter de-
 fensionem hæreseos odia contra me suscitare-
 tis, & rumpitis quam in vos charitatem habe-
 mus; intantū vt feceritis nos etiā pœnitentiā
 agere, quia vobis cōmunicauerimus, quasi sic
 Origenis errata & dogmata defendentes. Sim-
 pliciter loquor, nos secundum quod scriptum
 est, Matt. 5. 18. Marc. 4. 9. nec oculo nostro par-
 cimus, vt scandalizantem non effodiamus, ne-
 que manui, nec pedi, si nobis scādalum fecerit.
 Et vos ergo siue oculi nostri, siue man⁹, siue pe-
 des fueritis, similia sustinebitis. Hic habes, hæ-
 retici à catholico laudem, vel hætenus cum il-
 lo cōmunionem, quandam quasi hæreseos esse
 communionem. At Augustinum video luctādū
 eos magis quàm euitandi sic cupidū & studio-
 sum fuisse, vt cum eis & cominus, publicis scili-
 cet tot disputationibus non tantū admissis, sed
 quæsitis: & e minus, familiaribus ad eos episto-
 lis sæpenuerò egerit, & quidem non sine ad-
 uersariorum laude, adeoque fraternitatis, siue
 fraterni nominis cōmunionē. Hæreses, inquit
 de vera Religione, cap. 5. tam innumerabiles à
 regula christianitatis auersæ, testes sunt nō ad-
 mitti ad comunicāda eos qui de Deo Patre,
 Filio, Spiritu sancto aliter sentiunt & homini-
 bus suadent, quàm veritas Christiana postulat.
 Sic enim creditur & docetur, quod est humane

*D. Augusti-
 ni zelus pro
 hæreticis.*

salutis caput, non aliam esse philosophiam, & religionem: cum hi quorū doctrinam non approbamus, nec sacramenta nobiscum communicent, quod in eis minus est mirandum, qui sacramentorum quoque ritu dispares esse voluerunt. Magis animaduertendum prædicandumque, qui paria sacramenta celebrantes, quia tamen sententia dispares, animosius errores suos quàm cautius corrigere maluerunt, à catholica communione, & sacramentorum, quamuis parium, participatione exclusi, propria vocabula, propriosque conuentus nō in sermone tantū, sed & in superstitione meruerunt. Nam de iis qui schismata fecerunt, alia est quæstio. Posset enim eos area Dominica vsque ad tempus vltimæ vētilationis velut paleas sustinere, nisi superbix vēto nimia leuitate cecidissent, & sese à nobis vltro separassent. Et hīc habes superiorē hæreticorum à schismaticis distinctionē: quia illi praua opinione, hi aliqua superbiētes simulatione, à regula & cōmunionē Catholicæ Ecclesiæ deuiarūt. Vtrisque tamen vritur: illis, ad probationem doctrinæ suæ, bis ad documentū stabilitatis suæ. Alios iūitat, alios excludit, alios relinquit, omnibus tamen gratiæ Dei participandæ potestatem dar, siue adhuc informandi sint, siue reformandi, siue recolligendi, siue admittendi. cap. 6. 7. En hæreticorū sacris catholico non communicandum. De scriptis autem ita distinguit epist. 162. ad quosdam Donatisticos episcopos, Tales (corrigi paratos, non ob-

*Hæreticorū
& schismaticorum
differētia.*

stinatos) vos nisi esse crederem, nullas fortasse vobis literas mitterem. Quamquam & hæreticum quamlibet odiosa superbia tumidū, & per uicacia malæ cōtētionis insanū, sicut vitādum monem⁹, ne infirmos fallat & paruulos, sic nō abnuimus quibuscūq; modis possimus corrigēdū. Vnde factū est vt & ad nōnullos Donatistā rū primarios literas scriberemus, nō quidē cōmunicatorias, quas olim iā propter suā peruersitatē ab vnitāte catholica orbe toto diffusa, nō accipiunt, sed priuatas, qualibus & ad paganos nobis vti licet, quas etsi legerunt, respōdere tamen noluerūt, vel potius nequiuerunt. Vbi nobis satis visum est impleuisse nos officium charitatis, quam non solum nostris, sed & omnibus nos debere docet Apostolus, Vos, inquiēs, faciat Dominus abundare in charitate in inuicem, & in omnes, 1. Thess. 3. Nec prælocutus sū, ne quis me existimer impudētius vobis quā prudētius scripsisse, & hoc modo vobiscū de negotio animæ aliquid agere voluisse, quia nostrę cōmanionis nō estis: cū tamē si de negotio fundi, aut pecuniariæ litis dirimēdæ vobis scriberē nemo fortasse reprehēderet. Vsq; adeo charus est hic mūdus hominibus, vt sibi metipsis viluerint. Erit ergo mihi ad defēsiōnē testis hæc epistola in iudicio Dei, qui nouit quo animo fecerim, quiq; dixit, Beati pacifici, quoniā Dei Filij vocabūtur, Matth. 5. O virum verē pacis amantem atque persequentem! Pelagij autem non solū hæretici, sed & hæresiarchæ tū nouissimi,

*Hæretici
quatenus
si potest cor-
rigitur*

*D. Augusti-
ni candor.*

nomen non sine laude posuit, quia vita eius à multis prædicaretur, Viri, ait, vt audio, sancti, nō paruo profectu Christiani. Et, Sicut cum, qui nouerunt, loquuntur bonum ac prædicandum virum. Et, Credo quod ita vir tā egregiè Christianus, omnino non sentiat. Et, Attendē, obsecro, vt circumspectus vir Pelagius, &c. lib. 2. Re tractat. cap. 33. De peccat. merit. & remiss. lib. 3. cap. 1. 3. 10. cōtra Pelagianos, quos etiam lib. 2. cap. 16. non dubitauit scribere casta vita moribūque laudabiles, & paupertatis Euangelicæ. consiliū secutos. Quām alienus à conuiciis, quibus hodie vtrique scatemus & pugnamus, Eratres, ait, in Psal. 65. si contra Iudæos olim præcisos de radice patriarcharum extollere nos non debemus, sed timere potius & dicere Deo, Quām timenda sunt opera tua: quāto minus aduersus recentia præcisionum vulnera? Præcisi sunt antea Iudæi, inserta sunt gentes, ex insertione præcisi sunt hæretici, sed neque contra eos nos extollere debemus, ne forte præcidi mereamur, quos delectat insultare præcis. Rogamus vos, vt caueatis quicumque in Ecclesia estis, insultare eis qui non sunt intus, sed orate potius vt intus sint, Potens est enim Deus inserere illos. Et alibi, Diligite homines, interficite errores; sine superbia de veritate præsumite, sine sauitia pro veritate certate. Orate pro eis, quos redarguitis & conuincitis, pro quolibus Deum Propheta precatur, Imple

Pelagiani.

*Hæreticis nō
insultandum
sed pro eis o-
rādo petim.*

facies eorum ignominia, & quærant nomen
 tuum Domine, Psalmo 82. vt norint salu-
 briter erubescere, sic enim nomen Domini
 quærere poterunt, à quo perniciosissimè auersi
 sunt, dum pro eo suum nomen extollunt. lib. i.
 contra literas Petiliani, cap. vlt. Quinetiam fra-
 trum nomine dignatur Donatistas, quo tamen
 eum illi dedignabantur. Sic præter locos no-
 bis Digress. 26. in 2. Tim. citatos. In Psal. 32.
 perorans. Ad hanc maximè, vos fratres, charita-
 tem exhortamur, in eos etiam qui foris sunt,
 siue adhuc Paganos nondum in Christum cre-
 dentes, siue diuisos à nobis, nobiscum caput
 confitentes, & à corpore separatos. Doleamus
 eos tanquam fratres, velint nolint, nostros.
 Tunc esse desinēt fratres nostri, si desierint di-
 cere, Pater noster. Dicit de quibusdam prophe-
 ta, His qui dicunt nobis, Non estis fratres no-
 stri, dicite, Fratres nostri estis, Esa. 66. Circun-
 spicite de quibus hoc dicere potuerit, Non de
 Paganis, nec enim dicimus eos fratres nostros,
 secundum scripturas, & Ecclesiasticū loquendi
 morem. Fratres itē & sorores sine aliquo addi-
 tamento Apostolus nō intelligit nisi Christia-
 nos & Christianas. Qui ergo dicunt, Non estis
 fratres nostri, Paganos nos dicunt, dicentes
 nos non habere quod dant. Ideò & rebaptiza-
 re nos volunt, vnde & consequens est error, vt
 negent nos fratres esse suos. Sed quare dixit no-
 bis propheta, Vos dicite illis, Fratres nostri
 estis, nisi quia nos in eis agnoscimus, quod

*Fratres no-
 stri sunt etiā
 hæretici, qui
 dicūt, Pater
 noster, &c.*

non repetimus? Illi ergo non agnoscendo baptismum nostrum, negant nos esse fratres: nos non repetendo ipsorum, sed agnoscendo nostrum, dicimus eis, Fratres nostri estis. Dicunt ij, Quid nos queritis, aut vultis? Respondemus, fratres nostri estis. Dicunt, Ite à nobis, non habemus vobiscum rationem. Nos prorsus vobiscum rationem habemus, Vnum Christum confitemur, in vno corpore, sub vno capite esse debemus. Quid, ait, me queris, si perij? Magna absurditas atque vana. Cur quererem, nisi quia peristi? Si ergo perij, inquit, quomodo sum frater tuus? Vt dicatur mihi de te, Frater tuus mortuus erat, & reuixit: perierat, & inuentus est, Luc. 15. Adiuramus ergo vos, fratres, per viscera charitatis, cuius lacte nutri-mur, pane solidamur, per c. d. n. per mansuetudinem eius. Tempus est vt impendamus in eos magnam charitatem, abundantem misericordiam, in deprecâdo Deum pro illis, vt aliquando det eis sensum sobrium, vt resipiscant, & videant se, quia non habent omnino quod contra virtutem dicant. Nec in eis remâsit nisi sola infirmitas animositatis, tantò languidior, quantò se maiores vires habere existimat. Pro infirmis, carnaliter sapientibus, animalibus & carnalibus, tamen pro fratribus nostris eadem sacramenta celebrantibus, etsi non nobiscum eadem, tamen vnum Amen respondentibus, etsi non nobiscum vnum Amen. Hortamur medullas charitatis vestræ, fundatis ad Deum

preces pro eis. Hactenus Augustinus, prorsus iuxta Paulam, qui super eo, quem vitandum, & à cuius commercio abstinendum præceperat. Nolite tamen, inquit, ut inimicum habere, existimare, ducere, sed corripite, admonete, castigate ut fratrem, 2. Thess. 3. Proinde tametsi familiarius versari, aut interiorem cum excommunicatis habere consuetudinem, per Ecclesiasticam disciplinam minimè liceat, debemus tamen quibus modis possumus, eos ad Ecclesie unitatem inuitare, inuitatos conuertere, & conuersos recipere.

Cum misero ad te Artemam aut Tychicum, festina venire ad me Nicopolim: ibi enim statui hyemare. Zenam legisperitum, & Apollo sollicitè præmitte, ut nihil illis desit. Discant autem & vestri bonis operibus præesse ad vsus necessarios, ut non sint infructuosi. Salutât te qui mecum sunt omnes. Saluta eos qui nos amant in fide. Gratia Dei cum omnibus vobis. Amen.



AE C est huius epistolæ vltima pars; siue conclusio, in qua quædam scribit familiaria, & primò quidem circa se ac discipulum disponenda. Nihil ergo vetat vbi de rebus Ecclesiasticis docuerimus, de priuatis quoq; nonnihil breuiter scripitare: quanquam Pauli quoque quæ sequun-

tur domestica, è Republica sunt. Postremò salutandis suo more amicis epistolam claudit. In huius autem exordio legimus relictū in Creta Titum, vt quia Cretenses nuper crediderant, recedente Paulo, & ad alias Ecclesias transeunte, non dimitterentur orphani, sed haberent Apostolicum virum, quæ deesse videbantur suppleturum. Quia ergo post fundatas & alias Ecclesias necessarius erat Titus ædificium fundamento superstruaturus, hæc interim, ait, quæ

Artemas. scribo, serua. *Cum misero ad te Artemam.* Hunc Lystris episcopum fuisse testatur in Synopsi Tyrius Dorotheus. Facit huic cognominem alterum, multò alium Eusebius lib. 7. cap. 30. Pauli Samosatensis hæretici patrem, & Theodoretus lib. 1. cap. 4. & *Tychicus*, de quo nòs. 2. Tim.

Tychicus. 4. ex eodem Dorotheo & Beda. & Act. 20. Eph. 6. Col. 4. Pauli fuisse comitem, charissimum fratrem, comministrum, & conseruum in Domino, diaconum, nuntium, & vtriusque ad Thessalonicenses epistolæ tabellariū, Chalcedonē post in Bithynia episcopum, in insula Papho repositum. Iustum ergo erat, vt qui dixerat, Sollicitudo mea omnium Ecclesiarum, 2. Cor. 11. & Euangelium ab Hierosolymis ad Illyricum vsque fundauerat, Rom. 15. non pateretur sui & Titi absentia Cretenses desertos, ad eam; cuius ab eis prima pullulauerant semina, relabi Idololatriam. E duobus itaque qui secum fuerant, vnum aut alterum præmittendum, qui locum eius impleret, populūque in

ipſius abſentia regeret. Ex quo paternum Pauli erga Cretenſes affectum probat Hieronymus, neceſſarium ei fuiſſe Titum in Euangelij miniſterium, noluiſſe tamen eum ad ſe venire, niſi prius ei ſucceſſor adueniret, cuius doctrina & ſolatio illi foueretur, & eis interim dum Titus ad Paulum venerit alteruter prouideat. *Festina, cura, ſtude, da operam, venire ad me*, vt ad me venias, vt & alibi prædices, poſt epiſtolam datam vult eum videre, vel affectus cauſa, vel plenius eum in Eccleſiaſtica diſciplina confirmaturus, Ambroſio Græci conſentiunt. Ecce uis enim alterius rei gratia, cum tot ei Eccleſias, & tantam inſulam credidiſſet, rursus ad ſeipſum vocaret, quaſi ab opere incepto diuelſens? Non hoc, inquit, ago, vt à cœpto te ſtudio aut miniſterio ſubmoneam, ſed vt à me inſtructior, doctior, & perfectior diſcedas, vt plus tibi proſim, & magis ad opus ac officium tuum perficiaris, à me num in eo te rectè geſſeris, & in iis quæ tibi credita ſunt, examinatus: ſed & viciffim tui indigeo in adiutorium prædicationis. Nec ei tempus determinat, ſed locum, *Nicopolim*, iisdem Græcis Thraciæ urbem, Iſtro

Nicopolis.

adiacentem, Macedoniæ finitimam, vnde ſcriptam hanc colligunt, quo tempore in Macedonia & Achaia verſabatur. Hieronymus eam putat quæ ab Auguſti victoria, victis ibi Antonio & Cleopatra, id nomen accepit, at eam peractam conſtat apud Actium Epiri promontorium, vnde & Actiaca paſſim vocatur, & idem

planè præfatur de Nicopoli in Actiaco litore
 sita, loqui Paulum ac scribere, post suarū Pau-
 læ & Eustochij possessionis parte maxima.
 Alexander Issum oppidum inter Ciliciam &
 Syriam, ob victū ibi Darium sic vocauit. Aliam
 in Armenia minore, inter Euphratis & Araxis
 initia Pompeius, cum Lucullo cōtra Mithrida-
 tem successisset, extruxit. Est & Bithyniæ & in
 Aegypto alia, non procul ab Alexandria, Iose-
 pho lib. 5. cap. 14. ob victos ibi Antonianos ab
 eodem Cæsare, summè culta. Ex Strabone lib.
 7. 10. 12. 14. 17. Ptolom. lib. 3. cap. 11. 14. lib. 5.
 cap. 7. 8. Plin. lib. 5. cap. ult. Bithynicę meminit,
 & lib. 6. cap. 9. alius in Armenia maiore. Ho-
 rum primus Apostolo nostro contempora-
 neus Epiroticam Nicopolim suo tēpore testis
 est, egregia incolarū multitudine abundauisse,
 in dies multiplicatam, latos fines habuisse, ho-
 stilibus ornatam spoliis, templo, luco sacro,
 gymnasio, studio, ludis quinquennialibus cele-
 brem, vicinis vicis & locis eius iuri attributis.
 Iosephus lib. 16. Antiquit. cap. 9. Nicopolitanis
 ad Actium maiorem partem publicorum ope-
 rum Herodeni suis impendiis perfecisse autor
 est. Meminit & hui⁹ in Europa Pius 11. cap. 14.
 Pompeianæ in Asia, cap. 44. In Actiaca inuen-
 tam ab Origene ex pluribus Bibliorum trās-
 lationibus vnā scripserunt, Eusebius lib. 6. cap.
 17. Nicephor. lib. 5. cap. 11. Nec omittam, quan-
 do semel cœpi, & in Palæstina Nicopolim, à si-
 mili, vt superiores, euentu, post deuictos à Ro-

manis Iudæos, cū anteā vicus esset nomine Emmaus, Luc. 24. de qua ibidem, vita comite, *Emmaus,* & siquidem Dominus dederit. Ex Hieronymo *vicus.* in epitaphio Paulæ, in Iulio Africano, ad Ezech. 48. Dan. 8. 11. Abd. 1. Sozomen. libr. 5. cap. 21. Nicephor. libr. 10. cap. 31. Tripartit. libr. 6. cap. 42. Beda, de mundi ætatibus, in M. Aurel. Anton. Imp. &c. Redeo ad textum. Eò igitur discipulum magister euocat, & causificatur, *ibi enim statui hyemare*, aliquantū ibi temporis spatium manere proposuerat, non ergo vt illum secum circunduceret, aut ybique comitem haberet, idè ad se vocabat. Ibi igitur quod Apostolus hyemauit, non leue argumentum est, & in Epyro, & locis iuxta adiacētibz cum Euangelium prædicauisse. Sequitur, *Zenam legisperitum*, *voμιστήν*, legis doctorē legit Hieronymus: quis autem fuerit, de alio scripturæ loco dici non posse, nisi hoc tantum, quod & Apostolicus vir fuerit, & idem operis quod & qui præcedunt & sequuntur, exercuerit, Christi vtrique Ecclesias extruendi. Ambrosius, sic appellari, quod huius in Synagoga professionis fuerit, siue, quod Aquinas, hanc in Iudaismo dignitatē habuerit. Subscribunt & Græci, legis quidem, sed Iudaicæ, peritū hoc loco dici, nō verò quod nihil aliena eidē instructione foret opus. Sic enim passim vocatur in Euāgeliis Legisperiti, in dubiè Mosaicæ, *voμιστῆς*, Mat. 22. Luc. 7. 10. 11. 14. Bruno mauult vel scripturæ diuinæ, vel secularis peritū, Quid enim aliud quàm hīc diuines?

Apollos. Et hunc Diospoli facit episcopum Dorotheus, vt & Cæsariæ, qui sequitur, *Apollo*, Sedulio, Anselmo, Aquinati, post Hieronymum, prius Corinthiorum, Luca teste, Act. 18. virum ex Iudæis Alexandrinum genere, eloquentem valde, ac in scripturis potentem, Domini viam edoctum, & quæ sint eius, loquentem ac diligenter docentem, spiritu feruentem: Sed cum Ioannis tantum baptisma nosset, & liberè ac cum fiducia in Synagoga loqueretur & ageret, hunc Priscilla & Aquila asciuerunt, & diligentius ei Dei viam exposuerunt, sic vt in Achaiam profectus, discipulis vt eum susciperent, cõmendatus à fratribus, multum his conferreret qui crediderant, vehementer Iudæos publice reuincens, & per scripturas ostendens IESVM esse CHRISTVM. Hunc ergo tantum talémque virum, Ambrosio in lege perfectum, putant iidein qui supra, & Lyrensis, propter eas quæ Corinthi erant dissensiones aduersus eum per pseudapostolos concitata, ita vt dicerent, Ego sum Pauli, Apollo, Cepha, Christi, 1. Cor. 1. 3. 4. ad vicinam Insulam Cretam, & Titum Cretensem episcopum, cum Zena socio trāsfratasse, & dissensionibus Pauli epistola temperatis ac sedatis, Corinthum reuertisse. Aliquandiu certè suis fuisse suboffensum conijcere est, ex eo quod eis scribit Apostolus cap. 16. multum se illum hortatum precatumq; vt ad eos veniret cum fratribus, tunc noluisse: venturum, cum ei vacaret, & commodum

dum ac opportunum foret. Hos ergo, cum nobiles essent sapientia & operibus, & secundum Græcos & Aquinatem, nondum eis Ecclesiæ fuissent commissæ, aut vlla credita regiminis Ecclesiastici cura, Titi modò erant cômities, hos, ait, *solicite pramitte*, imò studiosè deducito, ac sedulò prosequere, quod officium solemus hospitibus exhibere, *sic vt nihil illis desit*, Mandat Tito, vt priusquam ad se veniret, eos decen- ter ac bene procuratos remitti ac deduci, iu- bens eis ab his qui crediderant, sumptus neces- sarios dari, còlque refrigerari: quia dignum erat, vt qui spiritalia tradebant, non eis dees- sent carnalia, Rom. 15. 1. Cor. 9. vt nihil per- dant de fructu tardantes, sed vberiore doctri- na perfruantur. Cura, vt quibus opus habent, ea ipsis subministrentur, ne qua re destituan- tur, abundè illis prouide victum ac vestitum. Et de alimētis enim hîc agi Græcis Latini con- sentiunt, vt quoniam de Creta in Græciam ad- nauigaturi erant, ea quæ ad viaticum sunt ne- cessaria, eos habere faciat, non sitarcis indige- re, vt Hieronymus, aut qui minus eum fortan intellexit, marsupis. Est autem, obiter, vtrum- que Græcum, *στραγία*, Polybio lib. 5. Philoso- pho Oeconomic. 2. militaris annona, com- meatus, frumenti diuisio seu frumentatio, *μαρ- σούριον*, saccus nummarius, in quo numi recon- duntur. Sequitur, *Discant autem & vestri*, Græ- cis, Hieronymo item & Ambrosio, nostri, sed siue secunda persona, Cretenses vobis sub-

*Necessaria
verbi pradi-
catorib⁹ sup-
peditabātur
à fidelibus
auditoribus.*

diti, habes, ait, in discipulos potestatem, siue prima, vt suos vocet qui in Christo crediderant, qui quia Christi erant, rectè & Pauli & Titi appellari merebatur, est occultæ, quæ suboriri poterat, quæstionis & responsionis solutio, vt non tam Titus, quàm quicumque epistolæ lector hoc diceret: Et vnde Tito, vt viaticum non habentibus largiretur? Soluit, & quasi nihil sibi opponatur, elidit, q. d. Si non habes, vel si quæris vnde hæc accipias, prouideant quos ego ad Christum conuerti, & tibi diuinis instruendos reliqui. Doce, imò doceamus & nostros quoque fideles ex gentibus, sicut ex Iudæis, & alij de Asia cōuersi faciunt, qui suis prædicatoribus, & alijs indigentibus prouident, *bonis operibus præesse*, vel sibiipsis, de die in diem, vt sic cum Brunone loquar, meliorando, vel illos, Iudæos scilicet & Asiaticos excellere, & fratribus alijs rectè factis præire ac præuenire, vt sit eius quod paulò antè dixit, repetitio. Current bonis operibus præesse, qui credunt, q. d. Potuissem & aliter eis prouidere, ne vlla re indigerent, velim tamen, vt qui apud te sunt, ex iis quæ illis præmittendis deducendisque suppeditaues, & quòd eos rebus ad iter necessariis instruxeris, addiscant in bonis erga proximos meritis exerceri, & alijs prælucere, *ad usus necessarios*, siue doctrina eis, siue eleemosyna & humanitate opus fuerit, rationem indigentium habentes, verbis, pecuniis, & quibusvis modis eis succurrere, eosque fouere, nec in quibus

cunque tamen causis ministrare, sed in vñsibus necessariis, habentes quippè victum atque vestimentum, his contenti simus, 1. Tim. 6. & qui altari seruiunt, de altari viuunt, & qui participes spiritualium nostrorum facti sunt, debent nobis sua communicare temporalia, vbi paulò suprà. *vt non sint infructuosi*, vel sibi, Dominum sic multimodè demerētes, vel doctoribus suis, eis necessaria modò, non quzlibet aut superflua ministrando, Laborantem enim agricolam oportet primum de fructibus accipere, 2. Tim. 2. Et, Quis plantat vineam, & de fructibus eius non edit? & debet qui arat aut triturat, in spe id agere fructus percipiendi, 1. Cor. 9. Conuenit ergo eos quibus diuinà docēdi munus creditum est, fructus huiusmodi ferre, de quibus Salomon, citante Hieronymo, fructus verò eleemosyna, Pròu. 3. & Paulus primum spiritus fructum charitatem vocat, Gal. 5. quæ in communicatione & ministerio vel maximè comprobatur. Ergo ne forsitan vel Pauli epistolam, vel Titì præceptum contemnerent, infructuosos vocat, quicumque viris Apostolicis, & Christum euangelizantibus non ministrant, quibus necessaria nolle tribuere, sterilitatis est seipsum condemnare. Si enim populus, Dei vinea est, fructum ferre debet, non spiritualement tantum, sed & temporalem, quo qui plantant atque rigant. 1. Cor. 3. sustententur, & qui verbo catechizatur seu docetur, catechista in bonis omnibus cōmunicet. Gal. 6.

*Necessaria
modò pete-
bans verbis
præcones.*

*Charitas,
primus fru-
ctus spiritus.*

*Infructuosi
auditores,
qui sint.*

quia qui parce seminat, parce & metet, 2. Cor. 9. & qui libenter ac benignè largitur, copiosè colliget. Aliàs infructuosus futurus, & vt arbor fructum bonum non faciens, excidendus & in ignem mittendus, Matth. 3. 7. Luc. 3. At Græci de fructum hunc dantibus magis quàm accipientibus exponunt, quasi suo more Paulus, hic vt ubique, illis quàm his potius consultum veliet, nec tam vt ministri aut pauperes accipiendo lucrum inde faciant, quàm vt fideles eis dando, ex ea, qua in proximos vsi fuerint, humanitate commodum capiant, ac fructum referant. Poterat Dominus, qui ex paucis panibus & pisciculis tot hominum milia non semel refecerat, & seipsum & discipulos sic semper alere, sed maluit à mulieribus alii & victum capere, Luc. 8. vt & ex inde proficerent, & fructum consequerentur. Poterat & Apostolus eius, qui manuum suarum ministerio sibi suisque necessaria suppeditabat, idem faciendi & aliis exemplo suo necessitatem imponere, at ab aliis contrà & exigit, & accipit, & suo quoque exemplo idem exigendi accipiendique potestatem posteris fecit, 1. Cor. 9. sed audi, quare ad Phil. 4. qui ei in ratione dati & accepti siue expensorum communicauerant, & quæ illi opus fuerant, bis miserant, Non quia, inquit, quero datum, donum, munus, sed requiro fructum exuberantem in rationem vestram, hoc est, Euangelij profectum, quæ res vobis sit utilissima. Idem de eleemosyna &

*Christus cur
non se miraculo
aluit
& suos.*

beneficentia dici potest, non tantam eam accipientibus, quantam & facientibus vtilitatem *Eleemosyna vtilitas.* afferre. Peccatis enim resistit, extinguit, expiat, Ecclesiastici 3. Dan. 4. redimit. Tob. 4. & 12. liberat ab omni peccato & morte, nec patitur in tenebras ire, facit inuenire misericordiam, & vitam æternam, Magna coram summo Deo fiducia, Eleemosyna omnibus eam facientibus. Consequenter & postremò salutatur Titum Paulus, primum ex parte filiorum, siue sociorum: secundò rogat & alios salutari, tertio salutem suam ponit, *Salutant te qui mecum sunt, omnes.* Salutem dicunt, & tibi præcantur comites mei, Omnes propter compendium & breuitatis causa, tacitis nominibus, consalutatores, vel solita consuetudine vsus, vel propriè in Titum, cuius magna laus per Paulum ab omnibus salutari, quòdque talis esset, vt amorem omnium qui cum Paulo erant, mereretur. Illi ergo re, ait, salutant. Tu quoque ex nostra parte *Saluta eos qui nos amant ex fide,* vel vniuersaliter apud Cretam fideles, seu Christianos, vel salutatione dignos videri vult, qui fideliter, non fictè, & affectu Christi, fideique causa, non aut carnis, aut sanguinis. Si enim omnis qui amat, in fide amaret, nec essent qui absque fide diligerent, fidem ad amorem non apposuiisset. Amant & quædam matres filios, vel pro eis emori paratæ, sed interdum non in fide, Et vxores maritos, frequenter & eis immortalæ, sed amor hic interim

Amor ex fide, qui sit.

non est fidei. Sola sanctorum dilectio in fide diligit & charitate, etiam infideles & inimicos, sed ea intentione ut fideles fiant, & sic amici, iuxta illud, Omnia vestra in fide & charitate fiant, quia credit in eum, qui pro eius mandati expletione mercedem retributurum se pollicitus est. Veritatis igitur magister non vult aliter amari, quàm ex solo pietatis instituto. *Gratia Dei cum omnibus vobis*, supple, sit, aut adsit. Hieronymus admonet, nec Dei in Græcis codicibus, nec Domini nostri haberi in libris authenticis. Nunc generaliter salutat omnes fratres & Titi domesticos, nec vni scribit propter ipsius tantum utilitatem, sed propter totam Ecclesiam in commune sanctis atque credentibus. Et sicut patriarchæ benedicebant filios, Gen. 27. 49. Deut. 33. Et Apostoli quocunque ingredienti, pacem optabant super dignos requieturam, ab indignis ad illos reuersuram, Matt. Luc. 10. Ita nunc & Paulus in fine Epistolæ, gratiam imprecatur, quæ cum voto effectum habebat, & in credentium erat potestate, si talem se benedictus, qualem benedicens præbere voluisset. Est autem gratia bonorum omnium principium, vitæ beatæ arra, q. d. Velim, aut comprecor & exopto, ut Dei donum, & qua indigemus omnes, Rom. 3. vobiscum semper maneat, animasque vestras & corpora perpetuò tueatur, conseruet, ac custodiat. Amen, verè, siue fideliter. Ad Titum quidem primum Ecclesiæ

*Gratia, vi-
ta beata
arra.*

Cretenſium epiſcopum ordinatum, ſcripſiſſe
 Paulum hæc eſt Nicopoli Macedoniæ oppido
 Græci monent, nobis autem omnibus pro-
 ſectam ex iis vtilitatem præbere. His enim
 theſauris vt communibus fruimur, Vtinam
 & nos ſeruare poſſimus quæ collecta
 ſunt, in Chriſto Domino, cum
 quo Deo Patri vnà cum S.

Spiritu omnis ho-
 nor & glo-
 ria.

Zz iiij



D. ÆGIDIO BURDINO
IN AMPLISSIMO SENATU
Parisiensi procuratori Re-
gio, V.C. S.P.

CVM in hac Vrbe ante annos plus minus decem, loco scilicet atque tempore valde alieno, negotium mihi exhibitum esset, quo vti me explicarem, opera mihi tua, id est, autoritate Regia fuit opus. Collegi raptim carptimque, quæ tum mihi super eius negotij argumento in mentem venerunt, nihil minus quam de illis in lucem vnuquam edendis tunc cogitans. Nunc verò pro ea quam ad superius argumentum habet, vicinia, quod tum verè parturij, iam demum pario, edo, tibi que V.C. nuncupo, ut cuius patrocinio collector tunc in tuto fuit, eiusdem quoque nomine collectaneum publicè securum obambulet. Erit autem publicum quoque testimonium, quam reclus studiis que meis propitium semper te senserim, quamque eius, quo in bonis sacrisque literis & diu & senex fruor, ignobilis quidem, sed orij dulcissimi, & sum & ero, dum viuā, reliquator tibi non ingratus. Nā quò votis hoc magis omnibus vnum à Domino semper ex-

petiui, sempérque magis atque magis hoc unū
 requiram, tantò plus tibi gratia & debeo &
 habeo: In qua, prout atque deberem, habenda
 quominus prolixus sim, quod scripsit Flaccus
 ad principem, non immeritò apud te, diligen-
 tissime principis procurator, excusem,
 Cùm tot sustineas & tãta negotia solus,
 in publica commoda peccem, Si lon-
 go sermone morer. Incolumem ergo
 Christianissimo Regi, Regno & Rei-
 publica nostræ diu te conseruet. Al-
 tissimus. Lutetia, ex ædibus
 Rhemæis Calēdis, Maij.
 Anno Domini

1567.



*Appendix ad superiorem hæreseologiam, eodens
Claud. Espenc. collectore.*

DE legēdis hæreticis, quatenus & à qui-
bus legi possint aut debeāt, expressus
est Ecclesiæ canon 16. Carthaginen-
sis Concilij 4. Dist. 37. ca. Episcopus
hæreticorum libros pro necessitate & tempore
legat. De quo multò anterior Dionysius Alexā-
drinus episcopus ad Philemonem Rom. Pres-
byterum sic scripsit, Ego hæreticorū tractatus
lego, & traditiones perscrutor, etiāsi videar ad
horam verbis eorum pollui: Sed multum mihi
hoc ipsum confert, quando ex ipsorum verbis
eos arguere atque repellere facilius possim, ma-
gis etiam ac magis execrer atque detester. De-
nique cum à quodā fratre sympresbytero pro-
hiberer, verito, ne taliū lectione, tāquam cæni
alicuius fœtore, polluerer, visio mihi diuinitus
oblata est, & vox exhibita, quæ me confirma-
uit, huiusmodi. Disertè enim & clarè mādauit,
dicens, Legito omnia quæcunque in manus ti-
bi venerūt. Disquirere enim & explorare potes
omnia, & hæc tibi fidei ab initio amplectendæ
causa fuit, Hæc visionem accepi vt Apostolicæ
voci congruentem, quæ firmioribus dicit, Esto
te probati spectatq; trapezitæ. Ita Niceph. lib.
6. cap. 8. Vetus Eusebij interpres Ruffinus libr.
7. ca. 6. allusum ad id putauit. Omnia probate,
sive legite, quæ bona sūt, tenete. i. Thess. 5. Re-
cens cap. 7. ad id. i. Petr. 4. Sicut probati dispen-
satores. Ambr. initio præfationis in Lucam, de

*Dionysius e-
piscopus Ale-
xandrinus.*

*Visio diuini
tus oblata
super hære-
ticorū librū.*

pseudeuāgeliiis heret. legim⁹ aliqua, ne legātur, legimus ne ignorem⁹, legimus nō vt teneam⁹, sed vt repudiem⁹, & sciamus qualia sunt, in quibus magnifici isti cor exaltāt suū. Et de fide ad Grat. Aug. li. 1. ca. 8. Patres nostri suis etiā decretis sacrilega dogmata ideo īserēda putauere, vt Arij perfidia se proderet, ne quasi fucis & coloribus illita velaretur, fucū enim faciūt, qui non audēt explicare, quod sentiunt censorie. Augustini matri episcopus quidam in ecclesia nutritus, & in Dei libris exercitatus, roganti vt filij errores refelleret, mala dedoceret, bona doceret, prudenter respōdit, Sine illū ibi, tantū roga pro eo Dominū, ipse legēdo reperiet, quis ille sit error, & quanta impietas. Ego quoque, ait, paruulus à seducta matre Manichæis datus, omnes pene non tantum legi, sed & scriptitauī eorum libros, mihīq; apparuit nullo contrā disputāte & cōuincēte, quā fugiēda secta esset, ideoque fugi. Restituto diacono cuidam epist. 69. Lege (ait) Tychoniū Donatistā, nō omnia quidē probaturus, Nā quæ in eo cauēda sūt bene nosti, cuius etiā quem regularum is vocauit librū, non tantū non dedignatur tantus doctor sequi, & legendū studiosus cōsulere, quia plurimū ad scripturas intelligēdas, nō vt de illo tantū speretur, quātū nō habet, cautē, ait, sanē legēdus est, non ob quædam solū in quibus vt homo errauit, sed ob illa maximē, quæ vt hæreticus loquitur, & illic inuenitur absurdissimī cordis, vbi Donatistas, in quos inuectissimē

Matri D.
Augustini
pro ipso sollicita
prudenter
respōsum.

Regularum
liber.

*Augustinus
Donatistis li-
teras scribe-
bat.*

scripserat, nō omni ex parte reliquerat. De do-
ctr. Christ. lib. 3. cap. 30. Et quidni hæreticos le-
geret S. August. ad quos etiā priuatī scribebat?
Nam epist. 162. Donatistarum episcopis scri-
bit se ad nonnullos eorum primarios scripisse
literas, non quidem cōmunicatorias, quas iam
olim ob suam peruersitatem ab vnitāte catho-
lica toto orbe diffusa non accipiunt, sed tales
priuatas, qualibus etiā ad paganos vti licet,
Et adeo non abhorruit à legendis eorum re-
sponsis, vt queratur literis suis, quas aliquando
illi legerant, Respondere eos vel noluisse, vel
vt magis creditur, nequiuisse, se satis interim
charitatis officium impleuisse visum, quam nō
solū nostris, sed omnibus nos debere docet
Apostolus. Quos etiā vir mitissimus Domi-
nos dilectissimos, & fratres merito prædican-
dos salutat, vt & alibi Madaurenses Idolola-
tras, quorum epistolam acceperat, Dominos
prædicabiles, & dilectissimos fratres vocat, E-
pistola 42. En super hæreticorum etiā literis
obiter, nedum libris, Latinorum Orthodoxo-
rum iudicium: Quibuscum Græci itidem catho-
lici sentiunt, Ita Basilii Magnus, & Nazianze-
nus Theologus, autore in huius vita Gregorio
Presbytero, Per omnes tam meliores quā de-
teriores (vt dici solet) disciplinarū semitas gra-
diebātur, quo quædam declinare, alia cum pru-
dentia eligere possent, Siquidem laudandum
qui dixit, ignominiosum non esse etiā, quod
minus bonum sit, cognoscere, nimirum ex quo

*Augustini
modestia er-
ga hæreticos.*

remedium iis contingere soleat, qui beneuolè,
 non odiosè, quæ dicuntur excipiunt. Et huc spe-
 ctat eiusdem Basilij, ad Letoium Melitensem e-
 piscopum similitudo, Medicinæ studiosis me-
 dicæ artis magistros venena omnia & noxia
 quæque ac morbifica non ideo discèda propo-
 nere, vt eos vti horrentur, nec vt rerum nocē-
 tium notione ad malitiam instructiores & acu-
 tiores, pro medicis humanæ vitæ corruptores
 euadant, & pro medicinis pestes atque perni-
 cies innotescant, sed toxica naturalis nostræ fa-
 cultatis corruptoria & perēptoria edocti, con-
 trariis medicamentorum compositionibus op-
 positis præcaueant, corpora præseruent, quæq;
 eis accidunt, arte atque disciplina tollant. Sic
 Origenes, Homil. 3. ad id Exod. 4. Domini ad
 Mosem, Aperiam os tuum, & instruem quæ te
 loqui oporteat, Deus non Moyse tantum, sed
 & Aarō fratri, & prophetis os, labia, linguam
 aperit, dilatat, ac eloquio suo replet, Dauidi
 Psal. 50. 80. Esaia 50. vt sciant tempore suo lo-
 qui verbum, Paulo Eph. 6. Et quotquot Dei ver-
 ba loquuntur. Mendacium contrā, falsorum te-
 stium, scurrarum, turpiloquorum, susurronum,
 detractorum, otiosa proferentium, multò autē
 magis iniquitatem in excelsa loquentiū, vt Do-
 minum in carne venisse negantiū, aut Spiritum
 sanctum blasphemantium, quis dubitet quòd
 talium ora Diabolus aperiat? Nō paræ itaque
 gratiæ intelligere os quod Deus, quodvè Dia-
 bolus aperiat, non est sine Spiritu sancti gratia

*Venenarum
 natura cur
 medicis per-
 scrutanda.*

*Deus ora
 praconū suo-
 rum aperit.*

*Diabolus
 quorum ora
 aperiat.*

Discretio spirituum.

Aurium apertio.

Oculorum apertio.

Aures ad qua claudenda.

Non audire & non suscipere differens

os huiusmodi discernere: Ideoque in diuisionibus spiritualium gratiarum additur spirituum discretio, 1. Cor. 12. De qua 1. Ioan. 4. Probate spiritus, si ex Deo sint. Ut autem sanctorum ora, sic & aures ad audienda diuina verba Dominus aperit Esaiæ, ubi paulò antè, & oculos quoque Agar, Gen. 21. Elisæi puero, 4. Reg. 6. Et os ergo, & oculos, & aures aperit, ut loquamur, cernamus, audiamus quæ Dei sunt. Sed non otiosè accipio quod Esaias propheta antè dicit, Eruditio Domini aperuit mihi aurem, ut sciam quando oporteat dici, aut etiam audiri verbum. Quod mihi videtur ad nos, id est, ad omnem Dei Ecclesiam pertinere, Quæ enim in Domini disciplina versatur, & per Domini eruditionem aperitur, non semper aperta est, sed & aliquando clausa. Audi legislatorem dicentem, Ne respexeris (fortè receperis) auditum vanum, Exod. 23. Si quando vana, inania, inepta, turpia, profana, scelestæ dicuntur, qui nouit Domini eruditionem, claudit aures, auertit auditum, & sicut surdus, & sicut mutus os suum non aperit, Psalmo 37. Sin ad utilitatem animæ quæ proferuntur, pertinent, si de Deo sermo est, si mores docet, virtutes inuitat, vitia refecat, huiusmodi eloquiis patère debent non aures modo, sed & cor, mens, totaque ad talem auditum animæ ianua pandenda est.

Summa autem præcepti moderatione lex vitatur, ut non dicat (non audies) sed non suscipies auditionem vanam: Nam & vana frequenter

audimus, Quæ Marcion, Valentinus, & quicumque contra creatorem Deum loquuntur, vana sunt, ea tamen nos audimus, vt aduersum ea respõdere possimus, ne fortè subrepant simplicioribus quibusque fratrum per sermonis ornatum, Audimus ergo hæc, sed non recipimus, dicta enim sunt de ore quod Diabolus aperuit, Ideoque orandum, vt dignetur Dominus aperire os nostrum, vt possimus contradicentes reuincere, Tir. 1. & ora quæ Diabolus aperit, obturare. Equè tum prolixa, tum clara allegoria idem ostendit, Homil. 9. In Numer. 16. Apud Deum nihil inutile, vel otiosum intelligi datur, sed quæ hominibus alienanda videntur & abiicienda, aliquid operis necessarij habere inueniuntur, hunc intellectum suggerit lectio, quæ de batillis Chore, reliquorumque qui cum eo peccauerunt, & combusti sunt, commemorat, quod ne hæc quidem iubet abici Deus, sed fieri ex eis laminas ductiles, & inde altare circumdari: Manifestè alicubi dicit Dominus, Non sunt cõsilia mea sicut consilia vestra, nec cogitationes meæ sicut cogitationes vestræ, Esa. 55. Si apud homines hodie hæc causa, & apud Ecclesiarum principes haberetur examen de iis qui V. G. diuersa ab ecclesiis docentes, diuinæ vindiæ pertulerint ultionem, nonne iudicaret si quid locuti sunt, docuerunt, aut scriptum etiam reliquerunt, vniuersa pariter cū ipsorum deperire cineribus? Sed non sunt iudicia Dei sicut iudicia nostra,

*Batillarum
Chore & so
ciorum serua
torum myste
rium.*

*Iudicia Dei
à nostris mul
tū diuersa.*

Audi enim quomodo de batillis eorū, qui contra Dei prophetam insurrexerant, circuli fieri iubetur, & in altaris affigi circuitu, Chore figuram eorum tenent, qui cōtra ecclesiasticam fidem, & veritatis doctrinam insurgunt, Is ergo cum suo cētū in batillis æreis ignis alieni obtulit incensum, & iubetur quidem ignis alienus dispergi & effundi, ex batillis autem quia sanctificatis, & corā Domino oblatis, laminas ductas altari apponi: hæc autem batilla scripturæ diuinæ figuram tenent, cui hæretici sensum & intelligentiam à Deo alienā, atque veritati contrariam introducentes, velut alienum imponētes incensum, Domino execrabile, non suaue offerunt, forma ecclesiarum sacerdotibus data, ut si quādo tale quid fuerit exortum, ea quidem quæ à veritate aliena sunt, ab ecclesia penitus abstrudant, Sed si qua in hæreticorū verbis diuinæ scripturæ sensibus inveniūtur inserta, ne pariter cum his quæ fidei sunt contraria respuantur, Sanctificata enim sunt quæ de diuina scriptura proferuntur, & Domino oblata: Sed alio adhuc modo intelligi potest, quod de peccatorū batillis præcipitur, ut altari iungantur ac socientur, quod enim græca dicuntur, non videtur otiosum, Nam ubi vera fides est, & integra verbi Dei prædicatio, aut argentea dicuntur, aut aurea, ut auri fulgor fidei declaret puritatem, & aurum igne probatum eloquia examinata significet, Psal. II. area autem in vocis tantum sono consistunt, non in spiritus virtute, & sunt

*Aurea que
intelligantur
in sac. scri-
ptura, que
item argentea
& que area.*

sunt tanquam ærumentum sonans, aut cymbalum tinniens, 1. Cor. 13. Batilla, ergo ærea, id est hæreticorum voces, si adhibeamus ad Dei altare, vbi diuinus ignis est, vbi vera fidei prædicatione, melius veritas ex falsorum comparatione fulgebit. Si enim ponam dicta Marcionis V. G. Basilidis, aut alterius cuiusvis hæretici, eaque veritatis sermonibus, ac diuinarum scripturarum testimoniis, velut diuini altaris igne confutem, nonne euidentior eorum ex cõparatione apparebit impietas? Nam si doctrina Ecclesiastica simplex esset, nec vllis intrinsecus hæreticorum dogmatum assertionibus cingeretur, nõ poterat tam clara & examinata videri fides nostra, sed idcirco doctrinam catholicam contradicentium obsidet oppugnatione, vt fides nostra exercitiis elimetur, non otio torpescat. Oportet (ait Apostolus 1. Cor. 11.) hæreses esse, vt probati quique manifesti fiant inter vos, hoc est dicere, Oportet hæreticorum batillis altare circumdari, vt certa & manifesta omnibus fiat fidelium & infidelium differentia, Cum enim fides Ecclesiastica velut aurum cõperit resplendere, & prædicatione eius vt argentum igne probatum intuentibus resplenduerit, tunc maiore cõturbitudine hæreticorum voces, obscuri æris vilitate sordebunt, Quæ enim bona sunt, bona esse ex deteriorum magis comparatione noscuntur. Et quis bonam esse lucem sciret, nisi noctis tenebras sentiret, quis mellis dulcedinem nosceret, nisi amaritudinis gustum acc-

*Hæreses cur
in Ecclesia
necessaria.*

*Bona, deteriorum
comparatione
magis elucescunt.*

*Virtus sine
colluctatione
non existit*

*Iustus per cō
parationem
ut intelliga-
tur quis.*

pisset? Diabolus denique & oblectantes aduersum nos contrarias potestates si auferas, animi virtutes sine colluctante non poterunt enitescere, Sic & fidelium ergo sacerdotum gloria non poterit resplendere, nisi eam infidelium reprobatio & poena commendet. Sed & ex iis quae legimus, linguli quique iustorum magis ex ceterorum collatione clari apud Deum habiti sunt, ut Noë iustus quidem & perfectus, non ex integro, sed in generatione sua pronuntiatur, Gene. 6. Loth, quanto Sodomitarum quotidie deteriores fiebant, tanto iustior apparebat, Gene. 19. Caleb & Iannes (vel potius Iosue) bona nuntiandis, & populum in proposito permanere hortantibus immortale à Domino meritum contulit non tam sua confessio, quam sodalium formido, qui meticulosis sermonibus desperationem popularibus incusserant, nec tam magnifice in duobus animi virtus inclaruisset, nisi reliquorum decem turpis ignavia patuisset, Numer. 13. Haec de batillis eorum qui condemnati sunt, quae altari iubentur affigi, quod ex inferiorum comparatione iusti clariores appareant, Haec unus tam multa Origenes. Qui etiam de se scribit, quod cum ad eum haeretici quoque quamplurimi vel percontandum vel impugnandum ventirent, visum sibi eorum dogmata diligenter perferutari, ne ad eos conuincendos, si quae apud eos essent, ignoraret, imparatior inueniretur, Euseb. lib. 6. ca. 15. Nicephor. li. 5. ca. 13. De cuius tamen libris non minores quam de

dogmatibus turbas excitauit antiquitas, vt quo nemo melius vbi bene, nemo peius, vbi malè, scripserit. Sed multa sanè non sana, adeòq; manifestè insana licet effutierit, lectū tamen semper magno cū fructu etiā à catholicis, vel hinc constat, quòd D. Athanasius clara voce hūc virum in Nicenæ fidei testē in libris suis contra Arianos, diu antea mortuum velut excitauit, & vti præterquā quod in eius operibus extat, obiecit Epiphanio sanctissimus vir Theotim⁹ Scythiæ episcopus. Quin & Basil. & Nazianzenus, cū in eius libris se exercuissent, & inde sacrarum literarum sententiā didicissent, multum per id temporis emolumēti Synodi Nicenæ sectatoribus contulerunt, Arianis strenuè restiterunt, eosque Origenis scripta ad dogma suum probandum afferentes refellerunt, non satis illius sententiā assecutos ostēdentes, Socrat. lib. 4. cap. 26. Sozomen. lib. 6. cap. 17. Nicephor. lib. 11. cap. 17. Quem etiā tam multi Latini Orthodoxi Gracè periti transferendo suum fecerūt, Hilarius, Victorinus, Ambrosius, & cæteri catholici (vt omittam Didymum, Eusebium, & alios Origenis assertores) quorum se exemplo Hieronymus eiusdem mirator, laudator, & interpretres defendit, Augustinus quod Gracè minus nosset, translatum cupiebat ita Hieronymo scribens, Epist. 8. Petimus & nobiscū petit omnis Africanarū Ecclesiarum studiosa societas, vt interpretandis eorum libris qui Gracè scripturas nostras quā optimè tractauerunt,

*Origenis elo
gium.*

*Augustinus
non satis gra
cè doctus.*

*Augustini
& Hierony-
mi testimo-
nium de Ori-
gene.*

curam & operam impendere non graueris, potes enim efficere vt nos quoque habeamus tales viros, & vnum potissimum quem tu libentius in tuis literis sonas, Origenem indubiè, cuius ingenium immortale, incredibile studium, indefatigabilem legendi scribendique instantiam toties miratur, & commendat Diuus Hieronymus, quem cunctis idem placere prudentibus, quem omnes in cæteris vincere, quæ denique alterum post Apostolos Ecclesiarum magistrum, neminem nisi imperitum, negare, scribere non dubitauit, licet, vt excusare videtur adhuc adulescentulus, & iuxta Didymi sententiam, quem & ipsum præceptorem suum, prophetam videntem, & virum Apostolicum in suis idem literis nominauit. Ob quàm immo-
dicas Origenis laudes (quas cum passim apud Hieronymum, tum ad Tit. 3. cap. Ad Marcellā, Item in epistolis, ad Paulam & Eustochiū, prologo lib. 2. super Micheam, præfationibus in Mosē, Iosue, Paraleipomena, Canticā, Ezechielem, & Hebraica nomina, & alibi legere est) cū quidam virum etiam tantum in falsis & impiis dogmatibus *ὁριζήσιν* suspicarentur, vel calumniarentur potius, quæ is pro sua Origenicorum voluminum lectione, versione, imitatione, compilatione respondit, in re valde præsentem sunt, quatenus catholicis hæreticorum mentio, etiam interdum cum laude non tantū libri liceat. Amicis ergo Pammachio & Oceanō extimulantibus, vt se ab hominum suspi-

cionibus & calumniis purgaret, & ab Origenistarum erroribus alienum ostenderet, rescribit Origenis doctrinam se, nō dogmata laudasse, Laudaui (inquiens) interpretem, non dogmatisten, ingenium, nō fidem, philosophum, non Apostolum; eius tamen dogmatibus semper cōtraiui, Quæ enim stultitia est sic alicuius laudare doctrinam, vt sequaris & blasphemiam? B. Cyprianus Tertulliano magistro vitur, eruditi ardētisque viri delectatur ingenio; non etiam cum eo Mōtanum sequitur, nec bonis aduersariorum (si honestum quid habuerint) detrahendum, nec amicorum laudanda vitia, sed vnumquodque rerum; non personarum pondere iudicandum. Apollinarium frequenter audiui & colui, & cum me in sanctis scripturis erudiret, nunquam contentiosum illius super sensu (dimidiatam scilicet œconomiam introducentis, hoc est, mentē Christo auferētis) dogma suscepi, fortissima & egregia cōtra Porphyriū volumina scripsit, probō laborē viri, licet fatuum in plerisque dogma contēnam: Quod autem opponūt cōgregassē me libros Origenis, super cunctos homines, vtinam omniū tractatorum haberem volumina, vt tarditatē ingenij lectionis diligentia compensarem, Cōgrēgaui libros eius (fateor) & ideo errores nō sequor, quia scio vniuersa quæ scripsit: Credite experto, venenata sunt eius dogmata, à scripturis sanctis aliena, & vim eis facientia. Legi, inquā, legi Origenem, & si in legendo crimē est, fateor, &

Origenis doctrina non dogmata laudata.

Cypr. Tertullianū admiratus.

Tertulliani laus & ingenium.

Apollinariū ingenium & fatuū in plerisque dogma

Origenis dogmata venenata.

nostrum marsupium Alexandrinæ (cuius videlicet fuit Origenes) chartæ euacuauerunt, Sed Origenistes nunquam fui, Origenem nūquam secutus sum, cur ergo in opusculis tuis laudasti? Et hodie laudatē, nisi vos (Ruffine, & similes) eius laudaretis errores, non mihi displicet ingenium, nisi quibusdam eius placeret impietas. Et Apostolus præcipit omnia legentes, quæ bona sunt retinere. Quis mihi interdicare potest ne legam Lactantij, quibus contra gentes fortissimè scripsit, institutionū libros, quia eius in Spiritus sancti substantiā Iudaica atque detestanda est sententia? Tū subscriptis præcipuis Origenis erroribus, cum hæc (inquit) reieceritis, & quasi cæSORIA virgula separaueritis à fide Ecclesiæ, tutò legam cætera, nec venena tā timebo, cum antidota præbitero, nec mihi nocebit hominem Ecclesiarum doctorem nominasse, nisi fortè accusare debui; cuius rogatus, opuscula transferebam, & in prologò dicere, hic què interpretor, Caue lector, ne legas, fuge viperā: aut si legere volueris, scito à malis hominib⁹ & hereticis esse corrupta, timere tamen non debes, vitia enim omnia correxī, hoc est aliis verbis dicere, Qui interpretor, catholicus sum, què interpretor, hæreticus est. Ego callidus qui emendaui, silens quod volui, silens crimina non feci inuidiam criminoso. Aiunt & medici grandes morbos non esse curandos, sed dimittendos, ne modè languorem exasperet; ante annos prope 150. Origenes mortuus est, Quis Lati-

Legenda omnia, sed bona retinenda. Lactantij error in substantia Spiritus sancti.

norum ausus est transferre (quæ Rufinus
 scilicet tunc transtulit) & per infame opus
 seipsum voluit infamari ? Si malo in eum a-
 nimo fuisset , hos libros interpretatus es-
 sem , vt mala eius etiam Latinis nota face-
 rem , sed nec multis rogantibus facere ac-
 quieui , non enim consueui eorum insultare
 erroribus , quorum miror ingenia . Si ad-
 huc viueret vester amasius , irasceretur vo-
 bis fautoribus suis , & cum Iacob diceret ,
 Odiosum me fecistis mundo , Genesios tri-
 gesimo quarto . Vult aliquis laudare Orige-
 nem ? laudet vt laudo . Magnus vir ab in-
 fantia , verè martyris filius , Alexandria Ec-
 clesiasticam scholam tenuit , voluptates fu-
 git , calcauit auaritiam , scripturas memori-
 ter tenuit , in studio explanationis diebus de-
 sudauit & noctibus , innumerabiles tracta-
 tus quos in Ecclesia locutus est , & Com-
 mentarios edidit . Quis ardentem in scriptu-
 ris animum non miretur ? Quod si quis ze-
 lotes opposuerit nobis errores eius , audiat
 liberè , interdum magnus dormitat Home-
 rus . Verùm operi longo fas est obrepere
 somnum . Non imitemur eius vitia , cuius vir-
 tutes non possumus sequi . Errauerunt in fide
 alij tam Græci quàm Latini , quorum non ne-
 cesse est proferre nomina , ne aliorum cum
 errore , non sui merito videamur defendere ,
 & cæteros accusare , non hunc excusare : Sed
 cum in fidei prauitate nec saltem Apostolus ,

*Origenem au-
 dor in seri-
 pturis.*

nec angelus defendendus sit, Gal. I. & Origenis simpliciter fatear errorem, sic legam ut ceteros, quia sic errauit ut ceteri. Sed si multorum communis est error, cur solum persequeris? quia vos solum laudatis ut Apostolum, Tolle amoris, *ὑπερβολὴν*, & nos tollimus odij magnitudinem. Ceterorum vitia de libris suis ad hoc tantum excerpitis, ut huius defendatis errorem, Origenem sic fertis in cælum, ut nihil eum errare dicatis. Eadem sed breuius Minerio & Alexandro, Si quis contraria actionis immurmurat, quare eorum explanationes legam, quorum dogmatibus non acquiesco, sciat me illud Apostoli libenter audire, Omnia probate, quod bonum est, tenete, & Saluatoris verbum, Estote probati humularij, ut si quis nummus adulter est, & figuram Cesaris non habet, nec signatus est moneta publica, reproberetur, Qui autem Christi faciem claro præfert lumine, in cordis nostri marsupium recondatur. Ego & in adolescentia & in extrema ætate profiteor Origenem, Eusebium, Theodorum, Acacium, Apollinarium viros esse doctissimos, sed errasse in dogmatum veritate, & tamen omnes in explanationibus scripturarum sudoris sui memoriam nobis reliquerunt, in terra autem quæritur, & de fluuiorum alucis splendens proferatur glarea, Pactolusque cæno ditior est, quam fluento. Meum propositum est antiquos legere, probare singula, bona retinere, à fide Ecclesiæ catholicæ non recedere, ut Tran-

*Doctissimos
viros errasse
in dogmatum
veritate.*

quillino quærenti propter multos simplices
 Origenis errore deceptos, an iuxta Fauſti-
 num penitus reſpuendus, an ſecundum quos-
 dam ex parte legendus, Origenem, ait, propter
 eruditionem ſic interdum legendum arbitror,
 vt Tertullianum, Nouatum, Arnobium, Apol-
 linarium, & nonnullos Eccleſiaſticos ſcripto-
 res Græcos pariter & Latinos, vt eorum bona
 eligamus, & contraria vitemus, iuxta Apoſto-
 lum, Omnia probate, bonum tenete. Qui au-
 tem vel in amorem eius nimium, vel in odiũ
 ſtomachi ſui prauitate ducuntur, Videntur mi-
 hi maledicto prophetico ſubiacere, Væ his qui
 dicunt bonum malum, malum bonum, qui fa-
 ciunt amarum dulce, dulce amarum, Nec enim
 propter doctrinam praua ſuſcipiẽda ſunt dog-
 mata, nec propter dogmatum prauitatem, ſi
 quos Commentarios in ſcripturas ſanctas vti-
 les edidit, penitus reſpuendi ſunt, Quod ſi con-
 tentioſum inter ſe amatores eius & obrecta-
 tores funem duxerint, vt nihil medium appe-
 rant, nec ſeruent modum, ſed totum aut pro-
 bent, aut improbent, libentius piam ruſticitate-
 m, quàm doctam blaſphemiam eligam. Sic
 amicis, inquã, Hieronymus de legendis quam-
 libet à fide aberrantibus, nec aduerſariis, alia
 reſpondit, Nam Vigilantio eius nomen & ami-
 cos huius rei ergò infamanti ſcribens, Eadem,
 inquit, abſenti ſignifico, quæ præſenti ſum lo-
 cutus, me ita Origenem legiſſe vel legere, vt
 Appollinarium, vel cæteros tractatores, quo-

*Origenes
 legendus.*

rum in quibusdam libros non recipit Ecclesia, non quo omnia illorum damnanda dicam, sed quædam reprehendenda confitear, Verû quia operis mei est & studij multos legere, vt ex plurimis diuersos flores carpam, non tam omnia probaturus, quàm bona electurus, assumo multos in manus meas, vt à multis multa cognoscam, iuxta illud, Omnia legentes, bona retinentes. Vnde satis miror Origenis te mihi obiicere dogmata, qui omnia contra Ecclesiâ dogmata reprehendo, & publica voce condemnno. Origenes hæreticus, Quid ad me, qui hoc in plerisque non nego? Errauit, &c. Si errasse non dicerem, & hæc quotidie non anathematizarem, essem erroris socius, nec enim ita debemus bona recipere, vt mala quoque suscipere cogamur, At idem scripturas in multis bene interpretatus est, Prophetarum obscura diseruit, noui & veteris testamenti maxima reuelauit sacramenta. Si igitur bona transtuli, mala vel amputaui, vel correxi, vel tacui, arguendus sum? Cur per me Latini bona eius habeant, mala ignorent? Si hoc crimen est, arguantur, & in culpa sint aliquot sancti Martyres & confessores, qui hæretici hominis commentarios in nostrum verterunt eloquium, licet hæretica prætermittentes, optima quæque transtulerint. Ad te ipsum veniam, ne non tam me defendere, quàm criminis socios, qui Origenem in scripturarum duntaxat explanatione secuti expresserunt, videar quærere, cur tractatus eius in Iob

*Hæreticorum
commentarij
per martyres
in Latinum
versj.*

descriptos habes, in quibus quædam loquitur,
 quæ Ecclesia non recipit? Tibi soli licet τῷ σοφῷ
 τὰ πῶ κατ' ἴσιν de cunctis & Græcis & Latinis tracta-
 toribus ferre sententiam, & quasi censoria vir-
 gula alios eiicere de bibliotheca, alios recipere,
 & cum tibi placuerit, me vel catholicum vel
 hæreticum pronunciare, nobis non licet per-
 uersa respicere, & damnare quæ sæpe damna-
 uimus. Lege opuscula mea, & liquidò peruide-
 bis me ab adolescentia nunquam alicuius au-
 toritate perterritum acquiescisse hæreticæ pra-
 uitati. Obrectatoribus item suis obiectibus,
 quod Origenis libros noxios, & Ecclesiasticæ
 fidei repugnantes in Latinum sermonem ver-
 tisset, sic breuiter respōdit priore in Ruffinum
 Apologia, quod ab alio (eodem scilicet Antima-
 cho suo) fraudulenter translati essent, nonnul-
 lis interpolatis, additis, mutatis, & dogmatibus
 quibusdam quidem impiis, quæ Romanæ au-
 res ferre non poterant. In meliorem partem ab
 interprete commutatis, quibusdam verò multò
 deterrimis, vel ita ut in Græco inuenerat, ver-
 sis, vel aliunde sic firmatis, ut qui in vno catho-
 licum legerat, in aliis hæreticum non cauēret,
 aut ergo totum fuisse mutandum, quod malum
 est, aut totum prodendum, quod optimum, &
 propter simplices noxia quæque detruncanda,
 Sin veritatis fides in translatione conseruanda
 fuit, non alia fuisse mutanda, alia intacta dimit-
 tenda. Sic enim præfantem praua se emenda-
 uisse, & optima reliquisse, scriptoris autoritate,

non interpretis libertate teneri, si quid in his quæ verterit, hæreticum comprobetur, & manifesti criminis arguitur, veneni calicē idcirco circumliuisse, vt simulata dulcedo virus pessimum tegeret. Ideoque vt mali operis astipulatorem, non vt interpretem in Ius Ecclesiæ trahendum. Simpliciter ergo se quod in Græco habebatur expressisse, non vt crederet lector his quæ (ait) interpretabar, sed ne crederet illis quæ Ruffinus antè transtulerat, Quo in opere duplex fuit vtilitas, dū & hæreticus autor proditur, & nō verus interpret arguitur, Ne quis me putaret, his quæ verteram consentire, interpretationis necessitatem præfatione muniri, docens quibus lector non deberet credere. Prior translatio auctoris laudem continet, & ad credendum prouocat, Secunda vituperationē, & ad non credendum mouet, adeo non laudās quæ transfero, vt laudantem cogar accusare. Eadem res non eadem mente perfecta est, imo vnum iter diuersos exit habuit. Absoluit Ruffinus quæ erant, ab hæreticis addita & deprauata simulans, addidit quæ non erant, asserens alibi ab eodem disputata, neque loca vnde se transtulisse dicit, monstrans: mihi studio fuit nihil mutare de vero, nā interpretabar vt mala interpretata conuincerem. Putatis me interpretem proditor fui, hæreticum prodidi, vt Ecclesiam ab hæresi vindicarem, hac interpretatio igitur mea cū pietatis habeat causam, non debeo impietatis argui, prodēs impium, quod

quasi pium Ecclesiis tradebatur. Cùm tam eius multa per tot annos nunquã scandalo fuissent, nulla de opere meo quæstio, nunquam Roma commota sit, quid necesse erat Latinis auribus tradere, quod detestatur & Græcia? Sic ille suæ Origenicorum non eorum tantùm in quibus mali nihil, sed etiam aliorum in quibus impietatis permultum, & lectionis & versionis causam, & à Ruffiniana differentiam reddit. Cur autem Origenem in quibusdam antè laudauerit, ex eodem antè audiuius: De imitatione verò ita postea, in commētariis sic Origenem, Didymum, Apollinarium, contraria licet inter se habentes dogmata secutus sum, vt fidei non amitterem veritatem. Quid enim operis habet commentarij? alterius dicta edisserunt, obscure scripta explanant, multorum sententias explicant, & plurium expositiones, sensus, intelligentiam, rationes & testimonia etiam inter se cōtraria ponunt, dicentes, hunc locum quidam sic edisserunt, alij sic interpretantur, illis aliter videtur, vt prudens lector cùm tam diuersa legerit, & multorū vel probanda, vel improbanda didicerit, iudicans quid verum sit, quasi bonus trapezita adulterinæ monetæ pecuniam reprober. Hac Hieronymi similitudine sanè quàm ad hanc rem apposita vtitur etiam Pamphilus Martyr (si modò is Apologetici, quod pro Origene extat, autor est, nam de hoc quoque magna non tunc tantum, sed hodièque controuersia est). Dolebat autem is (quisquis

*Commenta-
riorū ad sa-
cræm scrip-
turæ, utilitas.*

*Apologeticū
pro Origene,
autor.*

fuit) quosdam non tanto solum Origenica studio incusare, sed etiam aduersus eos qui hæc legerent, tanta inimicitia & pertinacia agere, vt nec venia dignos putarent, quæ secularium librorum, aut etiam interim hæreticorum percontandi cognoscendique studio decurrentibus impertiri solet, sibi scilicet solis concedendam probandi sermonis peritiã rati, vt si quid ab alio dictum est, retinere sciant, ab omni specie mali abstinere se nouerint, ab Origenicis autem libris ac lectoribus id mandati penitus excludant, quo probabiles iubemur effici trapezita, scientes quod bonum est, retinere, & a malo abstinere, vt si quis quidpiam eius legisse visus fuerit, hæreseos statim ab his perfundatur infamia, denique cum multis religiosi propositi viris, in quibus culpæ alioqui nihil inueniunt, ob id solum inimicitias exercent, si quorum studium erga Origenis libros propensius esse perspexerint, inuidiosè fingentes ab eis Origenem & Origenica Sanctorum vel Apostolorum, vel Prophetarum loco haberi, Quod equidem certum non habeo calumniandine voto factitent, an fortè tale quid à simplicioribus, & propensiorè affectu virum diligentibus vnquam audierint. Hæc non tam (opinor) Pamphilus scripsit ea paulò ætate superior, quàm Origenis studio Ruffinus affinxit, Cuius tempore Theophilus Alexandrinus, sana licet multa & Ecclesiastica fidei non repugnãtia Apollinarem, Origenem, & alios hæreticos scripsisse

*Trapezita
cõparati sa-
crarum lite-
rarum stu-
diofi.*

*Theophilus
Alexandri-
nus episcopus
D. Chryso-*

lib. I. Paschali confessus, monachis tamē simpli-
 ciorib⁹, & Anthropomorphitis id seditiosè vr-
 gentib⁹, vt periculū ab eis imminens euaderet,
 primū pollicitus, mox fratrū aliorum doctiorū
 quidem, meliūsq; sentientium, & Origenē de-
 fendentium odio percitus, & D. Chrysostomi
 episcopatu pellendi cupidus, D. Epiphaniū,
 clarum quidē, sed simplicem virum circumue-
 niens, & in partes suas pertrahens, collecta epi-
 scoporū Cypri Synodo, Origenis ante annos
 penē ducētos defuncti libros, & eorum lectio-
 nem interdixit, reclamantibus tamen vbi rescī-
 uerunt, viris tum sanctissimis Theotimo Scy-
 thia, Methodio Olympi Lyciæ episcopis, quo-
 rum ille respōdebat nefas esse contumelia pri-
 dem mortuos, & bene requiescētes afficere, &
 veterum scripta temere reprobare & abiicere,
 hic etiam Origenem initio multū insectatus,
 postea pœnitens virum mirabatur, & Athana-
 sij testimonio defendebat. Diuus autem Chry-
 sostomus, & Theophili literis, & Epiphaniij lin-
 gua in Origenis librorum damnationem sub-
 scribere, & ab eiusdem lectione abstinere, &
 coacto concilio idem secum decernere moni-
 tus, alioqui cum eis communionem non habi-
 turus, Id facere recusauit, dicens nihil ante ca-
 tholicam cognitionem temere ac petulanter
 tale faciendum. Obtinuit tamē factio Chryso-
 stomo aduersa, subornato Epiphanio, qui cele-
 brata in Apostolorū Ecclesia Synaxi, prodiens
 corā omni populo Origenis libros dānauit, &

stomi inimi-
cus.

D. Epipha-
nium vir sim-
plex à Theo-
philo circum-
uentus.

D. Chryso-
stomus Ori-
geni aquus.

Epiphanius
Origenis li-
brs dānat.

*Origenis li-
bri similes
prato omnis
generis flori-
bus ornato.*

Dioscorum, Chrysostomumque cum sequaci-
bus velut Origenis defensores abdicauit & pro-
scidit. At verò malign⁹ huius interdicti autor &
tumultus incētor Theophilus tanto post odio
maiore flagrauit, quòd Origenicis rursus legen-
dis incumbere non vereretur, & interrogatus,
cur quæ antè reiecerat, iterum amplecteretur,
sic respondit, Origenis libros similes esse prato
omnis generis floribus ornato, quicquid ergo
boni inuenio, id excerpo, si quid contrà spino-
sum occurrerit, id quasi aculeatum sit & pun-
gat, omitto. hæc, ait, non considerans Salomo-
nis verbum dicentis, Sapiētum verba esse bouū
stimulis similia, Ecclesiastæ 12. nec debere ad-
uersum ea illos recalcitrare, qui theorematibus
eorum punguntur. Ob hanc ergo causam me-
ritò ab omnibus reprehendebatur Theophi-
lus. Atque hæc est grandis huius tragædiæ epi-
tome brevis & succincta, ex Ecclesiasticis histo-
riis, Tripartita lib. 10. ca. 10. 11. 12. 14. Socrat. lib.
6. ca. 7. 9. 10. 12. 13. 14. 17. Sòzomen. lib. 8. cap.
11. 12. 14. Nicephori lib. 13. ca. 10. 12. 13. Chryso-
stomi vitæ scriptoribus Georgio Alexandrino,
Simeone Metaphrasta, Leone Imp. Addit Zo-
naras tom. 3. Annalium, Atticum Patriarcham
Chrysostomi nomen in Ecclesiæ commenta-
rios retulisse, prius non inscriptum. Nam reli-
giosissimus ille Pater, Origenista & vocabatur
& habebatur. Necdum tamen finis, donec Vi-
gilio Papa, & Iustiniano Cæsare Synodus V.
œcumenica, supplicatibus idem Hierosolymæ
Mona-

*Chrysostom⁹
Origenista
vocalus.*

monachis & Episcopo, multis anathematismis & vociferationib⁹ impia & absurda Origenis dogmata damnauit, quę extant apud eundem Nicephorum lib. 17. ca. 27. 28. Et in eius concilij actione 4. ca. 11. Liberati quoque Breuiario ca. 23. & Martini I. Synodico aduersus Monothelitas decreto 18. Damnatus itaque est & mortuus non semel, ac etiamnum olim viuens, nec eius tamen omnia damnata, vel interdicta. Quin Gelasius I. pōtifex Rom. In ca. S. R. E. Dist. 15. Canonicoꝝ & Apocryphoꝝ catalogum texens, Cūm hæc (inquit) ad catholicorum manus peruenerint, B. Pauli sentētia præcedat, Omnia probate, quod bonum est, tenete, inter quę nonnulla Origenis opuscula, quę B. Hieronymus non repudiat, legenda suscipimus, cætera cum autore renuimus. Sed & in eiusdem schismatici licet laudibus & excusatione, librum Eusebius Cæsariensis conscripserit (& hic Hieronymo in Ruffinū teste, apertissim⁹ Arianæ factionis & impietatis propugnator & signifer) propter singularem tamen rerum quę ad instructionē pertinent, notitiam, vsquequaque non renuimus eius historiam & Chronicon. Sed durior multò fuit de utroque, Origene inquam, & huius interprete Ruffino, Anastasii Rom. episcopi: ante Gelasiū centum plus minus annis sententia, Sic enim ad Hierosolymorū episcopum scripsit, Quī vrbs nostrę populis Originica transferendo patefecit, quandam menti-

Origenis
opuscula
quandam
sententia.

Anastasi
Rom. episcopi
sententia
de Origene.

bus nebulam iniectam excitans, fidem Apostolicam maiorem traditione firmatam, velut deuiis anfractibus voluit dissoluere, quid enim agat hæc in Romanam linguam translatio? Approbo si autorem accusat, & execrandum populi prodit, ut iustis tandem odiis teneatur, quem iamdudum fama constrinxerat, Sin interpretes tantorum malorum erroribus consensum præstat, & legenda impia dogmata in populos prodit, nihil aliud operis sui labore extruxit, nisi ut propriæ mentis arbitrio, hæc solam primamque apud Catholicos Christianos fidem ab Apostolis ad præsens usque tempus obseruatam, inopinatæ assertionis titulo euerteret. Absit hæc ab ecclesia Rom. disciplina nequaquam catholica, Nunquam profectò eueniet ut vlla ratione admittamus, quæ iure meritòque damnamus. Accipere nos omnino non possumus quæ Ecclesiam maculât, probatos mores evertunt, circumstantium aures vulnerât, iras, iurgia, dissensionésque disponunt, mihi sanè cura non deerit, ne qua profanæ interpretationis origo subrepens, deuotas mentes immissa sui caligine labefacter, Vnde quod euenisse gaudeo tacere non potui, beatissimorum principum manasse responsa, quibus vnusquisque Deo seruiens ab Origenis lectione reuocatur; quorumque sententia damnandus est, quem profana rerum lectio prodiderit. Omni autè suspitione seposita Ruffinum scito propria mente in Latinum Origenica transtulisse,

*Eccles. Rom.
disciplina.*

probauissēque, ei non dissimilem, qui alienis
 vitiis assensum præstat, ac proinde à nostris ita
 partibus alienum, vt vbi sit, quid agat, nescire
 cupiamus, Viderit à quo absolui possit, & qua-
 liter apud diuinam Maiestatem, quam consciē-
 tiæ suæ habet arbitram, integræ deuotionis
 officio approbare debeat, hæc ille. Inter Hie-
 ronymi opera, in tomis sanè Conciliaribus nō
 occurrūt nec principum aduersus Origenico-
 rum lectionem edicta. Hæc plurima ex parte
 D. Hieronymus occasione scriptorū, quæ tunc
 multo multis erant in pretio, Origenicorum
 de vsu legendorum, ac etiam vertèdorum hæ-
 reticorum, qui etiam libros aliquot à Paulo
 concordienſi, commodatò petens, simul, in-
 quit, & epistolas Nouatiani, vt dum schismati-
 ci hominis venena cognoscimus libentius S.
 Martyris Cypriani bibamus antidotum. Tan-
 tus tamen hæreseos & hæreticorum mastyx,
 vt sanctè se iaëtet hæreticis numquam peper-
 cisse, & omni se egisse studio, vt hostes eccle-
 siæ, mei (ait) quoque hostes fierent, in proœ-
 mio aduersus Pelagianos, & contra Vigilan-
 tium, sēque ab adolescētia nunquam alicuius
 autoritate deterritum, hæreticæ prauitati ac-
 quiescisse, Vir inquam, si quis vnquam alius,
 qui iuxta Domini in se credentibus ptomissa,
 Marc. 16. si quid mortiferum bibit, non ei no-
 cuit, hoc est Eusebio Emisſeno interprete, pa-
 ganorum & hæreticorum libros legens, ama-
 ra & venenosa conuitia sibi suisque similibus

D Hierony
 mi laus ab
 omni hærese
 alienissimè

*Hereticorū
libros, qui le-
gere possint
inculpate.*

Simile.

ecclesiæ sanctæ filiis, illata sæpe audiens, surda
aure transiens pro nihilo duxit. Cuius & illud
ad rem facit, quod in Salomonē scripsit (si eius
modò sunt in proueria commentarii, ad cap.
6. Vt hominis in sinu ignem habentis vestes
non ardere, super prunas ambulantis plantæ
non possunt nō comburi: sic homo ad mulie-
rem proximi ingressus, eamque tangens, mun-
dus non erit, Soli (air) ei conceditur hæretico-
rū libros legere, qui adeo in fide catholica so-
lidatus est, vt verborum dulcedine vel astutia
nequeat ab ea segregari. Gloriat in Gētilis
Chrysostomus, de summa fidei & religionis
nostræ securitate, cui adeo nihil ex aduersario-
rum libris immincat periculi, vt etiam quidā
nostrorum cura sint asseruati, alioqui perituri.
Sic enim cōcionatur in S. Babylam, de philo-
sophorum & rhetorum libris aduersum nos
scriptis, sicubi saluus aliquis comperiatur, hūc
apud Christianos asseruari inuenias, tantum
abest, vt ab illorum in nos insidiis detrimen-
tum aliquod suspicemur. Nec enim si adaman-
tina & immortalia nobis inessent corpora,
scorprios, serpentes, ignem manibus constri-
ngentes timeremus, sic neque vbi animas no-
stras, fidemque in nobis tantam Christus sta-
biliuit, hostium nostrorum venenis impetiti
timemus: Nam si nobis concessum est super
scorprios & serpentes, & omnem Diaboli ty-
rannidē ambulare Luc. 10. multo magis super
vermes & scarabecos: horum enim librorum

ab aduersariis Religionis nostræ conscripto-
 rum nocumētum tali interuallo dissidet, si eos
 compares cum mali dæmonis in nos insidiis,
 Hæc, interprete Brixio, Chrysostomus. Qui *Chrysostomus*
 adeo idem de hæreticorū quod de gentiliū *in exilium a*
 libris sensit, vt exilij multam & causam fuisse *etiam quod O*
 antea audierimus, quod aliquot episcopis li- *rigenis dam-*
 bros Origenis damnātibus subscribere nolue- *nationi sub-*
 rit, Quod tamen negotium optimo cuique cū *scribere no-*
 Chrysostomo displicebat: Nam præter ante *luit.*
 citatum S. Theotimum Scytharū episcopum, *Theophilus*
 nec Theophilus quidem Alexandrinus eiusdē *episcopus O*
 dānationis autor Origenis lectione abstinuit, *rigeni mi-*
 quasi (quod minimè decet, & lex vetat. Leuit. *quor.*
 Deut. 25) Domi habens pondus & pondus, &
 quod aliis licere nolebat, sibi permittens. Vt
 ergo nostrum est à damnoſis & pernicioſis
 libris, quasi venenosis simpliciores dehortari
 & arcere: sic parum fidei nostræ honorificum
 fortè fuerit, sicubi adeo trepidetur, vbi minus
 trepidandum fiet, quasi saluis vllis huiusmodi
 scriptis salua illa esse omnino nequeat: & ca-
 uendū, vt quod de quibusdam præ fidei nostræ
 certitudine conseruatis, adeoque pro eadē cō-
 seruādis, Ecclesiæ gloriosum esse censuit & cō-
 suluſit D. Chrysostomus, nos cōtrā immodico
 magis zelo quā sciētia obscurem⁹, & vt apud
 exteros & infideles malè audiamus, nobis ipsi
 autores simus. Nam cum tā multa minus di-
 gna in aliquibus Christianorum non modò
 scholis, sed templis quoque legantur, canātur,

*Apocrypha
leguntur &
sanantur.*

& patienter audiantur. quæ olim iam fuit, ac etiamnum est Ecclesiæ non tantum hostium exprobratio, sed & filiorum querimonia, vt de Apocryphis monuimus, hoc est, à sanctis ante nos patribus actum egimus. Digressionum lib. 1. cap. 11. & rursus Digressionem 21. in 2. ad Timoth. cumque nec ita pessimos inter impudicissimos, obscœnissimos, maximèque blasphemos libros nec sic sæuiatur. curandum nobis rursus est, vt ne in scrutandis, tollendis & abolendis aduersariorum scriptis priuati se aliquid odii & affectus immisceat, sed magis fidei zelus à spiritu Christi & Ecclesiæ mente siue intentione profectus, oculis tum suggerentium, tum iudicantium obuersetur. Iuxta superiorem hæc


*Henrici II.
Regis christiani
studium
& editum.*


ecclesiasticorum canonum & conciliorum Regulam, & pastorum atque Doctorum sententiam, Rex & princeps noster Hæricus II. quantumlibet alioqui de tam multis in hodierno schismate scriptis à ditione sua exterminandis arcendisq; sollicitus, disertè tamen eos excepit homines ab interdictis scriptorum huiusmodi, qui prout habet ratio, & iuxta constitutiones canonicas, possunt atque debent libros de hæresi suspectos habere, nimirum quos videant, impugnent, improbent suis in concionibus, prælectionibus, & vbicunque locorum opus fuerit, Sic enim habet VII. articulus: editi anno 1551. Qui etiam, vt nobis sunt, prout & semper fuerunt, sicut domus quodam Israël. 3. Reg. 20. sic Franciæ, adeoque Valesiæ

*Hæreticorum
libros habere
qui possunt.*

Reges sanequam clementes, nedum æqui at-
que iusti, edicti eiusdem articulo. XIII. quia
frequenter reperire est in auctionariis demor-
tuorum tabulis codices huiusmodi suspectos,
& proinde prohibitos, ut vetuit repertos, nisi
prius à peritis & deputatis visitatos vñum
exponi, aut distrahi. Ita noluit defunctorum
memoriã eius rei ergo reã agi aut peragi, siue
condemnari: Pars porro huius argumenti al-
tera nobis tractanda supererat, super hæreticis
videlicet tum libris, tum hominibus etiam eli-
minandis, sed præterquam hic iã commenta-
rius, quàm ab initio sperare auctior est, & ex-
cludunt instantes operæ. Non omnia, inquit
ille, possumus omnes, & quãtillum possumus,
non omni statim tempore possumus: partem
eius quod reliquum est, alteram cū per otium
licebit, colligemus, alterum super Legibus &
pœnis per Christianos principes aduersus læsi
Christianismi reos latis & sancitis, promptam
præsentemque habemus, & quidẽ vernaculã,
hoc eam anno daturi tibi, lector optime, si
quidem nobis Deus dederit. Lutetiz, ex ædi-
bus Rhæmæis, pridie Pentecostes, XVII. Iun.
Anno D. 1567.

*Reges Fran-
cia ut Israe-
lis clementes.*







3. B. 2.

